




四庫全書存目叢書編纂委員會編

齊魯書社

# 四庫全書存目叢書


集部  
第三一六冊





責任編輯：孫言誠 賀 偉

ISBN 7-5333-0615-5



9 787533 306151 >

E1329/01

# 四庫全書存目叢書·集部三一六

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 50.875 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

# 集部第三一六冊目次

## 集部·總集類

唐詩類苑二百卷(一)

〔明〕張之象編  
北京大學圖書館藏明萬曆二十九年曹仁孫刻本

.....

—

唐詩類苑二百卷（一）

〔明〕張之象編

北京大學圖書館藏明萬曆二十九年曹仁

孫刻本

唐詩類苑序

詩有類何始乎始自三百篇三百篇以國類降此為昭明氏文選以體類又下為有宋文苑英華始以事類以事類者零星小便非全犧純駟矣學者何取乎取其給青廂之薈叢而資錦囊之咄嗟便於初機云爾雲間張玄超先生淹通

宏博寢食於唐詩中窮蒐  
有年分部類之積至二百  
卷名曰唐詩類苑先生沒  
久之浙人卓漱父偶得其  
藁乃割初盛唐梓之自為

名而掩先生勞里中叔朗  
王君慨然謂泳河尋源宜  
敦始事且中晚亦一代制  
作寧容榛櫟棄也取先生  
原藁請於錫山尹趙公肖

鶴公讀而多先生勞謀以  
月俸佐剞劂會曹伯安雅  
志好古請任其役因為訂  
疑誤刪重複補遺漏以付  
諸梓人踰年而工始竣則

以命不佞為之序不佞嘗  
謂人生含一吹萬吐為聲  
氣與大塊噫氣相為填篳  
雖工拙由稟而隆汙乘代  
虞夏以前無論已商周之



詩至戰國而晦蝕漢興始振之漢魏之詩至六朝而波蕩唐興復振之譚者每曰三百篇猶崑崙漢魏六朝猶龍門積石唐猶溟渤

尾閭等世次而通下之則于今日遂為金鱗象渚之支流乎是何軒輊古今之若是愚謂詩至于唐緣情倚靡之功始為大備猶服

之有九章食之有八珍酒之有五齊豈可執茹毛衣皮袍樽坏飲以謂其失古耶夫三百篇非以字句古也貴在旨溫厚而聲不上

漢魏非以聲律高也貴在氣渾厖而調不下唐人之妙在能不失三百篇之旨而務完漢魏之氣且又藻潤以晉宋之賸馥梁陳之

餘妍故作者雲合愈出愈  
變愈變愈奇抑之沉九淵  
而不卑揚之亘九天而不  
亢神情俱際氣貌並玄至  
於歌行律絕暢古開今即

唐詩類苑

序

六

使屈宋操觚蘇李授簡能  
掩其秀而奪其色乎然而  
初盛中晚區分域別故以  
古律唐則工拙難見以唐  
律唐則盛衰可言大都初

盛以氣馭情情暢而氣愈  
完中晚以情役思思苦而  
氣彌衰要之朝陽暮霞春  
卉寒英咸各有致寧容植  
本而捐枝舉首而遺尾此

唐詩類苑

序

七

玄超先生所以類其全也  
或謂伯安賢者識其大不  
識其小務其本不務其末  
夫求唐人所未道者而稱  
之譬鑿石求奇傷其天趣

求唐人所已道者而擬之  
譬踏沙尋武失其故步吾  
恐是編也采獲者以為筐  
廩而神明者以為糟粕不  
其贅與曰不然詩主性情

唐詩類苑

序

八

性操於中有節而情寓於  
物無窮孔子學詩雖取興  
觀群怨而不廢多識鳥獸  
草木之名由鳥獸草木而  
廣之其類何可勝舉貴太

素者之不廢九章也食太  
牢者之不廢八珍也奠玄  
酒者之不廢五齊也此玄  
超類唐苑之意也



問龍齋居士馮時可元

唐詩類苑

序

九

成甫撰



刻唐詩類苑序

嶺南趙應元撰

不佞從長安中得唐詩類苑於友人王辟朗、家雲間此書蓋其鄉張王屋先生所纂輯也張先生淹通該洽號以東人士別爰藏書甚富不減其家司空生平多所撰述幾於汗牛充棟此編尤其沈精彈力而成淵泓浩瀚蒐羅靡遺有唐四系風雅盡在是矣後不佞溫學多錫令簿書之暇披覽未嘗去手而會今初部

唐詩類苑

序

十一

郎吳公曲羅時方司理鎮江見之

而喜謂不佞宜亟錄以公執林壑得秘之帳中耶不佞惟以計將取諸贖鍰既不可割諸不耳又不勝素何為此書流布乃邑中有綴文之士伯安曹君欣然請以梨人棗人為任遂出篋中副墨與之二名流各秉校讎之政而重摭則在叔朗一人訂其訛正其舛潤其於芟蕪其餘糅混諸魯魚帝角之謬削除殆盡而後付之剞劂凡不易伏臘役將

唐詩類苑

序

十二



告竣不佞遠拜虞衡之命治張北  
征伯安君來問序曰不得一言弁  
首簡惡知纂輯者苦心校讎書  
勞神耶不佞謝不獲則僭言曰  
是編也詩逾數萬人逾數千自  
覆載派峙禮樂文章宮殿苑  
囿以美器食物百工技藝天喬蠕  
動之屬黃屋朱門纓簪韋布羽  
人衲子閨秀女剝儒鬼戎夷之流  
洪纖品列幽顯胥公無不成歸網  
羅悉經詮次類則甲乙兼收苑則  
妍媸不擇張先生取數百家之言

唐詩類苑

序

十二

積二十餘載之力而始成其序又採  
殘碑斷簡魚蟲鼠啮之遺碑  
聚而廣補之於是唐人之詩更  
字不漏片言盡收詎不洋洋乎風  
乎鼓吹綦隆黼黻至化備一代之大  
雅垂千祀之鴻烈博矣哉博則其  
其不約將焉為稱詩者病與仲  
尼不亡乎詩三百一言以蔽之夫以  
一言而可蔽三百欲求約於類苑  
者思過半矣嗟乎公路揚鹽城  
門一軌舍棧登岸棧則何有自若  
師心匠意者在神解而不可言傳

唐詩類苑

序

十三

能自得之而已聞先生為事之時  
語其子為孫曰使後世有子雲  
是書不廢孰者吾目瞑矣乃今  
司理公之德總伯安君之綜校  
朗及諸君之勘定不佞今樂觀  
成匪直瞑先生於九原且也公奇

唐詩類苑

不序

十四

書於九域不揣益陋托蕪詞為  
嘯矣多玄晏之父請俟甯代騷  
壇牛耳非不佞所敢任也

萬曆辛丑十月廿七日序

太原王穉登書

王屋先生傳

先生張氏之象名字月鹿一字玄超  
別號王屋人稱王屋先生大父湖廣  
叅議堂父京兆鳴謙暨從父博野令  
鳴岐父子弟弟簪冕蟬聯先生生而  
明惠甫醫治博士家言類古文辭曹  
耦辟易謂是烏衣郎也而雕龍乎哉

唐詩類苑

傳

十五

終挾風雷變化耳亡何而困於諸生  
棄之遊成均屢試復不第廼仰天嘆  
曰命夫彼蒼能厄我浮榮詎能厄我  
千古業今者甘為蠹魚生死文字間  
悉取青箱所遺羣籍鍵門杜旦莫闕  
覽恒手一編吾伊有得即家務左右  
勢起不顧雖飄零亂離時孤舟旅舍

靡非縹緗相帙也自是才老而學益  
廣達：溢於骨髓而散於毫翰文則  
閱深奧衍其東西京之具體而有韻  
之文則冲澹爾雅依俦晉魏遺響我  
至於撫菁英剖疑義摩研編削而成  
者傳之藝林紙貴洛陽此先生平生  
所樹大業已足不朽而以抑厭故寧

唐詩類苑

傳

六

丘壑老矣晚而為客勸駕一冠進賢  
作隱吏非所好也當是時徐文貞為  
相或風先生通以華牘可當相如子  
虛得遇漢帝便待詔承明矣先生曰  
吾否相國方與天下更始烏可局影  
干五斗令中外謂黃閣有私謝弗往  
出為浙之藩幕比之官廩而斷諸監

司長吏雅知先生才獄有疑者屬之  
使決多平反而屠氏二女寃始白監  
司長吏率多先生吏能匪直詞藻已  
也而與之結文酒驩不數以簿書溷  
先生因得以其暇葛巾藜杖與一二  
閑士酣歌嘯傲窮三竺六橋表裏之  
勝儔：乎方外遊也風流不減坡公

唐詩類苑

傳

七

矣居無幾會直指使者操下暴酷罔  
弗震懼先生性不能作鉤繩異態以  
凌媚人心忽：不憚一日命酒孤山  
弔和靖之墓酒半呼童子以吳聲歌  
陶令歸去辭於放鶴亭遂拂衣歸故  
里不堪囂埃乃卜築秀林山麓聚書  
萬餘卷充牣其中用以自娛學者聞

之如宛委然而問字之踵相接其地  
有松寮竹所菊徑蓴湖桃源柳陌梅  
嶺杏壇鹿窩鶴館石榻窪樽梁銘李  
篆又有枕烟亭御風臺夜月潭春雲  
洞振衣岡勒駕闕鐵硯齋丹砂井椒  
蘭室紫翠房攬秀閣飛仙橋四賢祠  
八咏碑叢桂林採蓮徑狎鷗渚放鶴

唐詩類苑

傳

六

灘諸名蹟先生各為標咏可方我家  
右丞輞川諸什也日坐山齋焚香隱  
几肆力著述剝啄不磨間與知己唱  
酬彈射而所著益饒有剪綵翔鴻聽  
鶯避暑題橋倚蘭擊轅佩劍林棲隱  
僊秀林諸草所輯有詩學指南韻學  
統宗韻苑連珠楚語楚範楚林楚翼

賦林七萃羣書異同太史史例史記

發微新舊註鹽鐵論唐雅回文類聚

詩紀類林等集每遊戲而為法書則

縱筆如飛妍媚娟秀摹臨古點居然

優孟先生既荷重名海內賢達皆以

為東南之寶欣得一遘無不顧交也

者若金陵顧華玉許仲昭吳門蔡九

唐詩類苑

傳

九

達文徵仲王履吉同郡徐伯臣何元

朗何叔昆莫子良董子元朱邦憲吳

興茅順甫濟南馮汝言東粵歐楨伯

黎惟敬諸公並以文采鴈行與先生

遊爭相下也而推之壇坫之上四明

豐存禮氣豪而少可讀先生文咄：

怪曰中原有老豐那得復有此子邪



子愿魯軼才也意先生古人矣持斧至吳物色之驚喜尚在授買山錢若干其為世傾慕如此盖先生為人貌侵若不勝衣而褊身孝友重名教親俗之諂附煇熱者恚而反傳咸意著叩頭蟲賦見後雋稱詩者大都謬古而師今作談藝篇右族董氏其宗英

唐詩類苑

傳

二

貴而褊衷與支屬有郤尋以蜚語致之訟易為張姓先生慷慨賦詩云秦庭未省非張祿漢室原知是董生訊者聞而釋焉僉曰詩史常渡渚中流風濤驟作舟人相首失色先生適爾而笑口占一絕有暗想生平何所憾三晨晏起一科頭之句其素心與雅

量可徵已春秋八十顏令君以邑志久殘議修之非張先生不可再聘而出逾年書成先生病力矣其叙事簡核品評卓逸真實錄我萬曆丁亥元日卒子雲門登隆慶庚午鄉薦孫齊顏領萬曆己卯薦以文章著稱能世其業

唐詩類苑


傳

三

叔朗氏曰世惜先生才偉而位不達夫使位可重輕人也彼青蓮少陵之拓落為寒灰已久安得迄今有光燭哉惟作者不托飛馳之勢而擅奇響於後雖身世相棄乎有隄恤仕之煙滅無聞者盖耀之一時與耀之千秋孰愈哉先生有不朽大業在而以

者行率為人士宗不必凌雲始為先生重炳然矣

瑯琊王徹撰并書



唐詩類苑

傳

二十二

唐詩類苑凡例

一詩無類書詩之有類書也自茲刻始蓋玄超先生苦心歷二十餘年而就以漢魏至六朝詩彙為一集以初唐至晚唐詩彙為一集總名之曰詩紀類林茲刻惟唐詩因題曰唐詩類苑而漢魏至六朝者俟讐校完乃授剞劂

一是集始是天文地理次及帝王職官以至禮樂文武人物器用居處技藝草木蟲魚各以類次能令寄身毫素者因類以索詩可無檢閱之勞而燦然寓目矣

唐詩類苑

凡例

廿三

一玄超先生家藏書籍不下張華三十乘而又喜鬻異書博覽以故茲刻所引用書共得二百部而贏其詩共得萬千一百十首而贏其人則帝王公卿下至山林隱逸外而夷狄內而閨秀與夫衲子羽客女冠仙鬼之流凡有吟咏流傳海內者採摭略盡矣儻更有遺書未入集中異同志者續其未備

一是編也各部之中並列其目如日月星河則列之天部郊原村野則列之地部其詩之在各部者又並有其次如天部日詩咏日後繼以早日

初日初日後繼以日出日入日高日午日午後繼以日華川上動白日麗江臯日煖萬年枝於是又次以夏日秋日冬日而日長日落至夕陽始竟矣

一詩人姓名列於題下者以時代爲次若一題二首先初唐而後盛唐若一題四首依初盛中晚次第之如咏日二首先董思恭而後李嶠日午二首先虞世南而後褚亮是也

一詩有往體近體長短篇五七言律等類茲集似混而不分蓋編題旣以類次其體不得復序又

唐詩類苑

凡例

二五

如咏日僅有五言律二首早日僅有五言律一首初日僅有五言排律二首每題且不能備諸體耳

一是集詩逾數萬人至千餘致爲繁富而品裁未及蓋欲盡唐音不得不妍媸並收庶存一代之制作爲千秋大觀耳若其採掇菁英鉤玄提要無妨並美請埃來哲

一樂府詩大都散入別部如玄宗祭汾陰樂章則入水部之汾水太宗飲馬長城窟行則入邊塞部之長城以題與古同而命意則異且有初立

新題者雖皆名爲樂府未可盡被管絃耳

一一題有二意者甲部可收乙部亦可收必先載明於甲部如杜甫之立秋雨院中詩先於天部雨類中載明見禮部省直王維秋夜對雨詩先於天部雨類中載明見歲時部秋庶便觀覽而不必窮搜矣

題下姓名間有未刻者原無考証請俟博古如舊板樂府及文苑英華中抄入者業已先失其名因之亦闕

一詩內間有一二字不填者亦依原本所闕不敢

唐詩類苑

凡例

廿五

妄補

一字畫舊多譌舛如痕俗從良今改從良如壓本作厭暗本作闇並依原本改定諸如此類不可枚舉

一是書也校而後寫旣寫復校而刻旣刻復校而改翻閱數過乃魯魚帝虎終難洗盡昔人謂校書如拂几塵如掃落葉信然海內風雅同調相與訂正之

唐詩類苑引用諸書

虞永興集

魏文貞集

許恭公集

楊懿公集

王子安集

楊盈川集

盧照隣集

駱賓王集

劉希夷集

李巨山集

陳伯玉集

杜審言集

沈雲卿集

宋延清集

蘇許公集

張燕公集

張文獻集

孫舍人集

唐詩類苑引用諸書

孟襄陽集

李翰林集

李進士集

崔司勳集

祖駕部集

崔進士集

王右丞集

儲侍御集

王江寧集

高常侍集

畢侍御集

岑嘉州集

杜工部集

嚴季鷹集

常旰貽集

元次山集

顏魯公集

獨孤司封集

劉隨州集

韋蘇州集

廿六

皇甫參軍集

皇甫侍御集

李丞相集

披沙集

錢考功集

郎拾遺集

包舍人集

包侍郎集

李中臺集

盧戶部集

李司馬集

司空水部集

耿拾遺集

崔學士集

嚴校書集

顧司戶集

戎從事集

李尚書集

于從事集

戴撫州集

唐詩類苑引用諸書

權載之集

武侍郎集

羊資州集

劉賓客集

柳柳州集

韓昌黎集

李清溪集

孟東野集

呂道州集

劉棗強集

張司業集

王司馬集

白氏長慶集

元氏長慶集

李長吉集

盧玉川集

張處士集

朱慶餘集

賈浪仙集

周南卿集

廿七



李義山集	馬龍陽集
杜牧之樊川集	丁卯詩集
項子遷集	溫飛卿集
曹洋州集	劉龍門集
陸魯望集	皮襲美集
松陵集	方玄英集
李從事集	李郎中集
羅隱甲乙集	章進士集
杜荀鶴唐風集	雲臺編
韓翰林集	香奩集
唐詩類苑	引用諸書
沈下賢集	李才江集
韋莊浣花集	曹堯賓集
僧皎然杼山集	國秀集
僧廣宣紅樓集	僧貫休禪月集
篋中集	僧齊己白蓮集
丹陽集	河岳英靈集
搜玉集	中興間氣集
極玄集	又玄集
吹萬集	弘秀集
弘明集	禪藻集

九僧集	衆妙集
麗情集	蘆中集
才調集	唐文粹
觀瀾文選後集	唐百家詩選
唐類編歌詩	唐絕句
唐絕選	唐絕增奇
萬首唐詩絕句	唐音
唐詩正音	唐詩正聲
唐詩遺響	唐詩品彙
唐詩鼓吹	唐詩雜錄
唐詩類苑	引用諸書
唐詩紀事	文苑英華
文章正宗	樂府詩集
文翰類選	三體唐詩
磧砂唐詩	玩鹿亭唐詩抄
唐詩類抄	唐詩類編
歷代類選	十二家唐詩
十二家中唐詩	百家唐詩
劉煦唐詩	二十六家唐詩
唐語林	初學記
唐史遺事	唐書摭言

國史補

唐登科記

明皇傳信記

明皇列錄

明皇雜錄

開元天寶遺事

本事詩

全唐詩話

西陽雜俎

雲溪友議

藝苑雌黃

幽閑鼓吹

西溪叢語

吟窓雜錄

黃御史集

唐詩類苑

引用諸書

三十

唐詩類苑引用諸書

終

四唐年號詩人總目

武德至開元初爲初唐

高祖

武德九年

太宗

貞觀二十三年

高宗

永徽六年

顯慶五年

龍朔三年

麟德二年

乾封二年

總章二年

唐詩類苑

四唐年號

咸亨三年

上元二年

儀鳳三年

調露二年

永隆二年

開耀二年

永淳二年

弘道二年

中宗

嗣聖二十一年

神龍二年

景龍四年

睿宗

景雲二年

太極二年

玄宗

開元二十九年	
開元至大曆爲盛唐	
玄宗	
開元二十九年	天寶十五年
肅宗	
至德二年	乾元二年
上元二年	寶應元年
代宗	
廣德二年	永泰元年
大曆十四年	
唐詩類苑 四唐年號	
大曆至元和長慶爲中唐	
代宗	
大曆十四年	
德宗	
建中四年	興元元年
貞元二十一年	
憲宗	
元和十五年	
穆宗	
長慶四年	

寶曆開成以後爲晚唐	
敬宗	
寶曆二年	
文宗	
太和九年	開成五年
武宗	
會昌六年	
宣宗	
大中十三年	
懿宗	
唐詩類苑 四唐年號	
咸通十四年	
僖宗	
乾符六年	廣明元年
中和四年	光啓三年
文德元年	
昭宗	
龍紀一年	大順二年
景福二年	乾寧四年
光化三年	天德三年
天祐一年	

帝王

太宗皇帝

韓王元嘉

越王貞

高宗皇帝

章懷太子

中宗皇帝

睿宗皇帝

玄宗皇帝

德宗皇帝

文宗皇帝

宣宗皇帝

昭宗皇帝

公卿名士

虞世南

褚亮

魏徵

王珪

竇威

陳叔達

唐詩類苑

詩人總目

三十四

孔紹安

許敬宗

鄭世翼

沈叔安

楊師道

楊希道

顏師古

王勣

陸敬

馬周

袁朗

杜淹

王績

杜正倫

庾抱

于志寧

朱子奢

李義府

薛收

張文恭

岑文本

張錫

令狐德棻

封行高

何仲誼

王宏

蕭至忠

崔日用

褚遂良

劉子真

長孫無忌

李元紘

劉孝孫

閻朝隱

盧懷慎

凌敬

畢乾泰

辛替否

趙中虛

李咸

竇希玠

蕭翼

陸景初

鄭南金

薛元超

于經野

解琬

王德貞

魏瞻

孫佺

楊思玄

李從遠

周利用

鄭義真

楊廉

張景源

董思恭

崔液

張元一

張文琮

唐詩類苑

詩人總目

三十五

劉希夷

鄭遂初

上官儀

王熊

王珣

房融

王勃

張敬忠

楊炯

張紘

李休烈

盧照隣

劉幽求

魏元忠

駱賓王

李夔

司馬承禎

王紹宗

宋璟

梁昇卿

康庭芝

崔禹錫

李嵩

蘇味道

劉昇卿

裴光庭

牛鳳及

崔泰之

崔日用

李嶠

魏奉古	姜皎	薛曜
姜晞	孫處玄	韋承慶
趙謙光	鄭繇	宗楚客
張諤	趙仁獎	喬知之
陳子昂	盧藏用	王適
杜審言	崔融	韋安石
沈佺期	宋之問	蘇瓌
東方虬	王無兢	武三思
郭振	盧崇道	魏知古
李行言	李適	李乂
唐詩類苑 詩人總目 三六		
薛稷	鄭愔	崔湜
吳少微	盧僎	趙彥昭
李景伯	劉憲	徐彥伯
韋元旦	劉廷琦	徐玄之
邢象玉	宋鼎	孫翊
裴耀卿	郭汭	馬懷素
岑羲	徐堅	李迥秀
樊忱	楊庶	王景
李恒	裴漼	趙冬曦
蘇頲	張說	謝偃

楊續	劉垺	蕭德言
陳子良	來濟	劉斌
楊濬	何象	毛明素
李百藥	崔善爲	朱仲晦
閻立本	張文琮	張文收
李敬玄	張大安	劉禕之
郭正一	裴守真	胡元範
任奉古	元萬頃	賀敬
蕭楚材	薛克構	員半千
于季子	徐珣	楊衡
唐詩類苑 詩人總目 三七		
辛常伯	邵大震	杜易簡
張鷟	張楚金	李懷遠
鄭蜀賓	王紹宗	田遊巖
張柬之	郭利正	張易之
張昌宗	李崇嗣	李福業
喬侃	張循之	富嘉謨
高正臣	長孫正隱	崔知賢
王勣	高紹	高球
郎餘令	王茂時	周思鈞
周彥暉	周彥昭	弓嗣初

王訓	吳大江	顏舒	辛弘智	沈宇	唐怡	李播	鄭軌	徐仁友	朱使欣	唐詩類苑	韓思彥	呂太一	閻丘均	張宣明	蕭嵩	嚴識玄	趙彥伯	郭元振	陳嘉言	高嶠
張烜	虞羽客	沈祖仙	權澈	閻德隱	潘求仁	徐之才	劉夷道	劉希戩	薛存感	詩人總目	魏求已	張法	鄭惟忠	袁恕已	蘇綰	章玄同	宋務光	唐遠慙	韓仲宣	劉友賢
張修之	苻子珪	邵士彥	徐安期	劉元叔	常理	蔡瓌	蕭意	楊齊哲	蔡孚	三八	梁知微	賀遂亮	劉懷一	吳兢	司馬逸客	任希古	崔滌	邵昇	高瑾	徐皓

李伯魚	王灣	苗晉卿	萬齊融	賀朝清	李林甫	齊澣	李邕	王丘	唐詩類苑	張嘉貞	王光庭	王翰	宇文融	賀知章	崔日知	程行誼	辛學士	喬備	張琮
尹忭	陰行先	右初唐人	楊重玄	許景先	韋述	孫逖	張九齡	武平一	詩人總目	盧從愿	袁暉	胡皓	韓休	賈曾	李如璧	褚琬	源乾曜	庾光先	郭恭
庫狄履溫	包融		徐鼎	豆盧田	洪子與	韋濟	李昂	徐安貞	三九	崔翹	徐知仁	崔尚	席豫	蘇晉	姚崇	韋嗣立	陸堅	王易從	梁獻

崔成甫	李昂	崔珪
冠坦	徐延壽	苑咸
孟浩然	敬括	張垠
房瑒	張子容	鄭虔
蘇源明	蔡希周	史俊
賀朝	李元操	蔡希寂
薛令之	張諲	張若虛
張南容	李白	薛維翰
崔亘	魏萬	王冷然
崔宗之	崔興宗	慕容承
唐詩類苑 詩人總目 四十一		
李璿	柳識	盧鴻
李適之	高力士	李休烈
高霽	李頎	息夫牧
李嘉祐	萬楚	任華
張旭	崔顥	鄒象先
陶翰	解彥融	祖咏
崔曙	梁知微	劉昶虛
萬齊融	薛據	崔頌
李嶷	蘇廣文	尉遲斥
崔國輔	王諲	陳希烈

基母潛	李之芳	陶岵
盧象	周萬	孟彥深
李清	顧朝陽	閻防
崔惠童	王維	崔敏童
劉晏	楊浚	劉壽
楊賁	李愷	張陵
李陽水	儲光羲	蘇漢
王昌齡	蕭昕	褚朝陽
閻丘曉	趙驛	賈邕
沈如筠	劉丹	張孫鑄
唐詩類苑 詩人總目 四十二		
丁仙芝	鄭愕	殷少野
殷遥	鄒載	張濯
談戴	李希仲	鄭錫
王之渙	李揆	劉方平
吳象之	常袞	田澄
鄭審	劉長川	竇叔向
梁鎰	蔣渙	陳蛻
韋元甫	孫昌胤	杜奕
蕭華	沈東美	許宣平
宋昱	張翥然	裴迪

樓穎	趙驛	周瑀	王岳靈	蔣冽	奚賈	獨孤及	孟雲卿	楊諫	張僈	沈頌	元季川	張潮	沈千運	王縉	元結	張謂	杜甫	賀蘭進明	丘爲
李收	王若畧	郭受	楊顏	解彥融	李康成	鮑防	顏真卿	韋鑑	張軫	劉復	劉復	薛業	于逖	蕭穎士	張均	王季友	嚴武	畢耀	賈至
薛奇童	芮挺章	張暈	喬琳	金昌緒	徐浩	張志和	楊志堅	胡衡	林焜	沈微	鄭德玄	張彪	趙微明	李華	韋迢	常建	張巡	岑參	高適

右盛唐人	張光朝	杜頤	張漸	許瑤	荆叔	史青	李遐周	李暇	李章	馮待徵	殷寅	程彌綸	朱斌	張鼎	郭良	王喬	黃麟	趙良器	閻寬
梁鉉	唐暉	宋華	李叔卿	寇泚	楊達	朱琳	賈彥章	李澄之	王沈	冷朝光	李岑	梁洽	鄭紹	徐九臯	郭向	杜儼	常非月	屈同仙	張萬頃
			王廻	邢巨	竇冀	熊曜	蔡文恭	趙起	王偃	衛萬	張松齡	王美門	張良璞	梁德裕	樊晃	孫欣	荆冬倩	豆盧復	范朝



盧綸	嚴公胤	葉季長	千尹躬	崔琮	張莒	鄭顥	潘孟陽	崔邠	楊於陵	唐詩類苑	韋處厚	寶群	戴叔倫	高拯	皇甫曾	皇甫冉	秦系	馮著	韋應物	劉長卿
李端	竇叔向	嚴公弼	包佶	包何	李泌	韓濬	武少儀	馮伉	許孟容	詩人總目	張鴻	郭郎	苗發	朱彬	薛伯紆	柳彬	古之奇	孫叔向	李紆	韓泚
獨孤授	楊炎	李吉甫	顏粲	李竦	張叔良	王濯	朱放	韓翃	張起	四	莊若訥	陳季	郎士元	錢起	楊郾伯	李彥遠	李穆	胡令能	李幼卿	柳渾

吳棊	李諒	杜誦	丘丹	陳存	王季則	陸復禮	李正封	衛象	顧况	唐詩類苑	張繼	常袞	章八元	令狐峘	嚴維	崔峒	耿緯	司空曙	吉中孚	李季何
段洪古	舒元興	侯喜	朱畫	戎昱	冷朝陽	叔孫玄觀	長孫翱	馬異	陳潤	詩人總目	沈傳師	崔玄亮	裴交泰	黎建	彭伉	劉叉	李翱	樊宗師	韋同則	李應
張南史	劉太真	蔣防	許康佐	張蕭遠	王公亮	陸鴻漸	崔護	張登	韋式	五	封孟紳	牛僧孺	劉阜	閻濟美	袁高	王嚴正	魏信陵	李道昌	史延	盧拱

邵真	何元上	張衆父
崔膺	李宣遠	鄭常
崔立之	朱長文	鄭遷
王良會	徐嶷	柳公綽
張正一	衛葉	徐放
崔備	吳鞏	韋丹
鄭俞	余延壽	杜元穎
吳丹	崔子尚	鄭餘慶
趙宗儒	李益	周引亮
王璿	于鵠	周庠物
唐詩類苑 詩人總目 四六		
許攻	暢當	劉猛
李餘	姚倫	劉昭禹
嚴休復	姚係	劉軻
獨孤鉉	李希仲	張燦
楊虞卿	于良史	楊汝士
謝良輔	崔元翰	鄭槩
陳元初	劉商	呂渭
范灯	宋濟	樊珣
劉蕃	柳談	賈弁
沈仲昌	滕珣	李祐

李播	呂牧	鄭還古
竇參	裴航	呂群
朱灣	韋渠牟	盧宗回
長孫佐輔	皇甫徹	胡果
楊憑	吉叟	劉真
楊凌	鄭攄	盧貞
張渾	蔡京	陸贄
郭周藩	何扶	周存
鄭瀚	廖有方	常沂
賈耽	李肇	裴達
唐詩類苑 詩人總目 四七		
姚向	段文昌	丁位
溫會	李敬伯	張昔
姚康	張元正	張季畧
楊嗣復	張濛	楊厚
王觀	楊衡	侯列
崔瑕	權德輿	楊敬之
房千里	武元衡	符載
王彥威	盧景亮	繁知一
楊洵美	鄭綯	崔涯
喬琳	李真	李敬方

羊士諤	李章武	賀蘭朋古
張仲素	張洪靖	雍裕之
袁不約	李郭	竇常
顧非熊	陳標	竇牟
竇庠	竇鞏	王表
令狐楚	劉禹錫	李赤
李逢吉	柳宗元	韓愈
李觀	李約	楊巨源
李涉	薛存誠	孟簡
王良士	陸暢	宋迥
唐詩類苑 詩人總目 四八		
韋紆	孟郊	陸長源
呂溫	陳羽	劉言史
張籍	王建	歐陽詹
白居易	元稹	李賀
盧仝	王涯	胡証
裴度	皇甫湜	馮宿
范傳正	夏方慶	陳通方
許堯佐	李君房	鮑溶
趙蕃	沈亞之	張嗣初
滕邁	張碧	吳武陵

李德裕	李紳	焦郁
白行簡	殷堯藩	張祐
鄭丹	朱慶餘	施肩吾
徐凝	王初	賈島
姚合	周賀	李程
喬弁	鄭蕢	
右中唐人		
李商隱	王季文	柳公權
杜牧	楊乘	裴休
許渾	徐商	陸希聲
唐詩類苑 詩人總目 四九		
厲玄	盧真	裴思謨
鍾輅	封敖	鄭熏
韋渙	陳上	喻覓
陳彥博	李景遜	李遠
康球	白敏中	雍陶
魏扶	馬桓	劉得仁
崔鉉	裴潁	姚鵠
李肱	趙璜	馬戴
柴夔	夏鴻	薛逢
曹汾	楊鴻	趙嘏

易重	王銑	薛能
于興宗	李朋	孟遲
李汶儒	薛蒙	項斯
李鄴	于瓌	陳陶
王嚴	劉駢	朱景玄
李渥	劉璐	段成式
盧侑	李績	溫庭筠
盧求	田章	紀唐夫
高璩	牛微	李頻
陸茶	劉綺莊	于武陵
唐詩類苑 詩人總目 五十一		
鄭顥	周墀	韓琮
王起	盧肇	李群玉
丁陵	高退之	李郢
孟球	劉耕	司馬禮
裴翻	樊驤	劉駕
崔軫	胸希逸	杜荀鶴
林滋	李宜古	儲嗣宗
黃頗	張道符	曹鄴
石貴	丘上卿	崔珣
李潛	孟宁	劉滄

尤牟	唐思言	武瓘
王甚夷	金厚載	陸龜蒙
鄭畧	李彙征	張賁
劉威	譚錫	聶夷中
郭夔	鄭洪業	于湊
祝元膺	韋承貽	邵謁
鄭史	方干	溫庭皓
韋蟾	李山甫	曹唐
李昌符	霍總	盧尚卿
周繇	褚載	汪遵
唐詩類苑 詩人總目 五十一		
許棠	盧渥	李訥
來鵬	崔元範	楊知至
胡曾	盧鄴	封彦卿
公乘億	高湘	李明遠
楊夔	郭圓	李節
張喬	孫緯	崔澹
周朴	賈馳	劉象
唐彥謙	李搏	高駢
羅紹威	司空圖	朱邕
李拯	裴君	羅隱

孫郃	羅鄴	秦韜王
鄭準	胡駢	崔魯
于鄴	路德延	崔塗
翁承贊	顏宣	章碣
李穀	司馬都	高蟾
鄭璧	崔璞	鄭谷
魏朴	皮日休	曹松
崔璐	袁郊	吳融
盧延讓	張爲	韓偓
孫榮	王鐸	李洞
唐詩類苑 詩人總目 五十三		
鄭榮	平曾	崔道融
馮洎	盧嗣立	王駕
李質	姚岩傑	陸扆
盧駢	崔安潛	韋莊
嚴憚	王渙	張蠙
翁綬	戴司顏	王貞白
孫定	趙牧	裴說
鄭愚	王鐔	陳淑
李嶠	任翻	袁皓
李濤	薛瑩	王祝

劉谷	江爲	李昌穀
王綽	張泌	高衢
張綺	李建勳	韋冰
鄭合敬	孫光憲	程賀
裴鏘	廖匡圖	張道古
許鼎	張孜	李京
陳詠	顧雲	伍唐珪
李旭	李昭象	蔣貽恭
沈彬	楊文珪	狄歸昌
裴徹	許邺	孫魴
唐詩類苑 詩人總目 五十三		
黃滔	盧携	孫蜀
王易簡	羅虬	牛嶠
鄭雲叟	任燾	崔庸
伊璠	劉魯風	韓定辭
右晚唐人		
有姓氏無世次者		
暢諸	房白	元晟
劉太冲	姚發	朱絳
元慄	張元宗	杜羔
柳中庸	丁澤	張建封

嚴廊	胡玢	韓垂	潘成	鄭岫	裴虔餘	劉虛白	陸纏	韓察	盧激	唐詩類苑	韋楚老	周元範	王智興	韋表微	王繼熊	宋雍	崔季卿	章阜	明幽貞	張又新
盧發	楊淑	盧休	胡駢	衛準	鄭仁表	周祚	高銖	崔恭	滕倪	詩人總目	柳棠	李元範	南卓	羅弘信	蕭祐	崔樞	薛書記	劉闢	張傑	徐牧
錢翊	王璘	劉畋	潘緯	詹雄	張林	盧頰	張賈	崔文信	林佖	五四	蕭遇	朱可名	童翰卿	高崇文	魏謩	厲元	王幹	薛宜僚	蕭靜	蘇郁

巴峽人	水心寺僧	吏部選人	太一真君	鄰場道人	紫衣人	洛中舉子	建業卜者	蒼頭捧劍	浙西從事	唐詩類苑	天嶠遊人	西鄙人	開元名公	無姓字	鍾離權	羅衮	李縞	徐振	張著
太上隱者	商山孤館書生	袁氏少年	天津道士	青城丈人	長鬚人	漢州朱衣人	太白山道士	方壺居士	伶人	詩人總目	衡山舟子	山中客	景龍文館學士	附仙鬼	高越	劇燕	薛昭緯	王碩	盧注
										五十五					謝太虛	王穀	許畫	陸貞洞	歐陽解

君山父老	芙蓉老人
桐廬神滕傳嗣	洛苑花神
洛浦神女	吳興神女
洞庭龍女	秦宮毛女
明月潭龍女	韋曲女仙
南溟夫人	上元夫人
后土夫人	王母
神女	王氏女
苧蘿川女	泉臺客人韋璜
鄭瓊羅	京昭儀寶仙
唐詩類苑 詩人總目 五十六	
王使君女	天竺牧童
袁氏	和且耶
盧倚馬	敬去文
夭桃	長安二鬼
桂林青蘿帳女子	廬山女子
新林驛女子	桃源仙子
太湖魚	元氏犬
京師客	延福里筆精
廬山女子	蜀道夫人
魏王池畔女子	南山將軍班寅

桃林處士班特	石窰寺紅裳
東柯院妖	昌州鬼
蘇檢妻	崔暇妾
陳蔡間塚中人	王氏婦
幽獨君	河湄枯骨
羽流	
許宣平	司馬退之
吳筠	金地藏
韋渠牟	毛仙翁
曹唐	許碣
唐詩類苑 詩人總目 五十七	
殷七七	
衲子	
辯才	法輪
理瑩	景雲
靈澈	清江
法振	文秀
棲白	懷濬
可朋	雲表
栖蟾	清塞
脩睦	可止

卿雲	澹交
若虛	曇域
懷浦	慕幽
尚顏	法宣
中寤	常雅
隱丘	法照
冷然	護國
含曦	皎然
尚能	無可
神穎	應物
唐詩類苑	五八
詩人總目	
靈一	虛中
太易	廣宣
惟審	滄浩
良乂	志定
曇翼	無悶
栖一	隱巒
善生	震一
釋彪	處一
文益	僧泚
無本	尚志

歸仁	寶月
清尚	玄寶
子蘭	貫休
齊已	處默
女冠	
李冶	元淳
魚玄機	
尼姑	
海印	
宮闈	
唐詩類苑	五九
詩人總目	
長孫皇后	徐賢妃
則天皇后	上官昭容
楊貴妃	梅妃
太平公主	長寧公主
安樂公主	宜芬公主
開元宮人	宣宗宮人
元和內人	僖宗宮人
宋若照	宋若憲
宋若荀	鮑文姬
侯夫人	花蕊夫人



樊夫人	李舜絃夫人
廣利王女	郭紹蘭
楊容華	張窈窕
劉瑗	崔鶯鶯
李季蘭	劉采春
薛媛	程長文
裴羽仙	梁瓊
姚月華	張琰
喬氏 <small>知之妹</small>	林氏 <small>洋之妹</small>
趙氏 <small>冠坦氏</small>	魏氏 <small>宋已妹</small>
唐詩類苑 <small>詩人總目</small>	六
崔氏 <small>崔象之妻</small>	廉氏
劉氏 <small>杜羔妻</small>	王氏 <small>元載妻</small>
非煙 <small>武氏妾</small>	沈氏 <small>范靜妻</small>
孟氏 <small>周尚妻</small>	夷陵女子
若耶溪女子	七歲女子
孟昌期妻	郎大家宋氏
京兆女子	翠幄女子
如意女子	越溪楊女
鮑生妾	
妓流	

薛濤	常皓
關盼盼	故臺城妓
徐月英	豫章蓮花妓
武昌妓	太原妓
紅綃妓	
外夷	
新羅王	吐蕃舍人
楊奇鯤	
唐詩類苑 <small>詩人總目</small>	六

唐詩類苑總目

第一卷

天部

日

第二卷

天部

月

第三卷

天部

風

唐詩類苑

目錄

第四卷

天部

雨

第五卷

天部

雨

第六卷

天部

雪

第七卷

天部

雪

第八卷

天部

陰

霧

水

第九卷

歲時部

春

唐詩類苑

目錄

第十卷

歲時部

春

第十一卷

歲時部

春

第十二卷

歲時部

夏

第十三卷

火

露

霽

煙

霜

虹

歲時部	秋	第十四卷	歲時部	秋	第十五卷	歲時部	冬	第十六卷	歲時部	夜	第十七卷	歲時部	寒	第十八卷	歲時部	元正	人日	第十九卷
							曉						熱	十二月		立春		
							夜						曆			小歲日		

歲時部	正月十五	正月晦日	中和節
耗磨日	寒食		
第二十卷			
歲時部	清明	三月三	春社
三月晦日			
第二十一卷			
歲時部	四月八日	五月五日	伏日
唐詩類苑	目録	四	
立秋	七夕	中元	
中秋	秋社		
第二十二卷			
歲時部	九月九日		
第二十三卷			
歲時部	九月九日	小雪	冬至
歲除	臘		
第二十四卷			

地部	郊	原	村
野			
第二十五卷			
地部	林	園	苑
第二十六卷			
地部	關	峽	石
塵			
第二十七卷			
地部	道路	陌	徑
岸	田	陵墓	
第二十八卷			
山部	總山	泰山	衡山
華山	嵩山		
第二十九卷			
山部			

唐詩類苑

目錄

五

王屋山	巫山	終南山
廬山	天台山	龍門山
第三十卷		
山部		
峴山	荆山	鹿門山
武夷山	鳴臯山	九華山
天目山	青城山	峨眉山
虎丘山	秦望山	交崖山
魚亭山	石門山	天門山
灞陵山	望楚山	皖公山
太行山	茅山	蒙山
五松山	東山	西山
亂石山	石窟山	翅頭山
鹿頭山	松寥山	白鹽山
泥功山	丈人山	中山
三卿山	泉山	桐柏山
峽口山	溫門山	火山
金山	君山	岐山
錫山	天溝山	地脉山
沃州山	壺公山	

唐詩類苑

目錄

六

第三十一卷		山部	
瑯琊山	太白山	胡山	
八公山	爛柯山	西塞山	
麻姑山	望夫山	甌山	
月巖山	少華山	四明山	
覆釜山	條山	峯	
巖	嶺	洞	
谷			
第三十二卷		水部	
總水	海水	江水	
第三十三卷		水部	
江水	河水	淮水	
濟水	涇水	洛水	
渭水	漢水	湘水	
第三十四卷		水部	
汾水	滏水	龍泓水	

伊水		龍頭水		湖水	
第三十五卷		水部			
川	浦	溪			
澗	石淙				
第三十六卷		水部			
池					
第三十七卷		水部			
池	津	潭			
湍	灘	瀨			
洲	渚	源			
第三十八卷		水部			
灣	溝	渡			
沙	堤	潮			
濤	陂	坡			
磯	塘	堆			
瀑布水					

第三十九卷

水部

泉

温湯

井

橋

第四十卷

京都部

京都

州郡部

州郡

第四十一卷

唐詩類苑

目錄

九

邊塞部

總邊

薊門

安西

臨洮

輪臺

隴西

遼

磧

燕支

長城

朔方

河湟

第四十二卷

邊塞部

涼州

伊州

陸州

西州

豫章

雲中

并州

梁州

廣州

平城

塞垣

塞上

塞下

塞外

出塞

入塞

巡邊

護邊

第四十三卷

帝王部

帝王

中官

太子

諸王

第四十四卷

帝戚部

公主

駙馬

唐詩類苑

目錄

十一

第四十五卷

職官部

相

少保

僕射

司空

司徒

司直

左丞

右丞

尚書

侍郎

郎中

員外

第四十六卷

職官部

吏部

南部

黃門

給事

常侍

諫議

補闕	拾遺	舍人
中書	起居	翰林
學士	詹事	庶子
洗馬	秘書	校書
正字	著作	博士
贊善	長史	賓客
第四十七卷		
職官部		
中丞	侍御	卿
侍中	評事	金吾將軍
唐詩類苑 目錄		
羽林將軍	將軍	都尉
郎將	別將	輕車
執戟	揮使	
第四十八卷		
職官部		
大總管	節度使	觀察使
朝集使	兵馬使	副使
司馬	判官	書記
掌記	管記	都督
都護	都使	開府

參軍	京兆	少尹
功曹	法曹	兵曹
騎曹		
第四十九卷		
職官部		
太守	使君	別駕
司錄	司戶	司倉
司農	司法	令
丞		
第五十卷		
唐詩類苑 目錄		
職官部		
明府	贊府	少府
第五十一卷		
職官部		
主簿	尉	押衙
錄事	從事	掾
第五十二卷		
治政部		
寵錫	貢獻	除授
薦舉	遷擢	奉使

第五十三卷

治政部

和蕃

蠻夷

胡兒

招諭

歸降

卽敘

風化

掌選

監選

放牒

選補

赴選

求職

入京

入朝

第五十四卷

治政部

赴闕

入計

計會

唐詩類苑

目錄

三

赴任

括圖書

巡行

巡農

第五十五卷

治政部

鎮守

轉運

知貢舉

推事

聽訟

鞫獄

問囚

置倉

覆糧

賑濟

宜慰

採訪

安輯

安撫

休假

秩滿

囚獄

赦宥

按覆

按獄

刑罰

第五十六卷

禮部

郊丘

社稷

宗廟

第五十七卷

禮部

祭祀

釋奠

封禪

明堂

籍田

巡幸

扈從

第五十八卷

唐詩類苑

目錄

十四

禮部

朝會

禮見

召對

省直

第五十九卷

禮部

誕辰

拜表

生日

滿月

晬日

宴饗

醕宴

婚姻

第六十卷

禮部





馬鞭	箭鏃	吳鈎	戈	烽	武部	屯田	凱旋	軍中	唐詩類苑	第七十二卷	武部	戰伐	幕府	第七十一卷	武部
	弩	弓	劍	旌		戰場	回軍	行軍	目錄						
	彈	箭	刀	旗			八陣圖	告捷	七						

第七十四卷	人部	覲省	扶侍	迎親
第七十五卷	人部	歸養	兄弟	
第七十六卷	人部	神童	子嗣	童子
第七十七卷	人部	宗族	隣里	姻戚
第七十八卷	人部	交游	僚友	耆老
第七十九卷	人部	懷思		
懷思				

第八十卷

人部

尋訪

第八十一卷

人部

參謁

招致

第八十二卷

人部

會遇

話舊

第八十三卷

人部

唐詩類苑 目錄

十九

寓宿

待候

問候

第八十四卷

人部

宴集

第八十五卷

人部

行樂

俠少

豪華

第八十六卷

人部

醉

第八十七卷

人部

夢

沐浴

第八十八卷

人部

應辟

還山

第八十九卷

人部

山中

隱逸

唐詩類苑

目錄

二十

第九十卷

人部

隱逸

第九十一卷

人部

閑適

第九十二卷

人部

寄

第九十三卷

人部	寄	第九十四卷	人部	寄	第九十五卷	人部	贈	第九十六卷	人部	贈	第九十七卷	人部	贈	第九十八卷	人部	答	第九十九卷	人部	答
<p>唐詩類苑 目錄</p> <p>主</p>																			

第一百卷	人部	答	第一百一卷	人部	贈答	代書	問訊	第一百二卷	人部	獻詩	唐詩類苑	目錄	第一百三卷	人部	示諭	規諷	言語	頻笑	嘲戲	第一百四卷	人部	送	第一百五卷	人部	送
主																									

第一百六卷

人部

送

第一百七卷

人部

別

第一百八卷

人部

送別

第一百九卷

留別

唐詩類苑 目錄

圭

人部

贈別

話別

酬別

寄別

宴別

第一百十卷

人部

遊覽

眺望

臨汎

第一百十一卷

人部

懷古

第一百十二卷

人部

懷古

第一百十三卷

人部

行役

第一百十四卷

人部

行役

第一百十五卷

人部

唐詩類苑 目錄

圭

行役

第一百十六卷

人部

羈旅

第一百十七卷

人部

移家

避地

歸國

還鄉

第一百十八卷

人部

還鄉	第一百十九卷	人部	感遇	第一百二十卷	人部	感遇	第一百二十一卷	人部	古風	第一百二十二卷	人部	雜興	第一百二十三卷	人部	述懷	第一百二十四卷	人部	述懷	第一百二十五卷
										唐詩類苑									
										目錄									
										三五									

人部	述懷	第一百二十六卷	人部	喜幸	第一百二十七卷	人部	時事	第一百二十八卷	人部	宦情	第一百二十九卷	人部	貶謫	第一百三十卷	人部	疾病	第一百三十一卷	人部
										唐詩類苑								
										目錄								
										遭讒								
										流徙								
										棄官								
										貧窮								
										三五								

感舊

第一百三十二卷

人部

懷賢

第一百三十三卷

人部

哀傷

第一百三十四卷

人部

淚

哭

唐詩類苑

目錄

三七

第一百三十五卷

人部

賢媛

美人

寵幸

第一百三十六卷

人部

閨情

第一百七十七卷

人部

閨情

第一百二十八卷

人部

閨情

第一百三十九卷

人部

閨情

第一百四十卷

人部

幽怨

第一百四十一卷

人部

唐詩類苑

目錄

二六

幽怨

第一百四十二卷

人部

幽怨

第一百四十三卷

儒部

秀才

文學

文士

宏詞

有道

孝廉

明經

貢士

第一百四十四卷

儒部		赴舉	御試	放榜
儒部		第一百四十五卷		
落第		第一百四十六卷		
儒部		第一百四十七卷		
擢第		先輩	及第	座主
同年		第一百四十八卷		
僧		第一百四十九卷		
釋部		第一百五十卷		
釋部		第一百五十一卷		

僧		第一百五十一卷		
釋部		第一百五十二卷		
僧		尼子	衲子	尼師
經典		小尼	出家	行香
施香		禮拜	齋戒	齋戒
出齋		受戒	問道	問道
飯僧		談玄	錫杖	念珠
佛鉢		道場	旛	手
袈裟		銅碗	佛	手
還俗		第一百五十三卷		
道部		第一百五十四卷		
道士		第一百五十五卷		
道部		第一百五十六卷		



道士	女道士	入道
齋戒	誦經	受籙
步虛	投龍	焚修
奠簡	修養	學道
訪道	味道	問易
種藥	求藥	謝惠藥
買藥	採藥	洗藥
燒金	藥轉	大還
得道	辟穀	丹竈
道場	道書	
唐詩類苑 目錄 三		
第一百五十五卷		
居處部		
官		
第一百五十六卷		
居處部		
官	殿	闕
第一百五十七卷		
居處部		
樓		
第一百五十八卷		

居處部	樓	
第一百五十九卷		
居處部		
臺	榭	閣
第一百六十卷		
居處部		
亭		
第一百六十一卷		
居處部		
院		官舍
第一百六十二卷		
居處部		
第	宅	堂
第一百六十三卷		
居處部		
齋	軒	屋
房	室	廬
窩		
第一百六十四卷		
唐詩類苑 目錄 三		

居處部	居	舊居	新居
第一百六十五卷	卜居	移居	
居處部	別業	別墅	
第一百六十六卷	居處部		
精舍	書院	題壁	
題扉	題門	題居	
唐詩類苑	目錄	三十三	
第一百六十七卷	居處部		
山居			
第一百六十八卷	居處部		
郊居	林居	村居	
谿居	隱居	莊	
山莊	山墅	茅茨	
第一百六十九卷	居處部		

山家	田家	酒家
第一百七十卷	居處部	
城	郭	市
街		
第一百七十一卷	居處部	
門	柱	館
客舍	郊舍	店
第一百七十二卷	居處部	
唐詩類苑	目錄	三十四
居處部	驛	
第一百七十三卷	寺觀部	
寺		
第一百七十四卷	寺觀部	
寺		
第一百七十五卷	寺觀部	

寺

第一百七十六卷

寺觀部

浮圖

樓

閣

院

第一百七十七卷

寺觀部

禪居

禪房

佛龕

精廬

精舍

第一百七十八卷

唐詩類苑

目錄

三十五

寺觀部

禪堂

法堂

經堂

講堂

影堂

玉像堂

禪室

石室

浴室

僧舍

齋

軒

窓

林泉

亭

池

蘭若

臺

題壁

第一百七十九卷

寺觀部

觀

堂

壇

院

道室

柱

第一百八十卷

祠廟部

祠

廟

第一百八十一卷

祠廟部

廟

神

第一百八十二卷

唐詩類苑

目錄

三十六

產業部

農

賈

織

漁

釣

樵

牧

獵

第一百八十三卷

器用部

銅儀

漏

舟

帆

車

鏡

簾

篋

帳

繡幃

帳

帳

第一百八十四卷

器用部

香

香毬

香印

燈

燈杖

燈缸

燈檠

燈花

燭

燭花

炭

扇

印囊

藥盒

齒

鑪

牀

齒

簞

席

蒲團

枕

席

杖

唐詩類苑 目錄

竹夾膝

拂子

樽

卮

盞

杯

瓢

酒胡子

榼

匙

碗

瓶

筒

砧

秤

莎柵

第一百八十五卷

服食部

冠

巾

帽

簪

釵

釵

袍

衣

襖

衫

裘

襪

屐

鞋

襪

被

第一百八十六卷

服食部

酒

第一百八十七卷

服食部

食

飯

餅

唐詩類苑 目錄

麪

粥

餠

鱸

素饌

蔬

茶

小榼味

藥

玉帛部

寶

玉

珠

珊瑚

水晶

琉璃

琥珀

金

銀

錢

絲

錦

綺

繡

綾

羅

布

素

第一百八十八卷

巧藝部

畫

射

碁

彈碁

風箏

打毬

鞦韆

競渡

傀儡

戴竿

拔河俗戲

龜背戲

繩伎

方術部

醫

卜

陰陽

推命

唐詩類苑

目錄

第一百八十九卷

花部

牡丹

芍藥

桂花

蘭花

木蘭花

蕙花

菊花

合歡花

辛夷花

躑躅花

葵花

海紅花

木香花

紫薇花

紅薇花

薔薇花

木槿花

紫陽花

梔子花

海棠花

丁香花

麗春花

玉簪花

紫蘭花

第一百九十卷

花部

萱花

迎春花

夜合花

金錢花

鷄冠花

杜鵑花

冬瑰花

玉簪花

優絳羅花

芙蓉花

蓮花

藕

菱花

雜花

第一百九十一卷

草部

紅荳

萵苣

菜

唐詩類苑

目錄

薤

石芥

筍

瓜

枸杞

恒春草

菖蒲

仙靈毗

蒲

木

白蘘荷

訶梨勒

黃精

地黃

白頭翁

蒼耳草

車前子

紫參

人參

萊菔

兔絲

葛

蘆

葦

櫻

茅

蕒

荻

苔

萍

蓼	芭蕉	藤
莎	蓬	蓂
瓦松	垣衣	莧
雜草	雜藥	
第一百九十二卷		
果部		
梅	桃	杏
棗	李	郁李
梨	櫻桃	榴
荔枝	橙	橘
唐詩類苑 目錄 四十一		
枇杷	林檎	胡桃
葡萄	雜果	
第一百九十三卷		
木部		
槐	楸	靈壽木
柳		
第一百九十四卷		
木部		
竹	石竹	桐
琪樹	端正樹	松

松英		
第一百九十五卷		
木部		
柏	杉	檜
楠	石楠	檉
榆	桑	情深樹
冬青	檉	木蓮樹
柳	甘樹	櫻樹
槿	梔子樹	雜木
雜樹	葉	雜植
唐詩類苑 目錄 四十二		
第一百九十六卷		
鳥部		
鳳	鶴	鵠
孔雀	鶯	鸚鵡
伯勞	鸛	百舌
反舌		
第一百九十七卷		
鳥部		
戴勝	鳥	鴉
鵲	鳩	鸛



唐詩類苑卷第一

明雲間張之象玄超甫纂輯

嶺南趙應元葆初甫編次

雲間王 徹叔朗甫補訂

梁谿曹仁孫伯安甫校正

天部

日

詠日

董思恭

滄海十枝暉玄圃重輪變華章終展檻菱彩朝朝鏡  
忽遇驚風飄自有浮雲映更也人昔仰無待揮戈正

唐詩類苑

卷之一

詠日

李 嶠

旦出扶桑路遙升若木枝雲間五色滿霞際九光披  
東陸蒼龍駕南郊赤羽馳傾心比葵藿朝夕奉光曦

望早日

朱慶餘

牕下聞鷄後蒼茫映遠林纔分天地色便禁虎狼心  
是處程塗遠何山洞府深此時堪竚望萬象豁塵襟

初日照鳳樓

李虞仲

旭日煙雲殿朝陽燭帝居斷霞生峻宇通閣麗晴虛  
流彩連朱檻騰輝照綺疏瞳矐晨景裏明滅曉光初  
戶牖仙山近軒楹鳳翼舒還如王母過遙度五雲車

初日照華清宮

柴 宿

靈山初照日遠近見離宮影動參差裏光分縹緲中

鮮飈收晚翠佳氣滿晴空林潤溫泉入樓深複道通

璇題生炯晃珠綴引臙隴鳳輦何時下朝朝此望同

日出行

李 賀

白日下崑崙發光如舒綵徒照葵藿心不照遊子悲  
折折黃河曲日從中央轉暘谷耳曾聞若木眼不見  
柰爾鑠石胡為銷人昇彎弓屬矢那不中足令人不  
見奔詎教晨光夕昏

日出入行

李 白

唐詩類苑

卷之一

二

日出東方隈似從地底來歷天又入海六龍所舍安  
在哉其始與終古不息人非元氣安得與之久徘徊  
草不謝榮于春風木不怨落于秋天誰揮鞭策驅四  
運萬物興歇皆自然義和義和汝奚汨沒於荒淫之  
波魯陽何德駐景揮戈逆道違天矯誣實多吾將括  
囊大塊浩然與溟滓同科

日高

李商隱

鑊鑲故錦縻輕拖一作施玉篴不動便門鎖水精眠夢  
是何人欄藥日高紅髮鬢飛香上雲春訴天雲粉十  
二門九關輕身減影何可望粉蛾帖死屏風上



奉和詠日午

虞世南

高天淨秋色長漢轉曦車玉樹陰初正桐圭影未斜  
翠蓋飛圓影明鏡發輕花再中良表瑞共仰璧暉賒

奉和詠日午

褚亮

曦車日亭午浮箭未移暉日光無落照樹影正中園  
草萎看稍靡葉燥望疑稀晝寢慙經笥暫解入朝衣

賦得日華川上動

石殷士

曙霞攢旭日浮景弄晴川晃曜層潭上悠揚極浦前  
岸高時擁媚波遠漸澄鮮萍實空隨浪珠胎不照淵  
早暄依曲渚微動觸輕漣就假咸池望幽情得古篇

唐詩類苑

卷之一

三

賦得白日麗江皋

鮑溶

遲景臨遙水晴空似不高清明開曉鏡昭晰辨秋毫  
鬱鬱長堤上離離淺渚毛煙銷占一候風靜擁千艘  
獨媚青春柳宜看白鷺濤何年謝公賞遺韻在江皋

賦得日暖萬年枝

蔣防

新陽歸上苑嘉樹獨含妍散漫添和氣臃腫卷曙煙  
流輝宜聖日接影貴芳年自與恩光近那關煦嫗偏  
結根誠得地表壽願符天誰道憐寒質從茲不暖然

賦得日暖萬年枝

郭求

旭日升溟海芳枝散曙煙溫和臨樹久煦嫗在條偏

陽德符君惠嘉名表聖年若承恩渥厚常屬棟梁賢  
生植雖依地光華只信天不才甘仄陋徒望向榮先

賦得日暖萬年枝

王約

靄靄彤庭裏沈沈玉砌陞初升九華日潛暖萬年枝  
煦嫗光偏好青葱色轉宜每因韶景麗長沐惠風吹  
隱映當龍闕氛氲隔鳳池朝陽光照處惟有近臣知

賦得日暖萬年枝

鄭師真

禁樹敷榮早偏將麗日宜光搖連北闕影汎滿南枝  
得地方知照逢時異赫曦葉知盈歲積根是永年移  
宵露猶殘潤薰風更共吹餘暉誠可託况近鳳皇池

唐詩類苑

卷之一

四

賦得夏日可畏

張籍

赫赫溫風扇炎炎夏日徂火威馳迴野畏景鑠遙途  
勢矯翔陽翰功分造化鑪禁城千品獨黃道一輪孤  
落照頻空輦餘暉卷夕梧如何倦遊子中路獨踟躕

賦得秋日懸清光

太宗

秋露凝高掌朝光上翠微參差麗雙闕照耀滿重闈  
仙馭隨輪轉靈鳥帶影飛臨波無定彩入隙有圓輝  
還當葵藿志傾葉自相依

賦得秋日懸清光

王維

寥廓涼天靜晶明白日秋圓光含萬象碎影入閑流  
迴與青冥合遙同江甸浮晝陰殊衆木斜影下危樓  
宋玉登高怨張衡望遠愁餘輝如可託雲路豈悠悠

賦得秋日懸清光

陶拱

秋至雲容斂天中日景清懸空寒色淨委照曙光盈  
泫泫看彌上輝輝望最明煙霞輪乍透葵藿影初生  
鑒下應無極升高自有程何當迴感彩一爲表精誠

賦得冬日可愛

陳風

寒日臨清晝寒天一望時未消埋遲雪先暖讀書惟  
屬思光難駐舒情影若遺晉臣曾比德謝客昔言詩

唐詩類苑

卷之一

五

散彩寧偏照流陰信不追餘輝如可就迴燭幸無私

賦得冬日可愛

庾承宣

宿霧開天霽寒郊見初日林疎照逾遠水輕影微出  
豈假陽和氣暫忘玄冬律愁抱望自寬羈情就如失  
欣欣事幾許瞳瞳狀非一傾心儻知期良願自茲畢

日南長至

獨孤鉉

玉曆頒新律凝陰發一陽輪輝猶惜短圭影此偏長  
躔度經北斗光流盡北堂乍疑同戶耀可愛逗林黃  
積雪銷微煦初萌動早芒更昇臺上望雲物已昭彰

日漸長贈周殷二判官

白易

日漸長春尚早墻頭半露紅萼枝池岸新鋪綠芽草  
蹋草攀枝仰頭歎何人知此春懷抱年顏盛壯名未  
成官職欲高身已老萬莖白髮真堪恨一片緋衫何  
足道賴得君來勸一杯愁開悶破心頭好

日長

白居易

日長晝加餐夜短朝餘睡春來寢食間雖老猶有味  
林塘得芳景園曲生幽致愛水多棹舟惜花不掃地  
幸無眼下病且向樽前醉身外何足言人間本無事

賦得白日半西山

太宗

紅輪不暫駐鳥飛豈復停岑霞漸漸落溪陰寸寸生

唐詩類苑

卷之一

六

霍葉隨光轉葵心逐照傾晚霞含樹色校鳥雜流聲

賦得落日山照曜

張謂

裴徊空山下晚晚殘陽落圓影過峯巒半規入林薄  
餘光徹羣岫亂彩分重壑石鏡共澄明巖光同照灼  
棲禽去杳杳夕煙生漠漠此境一作誰復知獨懷謝

康樂

邊城落日

駱賓王

紫塞流沙北黃圖灞水東一朝辭俎豆萬里逐沙蓬  
候月恒持滿尋源屢鑿空野昏邊氣合峯迴戍煙通  
臂力風塵倦疆場歲月窮河流空積石山路遠崆峒

壯志凌蒼兕精誠貫白虹君恩如可報龍劍有雌雄

落日悵望

馬戴

孤雲與歸鳥千里片時間念我一何滯辭家久未還  
微陽下喬木遠色隱秋山臨水不敢照恐驚平昔顏

落照

馬戴

照曜天山外飛鴉幾共過微紅拂秋漢片白透長波  
影促寒汀薄光殘古木多金霞與雲氣散漫復相和

夕陽

鄭谷

夕陽秋更好斂斂蕙蘭中極浦明殘雨長天急遠鴻  
僧牕留半榻漁舸透疎蓬莫恨清光盡寒蟾卽照空

唐詩類苑

卷之一

七

月

詠月

董思恭

北堂未安寢西園聊騁望玉戶照羅幃珠軒明綺幃  
別客長安道思婦高樓上所願君莫違清風時可訪

詠月

李嶠

桂滿三五夕冀分二八時清輝飛鵲鑑新影學蛾眉  
皎潔臨疎牖玲瓏鑒薄帷願言從愛客清夜幸同嬉

詠月

一作望月有懷

康庭芝

天使下西樓光含萬里秋臺前疑挂鏡簾外似懸鉤  
張尹將眉學班姬舉扇佳期應借問爲報在刀頭

月五首

杜甫

天上秋期近人間月影清入河蟾不沒搗藥兔長生  
只益丹心苦能添白髮明千戈知滿地休照國西營

二

斷續巫山雨天河此夜新若無青嶂月愁殺白頭人  
魍魎多深樹蝦蟇動半輪故園當北斗直想照西秦

三

併照巫山出新窺楚水清羈栖愁裏見二十四迴明  
必驗升沈體如知進退情不違銀漢落亦伴玉繩橫

四

唐詩類苑

卷之一

八

萬里瞿塘峽春來六上弦時時開暗室故故滿青天  
爽合風襟靜當空淚臉懸南飛有烏鵲夜久落江邊

五

四更山吐月殘夜水明樓塵匣元開鏡風簾自上鉤  
兔應疑鶴髮蟾亦戀貂裘斟酌嫦娥寡天寒柰九秋

月

薛濤

魄依鉤樣小扇逐漢機團細影將圓質人間幾處看  
池上與橋邊難忘復可憐

李商隱

池上與橋邊難忘復可憐  
流處水花急吐時雲  
近城無粉黛只是逞嬋娟

月

曹松

寥寥天地內夜魄爽何輕頻見此輪滿卽應華髮生  
不圓爭得破纔正又須傾人事還相似因知倚伏情

月三十韻

元稹

冀華標新朔霜豪引細輝白眉驚半隱虹勢訝全微  
涼魄潭空洞虛弓鴈畏威上弦何汲汲佳色轉依依  
綺幕殘燈斂粧樓破鏡飛玲瓏穿竹樹岑寂思惺惺  
坐愛規將合行看望已幾絳河水鑑朗黃道玉輪輝  
迥照偏瓊砌餘光借粉闌汎池相皎潔壓桂共芳菲  
的的當歌扇娟娟透舞衣慙勤入懷什慙軟墮雲圻

唐詩類苑

卷之一

九

素液傳烘盞鳴琴薦碧椒房深肅肅開路霏霏  
翡翠通簾影琉璃瑩殿屏西園筵瑋瑋東壁射蚺蜺  
老將占天陣幽人釣石磯荷鋤元亮息迴棹子猷歸  
迢遞同千里孤高淨九圍從星作風雨配日麗旌旗  
麟闕寧徒設蠅聲豈浪譏司存委卿士新拜出郊畿  
今古雖云極虧盈不易違珠胎方夜滿清露忍朝晞  
漸減嫦娥面徐收楚練機下疑雕壁碎潘感竟牀稀  
捐篋辭班女潛波散宓妃氛埃誰定滅曉兔杳難希  
須遣圓明盡良嗟造化非如能付刀尺別爲創瑤璣

和崔舍人詠月二十韻

韓愈

三秋端正月今夜出東溟對日猶分勢騰天漸吐靈

未高烝遠氣半上霽孤形赫奕當躔次虛徐度杳冥

長河晴散霧列宿曙分螢浩蕩英華溢蕭疎物象泠

池邊臨倒照簷際送橫經花樹參差見臯禽斷續聆

牖光窺寂莫砧影伴娉婷幽坐看侵戶閑吟愛滿庭

輝斜通壁練彩碎射沙星清絜雲間路空涼水上亭

淨堪分顧兔細得數飄萍山翠相凝綠林煙共暮青

過隅驚桂側當午覺輪停屬思摘霞錦追歡整綵屏

郡樓何處望隴笛此時聽右掖連台座重門限禁扃

風臺觀滉漭水砌步青瑩獨有虞庠客無由拾落瑩

唐詩類苑

卷之二

十

月

杜牧

三十六宮秋夜深昭陽歌斷信沈沈惟應獨伴陳皇  
后照見長門望幸心

月

李商隱

過水穿樓觸處明藏人帶樹遠含清初生欲缺虛惘  
悵未必圓時卽有情

月

袁郊

嫦娥竊藥出人間藏在蟾宮不放還后羿遍尋無覓  
處誰知天上却容姝

詠月

羅隱

湖上風高動白蘋暫延清景此逡巡隔年違別成何  
事半夜相看似故人蟾向靜中矜爪距兔隈明處弄  
精神嫦娥老大應惆悵倚泣蒼蒼桂一輪

月

李山甫

狡兔頑蟾死復生度雲經漢澹還明夜長雖耐對君  
坐年少不禁隨爾行玉桂影搖烏鵲動金波寒注鬼  
神驚人間半被虛拋擲惟向孤吟客有情

初月

杜甫

光細弦欲上影斜輪未安微升古塞外已隱林雲端  
河漢不改色關山空自寒庭前有白露暗滿菊花團

唐詩類苑

卷之一

十二

新月

盧仝

仙宮雲箔卷露出玉簾鈎清光無所贈相憶鳳凰樓

新月

方干

入夜天西見峨眉冷素光潭魚驚鈎落雲鴈怯弓張  
隱隱臨珠箔微微上粉牆更憐三五夕仙桂滿輪芳

拜新月

張夫人

拜新月拜月出堂前暗魄深籠桂虛弓未引絃拜新  
月拜月粧樓上鸞鏡未安臺蛾眉已相向拜新月拜  
月不勝情庭前風露清月臨人自老望月更長生東  
家阿母亦拜月一拜一悲聲斷絕昔年拜月逞容儀

如今拜月雙淚垂回看衆女拜新月却憶紅閨年少  
時

月圓

杜甫

孤月當樓滿寒江動夜扉委波金不定照席綺逾依  
未缺空山靜高懸列宿稀故園松桂發萬里共清輝

圓靈水鏡

徐敞

浮光上東落揚彩滿圓靈明滅淪江水盈虛逐初  
莫不分沙岸白偏照海山青練色臨牕牖蟾光滿戶庭  
成輪疑壁影初魄類弓形遠近疑清質依稀出衆星

圓靈水鏡

張聿

唐詩類苑

卷之一

十二

鳳池開玉鏡清瑩瀉寥天影散微波上元含片玉懸  
菱花凝汎灩桂樹映清鮮樂廣披雲日山濤卷露年  
濯纓何處去鑒物自堪妍迴首看雲液蟾蜍勢正圓

明月引

盧照鄰

洞庭波起兮鴻鴈翔朔風瑟瑟兮野蒼蒼浮雲卷露  
明月流光荆南兮趙北碣石兮瀟湘澄清規於萬里  
照離思於千行橫竹枝於西第繞菱花於北堂高樓  
思婦飛蓋君王文姬絕域侍子他鄉見胡鞍之似練  
知漢劔之如霜試登高而極目莫不變色而迴腸

明月引

盧照鄰

故江無中秩歸耕有外臣人歌小歲酒花舞大寒  
草 還三徑風光動四鄰願得長如此年年物候新

明月

李如璧

三五月華流煙光可憐懷歸郢路長逾江越漢津無  
梁遙遙永夜思茫茫昭君失寵辭上宮蛾眉掃地  
甌窈胡人琵琶彈北風漢家音信絕南鴻昭君此  
怨盡工可憐明月光腫臃節既秋今天向寒流有  
今湘有瀾沅湘糾合森漫漫洛陽才子憶長安可憐  
明月復團圓逐臣戀主心愈恪棄妻思君情不薄已  
悲芳歲徒淪落復恐紅顏坐銷鑠可憐明月方照灼

唐詩類苑

卷之十一

十一

向影傾身比葵藿

古朗月行

李白

小時不識月呼作白玉盤又疑瑤臺鏡飛上五雲端  
仙人垂兩足桂樹何團團白兔搗藥成問言誰與餐  
蟾蜍蝕圓影大明夜已殘拜昔落九烏天人清且安  
陰精此淪惑去去不足觀憂來其如何悽愴摧心肝

賦得明月照高樓

許敬宗

高樓一何綺素月復流明重軒望不極餘暉覽詎盈  
鏡華當牖照鈎影隔簾生逆愁異樽酒對此難爲情

賦得海上生明月

宋 華

皎皎秋中月團團海上生影開金鏡滿輪抱玉壺清  
漸出三山上將凌一漢橫素娥嘗藥去烏鵲遶枝驚  
照水光偏白浮雲色最明此時堯砌下蓂莢自將榮

春月

元 稹

春月雖至明終有靄靄光不似秋冬色逼人寒帶霜  
纖粉澹虛壁輕煙籠半牀分暉間林影餘照上虹梁  
病久塵事隔夜閒清興長擁袍顛倒領步履東西廂  
風柳結柔援露梅飄暗香雪含櫻綻藥珠壓桃綴房  
香杳有餘思行行安可忘四鄰非舊識無以話中腸  
南有居士儼默坐調心王款關一問訊爲我披衣裳

唐詩類苑

卷之十一

十四

延我入深竹煖我於小堂視身琉璃瑩論指芭蕉黃  
復有比丘溢早傳龍樹方口中秘丹訣肘後懸青囊  
錫杖雖獨振刀圭期共嘗未知仙近遠已覺神輕翔  
夜久魂耿耿月明露蒼蒼悲哉沈眠士寧見茲夕良

秋月

駱賓王

雲披玉繩淨月滿鏡輪圓裊露珠暉冷凌霜桂影寒  
漏彩含疎薄浮光漾急瀾西園徒自賞南飛終未安

秋月

白居易

夜初色蒼然夜深光浩然稍轉西廊下漸滿南窗前  
況是綠蕪地復茲清露天落葉聲撼撼驚鳥影翩翩

樓禽尚不穩愁人安可眠

秋月一作江城秋夜

戎昱

江干入夜杵聲秋百尺疎桐挂斗牛思苦自看明月  
苦人愁不是月華愁

戲題秋月

戎昱

秋宵月色勝春宵萬里天涯靜寂寥近來歎夜飛霜  
重只畏娉婆樹葉凋

賦得秋月懸清輝

蔣防

秋月沿霄漢亭亭委素輝山明桂花發池滿夜珠歸  
入戶人偏攬臨枝鵲正飛影連平野淨輪度曉雲微

唐詩類苑

卷之

十五

晶晃浮輕露徘徊映薄帷此時千里道延望獨依依

賦得寒月寄齊已

李山甫

松下秋風吹我襟上方鐘磬夜沈沈已知廬嶽塵埃

絕更憶寒山雪月深高謝萬緣消祖意朗吟千首亦

師心豈知名徧出諸夏石上樓禪竹影侵

畫月

韓愈

玉盃不磨著泥土青天孔出白石補兔入臼藏蛙縮

肚桂樹枯株女閉戶陰爲陽羞固自古嗟汝下民或

敢侮戲嘲盜視汝目瞽

禁中月

白居易

海上明月出禁中清夜長東南樓殿白稍稍上宮墻

淨落金塘水明浮玉砌霜不比人間見塵土汚清光

長安夜月

杜牧

寒光垂靜夜皓彩滿重城萬國盡分照誰家無此明

古槐疎影薄仙桂動秋聲獨有長門裏蛾眉對曉晴

洛陽月夜書懷

劉滄

疎柳高槐古巷通月明西照上陽宮一聲邊鴈塞門

雪幾處遠砧河漢風獨榻閒眠移微影寒窗幽思度

煙空孤吟此夕驚秋晚落葉殘花樹色中

郵亭月

元稹

唐詩類苑

卷之

十六

於路口驛見崔二十二題名處數夜後於青山驛

翫憶得崔生好持確論每于宵話之中常曰人生

晝務夜安步月閒行吾不與也言訖堅臥他人雖

千百其詞難動搖矣至是愴然思此題因有獻

君多務實我多情大抵偏嗔步月明今夜山郵與蠻

嶂君應堅臥我還行

江樓月

唐詩類苑卷之十六

元稹

嘉陵江岸驛樓中江在樓前月在空月色滿牀兼滿

地江聲如鼓復如風誠知遠近皆三五但恐陰晴有

異同萬一帝鄉還潔白一作皎潔幾人潛傍杏園東

洞庭秋月

劉禹錫

洞庭秋月生湖心層波萬頃如鎔金孤輪徐轉光不定遊氣濛濛隔寒鏡是時白露三秋中湖平月上天地空岳陽樓頭暮角絕蕩漾已過君山東山城蒼夜寂寂水月逶迤繞城白蕩槳已童歌竹枝連櫓估客吹羌笛勢高夜久陰力全金氣肅肅開星颼浮雲野馬歸回首遙望星斗當中天天鷄相呼曙霞出劍影含光讓朝日日出喧譁人不閒夜來清景非人間

客中月

白居易

唐詩類苑

卷之一

十七

客從江南來來時月上弦悠悠行旅中三見清光圓曉隨殘月行夕與新月宿誰謂月無情千里遠相逐朝發渭水橋暮入長安陌不知今夜月又作誰家客

客中月

于鄴

離家凡幾宵一望一寥寥新魄又將滿故鄉應漸遙獨臨彭蠡水遠憶洛陽橋更有乘舟客悽然亦駐桡

秋閨月

權德輿

三五二八光如練海上天涯人共見不知何處玉樓前乍入深閨玳瑁筵露濃香徑知愁坐風動羅幃照獨眠初卷珠簾看不足斜抱箜篌未成曲稍應教

臨綺窗遙知不語淚雙雙此時秋望知何極萬里秋天同一色靄靄遙分陌上光迢迢對此閨中憶早晚歸來歡宴同可憐歌吹月明中此夜不堪腸斷絕願隨清影到遼東

江樓月

白居易

嘉陵江曲曲江遲明月雖同人別離一宵光景潛相憶兩地陰晴遠不知誰料江邊懷我夜正當池畔望君時今朝共語方同悔不解多情先寄詩

關山月

崔融

月生西海上氣逐邊風壯萬里照關山蒼茫非一狀漢兵開郡國胡馬窺亭障夜夜聞悲笳征人起南望

關山月

徐九臯

玉塞抵長城金微映高闕遙心萬餘里直望三邊月霜靜影逾懸露稀光漸沒思君不可見空歎將焉歇

關山月

儲光義

一鴈過連營繁霜覆古城胡笳在何處半夜起邊聲

關山月

盧照隣

塞垣通碣石虜陣抵祈連相思在萬里明月不長懸影移金岫北光斷玉門前寄言閨中婦愁看鴻鴈天

關山月

沈佺期



漢月生遼海，腫臃出半暉。合昏玄菟郡，中夜白登關。  
暈落關山迴，光含霜霰微。將軍聽曉角，戰馬欲南歸。

關山月

李白

明月出天山，蒼茫雲海間。長風幾萬里，吹度玉門關。  
漠下白登道，胡窺青海灣。由來征戰地，不見有人還。  
戍客望邊色，一作色思歸多苦顏。高樓當此夜，嘆息未應閒。

關山月

王建

關山月，營開道白前。軍發凍輪當嶺光，悠悠照見三  
堆兩堆骨。邊風割面天欲明，金莎嶺上看有沒。

唐詩類苑

卷之一

十九

關山月

耿湣

月明邊徼靜，戍客望鄉時。塞古柳衰盡，關寒榆發遲。  
蒼蒼萬里道，戚戚十年悲。今夜青樓上，還應照所思。

關山月

李端

露濕月蒼蒼，關頭榆葉黃。迴輪照海遠，分彩上樓長。  
水凍頻移幕，兵疲數望鄉。祗應城影外，萬里共胡霜。

關山月

李咸用

離離天際雲，皎皎關山月。羌笛一聲來，白盡征人髮。  
嘹唳孤鴻高，蕭索悲風發。雪壓塞塵清，鵬落沙場濶。  
何當胡無人，荷戈朝鳳闕。

關山月

張籍

秋月朗朗關山上，山中行人馬蹄響。關山秋來雨雪  
多，行人見月唱邊歌。海邊漠漠天氣白，胡兒夜度黃  
龍嶺。軍中探騎暮出城，伏兵暗處低旌戟。漢水連天  
霜草平，野駝尋水磧中鳴。隴頭風急鴈不下，沙場苦  
戰多流星。可憐萬國關山道，年年戰骨多秋草。

峨嵋山月歌送蜀僧晏入中京

李白

我在巴東三峽時，西看明月憶峨嵋。月出峨嵋照滄  
海，與人萬里長相隨。黃鶴樓前月華白，此中忽見峨

唐詩類苑

卷之一

二十

嵋客峨嵋山，月還送君風。吹西到長安，陌風吹大道。

橫九天。峨嵋山月照秦川，黃金獅子承高座。白玉塵  
尾譚重玄。我似浮雲磬吳越，君逢聖主遊丹闕。一振  
高名滿帝都，歸時還弄峨嵋月。

峨嵋山月歌

李白

峨嵋山月半輪秋，影入平羌江水流。夜發清溪向三

峽，思君不見下渝州。

江月

杜甫

江月光於水，高樓思殺人。天邊長作客，老去一沾巾。  
玉露團清影，銀河沒半輪。誰家挑錦字，燭滅翠眉顰。

江邊星月二首

杜甫

驟雨清秋夜金波耿玉繩天河元自白江浦向來澄  
映物連珠斷綠空一鏡昇餘光憶一作更漏況乃露  
華凝

江月辭風纜江星別霧船鷄鳴還曙色鷺浴自晴川  
歷歷竟誰種悠悠何處圓客愁殊未已他夕始相鮮

山中問月

白居易

爲問長安月誰教不相離昔隨飛蓋處今照入山時  
借助秋懷曠留連夜臥遲如歸舊鄉國似對好親知  
松下行爲伴谿頭坐有期千巖將萬壑無處不相隨

唐詩類苑

卷之一

三十一

把酒問月

故人賈淳  
今予問之

李白

青天有月來幾時我今停盃一問之人攀明月不可  
得月行却與人相隨皎如飛鏡臨丹闕綠煙滅盡清  
輝發但得宵從海上來寧知曉向雲間沒白兔搗藥  
秋復春嫦娥孤棲與誰隣今人不見古時月今月曾  
經照古人古人今人若流水共看明月皆如此惟願  
當歌對酒時月光長照金樽裏

翫初月重送錢二老丈聯句

顏真卿

春溪與岸平初月出溪明璧彩寒仍潔金波夜轉清

孤光遠近滿練色往來輕望重隨蘭棹依依出柳城

翫初月

駱賓王

忌滿光恒缺乘昏影暫流既能明似鏡何用曲如鉤  
和元舍人萬頃臨池翫月戲爲新體

沈佺期

春風搖碧樹秋露卷丹臺復有相宜夕池清月正開  
玉流寒水動金魄度雲來燭燭光如沸翻翻景若摧  
破環投積草碎璧聚流盃夜久平無燠天晴皎未隕  
鏡將池作匣珠以岸爲胎有美同言暇高興獨悠哉  
揮翰初難擬飛名豈易陪夜光珠在握了了見沈灰

唐詩類苑

卷之一

三十二

自金陵泝流過白壁山翫月達天門寄句容

王主簿

李白

滄江泝流歸白壁見秋月秋月照白壁皓如山陰雪  
幽人停宵征賈客忘早發進帆天門山迴車牛渚沒  
川長信風來日出宿霧歇故人在咫尺新賞成吳越  
寄君青蘭花惠好庶不絕

同從弟銷南齋翫月憶山陰崔少府

王昌齡

高臥南齋時開帷月初吐清輝泊水木演漾在牕戶  
冉冉幾盈虛澄澄變今古美人清江畔是夜越吟苦

千里其何如微風吹蘭杜

同韓四薛三東亭翫月 高適

遠遊悵不樂茲賞吾道存款曲故人意辛勤清夜言  
東庭何寥寥佳境無朝昏皆墀近洲渚戶牖當郊原  
矧乃窮周旋游時怡討論樹陰蕩瑤瑟月氣延清樽  
明河帶飛鴈野火連荒村對此更愁予悠哉懷故園

翫月呈漢中王 杜甫

夜深露氣清江月滿江城浮客轉危坐歸舟應獨行  
關山同一照烏鵲自多驚欲得淮王術風吹螢已生

喜皇甫曾侍御見過南樓翫月聯句二首

唐詩類苑 卷之一

顏真卿

喜嘉客闢前軒天月淨水雲昏鴈聲苦蟾影寒聞  
裏浥滴檀欒歡宴處江湖間卷翠幕吟嘉句  
恨清光留不住高駕動清角催惜歸華重徘徊  
露欲晞客將醉猶宛轉照深意

頃持憲簡推高步獨占詩流橫素波不是中情深惠

好誰能千里遠經過詩書宛似陪康樂少長還同

宴永和夜酌此時看碾玉晨趨幾日重鳴珂

郡中翫月寄江南李少尹虞部孟員外三首

羊士諤

月滿自高丘江通無俠流軒窗開到曉風物坐含秋  
鵲警銀河斷蛩悲翠幕幽清光望不極耿耿下西樓

二

桂華臨洛浦如挹李膺仙茲夕披雲望還吟擲地篇  
鳳池分直夜牛渚汎舟年會是風流賞惟君內史賢

三

圓景曠佳賓徘徊夜漏頻金波徒汎酒瑤瑟已生塵  
露白移長簾風清挂幅巾西園舊才子相見洛陽人

褒城驛池塘翫月 羊士諤

夜長秋始半圓景麗銀河北渚清光溢西山爽氣多

唐詩類苑 卷之一

鶴飛聞墜露魚戲見增波千里家林望涼颿換綠羅

汎江翫月十二韻 元稹

予以元和五年自監察御史貶授江陵士曹掾六

月十四日張季友李景儉二侍御王文仲司錄王

衆仲判官兩昆季爲予載酒炙選聲音自府城之

南淮攀月汎舟窮竟一夕予賦詩以紀之

楚塞分形勢羊公壓大邦朋儕多士子參量盡敦龐

岳壁間相對荀龍自有雙共將船繫泊况是月臨江

遠樹懸金鏡深潭倒玉幢委波添淨練洞照滅疑釭

闌咽沙頭市玲瓏竹岸牕巴童唱巫峽海客話神龍

已困連飛蓋猶催未倒缸飲荒情爛熳風棹樂鉶攢  
勝事他年盡雄心此夜降知君皆逸韻須爲應筵撞  
令狐舍人說昨夜西掖翫月因戲贈

李商隱

昨夜玉輪明傳聞近太清涼波衝碧瓦曉暈落金莖  
露索秦宮井風絃漢殿箏幾時綿竹頌擬薦子虛名

翫月

賈島

寒月破東北賈生立西南西南立倚何立倚青青杉  
近月有數星星名未詳諳但愛杉倚月我倚杉爲三  
月乃不上杉上杉難相參貽睨子細視清瞳桂枝剗

唐詩類苑

卷之一

二五

目常有熱疾久視無煩炎以手捫衣裳露露已濡沾  
久立雙足凍時向股胫淹立久病足折兀然繃膠粘  
他人應以睡轉喜此景恬此景亦何及而我苦淫耽  
無異市井人見金不知廉不知此夜中幾人同無厭  
待得上頂看未擬歸枕函強步望寢齋步步情不堪  
步到竹叢西東望如隔簾却坐竹叢外清思刮幽潛  
量知愛月人身願化爲蟾

翫月喜張十八員外以王六秘書至

韓愈

前夕雖十五月長未滿規君來晤我時風露渺無涯

浮雲散白日天宇開青池孤質不自憚中天爲君施  
翫翫夜遂久亭亭曙將披况當今夕圓又以嘉客隨  
惜無酒食樂但用歌嘲爲

首夏同諸校正遊開元觀因宿翫月

白居易

我與二三子策名在京師官小無職事閒於爲客時  
沈沈道觀中心賞期在茲到門車馬迴入院巾杖隨  
清和四月初樹末正華滋風清新葉影鳥思殘花枝  
向夕天又晴東南餘霞披置酒西廊下待月孟行遲  
須臾金魄生若與吾徒期光華一照耀樓殿相參差

唐詩類苑

卷之一

二六

終夜清景前笑歌不知疲長安名利地此興幾人知

直中書翫月見寄

李端

名卿步月正淹留上客裁詩怨別遊素魄近成班女  
扇清光遠似庾公樓嬋娟更稱憑高望皎潔能傳自  
古愁盈手入懷皆不見陽春曲麗轉誰調

江中對月

劉長卿

空洲夕煙斂望月秋江裏歷歷沙上人月中孤渡水

灋上對月寄孔諫議

韋應物

思懷在雲閣泊素守中林出處雖殊跡明月兩知心

宿陽城驛對月

白居易

親故尋迴駕妻孥未出關鳳凰池上月送我過商山

一百五日夜對月

杜甫

無家對寒食有淚如金波斫却月中桂清光應更多  
此離放紅藥想像嚙青娥牛女漫愁思秋期猶渡河

舟月對驛近寺

杜甫

更深不假燭月朗自明船金刹清楓外朱樓白水邊  
城烏啼眇眇野鷺宿娟娟皓首江湖客釣簾猶未眠

曲阿對月別岑况徐說

劉長卿

金陵已蕪沒函谷復煙塵猶見南朝月還隨上國人  
白雲心自遠滄海意相親何事須成別汀洲欲暮春

唐詩類苑

卷之一

五

過裴迪南門秋夜對月

錢起

夜來詩酒興月滿謝公樓影閉重門靜寒生獨樹秋

鶴一作

驚隨葉散螢遠入煙流今夕遙天末清光

幾處愁

昇道精舍南臺對月寄姚合

賈島

月向南臺見秋霖洗滌餘出逢危葉落靜看衆峰疎  
冷露尋時有禪窓此夜虛相思聊悵望潤氣徧衣初

田氏南樓對月

馬戴

主人同露坐明月在高臺咽咽陰蟲叫蕭蕭寒鴈來

影搖疎木落魄轉樹鍾開幸免丹霞映清光溢酒盃

訓夢得早秋對月見寄

白居易

吾衰寡情趣君病懶經過其奈西樓上新秋明月何  
庭蕪淒白露池色澹金波況是初涼夜東城砧杵多

訓夢得暮秋晴夜對月相憶

白居易

霽月光如練盈庭復滿池秋深無熱後夜淺未寒時  
露葉團荒菊風枝落病梨相思懶相訪應是各年衰

訓夢得霜夜對月見懷

白居易

淒清冬夜景搖落長年情月帶新霜色砧和遠鴈聲

唐詩類苑

卷之二

五

暖隣爐近火寒覺被衣輕枕上訓佳句詩成夢不成

宿藍溪對月

白居易

昨夜鳳池頭今夜藍溪口明月本無心行人自迴首

新秋松影下半夜鐘聲後清影不宜眠聊將茶代酒

秋夕對月

羅隱

夜月色可掬倚樓聊解顏未能分冠盜徒欲滿關山

背冷金蟾滑毛寒玉兔頑姮娥謾偷藥長短老中間

訓集賢劉郎中對月見寄兼懷元浙東

白居易

月在洛陽天天高靜如水下有白頭人挈衣中衣起

思遠鏡亭上光深書殿裏眇然三處心相去各千里

城上對月期友人不至 白居易

古人惜晝短勸令秉燭遊况此迢迢夜明月滿西樓  
復有盈樽酒置在城上頭期君若不至人月兩悠悠  
照水煙波白照人肌髮秋清光正如此不醉即須愁

十五夜與友人對月 張蠟

每到月圓思共醉不宜同醉不成歡一千二百如輪  
夜浮世誰能得盡看

初入香山院對月 白居易

老住香山初到夜秋逢白月正圓時從今便是家山  
唐詩類苑 卷之二 三九

月試問清光知不知

對月答元明府 戴叔倫

山下孤城月上遲相留一醉本無期明年此夕遊何  
處縱有秋光知對誰

客亭對月 李洞

游子離魂隴上花風飄浪卷遶天涯一年十二度圓  
月十一回圓不在家

奉和太常王卿訓中書李舍人中書寓直春

夜對月見寄 盧綸

露如輕雨月如霜不見星河見鴈行虛聾入池波自

汎滿輪當苑桂多香春臺幾望黃龍闕雲路寧分白  
玉郎是夜巴歌應金石豈殊螢火對清光

春宵覽月 閻寬

月生東荒外天雲收夕陰愛見澄清景象吾虛白心  
耳目靜無譁神超道性深乘興得至樂寓言因永吟

唐詩類苑 卷之二

唐詩類苑卷第二

明雲間張之象玄超甫纂輯

嶺南趙應元葆初甫編次

雲間王微叔朗甫補訂

梁谿曹仁孫伯安甫校正

天部

月

遼城望月

太宗

玄兔月初明澄輝照遼碣映雲光暫隱隔樹花如綴  
鬼滿桂枝圓輪虧鏡彩缺臨城却影散帶暈重圍結

唐詩類苑

卷之二

駐蹕俯九都佇一作觀妖氛滅

秋山望月謝李騎曹

李嶠

愁客坐山隈懷抱自悠哉况復高秋夕明月正徘徊  
亭亭出迴岫皎皎映層臺色帶銀河滿光含玉露開  
澹雲籠影度虛暈抱輪迴谷邃涼陰靜山空夜響哀  
寒催數鴈急風送一螢來獨軫離居恨遙想故人杯

秋夜望月憶韓席等諸侍郎因以投贈吏部

張九齡

侍郎李林甫

秋天碧雲夜明月懸東方皓皓庭際色稍稍林下光  
桂華澄遠近璧綠散池塘鴻鴈飛難度關山曲易長

揆予秉孤直虛薄忝文章握鏡慚先照持衡愧後行  
多才衆君子載筆久辭場作賦推潘岳題詩許謝康  
當時陪宴語今夕恨相忘願欲接高論清晨朝建章

和李侍郎秋夜望月

張九齡

清秋發高興涼月復閒宵光逐露華滿情因水鏡搖  
同持亦所見異路無相招美景向空盡歡言隨事銷  
忽聽金華作誠如玉律調南宮尚爲後東觀何其遙  
名數雖云隔風期幸未遙今來重餘論懷此更終朝

奉和望月應魏王教

褚亮

層軒登皎月流照滿中天色共梁珠遠光隨趙壁圓

唐詩類苑

卷之二

落影臨秋扇虛輪入夜弦所欣東館裏預奉西園篇

江中望月

盧照隣

江水向滄陽澄澄寫月光鏡圓珠溜徹弦滿箭波長  
沈鈎搖兔影浮桂動舟芳延照相思夕千里共沾裳

秋夜望月

姚崇

明月有餘鑒羈人殊未安桂含秋樹晚影入夜池寒  
灼灼雲枝淨光光草露團所思迷所在長望獨長嘆

秋夕望月

張九齡

清迥江城月流光萬里同所思如夢裏相望在庭中  
皎潔青苔路蕭條黃葉風含情不得語頻使桂華紅

壁池望秋月

張子容

涼夜窺清沼池空水月秋滿輪沈玉鏡半  
蟾影搖輕浪菱花渡淺流漏移光漸潔雲  
似璧悲三獻疑珠怯再投能將千里意來  
照楚鄉愁

望月有所思

駱賓王

九秋涼氣肅千里月華開圓光隨露湛  
碎影逐波來似霜明玉砌如鏡寫珠胎  
曉色依關近邊聲雜吹哀離居分照耀  
愁緒共徘徊自繞南飛羽空忝北堂才

月下懷

孟浩然

秋空明月懸光彩露濕濕驚鵲棲未定  
飛螢卷簾入

唐詩類苑

卷之三

三

庭窗寒影疎隣杵夜深急佳期曠何許  
悵望空佇立

望月有懷

康庭芝

天使下西樓光含萬里秋臺前疑挂鏡  
簾外似懸鉤張尹將眉學班姬取扇儔  
佳期應借問爲報在刀頭

和康五庭芝望月有懷

杜審言

明月高秋迥愁人獨夜看暫將弓並曲  
翻與扇俱團霧濯清輝苦風飄素影寒  
羅衣一此鑒頓使別離難

望月懷遠

張九齡

海上生明月天涯共此時情人怨遙夜  
竟夕起相思滅燭憐光滿披衣覺露滋  
不堪盈手贈還寢夢佳期

西樓望月

張籍

城西樓上月復是雪晴時寒夜共來望  
思鄉獨下遲幽光落水暫淨色在霜枝  
明日千里去此中還別離

南樓望月

僧皎然

夜月家家望亭亭愛此樓纖雲溪上斷  
疎柳影中秋漸映千峰出遙分萬派流  
關山時復見應獨起邊愁

龍池寺望月寄韋使君闔別駕

司空曙

清光此夜中萬里望應同當野山沈霧  
低城樹有風花宮紛共遠水府皓相空  
遙想高樓上惟君對庾公

唐詩類苑

卷之三

四

登樓望月二首

劉闢

圓月當新霽高樓見最明素波流粉壁  
丹桂拂飛甍下瞰千門靜旁觀萬象生  
梧桐窻下影烏鵲檻前聲嘯逸劉琨興  
吟資庾亮情遊人莫登眺迢遞故鄉程

二

皎潔三秋月巍我百丈樓下分征客路  
上有美人愁帳卷芙蓉帶簾褰玳瑁鈎  
倚窻情渺渺憑檻思悠悠未得金波轉  
俄成玉筋流不堪三五夕夫婿在邊州

訓朱侍御望月見寄

賈島

他寢一作此時吾不寢近秋三五月  
逢晴相思惟有



霜臺月望盡孤光見却生

雪後宿同軌店上法護寺鐘樓望月

元稹

滿山殘雪滿山風野寺無門院院空煙火漸稀孤店靜月明深夜古樓中

九月十五日夜宿鄭尚書細東亭望月寄杜

給事

僧廣宣

霜天晴夜宿東齋松竹交陰愜素懷迥出風塵心得地可憐三五月當堦清光滿院思情見寒色隔門笑語諧霄漢路殊從道合往來人事不相乖

唐詩類苑

卷之二

五

奉訓宣上人九月十五日東亭望月見贈因

懷紫閣舊遊

鄭細

中年偶逐鴛鴦侶弱歲多從麋鹿群紫閣道流今不見紅樓禪客早曾聞松齋月朗星初散苔砌霜繁夜欲分一覽絲牋佳句滿何人更詠惠休文

登樓望月寄鳳翔李少府 僧清江

陌上涼風槐葉凋夕陽清露濕寒條登樓望月楚山上月到樓南山獨遙心逐秦人趨鳳闕日隨陽鴈寄煙霄軒車不重無名客此地誰能訪寂寥

中夜起望西園值月上

柳宗元

覺窗繁露墜開戶臨西園寒月上東嶺冷泠疎竹

石泉遠逾響山鳥時一喧倚楹遂至旦寂寞將何言

同賀監林月清酌

王灣

華月當秋滿朝來假興同淨林新霽入窺院早涼通碎影行筵裏搖光落酒中清宵疑爽意併此助文雄

挂席江上待月有懷

李白

待月月未出望江江自流倏忽城西郭青入

素華雖可攬清景不同游耿耿金波裏空照

陪王員外北樓待月

獨孤及

勸酒論心夜不疲含情有待語誰思佇看明月澄清

唐詩類苑

卷之二

六

景來照江樓酹酹時

與諸公池上待月

楊發

樹密池繁岸池遙水際空菱開方吐鏡頻動欲含風漸映莎汀白微分渚夜紅金波宜共賞僊棹一宵同

遊溪待月

僧皎然

溪色思汎月沿洄欲未歸殘燈逢水店疎磬憶山扉

夜浦魚驚少空林鵲遶稀可中纔望見撩亂掃寒衣

旅中秋月有懷

朱慶餘

久客未還鄉中秋倍可傷暮天飛旅鴈故國在衡陽島外歸雲迥林間落葉黃數宵千里夢時見舊書堂

秋庭夜月有懷

李澄之

遊客三江外，單樓百慮違。  
山川憶處近，形影夢中歸。  
夜月明虛帳，秋風入擣衣。  
從來不慣別，况屬鴈南飛。

吐蕃別館月夜

呂溫

三五窮荒月，還應照北堂。  
迴身向暗臥，不忍見圓光。

同李三月夜作

皇甫冉

霜風驚度鴈，月露皓疎林。  
處處砧聲發，星星河夜深。

月夜

杜甫

今夜鄜州月，閨中只獨看。  
遙憐小兒女，未解憶長安。  
香霧雲鬟濕，清輝玉臂寒。  
何時倚虛幌，雙照淚痕乾。

唐詩類苑

卷之三

七

樓中月夜

韋應物

端令倚懸檻，長望抱沈憂。  
寧知故園月，今夕在茲樓。  
衰蓮送餘馥，華露湛新秋。  
坐見蒼林變，清輝愴已休。

一作收

月夜

韋應物

皓月流春城，華露積芳草。  
坐念綺窗空，翻傷清景好。  
清景終若斯，傷多人自老。

道州敬訓何處士懷郡樓月夜之作

呂溫

清質悠悠素彩融，長山迴陸合爲空。  
佳人甚近山城

閉夏夜相望一鏡中

月夕

李商隱

草下陰蟲葉上霜，朱欄迢遞壓湖光。  
兔寒蟾冷桂花白，此夜姮娥應斷腸。

賦得月照水池

葉繼良

霽夕雲初歛，棲娥月未虧。  
圓光生碧海，素色滿瑤池。  
天迴輪空見，波凝影詎窺。  
浮霜玉比彩，照像鏡同規。  
皎潔寒偏淨，徘徊夜轉宜。  
誰憐幽境在，長與賞心隨。

賦得月照水池

李商隱

皓月方離海，堅冰正滿池。  
金波雙激射，璧彩兩參差。

唐詩類苑

卷之三

八

影占徘徊處，光含的皪時。  
高低連素色，上下接清規。  
顧兔飛難定，潛魚躍未期。  
鵲驚俱欲遠，狐聽始無疑。  
似鏡將盈手，如霜恐透肌。  
獨憐游翫意，達曉不知疲。

嫦娥

李商隱

雲母屏風燭影深，長河漸落曉星沉。  
嫦娥應悔偷靈藥，碧海青天夜夜心。

月中桂

張喬

與月轉洪濛，扶疎萬古同根非。  
生下土葉不墜，秋風每以圓時足。  
還隨缺處空影高，群木外香滿一輪中。  
未種丹霄日應虛，白兔宮如何當羽化。  
細得問神功。

月下呈章秀才

劉長卿

自古悲搖落誰人奈此何夜蛩偏傍枕寒鳥數移柯  
向老三年謫當秋百感多家貧誰好月空愧子猷過

月下寄徐希仁

盧仝

夜半沙上行月瑩天心明沙明浩無際此中離思生  
上天何寥廓下地何崢嶸吾道豈已矣爲君憫兒觥

月下喜邢校書至自洛

李益

天河夜未央漫漫復蒼蒼重君遠行至及此明月光  
華星映衰柳暗水入寒塘客心定何似餘歡方自長

答劉長卿地浦橋月下重送

唐詩類苑

卷之二

九

嚴維

月色今宵最明庭閒夜久天清寂寞多年老宦慙慙  
遠別深情溪臨脩竹煙色風落高梧雨聲耿耿相看

不寐遙聞曉柝山城

溪中月下寄楊子尉封亮

李益

衡若奪幽色銜思恍無惺宵長霜霧多歲晏淮海風  
團團山中月三五離夕同露凝朱絃絕觴至蘭玉空

清光液流波盛明難再逢常恐河漢遠坐窺煙景窮

小人諒處陰君子樹大功永願厲高翼慰我二老情

府舍月遊

韋應物

官舍一作寺耿深夜佳月喜同遊橫河俱半落泛露恣

驚秋散彩疎群樹分規澄素流心期與浩景蒼蒼未收

行見月

王建

月初生居人見月一月行行行一年十二月強半馬  
上看盈一作圓缺百年歡樂能幾何在家見少行見多

不緣衣食相驅遣此身誰願長奔波篋中有帛念有  
粟豈向天涯走碌碌家人一作中見月望我歸正是道

上思歸時

道州月歎

呂溫

唐詩類苑

卷之二

十一

別館月犁牛米河金山雪道州霜月樹子規啼是血

壯心感此孤劍明沈火在灰殊未滅

月漉漉篇

李賀

月漉漉波煙玉莎青桂花繁芙蓉別江木粉態袂羅  
寒鴈羽鋪煙濕誰能看石帆乘船鏡中入秋白鮮紅

死水香蓮子齊挽菱隔歌袖綠刺胃銀泥

絕句

賈島

海底有明月圓於天上輪得之一寸光可買千里春

霜月

李商隱

初聞征鴈已無蟬百尺樓南水接天青女素娥俱耐

冷月中霜裏鬪嬋娟

賦得三讓月成魄

劉琬

爲禮依天象周旋逐月成教人三讓美爲客一宵生  
初進輪猶暗終辭影漸明幸陪賓主位取舍任虧盈

賦得月映清淮流

孫 榮

遙夜淮彌淨浮空月正明虛無含氣白凝澹映波清  
見底深還淺居高缺復盈虛柔知坎德特潔表陰精  
利物功難並和光道已成安流方利涉應鑒此時情

賦得月映清淮流

吳 融

淮月秋偏靜含虛夜轉明桂花窺鏡發蟾影映波生

唐詩類苑

卷之二

十一

澹灩輪初上徘徊魄正盈遙塘分草樹近浦寫山城  
桐栢流光逐蟾珠濯景清孤舟方利涉更喜照前程

京兆府試殘月如新月

鄭 谷

榮落誰相似初終却一般猶疑和夕照誰信墮朝寒  
水國輝華別詩家比象難家人應悞拜棲鳥反求安  
屈指期輪滿何心謂影殘庾樓清賞處吟徹曙鐘看

落月

元 稹

落月沈餘影陰渠流暗光蚊聲露濕戶螢火繞屋梁  
飛幌翠雲薄新荷清露香不吟復不寐竟夕池水傍

月蝕

盧 仝

新天子卽位五年歲次庚寅斗柄插子律調黃鐘森

森萬木夜殭立寒氣肅負頑無風爛銀盤從海底出

出來照我草屋東天色絳滑凝不流冰光交貫寒腫

臃初疑白蓮花浮出龍王宮八月十五夜比並不可

雙此時怪事發有物吞食來輪如壯士斧斫壞桂似

雪山風拉摧百鍊鏡照見膽平地埋寒灰火龍珠飛

出腦却入蚌蛤胎摧環破壁眼看盡當天一搭如煤

焰磨滅滅跡須臾間便似萬古不可開不料至神物

有此大狼狽星如撒沙出爭頭事光大奴婢生燈檠

葵如玳瑁今夜吐焰長如虹孔隙千道射戶外玉川

唐詩類苑

卷之三

十二

子涕泗下中庭獨自行念此日月者太陰太陽精皇

天要識物日月乃化生走天汲汲勞四體與天作眼

行光明此眼不自保天公行道何由行吾見陰陽家

有說望日蝕月月光滅朔月掩日日光缺兩眼不相

攻此說吾不容又孔子師老子云五色令人目盲吾

恐天似人好色卽喪明幸且非春時萬物不嬌榮青

山破瓦色綠水冰崢嶸花枯無女艷鳥死沈歌聲頑

冬何所好偏使一目盲傳聞古老說蝕月蝦蟆精徑

圓千里入汝腹如此癡騷阿誰生可從海窟來便解

緣青冥恐是睚眦間指塞所化成黃帝有二目帝

重瞳明二帝懸四目四海生光輝吾不遇二帝混濁  
不可知何故瞳子上坐受蟲豸欺長嗟白兔搗靈藥  
恰似有意防姦非藥成滿臼不中度委任白兔夫何  
爲憶昔堯爲天十日燒九州金燄水銀流玉燭冊砂  
焦六合烘爲窯堯心增百憂帝見堯心憂勃然發怒  
決洪流立擬沃殺九日妖天高日走天不及但見萬  
國赤子職職生魚頭此時九御導九日手持節旄麾  
幢旒駕車六九五十四頭蛟螭虬擊電九火轉汝若  
蝕開甌閩輪銜轡執索相爬鈎推蕩羣匄入汝喉和  
鱗焰鳥燒口快翎鬣倒側聲酸鄒撐腸拄肚礪塊如

唐詩類苑

卷之二

三

山丘自可飽死更不偷不獨填饑坑亦解堯心憂恨  
汝時當食藏頭擲腦不肯食不當食張唇哆嘴食不  
休食天之眼養逆命安得上帝請汝劉嗚呼人養虎  
被虎齧天媚墓被墓瞋乃知恩非類一一自作孽吾  
見患眼人必索良工訣想天不異人愛眼固應一安  
得嫦娥氏來習扁鵲術手操春喉戈去此睛上物其  
初猶朦朧既久如抹漆但恐功業成便此不吐出玉  
川承又涕泗下心禱再拜額榻砂土中地上蟣虱臣  
全告愬帝天皇臣心有鐵一寸可剗妖墓癡腸上天  
不爲臣立梯磴臣血肉身無由飛上天揚天光封詞

付與小心風颭一作排闥闖入紫宮密邇玉几前壁

圻奏上臣全頌愚胸敢死橫于天代天謀其長東方

蒼龍角插戟尾揮風當心開明堂統領三百六十鱗

蟲坐理東方宮月蝕不救援安用東方龍南方火鳥

赤潑血項長尾短飛跋躩頭戴井冠高達枿月蝕鳥

宮十三度鳥爲居停主人不覺察貪向何人家行赤

口毒舌毒蟲頭上喫却月不啄殺虛貶鬼眼明突窗

鳥罪不可雪西方攫虎立蹄蹄斧爲牙鑿爲齒偷犧

牲食封豕大墓一齋固當軟美見似不見是何道理

爪牙根天不念天天若准擬錯准擬北方寒龜被地

唐詩類苑

卷之二

十四

縛藏頭入殼如入獄地筋束緊束破殼寒龜夏驚一  
種味且當臞其肉一底板沒信處唯堪支牀脚不堪  
鑽灼與天下卜歲星主福德官爵奉董秦忍使黔婁  
生覆尸無衣巾天失眠不弔歲星胡其仁榮惑矍鑠  
翁執法大不中月明無罪過不糾蝕月蟲年年十月  
朝太微支盧謫罰何災凶土星與土性相背反養福  
德生禍害到人頭上死破敗今夜月蝕安可會太白  
眞將軍怒激鋒鏑生恒州陣斬鄴定進項骨脆甚春  
蔓菁天唯兩眼失一眼將軍何處行天兵辰星任廷  
尉天律自主持人命在盆底固應樂見天盲時天若

不肯信試喚臯陶鬼一問一如今日三台文昌宮  
上天紀綱環天二十八磊磊尚書郎整頓排班行劍  
握他人將一四太陽側一四天市傍操斧代大匠兩  
手不怕傷弧矢引滿反射人天狼呀啄明煌煌癡牛  
與駃女不肯勤農桑徒勞含淫思旦夕遙相望蚩尤  
簸旗美旬朔始槌天鼓鳴璫琅枉矢能蛇行耗目森  
森張天狗下舐地血流何滂滂譎險萬萬黨架何  
可當眯目疊成就害我光明王請留北斗一星相北  
極指麾萬國縣中央此外盡掃除堆積如山岡贖我  
父母光當時常星沒殞雨如迸漿似天會事發叱喝

唐詩類苑

卷之二

十五

誅奸強何故中道廢自遺今日殃善善又惡惡郭公  
所以亡願天神聖心無信他人忠玉川子詞訖風色  
緊格格近月黑暗邊有似動劍戟須臾癡暮精兩吻  
自決拆初露半箇壁漸吐滿輪鬼衆星盡原赦一墓  
獨誅磔腹肚忽脫落依舊挂穹碧光彩未蘇來慘澹  
一片白奈何萬里光受此吞吐厄再得見天眼感荷  
天地力或問玉川子孔子脩春秋二百四十年月蝕  
盡不收今子咄咄詞頗合孔意不玉川子笑答或請  
聽逗遛孔子父母魯諱魯不諱周書外書大惡故月  
蝕不見收予命唐天口食唐土唐禮過三唐樂過五

小猶不說大不可數災沴無有小大瑜安引衰周所  
覈可否日分晝月分夜辨寒暑一主刑二主德政乃  
舉孰爲人面上一目偏可去願天完兩目照下萬方  
土萬古更不瞽萬萬古更不瞽照萬古

月蝕

盧仝

東海出明月清光照毫髮朱絃初罷彈金龜正奇絕  
三五與二八此是光滿時頗奈蝦蟆兒吞我芳桂枝  
我愛明鏡潔爾乃痕翳之爾且無六翮焉得升天涯  
方寸有白刃無由揚清輝如何萬里光遭此小物欺  
却吐天漢中良久素魄微日月尚如此人情良可知

唐詩類苑

卷之二

十六

月蝕詩效玉川子作

韓愈

元和庚寅斗插子月十四日三更中森森萬木夜僵  
立寒氣肩輿頽無風月形如白盤完完上天東忽然  
有物來噉之不知是何蟲如何至神物遭此狼狽凶  
星如撒沙出攢集爭強雄油燈不照席是夕吐焰如  
長虹玉川子涕泗下中庭獨行念此日月者爲天之  
眼睛此猶不自保吾道何由行嘗聞古老言疑是蝦  
蟇精徑圓千里納女腹何處養女百醜形爬沙脚手  
鈍誰使女解緣青冥黃帝有四目帝舜重其明今天  
祗兩目何故許食使偏盲堯呼大水浸十日不惜萬

國赤子魚頭生女於此時若食日雖食八九無噉名  
赤龍黑鳥燒口熱翎鬣倒側相搪撐醉大肚遭一飽  
饑腸徹死無由鳴後時食月罪當死天羅罽市何處  
逃汝形玉川子立于庭而言曰地行賤臣全再拜敢  
告上天公臣有一寸刃可剗凶墓腸無梯可上天天  
階無由有臣蹤寄牋東南風天門西北祈風通丁寧  
附耳莫漏洩薄命正值飛廉慵東方青色龍牙角何  
呀呀從官百餘座嚼啜煩官家月蝕汝不知安用爲  
龍窟天河赤鳥司南方尾秃翅觶沙月蝕於汝頭汝  
口開呀呀蝦蟆掠汝兩吻過忍學省事不以汝嗜啄

唐詩類苑

卷之二

十七

蝦蟆於菟蹲於西旗旄衛凝筆既從白帝祠又食於  
禘禮有加忍令月被惡物食枉於汝口插齒牙烏龜  
怯姦怕寒縮頸以殼自遮終令夸蛾挾汝出卜師燒  
錐鑽灼蒲板如星羅此外內外官瑣細不足科臣請  
悉掃除慎勿許語令啾譁併光金耀掃我月盲眼鏡  
淨無纖瑕獎蛙拘送主府官帝箸下腹嘗其蟠依前  
使兔操杵臼玉塔桂樹閒婆娑姮娥還宮室太陽有  
室家天雖高耳屬地感臣赤心使臣知意雖無明言  
潛喻厥旨有氣有形皆吾赤子雖忿大傷忍殺我  
還女月明安行于次盡釋衆罪以蛙磔死

星

詠星

董思恭

歷歷東井含昭昭右掖垣雲際龍文出池中鳥色  
流暉下月露墜影入河源方知潁川集別有太丘門

詠星

李嶠

蜀郡靈槎轉豐城寶劍新將軍臨北塞天子入西  
未作三台輔寧爲五老臣今宵潁川曲誰識夢中

三星行

韓愈

我生之辰月宿南斗牛奮其角箕張其口牛不  
箱斗不挹酒漿箕獨有神靈無時停斂揚無善

唐詩類苑

卷之二

十八

聞無惡聲已謹名聲相乘除得失少有餘三星各在  
天什五東西陳嗟汝牛與斗汝獨不能神

天星送楊凝郎中賀正

韓愈

天星牢落鷄喔咿僕夫起餐車載脂正當窮冬寒未  
已借問君子行安之會朝元正無不至受命上宰須  
及期待從近臣有虛位公今此去歸何時

賦得壽星見

盧渥

玄象金何應時和政亦平祥爲一人壽色映九霄明  
皎潔垂銀漢光芒近斗城含規同月滿表瑞得天青  
甘露盈條降非煙向日生無如此嘉祉率土荷秋成



賦觀老人星

趙蕃

太史占南極秋分見壽星增輝延寶曆發曜起祥經  
灼爍依狼地昭彰近帝庭高懸方杳杳孤白乍榮榮  
應見光親吐休徵德自形既能符聖祚從此表遐齡

賦觀老人星

李頔

良宵出戶庭極日向青冥海內逢康日天邊見壽星  
臨空遙的的竟曉獨熒熒春後先依景秋來忽近丁  
垂休歸有道作瑞掩前經豈比周王夢徒言得九齡

賦得郎官上應列宿

公乘億

北極佇文昌南宮曉拜郎紫泥乘帝澤銀印佩天光

唐詩類苑

卷之二

十九

緯結三台側鈎連四輔傍佐商依傳說仕漢笑馮唐  
委佩搖秋色峨冠帶晚霜自然符列象千古耀巖廊  
河

明河篇

天后朝多引文學之士元萬頃劉禕之等使之撰  
列女傳臣軌百寮新戒樂書凡千餘卷時令參決  
表奏以分宰相之權時謂之北門學士宋考功求  
爲北門學士天后不許乃作明河篇以見其意末  
云明河可望不可親願得乘槎一問津更將織女  
支機石還訪成都賣卜人天后見其詩謂崔融

吾非不知其才但以其有口過爾之間終身慚憤

八月涼風天氣清萬里無雲河漢明昏見南樓清且  
淺曉落西山縱復橫洛陽城闕天中起長河夜夜千  
門裏複道連甍共蔽虧盡堂瓊戶特相宜雲母帳前  
初汎濫水精簾外轉逶迤倬彼昭回如練白復出東  
城接南陌南陌征人去不歸誰家今夜擣寒衣鴛鴦  
機上疎螢度烏鵲橋邊一鴈飛鴈飛螢度愁難歇坐  
見銀河漸微沒已能舒卷任浮雲不惜光輝讓流月  
明河可望不可親願得乘槎一問津更將織女支機  
石還訪成都賣卜人

唐詩類苑

卷之二

二十

天河

杜甫

常時任顯晦秋至最分明縱被微雲掩終能永夜清  
含星動雙闕伴月落邊城牛女年年會何曾風浪生

賦得秋河曙耿耿

陳潤

曉望秋高夜微明欲曙河橋成鵲已去機罷女應過  
月上殊開練雲行類動波尋源不可到耿耿復如何

賦得玉繩低建章

張仲素

迢迢玉繩下芒彩正闌干稍復臨鵲鵲方疑近露寒  
微明連粉蝶的皪映倭盤橫接河流淺低將夜色殘  
天榆隨影沒宮樹與光攢遐想西垣客長吟欲罷難



唐詩類苑卷第三

明雲間張之象玄超甫纂輯

嶺南趙應元葆初甫編次

雲間王徹叔朗甫補訂

梁谿曹仁孫伯安甫校正

天部

風

詠風

太宗

蕭條起關塞搖颺下蓬瀛拂林花亂彩經谷鳥分聲  
披雲羅影散汎水織文生勞歌大風曲威加四海清

唐詩類苑

卷之三

奉和詠風應魏王教

虞世南

逐舞飄輕袖歌傳共繞梁動枝生亂影吹花送遠香

詠風

王勃

蕭蕭涼景生加我林壑清驅煙尋磻戶卷霧出山楹  
去來固無跡動息如有情日落山水靜爲君起松聲

詠風

董思恭

蕭蕭度閭闔習習下庭闈花蝶自飄舞蘭蕙生光輝  
相鳥正舉翼退鷁已驚飛方從列子御更逐浮雲歸

詠風

李嶠

落日生蘋末搖颺偏遠林帶花迎鳳舞向竹似龍吟

月動臨秋扇松清入夜琴蘭臺宮殿峻還拂楚王襟

秋晨同淄川毛司馬詠風 駱賓王

紫陌炎氛歇青蘋晚吹浮亂竹搖疎影繁池織細流  
飄香曳舞袖帶粉汎粧樓不忿一作分君恩絕執扇曲

中秋

風

薛濤

獵蕙微風遠飄絃唳一聲林梢明浙瀝松徑夜淒清

風

李商隱

撩釵盤孔雀惱帶拂鴛鴦羅薦誰教近齋時鏤洞房

詠風

張祐

唐詩類苑

卷之三

二

搖搖歌扇舉悄悄舞衣輕引笛秋臨塞吹沙夜遶城  
向峰迴鴈影出峽送猿聲何似琴中奏依依別帶情

詠風

呂溫

微風生青蘋習習出金塘輕搖深林翠靜獵幽徑芳  
掩抑時未來鴻毛亦無傷一朝乘嚴氣萬里號清霜  
北走摧鄧林東去落扶桑掃却垂天雲澄清無私光  
悠然返空寂晏海通舟航

風

李商隱

迴拂來鴻急斜催別鷺高已寒休慘澹更遠尚呼號  
楚色分西塞夷音接下牢歸舟天外有一爲戒波濤

風

李山甫

喜怒寒暄直不勻終無形狀始無因能將塵土平欺  
客愛把波瀾枉陷人飄樂通香隨日在綻花開柳逐  
年新深知造化由君力試爲吹噓借與春

春風

李商隱

春風雖自好春物太昌昌若教春有意唯遣一枝芳  
我意殊如一作春意先春已斷腸

春風

李咸用

青帝使和氣吹噓萬國中發生寧有異先後自難同  
輦草不銷力巖花應費功年年三十騎飄入玉蟾宮

唐詩類苑

卷之三

三

春風

白居易

春風先發苑中梅櫻杏桃梨次第開齊花榆莢深村  
裏亦道春風爲我來

春風

羅鄴

每歲東來助發生舞空悠颺徧寰瀛暗添芳草池塘  
色遠遞高樓簫管聲簾透驪宮偏帶恨花催上苑剩  
多情如同一統車書日吹取青雲道路平

詠春風

崔涯

動地經天物不傷高情易韻住何方扶燕雀連天  
去斷送楊花盡日狂遠桂月明過萬戶送帆晴晚渡

三湘孤雲雖是無心物借便吹教到帝鄉

朝春風

溫庭筠

春風何處好別殿饒芳草冉弱轉鸞旗歲寒吹雉葆  
揚芳歷九門澹蕩入蘭蓀爭奈白團扇時時偷主恩

歎春風兼贈李二十侍郎二絕

白居易

樹根雪盡催花發池岸冰消放草生唯有鬢霜依舊  
白春風於我獨無情

道場齋戒今初畢酒伴歡娛久不同不把一盃來勸  
我無情亦得似春風

唐詩類苑

卷之三

賦得春風扇微和

公乘億

麗日催遲景和風扇早春暖浮丹鳳闕韶媚黑龍津  
澹蕩迎僊仗霏微送畫輪綠搖官柳散紅待禁花新  
舞席皆迴雪歌筵暗送塵幸當陽律候惟願及佳辰

賦得春風扇微和

陳九流

喜見陽和至遙知紫籥功遲遲散南陌裏裏逐東風  
暗入芳<sup>一作畦</sup>園裏潛吹草木中蘭蓀纔有綠桃杏未

成紅已覺寒光盡還看淑氣通由來榮與悴今日發  
應同

賦得春風扇微和

張景

木德生和氣微微入曙風暗催南向葉漸翳北歸鴻  
澹蕩侵水谷悠揚轉蕙叢拂塵迴廣路汎瀨過遙空  
暖上煙光際雲移律候中扶搖如可借從此戾蒼穹

賦得春風扇微和

范傳正

暖暖當遲日微微扇好風吹搖新葉上光動淺花中  
澹蕩凝清晝氤氲暖碧空稍看生綠水已覺散芳叢  
徙倚情偏適徘徊賞未窮妍華不可狀竟夕氣融融

賦得春風扇微和

陳通方

習習和風扇悠悠淑氣微陽升知候改律應喜春歸  
池柳晴初拆林鶯暖欲飛川原浮彩翠臺館動光輝

唐詩類苑

卷之三

沈豔搖丹闕揚芳入粉闌發生當有分枯朽幸因依

賦得春風扇微和

柳道倫

青陽初入律淑氣應春風始辨梅花裏俄分柳色中  
依微開夕曉<sup>一作曉</sup>照澹蕩媚晴空拂水生蘋末經巖觸  
桂叢稍抽蘭葉紫微吐杏花紅願逐仁風布將裨生

植功

賦得春風扇微和

崔立之

時令忽已變年光俄又春高低惠風入遠近芳氣新  
靡靡纔偃草泠泠不動塵溫和乍扇物煦嫗偏感人  
去出桂林漫來過薰園頌晨輝正澹蕩披拂長相親

賦得春風扇微和

鄭一遵

微風飄淑氣散漫及茲晨習習何處至熙熙與春親  
暖空看早辨映日度逾頻高拂非煙雜低垂衆卉新  
霽天輕有靄綺陌盡無塵還似登臺意元和欲煦人

賦得春風扇微和

豆盧榮

春晴生縹緲軟吹和初遍池影動淵淪山容發蔥蒨  
遲遲入綺閣習習流芳甸樹杪颺鶯啼堦前落花片  
韶光恐閒放旭日宜遊宴文客拂塵依仁風願迴扇

賦得春風扇微和

邵偃

微風扇和氣韶景共芳晨始見郊原綠旋過御苑春

唐詩類苑

卷之三

六

賦得風動萬年枝

樊陽源

三條開廣陌八水汎通津煙動花間葉香流馬上人  
逶迤雲彩曙嘹唳鳥聲頻爲報東堂客明朝桂樹新

賦得風動萬年枝

許稷

瓊樹春偏早光飛處處宜曉浮三殿日暗度萬年枝  
婀娜搖僊禁續翻映玉池含芳煙乍合拂砌影初移  
爲近韶陽煦皆先衆卉垂成陰知可待不與衆芳隨

賦得風動萬年枝

韋紆

嘉名標萬祀擢秀出深宮嫩葉含煙靄芳柯振惠風  
參差搖翠色綺靡舞晴空氣稟禎祥異榮霑雨露同  
天年方未極聖壽比應崇幸列華林裏知殊衆木中

賦得風光草際浮

裴杞

澹蕩和風至芊綿碧草長徐吹遙撲翠半偃乍浮光  
葉似翻宵露疑扇夕陽逶迤明曲渚照耀滿迴塘  
白芷生還暮崇蘭汎更香誰知攬結處含思向餘芳

賦得風光草際浮

張復元

纖纖春草長遲日度風光霍靡含新彩霏微籠遠芳

唐詩類苑

卷之三

七

賦得風光草際浮

陳瓘

殊姿媚原野佳色滿池塘最好垂清露偏宜帶豔陽  
淺深浮嫩綠輕麗拂餘香好助鶯遷勢乘時冀便翔

賦得風光草際浮

吳秘

草色春沙裏風光曉正幽輕明搖不散郁昱麗仍浮  
吹緩苗難轉暉閒葉本柔碧疑煙彩入紅是日華流  
耐可披襟對誰應滿掬收恭聞掇芳客爲此尚淹留

賦得風光草際浮

陳祐

秀發王孫草春生君子風光搖低偃處影散豔陽中  
稍稍移蘋末微微轉蕙叢浮煙傾綠野遠色澹晴空  
汎彩池塘媚含芳景氣融清輝誰不揖幾許賞心同

賦得風不鳴條

盧肇

習習和氣至過條不自鳴暗通青律起遠望白蘋生  
拂樹花仍落經林鳥自驚幾牽蘿蔓動潛惹柳絲輕  
入谷迷松響開窻失竹聲薰絃方在御萬國仰皇情

賦得風不鳴條

姚鵠

吾君理化清上瑞報昇平曉吹何曾息柔條自不鳴

唐詩類苑

卷之三

八

花香知暗度柳動覺潛生只見低垂勢那聞擊觸聲  
大王初溥暢少女正輕盈幸遇無私力幽芳願發榮

賦得風不鳴條

黃頌

五緯起祥飈無聲瑞聖朝稍開含露縈纔轉惹煙條  
密葉應潛變低枝幾暗搖林間鶯欲嚀花下蝶微飄  
初滿綠堤草因生逐水苗太平無一事天外奏虞韶

賦得風不鳴條

左牢

旭日懸清景微風在綠條入松聲不發過柳影空搖  
長養應潛變一作扶疎每暗飄有林時嬋嬋無樹漸  
蕭蕭誤逐青煙散一作和色饒豐年知有待歌美

唐堯

賦得風不鳴條

王甚夷

聖日祥風起韶暉助發生蒙蒙遙野色裊裊細條輕  
荏弱看漸動怡和吹不鳴枝寒餘露濕林霽晚煙平  
縹緲春光媚悠揚景氣晴康哉帝堯代寰宇共澄清

賦得風不鳴條

金厚載

寂寂曙風生遲遲散野輕露華搖有滴林葉裊無聲  
暗剪蕙芳發空傳谷鳥鳴悠揚韶景靜澹蕩露華清  
遠水波瀾息荒郊草樹榮吾君垂至化萬類共澄清

賦得景風扇物

張聿

唐詩類苑

卷之三

九

何處青蘋末呈祥起遠空晚來搖草樹輕度淨塵蒙  
一作輕去動風濛水上微波動林前媚景通寥天鳴萬籟蘭  
徑長幽叢漸颺搏扶勢應從橐籥中開襟若有日願  
覩大王風

清風戒寒

蕭颯清風至悠然發思端入林翻別葉繞樹敗紅蘭  
曉拂輕霜度宵分遠籟攢稍依簾隙靜遍舉座隅寒  
乍逐驚蓬振偏催急漏殘遙知洞庭水此夕起波瀾

賦得清風戒寒

穆寂

風清物候殘蕭灑報將寒掃得天衢靜吹來眼界寬

條鳴方有異蟲思亂無端就樹收鮮膩衝池起澁瀾  
過山嵐可掬度月色宜看華實從茲始可嗟歲序殫

冬至日祥風應候

穆寂

節逢清景空占氣二儀中獨喜登臺日先知應候風  
呈祥光舜化表慶感堯聰一作與乘時叶還將入  
律同微微萬井遍習習九門通更繞爐煙起殷勤報  
歲功

賦得八風從律

蔣防

製律窺元化因聲感八風遠從萬籟起更與五音同  
習習爐煙上泠泠玉管中氣隨時物好響微霽天空

唐詩類苑

卷之三

十一

自得陰陽順能令惠澤通願吹寒谷裏從此達前蒙

始聞秋風

劉禹錫

昔看黃菊與君別今聽玄蟬我却回五夜颼颼枕前  
覺一年顏狀鏡中來馬思邊草拳毛動鵬盼青雲睡  
眼開天地肅清堪四望爲君扶病上高臺

秋風引

劉禹錫

何處秋風至蕭蕭送鴈群朝來入庭樹孤客最先聞

秋風函谷關應制

徐賢妃

秋風起函谷朔氣動河山偃松千嶺上雜雨二陵間  
低雲愁廣隰落日慘重關此時飄紫氣應驗真人還

秋風二首

杜甫

秋風淅淅吹巫山上牢下牢修水關吳檣楚柁牽百  
丈暖向神都寒未還要路何日罷長戟戰自青羌連  
白蠻中已不得消息好暝傳戍鼓長雲間

秋風淅淅吹我衣東流之外西日微天清小城擣練  
急石古細路行人稀不知明月爲誰好早晚孤帆他  
夜歸會將白髮倚庭樹故園池臺今是非

西風

白居易

西風來幾日一葉已先飛新霽乘輕屐初涼換熟衣  
淺渠銷慢水疎竹漏斜暉薄暮青苔蒼家僮引鶴歸

唐詩類苑

卷之三

十一

北風行

李白

燭龍棲寒門光耀猶旦開日月照之何不及此唯有  
北風號怒天上來燕山雪花大如席片片吹落軒轅  
臺幽州思婦十二月停歌罷笑雙蛾摧倚門望行人  
念君長城苦寒良可哀別時提劍救邊去遺此虎紋  
金鞞釵中有一雙白羽箭蜘蛛結網生塵埃箭空在  
人今戰死不復回不忍見此物焚之已成灰黃河捧  
土尚可塞北風雨雪恨難裁

涼風歎

白居易

昨夜涼風又颼然螢飄葉墜臥牀前逢秋莫歎須知

分已過潘安三十年

風歎

呂溫

青海風飛沙射面隨驚蓬洞庭風危檣欲折身若空  
西馳南走有何事會須一次百年中

江上使風寄裴耀卿

張九齡

江路與天連風帆何淼然遙林浪出沒孤舫鳥聯翩  
常自千鈞重深思萬事捐報恩非徇祿還逐賈人船  
訓張九齡江上使風見示裴耀卿

茲地五湖隣艱哉萬里人驚飆翻是託危浪亦相因  
宣室才華子金閨諷議臣承明有三入去去速歸輪

唐詩類苑

卷之三

十三

江上遇疾風

張九齡

疾風江上起鼓怒揚煙埃白晝晦如夕洪濤聲若雷  
投林鳥鍛羽入浦魚曝鰓瓦飛屋且發帆快檣已摧  
不知天地氣何爲此喧阗

西征軍行遇風

崔融

北風卷塵沙左右不相識颯颯吹萬里昏昏同一色  
馬煩莫敢進人急未遑食草木春更悲天景晝相匿  
風齡慕忠義雅尚存孤直覽史懷浸驕讀書歎孔棘  
及茲戎旅地忝從書記職兵氣騰北荒軍聲振西極  
坐覺威靈遠行看氣稜息愚臣何以報倚馬申微力

汨羅遇風

柳宗元

南來不作楚臣悲重入脩門自有期爲報春風汨羅  
道莫將波浪枉明時

行子苦風泊舟貽潘少府

儲光義

行子苦風潮維舟未能發宵分卷前幔臥視秋水月  
四澤兼葭深中洲煙火絕蒼蒼水霧起落落疎星沒  
所遇盡漁樵與言多楚越其如念極浦又以恩明哲  
常言千餘里況之異鄉別

初入峽苦風寄故鄉親友

陳子昂

故鄉今日友歡會坐應同寧知巴峽路辛苦石尤風

唐詩類苑

卷之三

十三

松滋江北阻風

閻寬

江風久未歇山雨復相仍巨浪天涯起餘寒川上凝  
憂人勞夕惕鄉事憊晨興遠聽知音駭誠哉不可陵

汴河阻風

孟雲卿

清晨自梁宋挂席之楚荆幽浦風漸惡傷灘舟欲橫  
大河噴東注群動皆宵冥白霧魚龍氣黑雲牛馬形  
蒼茫迷所適危安懼暫寧信此天地內孰爲身命輕  
丈夫苟未達所向須有成前路捨舟去東南仍晚晴  
行漢水晚次神灘阻風  
僧無可  
驚風山半起舟子忽停橈  
欬吹先亂灘聲落更跳



聽松今欲暮過島或明朝若盡平生趣東浮看石橋

江上阻風

鄭谷

水天春暗暮寒濃船閉篷窗細雨中聞道漁家酒初熟夜來翻喜打頭風

洞庭湖阻風贈張十一署韓愈

十月陰氣盛北風無時休蒼茫洞庭岸與子維雙舟霧雨晦爭泄波濤怒相投犬鷄斷四聽糧絕誰與謀相去不容步險如礙山丘清譚可以飽夢想接無由男女喧左右饑啼但啾啾非懷北歸興何用勝窮愁雲外有白日寒光自悠悠能令暫開霽過是吾無求

唐詩類苑

卷之三

十四

白口阻風十日

白居易

洪濤白浪塞江津處處遭迴事事迷世上方爲失途客江頭又作阻風人魚蝦遇雨腥盈鼻蚊蚋和煙癢滿身老大光陰能幾日等閒白口坐經旬

舟行阻風寄李十一舍人白居易

扁舟厭泊煙波上輕策閒尋浦嶼間虎踞青泥稠似印風吹白浪大於山且愁江郡何時到敢望京都幾歲還今日料君朝退後迎寒新耐煖開顏

遭風二十韻

元稹

洞庭瀟瀟漫接天迴一點君山似措杯暝色已籠秋竹

樹夕陽猶帶舊樓臺湘南賈伴乘風信夏口篙工厄

汴汨後侶逢灘方拽柁前宗到浦已眠桅俄驚四面

雲屏合坐見千峯雪浪堆罔象睢盱頻逞怪石尤翻

動忽成災騰靈豈但河宮溢塊軋渾憂地軸摧疑是

陰兵致昏黑果聞靈鼓借喧喧龍歸窟穴深潭漩壓

作波濤古岸噴水客暗游燒野火楓人夜長吼春雷

浸淫沙市兒童亂汨沒汀洲鴈鷺哀自歎生涯看轉

燭更悲商旅哭沈財墻烏闢折頭倉掉水狗斜傾尾

纜開在昔詎慚橫海志此時甘乏濟川才歷陽舊事

曾爲驚絃穴相傳有化能閉目唯愁滿空電冥心真

唐詩類苑

卷之三

十五

類不然灰那如否極休徵至漸覺宵分曙氣催怪族

潛收湖黯湛幽妖盡走日崔嵬紫衣將校臨船問白

馬君侯傍柳來喚上驛亭還酹酹兩行紅袖拂罇罌

江上風

僧皎然

江風西復東飄暴忽何窮初生虛無際乍起蕩漾中

應吹夏口檣竿折定蹙湓城浪花咽今朝莫怪沙岸

明昨夜聲狂捲成雪

邊風行

劉禹錫

邊風蕭蕭鳴邊馬滿磧生暗添弓箭力斗上鼓鼙聲

襲月寒暈起吹雲陰陣成將軍占氣候出號夜翻營



竹牕聞風寄苗發司空曙 李益

微風驚暮坐臨牕思悠哉開門復動竹疑是故人來  
時滴枝上露稍沾階下苔何當一入幌爲拂綠琴埃

迴風有懷 呂溫

銀宮翠島煙霏霏一作珠樹玲瓏朝日暉神僊望見  
不得到却逐迴風何處歸

輕颿 羅隱

輕颿掠晚莎秋物慘關河戰壘平時少齋壇上處多  
楚雖尤子重漢亦憶廉頗不及雲臺議空山老薜蘿

唐詩類苑 卷之三

詠雲二首 李嶠

英英大梁國郁郁秘書臺碧落從龍起青山觸石來  
官名光邃古蓋影耿輕埃飛感高歌發威加四海迴

二

大梁白雲起氛氲殊未歇錦文觸石來蓋影凌天發  
煙煴萬年樹掩映三秋月會入大風歌從龍赴員闕

詠雲 董思恭

帝鄉白雲起飛蓋上天衢帶月綺羅映從風枝葉歟  
參差過層閣倏忽下蒼梧因風望既遠安得久踟躕

詠雲 李益

瑞雲千里映祥輝四望新隨風亂鳥足汎水結魚  
布葉疑臨夏開花詎待春願得承嘉景無令掩桂輪

詠雲 李邕

綵雲驚歲晚繚繞孤山頭散作五般色疑爲一段愁  
影雖沈澗底形在天際遊風動必飛去不應長此留

雲 杜甫

龍以瞿塘會江依白帝深終年常起峽每夜必通林  
收穫辭霜渚分明在夕岑高齋非一處秀氣豁煩襟

雲 杜牧

盡日看雲首不迴無心都大似無才可憐光彩一片  
玉萬里晴天何處來

唐詩類苑 卷之三

雲 羅鄴

紛紛靄靄遍江湖得路爲霖豈合無莫使悠颺只如  
此帝鄉還更援蒼梧

雲 崔塗

得路直爲霖濟物不然閒共鶴忘機無端是向陽臺  
畔長送襄王暮雨歸

雲 韋郊

楚甸嘗聞旱魃侵從龍應合解爲霖荒淫却入陽臺  
夢惑亂懷襄父子心

詠雲

李商隱

捧月三更斷藏星七夕明纔聞飄迴路旋見隔重城  
潭幕隨龍起河秋壓鴈聲只因唯宋玉知是楚神名  
奉和中書徐侍郎中書省翫白雲寄穎陽趙

大

儲光義

青闕朝初退白雲遙在天非關取雷雨故欲伴神僊  
汎艷鵷池曲飄飄瑣闥前猶多遠山意幸入侍臣篇  
望鳴臯山白雲寄洛陽盧主簿

李頎

飲馬伊中水白雲鳴臯上氛氲山絕頂行子時一望

唐詩類苑

卷之三

十九

照日龍虎姿攢空氷雪狀翳從殊未已峻峭忽相向  
皎皎橫綠林霏霏澹青嶂遠映村更失孤高鶴來傍  
勝氣欣有逢僊遊且難訪故人吏京劇每事多閒放  
室盡峨嵋峰心格洞庭浪惜哉清興裏不見予所向

白雲歌送劉十六歸山

李白

楚山秦山皆白雲白雲處處長隨君長隨君君入楚  
山裏雲亦隨君渡湘水湘水上女蘿衣白雲堪臥君  
早歸

賦得白雲抱幽石

駱賓王

重巖抱危石幽澗曳輕雲繞鎮僊衣動飄蓮可蓋分

錦色蓮花靜苔光帶葉薰詎知吳會影長抱穀城文

賦得白雲起封中

呂溫

封開白雲起漢帝坐齋宮望在泥金上疑生秘玉中  
攢柯初繚繞布葉漸朦朧日觀祥光合天門瑞氣通  
無心以出岫有勢欲凌風倘遣成膏澤從茲逼大空

賦得白雲起封中

張嗣初

英英白雲起呈瑞出封中表聖寧因地逢時豈待風  
浮光彌皎潔流影更冲融自叶堯年美誰云漢日同  
金泥光乍掩玉檢氣潛通欲與非煙並亭亭不散空

賦得白雲起封中

李正辭

唐詩類苑

卷之三

十九

千年泰山頂雲起漢皇封不作奇峰狀寧分瀾石容  
爲霖雖易得表聖自難逢冉冉排空上依依疊影重  
素光非曳練靈貺是從龍豈學無心出東西任所從

白雲期

白居易

三十氣大壯胸中多是非六十身太老四體不支持  
四十至五十正是退閒時年長識命分心慵少營爲  
見酒興猶在登山力未衰吾年幸當此且與白雲期

賦得白雲向空盡

周存

白雲生遠岫搖曳入晴空乘化隨舒卷無心任始終  
欲銷仍向日將斷或因風勢薄飛難定天高色易窮

影收元氣表光滅太虛中況若從龍去一作還施潤物功

立春日曉望三素雲 李季何

靄靄青春曙飛僊駕五雲浮輪初縹緲承蓋下氤氲  
薄影隨風度殊容向日分羽毛紛共遠環珮杳猶聞  
靜合煙霞色遙將鸞鶴群年年瞻此御應許從元君

立春日曉望三素雲 陳師穆

晴曉仲春日高心望素雲彩光浮玉輦紫氣隱元君  
縹緲中天去逍遙上界分鸞驂攀不及僊吹遠難聞  
禮候於斯覩明循在解紛人歸懸想處霞色自氤氲

唐詩類苑 卷之三 立春日曉望三素雲 李應

玄鳥初來日靈僊望處一作分水容朝上界玉輦擁  
朝雲碧落流輕豔紅霓間彩文帶煙時縹緲向斗更  
氤氲髣髴隨風馭迢迢出曉雲茲辰三見後希得從  
元君

賦得青雲千呂 林藻

應節偏千呂亭亭在紫氛綴雲初度影捧日已成文  
結蓋祥光迴爲樓翠色分還同起封上更似出橫汾  
作瑞來藩國呈形表聖君徘徊如有託誰道比閒雲

賦得青雲千呂 令狐楚

郁郁復紛紛青霄千呂雲色今天下見候向管中分  
遠履無人境遙彰有德君瑞容驚不散冥感信稀聞  
湛露差依草南風耻帶薰恭惟漢武帝餘烈尚氛氲

賦得青雲千呂 王履真

異方占瑞氣千呂見青雲表聖興中國來王見大君  
迎祥殊大樂叶慶類橫汾自感明時起非因觸石分  
映霄難辨色從吹乍成文須使留一作千載垂芳在典墳

賦得青雲千呂 彭伉

祥輝上千呂郁郁又紛紛遠示無爲化將明至道君

唐詩類苑 卷之三 勢凝千里靜色向九霄分已見從龍意寧知觸石文

狀煙殊散漫捧日更氛氲自使來賓國西瞻仰瑞雲  
賦得春雲處處生 駱賓王

千里年光靜四望春雲生暫日祥光舉疎雲瑞葉輕  
蓋陰籠迴樹陣影抱危城非將吳會遠飄蕩帝鄉情

春雲 鄧倚

搖曳自西東依林又逐風勢移清道裏影汎淥波中  
夕霽方明日朝陰復蔽空度關隨去馬出塞引歸鴻  
色任寒暄變光將遠近同爲霖如見用還得助成功

春雲 焦郁

漫漫天崖色乘春四望平不分殘照影何處斷鴻聲  
繚繞先經塞霏微近過城因風低未歛帶雨重還輕  
千呂知時泰如膏候歲成小儒同品物無以答皇明

春雲

裴澄

漠漠復溶溶乘春任所從映林初展葉觸石未成峯  
旭日消寒翠晴煙點淨容霏微將似滅深淺又如重  
薄彩臨溪散輕雲帶雨濃空餘負樵者嶺上自相逢

春雲

韋莊

春雲春水雨溶溶倚郭樓臺晚翠濃山好只因入化  
石地靈曾有劍爲龍官辭鳳闕頻經歲家住峨眉第

唐詩類苑

卷之三

三

幾峯王粲不知多少恨夕陽吟斷一聲鐘

夏雲

曹松

勢能成嶽仞頃刻長崔嵬暝鳥飛不到野風吹得開  
一天分萬態立地看忘回欲結暑宵雨先開江上雷

夏雲曲

僧貫休

紅嵯峨爍晚波乖龍慵臥早鬼多熾熾萬里壓天塹  
颶雷驅電空閃閃好雨不雨風不風徒倚蒼穹作巖  
險男巫女覲更走覓焚香祝天天不聞天若聞必能  
使爾爲潤澤洗埃氛而又變之成五色捧日輪將以  
表唐堯虞舜之明君

秋雲

駱賓王

南陸銅渾改西郊玉葉輕汎斗瑤光動臨陽瑞色明  
蓋陰連鳳闕陣影翼龍城誰知時不遇空傷流滯情

齊梁晴雲

李商隱

緩逐煙波起如妬柳綿飄故臨飛閣度欲入迴陂銷  
縈歌憐盡扇敞景美柔條更耐天南位牛渚宿殘宵

孤雲

于鄴

南北各萬里有雲心更閒因風離海上伴月到人間  
洛浦少高樹長安無舊山徘徊不可駐漠漠更東還

答郭黃中孤雲首章見贈

李益

唐詩類苑

卷之三

三

孤雲生西北從風東南飄帝鄉日已遠蒼梧無還飈  
已矣玄鳳歎嚴霜集靈若君其勉我懷歲暮孰不凋

賦得浮雲起離色送鄭述誠

韋應物

遊子欲言去浮雲那得知偏能見行色自是獨傷離  
晚帶城遙暗秋生峰尚竒還因朔吹斷匹馬與相隨

浮雲

羅隱

溶溶曳曳自舒張不向蒼梧卽帝鄉莫道無心便無  
事也曾愁殺楚襄王

火山雲歌送別

岑參

火山突兀赤亭口火山五月火雲厚火雲滿山疑未  
開飛鳥千里不敢來平胡乍逐胡風斷薄暮渾隨塞  
雨回繚繞斜吞鐵關樹氛氲半掩交河戍迢迢征路  
火山東山上孤雲隨馬去

送王七尉松滋賦得巫山雲

孟浩然

君不見巫山神女作行雲霏紅沓翠曉氛氲嬋娟流  
入襄王夢倏忽還隨零雨分空中飛去復飛來朝朝  
暮暮下陽臺愁君此去爲僊尉便逐行雲去不回

賦得含峯雲

太宗

唐詩類苑

卷之三

二十四

翠樓含曉霧連峰帶晚雲玉葉依巖聚金枝觸石分  
橫天結陣影逐吹起羅文非復陽臺下空將惑楚君

山出雲

陸暢

靈山蓄雲彩紛郁出清晨望樹繁花白看峰小雪新  
映松張蓋影依澗布魚鱗高似從龍處低如觸石頻  
濃光藏半岫淺色類飄塵玉葉開天際遙憐占早春

山出雲

張復

山靜雲初吐霏微觸石新無心離碧岫有意占青春  
散類如虹氣輕同不讓塵凌空還似翼映澗欲成鱗  
異起臨汾鼎疑隨出峽神爲霖終濟旱非獨降賢人

山出雲

李紳

香靄祥雲起飄颻翠嶺新繁峰開石秀吐葉間松春  
林靜飄空少山明度嶺頻迴崖時掩鶴幽澗或隨人  
姑射朝凝雪陽臺晚伴神悠悠九霄上應坐玉京賓

山出雲

張復之

片雲初出岫孤迥色難親蓋小辭山近根輕觸石新  
飄飄經綠野明歷照晴春拂樹疑舒葉臨流似結鱗  
從龍方有感捧日豈無因看助爲霖去思霑雨露均

山半橫雲

皇甫冉

湘水風日滿楚山朝夕空連峰雖已見猶念長雲中

唐詩類苑

卷之三

二十五

蒼梧雲氣

項斯

何年化作愁漠漠便難收數點山能遠平鋪水不流  
濕連湘竹暮濃蓋舜墳秋亦有思歸客看來盡白頭

溪口雲

女郎張文姬

一片溪口雲纔向溪中吐不復歸溪中還作溪中雨

賦得雲生梁棟間

陳希烈

一片蒼梧意氛氲生棟梁下簾山足暗開戶日添光  
偏使衣裳潤能令枕簟涼無心伴行雨何必夢荆王

梢雲含樹彩

羅讓

殊質資靈脫凌空發瑞雲梢梢含樹彩郁郁動霞文

不比因風起全非觸石分葉光閒汎灩枝杪靜氛氲  
隱見心無宰徘徊慶自君翻飛如可託長願在橫汾

賦得寒雲輕重色

張仲素

佳期當可許託思望雲端鱗影朝猶落繁陰暮自寒  
因風方嫋嫋間石已漫漫隱映看鴻度霏微覺樹攢  
凝空多似黛引素乍如紈每向愁中覽含毫欲狀難

上雲樂

李賀

飛香走紅滿天春花龍盤盤上紫雲三千宮女別金  
屋五十絃琴海上聞天江碎碎銀沙路嬴女機中煙  
素素斷煙素素縫衣縷八月一日君前舞

唐詩類苑

卷之三

二六

觀雲篇

劉禹錫

興雲感陰氣疾足如見機晴來意態行有若功成歸  
蔥蘢含晚景潔素凝秋暉夜深度銀漢漠漠僊人衣

南至日太史登臺書雲物

裴達

圓丘纔展禮佳氣近初分太史新簪筆高臺紀彩雲  
煙空和縹緲曉色共氛氲道泰資賢輔年豐荷聖君  
恭惟司國瑞兼用察人文應念懷鉛客終朝望碧雲

南至日太史登臺書雲物

于尹躬

至日行時令登臺約禮文官稱伯趙氏色辨五方雲  
畫漏聽初發陽光望漸分司一作天爲歲備持簡出

人群惠愛周微物生靈荷聖君長富有嘉瑞郁郁復  
紛紛

登雲梯

湯洙

謝客常遊處層巒枕碧溪經過殊俗境登陟象雲梯  
步步勞山屐行行躡澗霓迴臨天路廣覆眺夕陽低  
賞詠情何愜風塵事已睽前修如可慕一作投足固  
思齊

登雲梯

殷琮

碧落遠澄澄青山路可昇身輕疑易蹋步獨覺難憑  
遲迤排將近廻翔勢漸登上寧愁屈曲高更喜超騰

唐詩類苑

卷之三

二七

江樹遙分靄山嵐宛若凝赤城客許到敢憚百千層

感寓

梁德裕

彩雲呈瑞質五色發人寰獨作龍武狀孤飛天地間  
隱隱臨北極峩峩象南山恨在帝鄉外不逢枝葉攀

雲散

韋莊

雲散天邊落照和關關春樹鳥聲多劉伶避世唯沈  
醉寧戚傷時亦浩歌已恨歲華添皎鏡更非人事逐  
頽波青雲自有鷓鴣待莫說他山好薜蘿

雷

雷

杜甫

大旱山嶽焦密雲復無雨南方瘴癘地惟此農事苦

封內必舞雩峽中喧擊鼓真龍竟寂寞土梗空俯僕

吁嗟公私病稅歛缺不補故老仰面啼瘡痍向誰數

暴虐或前聞鞭巫非稽古請先偃甲兵處分聽人主

萬邦但各業一物休盡取水旱其數然堯湯免親覩

上天鑠金石群盜亂豺虎二者存一端愆陽不猶愈

昨宵殷其雷風過齊萬弩復吹霾翳散虛覺神靈聚

氣暘腸胃融汗滋衣裳污吾衰尤計拙失望築場圃

雷

杜甫

巫峽中宵動滄江十月雷龍蛇不成蟄天地割爭迴

唐詩類苑

卷之三

三八

却碾空山過深蟠絕壁來何須妬雲雨霹靂楚王臺

聞雷

白居易

瘴地風霜早溫天氣候催窮冬不見雪正月已聞雷

震蟄蟲蛇出驚枯草木開空餘客方寸依舊似寒灰

聞春雷

司空曙

水國春雷早聞闌若衆車自憐遷逐者猶滯蟄藏餘

唐詩類苑卷第三終

唐詩類苑卷第四

明雲間張之象玄超甫纂輯

嶺南趙應元葆初甫編次

雲間王徹叔朗甫補訂

梁谿曹仁孫伯安甫校正

天部

雨

詠雨

太宗

和風吹綠野梅雨灑芳田新一作細流添舊澗宿霧足

朝煙鴈濕行無次花霑色更鮮對此欣登歲披襟弄

唐詩類苑

卷之四

一

五絃

奉和詠雨應詔

許敬宗

舞商初赴節湘燕遠迎秋飄絲交殿網亂滴起池漚

激溜分龍闕斜飛灑鳳樓崇朝方決寓宸盼俯凝旒

詠雨

李嶠

西北雲膚起東南雨足來靈童出海見神女向臺迴

斜影風前合圓文水上開十旬無破塊九土信康哉

詠雨

太宗

一作玄宗

罩雲飄遠岫噴雨汎長河低飛昏嶺腹斜足灑巖阿

法叢珠締葉起溜鏡圖波漾柳添絲密含吹織空羅



中書寓直詠雨簡褚起居上官學士

楊師道

雲暗蒼龍闕沈沈殊未開  
窻臨鳳凰沼颯颯雨聲來  
電影入飛閣風威凌吹臺  
長簷響奔溜清簟肅浮埃  
早荷葉稍沒新篁枝半摧  
茲晨恨多緒懷友自難裁  
况復重城內日暮獨徘徊  
玉階良史筆金馬揆天才  
高覺通散騎復道駕蓬萊  
思君贈桃李於此冀瓊瑤

兩三首

杜甫

峽雲行清曉煙霧相徘徊  
風吹蒼江去雨灑石壁來  
淒淒生餘寒殷殷兼出雷  
白谷變氣候朱炎安在哉

唐詩類苑

卷之四

二

高鳥濕不下居人門未開  
楚宮久已滅幽珮爲誰哀  
侍臣書王夢賦有冠古才  
冥冥翠龍駕多自巫山臺

二

青山澹無姿白露誰能數  
片片水上雲蕭蕭沙中雨  
殊俗狀巢居層臺俯風渚  
佳客適萬里沈思情延佇  
挂帆遠色外驚浪滿吳楚  
久陰蛟螭出冠盜復幾許

三

空山中宵陰微冷先枕席  
回風起清曉萬象淒已碧  
落落出岫雲渾渾倚天石  
日假何道行雨含長江白  
連檣荊州船有士荷戈戟  
南防草鎮慘霑濕赴遠役

群盜下群山總戎備強敵  
水深雲光廓鳴櫓各有適  
漁艇息悠悠夷歌負樵客  
留滯一老翁書時記朝夕

雨

杜甫

行雲遶崇高飛雨霽而至  
潏潏石間溜汨汨松上駛  
亢陽乘秋熱百穀亦已棄  
皇天德澤降焦卷有生意  
前雨傷卒暴今雨喜容易  
不可無雷霆間作鼓增氣  
佳聲達中宵所望時一致  
清霜九月天髮髯見滯穗  
郊扉及我私我圃日蒼翠  
恨無抱甕力庶減臨江費

雨

杜甫

山雨不作泥江雲薄爲霧  
晴飛半嶺鶴風亂平沙樹

唐詩類苑

卷之四

三

明滅洲景微隱見巖姿露  
拘悶出門遊曠絕經目趣  
消中日伏枕臥久塵及屨  
豈無平肩輿莫辨望鄉路  
兵戈浩未息蚍虺反相顧  
悠悠邊月破讎讎流年度  
針灸阻朋曹糠粃對童孺  
一命須屈色新知漸成故  
窮荒益自卑飄泊欲誰訴  
疋羸愁應接俄頃恐違迂  
浮俗何萬端幽人有高步  
龐公竟獨往尚子終罕遇  
宿留洞庭秋天寒瀟湘素  
杖策可入舟送此齒髮暮

雨七首

杜甫

始賀天休雨還嗟地出雷  
驟看浮峽過密作渡江來  
牛馬行無色蛟龍鬪不開  
干戈盛陰氣未必自陽



二

冥冥甲子雨已度立春時輕簷煩相向纖絺恐自疑  
煙添纔有色風引更如絲直覺巫山暮兼催宋玉悲

三

萬木雲深隱連山雨未開風扉掩不定水鳥過仍迴  
蛟館如鳴杼樵舟豈伐枚清涼破炎毒衰意欲登臺

四

微雨不滑道斷雲疎復行紫崖奔處黑白鳥去邊明  
秋日新霑影寒江舊落聲柴扉臨野碓半濕搗香杭

五

江雨舊無時天晴忽散絲暮秋霑物冷今日過雲遲  
上馬迴休出看鷗坐不辭高軒當灑潤色靜書帷

唐詩類苑

卷之四

四

六

物色歲將晏天隅人未歸朔風鳴淅淅寒雨下霏霏  
多病久加飯衰容新授衣時危覺凋喪故舊短書稀

七

楚雨石苔滋京華消息遲山寒青兕叫江晚白鷗饑  
神女花鈿落蛟人織杼悲繁憂不自整終日灑如絲

雨

杜牧

連雨接基添迢迢濕暮夜送寂寥一夜不眠孤客

耳主人窗外有芭蕉

雨

戴叔倫

歷歷愁心亂迢迢獨夜長春帆江上雨曉鏡鬢邊霜  
啼鳥雲山靜落花溪水香家人亦念我與汝黯相忘

雨

李商隱

城城度瓜園依依傍竹軒秋池不自冷風葉共成喧  
憲迴有時見簷高相續翻侵宵送書鴈應爲稻梁恩

新雨喜得王卿書問

錢起

苦雨暗秋徑寒花垂紫苔愁中綠罇盡夢裏故人來  
果有相思字銀鈞新月開

唐詩類苑

卷之四

五

微雨

李商隱

初隨林靄動稍共夜涼分憲迴侵燈冷庭虛近水聞  
夏日登觀農樓和崔論使君詠微雨

僧皎然

片雨拂檐楹煩襟四座清霏微過麥隴蕭瑟傷莎城  
靜愛和花落幽聞入竹聲朝觀趣無限高詠寄閒情

微雨夜行

白居易

細雨

李商隱

漠漠秋雲起悄悄夜寒生但覺衣裳濕無點亦無聲  
惟飄白玉堂簾卷碧牙牀楚女當時意蕭蕭髮彩涼

細雨成詠獻尚書河東公 李商隱

灑砌聽來響卷簾看已迷江間風暫定雲外日應西  
稍稍落蝶粉斑斑融燕泥颭萍初過沼重柳更綠堤  
必擬和殘漏寧無晦暝輦半將花漠漠全共草凄凄  
依別方長嘯烏驚始獨棲府公能入詠聊且續新題

細雨

李商隱

蕭灑傷迴汀依微過短亭氣涼先動竹點細未開萍  
稍促高高燕微疎的的螢故園煙草色仍近玉門青

細雨遙懷故人

李建勳

江雲未散東風暖溼濛正在高樓見細柳綠堤少過

唐詩類苑

卷之四

六

人平蕪隔水時飛燕我有近詩誰與和憶君狂醉愁  
難破昨夜南窗不得眠閒堦點滴迴燈坐

大雨

杜甫

西蜀冬不雪春農尚嗷嗷上天回哀眷朱夏雲暫陶  
執熱乃沸鼎纖絺成緼袍風雷颯萬里霈澤施蓬蒿  
敢辭茅葦漏已喜黍豆高三日無行人二江聲怒號  
流惡邑里清矧茲遠江皇荒庭步鶴鶴隱几望波濤  
沈痾聚藥餌頓忘所進勞則知潤物功可以貸不毛  
陰色靜隴畝勸耕自官曹四隣出耒耜何必吾家操

大雨行

杜牧

東垠黑風駕海水海底卷上天中央三吳六月忽淩

慘晚後點滴來蒼茫鉦伐雷車軸輾壯矯躩蛟龍爪  
尾長神鞭鬼馭載陰帝來往噴灑何顛狂四面崩騰  
玉京仗萬里橫牙羽林槍雲纏風束亂敲磕黃帝未  
勝蚩尤強百川氣勢苦豪俊坤關密鑰愁開張大和  
六年亦如此我時氣壯神洋洋東樓聳首看不足恨  
無羽翼高飛翔盡召邑中豪健者濁展朱盤開酒場  
奔航捷鼓助聲勢眼底不顧纖腰娘今年聞耳聾已  
白竒遊壯觀唯深藏景物不盡人自老誰知前事堪  
悲傷

唐詩類苑

卷之四

七

奉和聖製從蓬萊向興慶閣道中留春雨中

春望之作應制

李愔

別館春還淑氣催三宮路轉鳳凰臺雲飛北闕輕陰  
散雨歇南山積翠來御柳遙隨天仗發林花不待曉  
風開已知聖澤深無限更喜年芳入睿才

奉和聖製從蓬萊向興慶閣道中留春雨中

春望之作應制

王維

渭水自縈秦塞曲黃山舊遶漢宮斜鑾輿迴出千門  
柳閣道迴看上苑花雲裏帝城雙鳳闕雨中春樹萬  
人家爲乘陽氣行時令不是宸遊翫物華

春雨早雷

張說

東北暮風至飄飄帶雨來拂黃先變柳點素早驚梅  
樹藹懸書閣煙含作賦臺河魚未上東江蟄已聞雷  
美人宵夢著金屏曙不開無緣一啓齒空酌萬年杯  
初春雨中舟次和州橫江裴使君見迎李趙  
二秀才同來因書四韻兼寄江南許渾先

輦

杜牧

芳草渡頭微雨時萬株楊柳拂波垂蒲根水暖鴈初  
浴梅徑香寒蜂未知辭客倚風吟暗澹使君迴馬濕  
旌旗江南仲蔚多情調悵望春陰幾首詩

唐詩類苑

卷之四

八

早春微雨

李山甫

怪來鶯蝶似疑愁不覺看花漸濕頭疎影未藏千里  
樹遠陰微翳萬家樓青羅舞袖紛紛轉紅臉啼珠旋  
旋收歲早且須教濟物爲霖何事愛風流

裴端公使院賦得隔花簾見春雨

包何

細雨未成霖垂簾但覺陰唯看上砌濕不遣入簾深  
度憐霑霜簡因風潤絳琴須移戶外屢簷溜夜相侵

春雨卽事寄裴美

陸龜蒙

小謝輕埃日日飛城邊江上阻春暉雖愁野岸花房

凍還得山家藥笋肥雙屐著頻看齒折敗裘披苦見  
毛稀比鄰釣叟無塵事灑笠鳴蓑夜半歸

春雨大韻

皮日休

織恨凝愁映鳥飛半勾飄灑掩韶暉山容洗得如煙  
瘦地脉流來似乳肥野客正閒移竹遠幽人多病探  
花稀何年細濕華陽道兩乘巾車相並歸

春雨

李商隱

帳臥新春白衿衣白門寥落意多違紅樓隔雨春深  
冷珠箔飄燈獨自歸遠路應悲春晚晚殘宵猶得夢  
依稀玉璫絨札何由達萬里雲羅一鴈飛

唐詩類苑

卷之四

九

春雨二首

李建勳

春霖未免妨遊賞唯到詩家自有情花徑不通  
合蘭舟初動曲池平淨綠高樹莓苔色饑虛廊燕  
雀聲閒憶昔年爲客處悶留山館阻行行

蕭蕭春雨密還疎景象三時固不如寒入遠林鶯翅  
重暖抽新麥土膏虛細濛臺榭微兼日潛漲漣漪欲  
動魚唯稱乖慵多睡者掩門中酒覽閒書

長安春雨

羅鄴

兼風颯颯灑皇州能滯輕寒與勝遊半夜五侯池館  
裏美人驚起爲花愁

春雨

李咸用

大帝間吹破東風青雲融液流長空天人醉引玄酒  
注傾香旋入花根土濕塵輕舞唐唐春神娥無跡莓  
苔新老農私與牧童論紛紛便是倉箱本

賦得春雨如膏

喻鳧

羃羃歛輕塵濛濛濕點春細花添柳重幽點濺花勻  
慘澹游絲景陰沈落紫辰迴低飛蝶翅寒滴  
灑獄推餘雪吹江疊遠蘋東城與西一作陌晴後趣  
何新

和殷銜推春霖卽事

李咸用

唐詩類苑

卷之四

十一

東風吹暖雨潤下不能休古道雲橫白移時客共愁  
綠沈莎似藻紅泛葉爲舟忽起江湖興疑憐吟淪流  
此時無勝會何處滯奇遊陣急如甘戰點羃成亂漚  
竹因添灑落松得長颺颺花慘閒庭晚蘭深曲徑幽  
絲牽汀鳥足線挂嶽猿頭天地昏同醉寰區浩欲浮  
柳眉低帶泣蒲劍銳初抽石燕翻空重蟲羅綴滴  
荷傾蛟淚盡巖拆電鞭收豈直望堯喜却懷微禹憂  
樹滋堪採菌磯沒懶垂鈎腥覺聞龍氣寒宜擁豹裘  
名高那作淦恩稔必通侯蟬鳴徒喧競笙歌懶獻酬  
山川藏秀媚草木逞調柔極目非吾意行吟獨下樓

江邑春霖奉贈陳侍御

孟郊

江上花木凍雨中零落春應由放忠直在此城漂淪  
嘉艷皆損汚好音難殷勤天涯多遠限雪涕盈芳辰  
坐客青草上臥吟幽水濱興言念風俗得意唯波鱗  
枕席病流濕簷楹若飛津始知吳楚水不及京洛塵  
風浦蕩歸棹泥陂陷征輪兩途日無逐相贈唯沾巾

春後雨

孟郊

昨夜一霎雨天意蘇群物何物最先知虛庭草爭出

梅雨

杜甫

南京犀浦道四月孰黃梅湛湛長江去冥冥細雨來

唐詩類苑

卷之四

十一

梅雨

柳宗元

梅實迎時雨蒼茫值晚春愁深楚猿夜夢斷越鷄晨  
海霧連南極江雲暗北津素衣今盡化非爲帝京塵

夏雨

王駕

非惟消暑暑且喜救生民天地如園林似却春  
洗風清枕簟換夜失埃塵又作豐年望田夫笑向人

和陳監四郎秋雨中思從弟據

王維

嫋嫋秋風動淒淒煙雨繁聲連鵲鵲觀色暗

經緯疎高閣輕槐落洞門九衢行欲斷萬井寂無  
忽有秋霖唱更陳多露言平原思令弟康樂謝賢  
逸與方三接衰顏強七奔相如今老病歸守茂陵園

秋雨歎三首

杜甫

雨中百草秋爛死墜下決明顏色鮮著葉滿枝翠羽  
蓋花開無數黃金錢涼風蕭蕭吹汝急恐汝後時難  
獨立堂上書生空白頭臨風三嗅香香泣

蘭風伏雨秋紛紛四海八荒同一雲去馬來牛不復  
辨濁涇清渭何當分禾頭生耳黍穗黑農夫田父無  
消息城中斗米換衾裯相許寧論兩相直

唐詩類苑

卷之四

十二

長安布衣難比數反鏤衡門守環堵老夫不出長蓬  
蒿穉子無憂走風雨雨聲颼颼催早寒胡鴈翅濕高  
飛難秋來未曾見白日泥汚后上何時乾

新秋夜雨

白居易

蟋蟀暮啾啾光陰不少留松簷半夜雨風幌滿牀秋  
曙早燈猶在涼初簾未收新晴好天氣誰伴老人遊

雨中贈元九

白居易

不堪紅葉青苔地又是涼風暮雨天莫怪獨吟秋思  
苦比君校近二毛年

秋雨聯句

與孟郊

韓愈

萬木聲號呼百川氣交會庭翻樹離合牖變景明

謁愈深淵殊未終飛浮亦云泰郊牽懷到空山屬愈

通驚瀨愈簷垂白練直渠漲清湘大郊井津澤祥禾

伏潤肥荒艾愈主人吟有歡客子歌無奈郊侵陽日

沈玄剝節風搜穴愈塊北遊峽喧颼颼臥江汰郊微

飄來枕前高灑自天外愈蒼穴何迫迫蟬枝掃鳴蟻

援菊茂新芳逕蘭銷晚愈地鏡時昏曉池星競

漂沛郊謹吹尋一聲灌注咽群籟愈儒宮煙火濕市

舍煎熬快郊臥冷空避門衣寒屢循帶愈水怒已倒

流陰繁恐凝害郊憂魚思舟楫感禹勤畝愈懷襄

唐詩類苑

卷之四

十二

信可畏疏決須有賴郊筮命或馮著卜晴將問愈

庭商忽驚舞墉崇亦親酌郊氛醕稍疎映雲亂還擁

蒼陰旌時摻流帝鼓鎮旬殛素圃落青瑤瓜哇爛文

貝貧薪不燭竈富粟空填愈秦俗動言利魯儒欲

何丐深路倒羸驂弱途擁行軼毛羽皆遭凍離徒不

能翺翻浪洗虛空傾濤敗藏蓋郊吾人猶在陳僮僕

誠自鄙因思征蜀士未免濕戎旂安得發商飈廓然

吹宿霰白日懸大野幽泥化輕塹戰場暫一乾賊肉

行可膾愈搜心思有効抽策期稱最豈惟慮收穫亦

以救顛沛郊禽情初哺雛愈隄色微收需庶幾諧我願

遂止無已太愈

陸勝宅秋雨中探韻

張南史

同人永日自相將深竹閒園偶辟疆已被秋風交憶  
膾更聞寒雨勸飛觴歸心莫問三江水旅服徒霑九  
月霜醉裏欲尋騎馬路蕭條幾處有垂楊

秋霖曲

錢起

君不見聖主旰食憂元元秋風苦雨暗九門鳳凰池  
裏沸泉騰蒼龍闕下生雲根陰精離畢太海度德焉  
將歸不知樹愁陰慘澹時殷雷生靈墊溺若寒灰公  
卿紅粒爨丹桂黔首白骨封青苔玉食張公子

唐詩苑

卷之四

十四

炮炙燻天戟門裏且如歌笑日揮金應笑禹湯能罪  
已鶴鳴蛙躍正及時豹隱蘭周亦可悲焉得太阿決  
屏縣還令率土見朝曦

立秋雨院中

杜甫

見禮部省直

晨雨

杜甫

小雨晨光內初來葉上聞霧交纔灑地風逆旋隨雲  
暫起柴荆色輕霑鳥獸群麝香山一半亭午未全分

朝雨

杜甫

涼氣曉蕭蕭江雲亂眼風爲藏近渚雨燕集深條

黃綺終辭漢巢由不見堯草堂樽酒在幸得過清朝

晚雨

韓愈

廉纖晚雨不能晴池岸草間蚯蚓鳴投竿跨馬蹋歸  
路纔到城門打鼓聲

賦得暮雨送李胄

一作

韋應物

楚江微雨裏建業暮鐘時漠漠帆來重冥冥鳥去遲  
海門深不見浦樹遠含滋相送情無限沾襟比散絲

成都暮雨秋

戎昱

九月龜城暮愁人閉草堂地卑多雨潤天暖少秋雷  
縱欲傾新酒其如憶故鄉不知更漏意唯向客邊長

唐詩苑

卷之四

十五

夜雨二首

杜甫

小雨夜復密迴風吹早秋野涼侵閉戶江滿帶維舟  
通籍恨多病爲郎忝薄遊天寒出巫峽醉別仲宣樓

二

只應踏初雪騎馬發荊州直怕巫山雨真傷白帝秋  
群公蒼玉珮天子翠雲裘同舍晨趨侍胡爲淹此留

夜雨

白居易

早蛩啼復歇殘燈滅又明隔窗知夜雨芭蕉先有聲

九月三十日雨聲如別秋無端滿階葉共白幾人頭

夜雨

杜牧

點滴侵寒夢蕭騷著淡愁漁歌聽不唱衰濕棹迴舟

夜雨

白居易

我有所念人隔在遠遠鄉我有所感事結在深深腸  
鄉遠去不得無日不瞻望腸深解不得無夕不思量  
況此殘燈夜獨宿在空堂秋天殊未曉風雨正蒼蒼  
不學頭陀法前心安可忘

廬山草堂夜雨獨宿寄牛二李七庾三十二

員外

白居易

丹霄攜手三君子白髮垂頭一病翁蘭省花時錦帳  
下廬山雨夜草菴中終身膠漆心應在半路雲泥迹  
唐詩類苑卷之四

不同唯有無生三昧觀榮枯一照兩成空

宿馮翊夜雨贈主人

李益

危心驚夜雨起望漫悠悠氣耿殘燈暗聲繁高樹秋  
涼軒辭夏扇風幌攬輕綢思緒蓬初斷歸期燕暫留  
關山謫已失臉淚迸難收賴君時一笑方能解四愁

夜雨寄冠校書

錢起

秋館煙雨合重城鐘漏深佳期阻清夜孤興發離心  
燭影出綃幕蟲聲連素琴此時蓬閣友應念昔同衾

離居夜雨奉寄李京兆

錢起

永夜不可度豈吟秋雨滴寂寞想章臺始歎雲泥隔

雷聲匪君車猶時過我廬電影非君燭猶能明我目  
如何瓊樹枝夢裏看不足望望佳期阻愁聲寒草綠

夜雨

元稹

水怪潛幽草江雲擁廢居雷驚空屋柱電照滿牀書  
竹瓦風頻裂茅簷雨漸疎平生滄海意此去怯爲魚

夜雨寄北

李商隱

君問歸期未有期巴山夜雨漲秋池何當共剪西窗  
燭却話巴山夜雨時

早秋韶陽夜雨

許渾

宋玉含悽夢亦驚芙蓉山響一猿聲陰雲迎雨雨  
唐詩類苑卷之四

枕先潤夜雷引電窻暫明暗惜水花飄廣檻遠愁風  
葉下高城西歸萬里未千里應到故園春草生

監試夜雨滴空階

喻鳧

雲雲復淒淒飄松又灑槐氣濛蛛網檻聲疊鮮花堦  
古壁青燈動深庭濕葉埋徐垂舊鴛瓦競歷小茅齋  
冷與陰蟲間清將玉漏諧病身唯展轉誰見此時懷

城隍廟賽雨二首

羊士諤

零雨慰斯人齋心薦綠蘋山風簫鼓響如祭敬亭神

二

積潤通千里推誠奠一卮回飈經畫壁忽似偃雲旗



郴州祈雨

韓愈

乞雨女郎覓炮羞潔且繁廟開鼯鼠叫神降越巫言  
旱氣期銷蕩陰官想駿奔行看五馬入蕭颯已隨軒  
韋使君黃溪祈雨見召從至祠下口號

柳宗元

驕陽愆歲事良牧念苗畲列騎低殘月鳴笳度碧虛  
稍窮樵客路遙駐野人居谷口寒流淨叢祠古木疎  
焚香秋霧濕奠玉曉光初盼蠶巫言報精誠禮物餘  
惠風仍偃草靈雨會隨車俟罪非真吏翻慚奉簡書  
奉和皇甫冉大夫祈雨應時雨降

唐詩類苑

卷之四

十六

嚴維

政和知必感歲旱未書災伯禹明靈降元戎禱請來  
九成陳夏樂三獻奉殷壘曳旗交電鉦鏘鼓應雷  
行雲依蓋轉飛雨逐車回欲識皇天意爲霖貺在哉  
和河西裴尹侍郎宿齋天平寺詣九龍祠祈

雨二十韻

劉禹錫

有事九龍廟絜齋夢玉祠玉簫何時絕碧樹空涼颺  
吏散埃瑤息月高庭宇宜重城肅穆間澗水潺湲時  
人稀夜復閒慮靜境亦隨紆懷斷鼇足凝想乘鸞姿  
朱明盛農節膏澤方衍期瞻言五靈瑞能救百穀萎

吟喔晨鷄鳴欄干斗柄垂修容謁神像注意陳正詞

驚颿起泓泉若調雷雨師黑煙燈鱗甲灑液如芬絲  
豐隆震天衢列缺揮火旗炎空忽淒緊高雷玄纓縻  
生物已霽濡濕雲稍離披丹霞啓南陸白水含東甌  
熙熙飛走適藹藹草樹滋浮光動宮觀遠思盈川坻  
吳公拙於政謝守工爲師商山有病客言賀舒龐眉

觀祈雨

李約

桑條無葉土生煙簫管迎龍水廟前朱門幾處有歌  
舞猶恐春陰咽管絃

賀李觀察祈雨神降雨

耿漳

唐詩類苑

卷之四

十九

質明齋祭北風微騶馭千群擁廟扉玉帛纔敷雪澹  
澹笙鏞未徹雨霏霏路邊五稼添膏長河上雙旌帶  
濕歸若出敬亭山下作何人敢和謝玄暉

久旱得雨

張道古

亢陽今已久嘉雨自雲傾一點不斜去極多時下成  
所居永樂縣久旱縣宰祈禱得雨因賦詩

李商隱

井膏滴滴是精誠晝夜如絲一勺盈祗怪閭閻喧鼓  
吹邑人同報東長生

奉和聖製喜雨

張九齡



艱我稼穡載育載亭如物應之曷聖與靈謂我何憑  
惟德之馨誰云天遠以誠必至太清無雲義和頓轡  
于斯蒸人瞻彼非覬陰冥倏忽霈澤咸泊何以致之  
我后之感無臯無隰黍稷黷黯無卉無木敷芬黷黷  
黃龍勿來鳴鳥不思人和年豐皇心則怡豈與周宣  
雲漢徒詩

喜雨

杜甫

春旱天地昏日色赤如血農事都已休兵戈况騷屑  
巴人困軍須慟哭厚土熟滄江夜來雨真宰罪一雪  
穀根小蘇息沴氣終不滅何由見寧歲解我憂思結

唐詩類苑

卷之四

三

崢嶸群山雲交會未斷絕安得鞭雷公滂沱洗吳越

喜雨

白居易

圃旱憂葵堇農早憂禾菽人各有所私我早憂松竹  
松乾竹焦死蒼蒼在心目澗葉溉其根汲水勞僮僕  
油雲忽東起涼雨淒相續似面洗垢塵如頭得膏沐  
千柯習習潤萬葉欣欣綠千日澆灌功不如一霖霖  
方知宰生靈何異活草木所以聖與賢同心調玉燭

喜雨

戴叔倫

聞居倦時燠開軒俯平林雷聲殷遙空雲氣布層陰  
川上風雨來灑然滌煩襟田家共歡笑溝澮亦已深

團團聚隣曲斗酒相與斟樵歌野曲中漁釣滄江淨  
蒼天暨有念悠悠終我心

喜雨

孟郊

朝見一片雲暮成千里雨淒清濕高枝散漫沾荒土

同劉晃喜雨

玄宗

節變寒初盡時和氣已春繁雲先合寸膏雨自依旬  
颯颯飛平野霏霏靜暗塵懸知花葉意朝夕望中新  
奉和聖製同劉晃喜雨應制

張說

青氣含春雨知從岱嶽來行雲避師出灑雨待車迴

唐詩類苑

卷之四

三

厭浥塵清道空濛柳映臺最宜三五夜晴月九重開

春夜喜雨

杜甫

好雨知時節當春乃發生隨風潛入夜潤物細無聲  
野徑雲俱黑江船火獨明曉看紅濕處花重錦官城

喜雨

杜甫

南國旱無雨今朝江出雲入空纔漠漠灑迴已紛紛  
巢燕高飛盡沐花潤色分晚來聲不絕應得夜深聞

白水明府剪宅喜雨得過字

杜甫

吾舅政如此古人誰復過碧山晴又濕白水雨偏多

精禱既不昧歡娛將謂何湯年旱頗甚今日醉絃歌

奉和春日遊苑喜雨應制 李嶠

僊蹕九重臺香筵萬壽杯一旬初降雨二月早聞雷  
葉向朝隣密花含宿潤開幸承天澤豫無使日光催

奉和春日遊苑喜雨應制 李義

園樓春正歸入暮美芳菲密雨迎僊步低雲拂御衣  
危花沾易落度鳥濕難飛膏澤登千庾歡情遍九圍

蘇端林亭對酒喜雨 錢起

小雨飛林頂浮涼入晚多能知留客處偏與好風多  
濯錦翻紅藥跳珠亂碧荷芳罇深幾許此興可同歌

唐詩類苑

卷之四

奉和春日途中喜雨 魏知古

皇輿向洛城時雨應天行麗日登巖送陰雲出野迎  
濯枝林杏發潤葉渚蒲生絲入綸言喜花依錦字明  
微臣忝東觀載筆佇西成

晚秋喜雨 李嶠

咸亨元年自四月不雨至九月王畿之內嘉穀不  
滋君子小人惶惶如也天子慮深求瘼念在青躬  
避寢損膳錄宛弛役牲幣之禮遍于神祇鍾庾之  
貸周于窮乏之至誠斯盛臨睠有融爰降甘澤大拯  
炎亢朝廷公卿相趨動色里閭吐庶謳吟成響年

和俗阜於焉可致撫事形言孰云能已乃詩曰

積陽纏首夏隆早屆徂秋炎威振皇服歆景暴神州  
氣滌朝川朗光澄夕照浮草木委林甸禾黍悴原疇  
國懼流金胥人深懸罄憂紫宸兢履薄丹晨念推溝  
望肅壇場祀寬申囹圄囚御車遷玉殿薦菲撤瓊羞  
濟窘邦儲發蠲窮井賦優服閒雲驥屏冗術土龍修  
睿感通三極天誠貫六幽夏祈良未擬商禱詎爲儔  
穴蟻禎符應山蛇毒影收騰雲八際滿飛雨四溟周  
聚靄籠僊闕連霏繞畫樓旱陂仍積水涸沼更通流  
晚穗萎還結寒苗瘁復抽九農歡歲阜萬寓慶時休

唐詩類苑

卷之四

三

野洽如坻詠途喧擊壤謳幸聞東李道欣奉北場遊

和崔尚書喜雨

張九齡

積陽雖有晦經月未爲災上念人天重先祈雲漢迴  
仁心及草木號令起風雷照爛陰霞止交紛瑞雨來  
三辰破黍稷四達屏氛埃池溜因添滿林芳爲灑開  
聽中聲滴瀝望處影徘徊惠澤成豐歲昌言發上才  
無論驗石鼓不是御雲臺直頌皇恩浹崇朝遍九垓

春日喜雨奉和馬侍中宴白樓

盧綸

鶴鶴相呼綠野寬鼎臣閒倚玉闌干洪河擁沫流仍

急蒼嶺如雲色更寒艷艷風光呈瑞歲冷吟歌頌振  
瑯盤今朝醉舞同鄉老不覺傾斜獬豸冠

和判官喜雨

李建勳

去禱山川尚未還雲雷尋作遠聲寒人情便似秋登  
悅天勞夜起看高檻氣濃藏郭小庭流擁沒  
花壇須知太守重牆內心極農夫望處歡

賀雨

白居易

皇帝嗣寶曆元和三年冬自冬及春暮不雨旱蟲蟲  
上心念下民懼歲成災凶遂下罪已詔殷勤制萬邦  
帝曰予一人繼天承祖宗憂勤不遑寧夙夜心忡忡

唐詩類苑

卷之四

三十四

元年誅虧闕一舉靖巴邛二年戮李錡不戰安江東  
顧惟渺渺德遽有巍巍功或者天降沴無乃微予躬  
上思答天戒下思致時邕莫如率其身慈和與儉勤  
乃命罷進獻乃命賑饑窮宥死降五刑責已寬三農  
宮女出宣徽廐馬減飛龍庶政靡不舉皆出自宸衷  
奔騰道路人偃偻田野翁歡呼相告報感泣涕沾胸  
順人人心悅先天天意從詔下纔七日和氣生沖融  
疑爲悠悠雲散作習習風晝夜三日雨淒淒復淒淒  
萬心春熙熙百谷青芃芃人變愁爲喜歲易歉爲豐  
乃知王者心憂樂與衆同皇天與后土所感無不通

冠珮何鏘鏘將相及王公蹈舞呼萬歲列賀明庭中  
小臣誠愚陋職忝金鑾宮稽首再三拜一言獻天聰  
君以明爲聖臣以直爲忠敢賀有其始亦願有其終

梁州對雨懷麴二秀才便呈呈麴大判官時疾

贈余新詩

岑參

江上雲氣黑岬山昨夜雷水惡平明飛雨從嶓冢來  
濛濛隨風過蕭颯鳴庭槐隔簾濕衣巾當暑涼幽  
麴生住相近言語阻且乖臥疾不見人午時門始開  
終日看本草藥苗滿前堦兄弟早有名甲科皆秀才  
二人事慈母不弱古老萊昨歎攜手遲未盡平生懷

唐詩類苑

卷之四

三五

愛君有佳句一日吟幾回

秋夜對雨寄石甕寺二秀才

王建

夜山秋雨滴空廊燈照堂前樹葉光對坐讀書經卷  
後自披衣被掃僧房

郡中對雨贈元錫兼簡楊凌

韋應物

宿雨冒空山空城響秋葉沈沈暮色至淒淒涼氣入  
蕭條林表散的樂荷上集夜霧著衣重新苔侵履濕  
遇茲端憂日賴與嘉賓接

對雨寄韓庫部協

韋應物

颯至池館涼蕭然和曉霧蕭條集新荷氛氲散高樹  
閒居興方澹默想心已屢暫出仍濕衣況君東城住

善福閣對雨寄李儋幼遐

韋應物

飛閣凌太虛晨躋鬱嶢嶢驚颿觸懸檻白雲冒層甍  
太陰布其地密雨垂八紘仰觀固不測俯視但冥冥  
感此窮秋氣沈鬱命友生及時未高步羈旅遊帝京  
聖朝無隱才品物俱昭形國士秉繩墨何以表堅貞  
寸心東北馳思與一會并我車風已駕將逐晨風征  
郊塗住成淹默默阻中情

唐詩類苑

卷之四

三六

李士曹廳對雨

錢起

春雨暗重城訟庭深更寂終朝人吏少滿院煙雲集  
濕鳥壓花枝新苔宜砌石掾曹富文史清與對詞客  
愛爾蕙蘭叢芳香飽時澤

登勝果寺南樓雨中望嚴協律

錢起

微雨侵晚陽連山半藏碧林端陟香榭雲外遲來客  
孤村疑片煙去水生遠白但佳川原趣不覺城池夕  
更喜眼中人清光漸咫尺

對雨贈濟陰馬少府考城蔣少府兼獻成武

五兄南華二兄

劉長卿

繁雲兼家思彌望連濟北日暮微雨中州城帶秋色  
蕭條主人靜落葉飛不息鄉夢寒更頻蟲聲夜相逼  
二賢縱橫器久滯徒勞職笑語和風騷雍容事文墨  
五兄卽時彥前路良未測秋水百丈清寒松一枝直  
此心欲引託誰爲生羽翼且復頓歸轡盃中雪胸臆  
喜邢校書遠至對雨同賦遠晚飯阮五韻

李益

雀噪空城陰木衰羈思遠已蔽青山望徒悲白雲晚  
別離千里風雨中同一飯開徑說逢康臨觴方接阮

唐詩類苑

卷之四

三七

旅宦竟何如勞飛思自返

對雨送鄭陵

崔曙

別愁復兼雨別淚還如霰寄心海上雲千里長相見

單于川對雨

蘇味道

崇朝邁行雨薄晚屯密雲綠階起素沫竟水聚圓文  
河柳低未舉山桃落已芬清罇久不薦淹留遂待君

對雨書懷走邀許主簿

杜甫

東嶽雲峰起溶溶滿太虛震雷翻幕燕驟雨落河魚  
座對賢人酒門聽長者車相邀愧泥濘騎馬到堦除

江閣對雨有懷行營裴二端公

杜甫

南極風濤壯陰晴屢不分野流行地日江入度山  
層閣憑雷殷長空面水文雨來銅柱北應洗伏波軍

對雨

杜甫

莽莽天涯雨江邊獨立時不愁巴道路恐濕漢旌旗  
雪嶺防秋急繩橋戰勝遲西戎甥舅禮未敢背恩私

對雨

李白

卷簾聊舉目露濕草綿綿古岫披雲毳空庭織碎煙  
水紋愁不起風線重難牽盡日扶犁叟往來江樹前  
黎拾遺所裴迪見過秋夜對雨

唐詩類苑

卷之四

王維

見歲時部秋

同裴少府安吉寺對雨

皇甫冉

共結尋真會還常退食初蠶煙雲氣合林葉雨聲餘  
溽暑銷珍簟浮涼入綺疏歸心從念遠懷此復何如

窮秋對雨

錢起

晦日連苦雨動息更遄迴生事萍無定愁心雲不開  
翟門悲暝雀黑竈上寒苦始信宣城守乘流畏曝腮

長沙館中與郭夏對雨

劉長卿

長沙積雨晦深巷絕人幽閨上春衣冷聲連暮角愁

雲橫全楚地樹暗古湘洲杳藹江天外空堂生百憂

閒齋對雨

韋應物

幽獨自盈抱陰澹亦連朝空齋對高樹疎雨共蕭條  
巢燕翻泥濕蕙花依砌消端居念往事倏忽苦驚飈

對雨贈李主簿高秀才

韋應物

遲迤曙雲薄散漫東風來青山滿春野微雨灑輕埃  
吏局勞佳士賓筵得上才終朝狎文墨高興共徘徊

寺居秋日對雨有懷

喻鳧

修修復震震黃葉此時飛隱几客吟斷鄰房僧話稀  
鵲寒棲樹定螢濕在窻微卽事滿湘渚漁翁披草衣

唐詩類苑

卷之四

羊士諤

早春對雨

羊士諤

南館垂楊早東風細雨頻輕寒消玉笋幽賞滯朱輪  
千里巴江守三年故國春含情非遲客愚榻但生塵

和韋侍御寓直對雨

錢起

名貫四科首班宜二妙齊如何厭白簡未得步金閨  
寓直晦秋雨吟餘聞遠鷄漏聲過旦冷雲色向窻低  
誰謂霄漢近翻嗟心事睽蘭滋人未握霜曉鶚還棲  
佇見田郎字親勞御筆題

和左衛武倉曹衛中對雨創韻贈右衛李騎

曹

孫逖

林父同官意宜尼久敬交文場刊玉篆武事掌金鑊  
道合宜連茹時清豈繫匏克勤居簿領多暇屏譴謫  
美酒懷公譙玄譚俟客嘲薄雲生北闕飛雨自西郊  
院暑便清曠庭蕪覺漸苞高門關詎閉逸韻柱難膠  
枳棘鸞無歎倚桐鳳必巢忽聞徵並作觀海愧堂坳  
郊居對雨寄趙涓吉士包佶郎中

盧綸

暑雨青山裏隨風到野居亂漚浮曲砌懸溜滴前除  
塵鏡愁多掩蓬頭懶更梳夜窻淒枕席陰壁潤圖書  
蕭颯宜新竹龍鍾拾野蔬石泉空自咽藥圃不堪鋤

唐詩類苑

卷之四

三十

濁水淙深輒荒蘭擁敗渠繁枝留宿鳥碎浪出寒魚  
桑扈時登望荷花自卷舒應憐在泥滓無路託高車  
南中客舍對雨送故人歸北

長孫佐輔

猿聲啾啾鴈聲苦卷簾相對愁不語幾年客吳君在  
楚况送君歸我猶阻家書作得不忍封北風吹斷堦  
前雨

對雨獨酌

韋莊

榴花新釀綠於苔對酒閒傾滿滿盃荷鍾醉翁真達  
者臥雲通客竟悠哉能詩豈是經時策愛酒元非命

世才門外綠蘿連洞口馬嘶應是步兵來

秋夕閒居對雨贈別盧垣 竇牟

燕燕辭巢蟬蛻枝窮居積雨壞藩籬夜長簷溜寒無  
寢日晏厨煙濕未炊悟主一言那可學從軍五百竟  
徒爲故人駁馬朝天使洛下秋聲恐要知

對雨 劉兼

幽庭凝碧亦連漪簷雷聲繁聒夢歸半岫金烏曉委  
照一川石燕又交飛濯枝霖霖梅花吹渚飄飄暑  
氣微因憶故園閒釣處蒼苔斑駁滿漁磯

唐詩類苑

卷之四

三十一

唐詩類苑卷第五

明雲間張之象玄超甫纂輯

嶺南趙應元葆初甫編次

雲間王微叔朗甫補訂

梁谿曹仁孫伯安甫校正

天部

雨

聞雨二首

張說

窮冬萬化匝永夜百憂攢危戍臨江火空齋入雨寒  
斷後知屢別嘶鴈覺虛彈心對鑪灰死顏隨庭樹殘

唐詩類苑

卷之五

舊恩懷未報傾膽鏡中看

多雨絕塵事寥寥入太玄城陰疎復合簷滴斷還連

念我勞造化從來五十年悟將心狗物近得還自然

閒居草木侍虛室鬼神憐有時進美酒有時泛清絃

聲真不世識心醉豈言詮

聞雨

韓偓

香侵蔽膝夜寒輕聞雨傷春夢不成羅帳四垂紅燭

背玉釵敲著枕幽聲

聽雨

王建

半夜思家睡裏愁雨聲落落屋簷頭照泥星出依前

黑淹爛庭花不肯休

聽夜雨寄盧綸

李端

暮雨蕭條過鳳城霏霏颯颯重還輕聞君此夜東林

宿聽得荷池幾番聲

舟中見雨

戴叔倫

今夜初聽雨江南杜若青功名何齒莽兄弟總凋零

夢遠愁蝴蝶情深愧鵲鴿撫孤終日意身世尚流萍

開元寺樓看雨聯句

與皮日休

陸龜蒙

海上風雨來掀轟逐飛電登樓一凭檻滿眼蛟龍戰

唐詩類苑

卷之五

龜蒙須更造化慘倏忽堪輿變萬戶響戈鋌千家披

組練日休群飛拋輪石雜下攻城箭點急似摧胸行

斜如中面龜蒙細灑魂空冷橫飄目能眩垂簷珂珮

喧擲瓦珠璣日休無言九垓遠瞬息馳應徧密處

正垂絙微時又懸綬龜蒙寫作玉界破吹為羽林旋

翻傷列缺勞却怕豐隆倦日休遙瞻山露色漸覺雲

成片遠樹欲鳴蟬深簷尚藏燕龜蒙殘雷隱鱗盡反

照依微見天光潔似磨湖彩熟於練日休疎帆逗前

渚晚磬分涼殿接思強揮毫窺詞幾焚硯龜蒙佳栗

烏皮几輕明白羽扇畢景好疎吟餘涼可清宴日休



君攜下高磴，僧引還深院。駁蘚淨鋪筵，低松濕垂鬚。  
龜蒙齋明乍虛豁，林霽逾蔥蒨。早晚共登臨，欲去多離戀。  
日休

溪行逢雨與柳中庸 李端

日落衆山昏，蕭蕭暮雨繁。那堪兩處宿，共聽一聲猿。  
發營逢雨應詔 虞世南

豫遊欣勝地，皇澤乃先天。油雲陰御道，膏雨潤公田。  
隴麥霑逾翠，山花濕更燃。稼穡良所重，方復悅豐年。  
奉使宜春夜，度新淦江陸路至黃蘗館路上

遇風雨作 皇甫曾

唐詩類苑 卷之五 三

草草理夜裝，涉江又登陸。望路殊未窮，指期今已促。  
傳呼戒徒馭，振轡轉林麓。陰雲擁巖端，霽雨當山腹。  
震雷如在耳，飛電來照目。獸跡不敢窺，馬蹄惟務速。  
虔心若齋禱，濡體如沐浴。萬竅相怒號，百泉暗奔瀑。  
危梁慮足跌，峻坂憂車覆。問我何以然，前日受微祿。  
轉知人代事，纓組乃徽束。向若家居時，安枕春夢熟。  
遵途稍已近，候吏來相續。曉霽心始安，林端見初旭。

登秦嶺半巖遇雨 錢起

屏翳忽騰氣，浮陽慘無暉。千峰挂飛雨，百尺搖翠微。  
震電閃雲逕，奔流翻石磯。倚巖假松蓋，臨水羨荷衣。

不得采芣去，空思乘月歸。且憐東臯上，水色侵荆扉。  
水色一作黍色

輞口遇雨憶終南山因獻絕句 裴迪

積雨晦空曲，平沙滅浮彩。輞水去悠悠，南山復何在。  
答裴迪輞口遇雨憶終南山 王維

森森寒流廣，蒼蒼秋雨晦。君問終南山，心知白雲外。  
江南遇雨 張鼎

江天寒意少，冬半雨仍飛。出戶愁爲聽，從風灑客衣。

唐詩類苑 卷之五 四

旅覓驚處斷，鄉信意中微。幾日應晴去，孤舟且欲歸。  
遇雨貽謝南池 孟浩然

田家春事起，丁壯就南陂。殷殷雷聲作，森森雨足垂。  
海虹晴始見，河柳潤初移。予意在耕鑿，因君問土宜。  
盧氏池上遇雨贈同遊者 溫庭筠

簾翻涼氣集，溪上潤殘基。萍陂風來後，荷喧雨到時。  
寂寞閒望久，飄灑獨歸遲。無限松江恨，煩君解釣絲。  
孤山寺遇雨 白居易

拂波雲色重，灑葉雨聲繁。水鷺雙飛起，風荷一向翻。  
空濠連北岸，蕭颯入東軒。或擬湖中宿，留船在寺門。



攜諸山客同上香爐峰遇雨而還沾濡狼籍

互相笑謔題此解嘲 白居易

瀟灑登山去龍鍾遇雨迴磴危攀薜荔石滑踐莓苔  
襪汗君相謔鞋穿我自咍莫欺泥土脚曾踏玉階來

山行遇雨

孫逖

驟雨晝氣氤空天望不分暗山唯覺電窮海但生雲  
涉澗猜行潦綠崖畏宿氛夜來江月霽棹唱此中聞  
酬苗員外仲夏歸郊居遇雨見寄

盧綸

雷響風仍急人歸鳥亦還亂雲方至水驟雨已喧山

唐詩類苑

卷之五

五

田鼠依林上池魚戲草間因高比埃霧一詠一開顏

硤石遇雨宴前主簿從兄子英宅

劉長卿

縣城蒼翠裏客路兩崖開硤石雲漠漠東風吹雨來  
吾兄此爲吏薄宦知無媒方寸抱秦鏡聲名傳楚材  
折腰五斗間僂僂隨塵埃秩滿少餘俸家貧仍散財  
誰言次東道暫預傾金疊雖欲少留此其如歸限催

中書省遇雨

錢起

濟旱惟宸慮爲霖卽上台雲銜七曜起雨拂九門來  
倚闌飛絲度龍渠激溜迴色翻池上藻香裊鼎前盃

湘燕皆舒翼沙鱗豈曝腮尺波應萬假虞海載沿洄

途中遇雨馬上口號留別張劉二端公

盧綸

陰雷慢轉野雲長駿馬雙嘶愛雨涼應念龍鍾在泥  
滓欲摧肝膽事王章

送智光之南值雨

僧善生

結束衣囊了炎州定去遊草堂方惜別山雨爲相留  
又得一宵話免生千里愁莫辭重卜日後會必驚秋

漁潭值雨

錢起

日入林島異鶴鳴風草間孤帆泊枉渚飛雨來前山

唐詩類苑

卷之五

六

客意念留滯川途忽阻難赤亭仍數里夜待安流還

曲江值雨

杜甫

城上春雲覆苑牆江亭晚色靜年芳林花著雨燕支  
落水荇牽風翠帶長龍武新軍深駐輦芙蓉別殿設  
焚香何時詔此金錢會暫醉佳人錦瑟傍

登樓值雨二首

李咸用

共訝高樓望匡廬色已空白雲橫野濶遮嶽與天同  
數點雨入酒滿襟香在風遠江吟得出方下郡齊東

二

江徼多佳景秋吟興未窮送來松檻雨半是蓼花風

浪猛驚翹鷺煙昏叫斷鴻不知今夜客幾處臥鳴蓬

咸陽值雨

溫庭筠

咸陽橋上雨如懸萬點空濛隔釣船還似洞庭春水色晚雲將入岳陽天

阻雨不得歸灤西甘林

杜甫

三伏適已過驕陽化為霖欲歸灤西宅阻此江浦深  
壞舟百板坼峻岸復萬尋篙工初一棄恐泥勞寸心  
佇立東城隅悵望高飛禽草堂亂玄圃不隔崑崙岑  
昏渾衣裳外曠絕同層陰園柑長成時三寸如黃金  
諸侯舊上計厥貢傾千林邦人不足重所迫豪吏侵

唐詩類苑

卷之五

七

客居暫封殖日夜偶瑤琴虛徐五株態側塞煩胸襟  
焉得輟兩足杖藜出嶮嶽條流數翠實偃息歸碧潯  
拂拭烏皮几喜聞樵牧音令兒快搔背脫我頭上簪  
謫居漁陽至白沙阻雨題驛

鄭常

漁陽知近遠見說過湓城雲雨經春客江山幾日程  
終隨鷺鳥去祗待海潮生前路逢漁父多慙問姓名

雲安阻雨

戎昱

日長巴峽雨濛濛又說歸舟路未通遊人不及西江  
水先得東流到渚宮

滯雨

李商隱

滯雨長安夜殘燈獨客愁故鄉雲水地歸夢不宜秋

崇義里滯雨

李賀

落莫誰家子來感長安秋壯年抱羈恨夢泣生白頭  
瘦馬秣敗草雨沫飄寒溝南宮古簾暗濕景傳  
家山遠千里雲脚天東頭憂眠枕劍匣客帳夢封侯

陰雨

白居易

嵐霧今朝重江山此地深灘聲秋更急峽氣曉多陰  
望闕雲遮眼思鄉雨滴心將何慰幽獨賴此北窗琴  
連雨

白居易

唐詩類苑

卷之五

八

風雨閭蕭蕭鷄鳴暮復朝碎聲籠苦竹冷翠落芭蕉  
水鳥投簷宿泥蛙入戶跳仍聞蕃客見明日欲追潮  
積雨輞川莊作

王維

積雨空林煙火遲蒸藜炊黍餉東菑漠漠水田飛白  
鷺陰陰夏木轉黃鸝山中習靜觀朝槿松下清齋折  
露葵野老與人爭席罷海鷗何事更相疑

雨不絕

杜甫

鳴雨既過漸細微映空搖颺如絲飛階前短草泥不  
亂院裏長條風乍稀舞石旋應將乳子行雲莫自濕  
僊衣眼邊江河何忍足未得安流逆浪歸

船下夔州郭宿雨濕不得上岸別王十二判

官

杜甫

依沙宿舸船石瀨月娟娟風起春燈亂江鳴夜雨懸  
晨鐘雲外濕勝地石堂煙柔櫓輕鷗外含悽覺汝賢  
酬鄭侍御多雨春空過詩三十韻

白居易

南雨來多滯東風動卽狂月行離畢急龍走召雲忙  
鬼轉雷車響蛇騰電策光浸淫天似漏沮洳地成瘡  
慘澹陰煙白空濛宿霧黃闇遮千里目悶結九迴腸  
寂寞羈臣館深沈思婦房鏡昏鸞滅影衣潤麝消香

唐詩類苑

卷之五

九

蘭濕難紉佩花凋易落粧沾黃鶯翅重滋綠草心長  
紫陌皆泥潭潢汚共淼茫恐霖成怪沴望霽劇禱祥  
楚柳腰肢躡湘筠涕淚滂晝昏疑是夜陰盛勝於陽  
居土巾皆墊行人蓋盡張跳蛙還屢出移蟻欲深藏  
端坐交游廢閒行去步妨愁生垂白髮惱殺蹋青娘  
變海常須慮爲魚慎勿忘此時方共懼何處可相將  
已望東溟禱仍封北戶禳却思逢早魃誰喜見商羊  
豫怕爲蠶病先憂作麥霜惠應施浹洽政豈假揄揚  
祀典修成秩農書振滿牀丹誠期懇苦白日會昭彰  
賑廩賙饑戶古城備壞墻且當營歲事寧暇惜年芳

德勝令災弭人安在吏良尚書心若此不枉繫金章

苦雨寄房四昆季

高適

獨坐見多雨况茲兼索居茫茫十月交窮陰千里餘  
彌望無端倪北風擊林笳白日眇難覩黃雲爭卷舒  
安得造化功曠然一掃除滴瀝簷宇愁寥寥譚笑疎  
泥塗擁城郭水潦盤丘墟惆悵憫田農徘徊傷里閭  
曾是力井稅曷爲無斗儲萬事切中懷十年思上書  
君門嗟緬邈身計念居諸沈吟顧草茅鬱快任盈虛  
黃鵠不可羨鳴鷄時起予故人平臺側高館臨通渠  
兄弟方荀陳才華冠應徐彈碁自多暇飲酒更何如

唐詩類苑

卷之五

十一

知人想林宗直道慙史魚攜手流風在開襟鄙吝祛  
寧能訪窮巷相與對園蔬

王真公主別館苦雨贈衛尉張卿二首

李白

秋坐金張館繁陰晝不開空煙迷雨色蕭颯望中來  
驟驟昏墊苦沈沈憂恨催清秋何以慰白酒盈吾盃  
吟咏思管樂此人已成灰獨酌聊自勉誰貴經綸才  
彈劍謝公子無魚良可哀

苦雨思白日浮雲何由卷稷卨和天人陰陽仍騷擾  
秋霖劇倒井昏霧橫絕嘯欲往咫尺塗遂成山川限

滾滾奔溜瀉浩浩驚波轉泥沙塞中塗牛馬不可辨  
饑從漂母食閒綴羽陵簡園家逢秋蔬藜藿不滿眼  
蟪蛄結思幽蟋蟀傷福淺厨竈無青煙刀機生綠蘚  
投筋解鷓鴣換酒醉北堂丹徒布衣者慷慨未可量  
何時黃金盤一斛薦檳榔功成拂衣去搖曳滄洲旁  
苦雨奉寄隴西公兼呈王徵士

杜甫

今秋乃淫雨仲月來寒風群木水光下萬家雲氣中  
所思礙行潦九里信不通悄悄素滌路迢迢天漢東  
願騰六尺駒背若孤征鴻劃見公子面超然懽笑同

唐詩類苑

卷之五

十一

奮飛既胡越局促傷樊籠一飯四五起憑軒心力窮  
嘉蔬沒溷濁時菊碎榛叢鷹隼亦屈猛烏鳶何所蒙  
式瞻北鄰居取適南巷翁挂席釣川漲焉知清興終  
苦雨憶皇甫冉

錢起

涼雨門巷深窮居成習靜獨吟愁霖雨更使秋思永  
疲疴苦昏墊日夕開軒扉草木森已悲衾幃清且冷  
如何遊宦客江海隨泛梗延首長相思憂襟孰能整

苦雨行

劉禹錫

悠悠飛走情同樂在陽和歲中三百日常恐風雨多  
天人信遐遠時節易蹉跎洞房有明燭無乃酣且歌

苦雨

元稹

江瘴氣候惡庭空田地蕪煩昏一日內陰暗三四殊  
巢燕汚牀席蒼蠅點肌膚不足生話怒但苦寡懽娛  
夜來稍清宴放體階前呼未飽風月思已爲蚊蚋圖  
我受簪組身我生天地鑪炎蒸安敢勸蟲豸何時無  
凌晨坐堂廡努力泥中趨官家事不了尤悔亦可虞  
門外竹橋折馬驚不敢踰迴頭命僮御向我色踟蹰  
自顧方濩落安能相詰誅隱忍心憤恨翻爲聲啾愉  
逡巡崔嵬日杲曜東南隅已復雲蔽翳不使及泥塗  
良農盡蒲葦厚地積潢汙三光不得照萬物何由蘇

唐詩類苑

卷之五

十二

安得飛廉車磔裂雲將軀又提精陽劍蛟螭支節屠  
陰沴皆電掃幽妖亦雷驅煌煌啟閭闔軋軋掉乾樞  
東西生日月晝夜如轉珠百川朝巨海六龍踏亨衢  
此意倍寥廓時來本須臾今也泥鴻洞鼃鼃眞得途

苦雨

林寬

霪霖翳日月窮巷變溝坑驟灑纖枝折奔傾壞堵平  
蒙簷來客絕躍蹙噪蛙蟬敗屐陰苔積摧簷濕菌生  
斜飛穿裂瓦迸落打空鐺葉底遲歸蝶林中滯出  
潤侵書縫黑冷浸鬢絲明牖暗參差影堦寒斷  
尺薪功比桂寸粒價高瓊遙想管絃裏無因識此

吳中苦雨因書一百韻寄魯望

皮日休

全吳臨巨溟百里到滬濱海物競駢羅水怪爭滲漉  
狂蜃吐其氣千尋勃然蹙一刷半天墨架爲欹危屋  
怒鯨瞪相向吹浪山穀穀倏忽腥杳冥須臾圻崖谷  
帝命有嚴程慈物敢潛伏噓之爲玄雲彌亘千萬幅  
直拔倚天劍又建橫海纛化之爲暴雨淅淅射平陸  
如將月窟寫似把天河撲著樹勝戟支中人過箭鏃  
龍光倏閃照虬角掬琤觸此時一千里平下天台瀑  
雷公恣其志礮礮裂電目蹋破霹靂車折却三四幅

唐詩類苑

卷之五

十一

雨工避罪者必在蚊睫宿狂發鏗訇音不得解怠僂  
頃刻勢稍止尚自傾救救不敢履灣處恐蹋爛地軸  
自爾凡十日茫然晦林麓只是遇滂沱少曾逢霹靂  
伊予之解宇古製拙卜築頽簷倒菌黃破砌頑莎綠  
只有方丈居其中躋且踞朽處或似醉漏時又如沃  
堦前平汎濫墻下深趣越唯堪著臺笠復可乘舩舨  
鷄犬並淋漓兒童但咿噢勃勃生濕氣人人牢於鍋  
鬚眉漬將斷肝膈蒸欲熟當庭死蘭芷四垣盛蒼葢  
解帙展斷書拂牀安壞牘跳梁老蛙黽直向牀前浴  
蹲前但相聒似把白丁辱空厨方欲炊漬米未離奠

薪蒸濕不著白晝須然燭汗來旣已潭買魚不獲鰕

竟未成麥饘安能得梁肉更有陸先生荒林抱窮蹙

壞宅四五舍病條三兩束蓋簷低碍首鮮地滑達足

法欲透承塵濕難庇厨簷低摧在圭竇索漠拋偏漿

手指旣已胼肌膚又將瘕一苞勢欲墜將撐乏寸木

盡日久束薪經時無斗粟蠅蚹將入甑螬蟊已臨鑊

嬌兒未十歲枵然自啼哭一錢買炬枚數里走病僕

破碎舊鶴籠狼籍晚蠶簇千卷素書外此外無餘蓄

著處紵衣裂戴次紗帽醜惡陰潛過午未及烹菰菰

吳中銅臭戶七萬沸如臙膏止甘蟹鱗後惟僭車服

唐詩類苑

卷之五

十一

皆希尉吏旨盡怕里胥錄低眉事庸奴開顏納金玉  
唯到陸先生不能分一斛先生之志氣薄漢如鴻鵠  
遇善必擎蹠見才輒馳逐廉不受一介其餘安可黷  
如何鄉里輩見之乃蜩縮粵子苦心者師仰但踏蹶  
受易旣可注請玄又堪卜百家皆搜蕩六藝盡翻覆  
似餒見太牢如迷遇華燭半年得誦唱一日屢往復  
三秀間狼莠九成雜巴濮奔命旣不暇乞降但相續  
吟詩口吻噓把筆指節豚君才旣不窮吾道由是篤  
所益諒弘多厭交過親族相逢似丹漆相望如肺腑  
論業敢並驅量分合繼躅相違始兩日忉忉想華得

出門泥漫患恨無直輟輦十錢賃一輪逢上鳴解棘  
赤脚枕書帙訪予穿詰曲入門且抵掌大噱時碌碌  
滋淋既浹旬無乃害九穀予惟餓不死得非道之福  
手中捉詩卷語快還共讀解帶似歸來脫巾若沐浴  
疎如松間篁野甚麋對鹿行譚弄書籤臥話枕棊局  
呼童具盤餐撤衣換鷄鶩或蒸一升麻或燂兩把菊  
用以開幽竒豈能資口腹十分煎臯盧半盪挽鄙醜  
高譚緊無盡晝漏何太促我公大司諫一切從民欲  
梅潤侵束杖和氣生空獄而民當斯時不覺有煩溽  
念滂爲之災拜神再三告太陰霍然收天地一澄肅

唐詩類苑

卷之五

十五

燔炙旣芬芬威儀乃翬翬須權元化柄用拯中夏酷  
我願薦先生左右輔司牧茲雨何足云唯思舉顏歎  
奉訓襲美先輩吳中苦雨一百韻見寄

陸龜蒙

微生參最靈天與意緒拙人皆機巧求百徑無一達  
家爲唐臣來奕世惟稷卨只垂清白風凜凜自貽厥  
猶殘賜書在編簡苦斷絕其間忠孝字萬古光不滅  
屏孫誠曹昧有志常猾猾敢云嗣良弓但欲終守節  
誼諱不入耳讒佞不挂舌仰詠堯舜言俯遵周孔轍  
所貪既仁義豈暇理生活縱有舊田園拋來亦蕪沒

因之成否塞十載真契濶凍肝一簪餒饑腸少糠粒  
甘心付天壤委分任迴幹笠澤臥孤雲桐江釣明月  
盈筐盛芡芰滿釜煮鱸鱖酒幟風外旂茶槍露中櫛  
歌謡非大雅摭摭爲小說上可補薰莖傷堪毗牙孽  
方當賣魯罽盡以易紙札踪跡尚吳門夢覓先魏闕  
尋聞天子詔赫怒誅叛卒宵旰憫丞黎謨明問征伐  
王師雖繼下賊壘未卽拔此時淮海波半是生人血  
霜戈驅少壯敗屋棄羸輦踐蹋比塵埃焚燒同藁秸  
吾皇自神聖執事皆間傑射策亦何爲春卿遂聊輟  
伊子將貢技未有耻可刷却問漁樵津重耕煙雨墜

唐詩類苑

卷之五

十六

諸侯急兵食冗贍方剪截不可抱詞章巡門事干謁  
歸來闔蓬楫壁立空袒褐煖手抱孤煙披書向殘雪  
幽憂和憤懣忽愁自驚蹶文今乏寸毫武也無尺鐵  
平生所韜蓄到死不開豁念此令人悲翕然生內熱  
加之被鞭撻况復久藜糲旣爲霜露侵一臥增百疾  
筋骸將束縛腠理如箠撻初謂祇狂猖又疑當毒蝎  
江南多事鬼巫覡連蹺粵可口是妖訛恣情專賞罰  
良醫只備位藥肆成虛設而我正萎瘁安能致訶咄  
椒蘭任芳苾精糲從羅列醖餽旣屢傾錢刀亦隨蕘  
兼之瀆財賄不止行諂竊天地如有知微妖豈遊殺



其時心力憤益使氣息憊永夜更呻吟空牀但度  
君來替賢牧野鶴聊簪笏謂我同光塵心中有溟渤  
輪蹄相壓至問遺無虛月首到春鴻濛猶殘病根爰  
看花雖眼暈見酒忘肺渴隱几還自怡逢盧亦爭喝  
抽毫更唱和劍戟相摩戛何大不包羅何微不挑剔  
今來值霖雨晝夜無暫歇雜若碎淵淪高如破轆轤  
何勞鼃吼岸詎要鶴鳴埳秣意江海翻更愁山嶽裂  
初驚蚩尤陣虎豹爭搏噬又疑伍胥濤蛟蜃相感發  
千家濛濛練忽似好被拂萬瓦隨玉繩如堪取紫結  
况予居低下本是蛙蚓窟邇來增號呼得以恣唐突

唐詩類苑

卷之五

十七

先誇屋舍好又恃頭角凸厚地雖直方身能徧穿穴  
常參莊辨裏亦造楊玄末偃仰縱無機形容且相忽  
低頭增歎怗到口復咽嗔沮洳漬琴書莓苔染巾襪  
解衣換倉粟秕稗猶未脫饑鳥屢窺臨泥童苦舂師  
或聞秋稼穡大半沈澎汜耕父蠹齊民農夫思旱魃  
吾觀天之意未必洪水割且要虐飛龍又圖滋跛鼈  
三吳明太守左右皆儒哲有力卽扶危懷仁過救喝  
鹿門皮夫子氣調真俊逸截海上雲鷹橫天下鞬鵠  
文壇如命將可以持玉鉞不獨展義軒便當成老佛  
顧予爲山者所得財簞撮譬如餽箭材尚欠鉞與筭

閒將飲兒唱疆倚帝子瑟幸得遠瀟湘不然咄賈  
開緘窺寶肆璣貝光比榔朗詠衝樂懸陶匏嚮鏗  
古來愁霖賦不是不清越非君頓挫才沴氣難摧折  
馳情扣虛寂力盡無所掇不足謝徽音秣今凋鬢髮  
苦雨中又作四聲詩寄魯望

皮日休

平聲

淅淅將經旬昏昏空迷天鷓鴣成群嬉芙蓉開  
漁通蓑衣城帆過菱花田秋收吾無望悲之且徒然

平上聲

唐詩類苑

卷之五

十六

河平州橋危壘晚水鳥上衝崖搜松根點沼寫芙蓉  
舟輕通縈紆棧墮阻指掌攜橈將尋君渚滿坐可往

平去聲

狂霖昏悲吟瘦桂對病臥簷虛能影斜舍蠹易漏破  
宵愁將琴攻晝悶用睡過堆書仍傾觴富貴未換箇

平入聲

羈棲愁霖中缺宅屋木惡荷傾還驚魚竹滴復鴈鶴  
閒僧千聲琴宿客一笈藥悠然思夫君忽憶蠅服著

奉酬苦雨四聲重寄

陸龜蒙

平聲

幽棲眠疎窗豪居憑高樓浮漚驚跳丸寒聲思重裘  
牀前垂文竿巢邊登輕舟雖無東臯田還生魚乎憂

平上聲

層雲愁天低久雨倚檻冷絲禽藏荷香錦鯉繞島影  
心將時人乖道與隱者靜桐陰無深泉所以逞短綆

平去聲

烏蟾俱沈光晝夜恨暗度何當乘雲螭面見上帝想  
臣言陰靈欺詔用利劍付迴車誅羣奸自散萬賴怒

平入聲

危簷仍空塔十日滴不歇青莎看成狂白菊卽欲沒

唐詩類苑

卷之五

十九

吳王荒金樽越妾挾玉瑟當時雖愁霖亦若惜落月

和韓侍郎苦雨

白居易

潤氣凝柱礎繁聲注瓦溝闇留窻不曉涼引簟先秋  
葉濕蠶應病泥稀燕亦愁仍聞放朝夜誤出到街頭

霖雨苦多江湖暴漲塊然獨望因題北亭

白居易

自作潯陽客無如苦雨何陰昏晴日少閒悶睡時多  
湖濶將天合雲低與水和籬根舟子語巷口釣人歌  
霧鳥沈黃氣風帆蹴白波門前車馬道一宿變江河  
客舍苦雨卽事寄錢起郎士元二員外

盧綸

積雨暮淒淒羈人壯自棲響空宮樹接覆水野雲低  
穴蟻多隨草巢蜂半墮泥遠池墻蘚合擁溜瓦松齊  
舊圃平如海新溝曲似溪壤闌留衆蝶欹棟止群鷄  
芳盛終無實槎枯返有莢綠萍藏廢井黃葉隱危堤  
閭里歡將絕朝昏望亦迷不知霄漢侶何路可相攜

一作何路事攀躋

苦雨聞包諫議欲見訪戲贈

盧綸

草氣樹煙咽不開繞牀連壁盡生苔常時多病因多

唐詩類苑

卷之五

二十

雨那敢煩君車馬來

宗禮欲往桂州苦雨因以戲贈

呂溫

農夫辛苦綠苗齊正愛梅天水滿開  
車行意速但令駿馬著鄣泥

奉訓苦雨見寄

陸龜蒙

松篁交加午陰黑別是江南煙靄國頑雲猛雨更相  
欺聲似燒號色如墨茅茨裊爛簷生衣夜夜化爲螢  
火飛螢飛漸多屋漸薄一注愁霖當面落愁霖愁霖  
爾何錯滅頂於余奚所作旣不能賦似陳思王又不



能詩似謝康樂昔年嘗過杜子美亦得高歌破印紙  
慣曾掀攪大筆多爲我才情也如此高揖愁霖詞未  
已披文忽自皮夫子哀絃怨柱合爲吟恠我窮棲蓬  
蘚裏初悲濕翼何由起未欲箋天叩天耳其如玉女  
正投壺笑電霏霏作天喜我本曾無一稊田平生嘯  
傲空漁船有時赤脚美明月踏破五湖光底天去歲  
王師東下急輸兵粟盡民相泣伊予不戰不耕人敢  
怨烝黎無糝粒不然受性圓如規千姿萬態分毫釐  
唾壺虎子盡能執砥痔折枝無所辭有頭強方心強  
直撐拄頰風不量力自愛垂名野史中寧論抱困荒

唐詩類苑

卷之五

三

城側唯君浩歎非庸人分衣輟飲來相親橫眠木榻  
忘華薦對食露葵輕八珍欲窮玄鳳未白欲懷僊  
鯨尚隔不如驅入醉鄉中只恐醉鄉田地窄

雨從箕山來

宋之問

雨從箕山來倏與飄風度晴明西峰日綠縹南溪樹  
此時客精廬幸蒙真僧顧深入清淨理妙斷往來趣  
意得兩契如言盡共忘諭觀花寂不動聞鳥懸可悟  
向夕聞天香淹留不能去

賦得巫山雨

宋之問

神雨向高堂巫山下夕陽徘徊作行所婉孌逐荆王

電影江前落雷聲峽外長霽雲無處所臺館曉蒼蒼

江雨有懷鄭典設

杜甫

春雨闇闇塞峽中早晚來自楚王宮亂波紛披已打  
岸弱雲狼籍不禁風龍光蕙葉與多碧點注桃花舒  
小紅谷口子真正憶汝岸高濃滑限西東

村雨

杜甫

雨聲傳兩夜寒事颯高秋挈帶看朱紱開箱睹黑裘  
世情只益睡盜賊敢忘憂松菊新霑洗茅齋慰遠遊

渭村雨歸

白居易

渭水寒漸落離離蒲稗苗閒傍沙邊立看人刈荳茗

唐詩類苑

卷之五

三

近水風景冷晴明猶寂寥復茲夕陰起野思重蕭條  
蕭條獨歸客暮雨濕村橋

江上雨寄崔碣

杜牧

春半平江雨圓文破蜀羅聲眠蓬底客寒濕釣來蓑  
暗澹遮山遠空濛著柳多此時懷一恨相望意如何

途中望雨懷歸

韋莊

滿空寒雨慢霏霏去路雲深鎖翠微牧豎遠當煙草  
立饑禽閒傍渚田飛誰家樹壓紅榴折幾處籬懸白  
菌肥對此不堪鄉外思荷蓑遙羨釣人歸

登咸陽縣樓望雨

韋莊

亂雲如獸出山前細雨和風滿渭川盡日空濛無所見鴈行斜去字聯聯

雨中登沛縣樓贈表兄郭少府

劉長卿

楚澤秋更遠雲雷有時作晚陂帶殘雨白水昏漠漠佇立收煙氛洗然靜東一作廓卷簾高樓上萬里看日落爲客頻改絃辭家尚如昨故山今不見此一作鳥那可託小邑務常閒吾兄宦何薄高標青雲器獨立滄江鶴惠愛原上情慙慙丘中諾何當遂良願歸臥青山郭

唐詩類苑

卷之五

雨中作

杜牧

賤子本幽慵多爲雋賢侮得州荒僻中更值連江雨一褐擁秋寒小窻侵竹塢濁醪氣色嚴皤腹瓶罍古酣酣天地寬怳怳嵇劉伍但爲適性情豈是藏鱗羽一世一萬朝朝朝醉中去

郡齋雨中與諸文士燕集 韋應物

兵衛森畫戟宴寢凝清海上風雨至逍遙池閣涼煩病近一作消散嘉賓復滿堂自慙居處崇未覩斯民康理會是非遣性達形迹忘忘鮮肥屬時禁蔬果幸見嘗俯飲一杯酒仰聆金玉章神歡體自輕意欲凌

風一作翔吳中盛文史群彥今汪洋方知大藩地一作豈曰財賦疆

奉同郎中使君齋雨中宴集之什

韋應物

好鳥依嘉樹飛雨灑高城况與數君子列座分兩楹一作公文雅一何麗一作林堂含餘清我公未歸朝遊子不待晴白雲帝鄉遠滄江楓葉鳴拜手欲無言零淚如一作酒傾寸心已摧折別離方骨驚安得凌風翰肅肅賓天京

雨中寄孟刑部幾道聯句

與孟東野

唐詩類苑

卷之五

韓愈

秋潦淹輟跡高居限叅拜愈耿耿蓄良史遙遙仰嘉話却一晨長隔歲百步遠殊界愈商聽饒清聳悶懷空抑噫却美君知道腴逸步謝天械愈吟馨鑠紛雜抱照瑩疑怪却撞宏聲不掉輪邈瀾逾殺愈簪瀉碎江喧街流淺溪邁却念初相遭逢幸免因媒介祛煩類決癰愜興劇爬疥研文較幽玄呼博騁雄快今君輅方馳伊我羽已鍛溫存感深惠琢切奉明誠愈追茲更凝情暫阻若嬰瘵欲知相從盡靈珀拾纖芥欲知相益多神藥銷宿愆德符僊山岸永立難歆懷氣

涵秋天河有朗無驚萍如祥鳳遺蒿鸚雲韶掩夷韞  
爭名求鵠徒騰口甚蟬鳴未來聲已赫始鼓敵前敗  
鬪場再鳴先遐路一飛屆東野繼奇躅修綸懸衆愕  
穿空細丘垤照日陋管蒯愈小生何足道積愼如觸  
蠶情惜抱所諾翼翼自申戒聖書空勘讀盜食取求  
噉唯當騎欵段豈望覲珪玠弱操愧筠杉微芳比蕭  
薤何以驗高明柔中有剛決郊

雨中懷友人

賈島

對雨思君子嘗茶近竹幽儒家鄰古寺不到又逢秋

訓劉員外雨中見寄

錢一起

唐詩類苑

卷五

五

苦雨滴蘭砌秋風生葛衣潢汗三逕絕砧杵四隣稀  
分與玄豹隱不爲湘燕飛慙君角巾折猶肯問衡闥  
秋夜雨中諸公過靈光寺所居

劉長卿

晤語青蓮舍重門閉夕陰向人寒燭靜帶雨夜鐘沈  
一作流水從他事孤雲任此心不能捐斗粟終日愧  
瑤琴

雨中寄張博士籍侯主簿喜

韓愈

放朝還不報半路踏泥歸雨慣曾無節雷頻自失威

見牆生菌徧憂麥作蛾飛歲晚徧蕭索誰當救晉饑

雨中招張司業宿

白居易

過夏衣香潤迎秋簾色鮮斜支花石枕臥詠藥珠篇  
泥潭非遊日陰沈好睡天能來同宿否聽雨對牀眠

訓韓祭酒雨中見寄

張籍

雨中愁不出陰黑盡連宵屋濕唯添漏泥深未放朝  
無芻憐馬瘦少食信兒嬌聞道韓夫子還同此寂寥  
和李僕射雨中寄盧嚴二給事

張籍

郊原飛雨至城闕濕雲埋迸點時穿牖浮漚欲上堦

唐詩類苑

卷之五

五

偏滋解籜竹併灑落花槐晚潤生琴匣新涼滿藥齋  
從容朝務退放曠掖曹乖盡日無來客閒吟感此懷

雨中訓友人

盧綸

看山獨行歸竹院水遶前堦草生遍空林明暗寂無  
聲唯有愁心兩相見

雨中攜元九詩訪元八侍御

白居易

微之詩卷憶同開暇日多應不入臺好句無人堪共  
詠衝泥蹋水就君來

撫州江口雨中作

韋莊

江上閒衝細雨行滿衣風灑綠荷聲金駟掉尾橫鞭  
望猶指廬陵半日程

雨中贈僊人山賈山人 柳宗元

寒江夜雨聲潺潺曉雲遮盡僊人山遙知玄豹在深  
處下笑羈絆泥塗間

雨中赴劉十九二林之期及到寺劉已先去

因以四韻寄之 白居易

雲中臺殿泥中路既阻同遊懶却還將謂獨愁猶對  
雨不知多興已尋山纔應行到千峰裏只校來遲半  
日間最惜杜鵑花爛熳春風吹盡不同攀

唐詩類苑 卷之五 二十七

自孟津舟西上雨中作

秋煙漠漠雨濛濛不卷征帆任晚風百口寄安滄海  
上一身逃難綠林中來時楚岸楊花白去日隋堤蓼  
穗紅却到故園翻似客歸心迢遞秣陵東

雨後公超谷北原眺望寄高拾遺

獨孤及

崖口雨足收清光洗高天虹蜺斂殘靄山水含碧鮮  
逐空霞破露月輪薄雲片片成魚鱗五陵如薺渭如  
帶目極千里關山春朝寒爽氣未易說盡取花峰  
遠人

同德寺雨後寄元侍御李博士

韋應物

川上風雨來須臾滿城闕昭嶢青蓮界一作蕭條孤

興發前山遽已淨陰靄夜來歇喬木生夏涼流雲吐

華月嚴城自有限一水非難越相望曙河一作遠高

齊坐超忽

訓樂天雨後見憶 元稹

雨滑危梁性命愁差池一步一生休黃泉便是通州

郡漸入深泥漸到州

同王員外雨後登開元寺南樓因寄西嚴警

唐詩類苑 卷之五 二十八

上人 盧綸

過雨開樓看晚虹白雲相逐水相通寒蟬噪暮野無  
日古樹傷秋天有風數穗遠煙凝壠上一枝繁果憶  
山中何言暫別東隣友惆悵人間事不同

雨夜感懷 韋應物

微雨灑高林塵埃自蕭散耿耿心未平沈沈夜方半  
獨驚長簾冷遽覺愁鬢換誰能當此夕不有盈襟歎

雨夜贈元十八 白居易

卑濕沙頭宅連陰雨夜天共聽簷漏滴心事兩悠然  
把酒循環飲移牀曲尺眠莫言非故舊相識已三年

雨後寄馬戴

賈島

芳林杏花樹花落子西東今夕曲江雨寒催朔北風  
鄉書滄海絕隱路羣微通寂寂相思際孤缸殘漏中

雨夜見投之作

司空曙

山戶繁星盡池塘暗不開動衣涼氣度遞樹遠聲來  
燈外初行電城隅偶隱雷因知謝文學曉望比塵埃

雨夜同厲玄懷皇甫荀

賈島

桐竹遶庭匝雨多風更吹還如舊山夜臥聽瀑泉時  
磧鴈來期近秋鐘到夢遲溝西吟苦客中夕話兼思

西河雨夜送客

白居易

唐詩類苑

卷之五

元

雲黑雨脩脩江昏水闇流有風催解纜無月伴登樓  
酒罷無多興帆開不少留唯看一點火遙認是行舟

舟中雨夜

白居易

江雲暗悠悠江風冷修修夜雨滴船背夜浪打船頭  
船中有病客左降向江州

雨夜憶元九

白居易

天陰一日便堪愁何況連宵雨不休一種雨中君最  
苦徧梁閣道向通州

雨聲

元稹

風吹竹葉休還動雨點荷心暗復鳴曾向西江船上

宿慣聞寒夜滴蓬聲

簡郡中諸生

韋應物

守郡臥秋閣四面盡荒山此時聽夜雨孤燈照窻間  
藥園日蕪沒書帷長自閒惟當上客至誦詩一解顏

唐詩類苑

卷之五

三十

唐詩類苑卷第六

明雲間張之象玄超甫纂輯

嶺南趙應元葆初甫編次

雲間王 徹叔朗甫補訂

梁谿曹仁孫伯安甫校正

天部

雪

詠雪

太宗

潔野凝晨曜裝輝帶夕輝集條分樹玉拂浪影璇璣  
色灑粧臺粉花飄綺席衣入扇榮離一作匣點素皎

唐詩類苑

卷之六

殘機

詠雪應詔

上官儀

儀此詩中用影娥池學士時無解其事祭酒令狐

德棻召張柬之等十餘人示此詩柬之對云洞冥

記漢武帝於望鶴臺西起俯月臺臺下穿影娥池

每登臺眺月影入池中使宮人乘舟笑弄月影因

名影娥池亦曰眺蟾臺德棻歎其博識

禁園凝朔氣瑞雪掩晨曦花明棲鳳閣珠散影娥池

飄素迎歌上翻光向舞移幸因千里映還統萬年枝

詠雪

駱賓王

龍雲玉葉上鶴雪瑞花新影亂銅烏吸光銷玉馬津

含輝明素篆隱迹表祥輪幽蘭不可儷徒自繞陽春

詠雪

董思恭

天山飛雪度言是落花朝惜哉不我與蕭索從風飄

鮮潔凌紈素紛糝下枝條良書竟何在坐見容華銷

詠雪

李嶠

瑞雪驚千里同雲暗九霄龍沙飛正遠玉馬地還銷

夜山似白雲朝逐舞花光動臨歌扇影飄大周天闕

路今日海神朝

詠春雪

陳子良

唐詩類苑

卷之六

光映粧樓月花承歌扇風欲妬梅將柳故落早春中

詠春雪

東方虬

春雪滿空來觸處似花開不知園裡樹若箇是真梅

雪

張孜

長安大雪天鳥雀難相覓其中豪貴家搗椒泥四壁

到處蕤紅爐周迴下羅幕暖手調金絲蘸甲斟瓊液

醉唱玉塵飛困融香汗滴豈知饑寒人脚生皴劈

雪

孟郊

忽然太行雪昨夜飛入來峻嶒墮庭中嚴白何皚皚

奴婢曉開戶四肢凍徘徊咽言詞不成告訴情狀摧

官給未入門家人盡以灰意勸莫笑雪笑雪貧爲災  
將暖此殘疾典賣爭致孟教令再舉手誇曜餘生才  
強起吐巧詞委曲多新裁爲爾作非夫忍恥轟喝雷  
書之與君子庶免生嫌猜

雪

羅隱

盡道豐年瑞豐年瑞若何長安有貧者爲瑞不宜多

酬藍田崔丞詠雪見寄

崔立韓愈

京城數尺雪寒氣倍常年泯泯多無地茫茫豈是天  
崩奔驚亂射揮霍訝相纏不覺侵堂陛方應折屋椽  
出門愁落道上馬恐平韉朝鼓於凌起山齋酩酊眠

唐詩類苑

卷之六

三

吾方嗟此役君乃詠其妍冰玉清顏隔波濤盛句傳  
朝餐思共飯夜宿憶同氈舉目無非白雄文乃獨玄

詠雪贈張籍

韓愈

只見縱橫落寧知遠近來飄飄還自弄歷亂竟誰催  
座暖銷那怪池清失可猜坳中初葢底垤處遂成堆  
慢有先居後輕多去卻迴度前鋪瓦隴發本積牆隈  
穿細時雙透乘危忽半摧舞深逢坎井集早值層臺  
砧練終宜擣階紈未暇裁城寒裝睥睨樹凍裹莓苔  
片片勻如翦紛紛碎若投定非煒鵲驚真是屑瓊瑰  
緯繡觀朝萼冥茫矚晚埃營牕恒凜凜出戶卽皑皑

壓野榮芝菌傾都委貨財娥嬉華蕩養胥怒浪崔嵬

磧迴疑浮地雲平想輾雷隨車翻綽帶逐馬散銀盃

萬屋漫汗合千株照曜開松篁遭挫抑糞壤獲饒培

隔絕門庭遽擠排陞級纔豈堪裨嶽鎮強欲效鹽梅

隱匿瑕疵盡包羅委瑣該誤雞宵呃喔驚雀暗徘徊

浩浩過三暮悠悠市九垓鯨鯢陸死骨玉石火炎灰

厚慮填溟壑高愁撒斗魁日輪埋欲側坤軸壓將頽

岸類長蛇攪陵猶巨象壓水官夸傑黠木氣怯胚胎

著地無由卷連天不易推龍魚冷螯苦虎豹餓號哀

巧借奢華便專繩困約災威貪陵布被光肯離金壘

唐詩類苑

卷之六

四

賞玩捐他事歌謠放我才狂教詩碑硯興與酒陪  
惟子能諳耳諸人得語哉助留風作黨勸坐火爲媒  
雕刻文刀利搜求智網恢莫煩相屬和傳示及提孩

雪十二韻

李咸用

六二疑陰氣同雲指上天結時風乍急集處霞長先  
草穗翹祥燕陂椿吐白蓮犬狂南陌上竹醉小池前  
樵徑花黏屨漁舟玉帖舷陣經陽谷薄勢想朔方偏  
樓面光搖錫籬頭曉列錢石苔青鹿卧殿網素蛾穿  
嘶馬應思塞蹕烏似爲燕童癡爲獸沮僧愛用茶煎  
念物希周穆含毫愧惠連吟闌餘興逸還憶剡溪船

雪

高駢

六出花飄入戶時立看修竹變瓊枝逡巡好上高樓  
看蓋盡人間惡路岐

雪

羅隱

細玉羅紋下碧霄杜門傾巷落偏饒巢居只恐高柯  
折旅客愁聞去路遙  
蘇燒寒牕呵筆尋詩句一片飛來紙上銷

雪

李建勳

霏霏奕奕滿寒空況是難逢值臘中未白已堪張宴  
會漸繁偏好去簾櫳庭莎易集看盈地池柳難裝旋

唐詩類苑

卷之六

五

逐風長愛清華入詩句預愁遲日放消融

奉和聖製瑞雪篇

張九齡

萬年春三朝日上御明臺旅庭實初瑞雪今霏微俄  
同雲今蒙密此時騷切陰風生先過金殿有餘清信  
宿嬋娟飛雪度能使玉人俱掩嬈皓皓樓前月初白  
紛紛陌上塵皆素昨訝驕陽積數旬始知和氣待迎  
新匪惟在人利曾是占天意豈云遷雪下不崇  
朝皇情既無數雪委方盈尺草樹紛早榮京坻宛先  
積君恩誠謂何歲稔復人和預數斯箱慶應如此雪  
多朝冕旒兮載悅想臺笠兮農節倚璫琴兮歌續

薰風今瑞雪福寢昌應尤盛瑞雪年年常感聖願以  
栢梁作長爲柳花詠

奉和聖製瑞雪篇

劉廷琦

紫宸飛雪曉徘徊層閣重門雪照開九衢晶耀浮埃  
盡千品差池顰帛來何處田中非種玉誰家院裏不  
生梅埋雲翳景無窮已因風落地吹還起先過翡翠  
簾房中轉入鴛鴦金殿裏美人含笑出聯翩豔逸相  
紛紛何所如頓憶陽園二月初羞同班妾高秋扇欲  
照明王一夜書姑射山中符聖壽芙蓉闕下降仙車  
願隨春澤流無限長揖豐年貴有餘

奉和僕射相公春澤稍愆聖君軫慮嘉雪忽

降品彙昭蘇卽事書成四韻

杜牧

牧

飄來鷄樹鳳池邊漸壓瓊枝凍碧漣銀闕雙高銀漢  
裏玉山橫列玉墀前昭陽殿下風迴急承露盤中月  
彩圓上相抽毫歌帝德一篇風雅美豐年

新雪二首寄楊舍人

白居易

不思北省煙霄地不憶南宮風月天惟憶靜恭楊閣  
老小園新雪暖爐前



不思朱雀街東鼓不憶青龍寺後鐘  
唯憶夜深新雪後  
新昌臺上七株松

小雪

李咸用

散漫陰風裏天涯不可收  
壓松猶未得撲石暫能留  
閣靜縈吟思途長拂旅愁  
崆峒山北面早想玉成丘

小雪

僧無可

片片耳一作下玲瓏飛揚玉漏終  
乍微全滿地漸密更

無風集物圓方別連雲遠近同  
作膏凝瘠土呈瑞下

深宮氣射重衣透花窺小隙通  
飄秦增舊嶺發漢攪

長空迴胃巢松鶴孤鳴穴島蟲  
過三知臘盡盈尺賀

唐詩類苑

卷之六

七

年豐委積休閒竹稀疎漸見鴻  
益沙資澶漫灑海助

冲融草木潛加潤山河更益雄  
因知天地力覆育有

全功

大雪歌

李咸用

同雪慘慘如天怒寒龍振鬣飛乾雨  
玉圃花飄朶不

勻銀河風急驚砂度謝客憑軒吟未住  
望中頓失縱

橫路應是義和倦曉昏暫反元元歸太素  
歸太素不

知歸得人心否

春雪

白居易

元和歲在卯六年春二月月晦寒食天  
天陰夜飛雪

連宵復竟日沾沾殊未歇大似落鵝毛  
密如飄玉屑

寒銷春蒼茫氣變風凜冽上林草盡沒  
曲江冰復結

紅乾杏花死綠凍楊枝折所憐物性傷  
非惜年芳絕

上天有時令四序平分別寒燠苟反常  
物生皆天闕

我觀聖人意曾史有其說或記水不冰  
或書霜不殺

上將儆政教下以防災孽茲雪今如何  
信美非時節

春雪

杜甫

三月雪連夜未應傷物華只緣春欲盡  
畱着伴梨花

春雪

元稹

裴徊輕雪意似惜豔陽時不悟風花冷  
飜令梅柳遲

唐詩類苑

卷之六

八

對春雪

元稹

蕭屑杉松聲寂寞寒夜慮州貧人吏稱  
雪滿山城曙

春塘看幽谷棲禽愁未去開闢正亂流  
寧辨花枝處

春雪

焦郁

散漫天涯色承春四望平不分殘照影  
何處斷腸聲

繚繞光經塞霏微勢逐城因風低未斂  
帶雨重還輕

干呂知時泰如膏候歲成小儒叨盛世  
無以荅皇明

春雪

韓愈

片片驅鴻急紛紛逐吹斜到江還作水  
著樹漸成花

越喜飛排瘴胡愁厚益砂兼雲封洞口  
助月照天涯

暝見迷巢鳥朝逢失轍車呈豐盡相賀寧止力耕家

春雪

韓愈

看雪乘清旦無人坐獨誼拂花輕尚起落地暖初銷  
已訝凌歌扇還來伴舞腰灑篁畱密節著柳送長條  
入鏡鸞窺沼行天馬度橋偏惜憐可掬滿樹戲成搖  
江浪迎濤日風毛縱獵朝弄閑時細轉爭急忽驚飄  
城險疑懸布砧寒未擣綃莫愁陰景促夜色自相饒

對雪獻薛常侍

韋莊

瓊林瑤樹忽珊珊急帶西風下晚天皓鶴離從飛不  
辨玉山重疊凍相連松裝粉穗臨牕亞水結冰錐簇

唐詩類苑

卷之六

九一

潘懸門外寒光利如劍莫推紅袖訴金船

都堂試貢士日慶春雪

李衢

錫瑞來豐歲旌賢入貢辰輕搖梅共笑飛弱柳和春  
遶砌封瓊屑依階噴玉塵蟬蛸吟更苦科斗映還新  
鶴吹迷難辨水壺鑒易真因歌大君德率舞詠陶鈞

都堂試貢士日慶春雪

李景

密雪分天路羣才坐粉廊霽空迷畫景臨案借寒光  
似暖花消地無聲玉滿堂灑詞偏誤曲霽硯忽因方  
幾處曹風比何人謝賦長春輝早相照莫惜九衢芳

都堂試貢士日慶春雪

李損之

春雪晝悠颺飄飛試士塲綴毫疑起草沾字共成章  
匝地如鋪練凝階似截肪鵝毛縈樹合柳絮帶風狂  
投息方殊慶豐年已報祥應知郢上曲高唱出東堂

望終南春雪

李子卿

山勢抱西秦初年瑞雪頻色搖鶉野霽影落鳳城春  
輝晶瓊一作輝峯逼晶明玉樹親尚寒由氣勁不夜  
爲光新荆岫全疑近崑丘宛合隣餘輝儻可借迴照  
讀書人

賦得春雪映早梅

庾敬休

清晨凝雪彩新候變庭梅樹愛春榮徧煦驚曙色催

唐詩類苑

卷之六

十一

寒光添粉壁積潤侵青苔分明六出瑞隱映幾枝開  
聞笛花疑落輝琴興轉來曲成非寡和長詠思悠哉

賦得春雪映早梅

元稹

飛舞先春雪因依上番梅一枝方漸秀六出已同開  
積素光逾密真花節暗催搏風飄不散見曉忽偏摧  
郢曲琴空奏羌音笛自哀今朝兩成詠翻挾昔人才

春雪過皇甫家

白居易

晚來監轡雪中迴喜遇君家門正開唯要主人青眼  
待琴詩談笑自將來

春雪

韓愈

新年都未有芳華二月初驚見草芽白雪卻嫌春色晚故穿庭樹作飛花

淮南李相公席上賦春雪 章孝標

六出花飛處處飄粘牕著砌上寒條朱門到曉難盈尺盡是三軍喜氣消

春雪

李建勳

隨風竟日勢漫漫特地繁於故歲看幽榭凍粘花屋重短簷斜濕燕巢寒閑聽不寐詩魂爽淨嘒無厭酒脉乾莫道便爲桑麥藥亦勝焦涸到春殘

春雪

秦韜玉

唐詩類苑

卷之六

七

雲靜寒空思寂寥玉塵如糝滿春朝片纔着地輕輕陷力不禁風旋旋銷惹砌任他香粉妬紫叢自學小梅嬌誰家醉卷珠簾看絃管堂深暖易調

春雪

李建勳

南國春寒朔氣迴霏霏還阻百花開全移暖律何方去似悞新鶯昨日來平野旋銷難殺草遠林高綴卻遮梅不知金勒誰家子只待晴明賞帝臺

重戲和春雪寄沈員外

李建勳

誰道江南要雪難半春猶得倚樓看卻遮遲日偷鶯暖密灑西風借鶴寒散漫不容梨豔出輕明應笑玉

華乾和來瓊什雖無敵且是儂家比興殘

和劉郎中望終南山秋雪 白居易

遍覽古今集都無秋雪詩陽春先唱後陰嶺未消時草訝霜凝重松疑鶴散遲清光莫獨占亦對白雪司

酬于汝錫曉雪見寄

王建

欲明天色

一作風定

白漫漫打葉穿簾雪未乾

一作雪打書牕竹葉

薄落堦前人踏盡差池樹裏鳥銜殘旋銷迎暖沾墻少斜舞遮春到地難勞動更栽新樣綺紅燈一夜剪刀寒

晚雪吟

孟郊

唐詩類苑

卷之六

七

貧富喜雪晴出門意皆饒鏡海見纖悉冰天步飄颻一一仙子行家家塵聲銷小兒擊玉指大耄歌聖朝瘡氣流不盡瑞仙何處寥始知望幸色終疑異禮招帟井亦清潔閭閻聳岩嶢蒼生願東顧翠華仍西遙天念豈薄厚宸衷多憂焦憂焦致太平以茲時比堯古耳有未通新詞有潛韶甘爲酒伶擯坐恥歌女嬌選音不易言裁正逢今朝今朝前古文律異同一調願於堯瑤中奏盡鬱抑謠

夜雪

白居易

已訝衾枕冷復見牕戶明夜深知雪重時聞折竹聲

舟中夜雪有懷盧十四侍御弟

杜甫

朔風吹桂水大雪夜紛紛暗度南樓月寒深北渚雲  
燭斜初近見舟重竟無聞不識山陰道聽雞更憶君

夜雪泛舟遊南溪

韋莊

大江西面小溪斜入竹穿松似若耶兩岸巖風吹玉  
樹一灘明月曬銀砂因尋野渡逢漁舍更泊前灣上  
酒家去去不知歸路遠棹聲煙裏獨嘔啞

霽雪

戎昱

風捲寒雲暮雪晴江烟洗盡柳條輕簷前數片無人

唐詩類苑

卷之六

七

掃又得書牕一夜明

天山雪歌送蕭治歸京

岑參

天山雪雲常不開千峯萬嶺雪崔嵬北風夜卷赤亭  
口一夜天山雪更厚能兼漢月照銀山復逐胡風過  
鐵關交河城邊爲飛絕輪臺路上馬蹄滑暗靄寒氛  
萬里凝闌干陰崖千丈水將軍狐裘卧不暖都護寶  
刀凍欲斷正是天山雪下時送君走馬歸京師雪中  
何以贈君別惟有青青松樹枝

白雪歌送武判官歸京

岑參

北風卷地白草折胡天八月卽飛雪忽如一夜風

來千樹萬樹梨花開散入珠簾濕羅幕狐裘不暖錦

衾薄將軍角弓不得控都護鐵衣冷難着瀚海闌干

百丈冰愁雲慘淡萬里凝中軍置酒飲歸客胡琴琵琶

與羌笛紛紛暮雪下轅門風掣紅旗凍不翻輪臺

東門送君去去時雪滿天山路山回路轉不見君雪

上空留馬行處

雨雪曲

盧照隣

虜騎三秋入關雲萬里平雪似胡沙暗冰如漢月明  
高關銀爲闕長城玉作城節旄零落盡天子不知名

雨雪

皇甫冉

唐詩類苑

卷之六

七

風沙悲久戍雨雪更勞師絕漠無人境將軍苦戰時

山川迷向背氛霧失旌旗徒念天涯隔中人芳草期

雨雪曲

李端

天山一丈雪雜雨夜霏霏濕馬胡歌亂經烽漢火微

丁零蘇武任疎勒范羌歸若着關頭下長榆葉定稀

立春日寧州行營因賦朔風吹飛雪

李益

邊聲日夜合朔風驚復來龍山不可望千里一裴徊  
損扇破誰執素紉輕欲裁非時妬桃李自是舞陽臺

喜雪

太宗

碧昏朝合霧丹卷暝韜霞結葉繁雲色凝瓊遍雪華  
光樓皎若粉映暮集疑沙泛柳飛飛絮粧梅片片花  
照壁臺圓月飄珠箔穿露瑤潔短長階玉藂高下樹  
映桐珪累白縈峯蓮抱素斷續氣將沉裴徊歲云暮  
懷珍愧隱德表瑞佇豐年藥間飛禁苑鶴處舞伊川  
儻詠幽蘭曲同懽黃竹篇

奉和聖製喜雪應制

許敬宗

嶸州表奇觀閼竹應遐巡何如御京洛流霞下天津  
忽若瓊林曙俄同李徑春姑峯映仙質郢路襍歌塵  
伏檻觀花瑞稱觴慶冬積飄河共瀉銀委樹還重壁  
唐詩類苑 卷之六 五  
連山分掩翠綿霄遠韜碧千里遍浮空五輅咸淪跡  
機前暉裂素池上伴凌波騰華承玉宇凝照混金娥  
是日松筠性欣奉栢梁歌

喜雪

玄宗

日觀卜先征時巡順物情風行未備禮雲密逐飄霏  
委樹寒花發繁空落絮輕朝如玉已會庭似月猶明  
既覩膚先合還欣尺有盈登封何以報因此謝功成

奉和聖製喜雪應制

張說

聖德與天同封巒欲報功詔書期日下靈感應時通  
觸石雲呈瑞含花雪告豐積如沙照月散似麪從風

舞集仙臺上歌流帝樂中遙知百神喜灑路待行宮

野次喜雪

玄宗

拂曙闢行宮寒皋野望通繁雲低遠岫飛雪舞長空  
賦象恒依物繁迴屢逐風爲知勤恤意先此示年豐

奉和聖製野次喜雪應制

張說

寒更玉漏催曉色御前開泱泱陰雲積氤氲風雪迴  
山如銀作甕宮見壁成臺欲驗豐年象飄飄仙藻來  
校獵義成喜逢大雪率題九韻以示羣臣

玄宗

奉和聖製校獵義成喜逢大雪應制

唐詩類苑

卷之六

六

張說

二詩見產業部獵

扈從溫泉奉和姚令公喜雪

蘇頌

清道豐人望乘時漢主遊恩暉隨霰下慶澤與雲浮  
泉暖驚銀磧花寒愛玉樓鼎臣今有問河伯且應畱  
扈從溫泉奉和姚令公喜雪

張九齡

萬乘飛黃馬千金狐白裘正逢銀霰積如向玉京遊  
瑞色鋪馳道花文拂綵旒還聞吉甫頌不共郢歌儔

扈從溫泉奉和姚令公喜雪

蘇綰

漢王新豐邑周王尚父師雲符沛童唱雪應海神期  
林變驚春早山明訝夕遲况逢溫液沛恩重御裘詩

奉和喜雪應制

宗楚客

飄飄瑞雪下山川散漫輕飛集九延似絮還飛垂柳  
陌如花更繞落梅前影隨明月團紈扇聲將流水襍  
鳴絃共荷神功萬庾積終期聖壽百千年

奉和喜雪應制

徐安貞

兩宮齋祭近登臨雨雪紛紛天晝陰祗爲經寒無瑞  
唐詩類苑卷之六

色頓教正月滿芳林蓬萊北上旌門暗花萼南歸馬  
跡深自是三農歌帝力還將萬庾答堯心

蒙河南劉大夫見示與吏部張公喜雪酬唱

輒敢攀和

許渾

風度龍山暗雲凝象闕陰瑞花瓊樹合仙草玉苗深  
欲醉梁王酒先調楚客琴卽應攜手去將此助商霖

春夜喜雪有懷王二十二白居易

夜雪有佳趣幽人出書帷微寒生枕席輕素封階墀  
坐罷楚絃曲起吟班扇詩明宜滅燭後爭愛褰簾時  
引曙色早庭銷春氣遲山陰應有興不卧待微之

西樓喜雪命宴

白居易

宿雲黃慘澹曉雪白飄飄散麴遮槐市堆花壓柳橋  
四郊鋪縞素萬室甃瓊瑤銀榼攜桑落金爐上麗譙  
光迎舞妓動寒近醉人銷歌樂雖盈耳慙無五袴謠

喜雪

李商隱

朔雪自龍沙呈祥勢可嘉有田皆種玉無樹不開花  
班扇慵裁素曹衣詎比麻鵝歸逸少宅鶴滿令威家  
寂寞門扉掩依稀履跡斜人疑游麴市馬似困鹽車  
洛水妃虛妬姑山客漫誇聯辭追許謝和曲本慙巴  
粉署闔全隔霜臺露漸賒此時傾賀酒相望在京華

唐詩類苑

卷之六

六

長安喜雪

朱灣

千門萬戶雪花浮點點無聲落御溝通似玉塵消更  
積半成冰片結還流光含曉色清天闕輕逐微風遶  
御樓平地已霑盈尺潤年豐須荷富人侯

房家夜宴喜雪贈戲主人白居易

風頭向夜利如刀賴此溫爐軟錦袍桑落氣薰珠翠  
暖柘枝聲引管絃高酒鉤送盞推蓮子燭淚粘盤壘  
蒲萄不醉遣僮爭散得門前雪片似鵝毛

奉酬辛大夫喜湖南臘月連日降雪見示之作

劉長卿

長沙耆舊拜旌麾喜見江潭積雪時柳絮三冬先北  
地梅花一夜遍南枝初開牕閣寒光滿欲掩軍城暮  
色遲閭里何人不相慶萬家同唱郢中詞

奉和洛陽翫雪應制 沈佺期

周王甲子旦漢后德陽宮灑瑞天庭裏驚春御苑中  
氛氲生浩氣颭沓舞回風宸藻光盈尺賡歌樂歲豐  
和韓郎中楊子津翫雪寄山陰嚴維

皇甫冉

凝陰晦長箔積雪滿通川征客寒猶去愁人晝更眠  
謝家興詠日漢將出師年聞有招尋興隨君訪戴船

唐詩類苑

卷之六

九

和韓郎中楊子津翫雪寄嚴維

李嘉祐

雪深楊子岸看柳盡成梅山色潛知近潮聲只聽來  
夜禽驚曉散春物受寒摧粉署生新興瑤華寄上才

奉和春日翫雪

秦韜玉

北闕同雲掩曉霞東風春雪滿山家瓊章定少千人  
和銀樹先開六出花

禁闌翫雪寄薛左丞

錢起

玄雲低禁苑飛雪滿神州虛白生臺榭寒光入冕旒  
紛疑宮壁靜乳結洞門幽細遶迴風轉輕隨落羽浮

怒濤堆砌石新月孕簾鈎爲報詩人道豐年誦聖猷

對火翫雪

白居易

平生所心愛愛火兼憐雪火是臘天春雪爲陰夜月  
鵝毛紛正墮獸炭敲初折盈尺白壁寒滿爐紅玉熱  
稍宜杯酌動漸引笙歌發但識歡來由不知醉時節  
銀盤堆柳絮羅袖將瓊屑共愁明日銷便作經年別  
和戶部令狐尚書喜裴司空見招看雪

張籍

南園新覆雪上宰曉來看誰共登春榭唯聞有地官  
色連山遠靜氣與竹偏寒高韻更相應寧同歌吹歡

唐詩類苑

卷之六

二十

看雪

松亞竹珊珊心知萬井歡山明迷舊徑溪滿漲新瀾  
客醉瑤臺曙兵防玉塞寒紅樓知有酒誰肯學袁安  
甘露寺看雪上周相公 羅隱

篩寒灑白亂浪濛濛禱請功兼造化功光薄乍迷京口  
月影交初轉海門風細粘謝客衣裙上輕墮梁王酒  
盞中一種爲祥君看取半襦災沴半年豐

東樓看雪

李建勳

一上高樓醉復醒日西江雪更冥冥化風吹火全無  
氣平望惟松少露青臘內不妨南地少夜長應得小



聽聽因思舊隱匡廬日開看杉檉掩石局

冬月長安見終南雪

賈島

秋節新已盡林疎露山雪西峯稍覺明殘滴猶未絕  
氣侵瀑布衣凍著白雲穴今朝灞漣鴈何夕瀟湘月  
想彼石房人對雪扉不閉

春朝對雪

張九齡

忽對林亭雪瑤華處處開今年迎氣始昨夜伴春迴  
玉潤牕前竹花繁院裏梅東郊齋祭所應見五神來

和張丞相春朝對雪

孟浩然

迎氣當春立承恩喜雪來潤從河漢下花鬪豔陽開

唐詩類苑

卷之六

三

不覩豐年瑞安知變理材散鹽如可擬願穆和羹梅

寓居洛濱對雪憶謝二

駱賓王

旅思難裁衝飈恨易哀曠望洛川晚飄飄瑞雪來  
積彩明書帳流韻繞琴臺色奪迎仙羽花避犯靈梅  
謝庭賞方逸袁扉掩未開高人儻有訪興盡詎須迴

溫湯對雪

玄宗

北風吹同雲同雲飛白雪白雪乍迴散同雲何慘烈  
未見溫泉水寧知火井滅表瑞良在茲庶幾可怡悅

奉和聖製溫湯對雪應制

張說

瑞雪對寒風寒風入陰館陰館方疑閉寒風復接斷

宮似瑤林布庭如月華滿正數挾續詞非近溫湯暖

酬坊州王司馬與閣正字對雪見贈

李白

遊子東南來自宛適京國飄然無心雲倏忽復西北  
初戴昔未偶尋嵇此相得愁顏發新歡終宴敘前識  
閣公漢庭舊沉鬱富才力價重銅龍樓聲高重門側  
羣期此相遇華館陪遊息積雪明遠峯寒城鏢春色  
主人蒼生望假我青雲翼風水如見資投竿佐皇極

淮海對雪贈傅靄

李白

朔雪落吳天從風渡溟渤海樹成陽春江沙皓明月

唐詩類苑

卷之六

三

興從剡溪起思繞梁山發寄君郢中歌曲罷心斷絕

冬晚對雪憶胡居士家

王維

寒更傳曉箭清鏡覽衰顏隔牖風驚竹開門雪滿山  
灑空深巷靜積素廣庭閑借問袁安舍儵然尚閉關

對雪

杜甫

北雪犯長沙胡雲冷萬家隨風且問葉帶雨不成花  
金錯囊垂罄銀壺酒易賒無人竭浮蟻有待至昏鴉

對雪

杜甫

戰哭多新鬼愁吟獨老翁亂雲低薄暮急雪舞迴風  
瓢棄樽無綠爐存火似紅數州消息斷愁坐正書空



瑞雪開幽徑端居望故人猶殘臘月酒更值早梅春  
幾日東城陌何時曲水濱聞開且共賞莫待緜衣新

對雪寄元判官拾遺昆季 錢起

萬點瑤臺雪飛來錦帳前瓊枝應比淨鶴髮敢爭先  
散影成花月流光透竹煙今朝謝家興幾處郢歌傳

旅舍對雪贈考功王員外 李端

楊花驚滿路麴市忽狂風驟下搖蘭葉輕飛集竹叢  
欲將瓊樹比不共玉人同獨望微之棹青山在雪中

酬皇甫十早春對雪見贈 白居易

漠漠復紛紛東風散玉塵明催竹牕曉寒退柳園春

唐詩類苑

卷之六

三

綠醕香堪憶紅爐暖可親忍心三兩日莫作破齋人

和吳學士對春雪獻韋令公六韻

黃滔

春雪下盈空翻疑臘未窮連天寧認月隨地屢兼風  
忽誤邊沙上應平火嶺中林間妨走獸雲際落飛鴻  
梁苑還吟客齊都省創宮掩扉皆堦北移律愧居東  
書幌飄全濕茶鐙入旋融奔川半留滯疊樹耳玲瓏  
出戶行瑤砌開園見粉絮高才興詠處真宰答殊功

和段學士對雪

喻鳧

盈尺知豐歲開牕向酒壺飄當大野匝灑到急流無

密際西風盡凝間朔氣扶乾摧鳥棲枌冷射夜殘  
替月澄斜漢兼沙擾北湖慙於郢客坐一此調巴歛

早春對雪奉寄澧州元郎中

劉禹錫

新賜魚書墨未乾賢人暫出遠人安朝驅旌旆行時  
今夜見星辰憶舊官梅華覆堦鈴閣暖雪峯當戶戟  
枝寒寧知楚客思公子北望長吟澧有蘭

對雪二首 時欲之東

李商隱

寒氣先侵玉女扉清光旋透省郎闈梅花大庾嶺頭  
發柳絮章臺街裏飛欲舞定隨曹植馬有情應濕謝

唐詩類苑

卷之六

三

莊衣龍山萬里無多遠留待行人二月歸

旋撲珠簾過粉牆輕於柳絮重於霜已隨江令誇瓊  
樹又入盧家妬玉堂侵夜可能爭桂魄忍寒應欲試

梅粧關河凍合東西路腸斷冰驄送陸郎

對雪

許渾

雲度龍山暗綠城先飛浙瀝引輕盈素娥冉冉拜瑤  
闕皓鶴紛紛朝玉京陰嶺有風梅豔散寒林無月桂  
華清剡溪一醉十年事忽憶棹回天未明

唐詩類苑卷第六終

唐詩類苑卷第七

明雲間張之象玄超甫纂輯

嶺南趙應元葆初甫纂次

雲間王徽叔朗甫補註

梁谿黃仁孫伯安甫校正

天部

雪

奉和遊禁苑幸臨渭亭遇雪應制

李义

青陽御紫微白雪下彤闈決壤流天霈綿區灑帝輝

唐詩類苑

卷之七

乙

水如銀度燭雲似玉披衣為得因風起還來就日飛

奉和遊禁苑幸臨渭亭遇雪應制

李嶠

形雲接野烟飛雪暗長天拂樹添梅色過樓助粉妍

光含班女扇韻入楚王絃六出迎仙藻千箱答瑞年

奉和遊禁苑幸臨渭亭遇雪應制

李適

長樂喜春歸披香愛雪霏花從銀閣度絮繞玉牕飛

寫曜銜天藻呈祥拂御衣上林紛可望無處不光輝

奉和遊禁苑幸臨渭亭遇雪應制

徐彥伯

玉律藏冰候彤階飛雪時日寒消不盡風定舞還遲

瓊樹留宸矚璇花入睿詞懸知穆天子黃竹謾言詩

苑中遇雪應制

宋之問

北闕彤雲掩曙霞東風吹雪舞仙家瓊章定少千人

和銀樹長芳六出花

與秦韜王春日詠雪詩小異二集俱載

苑中遇雪應制

宋之問

紫禁仙輿詰旦來青旂遙倚望春臺不知庭霰今朝

落疑是林花昨夜開

苑中遇雪應制

劉憲

唐詩類苑

卷之七

二

龍驂曉入望春宮正逢瑞雪舞東風花光併灑天文

上寒氣行消御酒中

苑中遇雪應制

李义

勝日登臨雲葉起芳風搖蕩雪花飛星輝幸得承金

鏡颺影還將奉玉衣

苑中遇雪應制

趙彥昭

始見青陽千律呂俄逢瑞雪應陽春今日迴看上林

樹梅花柳絮一時新

苑中遇雪應制

趙彥伯

千鍾聖酒御筵披六出祥英亂遶枝卽此神仙對瓊

圖何煩轍跡向瑤池

苑中遇雪應制

李嶠

散漫祥雲逐聖迴，飄飄銀瑞雪繞天來。不能落後爭飛絮，故欲迎前綻早梅。

奉和人日清暉閣宴羣臣遇雪應制

李乂

上月登臺望中天，御輦飛後庭。聯翩鳴前席，仰恩輝。睿作風雲起，祥雨雪飛。幸陪人勝節，長願奉垂衣。

奉和人日清暉閣宴羣臣遇雪應制

李嶠

唐詩類苑

卷之七

三

三陽偏勝節，七日最靈辰。行慶傳芳蟻，升高綴綵人。堦前莫候月，樓上雪驚春。今日銜天造，還疑上漢津。

奉和人日清暉閣宴羣臣遇雪應制

李嶠

輿輦乘人日，登臨上鳳京。歌曲隨風雪，向舞行縈。千官隨興合，萬福與時并。承恩長若此，微賤幸昇平。

奉和人日清暉閣宴羣臣遇雪應制

趙彥昭

出震乘東陸，憑高遇北辰。祥雲應早歲，瑞雪候初旬。宮樹千花發，階蓂七葉新。幸逢今日宴，長奉萬年春。

奉和人日清暉閣宴羣臣遇雪應制

宗楚客

竊窕神仙客，參差雲漢間。九重中禁啓，七日早春還。天液天爲水，蓬萊雪作山。今朝上林樹，無處不堪攀。

蘇頌

樓觀空煙裏，初年瑞雪過。苑花齊玉樹，池水作銀河。七日祥圖啓，千春遇賞多。輕飛傳綵勝，天上奉薰歌。

平明啟帝居，霰雪下凌虛。寫月含珠綴，從風薄綺疏。

唐詩類苑

卷之七

四

年驚花絮早，春應筦絃初。已屬雲天外，欣承霽澤餘。

風吹沙海雪，來作柳園春。宛轉隨香騎，輕盈伴玉人。

歌疑郢中客，態比洛川神。今日南歸楚，雙飛似入秦。

赴京途中遇雪

孟浩然

迢遞秦京道，蒼茫歲暮天。窮陰連晦朔，積雪滿山川。落鴈迷沙渚，饑鳥噪野田。客愁空佇立，不見有人煙。

廬江途中遇雪寄李侍御

宋慶餘

蘆葦聲多鴈滿陂，濕雲連野見山稀。遙知將吏相逢處，半是春城賀雪歸。

悼傷後赴東蜀辟至散關遇雪

李商隱

劍外從軍遠無家與寄衣散關三尺雪迴夢舊鴛機

逢雪宿芙蓉山主人

劉長卿

日暮蒼山遠天寒白屋貧柴門聞犬吠風雪夜歸人

九月於東逢雪

李商隱

舉家忻共報秋雪墮前峯嶺外他年憶於東此日逢  
粒輕還自亂花薄未成重豈是驚離鬢應來洗病容

終南望餘雪

祖詠

終南陰嶺秀積雪浮雲端林表明霽色城中增暮寒

唐詩類苑

卷之七

五

望雪

太宗

凍雲宵徧嶺素雪曉凝華入牖千重砵迎風一半斜  
不粧空散粉無樹獨飄花縈空慙夕照破彩謝晨霞

花樓望雪命宴賦詩

白居易

連天深海白皚皚好上高樓望一迴何處更能分道  
路此時兼不認池臺萬重雲樹山頭翠百尺花樓江  
畔開素壁聯題分韻句紅爐巡飲暖寒盃冰鋪湖水  
銀爲酒風卷河沙玉作堆絳絳人春豔曳勾留醉  
客夜裴徊偷將虛白堂前鶴失卻樟亭驛後梅別有  
故情偏憶得曾經窮苦照書來

敘雪獻員外

方干

紛紜宛轉更堪看壓竹摧巢井徑漫風柳細條粘不  
得春溪綠色發應難清輝直認中庭月濕氣偏添半  
夜寒謝守宋吟才便逸郢詞先至彩毫端

敘雪寄喻鳧

方干

密片無聲急復遲紛紛猶勝落花時逡巡不覺藏莎  
渚宛轉偏宜傍柳絲透室虛明非月照滿空回散是  
風吹高人坐卧才方逸援筆應成六出詞

憶雪

李商隱

愛景人方樂同雲候稍慙徒聞周雅什願賦朔風篇

唐詩類苑

卷之七

六

欲俟千箱慶須資六出妍詠留飛絮後歌唱落梅前  
庭樹思瓊蘂粧樓認粉絲瑞邀盈尺日豐待兩岐年  
預約延枚酒虛乘訪戴船映書孤志業披覽阻神仙  
幾向霜堦步頻將月幌褰玉京應已足白屋但顯然

早朝賀雪寄陳山人

白居易

長安盈尺雪早朝賀君喜將赴銀臺門始出新昌里  
上堤馬蹄滑中路蠟燭死十里向北行寒風吹破耳  
待漏五門外候對三殿裏鬚鬢凍生冰衣裳冷如水  
忽思仙遊客暗謝陳居士暖覆褐裘眠自高應未起

賀雪寄本府尚書

曹鄴

雨雪不順時陰陽失明晦麥根半成土農夫泣相對  
我公誠訴天天地忽已泰長飈卷白雲散落羣峯外  
拂砌花影明交宮鶴翎碎宿客晨不飛猶疑月光在  
碧樹香盡發蠹蟲聲漸退有客懷兔園吟詩遶城內

嘲雪

李賀

昨日發蔥嶺今朝下蘭渚喜從千里來亂笑含春語  
一作龍沙濕漠旗鳳扇迎秦素久別遶城鶴毛衣已  
應故

南歸北阻雪

孟浩然

我行滯宛洛日夕望京豫曠野莽茫鄉山在何處

唐詩類苑

卷之七

七

孤煙村際起歸鴈天邊去積雪覆平皋饑鷹捉寒兔

少年弄文墨屬意在章句十上恥還家徘徊守歸路

苦雪四首

高適

二月猶北風天陰雪冥冥寥落一室中悵然慙百齡  
苦愁正如此門柳復青青

惠連發清興袁安念高卧余故非斯人爲性兼嬾情

賴茲罇中酒終日聊自過

濛濛灑平陸淅歷至幽居且喜潤羣物焉能悲斗儲

故交久不見鳥雀投吾廬

孰云久閒曠本自保知寡窮巷獨無成春條祗盈把

安能羨鵬舉且欲歌牛下乃知古時人亦有如我者

苦雪寄元次山

孟彥深

深天寶未爲武昌令元次山居武昌之樊山新  
春大雪彥深以詩問之

江山十日雪雪深江霧濃起來望樊山但見羣玉峯  
林鶯卻不語野獸翻有蹤山中應大寒襦褐何以完  
皓氣凝書帳清着釣魚竿懷君欲進謁溪滑渡舟難

酬孟武昌苦雪

元結

積雪閉山路有人到庭前云是孟武昌令獻苦雪篇  
長吟未及終不覺爲悽然古之賢達者與世竟何異

唐詩類苑

卷之七

八

不能救時患諷諭以全意知公惜春物豈非愛時和

知公苦陰雪傷彼災患多姦兇正驅馳不合問君子

林鶯與野獸無乃怨於此兵興向九歲稼穡誰能愛

何時不發卒何日不殺牛耕者日已少耕牛日已稀

皇天復何忍更又恐斃之自經危亂來觸物堪傷歎

見君問我意只益胃中亂山禽饑不飛山木凍皆折

懸泉化爲冰寒水近不熱出門望天地天地皆昏昏

時見雙峯下雪中生白雲

雪中書懷

杜牧

臘雪一尺厚雲寒凍頑凝孤城大澤畔人疎煙火微

憤排欲誰語憂慍不能持天子號仁聖任賢如事師  
凡稱曰治具小大無不施明庭開廣敞才雋受羈維  
如日月經公曾昇若鸞鳳蕙蕤人才自朽下棄去亦  
其宜北虜壞亭障聞屯千里師牽連久不解他盜恐  
旁窺臣實有長策彼可徐鞭笞如蒙一召議食肉寢  
其皮斯乃廟堂事爾微非爾知向來躡等語長作陷  
身機行當臘欲破酒齊聲去不可遲且想春候暖甕間  
傾一卮

雪中聞李儋過門不訪聊以寄贈

韋應物

唐詩類苑

卷之七

九

度門能不訪冒雪屢西東已想人如玉遙憐馬似驄  
乍迷金谷路稍變上陽宮還比相思意紛紛正滿空  
和畢員外雪中見寄 許渾

仙署掩清景雪華松桂陰夜凌瑤席宴春寄玉京吟  
燭晃垂羅幙香寒重繡衾相思不相訪煙月剡溪深

雪中懷友人

羅隱

臘酒復臘雪故人今越鄉所思誰把盞端坐恨無航  
免苑舊遊盡龜臺仙路長未知鄒孟子何以奉梁王

雪中送青州薛評事

馬戴

臘景不可犯從戎難自由憐君急王事走馬赴邊州

嶽雪明日觀海雲冒營丘慙無斗酒瀉敢望御重裘

雪中

韋應物

空堂歲已晏密室獨安眠壓篠夜偏積覆閣曉逾妍  
連山暗古郡驚風散一川此時騎馬出忽省京華年

雪中送人北遊

僧脩睦

然知心去速其奈雪飛頻莫笑無危道雖平更陷人  
遠郊光接漢曠野色通秦此去迢遙極卻回應過春

酬錢員外雪中見寄

白居易

松雪無塵小院寒閉門不似任長安煩君想我看心  
坐報道心空無可看

唐詩類苑

卷之七

十

重酬錢員外

白居易

雪中重寄雪山偈問荅殷勤四句中本立空名緣破  
妄若能無妄亦無空

酬令公雪中見贈訝不與夢得同訪

白居易

雪似鵝毛飛散亂人披鶴氅立裴徊鄒生枚叟非無  
興唯待梁王召即來

雪中寄令狐相公兼呈夢得

白居易

兔園春雪梁王會想對金鑿詠玉塵今日相如身在

此不知客在坐何人

酬王二十舍人雪中見寄 韓愈

三日柴門擁不開  
階平庭滿白皚皚  
今朝踏化瓊瑤  
跡爲有詩從鳳沼來

三月十八日雪中作 溫庭筠

芍藥薔薇語早梅  
不知誰是豔陽才  
今朝領得春風意  
不復饒君雪裏開

雪中偶題 鄭谷

亂飄僧舍茶煙濕  
密灑高樓酒力微  
江上晚來堪畫處  
漁人披得一蓑歸

唐詩類苑 卷之七

早春雪中 戎昱

陰雲萬里晝漫漫  
愁坐關心事幾般  
爲報春風休下雪  
柳條初放不禁寒

同諸客嘲雪中馬上妓 白居易

珊瑚鞭擗馬踟躕  
引手低蛾索一盂  
腰爲逆風成弱柳  
面因衝冷作凝酥  
銀篋穩簪烏羅帽  
花襜宜乘叱撥駒  
雪裏看何所似王  
昭君妹寫真圖

雪中寄李知誨判官 方干

聚散聯翩急欲遲  
解將華髮兩相欺  
雖云竹重先藏路  
卻訝巢傾不損枝  
入戶便從風起後  
照牕翻似月

明時此時門巷無行跡  
塵滿樽罍誰得知

雪中寄殷道士 方干

大片紛紛小片輕  
雨和風緊亂縱橫  
園林入夜寒光動  
牕戶凌晨濕氣生  
殺野吞林飄不歇  
摧巢壓竹密無聲  
山陰道士多吟興  
六出花逢五字成

雪中寄薛郎中 方干

野禽未見巢枝側  
稚子先憂徑竹摧  
半夜忽明非月午  
前庭旋釋被春催  
碎花莫入樽中去  
清氣應從筆底來  
深擁紅爐聽仙樂  
忍教愁坐盡寒灰

早春雪中作吳體寄襲美 陸龜蒙

唐詩類苑 卷之七

迎春避臘不肯下  
欺花凍草還飄然  
光填馬窟蓋塞外  
勢壓鶴巢偏殿巔  
山爐瘦節萬狀火  
墨突乾衰孤穗  
煙君披鶴氅  
獨自立何人解道真神仙

奉和早春雪中 皮日休

威仰噤死不敢語  
瓊花雲魄清珊珊  
溪光冷射觸鴈鷗  
鵝柳帶凍脆攢欄  
杆竹根乍燒玉節  
快酒面新潑金膏  
寒全吳縹瓦十萬戶  
惟君與我如袁安

洛下雪中頻與劉李二賓客宴集因寄汴州

李尚書 白居易

水南水北雪紛紛  
雪裏歡遊莫厭頻  
日日暗來唯老

病年年少去是交親碧氈帳暖梅花濕紅燎爐香竹葉春今日鄒枚俱在洛梁園置酒召何人

雪中晏起偶詠所懷兼呈張常侍韋庶子皇

甫郎中稭言

白居易

窮陰蒼蒼雪紛紛雪深沒脛泥埋輪東家典錢歸凝夜南家買米出凌晨我獨何者無此弊復帳重衾暖若春怕寒放嬾不肯動日高睡足方頻伸瓶中有酒爐有炭甕中有餐庖有薪奴溫婢暖身晏起致茲快活良有因上無皋陶伯益廊廟材的不能匡君輔國活生民下無巢父許由箕穎操又不能食薇飲水自

慶蕭范

卷之七

七

苦辛君不見南山悠悠多白雲又不見西京浩浩唯紅塵紅塵鬧熱白雲冷好於冷熱中間安置身三年微幸添洛尹兩任優穩爲商賈非賢非愚非智慧不貴不富不賤貧冉冉老去過六十騰騰開年經七春不知張韋與皇甫私喚我作何如人

雪中卽事寄微之

白居易

連夜江雲黃慘澹平明山雪白糝糊銀河沙漲三千里梅嶺花排一萬株北市風生飄散麪東樓日出照凝酥誰家高士關門戶何處行人失道途舞鶴庭前毛稍定擣衣砧上練新鏤戲團稚女呵紅手愁坐衰

翁對白鬚壓瘴一州除疾苦呈豐萬井盡歡娛潤舍玉德懷君子寒助霜威憶大夫莫道煙波一水隔何妨氣候兩鄉殊越中地暖多成雨還有瑤臺瓊樹無

酬樂天雪中見寄

元稹

知君夜聽風蕭索曉望林亭雪半糊撼落不教封柳眼埽來偏盡附梅株敲扶密竹枝猶亞照暖寒禽氣漸蘇坐覺湖聲迷遠浪回驚雲路在常途錢塘湖上蘋先合梳洗樓前粉暗鋪石立玉童披鶴氅臺施瑤席換龍鬚滿空飛舞應爲瑞寡和高歌只自娛莫遣擁簾傷思婦且將盈尺慰農夫稱觴彼此情何異對

唐詩類苑

卷之七

七

景東西事有殊鏡水遶山山盡白琉璃雲母世間無雪中懷孟武昌

見人部懷思

風雪中作

白居易

暮歲風動地夜寒雪連天老夫何處宿暖帳溫爐前兩重褐綺衾一領花茸氈粥熟呼不起日高安穩眠是時身與心了無閑事牽以此度風雪閑居來六年忽思遠遊客復想早朝士踏凍侵夜行凌寒未明起心爲身君父身爲心臣子不得身自由皆爲心所使我心既知足我身自安止方寸語形骸吾應不負爾



長安雪後

杜牧

秦陵漢苑參差雪北闕南山次第春車馬滿城原上去豈知惆悵有閑人

與太白同之東洛至櫟陽太白染疾駢行予

九月二十五日至華嶽寺雪後望山

元稹

共作洛陽千里伴老劉因疾駢行軒今朝獨自山前立雪滿三峯倚寺門

雪後早過天津橋偶呈諸客

白居易

唐詩類苑

卷之二

五

官橋晴雪曉我老尹行吟獨一過紫綬相輝應不惡白鬚同色復如何悠揚短景凋年急冷落衰情感事多猶賴洛中饒醉客時時詎我喚笙歌

早春雪後贈洛陽李長官長水鄭明府二同

白居易

獻歲晴和風景新銅駝街郭暖無塵府庭共和三川雪縣道分行百里春朱紱洛陽官位屈青袍長水俸錢貧有何功德紆金紫若比同年是幸人

雪後寄崔二十六丞公

韓愈

藍田十月雪塞關我興南望愁羣山攢天魏魏東相

映君乃寄命於其間秩卑俸薄食口衆豈有酒食開

容顏殿前羣公賜食罷驕驕路驕且閑稱多量少

鑒裁密豈念幽桂遺榛菅幾欲犯嚴出薦口氣象碑

兀未可攀歸來殞涕揜關卧心之紛亂誰能刪詩窮

樵悴斲荒棘清玉刻佩聯玦瑱脂脂遮眼卧壯士大

詔挂壁無由彎乾坤施惠萬物遂獨於數子懷偏慳

朝欹暮喟不可解我心安得如石頑

雪後早朝即事

和劉郎中

岑參

見禮部朝會

雪朝乘興欲詣李司徒留守先以五韻戲之

唐詩類苑

卷之七

六

白居易

寒夜生酒思曉雪引詩情熱飲一兩冷吟三五聲鋪花憐地凍銷玉畏天晴好拂烏巾出宜披鶴氅行梁園應有興何不召鄒生

送兄弟迴雪夜

白居易

日晦雲氣黃東北風切切時從村南還新與兄弟別離襟淚猶濕迴馬嘶未歇欲歸一室坐天陰多無月夜長火消盡歲暮雨凝結寂寥滿爐所飄零上塔雪對雪畫寒灰殘燈明復滅灰灰如我心雪白如我髮所遇皆如此頃刻堪愁絕迴念入坐忘轉愛作禪悅

平生洗心法正爲今宵設

雪夜喜李郎中見訪兼酬所贈

白居易

可憐今夜鵝毛雪引得高情鶴斃人紅臘燭前明似  
畫青氈帳裏暖如春十分滿盞黃金液一尺中庭白  
玉塵對此欲留君便宿詩情酒分合相親

襄陽雪夜感懷

杜牧

往事起獨念飄然自不勝前灘急夜響密雪映寒燈  
的的三年夢迢迢一綫緬明朝楚山上莫上最高層  
雪夜與友生同宿曉寄近鄰

唐詩類苑

卷之七

七

溫庭筠

閉門羣動息積雪透疎林有客寒方覺無聲鳥自深  
正繁間近鴈併落起棲禽寂寞寒塘路憐君獨阻尋  
宿山寺雪夜寄吉中孚

李端

獨愛僧房竹春來長到池雲遮皆晃朗雪壓半低垂  
不見侵山葉空閒拂地枝鄙夫今夜興唯有子猷知

雪夜下朝呈省中一絕

韋應物

南望青山滿禁闈曉陪鸞鷺正差池共愛朝來何處  
雪蓬萊宮裏拂松枝

酬張夏雪夜越州訪別途中苦寒作

劉長卿

扁舟乘興客不憚苦寒行晚暮相依分江湖欲別情  
冰聲冰下咽砂路雪中平舊劍鋒銑盡應嫌贈脫輕

雪天

元稹

故鄉千里夢往事萬重悲小雪沉陰夜閑牕老病時  
獨聞歸去鴈偏詠別來詩慙愧紅粧女頻驚兩鬢絲

松下雪

司空曙

不隨晴野盡獨向深松積落照入寒光偏能伴幽寂  
望禁門松雪

王涯

宿雲開霽景佳氣此時濃瑞雪凝清禁祥煙羃小松  
唐詩類苑

卷之七

七

依稀鴛瓦出隱映鳳樓重金闕清光照瓊枝瑞色封  
葉鋪全類玉柯偃乍疑龍詎比寒山上風霜老昔容

南秦雪

元稹

帝城寒盡臨寒食駱谷春深未有春纔見嶺頭雲似  
益已驚巖下雪如塵千峯笏石千株條一作玉萬樹松  
羅萬朶銀飛鳥不飛猿不動青驄御史上南秦

南秦雪

白居易

往歲曾爲西蜀吏慣從駱口到南秦三時雲冷多飛  
雪二月山少春我思舊事猶惆悵君作初行定  
辛仍賴愁寒不叫若聞猿叫更愁人

夷門雪贈主人

孟郊

夷門貧士空吟雪夷門豪士皆飲酒酒聲歡闌入雪  
鎖雪聲激切悲苦板悲歡不同歸去來萬里春風動  
江柳

答東野夷門雪

陸長源

好丹與素通不同失意得途事皆別東隣少年樂未  
央南客思歸腸欲絕千里長河水復冰雪鴻冥冥楚  
山雪

村雪夜坐

白居易

南牕背燈坐風霞暗紛紛寂寞深村夜殘鴈雪中聞  
唐詩類苑卷之七

江雪

柳宗元

千山鳥飛絕萬徑人蹤滅孤舟蓑笠翁獨釣寒江雪  
江州雪

白居易

新雪滿前山初晴好天氣日西騎馬出忽有京城意  
城柳方綴花簷冰方結穗須臾風日暖處處皆飄墜  
行吟賞未足坐嘆銷何易猶勝嶺南看紛紛不到地

雪

杜甫

南雪不到地青崖霜未消微微向日薄脉脉去人遙  
冬熱鴛鴦病峽深豺虎驕愁邊有江水焉得北之朝

積雪爲小山

劉脊虛

飛雪伴春還春庭曉自閑虛心應任道遇賞遂成山  
峯小形全秀岩虛勢莫攀以幽能皎潔謂近可循環  
孤影臨冰鏡寒光對玉顏不隨遲日盡留宿歲華間

積雪

賈島

省屬時霖滯今逢臘雪多南猜飄桂渚北訝雨交河  
盡滅平蕪色彌重古木柯空中離白氣島外下滄波  
隱者迷樵道朝人冷玉珂夕繁仍晝密漏間復鍾和  
想積高嵩頂新秋皓月過

辛卯年雪

韓愈

元和六年春寒氣不肯歸河南二月末雪花一尺圍  
唐詩類苑卷之七

崩騰相排撓龍鳳交橫飛波濤何飄揚天風吹旂旂  
白帝盛羽衛髮影振裳衣白霓先啓途從以萬王妃  
翁翁陵厚載譁譁弄陰機生平未曾見何暇議是非  
或云豐年祥飽食可庶幾善禱吾所慕誰言寸誠微

饑雪吟

孟郊

饑鳥夜相啄瘡聲互悲鳴水腸一直刀天殺無曲情  
大雪壓梧桐折柴墮崢嶸安知鸞鳳巢不與衆鳥傾  
下有幸災兒拾遺多新爭但求彼失所但誇此經營  
一作詩說 君子亦拾遺拾遺非拾名將補鸞鳳巢免  
與泉鳶并因爲饑雪吟至曉竟

一作

不平

雪車

劉義

臘令凝綿三十日，續紛密雪一復一。孰云潤澤在枯  
茲，闌闌餓民凍欲死。然中猶被豺狼食，官車初還城  
壘未完備。人家千里無煙火，雞犬何太怨天不卹吾  
昨。如何連夜瑤花亂，皎潔既同君子節。沾濡多着小  
人面，寒鏤侯門見客稀。色迷塞路行商斷，小小細細  
如塵閒。輕輕緩緩成樸簌，官家不知民饑寒。盡驅牛  
車盈道載，肩王載載欲何之。祕藏深宮以禦災，酷徒  
能自衛九重間。豈信車轍血點點，盡是農夫哭兵刀  
殘喪後滿野。誰爲載白骨，遠戍久乏糧。太倉誰爲運

唐詩類苑

卷之七

主

紅粟戎夫尚逆命，偏箱鹿角誰爲敵。士夫困征討，買  
花載酒誰爲適。天子端然少旁求，股肱耳目皆奸慝。  
依違用事佞上方，猶驅餓民運造化。防暑阨吾聞躬  
耕南畝舜之聖，爲民吞蝗唐之德。未聞遽孽苦蒼生，  
相羣相黨上下爲蟲賊。廟堂食祿不自慙，我爲斯民  
歎息還歎息。

雪行寄襄子

韋應物

浙瀝覆寒騎，飄飄暗川容。行子郡城曉，披雲看杉松。  
天津橋望洛城殘雪

間濟美

新霽洛城端，千家積雪寒。未收清禁色，徧向上陽殘。

竹下殘雪

丘爲

一點消未盡，孤明在竹枝。晴光夜轉瑩，寒氣曉仍淒。  
還對讀書牖，且關乘興心。已能依此地，終不傍瑤琴。

詠殘雪寄河南尹劉大夫

許渾

豔陽無處避，皎潔不成容。素質添瑤水，清光散玉峯。  
眠鷗猶戀草，棲鶴未離松。問在金鑾望，羣仙對七重。

禮部試早春殘雪

姚康

微暖春潛至，輕明雪尚殘。銀鋪光漸濕，珪破色仍寒。  
無柳花常在，非秋露正圓。素光浮轉薄，皓質駐應難。  
幸得依陰處，偏宜帶月看。玉塵銷欲盡，窮巷起袁安。

唐詩類苑

卷之七

主

早春殘雪

裴乾餘

霽日彫瓊彩，幽庭減夜寒。梅飄餘片積，日墮晚光殘。  
零落偏依桂，霏微不掩蘭。陰林披霧縠，小沼破冰盤。  
曲檻霜凝砌，疎篁玉碎竿。已聞三徑好，猶可訪袁安。

早春殘雪

施肩吾

春景照林巒，玲瓏雪影殘。井泉添碧甃，藥圃洗朱欄。  
雲路迷初醒，書堂映已難。花分梅嶺色，塵減玉階寒。  
遠稱樓松鶴，高宜點露盤。佇逢春律後，陰谷始堪看。

殘雪

李商隱

旭日開顏色，寒空失素塵。遶牆全剝粉，傍井漸銷銀。

刻獸摧鹽虎爲山倒玉人珠還猶照魏壁碎尚留秦  
落日驚侵晝餘光悞惜春簷水滴鵝管屋瓦鏤魚鱗  
嶺霽嵐光圻松暄翠粒新擁林愁拂盡着砌恐行頻  
焦寢忻無患梁園去有因莫能知帝力空此荷平均

墻陰殘雪

積雪還因地墻陰久尚殘影添斜月白光借夕陽寒  
皎潔開簾近清瑩步履看狀花飛暮樹如玉不成盤  
冰薄方寧及霜濃比亦難誰憐高卧處歲暮嘆哀安

南龍興寺殘雪

白居易

南龍興寺春晴後緩步徐吟遶四廊老赴風花應不  
唐詩類苑 卷之七

稱開尋松雪正相當吏人引後多乘興賓客逢迎少

下堂不擬人間更求事些些疎懶亦何妨

吟雪

高崇文

崇文崇武不崇文提戈出塞號將軍那箇髫兒射落  
鴈白毛空裏雪紛紛

唐詩類苑卷第七終

唐詩類苑卷第八

明雲間張之象玄超甫纂輯

嶺南趙應元葆初甫編次

雲間王 徹叔朗甫補訂

梁谿曹仁孫伯安甫校正

天部

陰

復陰

杜甫

方冬合省玄陰塞昨日晚晴今日黑萬里飛蓬映天  
過孤城樹羽揚風直江濤簸岸黃沙走雲雪埋山蒼  
唐詩類苑 卷之八

咒吼君不見夔子之國杜陵翁牙齒半落左耳聾

春陰

李建勳

老雨不肯休東風勢還作未放草蒙茸已遺花蕭索

浮生何苦勞觸事妨行樂寄語達生人須知酒勝藥

春陰

鄭谷

推琴當酒度春陰不解謀生止解吟舞蝶歌鶯莫相

試老郎心是老僧心

惜分陰

孟簡

業廣因功苦拳拳志士心九流難酌挹四海易消沉  
對景嗟移晷窺園詎改陰三冬勞聚學駟景重兼金

刺股情方勵偷光思益深再中如可冀終嗣絕編音

牆陰歌

劉禹錫

白左右浮天潢朝晡影入東西牆昔爲兒童在陰戲當時意小覺日長東隣侯家吹笙簧隨陰促促移象牀西隣田舍乏糟糠就影汲汲春黃梁因思九州四海外家家只在牆陰內莫言牆陰咫尺間老卻主人如等閑君看瞥眼光陰促中心莫學太行山

霽

初晴應教

虞世南

初日明燕館新溜滿梁池歸雲半入嶺殘滴尚懸枝

唐詩類苑

卷之八

初晴落景

太宗

晚霞聊自怡初晴彌可喜日光百花色風動千株翠池魚躍不同園鳥聲還異寄言博通者知予物外志

新晴

王建

夏夜新晴星較少雨收殘水入天河簷前熟着衣裳坐風冷渾無撲火蛾

新晴晚望

王維

新晴原野曠極目無氛垢郭門臨渡頭村樹連溪口白水明田外碧峯出山後農月無閑人傾家事南畝

晴日

元稹

多病苦虛羸晴明強展眉讀書心緒少閑卧日長時

晴二首

杜甫

久雨巫山暗新晴錦繡文碧知湖外草紅見海東雲竟日鶯相和摩霄鶴數羣野花乾更落風處急紛紛

二

啼鳥爭引子鳴鶴不歸林下食遭泥去高飛恨久陰雨聲衝塞盡日氣射江深迴首周南客驅馳魏闕心

雨晴二首

杜甫

天際秋雲薄從西萬里風今朝好晴景久雨不妨農塞柳行疎翠山梨結小紅胡笳樓上發一鴈入高空

唐詩類苑

卷之八

二

雨晴山不改晴罷峽如新天路看殊俗秋江思殺人有猿揮淚盡無犬附書頻故園愁眉外長歌欲損神

春晴

李咸用

簷滴春膏絕憑欄晚吹生良朋在何處高樹忽流鶯遊寺期應定尋芳步已輕新詩吟未就遲日又西傾

和曹監春晴見寄

李洞

竺廟隣鐘震曉鴉春陰蓋石似仙家蘭臺架列排書自顧渚香浮淪茗花膠溜石松粘鶴壑泉離井熨

僧牙功成名著扁舟去愁覩前題罩碧紗

至陳倉曉晴望京邑

盧照隣

拂曙驅飛傳初晴帶曉涼霧斂長安樹雲歸仙帝鄉  
澗流漂素沫岩景藹朱光今朝好風色延瞰極天莊  
灞東晚晴簡同行薛稷朱訓

劉長卿

客心豁初霽霽色暝玄灞西向看夕陽瞳瞳映桑柘  
二賢誠逸足千里陪征駕古樹枳道傍人煙杜陵下  
伊余在羈束且復隨造化好道當有心營生苦無暇  
高賢幸茲偶英達窮王霸迢遞客王程裴徊主人夜  
一薰知異質片玉誰齊價同結丘中緣塵埃自茲謝

唐詩類苑

卷之八

四

晚晴

杜甫

高唐暮冬雪壯哉舊瘴無復似塵埃崖沉谷沒白皚  
皚江石缺裂青楓摧南天三旬苦霧開赤日照耀從  
西來六龍寒急光裴徊照我衰顏忽落地口雖吟詠  
心中哀未怪及時少年子揚眉結義黃金臺汨乎吾  
生何飄零支離委絕同灰

山下晚晴

崔曙

寥寥遠天靜溪路何空朦斜光照疎雨秋氣生白虹  
雲盡山色暝蕭條西北風故林歸宿處一葉下梧桐  
晚晴吳郎見過北舍

杜甫

圃畦新雨潤媿子廢鉏來竹杖交頭拄柴扉隔徑聞  
欲棲羣鳥亂未去小童僮矚日重陽酒相迎自醅醅

晚晴

杜甫

晚照斜初微浮雲薄未歸江虹明遠飲峽雨落餘飛  
鳬鶴終高去能罷覺自肥秋風客尚在竹露夕微微

晚晴

李商隱

深居俯夾城春去夏猶清天意憐幽草人間重晚晴  
併添高閣迴微注小牕明越鳥乾後歸飛體更輕

夏遊招隱寺暴雨晚晴

李正封

竹栢風雨過蕭疎臺殿涼石渠瀉奔溜金刹照頽陽

唐詩類苑

卷之八

五

鶴舞巖煙碧鹿鳴澗草香山僧引清梵幡蓋遶迴廊

州民自言已土冬濕且多陰時今茲晴朗苦

寒霜頗甚故老成畏之因示寮吏

雨霜以成歲看舊感前聞

忘言酒

喜晴

杜甫

皇天久不雨既雨晴且佳出郭眺西郊蕭蕭春增華  
青熒陵陂麥窈窕桃李花春夏各有實我饑豈無涯  
干戈雖橫放慘淡鬪龍蛇甘澤不猶愈且耕今未賒

丈夫則帶甲婦女終在家力難及黍稷得種菜與麻  
千載商山芝往者東門瓜其人骨已朽此道誰疵瑕  
英賢遇轍軻遠引蟠泥沙顧慙昧所失迴首白日斜  
漢陰有鹿門滄海有雲查焉能學衆口咄咄空咨嗟

途中晴

孟浩然

已失武陵雨猶逢蜀坂泥天開斜景遍山出晚雲低  
餘濕猶霑草殘流尚入溪今宵有明月鄉思遠悽悽

少室雪晴送王寧

李頎

少室衆峯幾峰別一峯晴見一峰雲隔城半山連青  
松素色峨峨千萬重過景斜臨不可道白雲欲盡難

唐詩類苑

卷之八

六

爲容行人與我翫幽境北風切切吹衣冷惜別浮橋  
駐馬時舉頭試望南山嶺

郡樓晴望二首

羊士諤

霽色朝雲盡亭臯露亦啼寒開臨曲檻蕭颯換輕衣  
地遠秦人望天晴社燕飛無功慙感晚惟念故人歸

二

一雨晴山郭驚秋碧樹風蘭卮誰與薦玉旆自無悰  
雲景嘶賓鴈嵐陰霧彩虹閑吟嬾下閣旦夕郡樓中

洛中晴望

于鄴

九陌盡風塵賢賢晝復昏古今人不斷南北路長存

葉落上陽樹草衰金谷園亂鴉歸未已斜日半前軒

春臺晴望

曲臺送春日景物灑新晴靄靄煙收翠忻忻木向榮  
靜看遲日上閑愛野雲平風慢遊絲轉天闊近水明  
登高塵慮息觀微道心清更有遷喬意翩翩出谷鶯

春臺晴望

鄭黃

追賞層臺迴登臨四望頻熙熙山雨霽處處柳條新  
草長秦城夕花宜漢苑春晴林翻度鳥紫陌閑行人  
旅客風塵厭山家夢寐親遷鶯思出谷鶯翫待芳辰

春臺晴望

喬弁

唐詩類苑

卷之八

七

層臺聊一望遍賞帝城春風暖聞啼鳥水開見躍鱗  
晴山煙外翠香藥日邊新已變青門柳初銷紫陌塵  
金湯千里國車騎萬方人此處雲霄

雪晴晚望

賈島

倚杖望晴雪溪雲幾萬重樵人歸白屋寒日下危峯  
野火燒岡草斷煙生石松卻迴山寺路聞打暮天鐘

長安晴望

杜牧

翠屏山對鳳城開碧落搖光霽後來迴識六龍巡幸  
處飛煙閑繞望春臺

秦中初霽獻給事中二首

儲光義



渭水收暮雨處處多新澤宮苑傍山明雲林帶天碧  
君子聳高駕英聲邈今昔鏘珮出中臺影纓入仙掖  
夙心幸清鑒晚至欣良覲鳴盜非足徵願言同下客

二

南國久爲思西都嘗作賓雲開天地色日照山河春  
善聽在知已揚光唯達人妙年弄柔翰弱冠偶良辰  
擢第文昌閣還家滄海濱寸心何所望東掖有賢臣

和杜學士江南初霽懷李嶠

大江開宿雨征棹下春流霧捲晴山出風恬晚浪收  
岸花明水樹川鳥亂沙洲羈眺傷千里勞歌動四愁

唐詩類苑

卷之六

八

早霽南樓

張說

山水佳新霽南樓翫初旭夜來枝半紅雨後洲全綠  
四運相終始萬形分代續適臨青草湖再變黃鸝曲  
地穴穿東武江流下西蜀歌闌枉渚還舞見長沙促  
心阻

奉和早霽南樓

趙冬曦

閑曙躋南樓凭軒肆遐矚物華蕩暄氣春景媚時旭  
川霽湘山孤林芳楚郊縹列岩重疊翠遠岸逶迤綠  
風帆摩天垠艇人散灣曲鴻冥鶴舞送猿叫鶯聲續  
羣動皆熙熙噫予獨緝束常欽才子義問鵬傷蹙踖

雅向騷人文懷沙何迫促未知二賢意去矣從前客

水閣朝霽奉簡嚴雲安杜甫

東城抱春岑江閣臨石面崔巍晨雲白朝日射芳甸  
雨檻暎花簾風牀展書卷鉤簾宿鷺起九藥流鶯轉  
呼婢取酒壺續兒誦文選晚交嚴明府矧此數相見

曲江春霽

劉駕

宿雨洗秦樹舊花如新開池邊草未乾日照人馬來  
馬蹄踏流水漸漸成塵埃鴛鴦不敢下飛繞岸東西  
此地喧仍舊歸人亦滿街

春霽

劉兼

唐詩類苑

卷之六

九

春霽江山似畫圖醉垂鞭映出康衢獨狂亂打獵貅  
鼓稽顙慵修鴛鴦書老色漸來欺鬢髮閑情將欲傲  
簪裾苔錢遍地知多少買得花枝不落無

江亭春霽

李郢

江籬漠漠符田田江上雲亭霽景鮮蜀客帆檣背歸  
燕楚山花木怨啼鶯春風掩映千門柳晚色凄寒萬  
井煙金磬冷冷水南寺上方僧室翠微連

清都春霽寄胡三吳十一元稹

藥珠宮殿經微雨草樹無塵耀眼光白日當空天氣  
暖好風飄樹柳陰涼蜂憐宿露攢芳久燕得新泥拂

戶忙時節催年春不住武陵花謝憶諸郎

同諸公秋霽曲江俯見南山

儲光義

天靜終南高俯映江水明有若蓬萊下淺深見澄瀛  
羣峯懸中流石壁如瑤瓊魚龍卧蒼翠鳥獸遊清冷  
菰蒲林下秋薜荔波中輕山靈浴蘭吐水若居雲屏  
嵐氣浮渚宮孤光隨曜靈陰陰豫章館宛宛百花亭  
大君及羣臣宴樂方嚶鳴吾黨二三子蕭辰怡性情  
逍遙滄海時乃在長安城

秋霽

白居易

唐詩類苑

卷之八

十一

金火不相待炎涼雨中變林晴有殘蟬巢冷無留燕  
沈吟卷長簾惻愴收團扇向夕稍無泥閑步青苔院  
月出砧杵動家家擣秋練獨對多病妻不能理鍼線  
冬衣殊未製夏服行將綻何以迎早秋一盃聊自勸

深陽秋霽

孟郊

晚雨曉猶在蕭寥激前階星星滿衰髮耿耿入秋懷  
舊識半零落前心驟相乖飽泉亦恐醉傷宜肅如齋  
上客處華池下寮宅枯崖叩高占生物齟齬回難諧  
新秋雨霽宿王處士東郊 馬戴  
夕陽逢一雨夜木洗清陰露氣竹牕靜秋光雲月深

煎嘗靈藥味話及故山心得意雨不寐微風生玉環

和集賢侯學士分司丁侍御秋日雨霽之作

韋莊

洛岸秋晴夕照長鳳樓龍闕倚清光玉泉山淨雲初  
散金谷樹多風正涼席上客知蓬島路座中寒有栢  
臺霜多慙十載遊梁士卻伴賓鴻入帝鄉

湖中晚霽

常建

湖廣舟自輕江天欲澄霽是時清楚望氣色循靈暄  
踟躕金霞白波上日初麗煙虹落鏡中樹木生天際  
杳杳涯欲辨蒙蒙雲復閉言乘星漢明又覩寰瀛勢

唐詩類苑

卷之八

十一

微興從此愜悠然不知歲試歌滄浪清遂覺乾坤細  
豈念客衣薄將期永投袂遲迴漁父問一鴈聲嘹唳

林園晚霽

韋應物

雨歇見青山落日照林園山多一作煙鳥亂林清風  
景翻提攜唯子弟蕭散在琴樽同遊不同意耿耿獨  
傷魂寂寞鐘已盡如何遠入門

晚霽登汝南大雲閣

賈彥璋

禪宮新雨歇香閣晚登臨邑樹晴光起川苗佳氣深  
水包城下岸雲細郢中岑自嘆牽早日聊開望遠心  
和蘇侍郎小園夕霽寄諸弟

張九齡

清風閨闔至軒蓋承明歸雲月愛秋景林堂開夜扉  
何言兼濟日尚與宴私違興屬兼葭變文因棠棣飛  
人倫用忠厚帝德已光輝贈弟今爲貴方知陸氏微

秋晚霽後野望憶夏侯審 盧 綸

天清禾黍平暢目亦傷情野店雲日麗孤莊砧杵鳴

川原唯寂寞岐路自縱橫前後無儔侶此懷誰與呈

雨霽晚眺 庚子季冬大  
幸蜀後作 韋 莊

入谷路縈紆巖巔日欲晡嶺雲寒埽益溪雪凍粘鬚

卧草踰如兔聽冰怯似狐仍聞關外火昨夜徹皇都

唐詩類苑

卷之六

十一

除官歸京睦州雨霽 杜 牧

秋半吳天霽清凝萬里光水聲侵笑語嵐翠撲衣裳

遠樹疑羅帳孤雲認粉囊溪山侵兩越時節到重陽

顧我能甘賤無由得自強悞曾公觸尾不敢夜循牆

豈意籠飛鳥還爲錦帳郎網今開傳燮書舊識黃香

曾在史  
館四年 蛇女真虛語饑兒欲一行淺深須揭厲休更

學張綱

山郭風雨朝霽悵然秋思 羊士諤

桐竹離披曉涼風似故園驚秋對旭日感物坐前軒

江燕飛還盡山榴落尚繁平生信有意衰久已忘言

山行積雨歸途始霽 韋應物

攬轡窮登降陰雨遘二旬但見白雲合不睹巖中春  
急澗豈易揭峻塗良難遵深林猿聲冷沮洳虎跡新  
始霽升陽山水閱清晨襍花積如霧百卉萎已陳  
鳴騶屢驥首歸路自忻忻

雨霽池上作呈侯學士 韋 莊

鹿巾藜杖葛衣輕雨歇池邊晚吹清正是如今江上

好白鱗紅稻紫萸羹

雪霽 羅 隱

南山雪乍晴寒氣轉崢嶸鎖卻開門出隨他駿馬行

唐詩類苑

卷之八

十一

一竿如有計五鼎豈須烹愁見天街草青青又欲生

曲江暮春雪霽 曹 松

霽動江池色春殘一去遊菰風生馬足槐雪滴人頭

北闕塵未起南山清欲流如何多別地卻得醉汀洲

酬王六霽後書懷見示 張九齡

雲雨俱行罷江天已洞開炎氛霽後滅邊緒望中來

作驢君垂耳爲魚我曝鰓更憐湘水賦還是洛陽才

霽後貽馬十二巽 儲光義

高天風雨散清氣在園林況我夜初靜當軒鳴綠琴

雲開北堂月庭滿南山陰不見長裾者空歌遊子吟

霽後作齊梁體

曹 勣

新霽辨草木晚塘明衣衿乳燕不歸宿雙雙飛向林  
微照露花影輕雲浮來陰無人可招隱盡日登山吟

和御史韋大夫喜霽之作 褚 亮

晴天度旅鴈斜影照殘虹野淨餘煙盡山明遠色同  
沙平寒水落葉脆晚枝空白簡光朝慙形騶出禁中  
息駕遊蘭坂雕文折桂叢無因輕羽扇徒自仰仁風

田園觀雨兼晴後作 孟雲卿

貧賤少情欲借荒種南陂我非老農圃安得良土宜  
秋成不廉儉歲餘多餒饑顧視倉廩間有糧不成炊

唐詩類苑

卷之六

十四

晨登南園上暮歇清蟬悲早苗既芃芃晚田尚離離  
五行孰堪廢萬物當及時賢哉數夫子開翅慎勿遲

雨後 李百藥

晚來風景麗晴初物色華薄雲向空盡輕虹逐望斜  
後牕臨岸竹前階枕浦沙寂寥無與晤樽酒對風花

泉上雨後作 元季川

風雨蕩繁暑雷息佳霽初衆峯帶雲雨清風入我廬  
颼颼涼颼來臨窺愜所圖綠蘿長新蔓曷曷垂坐隅  
流水復簷下丹砂發清蕖養葛爲我衣種芋爲我蔬  
誰是晚與畦瀟瀟漫連野蕪

雨後遊輞川

李 端

驟雨歸山盡頽陽入輞川看虹登晚墅踏石過春泉  
紫葛藏仙井黃花出野田自知無路去迴步就人煙

幽山雨後應令 虞世南

肅城隣上苑黃山迴桂宮雨歇連峯翠煙開竟野通  
排虛翔戲鳥跨水落長虹日下林全暗雲收嶺半空  
山泉鳴石澗地籟響崑風

奉和吏部崔尚書雨後大明朝堂望終南山

張九齡

迢遞終南頂朝朝閭闔前竭來青綺外高在翠微先

唐詩類苑

卷之六

十五

雙鳳塞爲關羣龍儼若仙還知到玄圃更是謁甘泉  
夜雨塵初滅秋空月正懸龍雲紛入望霽色宛成妍  
東極華陰踐西彌嶠冢連奔峯出嶺外瀑水落雲邊  
漢帝宮將苑商君陌與阡林間鋪近甸煙靄遠晴川  
旣庶仁斯及分憂政已宣山公啓事罷吉甫頌聲傳  
濟濟金門步洋洋玉樹篇徒歌雖有屬清越豈同年

虹

詠虹

董思恭

春暮萍生早日落雨飛餘橫彩分長漢倒色媚清渠  
梁前朝影出橋上晚光舒願逐旌旗轉飄飄侍直廬

詠虹

蘇味道

紆餘帶星渚窈窕架天濤空因壯士見還共美人沈  
逸照含良玉神光藻瑞金獨留長劒彩終負昔賢心

賦得浦外虹

陳潤

日影化為虹彎彎出浦東一條微雨後五色片雲中  
輪勢隨天度橋形跨海通還將飲水處持送使車雄

虹藏不見

徐敞

迎冬小雪至應節晚虹藏玉氣徒成象星精不散光

美人初比色飛鳥罷呈祥石澗收晴影天津失彩梁  
霏霏空暮雨杳杳映殘陽舒卷應時令因知聖曆長

唐詩類苑

卷之八

六

霧

詠霧

董思恭

蒼山秋已暮翠觀黯將沈終南晨豹隱巫峽夜猿吟  
天寒氣不歇景晦色方深待訪公超市將予赴華陰

詠霧

蘇味道

氤氲起洞壑遙裔匝平疇乍似含龍劍還疑映蜃樓  
拂林隨雨密度巡帶煙浮方謝公超步終從彥輔遊

詠霧

李嶠

曹公迷楚澤漢帝出平城野獸靜丹山霽色明  
類煙飛稍重方雨散還輕倘入非熊繇寧思玄象

賦得花庭霧

太宗

蘭氣已薰宮新藥半燃護色含輕重霧香引去來風  
拂樹濃舒碧繁花薄點紅還當襟行雨髮髩隱遙空

遠山澄碧霧

太宗

殘雲收翠嶺夕霧結長空帶岫凝全碧障霞隱半紅  
髣髴分初月飄飄度曉風還因三處處冠蓋遠相通

水亭夜坐賦得曉霧

李益

月落寒霧起沈思浩通川宿禽轉木散山澤一蒼然  
漠漠沙上路云洲外田猶當依遠樹斷續欲窮天

凌霧行

韋應物

唐詩類苑

卷之八

七

秋城海霧重職事凌晨出浩浩合元天溶溶迷朗日  
纔看含鬢白稍視霧冥密道騎全不公郊樹都如失  
霏微誤噓吸膚腠生寒慄歸當飲一杯庶用蠲斯疾

露

詠露

董思恭

夜色凝仙掌晨甘下帝庭不覺九秋至遠向三危零  
蘆渚花初白葵園葉尚青晞陽一灑惠方願溢滄溟

詠露

李嶠

滴瀝明花苑葳蕤泣竹叢玉垂丹棘上珠湛綠荷中  
夜警千年鶴朝零七月風願凝仙室內長奉未央宮

詠露

李正封

霏霏靈液重雲表無聲落露樹急玄蟬灑池淒皓鶴  
流塵清遠陌飛月澄高閣宵潤玉堂簾曙寒金井索  
佳人比珠淚坐感空綃薄

詠露珠

元稹

秋荷一滴露清夜墜玄天將來玉盤上不定始知圓

露

袁郊

湛湛騰空下碧霄地卑濕處更偏饒菅茅豐草皆霑  
潤不道良田有旱苗

賦得胥臺露

庾抱

唐詩類苑

卷之八

六

胥臺既落構荆棘稍侵扉棟折連雲影深推照日暉  
翔鷗逐不及巢燕返無歸唯有園階露承曉共霑永

秋露

駱賓王

玉關寒氣早金塘秋氣歸泛掌光逾淨添荷滴尚微  
變霜凝曉液承月委圓輝別有吳臺上應濕楚臣衣

白露

杜甫

白露團甘子清晨散馬蹄園間連石樹船渡入江溪  
憑几看魚樂迴鞭急鳥棲漸知秋實美幽徑恐多蹊

白露爲霜

顏粲

悲秋將歲晚繁露已成霜偏渚蘆先白露籬菊自黃

應鐘鳴遠寺擁鴈度三湘氣逼襦衣薄寒消野草長

滿庭添月淨拂水斂荷香獨念蓬門下窮年在一方

白露爲霜

徐敞

早寒青女至零露結爲霜入夜飛清景陵晨積素光

駟星初暫暫復蒼蒼復蒼蒼色冒沙灘白威加木葉黃

鮮輝襲紈扇殺氣捲干將葛屨那堪履徒令君子傷

宿煙含白露

枅枅有新意微微曙色幽露含疎月靜光與曉煙浮

迴野遙凝素空林望已秋著霜寒未結凝葉滴還流

比玉清潔如珠詎可收徘徊陌阡上瞻想但淹留

唐詩類苑

卷之八

九

春草凝露

張友正

蒼蒼芳草色含露對青春已賴陽和長仍慙潤澤頻

日臨殘未滴風度欲成津蕙葉垂偏重蘭叢洗轉新

將行愁裏遲欲采畏濡身獨愛池堪畔清華遠襲人

月夜梧桐葉上見寒露

戴察

蕭疎桐葉上月白露初圓滴瀝瑤光滿螢煌素彩寒

風搖愁玉墜枝動惜珠乾氣冷知秋晚聲微覺夜闌

凝空流欲遍潤物淨宜看莫厭窺臨倦將啼聚更難

賦得金莖露

徐敞

武帝貴長生延年餌玉英銅盤滴珠露偃掌抗金莖

拂曙氛埃斂凌空沆瀣清岩峩捧瑞氣龍從出宮城  
勢入浮雲聳形標霽色明大君當御宇何必去蓬瀛

賦得清露被臯蘭

孫 顧

九臯蘭葉茂八月露花清稍與秋陰合還將曉色并  
向空羅細影臨水沄微明的皪添幽興半綿動遠情  
夕芳人未採初降鶴先驚爲感生成惠心同葵藿傾  
霜

詠霜

蘇味道

金祗暮律盡玉女暝氣歸孕冷隨鐘微飄華逐劒飛  
帶日浮寒景乘風進晚威自有貞筠質寧將庶草腓

唐詩類苑

卷之六

三

霜

衣 郊

古今何事不思量盡信鄉生感彼蒼但想燕山吹暖  
律炎天豈不解飛霜

風草不留霜

王景中

繁霜當永夜寒草正驚風飄素衰蘋末流光晚蕙叢  
悠揚方泛影皎潔卻飛空不定離披際難凝翳膏中  
低昂閑散質蕭殺想成功獨感玄暉詠依依此夕同

水

明冰篇

富嘉謨

北陸蒼茫河海凝南山闌干晝夜冰素彩峨峨明月

升深山窮谷不自見安知採斲備嘉薦陰房洞涸  
寒扇陽春二月朝始噉春光潭沲度千門明冰時出  
御至尊形庭赫赫九儀備腰玉煌煌千官事明冰畢  
賦周在位憶昔沙漠寒風張崑崙長河水始壯漫汗  
峻嶒積亭障噉噉鳴鴈江上來禁苑池臺冰復開搖  
青涵綠映樓臺幽歌七月王風始鑿冰藏冰用昭物軌  
四時不忒千萬祀

賦得清如玉壺冰

王 維

藏冰玉壺裏冰水類方諸未共銷丹日還同照綺疏  
抱明中不隱含淨外疑虛氣似庭霜積光言砌月餘

唐詩類苑

卷之六

三

曉凌飛鵲鏡宵映聚螢書若向夫君比清心尚不如

清如玉壺冰

王季友

玉壺知素結止水復中澄堅白能虛受清寒得自凝  
分形同曉鏡照物掩宵燈壁映圓光出人驚爽氣凌  
金疊何足貴瑤席幾迴升正值求珪瓚提攜共飲冰

清如玉壺冰

冬律初陰結寒冰貯玉壺霜姿雖異稟幽氣亦相符  
對月光宜竝臨池影不孤貞堅方共濟同處豈殊途  
色瑩連城璧形分照葉珠提攜今在此抱素節寧渝

清如玉壺冰

盧 綸



玉壺水始結循吏政初成既有虛心鑒還如照膽清  
瑤池慙洞徹金鏡讓澄明氣若朝霜動形隨夜月盈  
臨人能不弊待物本無情怯對圓光裏妍媸自此呈

清如玉壺水

潘炎

琰玉性維堅成壺體更圓虛心寒景像應物受寒泉  
溫潤資天質清貞稟自然日融光乍散雪照色逾鮮  
至鑒功寧宰無私照豈偏明將水鏡對白與粉花連  
拂拭終爲美提携佇見傳勿令毫髮累遺恨鮑公篇

清如玉壺水

玄律陰風勁堅冰在玉壺暗中花更出曉後色全無

唐詩補元

卷之八

三

涸互誰能泮淒清詎可渝任圓空似壁照物不成珠  
素質情方粹孤明道豈殊幽人若相比還得詠生芻

府試水始冰

馬戴

南池寒色動北陸歲陰生薄薄流漸聚灘灘翠漱平  
暗霑霜稍厚迴照日還輕乳實懸殘滴湘流減恨聲  
卽堪金井貯會映玉壺清潔白心誰識空欺飲此明

水柱

劉又

師千久不息農爲兵兮民重嗟騷然縣宇土崩水潰  
畹中無熟穀壠上無桑麻王春判序百卉茁甲含葩  
有客避兵犇游僻跋履險阨至自三巴貂裘蒙茸已

微縷着髮蓬飛雀驚鼠伏寧違安處獨卧旅舍無好

夢更堪走風沙天人一夜剪瑛瑤詰旦都成六出花

南畝未盈赤纖片亂舞空自紛絮旋落旋逐朝瞰化

簷間冰柱若削出交加或低或昂小大瑩潔隨勢無

等差始疑玉龍下界來人世齊向茅簷布爪牙又疑

漢高帝西方未斬蛇人不識誰爲常風杖莫邪鏗鏘

冰有韻的皪玉無瑕不爲四時雨徒於道路成泥粗

不爲九江浪徒能汨沒天之涯不爲雙井水滿甌泛

泛烹春茶不爲中山漿清新釀鼻盈百車不爲池與

沼養魚菱種成靈霍不爲醴泉與甘露使異世俗誇

唐詩補元

卷之八

三

特稟朝澈氣潔然自許靡間其邇遐森然氣結一千  
里滴瀝聲沈十萬家明也雖小暗之大不可遮勿被  
曲瓦直下不能抑群邪柰何時逼不得時在我目中  
倏然漂去無餘夢自是成毀任天理天於此物豈宜  
有忒賒反令井蛙壁蟲變容易背人縮首競呀呀我  
願天子迴造化藏之韞櫝翫之生光華

觀藏冰

張彙征

寒氣方窮律陰精正結冰體堅風帶壯影素月臨凝  
冬賦凌人掌春期命婦昇鑿來壺色徹納處鏡光澄  
魯史曾留問幽詩舊見稱同觀里射享王道頌還興



薦水

西陸宜先啓春寒寢廟清歷官分氣候天子薦精誠  
已辨瑤池色如和玉佩鳴禮餘神轉肅曙後月殘明  
雅合冰容潔非同雪體輕空憐一掬水珍重此時情

薦水

趙蕃

薦水

盧鈞

薦水朝日後闕廟曉光清不改晶熒質能彰雨露情

唐詩類苑

卷之八

五

且無霜共潔豈與水均明在捧搖寒色當呈表素誠  
凝姿陳俎豆浮彩映牕楹皎皎盤孟側稜稜嚴氣生

薦水

范傳賢

乘春方啟閉羞獻有常程潔朗寒光徹輝華素彩明  
色凝霜雪淨影照晃旒清肅肅將崇禮兢兢示捧盈  
方圓陳玉座小大表精誠朝覲當西陸桃弧每共行

薦水

鮑溶

凌寒開澗沍寢廟致精誠色靜澄三酒光寒肅兩楹  
形鹽非近進玉豆爲潛英禮自春分展堅從北陸成  
藉茅心共結出鑑水暫明幸得來觀薦靈臺一小生

履春水

張蕭遠

一步一愁新輕輕空陷人薄光全透日殘色半消  
蟬想行時翼魚驚踏處鱗底虛難動足岸濶怯迴身  
豈暇躊躇久寧容顧盼頻願將矜愼意從此越通津

履春水

舒元興

投跡清冰上凝光動早春兢兢愁陷履步步怯移身  
烏照微生水狐聽惑過人細遷形外影輕躡鏡中輪  
咫尺憂偏遠色疑懼已頻願堅容足分莫使獨驚神  
陳羽郎中北亭送侯釗侍御賦得帶水流歌

盧綸

唐詩類苑

卷之六

五

溪中鳥鳴春景旦一派寒水忽開散壁方鏡員流不  
斷白雲鱗鱗滿河漢疊處淺旋處深板換寒魚上復  
沈群鵝鼓舞揚清音主人有客簪白筆玉壺貯水光  
如一持此贈君君飲之聖君識君冰玉姿

夏水歌

韋應物

出自玄泉杳杳之深井沒在朱明赫赫之炎辰九天  
含露未銷鑠閭闔初開賜貴人碎如墜瓊方截璐粉  
壁生寒象筵布玉壺紈扇亦玲瓏座有麗人色俱素  
咫尺炎涼變四時出門焦灼君詎知肥羊甘醴心悶  
悶飲此瑩然何所思當念闔于鑿者苦臘月深井汗

如雨

魚上水

王季則

北陸收寒盡東風解凍初冰消通淺溜氣變躍潛魚  
應節似知化揚馨任所如浮沈非樂藻沿沂異傳書  
結網時空久臨川意有餘爲龍將可望今日愧才虛

魚上水

春生寒氣滅稍動伏泉魚乍喜東風至來觀曲浦初  
近水朱鬣見望日錦鱗舒漸覺流漸退還忻掉尾餘  
暖鳴清自樂沿泳意寧疎儻得隨鯢化終聽戾太虛

魚上水

吳冕

唐詩類苑

卷之八

三

春水潛鱗發寒潭舊藻疎揚鱗順氣縱振鬣上水初  
虛廣憐空潔浮清媚景虛戒貪常避餌思達每懷書  
濕映流漸薄狂遊觸浪餘終希泮漁爲化北溟魚

聞瀑布水折

馬戴

萬仞冰峭折寒聲投白雲光搖山月墮我向石床聞

汴河阻凍

杜牧

千里長河初凍時玉河瑤珮響參差浮生恰似冰底  
水日夜東流人不知

火

火

杜甫

楚山經月火大旱則斯舉舊俗燒蛟龍驚惶致雷雨  
爆嵌魑魅泣崩棟嵐陰晦羅落沸百泓根源皆萬古  
青林一灰燼雲氣無處所入夜殊赫然新秋照牛女  
風吹巨焰作河棹驚煙柱勢欲焚崑崙光彌燠洲渚  
腥至焦長蛇聲吼纏猛虎神物已高飛不見石與土  
爾寧要謗諱憑此近熒侮薄關長吏憂甚昧至精王  
遠遷誰撲滅將恐反環堵流汗卧江亭更深氣如縷

續令咏山火

李白

白微時爲小吏侍廣漢令令一日賦山火詩思輒  
不屬白從傍綴其下句令慙止

唐詩類苑

卷之八

三

野火燒山上人歸火不歸焰隨紅日去煙逐暮雲飛

道州觀野火

呂溫

南風吹烈焰火焰燒楚澤陽景當晝暝陰天半夜赤  
過處若箠掃來時似電激豈復辨蕭關焉能分玉石  
蟲蛇盡燼爛虎兕亦奔迫積穢皆蕩除和氣始融液  
堯時旣敬授禹稼斯肇植遍生合穎禾大秀兩岐麥  
家有京坻詠人無溝壑感乃悟焚如功來歲終受益

重向火

白居易

火銷灰復死疎葉已經旬豈是人情薄其如天氣春  
風寒忽再起手冷重相親却就紅爐坐心如逢故人

夜光篇

王泠然

遊人夜到汝陽間夜色冥濛不解顏誰家暗起寒山  
燒因此明中得見山山頭山下須臾滿歷險綠深無  
暫斷焦聲散着群樹鳴炎氣傍林一川煖是時西北  
多海風吹上連天光更雄濁煙熏月黑高豔發雲紅  
初謂煉丹仙竈裏還疑鑄劍神谿中劃爲飛電來照  
物乍作流星併上空西山無草光已滅東頂熒熒猶  
未絕沸湯空谷數道水融藍陰崖幾年雪兩京貧病  
若爲居四壁皆成鑿照餘未得貴遊同秉燭唯將半  
影借披書

唐詩類苑

卷之六

天

煙

詠煙

李嶠

瑞氣凌青閣空濛上翠微迴浮雙闕路遙拂九仙衣  
桑柘迎寒色松篁暗晚暉還當紫霄上時接彩鸞飛

遠煙

僧處默

靄靄前山上凝光滿薜蘿高風吹不起遠樹得偏多  
翠與晴雲合輕將淑氣和正堪流野目朱閣意如何

唐詩類苑卷第八終

唐詩類苑卷第九

明雲間張之象玄超甫纂輯

嶺南趙應元葆初甫編次

雲間王徹叔朗甫補訂

梁谿曹仁孫伯安甫校正

歲時部

春

首春

陳叔達

雪花聯玉樹水彩散瑤池翔禽遙出沒積翠遠參差

首春

太宗

唐詩類苑

卷之九

一

寒隨窮律變春逐鳥聲開初風飄帶柳曉一作晚雪間

花梅碧林青舊竹綠沼翠新苔芝田初鴈去綺樹未

一作驚來

首春渭西郊行呈藍田張二主簿

岑參

迴風度雨渭城西細草新花踏作泥秦女峰頭雪未  
盡胡公陂上日初低愁窺白髮羞微祿悔別青山憶

舊磻聞道輞川多勝事玉壺春酒正堪攜

初春

王績

春來日漸長醉客喜年光稍覺池塘好偏宜酒甕香

初春行宮侍宴應制得天字

蘇味道

溫液吐涓涓，跳波急應絃。  
簪裾承睿賞，花柳發韶年。  
聖酒千鍾洽，宸章七曜懸。  
微臣從此醉，還似夢鈞天。

初年

陳叔達

和風起天路，嚴氣銷冰井。  
索索枝未柔，厭厭漏猶永。

喜入新年自詠

白居易

白鬚如雪五朝臣，又入新正第七旬。  
老過沾他藍尾酒，病餘收到頭身。  
銷磨歲月成高位，比類時流是幸人。  
大曆年中騎竹馬，幾人得見會昌春。

唐詩類苑

卷之九

早春

白居易

雪消冰又釋，景和風復暄。  
滿庭田地濕，齊葉生牆根。  
官舍悄無事，日西斜掩門。  
不開莊老卷，欲與何人言。

早春

白居易

雪散因和氣，冰開得煖光。  
春銷不得處，惟有鬢邊霜。

早春

儲嗣宗

野樹花初發，空山獨見時。  
踟躕歷陽道，鄉思滿南枝。

早春

劉威

曉來庭戶外，草樹似依依。  
一夜東風起，萬山春色歸。  
冰消泉脈動，日暖露花晞。  
已醞看花酒，嬌鶯莫預飛。

早春

劉長卿

微雨夜來歇，江南春色迴。  
本驚時不住，還恐老相催。  
人好千場醉，花無百日開。  
豈堪滄海畔，爲客十年來。

早春

方干

運行元化不參差，四極中華共一時。  
正氣纔隨灰律變，殘寒更被野梅欺。  
冰融大澤朝陽覺，草濕麋根夜雨知。  
不覺風光疾於箭，年來年去變霜髭。

早春行

王維

紫梅發初遍，黃鳥歌猶涇。  
誰家折楊女，弄春如不及。  
愛水看粧坐，羞人映花立。  
香畏風吹散，衣愁露濕濕。

唐詩類苑

卷之九

早春

王維

玉閨青門裏，日落香車入。  
游衍益相思，含啼向綵帷。  
憶君長入夢，歸晚更生疑。  
不及紅簷燕，雙棲綠草時。

早春曲

戴叔倫

青樓昨夜東風轉，錦帳凝寒覺春淺。  
垂楊搖絲鶯亂啼，裊裊煙光不堪翦。  
博山吹雲龍腦香，銅壺滴愁更漏長。  
玉頰啼紅夢初醒，羞見青鸞鏡中影。  
儂家少年愛遊逸，萬里輪蹄去無跡。  
朱顏未衰消息稀，腸斷天涯草空碧。

宮前早春

王建

酒幔高樓一百家，宮前楊柳寺前花。  
內園分得溫湯水，未入春時已發芽。

水二月中旬已進瓜

長安早春

孟郊

旭日朱樓光東風不驚塵公子醉未起美人爭探春  
探春不爲桑探春不爲麥日日出西園祇望花柳色  
乃知田家春不入五侯宅

長安早春

許渾

雲月有歸處故山清洛南秦城一花發春夢遍江潭

長安早春

杏靄三春色先從帝里芳折楊猶恨短測景已忻長  
鷺和紅樓樂花連紫禁香躍魚驚太液佳氣接溫湯

長安早春

四

風送飛珂響塵蒙翠輦光熙熙晴煦遠徒欲奉堯觴

長安早春

張子容

開國移東井城池對北辰咸歌太平日共樂建寅春  
雪盡黃山樹水開黑水津草迎金埒馬花伴玉樓人  
鴻漸看無數鶯遷聽欲頻何當桂枝擢還及柳條新

長安早春旅懷

白居易

軒車歌吹諠都邑中有一人向隅立夜深明月捲簾  
愁日暮青山望鄉泣風吹新綠草芽拆雨灑輕黃柳  
條濕此生知負少年春不展愁眉欲三十

長安早春

王建

霏霏漠漠遶皇州銷雪欺寒不自由先向紅粧添曉  
夢爭來白髮送新愁暖催衣上絳羅人一作勝晴報曉  
中點綵毬每度暗來還暗去今年須遣蝶遲留

洛陽早春

顧況

何地避春愁終年憶舊遊一家千里外百舌五更頭  
客路偏逢雨鄉山不入樓故園桃李月伊水向東流  
洛陽早春憶吉中孚校書司空曙主簿因寄

清江上人

盧綸

值迴逢高駐馬頻雪晴閑看洛陽春鶯聲報遠同芳  
信柳色邀歡似故人酒貌昔將花共豔鬢毛今與草

長安早春

五

爭新年來百事皆無緒唯與湯師結淨因

早春代洛陽答杜審言

于季子

梓澤年光往復來杜瀾遊人去不迴若非載筆登麟  
閣定是吹簫伴鳳臺路傍桃李花猶嫩波上芙蓉葉  
未開分明寄語長安道莫教留滯洛陽才

曲江早春

白居易

曲江柳條漸無力杏園伯勞初有聲可憐春淺遊人  
少好傍池邊下馬行

零陵早春

柳宗元

問春從此去幾日到秦原憑寄還鄉夢殷勤入故園

同趙侍御巴陵早春作 張說

江上春來早可觀  
巧將春物妬春寒  
冰苔共繞留鳥石  
花鳥爭開闌  
鴨鵝佩勝芳辰日  
漸暖燃燈美夜月初  
圓竟隨北鴈雲飛去  
直待南州蕙草殘

長沙早春雪後臨湘水呈同遊諸子

劉長卿

汀洲暖渚綠煙景  
淡和舉目方如此  
歸心豈奈何  
日華浮野雪  
春色染湘波  
北渚生芳草  
東風變舊柯  
江山古思遠  
猿鳥暮情多  
君問漁人意  
滄浪自有歌

海鹽官舍早春

劉長卿

唐詩類苑 卷之九

六

小邑滄洲吏  
新年白首翁  
一官如遠客  
萬事極飄蓬  
柳色孤城裏  
鶯聲細雨中  
羈心早已亂  
何事更春風

資中早春

羊士諤

一雨不風晚  
山鶯獨報春  
淹留巫峽夢  
惆悵洛陽人  
柳意籠丹檻  
梅香覆錦茵  
年華行可惜  
瑤瑟莫生塵

早春

楊 諸

獻歲春猶淺  
園林未盡開  
雪和新雨落  
風帶舊寒來  
聽鳥聞歸鴈  
看花識早梅  
生涯知幾日  
更被一年催

松江早春

皮日休

松陵清淨雪消初  
見底新安恐未如  
穩凭船舷無一

事分明數得鱸殘魚

奉和松江早春

陸龜蒙

柳下江食待好風  
暫時還得狎漁翁  
一生無事煙波足  
唯有沙邊水勃公

三堂早春

韋 莊

獨倚危樓四望遙  
杏花春陌馬聲驕  
池邊水刃暖初落  
山上雲稜寒未銷  
谿送綠波穿郡宅  
日移紅影度村橋  
主人年少多情味  
笑換金龜解珥貂

天宮閣早春

白居易

天宮高閣上何頻  
每上令人耳目新  
前日晚登綠看雪  
今朝晴望爲迎春  
林鶯何處吟  
筆在牆柳誰家隴  
麴塵可惜三川虛  
作王風光不屬白頭人

唐詩類苑 卷之九

七

開元寺東池早春

白居易

池水暖溫暾  
水清波澹澹  
叢簇青泥中新蒲  
葉如劍  
梅房小白裏  
柳彩輕黃染  
順氣草薰薰  
適情鷗泛泛  
舊遊成夢寐  
往事隨陽燄  
芳物感幽懷  
一動平生念

南池早春有懷

白居易

朝遊北橋上  
晚憩南塘畔  
西日雪全銷  
東風水盡泮  
徙徙魚尾棹  
瞥瞥鵝毛換  
泥暖草芽生  
沙虛泉脉散  
晴芳冒苔島  
宿潤侵蒲岸  
洛下日初長  
江南春未半

時光共拋擲人事堪嗟嘆倚棹忽尋思去年池上伴

池上早春卽事招夢得 白居易

老更驚年改閑先覺日長晴熏榆莢黑春染柳梢黃  
雲破山呈色冰融水放光低平穩船舫輕暖好衣裳  
白角三升榼紅茵六尺牀偶遊難得伴獨醉不成狂  
我有中心樂君無外事忙經過莫慵嬾相去兩三坊

溪中早春 白居易

南山雪未盡陰嶺留殘白西澗水已銷春溜含新碧  
東風來幾日蟄動萌芽拆潛知陽和功一日不虛擲  
愛此天氣暖來拂溪邊石一坐欲忘歸暮禽聲噴噴

唐詩類苑 卷之九

八

蓬蒿隔桑棗隱映煙火夕歸來問夜餐家人烹齊麥

南湖早春 白居易

風迴雲斷雨初晴反照湖邊暖復明亂點碎紅山杏  
發平鋪新綠水蘋生翅低白鴈飛仍重舌澀黃鸝語  
未成不道江南春不好年年衰病減心情

新居早春二首 白居易

靜巷無來客深居不出門鋪沙蓋苔面掃雪擁松根  
漸暖宜閑步初晴愛小園見花都未有唯覺樹枝繁

二

地潤東風暖閑行踏草芽呼童遣移竹留客伴嘗茶

雷滴簷水盡塵浮隰日斜新居未曾到隣里是誰家

早春遊望 司空曙

東風春未足試望秦城曲青草狀寒蕪黃花似秋菊  
壯將歡共去老與悲相逐獨作遊社人暮過威輦宿

東臯早春寄郎四校書 錢起

祿微賴學稼歲起歸衡茅窮達戀明王耕桑亦近郊  
夜來霽山雪陽氣動林梢蘭蕙暖初吐春鳩鳴欲巢  
蓬萊時入夢知子憶貧交

和夢得洛中早春見贈七韻

衆皆賞春色君獨憐春意春意竟如何老夫知此味  
唐詩類苑 卷之九

九

燭餘滅夜漏餘暖添朝睡恬和臺上風虛潤池邊地  
開遲花養艷語嬾鶯含思似訝隔年齋如勸迎春醉  
何日同宴遊心期二月二

酬南洛陽早春見贈 白居易

物華春意尚遲迴賴有東風晝夜催寒綻柳腰收未  
得暖熏花口噤初開欲排雲霧聯襟去先喜瓊琚入  
袖來久病長齋詩老退爭禁年少洛陽才

早春閑遊 張籍

年長身多病獨宜作冷官從來閑坐慣漸覺出門難  
樹影新猶薄池光晚尚寒遙聞有花發騎馬暫行看



酬白二十二舍人早春曲江見招

張籍

曲江冰欲盡風日已恬和柳色看猶淺泉聲覺漸多  
紫蒲生濕岸青鴨戲新波仙掖高情客相招共一過

早春寄懷

李建勳

家山歸未得又是看春過老覺光陰速閑悲世路多  
風和吹岸柳雪盡見庭莎欲向東溪醉狂眠一放歌

早春贈軍事薛判官

杜牧

雪後新正半春來四刻長晴梅朱粉豔嫩水碧羅光  
絃管開雙調花鈿坐兩行唯君莫惜醉認取少年場

唐詩類苑

十一

早春書情寄河南崔少府

僧清江

日日東風至陽和似不均病身空益老愁緒一作緒不  
知春宇宙成遺物光陰促幻身客遊傷末路心事向  
行人道薄猶懷玉時難欲厭貧微才可寄赤縣有  
鄉親

和李秀才郊墅早春吟興十韻

韋莊

暖律變寒光東君景漸長我悲遊海嶠君說住柴桑  
雪色隨高嶽水聲陷古塘草根微吐翠梅朶半含霜  
酒市多逋客漁家足夜航匡廬雲傍屋彭蠡浪衝床

綠擺楊枝嫩紅挑菜甲香鳳凰城已盡鸚鵡賦應狂  
佇見龍辭沼寧憂鴈失行不應雙劍氣長在斗牛傍

早春書情

王建

漸老風光不著人花溪柳陌早逢春近來行到門前  
少趁暖閑眠似病人

早春呈水部張十八員外二首

韓愈

天街小雨潤如酥草色遙看近却無最是一年春好  
處絕勝煙柳滿皇都

莫道官忙身老大卽無年少逐春心憑君先到江頭  
看柳色如今深未深

唐詩類苑

卷之九

十一

和晉陵陸丞早春遊望

沈審言

獨有宦遊人偏驚物候新雲霞出海曙梅柳渡江春  
淑氣催黃鳥晴光轉綠蘋忽聞歌古調歸思欲霑巾

早春桂林殿應詔

上官儀

步輦出披香清歌臨太液曉樹流鶯滿春堤芳草積  
風色翻露文雪花上空碧花蝶來未已山光暖將夕

早春桂林殿應詔

陳叔達

金鋪照春色玉律動年華朱樓雲似蓋丹桂雪如花  
水岸銜階轉風條出柳斜輕輿臨太液湛露酌流霞



陪使君早春東郊遊眺 岑參

太守擁朱輪東郊物候新鶯聲隨坐嘯柳色隨行春  
谷口雲迎馬溪邊水照人郡中叨佐理何幸接芳塵

奉酬李都督表丈早春作 杜甫

力疾坐清曉來詩悲早春轉添愁伴客更覺老隨人  
紅入桃花嫩青歸柳葉新望鄉應未已四海尚風塵

早春寄王漢陽 李白

聞道春還未相識走傍寒梅訪消息昨夜東風入武  
陽陌頭楊柳黃金色碧水浩浩雲茫茫美人不來空  
斷腸預拂青山一片石與君連日醉壺觴

唐詩類苑 卷之九

同陳留崔司戶早春宴蓬池 高適

同官載酒出郊圻晴日東馳鴈北飛  
岸春雲邀翰墨傷簷垂柳報芳菲  
池邊轉覺虛無盡臺上偏宜酩酊歸  
州縣徒勞那可度後時連騎莫相違

早春陪崔中丞同泛浣花溪 岑參

見人部宴集

早春憶微之 白居易

昏昏老與病相和感物思君嘆復歌  
聲早鷄先知夜

短色濃柳最占春多沙頭雨染斑斑草水面風颺瑟瑟波  
可道眼前光景惡其如難見故人何

早春招張賓客 白居易

久雨初晴天氣新風煙草樹盡欣欣雖當冷落衰殘日  
還有陽和暖活身池色溶溶藍染水花光焰焰火燒春  
商山老伴相收拾不用隨他年少人

早春登龍山靜勝寺時非休澣司空特許是行因贈幕中諸公 元稹

謝傳知憐景氣新許尋高寺望江春龍文遠水吞平岸  
羊角輕風旋細塵山茗粉含鷹嘴嫩海榴紅綻錦

唐詩類苑 卷之九

巢臼歸來笑問諸從事占得閑行有幾人 元稹

雨香雲澹覺微和誰送春聲入棹歌  
萱近北堂穿土早柳偏東面受風多  
湖添水劑消殘雪江送潮頭湧漫波  
同受新年不同賞無由縮地欲如何

早春尋李校書 元稹

欵欵春風澹澹雲柳枝低作翠龍裙  
梅含雞舌兼紅氣江弄瓊花散綠絃  
帶霧山鶯啼尚小穿沙蘆筍葉纔分  
今朝何事偏相覓撩亂芳情最是君

早春即事 白居易

眼重朝眠足頭輕宿酒醒陽光滿前戶雪水半中庭

物變隨天氣春生逐地形北簷梅晚白東岸柳先青  
蔥蘢抽羊角松巢墮鶴翎老來詩更拙吟罷少人聽

早春卽事呈劉員外

楊巨源

明朝晴暖卽相隨肯信春光被雨欺且任文書堆案  
上免令杯酒負花時馬蹄經歷須應遍鶯語丁寧已  
怪遲更待襍芳成豔錦鄴中爭唱仲宣詩

早春晚歸

白居易

晚歸騎馬過天津沙白橋紅反照新草色連延多隙  
地鼓聲閑緩少忙人還如南國饒溝水不似西京足

路塵金谷風光依舊在無人管領石家春

初春有感寄歙州邢員外

杜牧

雪溺前溪水啼聲已繞灘梅衰未減態春嫩不禁寒  
跡去夢一覺年來事百般聞君亦多感何處倚欄干

春日

王績

前旦出園遊林華都未有今朝下堂來池水開已久  
雪被南軒梅風催北庭柳遙呼籬前妾却報機中婦  
年光恰恰來滿甕管春酒

春日

宋 邕

輕花細雨滿雲端昨日春風曉色寒黃鳥不堪愁裏

聽綠楊宜向雨中看

春日

溫庭筠

柳暗杏花稀梅梁乳燕飛美人鸞鏡笑嘶馬鴈門歸  
楚宮雲影薄臺城心賞違從來千里恨已滿戎衣

春日

李咸用

浩蕩東風裏徘徊無所親危城三面水古樹一邊春  
衰世難脩道花時不稱貧滔滔天下者何處問通津

春日

溫庭筠

問君何所思迢遞豔陽時門靜人歸晚墻高蝴蝶遲  
一雙青瑣燕千萬綠楊絲屏上吳山遠樓中朔管悲

唐詩類苑

卷之九

五

寶書無寄處香轂有來期草色將林彩相添入黛眉

春日

李商隱

欲入盧家白玉堂新春催破舞衣裳蝶銜花藥蜂銜  
粉共助青樓一日忙

春日

韋莊

忽覺東風景漸遲野梅山杏暗芳菲落星樓上吹殘  
角偃月營中掛夕暉旅夢亂隨蝴蝶散離魂漸逐杜  
鵑飛紅塵遮斷長安陌芳草王孫暮不歸

春日行

李白

深宮高樓入紫清金作蛟龍盤繡楹佳人當牕弄白

日絃將手語彈鳴箏春風吹落君王耳此曲乃是昇  
天行因出天池汎蓬瀛樓臺感沓波浪驚三千雙蛾  
獻歌笑搥鐘考鼓宮殿傾萬姓聚舞歌太平我無爲  
人自寧三十六帝欲相迎仙人飄翩下雲輦帝不去  
留鑄京安能爲軒轅獨往入宵冥小臣拜獻南山壽  
陛下萬古垂鴻名

春日洛陽城侍宴

姚崇

南山開寶曆北渚對芳蹊的歷風梅度參差露草低  
堯樽臨上席舜樂下前溪任重由來醉乘酣志轉迷  
春日芙蓉園侍宴應制二首

唐詩類苑

卷之九

六

宋之問

芙蓉秦地沼盧橘漢家園谷轉斜盤涇川迴曲抱源  
風來花自舞春入鳥能言侍宴瑤池夕歸途騎吹繁

二

年光竹裏遍春色杏間遙煙氣籠青閣流文蕩畫橋  
飛花隨蝶舞艷曲伴鶯嬌今日陪歡豫還疑陟紫霄

春日芙蓉園侍宴應制

李乂

水殿臨丹簾山樓遶翠微昔遊人託乘今幸帝垂衣  
澗條綠峯合巖花逗浦飛朝回江曲地無處不光輝

春日芙蓉園侍宴應制

蘇頌

御道紅旗出芳園翠輦遊繞花開水殿架竹起山樓  
荷芰輕薰幄魚龍負舟寧知穆天子空賦白雲秋

奉和春日二首

元萬頃

花輕蝶亂仙人杏葉密鶯喧帝女桑飛雲閣上春應  
至明月樓中夜未央

鳳輦迎風乘紫閣鸞車避日轉彤闌中堂促管淹春  
望後殿清歌開夜扉

春日出苑遊曠

玄宗

三陽麗景早芳辰四序佳園物候新梅花百般障去  
路垂柳千條暗回津鳥驚直爲飛風葉魚沒都由怯

唐詩類苑

卷之九

七

岸人唯願聖主南山壽何愁不賞萬年春

奉和春日出苑遊曠

張說

禁林豔裔發春陽春望道遙出畫堂雨洗亭臯千畝  
綠風吹梅李一園香鶴飛不去隨青管魚躍翻來入  
綵航睿賞歡承天保定道文更親日重光

玄宗墨令答贊云入相論道資孝爲忠朗如明鏡  
穆若清風既調飾鶴又擅雕龍有典有則是爲文

雄

奉和春日出苑曠目應令

賈曾

銅龍曉關問安迴金輅春遊博望開渭水晴光搖草

樹終南佳氣入樓臺招賢已從商山老托乘還徵鄴  
下才臣在周南獨留滯忻逢春藻日邊來

奉和春日幸望春宮應制 劉憲

暮春春色最便妍苑裏花開列御筵商山積翠臨城  
起滌水浮光共幕連鶯藏嫩葉歌相喚蝶碍芳叢舞  
不前歡娛節物今如此願奉宸遊億萬年

奉和聖製春日幸望春宮應制

張說

別館芳菲上苑東飛花澹蕩舞筵紅城臨渭水天河  
靜闕對南山雨露通繞殿流鶯凡幾樹當蹊亂蝶許

唐詩類苑

卷之九

十八

多叢春園既醉心和樂共識皇恩造化同

奉和聖製春日幸望春宮應制

崔日用

東郊芳物正熏馨素滌鳬鷺戲綠汀鳳閣斜通平樂  
觀龍旂直逼望春亭光風搖動蘭英紫淑氣依遲柳  
色青消浦明晨修禊事群公傾賀水心銘

奉和聖製春日幸望春宮應制

蘇頌

東望望春春可憐更逢晴日柳含煙宮中下見南山  
盡城上平臨北斗懸細草偏承迴輦處飛花故落舞

觴前宸遊對此歡無極鳥弄歌聲襍管絃

奉和聖製春日幸望春宮應制

李乂

東城結宇瞰千尋北闕迴輿具四臨麗日祥煙承罕  
畢輕萋弱草籍衣簪秦商重沓雲巖近河渭縈紆霧  
縠深謬接鶯鸞陪賞樂還欣魚鳥逐飛沉

奉和聖製春日幸望春宮應制

韋元旦

九重樓閣半山河四望韶陽春未賒侍蹕妍歌臨灞  
浹留觴艷舞出京華危萍競捧中衡日戲馬爭銜上

唐詩類苑

卷之九

十九

苑花景色歡娛長若此承恩不醉不還家

奉和聖製春日幸望春宮應制

馬懷素

綠牕瑤輿俯碧潁行春御氣發皇心搖風細柳縈馳  
道映日輕花出禁林通衢開帝幕連堤草樹狎  
衣簪謬參西掖霑堯酒願沐南薰滿舜琴

奉和聖製春日幸望春宮應制

沈佺期

芳郊綠樹散春晴複道離宮煙霧生楊柳千條花欲  
綻蒲桃百丈蔓初繁林香酒氣元相入鳥轉歌聲各

自成是日風光牽宿醉來晨復得幸昆明

奉和聖製春日幸望春宮應制

崔湜

澹蕩春光滿曉空  
逍遙御輦入離宮  
山河眺望雲天外  
臺榭參差煙霧中  
庭際花飛錦繡合  
枝間鳥轉管絃同  
卽此歡娛齊鎬宴  
唯應率舞樂薰風

奉和聖製春日幸望春宮應制

薛稷

九春風景足  
林泉四面雲  
霞敞御筵  
花鏤黃山繡  
作苑草圍玄  
灞錦爲川  
飛觴競醉  
心迴日走  
馬爭看眼

唐詩類苑

卷之九

壬

著鞭喜奉仙遊歸路遠  
直論行樂不言旋

奉和聖製春日幸望春宮應制

李適

玉輦金輿天上來  
花園四望錦屏開  
輕絲半拂朱門柳  
細纈全披畫閣梅  
蝶舞飛行飄御席  
鶯歌度曲繞仙杯  
聖詞今日光輝滿  
漢主秋風莫道才

奉和聖製春日幸望春宮應制

鄭愔

晨蹕凌高轉翠旌  
春樓望遠背朱城  
忽排花上遊天苑  
却坐雲邊看帝京  
百草香心初冒蝶  
千林嫩葉始

藏鶯幸同葵藿傾陽早  
願比盤根應候榮

奉和聖製春日幸望春宮應制

閻朝隱

勾芒人面乘兩龍  
道是春神衛九重  
綵勝年年逢七日  
醺醺歲歲滿千鍾  
宮梅間雪祥光遍  
城柳含煙淑氣濃  
醉到君前情未盡  
願因歌舞自爲容

春日卽事二首

耿漳

詩書成志業  
嬾慢致蹉跎  
聖代丹霄遠  
明時白髮多  
淺謀堪自笑  
窮巷憶誰過  
寂寞前山路  
歸人樵採歌

二

唐詩類苑

卷之九

壬

數畝東臯宅  
青春獨屏居  
家貧僮僕慢  
官罷友朋疎  
強飲沽來酒  
羞看讀了書  
閑花更滿地  
惆悵復何如

春日卽事

耿漳

隣里朝光遍  
披衣夜醉醒  
庖厨非舊火  
林木發新青  
接果移天性  
疏泉逐地形  
清明來幾日  
戴勝已堪聽

春日洪州卽事

耿漳

鍾陵春日好  
春水滿南塘  
竹宇分朱閣  
桐花間綠楊  
蹉跎看鬢色  
留滯惜年芳  
欲問羈愁發  
秦關道路長

春日卽事

耿漳

芳菲那變易  
年鬢自蹉跎  
室與千峯對  
門唯二仲過

宦情知己少生事託人多草色微風長鶯聲細雨和  
幾時猶滯拙終日望恩波縱欲論相報無如漂母何

長安春日

曹松

浩浩看花晨六街揚遠塵塵中一丈日誰是晏眠人  
御柳舞著水野鶯啼破春徒云多失意猶自惜離秦

湖南春日二首

戎昱

自憐春日客長沙江上無人轉憶家光景却添鄉思  
苦簷前數片落梅花

三湘漂寓若流萍萬里江鄉隔洞庭  
客春來心欲碎東風莫遣柳條青

唐詩類苑卷之九

長安春日

章碣

春日皇家瑞景遲東風無力雨微微六宮羅綺同時  
泊九陌煙花一樣飛暖著柳絲金藥重冷開山翠雪  
稜稀輪他得路蓬洲客紅綠山頭爛醉歸

蜀中春日

鄭谷

海棠風外獨沾巾襟袖無端惹蜀塵和暖又逢挑菜  
日寂寥未是探花人不嫌蟻酒衝愁肺却憶漁簑覆  
病身何事晚來微雨後錦江春學曲江春

闕下春日

鄭谷

建昌宮殿紫雲飄春漏遲遲下絳霄綺陌暖風嘶去

馬粉廊初日照趨朝花經宿雨香難拾鶯在豪家語  
更嬌秦楚年年有離別揮鞭揮袖灞陵橋

武陵春日

王建

尋春何事却悲涼春到他鄉憶故鄉秦女洞桃歌澗  
碧楚王堤柳舞煙黃波濤入夢家山遠名利關身客  
路長不似冥心叩塵寂玉編金軸有仙方

春日歸山

李嘉祐

自覺勞鄉夢無人見客心空餘庭草色日日伴愁襟

春日懷歸

杜審言

心是傷歸望春歸異往年河山鑒魏闕桑梓憶秦川

唐詩類苑卷之九

花襟芳園鳥風和綠野煙更懷歡賞地車馬洛橋邊

春日京中有懷

杜審言

見人部懷思

春日山庄

韋述

初歲開韶月田家喜載陽晚晴搖水態遲景蕩山光  
浦淨漁舟遠花飛樵路香自然成野趣都使俗情忘

春日江村五首

杜甫

農務村村急春流岸岸深乾坤萬里眼時序百年心  
茅屋還堪賦桃源自可尋艱難昧生理飄泊到如今

二

迢遞來三蜀蹉跎又六年客身逢故舊發興自林泉  
過嬾從衣結頻遊任履穿藩籬頗無限恣意向江天

三

種竹交加翠栽桃爛熳紅經心石鏡月到面雪山風  
赤管隨王命銀章付老翁豈知牙齒落名玷薦賢中

四

扶病垂朱紱歸休步紫苔郊扉存晚計幕府媿群材  
燕外晴絲捲鷗邊水葉開鄰家送魚蟹問我數能來

五

群盜哀王粲中年召賈生登樓初有作前席竟爲榮

唐詩類苑

卷之九

三

宅入先賢傳才高處士名異時懷二子春日復含情

春日山中憶崔峒古中孚

盧綸

延步愛清晨空山日照春窰房那有主石室自無隣  
泉急魚依藻花繁鳥近人誰言失徒侶唯與老相親

春日淇上作

李嘉祐

淇水春風漲鴛鴦逐浪飛清明桑葉小度雨杏花稀  
衛女紅粧薄王孫白馬肥相將踏青去不解惜羅衣

春日同會崔少卿宅

姚合

詩家會詩客池閣曉初晴鳥盡山中語琴添譜外聲  
映花相勸酒入洞各題名疎野長如此誰人信在城

春日書情贈別司空曙

盧綸

壯志隨年盡謀身意未安風塵交契絕老大別離難  
臘近晴多暖春遲夜却寒誰堪少兄弟三十又無官

奉和裴舍人春日社城書事

僧無可

早晚辭綸綍觀農下杜西草新池似鏡麥暖土如泥  
鷓鴣依川宿驂驕向野嘶春來詩更苦松韻亦含凄

春日有感

孟郊

雨滴草芽出一日長一日風吹柳線垂一枝連一枝  
獨有愁人頗經春如等閑且持酒滿杯狂歌狂笑來

唐詩類苑

卷之九

三

春日寄嶽州事員外

溫庭筠

荊弱樓前柳輕空花外鶯蝶高飛有伴鶯早語無雙  
翦勝栽春字開屏見曉江從來共情戰今日欲歸降

訓孫侍御春日見寄

盧綸

經過里巷春同是謝家隣顧我覺衰早荷君留醉頻  
松高猶覆草鶴起暫繁塵始悟達人志患名非患貧

春日偶題城南韋曲

羅鄴

韋曲城南錦繡堆千金不惜買花栽誰知豪貴多鞿  
束落盡春紅不見來

郊寧春日

李益

桃李年年上國新風沙日日塞垣人傷心更見庭前柳忽有千條欲占春

春日宴魏萬成水湘亭 劉長卿

何年家住此江濱幾度門前北渚春白髮亂生相顧老黃鶯自語豈知人

春日途中 杜牧

田園不事來遊宦故國誰教爾別離獨倚關亭還把酒一年春盡送春時

春日獨坐寄鄭明府 李白

燕麥青青遊子悲河堤弱柳鬱金枝長條一拂春風

唐詩類苑

卷之九

三

去盡日飄揚無定時我在河南別離久那堪坐此對

春日偶作 溫庭筠

西園一曲豔陽歌擾擾車塵負薜蘿自欲放懷猶未得不知經世竟如何夜聞猛雨判花盡寒戀重裘覺夢多釣渚別來應更好春風還爲起微波

春日五門西望 王建

百官朝下五門西塵起春風過玉堤黃帕蓋鞍呈了馬紅羅繫項鬪迴鷄館松枝重墻頭出御柳條長水面齊唯有教方南草綠古苔陰地冷淒淒

和程員外春日東郊卽事 包何

郎官休浣憐遲日野老歡娛爲有年幾處折花驚蝶夢數家留葉待蠶眠藤垂宛地縈珠履泉迸侵堦浸綠錢直待閉關朝謁去鶯聲不散柳含煙

春時曲 溫庭筠

家臨長信往來道乳燕雙雙拂煙草油壁車輕金犢肥流蘇帳曉春鷄早籠中嬌鳥暖猶睡簾外落花開不掃衰桃一樹近前池似惜紅顏鏡中老

春晝 李賀

承城報春更漏轉光風催蘭吹小殿草細堪梳柳長

唐詩類苑

卷之九

三

綠卷衣秦帝掃粉趙燕日含畫幕蜂上羅薦平陽

化塢河陽花縣越婦支機吳蠶作繭菱汀繁帶荷塘

倚扇江南有情塞北無限

唐詩類苑 第九終



唐詩類苑卷第十

明雲間張之象玄超甫纂輯

嶺南趙應元葆初甫編次

雲間王 徹叔朗甫補訂

梁谿曹仁孫伯安甫校正

歲時部

春

詠春

高蟾

明月斷魂清靄靄平蕪歸思綠迢迢人生莫遣頭如雪縱得春風亦不消

唐詩類苑

卷十

春六十韻

元稹

節應寒灰下春生返照中未能消積雪已漸少回風迎氣邦經重齋誠帝念隆龍驤紫宸北天壓翠壇東仙仗搖佳彩榮光荅聖衷便從威仰座隨入大羅宮先到璇淵底偷穿瑋琬館娃朝鏡晚太液曉冰融撿摘芳情遍搜求好處終九霄渾可萬姓尚忡忡畫漏頻加箭宵暉欲半弓驅令三殿出乞與百蠻同直自方壺島斜臨絕漠戎南巡暖珠樹西轉麗峒峒度嶺梅甘拆潛泉脉暗洪悠悠鋪塞草冉冉著江楓蠶役投筐妾耘催荷篠翁既蒸難發地仍送嬾歸

鴻約畧環區宇殷勤綺錦艷華山青黛撲渭水碧沙蒙宿露清餘靄晴煙塞迴空燕巢纔點綴鶯舌最惺忪膩粉梨園白胭脂桃徑紅鬱金香嫩柳晉書委高麗地甲門闌大天開禁掖崇層臺張舞鳳閣道架飛虹麴藥調神鵷鷺竭志忠歌聲齊錫宴車服獎庸功俊造典時用閭閻賀歲豐倡樓歌細細農野麥尤尤貴王驕矜盛豪家恃賴雄偏霑打毬彩頻得鑄錢銅專殺擒楊若殊恩赦鄧通女孫新在內嬰雅近封公游衍關心樂詩書對面聲盤筵饒異味音樂片庸工酒爰油衣淺杯誇瑪瑙烘挑髮玉釵髻刺繡寶裝攏啓齒呈編貝彈絲動削蔥醉圓雙媚騰波溢兩明瞳但賞歡無極那知恨亦充洞房閑窈窕庭院獨蔥蘢謝砌繁殘絮班牕網曙蟲望夫身化石爲伯首如蓬顧我沈憂士騎他老病聰靜街乘曠蕩初日接瞳矐飲敗肺常渴魂驚耳更聰虛達好陽豔其那苦昏憊僂僂還移步持疑又省躬慵將疲頓質漫走倦羸僮季月行當暮良辰坐嘆窮晉悲焚介子魯願浴沂公燧改鮮妍火陰繁曉澹桐瑞雲低啓香雨潤濛濛藥溉分窠數難裁倘勿冲種莎憐見葉護荀翼成筒有夢多爲蝶因蒐定作熊漂沈隨壤芥榮茂委蒼

穹震動風千變晴和鶴一冲丁寧塞芳侶須識未

春詞

女郎張琰

垂柳鳴黃鸝間關若求友春晴不可耐愁殺閨中婦  
日暮登高樓誰憐小垂手昨日桃花飛今日梨花吐  
春色能幾時那堪正愁緒蕩子遊不歸春來淚如雨

春詞

白居易

低花樹映小粧橫春入眉心兩點愁斜倚欄干臂鵲  
離思量何事不迴頭

春詞

元稹

唐詩苑

卷之十

三

山翠湖光似欲流蜂聲鳥思却堪愁西施顏色今何  
在但看春風百草頭

春詞

李建勳

日高開步下堂階細草春莎沒繡鞋折得玫瑰花一  
朶憑君簪向鳳凰釵

春詞

王建

紅煙滿戶日照梁天絲軟弱蟲飛揚菱花霍霍繞帷  
光美人對鏡着衣裳庭中竝種相思樹夜夜還樓雙  
鳳凰

陽春曲

吳象之

簾低曉露濕簾捲鶯聲急欲起把筇篻如凝彩結澀  
孤眠愁不轉點淚聲相及淨掃堦上花風來更吹入

陽春歌

李白

長安白日照春空綠楊結煙垂裏風披香殿前花始  
紅流光發色繡戶中繡戶中相經過飛燕皇后輕身  
舞紫官夫人絕世歌聖君三萬六千日歲歲年年柰  
樂何

陽春歌

檀約

青春獻初歲白日映雕梁蘭萌猶自短柳葉未能長  
已見紅花發復聞綠草香乘此試遊衍誰知心獨傷

唐詩苑

卷之十

四

陽春曲

溫庭筠

雲母空牕曉煙薄香昏龍氣凝輝閣霏霏霧雨杏花  
天簾外春威着羅幕曲欄伏檻金麒麟沙苑芳郊連  
翠茵廐馬何能嚙芳草路人不敢隨流塵

青春

韓偓

眼憶心期卒未休暗中終擬約秦樓光陰負我難相  
偶情緒牽人不自由遙夜定嫌香殺勝悶時應弄玉  
搔頭櫻桃花謝梨花發腸斷青春兩處愁

芳春

劉兼

微雨微風隔畫簾金爐檀炷冷慵添桃花滿地春牢

落柳絮成堆雪棄嫌寶瑟不能邀卓氏絲毫何必夢  
江淹宦情歸興休相撓隼旆漁舟總未厭

迎春東郊

張濯

顓頊時初謝勾芒令復陳飛灰將應節賓日已知春  
考歷明三統迎祥受萬人衣冠宵執玉壇墀曉清塵  
肅穆來東道迴環拱北辰仗前花待發旂處柳迎新  
雲斂黃山際水開素滙濱聖朝多慶賞希爲薦沈淪

迎春東郊

王綽

玉管潛移律東郊始報春鑾輿膺寶運天仗出佳辰  
睿澤光時輩恩輝及物新虬螭動旌旆煙景入城闌

唐詩類苑

卷之十

五

御柳初含色龍池漸啓津誰憐在陰者得與蟄蟲伸

迎春東郊

皇甫冉

曉見蒼龍駕東郊春已迎綵旄天仗合玄象太階平  
佳氣山川透和風政令行鈞陳霜騎肅御道雨師清  
律向韶陽變人隨草木榮遙歡上林苑今日遇遷鶯

望春詞二首

令狐楚

高樓望見一花開便覺春光四面來曉日晴雲知次  
第東風不用更相催  
雲霞五采浮天闕梅柳千般夾御溝不上黃山南北  
望豈知春色滿神州

西亭春望

賈至

日長風暖柳青青北鴈歸飛入窅冥岳陽城上聞吹  
笛能使春心滿洞庭

春日登樓野望

薛稷

憑軒聊一望春色幾芳菲野外煙初合樓前花正飛  
嬌鶯弄新響斜日散餘輝誰忍孤遊客言念獨依依

春望

杜甫

國破山河在城春草木深感時花濺淚恨別鳥驚心  
烽火連三月家書抵萬金白頭搔更短渾欲不勝簪

零陵春望

柳宗元

唐詩類苑

卷之十

六

平野春草綠晚鶯啼遠林日晴瀟湘渚雲斷岫嶺岑  
仙駕不可望世途非所任凝情空景暮萬里蒼梧陰

江樓春望

于鄴

樓下長江路舟車晝不開鳥聲非故國春色是他山  
一望雲復水幾重河與關愁心隨落日萬里各西還

南樓春望

許渾

南樓春一望雲水共昏昏野店歸山路危橋帶郭村  
暗煙和草色夜雨長溪痕下岸誰家住殘陽半掩門

春望

羊士諤

莫問華簪髮已斑歸心滿目是青山獨上層城倚危

檻柳管春盡馬嘶開

曲江春望三首

盧綸

萼蒲翻葉柳交枝暗上蓮舟鳥不知更到無花最深處玉樓金殿影參差

翠黛紅粧畫鷁中共驚雲色帶微風簫管曲長吹未盡花南水北雨濛濛

泉聲遍野入芳洲擁沫吹花草上流一作上落日行人漸無路巢乳燕滿高樓

洛陽春望

羅鄴

洛陽春霽絕塵埃嵩少煙嵐畫障開草色花光惹襟袖簫聲歌響隔樓臺人心便覺閑多少馬足方知倦

往來愁上中橋橋上望碧波東去夕陽催

長安春望

張蠡

明時不敢卧煙霞又見秦城換物華殘雪未銷雙鳳闕新春已發五侯家甘貧祇擬長絨酒忍病猶期彊採花故國別來桑柘盡十年兵踐海西涯

長安春望

盧綸

東風吹雨過青山却望千門草色閑家在夢中何日到春生江上幾人還川原繚繞浮雲外宮闕參差落照間誰念爲儒逢世難獨將衰鬢客秦關

同李端春望

耿湋

二毛羈旅尚迷津萬井鶯花雨後春宮闕參差當晚日山河迤邐靜纖塵和風醉裏承親客芳草歸時失意人南北東西各自去年年依舊物華新

放生寺望春寄暢當

李端

東西南北望望遠悲潛蓄紅黃綠紫花花開看不足今年與子少相隨他年與子老相逐

翫春因寄馮衛二補闕戲呈李益

盧綸

掖垣春色自天來紅藥當階次第開萱草蘼蕪雨何物等閑穿破綠莓苔

賞春

羅鄴

芳草和煙暖更青開門要路一時生年年點檢人間事唯有春風不世情

遊春曲二首

張仲素

萬樹江邊杏新開一夜風滿園深淺色照在綠波中

上苑何窮樹花開次第新香車與絲綺風靜亦生塵

遊春詞二首

王維

曲江絲柳變煙條寒谷冰隨暖氣銷纔見春光生綺

陌已聞清樂動雲韶

經過柳陌與桃溪尋逐春光著處迷鳥度時時衝絮起花繁滾滾壓枝低

與鄭錫遊春

李嘉祐

青門垂柳長回首獨心傷日暖臨芳草天晴憶故鄉映花鶯上下過水蝶悠颺借問同行客今朝淚幾行

招友人遊春

鄭雲叟

難把長繩繫日烏芳時偷取醉工夫任堆金壁磨星斗買得花枝不老無

遊春曲

文德皇后

唐詩類苑

卷之十

九

上苑杏花朝日明蘭闥闔妾動春情井上新桃偷面色簷前嫩柳學身輕花中去來看蝶樹上長短聽鳴鶯林下何須遠借問出衆風流舊有名

春遊

白居易

上馬臨出門出門復逡巡迴頭問妻子應怪春遊頻誠知春遊頻其柰老大身朱顏去復去白髮新更新請君屈十指爲我數交親大限言百歲幾人及七旬我今六十五走若下坡輪假使得七十祇有五度春逢春不遊樂但恐是癡人

春遊

王勃

客念紛無極春淚倍成行今朝花樹下不覺戀年光

春遊曲三首

張仲素

煙柳飛輕絮風榆落小錢濛濛百花裏羅綺競秋千

二

騁望登香閣爭高下砌臺林間踏青去席上意錢來

三

行樂三春柳林林百和香當年重意氣先占鬪鷄場

和晉陵陸丞早春遊望

元稹

何處醉春風長安西復東不因俱罷職豈得此時同  
賈酒宣平里尋芳下苑中往來楊柳陌猶避昔年驄

唐詩類苑

卷之十

十

長安春遊

王建

騎馬傍閑坊新衣著雨香桃花紅粉醉柳樹白雲狂  
不覺愁春去何曾得日長牡丹相次發城裏又須忙

贈春遊侶

李昌符

密林多暗香輕吹遠芳啼鳥愁春盡遊人喜日長  
浮雲橫暮色新雨洗韶光欲散垂恨應須入醉鄉

春遊

劉兼

柳成金穗草如茵載酒尋花共賞春先入醉鄉君莫問十年風景在三秦

洛中春遊呈諸親友

白居易

莫嘆年將老須憐氣又新府中三遇臘洛下五逢春  
春樹花珠顆春塘水麴塵春娃無氣力春馬有精神  
竝轡鞭徐動連盤酒慢巡經過舊隣里追逐好交親  
笑語銷閑日酣歌送老身一生歡樂事亦不少於人

同水部張員外曲江春遊寄白二十二舍人

韓愈

漠漠輕陰晚自開青天白日映樓臺曲江水滿花千  
樹有底忙時不肯來

與吳侍御春遊

元稹

蒼龍閣下陪驄馬紫閣峯頭見白雲滿眼流光隨日

唐詩類苑

卷之十

十一

度今朝花落更紛紛

中春宴遊

劉兼

二月風光似洞天紅英翠萼簇芳筵楚王雲雨迷巫  
峽江令文章媚蜀箋歌黛久顰春岫斂舞衣新繡曉  
霞鮮酒闌香缺初分散笑指漁翁釣暮煙

春遊

劉兼

搖搖離緒不能持滿郡花開酒熟時羞聽黃鸝求善  
友強隨綠柳展愁眉隔雲故國山千疊傍水芳林錦  
萬枝聖主未容歸北闕且將勤儉撫南夷

春遊

秦韜玉

選勝逢君敘解攜思和芳草遠煙迷小梅香裏黃鸝  
嚙垂柳陰中白馬嘶春引美人歌徧熟風牽公子酒  
旗低早知有此關身事悔不前年住越溪

春思

馬戴

初日照楊柳玉樓含翠陰啼春獨鳥思望遠佳人心  
幽怨貯瑤瑟韶光凝碧林所思曾不見芳草意空深

春思

李白

燕草如碧絲秦桑低綠枝當君懷歸日是妾斷腸時  
春風不相識何事入羅幃

春思

羅隱

唐詩類苑

卷之十

十一

蕩漾春風淥似波惹情搖恨去倥倥燕翻永日音聲  
好柳舞空城意緒多蜀國暖回溪峽浪衛娘清轉遏  
雲歌可憐戶外桃兼李仲蔚蓬蒿柰爾何

山中春思

獨孤及

懶祭川水大人人家春日長獨謔晝不暮搔首慙年芳  
靡草知節換含葩向新陽不嫌三徑深爲我生池塘  
亭午井竈閑雀聲響空倉花落沒殷茵風動群木香  
歸路雲水外天涯杳茫茫獨卷萬里心深入山鳥行  
芳景勿相迫春愁未遽忘

得李滁州書以玉潭莊見託因書春思詩以

答

獨孤及

春物行將老懷君意詎堪朱顏因酒強白髮對花慙  
日日思瓊樹書書話玉潭知同百口累曷日辨加餐

寧州春思

項斯

失意離坊早遠城任見花初爲斷酒客舊識賣書家  
寒寺稀無雪春風亦有沙思歸頻入夢卽路不言賒

春思

杜牧

豈君心的的嗟我淚涓涓綿羽啼來久錦鱗書未傳  
獸爐寒冷籠羅幕寂靜煙自是求佳夢何須訝畫眠

春思貽李方

盧綸

唐詩類苑

卷之十

圭

長安三月春難別復難親不識冶遊伴多逢憔悴人  
漸知歡淡薄轉覺老殷勤去矣盡如此此辭悲未陳

南中春意

錢起

入仕無知言遊方隨世道平生願開濟遇物干懷抱  
已阻青雲期甘同散樗老客遊南海曲坐見韶陽蚤

舊國別佳人他鄉思芳草惜無鴻鵠翅安得凌蒼昊

戲題春意

張九齡

一作江南守江林三四春相鳴不及鳥相樂喜聞人  
日守朱絲直年催華髮新淮陽祇有卧持此度芳辰

東城春意

白居易

風軟雲不動郡城東北隅晚來春澹澹天氣似京都  
絃管隨宜有杯觴不道無其如親故遠無可共歡娛

春興

僧貫休

柳暖鶯多語花明草盡長風流在詩句牽率繞池塘  
吁切禽名宇飛狂蝶姓莊時來真可惜自勉掇蘭芳

春興戲題贈李侯

岑參

黃雀始欲銜花來君家種桃花未開長安二月眼看  
盡寄報春風早爲催

春懷

顧況

園鶯啼已倦樹樹隕香紅不是春相背當由已自翁  
唐詩類苑

春懷

杜牧

年光何太急倏忽又青春明月誰家主江山暗換人  
鶯花潛運老榮樂漸成塵遙憶朱門柳別離應更頻

春情

張起

盡閣餘寒在新年舊燕歸梅花獨帶雪未得試春衣

春有情篇

劉禹錫

爲問遊春侶春情何處尋花含欲語意草有鬬生心  
雨頻催發色雲輕不作陰縱令無月夜芳興暗中深

春至

白居易

若爲南國春還至爭向東樓日又長白片落梅浮澗

水黃稍新柳出城牆閑拈蕉葉題詩詠悶取藤枝引  
酒嘗樂事漸無身漸老從今始擬負風光

生春二十首

元稹

何處生春早春生雲色中籠蔥閑著水曉淡欲隨風  
度曉分霞態餘光庇雪融晚來低漠漠渾欲泥幽叢

二

何處生春早春生漫雪中渾無到底片唯逐入樓風  
屋上些些薄池心旋旋融自悲銷散盡誰假入蘭叢

三

何處生春早春生霽色中遠林橫反照高樹亞東風

唐詩類苑

卷之十

五

水凍霜威庇泥新地氣融漸知殘雪薄杪近最憐叢

四

何處生春早春生曙火中星闌分暗陌煙氣滿晴風  
宮樹棲鴉亂城樓帶雪融競排閭闔可傘自相叢

五

何處生春早春生曉禁中殿堦龍旆日清闕寶箏風  
藥樹香煙重天顏瑞氣融柳梅渾未發已叢叢

六

何處生春早春生江路中雨移臨浦市晴便過湖風  
蘆筍雖猶短凌漸玉漸融宗船載足商婦頭

七

何處生春早春生野墅中病翁閑向日征婦嬾成風  
斫筴天雖暖穿區凍未融鞭牛縣門外爭工益蠶叢

八

何處生春早春生水岸中尚憐扶臘雪漸覺受東風  
織女雲橋斷波神玉貌融便成嗚咽去流恨與蓮叢

九

何處生春早春生柳眼中芽新纔綻日茸短未含風  
綠誤眉心重黃驚蠟淚融碧條殊未合愁緒已先叢

十

唐詩類苑

卷之十

六

何處生春早春生梅援中藥排難犯雪香乞擬來  
風隴迴羗聲怨江遙客思融年年最相惱緣未有諸

叢

十一

何處生春早春生鳥思中鵲巢移舊歲歲翫羽旋高風  
鴻鴈驚沙暖鴛鴦愛水融最憐雙翡翠飛入小梅叢

十二

何處生春早春生池榭中鏤瓊冰陷日文殼水迴風  
柳愛和身動梅愁合樹融草芽猶未出挑得小萱叢

十三



何處生春早春生稚戲中亂騎殘爆竹爭唾小旋風  
罵雨愁妨走呵冰喜旋融女兒鍼線盡偷學五

十四

何處生春早春生人意中曉粧雖近火晴戲漸憐風  
暗入心情嬾先添酒思融預知花好惡偏在最深叢

十五

何處生春早春生半睡中見燈如見霧聞雨似聞風  
開眼猶殘夢攪身便恐融却成雙翅蝶還遶庫花叢

十六

唐詩苑

卷之十

七

何處生春早春生曉鏡中手寒勻面粉鬟動倚簾風  
宿霧梅心滴朝光幕上融思牽梳洗嬾空拔綠絲叢

十七

何處生春早春生綺戶中玉櫳穿細日羅幙張輕風  
柳軟腰肢嫩梅香密氣融獨眠傷妬物偷銓合歡叢

十八

何處生春早春生老病中土膏蒸足腫天暖癢頭風  
似覺肌膚展潛知血氣融又添新一歲衰白轉成叢

十九

何處生春早春生客思中旅魂驚北鴈鄉信是東風

縱有心灰動無由鬢雪融未知開眼日空繞未開叢

二十

何處生春早春生濛雨中裊塵微有氣拂面細如風  
柳誤啼珠密梅驚粉汗融滿空愁淡淡應豫憶芳叢

潯陽春三首

白居易

春生

春生何處闇周遊海角天涯遍始休先遣和風報消  
息續教啼鳥說來由展張草色長河畔點綴花房小  
樹頭若到故園應覓我爲傳淪落在江州

春來

唐詩苑

卷之十

六

春來觸動故鄉情忽見風光憶兩京金谷蹋花香騎  
入曲江碾草鈿車行誰家淥酒歡連夜何處紅樓睡  
失明猶有不眠不醉客經春冷坐古湓城

春去

一從澤畔爲遷客兩度江頭送暮春白髮更添今日  
鬢青衫不改去年身百川未有迴流水一老終無却  
少人四十六時三月盡送春爭得不殷勤

春來曲

王建

春欲來每日望春門早開黃衫白馬帶塵土逢著探  
春人却迴御堤內園曉過急九衢大宅家家入看帝

少女染桃花露粧初出紅猶濕光風噉噉蝶宛宛遙  
一作樹氣匝枝柯軟可憐寒食街中郎早起著得卑  
衣裳少年即見春好處似我白頭無好樹

春去曲

王建

春已去花亦不知春云處綠樹繞潤却歸來百迴看  
著無花樹就中一夜東風惡收紅拾紫無遺落老夫  
不比少年兒不中數與春別離

蜀城春

崔塗

天涯憔悴身一望一霑巾在處有芳草滿城無故人  
懷才皆得路失計自傷春清鏡不能照鬢毛愁更新

曲江春

張喬

尋春與送春多遶曲江濱一片鶯鷺水千秋輦轂塵  
岸涼隨衆木波影逐遊人自是遊人老年年管吹新

長安春

白居易

青門柳枝軟無力東風吹作黃金色街東酒薄醉易  
醒滿眼春愁消不得

洛陽春

白居易

洛陽陌上春長在昔別今來二十年唯覓少年心不  
得其餘萬事盡依然

嘆平泉春

羅鄴

生前幾到此亭臺尋嘆投荒去不回若使春風會人  
意花枝盡合向南開

巴丘春作

張均

日出洞庭水春山挂斷霞江涔相映發卉木共紛華  
相成南浮潤荆關北望賒湖陰窺翹翹丘勢辨巴蛇  
島戶巢爲館漁人艇作家自憐心間景三歲客長沙

東都遇春

韓愈

少年氣真狂有意與春競行逢二三月九州花相映  
川原曉服鮮桃李晨粧靚荒乘不知度醉死豈辭病  
飲噉惟所便文章倚豪橫爾來曾幾時白髮忽滿鏡

唐詩類苑

卷之十

二十

舊遊喜乖張新輩足嘲評病心腸一變化羞見時節  
盛得閒無所作貴欲辭視聽深居疑避仇默卧如當  
瞑朝曦入牖來鳥喚昏不醒爲生鄙計算鹽米告屢  
罄坐疲都忘起冠側嬾復正幸蒙東都官獲離機與  
奔乖慵遭傲僻漸染生弊性既去焉能追有來猶莫  
聘有船魏王池往往縱孤泳水容與天色此處皆綠  
映樹共紛披渚牙相緯經懷歸苦不果卽事取  
意益群公一何賢上戴天子聖謀謨收禹績四面出  
雄勁轉輸非不勤稽逋有軍令在庭百執事奉職各

祇敬我獨胡爲哉坐與憶兆慶辭如籠中鳥仰給活性命爲詩告友生負愧終究竟

春詩

蕭遇

南國韶光早春風送臘來水堤煙報柳山寺雪驚梅  
練色銷江晚潮聲逐渚迴青旗問沽酒何處撥寒醅

江上逢春

張均

離憂耿未和春慮忽蹉跎擇木猿知去尋泥燕獨過  
驚花翻舞日垂柳拂煙波激意屢怡賞無如鄉念何  
病減逢春期白二十二辛大不至十韻

元稹

唐詩類苑

卷之十

主

病與窮陰退春從血氣生寒膚漸舒展陽脉乍虛盈  
就日臨階坐扶牀履地行問人知面瘦祝烏願身輕  
風暖牽詩興時新變賣聲饑饉看藥忌開悶點書名  
舊雪依深竹微和動早萌推遷悲往事疎數辯交情  
琴待稽中散杯思阮步兵世間除却病何者不營營

東城尋春

白居易

老色日上面歡情日去心今既不如昔後當不如今  
今猶未甚衰每事力可任花時仍愛出酒後尚能吟  
但恐如此興亦隨日銷沈東城春欲老勉強一來尋

春朝閑步

楊師道

休沐乘閑豫清晨步北林池塘藉芳草蘭芷耀幽林  
霧中分曉日花裏弄春禽野徑香恒滿山階荀屨侵  
何須命傾蓋桃李自成陰

春行寄興

李華

宜陽城下草萋萋澗水東流復向西芳樹無人花自  
落春山一路鳥空啼

春日行歌

劉希夷

山樹落梅花飛落野人家野人何所有滿甕陽春酒  
攜酒向春臺行歌伴落梅醉罷卧明月乘夢遊天台

春行

李益

唐詩類苑

卷之十

主

侍臣朝謁罷戚里自相過落日青絲騎春風白苧歌  
恩承三殿近獵向五陵多歸路南橋望垂楊拂細波

錢塘湖春行

白居易

孤山寺北賈亭西水面初平雲脚低幾處早鶯爭暖  
樹誰家新燕啄春泥亂花漸欲迷人眼淺草纔能沒  
馬蹄最愛湖東行不足綠楊陰裏白沙隄

丘中春卧寄王子

岑參

田中開白室林下閉玄關卷跡人方處無心雲自閑  
竹深喧暮鳥花缺露春山勝事那能說王孫去未還

春眠

白居易

新浴肢體暢獨寢神魂安况因夜深坐遂成日高眠  
春被薄亦暖朝牕深更閑却忘人間事似得枕上仙  
至適無夢想大和難名言全勝彭澤醉欲敵曹溪禪  
何物呼我覺伯勞聲關關起來妻子笑生計春茫然

春眠

白居易

枕低被暖身安穩日照房門帳未開還有少年春氣  
味時時甦到睡中來

春晝醉眠

劉兼

矢欄芳草綠纖纖欹枕高堂捲畫簾處處落花春寂  
寂時時中酒病厭厭寒鴻信斷雖堪訝梁燕詞多且

春晝醉眠

卷五

五

莫嫌自有卷書銷永日霜華未用鬢邊添

春寢

白居易

何處春暄來微和生血氣氣熏肌骨暢東牕一昏睡  
是時正月晦假日無公事爛熳不能休自午將及未  
緬思少健日甘寢常自恣一從衰疾來枕上無此味

何處春先到

白居易

何處春先到橋亭水北亭凍花開未得冷酒著難醒  
就日移輕榻遮風展小屏不勞人勸醉鶯語漸丁寧

春從何處來

白行簡

欲識春生處先從木德來入門潛報柳度嶺暗驚梅

透雪寒光散銷冰水鏡開曉迎郊騎發夜逐斗光回  
淑氣寅中變新聲雨後催偏宜資律呂應是候陽臺

詠春色

楊衡

靄靄復濛濛非霧滿晴空密添宮柳翠暗泄露桃紅  
繁絲光乍失綠隳影纔通夕迷鴛枕上朝漫綺絃中  
促駟馳香陌勞鶯囀豔叢可憐腸斷望併在洛城東

武德殿朝退望九衢春色

曹松

玉殿朝初退天街一看春南山初過雨北闕淨無塵  
夾道天桃滿溝御柳新蘇舒同舜澤照姬並堯仁  
佳氣浮軒蓋和風襲繡紳自茲憐萬物同入發生辰

春晝醉眠

卷五

五

賦得春色滿皇州

沈亞之

何處春歸一作輝好偏宜在雍州花明夾城道柳暗曲  
江頭風軟遊絲重光融瑞氣浮關鷄儻短草浮蕪傍  
高樓繡轂盈香陌新泉溢御溝行一作起看日欲暮迴  
騎一作還似川流

賦得春色滿皇州

裴夷直

靄靄復悠悠春歸十二樓最明雲裏關先滿日邊州  
色媚青門外光搖紫陌頭上林繁舊樹太液鏡新流  
暖帶祥煙起清添瑞景浮陽和如起一作從從此芳遊

賦得春色滿皇州

裴夷直

寒銷山水地春遍帝王州北闕晴光動南山喜氣浮  
大紅粧暖樹急綠走陰溝思婦開香閣王孫上玉樓  
氛氲直城北貽蕩曲江頭今日靈臺下翻然却是愁

賦得春色滿皇州

封敖

帝里春光正葱籠喜氣浮錦鋪仙禁側鏡寫曲江頭  
紅萼開蕭關黃絲拂御樓千門歌吹動九陌綺羅遊  
日近風光滿仁深澤共流應非顛悴質辛苦在神州

賦得春色滿皇州

張嗣初

何處年華好皇州淑氣勻韶陽潛應律草木暗迎春  
柳變金堤畔蘭抽曲水濱輕黃垂輦道微綠映天津

春湖古意

宋之問

麗景浮丹闕晴光擁紫宸不知幽遠地今日幾枝新

春湖古意

宋之問

院梅發向盡園鳥復成曲落日遊南湖果擲顏如玉  
含情不得語轉盼知所屬惆悵未可歸寧關須暮景

春園

王勃

山泉兩處晚花柳一園春還持千日醉共作百年人

春莊

王勃

山春蘭葉徑城外李桃園直知人事靜不覺鳥聲喧

春江花月夜二首

張子容

林花發岸口氣色動江新此夜江中月流光花上春

分明石潭裏宜照浣沙人

交甫憐瑤佩仙妃難重期沈沈綠江晚惆悵碧雲姿  
初逢花上月言是弄珠時

山房春事二首

岑參

風恬日暖蕩春光戲蝶遊蜂亂入房數枝門柳低衣  
桁一片山花落筆床

梁園日暮亂飛鴉極目蕭條三兩家庭樹不知人去  
盡春來還發舊時花

春臺引

陳子昂

感傷春兮生碧草之油油懷宇宙以湯湯遂登高臺  
而寫憂遲美人兮不見恐青歲之還道從畢公以酣

春臺引

陳子昂

飲寄林塘而一畱採芳蓀于北渚憶桂樹于南州何  
雲木之英麗而池館之崇幽星臺秀十月旦諸子嘉  
青鳥之辰迎火龍之始挾寶書與瑤瑟芳蕙華而蘭  
靡乃掩白蘋藉綠芷酒既醉樂未已擊青鍾歌綠水  
怨青春之萎絕贈瑤華之旖旎願一見而導意結衆  
芳之綢繆曷予情之蕩漾獨青雲以增愁恨三山之  
飛鶴憶海上之白鷗重曰群仙去兮青春頽歲華歎  
兮黃鳥哀富貴榮樂幾時兮朱宮翠堂生青苔白雲  
兮歸來

代春贈

白居易

山吐晴嵐水放光，辛夷花白柳梢黃。但知莫作江西意，風景何曾異帝鄉。

荅春

白居易

草煙低重水花明，從道風光似帝京。其奈山猿江上叫，故鄉無此斷腸聲。

春感

李白

白隱居戴天大匡山，往來旁郡依潼江。趙徵君蕤，亦節士任俠有氣，善爲縱橫學，著書號長短經。白從學歲餘，去遊成都，賦春感詩，益州刺史蘇頲

見而奇之

卷之十

辛

見而奇之

茫茫南與北，道直事難諧。榆莢錢生樹，楊花玉糝街。塵繁遊子面，蝶弄美人釵。知憶青山去，雲門掩竹齋。

感春三首

韓愈

偶坐藤樹下，暮春下旬間。藤陰已可庇，落葉還漫漫。蠶疊新葉大，瓊瓏晚花殘。青天高寥寥，兩蝶飛翻翻。時節適當爾，懷悲自無端。

二

黃黃蕪菁花，桃李事已退。狂風簸枯榆，狼藉九衢內。春序一如此，汝顏安足賴。誰能駕飛車，相從觀海外。

三

晨遊百花林，朱朱兼白白。柳枝弱而細，懸樹垂百尺。左右同來人，金紫貴顯劇。嬌童爲我歌，哀響穿篳篥。豔姬蹋筵舞，清眸刺劍戟。心懷平生友，莫一在燕席。死者長眇眇，生者困乖隔。少年真可喜，老大百無益。

感春

白居易

老思不禁春，風光照眼新。花房紅鳥嘴，池浪碧魚鱗。倚棹誰爲伴，持杯自問身。心情多少在，六十二三人。

和友人洛中春感

白居易

莫悲金谷園中月，莫嘆天津橋上春。若學多情尋往

事人間，何處不傷人。

卷之十

辛

感春

李賀

日暖自蕭條，花悲北郭騷。榆穿菜子眼，柳斷舞兒腰。上幕迎神燕，飛絲送百勞。胡琴今日恨，急語向檀槽。

春日有感

邵謁

我心如藥苦，他見如薺甘。火未到身者，痛楚難甘諳。但言貧者拙，不言富者貪。誰知苦寒女，力盡爲桑蠶。

感春五首

韓愈

辛夷高花最先開，青天露坐始此迴。已呼孺人曼鳴瑟，更遣稚子傳清杯。選壯軍興不爲用，坐狂朝論無

由陪如今到死得閒處還有詩賦歌康哉

洛陽東風幾時來川波岸柳春全迴宮門一鎖不復

啓雖有九陌無塵埃策馬上橋朝日出樓闕赤白正

崔魏孤吟屢闕莫與和寸恨至短誰能裁

春田可耕時已催王師北討何當迴放車載草農事

濟戰馬苦饑誰念哉蔡州納節舊將死起居諫議聯

翩來朝廷未省有遺策肯不垂意餅與壘

前隨杜尹拜表迴笑言溢口何歡咍呼來孔丞別我

適臨汝風骨峭峻遺塵埃音容不接祇隔夜凶計詎

可相尋來天公高居鬼神惡欲保性命誠難哉

唐詩苑

卷之

辛夷花房忽全開將衰正盛須頻來清晨輝輝燭霞

日薄暮耿耿和煙埃朝明夕暗已足嘆况乃滿地成

摧頽迎繁送謝別有意誰肯畱念少環迴

感春四首

韓愈

我所思兮在何所情多地遐今徧處處東西南北皆

欲往千江隔今萬山阻春風吹園蓀花開朝日照屋

百鳥語三杯取醉不復論一生長恨奈何許

二

皇天平分成四時春氣漫誕最可悲蓀花粧林草蓋

地白日坐上傾天維蜂喧鳥咽畱不得紅萼萬片從

風吹豈如秋霜雖慘烈摧落老物誰惜之爲此徑須

沽酒飲自外天地棄不疑近鄰老杜無檢束爛熳長

醉多文辭屈原離騷二十五不肯餽餼糟與醢惜哉

此子巧言語不到聖處寧非癡幸逢堯舜明四目條

理品彙皆得宜平明出門暮歸舍酩酊馬上知爲誰

三

朝騎一馬出瞑就一牀卧詩書漸欲拋節行久已情

冠欹感髮禿語誤驚齒墮孤負平生心已矣如何奈

儒音

四

我恨不如江頭人長網橫江遮紫鱗獨宿荒陂射鳧

鴈賣納租賦官不嗔歸來歡笑對妻子衣食自給寧

羞貧今者無端讀書史智慧只足勞精神畫蛇著足

無處用兩鬢雪白趨埃塵乾愁漫解坐自累與衆異

趣誰相親數杯澆腸雖暫醉皎皎萬慮醒還新百年

未滿不得死且可勤買拋青春

感春

戎昱

看花淚盡知春盡魂斷看花祇恨春名位未霑身欲

老詩書寧收眼前貧

感春

張籍

遠客悠悠任病身誰家池上又逢春  
明年各自東西去此地看花是別人

感春

白居易

巫峽中心郡巴城四面春  
草青臨水地頭白見花人  
憂喜皆心火榮枯是眼塵  
除非一杯酒何物更關身

唐詩類苑

卷之十

五

唐詩類苑卷第十一

明雲間張之象玄超甫纂輯

雲間杜開美袁度甫編次

雲間王微叔朗甫補訂

梁谿曹仁孫伯安甫校正

歲時部

春

惜春

杜牧

春半年已除其餘強爲有  
卽此醉殘花便同嘗臘酒  
悵望送春否殷勤掃花筵  
誰爲駐東流年年長在手

唐詩類苑

卷之十一

惜春贈李尹

白居易

春色有時盡公門終日忙  
兩衙但不缺一醉亦何妨  
芳樹花團雪衰翁鬢撲霜  
知君倚年少未苦惜風光

惜春詞

溫庭筠

百舌問花花不語低迴似恨橫  
塘雨蜂爭粉藥蝶分香  
不似垂楊惜金縷願君留得長  
妖韶莫逐東風還

蕩搖秦女含嚔向煙月愁紅帶露空迢迢

惜春

羅鄴

燕歸巢後卽離群吟倚東風恨日曛  
一別一年方見我遊來遊去不禁君  
鶯花御苑看將盡絲竹侯家亦



少聞獨在南樓正惆悵柳塘花絮更紛紛

長安惜春

羅 鄴

千門共惜放春廻半鎖樓臺半夜開公子不能畱落  
日南山遮莫倚高臺殘紅似怨皇州雨細綠猶藏盡  
蠟灰畢竟思量何足歎明年時節又還來

戊卒傷春

于 漬

連年戍邊塞過却芳菲節東風氣力盡不減陰山雪  
蕭條柳一株南枝葉微發爲帶故鄉情依依藉攀折  
晚風吹積砂夜淚啼鄉月凌煙閣上人未必皆忠烈

傷春懷歸

獨孤及

唐詩類選

卷之十一

二

誰謂鄉可望望在天地涯但有時命同萬里共歲華  
昨夜南山雨殷雷拆萌芽源桃不余欺先發秦人家  
寂寂戶外掩遲遲春日斜源桃默無言秦人獨長嗟  
不惜中腸苦但言會合賒思歸吾誰訴笑南枝花

傷春

李昌符

卽是春風盡仍霑夜雨歸明朝更來此兼恐落花稀

傷春感懷

劉 威

花飛惜不得年長更堪悲春盡有歸日老來無去時  
風前千片雪鏡裏數莖絲腸斷青山暮獨攀楊柳枝

旅游傷春

李昌符

酒醒鄉關遠迢迢聽漏終曙分林影外春盡雨聲中  
鳥思江村路花殘野岸風十年成底事羸馬倦西東

傷春五首

杜 甫

天下兵雖滿春光日自濃西京疲百戰北關任群兇  
關塞三千里煙花一萬重蒙塵清露急御宿且誰供  
殷復前王道周遷舊國容蓬萊足雲氣應合總從龍

二

鶯入新年語花開滿故枝天清風卷幔草碧水通池  
牢落官軍速蕭條萬事危鬢毛元自白淚點向來垂  
不是無兄弟其如有別離巴山春色靜北望轉逶迤

唐詩類選

卷之十一

三

三

日月還相闕星辰屢合圍不成誅執法焉得變危機  
大角纏兵氣鉤陳出帝畿煙塵昏御道耆舊把天衣  
行在諸軍闕來朝大將稀賢多隱屠釣王肯載同歸

四

再有朝廷亂難知消息真近傳王在洛復道使歸秦  
奪馬悲公主登車泣貴嬪蕭關迷北上滄海欲東旋  
敢料安危體猶多老大臣豈無稽紹血需灑屬車塵

五

聞說初東幸孤兒却走多難分大倉粟競棄魯陽戈

胡虜登前殿王公出御河得無中夜舞誰憶大風歌  
春色生烽燧幽人泣薜蘿君臣重修德猶足見時和

傷春

孟郊

兩河春草海水清十年征戰城郭腥亂兵殺兒將女  
去二月三月花冥冥千里無人旋風起鶯啼燕語荒  
城裏春色不揀墓傍枝紅顏皓色逐春去春來  
那得知今人看花古人墓令人惆悵山頭路

傷春贈遠

獨孤及

去水流年日竝馳年光客思兩相隨客嗟斑鬢今承  
弁慙愧新荷又發池柳楊逶迤愁遠道鷓鴣啼漸悲

唐詩集

卷之十一

四

南枝憶君何帝同瓊樹但向春風送別離

春暖

白居易

風痺宜和暖春來脚校輕鶯留花下立鶴引水邊行  
髮少嫌巾重顏衰訝鏡明不論親與故自亦昧平生

春寒

白居易

今朝春氣寒自問何所欲蘇暖薤白酒乳和地黃粥  
豈唯厭饑口亦可調病腹助酌有枯魚佐餐兼旨蓄  
省躬念前哲醉飽多慙怍君不聞靖節先生樽不空  
廣文先生飯不足

立春後五日

白居易

立春後五日春態紛婀娜白日斜漸長碧雲低  
殘冰折玉片新萼排紅顆遇物盡欣欣愛春非獨我  
迎芳後園立就暖前簷坐還有惆悵心欲別紅爐火

中春寫懷寄沈彬員外

李建勳

省從騎竹學謳吟便滯光陰役此心寓目不能閑一  
日閉門長勝得千金懸懸夜雨殘燈在庭掩春風落  
絮深唯有故人同此興近來何事嬾相尋

四年春

白居易

柳稍黃嫩草芽新又入開成第四春近日放慵多不  
出少年嫌老可相親分司吉傳頻過舍致仕崔卿擬

唐詩集

卷之十一

五

卜鄰時輩推遷年事到往還多是白頭人

正月三日閑行

白居易

黃鸝巷口鶯欲語烏鵲河頭冰欲銷綠浪東西南北  
水紅欄三百九十橋鴛鴦蕩漾雙翅楊柳交加萬  
萬條借問春風來早晚只從前日到今朝

正月

趙璜

正月今朝半陽臺信未迴水芹寒不食山杏雨應開  
世網留三宿真源寄一杯因聲謝猿鳥歲宴會歸來  
二月一日作贈韋七庶子

白居易

園杏紅萼拆庭蘭紫芽出不覺春已深今朝二月一

去冬病瘡將養遵醫術今春入道場清淨依僧律  
嘗聞聖賢語所慎齋與疾遂使愛酒人停杯一百日  
明朝二月二疾平齋復畢應須挈一壺尋花覓韋七

二月二日遊洛源

韓琮

舊苑新晴草似苔人還香在踏青開今朝此地成惆  
悵已後逢春更莫來

二月二日

白居易

二月二日新雨晴草芽菜甲一時生輕衫細馬春年  
少十字津頭一字行

江南三月

嚴維

唐詩

卷之十一

六

江南季春天萼菜細如絃湖邊草作逕湖上葉如船  
郡齋三月下旬作

崔護

春事日已歇池塘曠幽尋殘紅披獨墜嫩綠間淺深  
偃仰捲芳褥顧步愛新陰謀春未及竟夏初遠見侵

三月二十八日贈周判官

白居易

一春惆悵殘三日醉問周郎憶得無柳絮送人鶯鶯  
酒去年今日別東都

三月盡日

李昌符

江頭從此管絃稀散盡游人獨未歸落日已將春色  
去殘花應逐夜風飛

閏三月

劉威

三年皆一閏此閏勝常時莫怪花開晚都緣春盡遲  
節分炎氣近律應蕙風移夢得成蝴蝶芳菲幸不遺

閏月

方干

暮暮復蒼蒼微和傍早陽前春寒已盡待閏日猶長  
柳變雖因雨花遲豈爲霜自茲延聖曆誰不駐年光

日日春光

一作春光

李商隱

日日春光鬪日光山城斜路杏花香幾時心緒渾無  
事得及游絲百尺長

晚春

劉希夷

唐詩

卷之十一

十

佳人眠洞房回首見垂楊寒盡鴛鴦被春生玳瑁床  
庭陰暮靄靄簾影散紅芳寄語同心伴迎春且薄粧

晚春

孟浩然

二月湖水清家家春鳥鳴林花掃更落徑草踏還生  
酒伴來相命開尊共解醒當杯已入手歌妓莫停聲

晚春嚴少尹與諸公見過

王維

松菊荒三徑圖書共五車烹葵邀上客看竹到貧家  
鵲乳先春草鶯啼過落花自憐黃髮暮一倍惜年華

晚春送吉校書歸楚

李嘉祐

詩人饒楚思淮上及春歸舊浦菱花待闌門柳絮飛

高名鄉曲重少事道流稀定向漁家醉殘陽卧釣磯

渚宮晚春寄秦地友人 溫庭筠

風華已眇然獨立思江天鳬鴈野塘水牛羊春草煙  
秦原曉重疊瀾浪夜潺湲今日思歸客愁容在鏡懸

晚春宴 韋道遜

日斜賓館晚春輕麥候初簷喧集燕池躍戲蓮魚  
石聲隨流響桐影傍巖疎誰能千里外獨寄八行書

晚春 韋莊

花開疑乍富花落似初貧萬物不如酒四時唯愛春  
我我秦氏髻皎皎洛川神風月應相笑年年醉病身

唐詩類苑 卷之十一 八

酬李僕射晚春見寄 張籍

戟戶洞初晨鶯聲雨後頻虛庭清氣在衆藥濕光新  
魚動芳池面苔侵老竹身教鋪嘗酒處自問採花人  
獨坐嘗多病幽居欲過春今朝聽高韻勿覺離埃塵

晚春 元稹

晝靜簷疎燕語頻雙關雀動堦塵柴扉日暮隨風  
掩落盡閑花不見人

晚春二首 韓愈

草木知春不久歸百般紅紫鬪芳菲楊花榆莢無才  
思惟解漫天作雪飛

誰收春色將歸去慢綠妖紅半不存榆莢祇能隨柳絮等閑撩亂走空園

晚春寄微之并崔湖州 白居易

洛陽陌上少交親履道城邊欲暮春崔在吳興元在  
越出門騎馬覓何人

春晚寄楊十二兼呈趙八 時楊生館於趙氏

蒙蒙竹樹深簾牖多清陰避日坐林影餘花委芳襟  
傾樽就殘酌舒卷續微吟空際颺高蝶風中吟素琴  
廣庭備幽趣復復對商山岑獨此愛時景曠懷雲外心

唐詩類苑 卷之十一 九

遷鶯戀嘉木求友多好音自無琅玕實安得蓮花簪

寄之二君子希見雙南金

春晚 孟浩然

春眠不覺曉處處聞啼鳥夜來風雨聲花落知多少

東蜀春晚 鄭谷

如此浮生更別離可堪長慟送春歸潼江水上楊花  
雪剛逐孤舟繚繞飛

長安春晚二首 溫庭筠

曲江春半日遲遲正是王孫悵望時杏花花落盡不歸  
去江上東風吹柳絲

四方無事太平年萬象鮮明禁火前九重細雨煮  
色輕染龍池楊柳煙

蜀都春晚感懷

劉兼

蜀都春色漸離披夢斷雲空事莫追官闕一城荒作  
草王孫猶自醉如泥誰家玉笛吹殘照柳市金絲拂  
舊堤可惜錦江無錦濯海棠花下杜鵑啼

春晚寓懷

劉兼

一承兌澤泣方州八度春光照郡樓好景幾將官吏  
醉名山時領管絃遊空花任爾頻侵眼老雪從他漸  
滿頭歸去杜陵池閣在只能歡笑不能愁

唐詩類苑

卷之十一

十

春晚寄鍾尚書

羅隱

宰府初開奉末塵四年談笑隔通津官資肯便矜中  
路酒盞還應憶故人江畔舊遊秦望月檻前公事鏡  
湖春如今莫問西禪塢一炷寒香老病身

春晚詠懷贈皇甫朗之

白居易

豔陽時節又蹉跎遲暮光陰復若何一歲中分春日  
早百年通計老時多多中更被愁牽引少裏兼遭病  
折磨賴有銷憂治悶藥君家濃酎我狂歌

河西春暮憶秦中

岑參

渭北春已老河西人未歸邊城細草出客館梨花飛

別後鄉夢數昨來家信稀涼州三月半猶未脫寒衣  
暮春有感寄友人

魚玄機

鶯語鶯殘夢輕粧改淚容竹陰初月薄江靜晚煙濃  
濕簾衝泥燕香鬢採藥蜂獨憐無限思吟罷亞枝松

九江暮春

曹松

楊柳城初鎖輪蹄息去蹤春流無舊岸夜色失諸峯  
影動魚邊火聲遲話後鐘明朝迴去鴈誰向北郊逢

暮春野望寄錢起

司空曙

草長花落樹羸病強尋春無復少年意空餘華髮新  
青原高見水白社靜逢人寄謝南宮客軒車不可親

唐詩類苑

卷之十一

十一

暮春送客

韓琮

綠暗紅稀出鳳城暮雲樓閣古今情行人莫聽宮前  
水流盡年光是此聲

暮春

杜甫

卧病擁塞在峽中瀟湘洞庭虛映空楚天不斷四時  
雨巫峽長吹千里風沙上草閣柳新暗城邊野池蓮  
欲紅暮春鶯鷺立洲渚挾子翻飛還一叢

暮春即事

魚玄機

深巷窮門少侶儔阮郎唯有夢中畱香飄羅綺誰家  
席風送歌聲何處樓街近鼓鼙喧曉睡庭閑鵲語亂

春愁安能追逐人間事萬里身同不繫舟

暮春懷感二首

戴叔倫

杜宇聲聲喚客愁故園何處此登樓落花飛絮成春夢  
刺水殘山異昔游歌扇多情明月在舞衣無  
雲收東皇去後韶華盡老圃寒香別有秋  
四十無聞懶慢身放情丘壑任天真悠悠往事杯中  
物赫赫時名扇外塵短策看雲松寺晚疎簾聽雨草  
堂春山花水鳥皆知已百遍相過不厭貧

暮春戲贈吳端公

曹唐

年少英雄好丈夫大家望拜執金吾閑眠曉日聽鸚鵡

唐詩類苑

卷之十一

十一

鳩笑倚春風杖輓轡深院吹笙聞漢婢靜街調馬任  
奚奴牡丹花下簾鉤外獨凭紅闌將虎鬚

春暮寄元九

白居易

梨花結成實燕卵化為雛時物又若此道情復何如  
但覺日月促不嗟年歲徂浮生都是夢老小亦何殊  
唯與故人別江陵初謫居時時一相見此意未全除  
省中春暮醉嵩陽焦道士見招

錢起

朝花飛暝林對酒傷春心流年催素髮不覺映華簪  
垂老遇知己一作明代訓恩看寸陰如何紫芝客一作紫陽

客相憶白雲深

春暮

韋莊

一春春事好病酒起常遲流水綠縈砌落花紅墮枝  
樓高喧乳燕樹密關雛鷗不學山公醉將何自解頤  
春暮詠懷寄集賢韋起居 鄭谷  
寂寂風簾信自垂楊花筍籜正離披長安一夜殘春  
雨右省三年老拾遺坐看群賢爭得路退量孤分且  
吟詩五湖煙網非無意未去難忘國士知

春暮宴罷寄宋壽先輩

溫庭筠

斜掩朱門花外鐘曉鶯時節好相逢牕間桃葉宿粧  
在雨後牡丹春睡濃蘇小風姿迷下蔡馬卿才調似  
臨邛誰憐芳草生三徑參佐橋西陸士龍

唐詩類苑

卷之十一

十一

和春深二十首

白居易

白居易

何處春深好春深富貴家馬為中路鳥妓作後庭花  
羅綺駢論隊金銀用斷車眼前何所苦唯苦日西斜  
二  
何處春深好春深貧賤家荒涼三逕草冷落四鄰花  
奴困歸慵力妻愁出賃車途窮平路險舉足處處斜

三

何處春深好春深執政家鳳池添硯水鷄樹落衣花

詔借當衢宅恩容上殿車延英開對久門外日西斜

四

何處春深好春深方鎮家通犀排帶勝瑞鶴勘袍花  
飛絮衝毬馬垂楊拂妓車戎裝拜春設左握寶刀斜

五

何處春深好春深刺史家陰繁紫布葉岐秀麥分花  
五足鳴珂馬雙輪盡軾車和風引行樂葉葉隼旗斜

六

何處春深好春深學士家鳳書裁五色馬鬣剪三花  
蠟炬開明火銀臺賜物車相逢不敢揖彼此帽低斜

唐詩類苑

卷之十一

十四

七

何處春深好春深女樂家慣看溫室樹飽識浴堂花  
御印提隨仗香燄把下車宋家宮樣髻一片綠雲斜

八

何處春深好春深御史家絮繁驄馬尾蝶繞繡衣花  
破柱行持斧埋輪立駢車入班遙認得魚貫一行斜

九

何處春深好春深遷客家一杯寒食酒萬里故園花  
炎瘴蒸如火光陰走似車爲憂鵬鳥至只恐日光斜

十

何處春深好春深經業家唯求太常第不管曲江花  
折桂名慙却收螢志慕車官塲泥鋪處最怕寸陰斜

十一

何處春深好春深隱士家野衣栽薜葉山飯曬松花  
蘭索紉幽珮蒲輪駐軟車林間箕踞坐白眼向人斜

十二

何處春深好春深漁父家松灣隨棹月桃浦落船花  
投餌移輕楫牽輪轉小車蕭蕭蘆葉裏風起釣絲斜

十三

何處春深好春深潮戶家濤翻三月雪浪噴四時花

唐詩類苑

卷之十一

十五

曳練馳千馬驚雷走萬車餘波落何處江轉富陽斜

十四

何處春深好春深痛飲家十分杯裏物五色眼前花  
餽獸眠糟甕流涎見麴車中山一沈醉千度日西斜

十五

何處春深好春深上巳家蘭亭席上酒曲落岸邊花  
弄水游童棹滌裾小婦車齊橈爭渡處一匹錦標斜

十六

何處春深好春深寒食家玲瓏鏤鴉子宛轉綵毬花  
碧草追遊騎紅塵拜掃車鞦韆細腰女搖曳逐風斜



十七

何處春深好，春深博奕家。一先爭破眼，六聚鬪成花。  
鼓應投壺馬，兵衝象戲車。彈碁局上事，最妙是長斜。

十八

何處春深好，春深嫁女家。紫排襦上雉，黃帖鬢邊花。  
轉燭初移障，鳴環欲上車。青衣傳氎褥，錦繡一條斜。

十九

何處春深好，春深娶婦家。兩行籠裏燭，一樹扇間花。  
賓拜登華席，親迎障幃車。催粧詩未了，星斗漸傾斜。

二十

唐詩類苑

卷之十一

六

何處春深好，春深妓女家。眉欺楊柳葉，裙妬石榴花。  
蘭麝熏行被，金銅釘坐車。杭州蘇小小，人道最天斜。

慈恩寺殘春

耿漳

雙林花已盡，葉色上殘芳。若問同遊客，高年最斷腸。

殘春詠懷贈楊慕巢侍郎

白居易

位逾三品日，年過六旬時。不道官班下，其如筋力衰。  
猶憐好風景，轉重舊親知。少壯難重得，歡娛且強爲。  
興來池上酌，醉出袖中詩。靜話開襟久，閑吟放盞遲。  
落花無限雪殘鬢，幾多絲莫說傷心事。春翁易酒悲

殘春曲禁中口號

白居易

禁苑殘鶯三四聲，景遲春慢暮春晴。日西無事塙陰下，閑踏宮花獨自行。

對殘春

劉滄

楊花漠漠暗長隄，春盡人愁鳥又啼。鬢髮近來生處白，家園幾向夢中迷。霏微遠樹荒郊外，牢落空城夕照西。唯有年光堪自惜，不勝煙草日萋萋。

殘春晚起伴客笑談

白居易

掩戶下簾朝睡足，一聲黃鳥報殘春。披衣岸幘日高起，兩角春衣扶老身。策杖強行過里巷，引杯閑酌伴親賓。莫言病後妨談笑，猶恐多於不病人。

唐詩類苑

卷之十一

七

殘春獨來南亭因寄張祐

杜牧

暖雲如粉草如茵，獨步長堤不見人。一領桃花紅錦蹙，半溪山水碧羅新。高枝百舌猶欺鳥，帶葉梨花獨送春。仲蔚欲知何處在，苦吟林下拂詩塵。

春老

白居易

欲隨年少強遊春，自覺風光不屬身。歌舞屏風花障上，幾時曾畫白頭人。

洛中春末送杜錄事赴蘄州

劉禹錫

樽前花下長相見，明月忽爲千里人。君過午橋回首



望洛城猶自有殘春

春盡日

韓偓

樹頭初日照西簷樹底鶯花夜雨露外院池亭聞動  
鎖後堂欄檻見垂簾柳腰入戶風斜倚榆莢堆牆水  
半淹把酒送春惆悵在年年三月病厭厭

春盡途中

杜牧

田園不事來遊宦故國誰交爾別離獨倚闌亭還把  
酒一年春盡送春詩

春盡日

白居易

芳景銷殘暑氣生感時思事坐含情無人開口共誰  
唐詩類苑卷之十一

語有酒迴頭還自傾醉對數叢紅芍藥渴嘗一盃綠  
昌明春歸似遣鶯留語好住林園三兩聲

春盡日宴罷感事獨吟

白居易

五年三月今朝盡客散筵空獨掩扉病共樂天相伴  
住春隨樊子一時歸閑聽鶯語移時立思逐楊花觸  
處飛金帶絕腰衫委地年年衰瘦不勝衣

閑居春盡

白居易

閑泊池舟靜掩扉老身慵出客來稀愁因暮雨留教  
住春被殘鶯喚遣歸揭簾偷嘗新熟酒開箱試著舊  
生衣冬裘夏葛相催促垂老光陰速似飛

春餘遣興

春去日漸遲庭空草偏長餘英間初實雪絮紫珠網

好鳥多息陰新篁已成響簾開斜照入樹裊游絲上  
絕跡念物閑良時契心賞單衣頗新綽虛室復清敞  
置酒奉親賓樹萱自怡養笑倚連枝花恭扶瑞藤杖  
步屨恣優游望山多氣象雲葉逢卷舒風裾動蕭爽  
簪纓固煩襍江海徒浩蕩野馬籠赤霄無由負羈鞅

春居

羅隱

東風百卉搖舊國路迢迢偶病成疎散因貧得寂寥  
倚簷高柳弱乘露小桃妖春色常無處村醪更一瓢

唐詩類苑

卷之十一

十九

春恨

韓偓

殘夢依依酒力餘城頭批頰伴啼烏平明乍捲西樓  
幕院靜初聞放轡轡

春恨三首

錢栩

負罪將軍在北朝秦淮芳草綠迢迢高臺愛妾魂銷  
盡始得立遲爲一招

久戍臨洮報未歸篋香銷盡別時衣身輕願比蘭堦  
葉萬里還尋塞草飛

永巷頻分小苑遊舊恩如淚亦難收君前願報新顏  
色團扇須防白露秋

春愁

韋莊

寓思本多傷逢春恨更長  
露沾湘竹淚花墮越梅粧  
睡却交加夢閑傾瀲灩  
觴後庭人不斜月上松篁

春愁

孟郊

春物與愁客遇時各有違  
故花辭新枝新淚落故衣  
日暮兩寂寞飄然亦同歸

春愁曲

溫庭筠

絲絲穿露珠簾冷百尺啞啞下  
纖綆遠翠愁山入卧屏  
兩重雲母空烘影涼簪墜  
髮春眠重玉兔煇氣柳如夢  
錦疊宜床委墜紅颼颼掃尾  
雙金鳳蜂喧蝶駐

唐詩類苑

卷之十一

十一

俱一作戲

悠揚柳拂赤欄纖草長  
覺後梨花委平綠春風和雨吹池塘

春悶偶成十二韻

韓偓

阡陌懸雲壤欄畦隔艾芝  
路遙行雨嬾河澗過橋遲  
鴈足應難達孤蹤浪得疑  
謝鯤吟未廢張碩夢堪思  
有意通情處無言擺鬢時  
格高歸斂笑歌怨在嚙眉  
醉後金蟬重歡餘玉燕欹  
素姿凌白柰圓頰銷紅梨  
粉字題花筆香燄詠柳詩  
繡牕攜手約芳草踏青期  
別淚開泉脉春愁買藕絲  
相思不相信幽恨更誰知

春病

元稹

病來閑卧久因見靜時心  
殘月曉牕迴落花幽院深  
望山移坐榻行藥步墻陰  
車馬門前度遙聞哀苦吟

送春辭

王維

日日人空老年年春更歸  
相歡在尊酒不用惜花飛

送春

白居易

三月三十日春歸日復暮  
惆悵問春風明朝應不住  
送春曲江上眷眷東西顧  
但見撲水花紛紛不知數  
人生似行客兩足無停步  
日日進前程前程幾多路  
兵刀與水火盡可違之去  
唯有老到來人間無避處  
感時良爲已獨倚池南樹  
今日送春心心如別親故

唐詩類苑

卷之十一

十一

南亭對酒送春

白居易

舍桃日已落紅薇花尚熏  
冉冉三月盡晚鶯城上聞  
獨持一杯酒南亭送殘春  
半酣忽長歌歌中何所云  
云我五十餘未是苦老人  
刺史二千石亦不爲賤貧  
天下三品官多老於我身  
同年登第者零落無一分  
親故半爲鬼童僕多見孫  
念此聊自解逢酒且歡欣

送春

李咸用

四時爲第一一歲一重來  
好景應難勝餘花虛自開  
相思九箇月得信數枝梅  
不向東門送還成負酒杯

送春

白居易

銀花鑿落從君勸金屑琵琶爲我彈不獨送春兼送  
惜廣嘗一酌更聽看

送春曲三首

劉禹錫

春向晚春晚思悠悠哉風雲日已改花葉自相催漠漠  
空中去何處天際來

春已暮冉冉如人老映葉見殘花連天是青草可憐  
桃與李從此同桑棗

春景去此去何時回遊人千萬恨落日高臺寂寞  
繁花盡流鶯歸不歸

送春詞

劉禹錫

唐詩類苑

卷之十一

三

昨來樓上迎春處今日登樓又送歸蘭藥殘粧含露  
泣柳條長袂向風揮佳人對鏡容顏改楚客臨江心  
事違萬里至今同此恨無如一醉盡忘機

遣春三首

元稹

楊公三不惑我惑兩般全逢酒判身病拈花盡意憐  
水生低岸沒梅處小珠連千萬紅顏輩須驚又一年

二

柳眼開渾盡梅心動已闌風光好時少杯酒病中難  
學問慵都廢聲名老更判唯餘看花伴未免憶長安

三

失却遊花伴因風浪引將柳堤遙認馬梅逕誤尋香  
晚景行看謝春心漸欲狂園林都不到何處枉風光

遣春十首

元稹

曉月籠雲影鶯深餘霧中暗芳飄露氣輕寒生柳風  
冉冉一趨府未爲勞我躬因茲得晨起但覺情興隆

二

久雨憐霽景偶來隄上行空濛天色嫩香綠江面平  
百草短長出衆禽高下鳴春陽各有分予亦澹無情

三

鏡皎碧潭水微波纔成文煙光垂碧草瓊脉散纖雲

唐詩類苑

卷之十一

三

岸柳好陰影風裾遺垢氛悠然送春日八荒誰與群

四

低迷籠樹煙明淨暮霞日陽焰波春空平湖漫凝溢  
雪鷺遠近飛渚牙淺深出江流復浩蕩相爲坐紆鬱

五

暄寒深淺春紅日前後花顏色詎相讓生成良有涯  
梅芳勿自早菊秀勿自賒各將一時意終年無再華

六

高屋童稚少春來歸燕多葺舊良易就新院亦已羅  
俯隣雛化卵仰愧鵬無巢巢棟與巢幕秋風俱奈何

七

撥亂撲樹蜂摧殘戀房藥風吹雨又頻安得繁於綺  
酒杯沈易過世事紛何已莫倚顏似花君看歲如水

八

繞郭高高冢半是荆王墓後嗣熾陽臺前賢甘華路  
善惡徒自分波流盡東注胡然不飲酒坐落桐花樹

九

花陰莎草長藉沙閑自酌坐看鶯鬪枝輕花滿尊杓  
葛巾竹稍掛書卷琴上閣沽酒過此生狂歌眼前樂

十

唐詩類苑 卷之十一  
三  
梨葉已成陰柳條紛起絮波淥紫屏風螺紅碧等筋  
三杯面上熱萬事心中去我意風散雲何勞問行處

判春

李商隱

一桃復一李井上占年芳笑處如臨鏡窺時不隱牆  
敢言西子短誰覺宓妃長珠玉終相類同名作夜光

負春

白居易

病來道士教調氣老去山僧勸坐禪辜負春風楊柳  
曲去年斷酒到今年

認春戲呈馮少尹李郎中陳主簿

白居易

認得春風先到處西園南面水東頭柳初變後條猶  
重花未開前枝已稠暗助醉歡尋綠酒潛添睡與著  
紅樓知君未別陽和意直待春深始擬遊

酬樂天春寄微之

元稹

鷗心明黠雀幽蒙何事相將盡入籠君避海鯨驚浪  
裏我隨巴蟒瘴煙中千山塞路音書絕兩地知春曆  
日同一樹梅花數升酒醉尋江岸哭東風

可惜

杜甫

花飛有底急老去願春遲可惜歡娛地都非少壯時  
寬心應是酒遣興莫過詩此意陶潛解吾生後汝期

唐詩類苑

卷之十一

三

絕句二首

杜甫

遲日江山麗春風花草香泥融飛燕子沙暖睡鴛鴦

二

江碧鳥逾白山青花欲然今春看又過何日是歸年

杜甫

江邊踏青罷回首見旌旗風起春城暮高樓鼓角悲

杜甫

漫興九首  
眼見客愁愁不醒無賴春色到江亭卽遣花開深  
次便教鶯語太丁寧

熟知茅齋絕低小江上燕子故來頻銜泥點污琴書

內更接飛蟲打著人

手種桃李非無主野老墻低還是家恰似春風相欺  
得夜來吹折數枝花

二月已破三月來漸老逢春能幾回莫思身外無窮  
事且盡生前有限杯

腸斷春江欲盡頭杖藜徐步立芳洲顛狂柳絮隨風  
舞輕薄桃花逐水流

癡慢無堪不出村呼兒自在掩柴門蒼苔濁酒林中

靜碧水春風野外昏

糝徑楊花鋪白氈點溪荷葉貼青錢笋根稚子無人

唐詩類苑

卷之十一

三

見沙上鳬雛傍母眠

舍西柔桑葉可拈江上細麥復纖纖人生幾何春已  
夏不放香醪如蜜酣

隔戶楊柳弱嫋嫋恰似十五兒女腰誰謂朝來不作  
意狂風挽斷最長條

漫成二首

杜甫

野日荒荒白江流泯泯清渚蒲隨地有村逕逐門成  
只作披衣慣常從漉酒生眼邊無俗物多病也身輕

二

江臯已仲春花下復清晨仰面貪看鳥回頭錯應人

讀書難字過對酒滿壺頻近識峨眉老知余嬾是真

早起

杜甫

春來常早起幽事頗相關帖石防隕岸開林出遠山  
一丘藏曲折緩步有躋攀童僕來城市瓶中得酒還

落日

杜甫

落日在簾鉤溪邊春事幽芳菲綠岸圓樵爨倚灘舟  
夜雀爭枝墜飛蟲滿院遊濁醪誰造汝斟酌散手憂

畏人

杜甫

早花隨處發春鳥異方啼萬里清江上三年落日低  
畏人成小築偏性合幽棲門逕從榛草無心待馬蹄

唐詩類苑

卷之十一

三

卽事

杜甫

暮春三月巫峽長鳥鵲行雲浮日光雷聲忽送千峯  
雨花氣渾如百和香黃鸝過水翻迴去燕子銜泥濕  
不妨飛閣捲簾圖畫裏虛無只少對瀟湘

武司功初有幽庭春暄見詒夏首獲見以詩

報焉

張九齡

芳月盡離居幽懷重起予雖言春事晚尚想物華初  
遲日暝方照高齋澹復虛筍成林向密花落樹應疎  
贈鯉情無間求鶯思有餘暄妍不相待含嘆欲焉如

賦得元和布澤

潘孟陽

至德生成泰成歡煦育恩流輝霑萬物布澤在三元  
兆闕祥雲滿東方喜氣繁青陽初應律蒼玉正臨軒  
恩洽因時令風和比化源自慙同草木無以荅乾坤

賦得新陽改故陰

紇干諷

律管才催候寒郊忽變陰微和方應節積慘已辭林  
暗覺餘漸斷潛驚麗景侵禁城佳氣重北陸翠煙深  
有截知遐布無私荷照臨韶光如可及鶯谷免幽沈

省試臘後望春宮

林寬

皇都初度臘鳳輦出深宮高凭樓臺上遙瞻灞滄中  
仗凝霜彩白袍映日華紅柳眼方開凍鶯聲漸轉風

唐詩類苑

卷之十一

十一

御溝穿斷霽驪岫照斜空時見宸游興因觀稼穡功

偶作

白居易

紅杏初生葉青梅已綴枝珊瑚花落後寂寞酒醒時  
坐悶低眉久行慵舉足遲少年君莫恠頭白自應知

清河

李商隱

舟小迴仍數樓危凭亦頻燕來從及社蝶舞太侵晨  
絳雪除煩後霜梅取味新年華無一事只是自傷春

春遠

杜甫

蕭蕭花絮晚霏霏紅素輕日長唯鳥雀春遠獨柴荆  
數有關中亂何曾劍外清故鄉歸不得地入亞夫營

唐詩類苑卷第十

唐詩類苑

卷之十一

三九

唐詩類苑卷第十二

明雲間張之象玄超甫繫輯

雲間杜開美袁慶甫編次

雲間王微叔朗甫補訂

梁谿曹仁孫伯安甫校正

歲時部

夏

初夏

太宗

一朝春夏改，隔夜鳥花遷。陰陽深淺葉，曉夕重輕煙。  
啼鶯猶響殿，橫絲正網天。珮高蘭影接，綬細草紋連。

唐詩類苑

卷之十二

一

碧鱗驚棹側，玄燕舞簷前。何必汾陽處，始復有山泉。

初夏曲三首

劉禹錫

銅壺方促夏，斗柄暫南回。稍憺單袷重，初憐北戶開。

西園花已盡，新月為誰來。

時節遇繁華，陰陰千萬家。禽命子戲園果墜，枝斜

寂寞孤飛蝶，窺覓晚花。

綠水風初暖，青林露未晞。麥隴雉朝雊，桑野人暮歸。

百舌悲花盡，能無來去飛。

初夏卽事寄魯望

皮日休

夏景恬且曠，遠人疾初平。黃鳥語方熟，紫桐陰正清。

唐詩類苑

卷之十二

二

唯共陸夫子，醉與天壤并。

奉訓襲美先輩初夏見寄次韻

陸龜蒙

積雨晦暈闌，門前煙水平。蘋蘩增遙吹，枕席分餘清。  
村旆詫酒美，賒來滿經程。未必減宣子，何羨劉公榮。  
借宅去人遠，敗牆連古城。愁鴟占枯枿，野鼠趨前楹。  
昨日雲破損，晚林先覺晴。幽篁倚微照，碧粉含疎莖。  
蠹簡有遺字，疣琴無泛聲。蠶寒繭尚薄，燕喜雛新成。  
覽物正搖思，得君初夏行。誠明復散誕，化匠安能爭。  
海浪刷三島，天風吹六英。洪崖領玉節，坐使虛音生。

吾祖傲洛客因言幾爲僉末裔寔漁者敢懷千墨卿  
唯思釣璜老遂得持竿情何須乞鵝炙豈在斟羊羹  
畦蔬與甕醪便可相攜迎蟠木几甚曲筍皮冠且輕  
閒心放羈勒醉脚從欹傾一逕有餘遠一牕有餘明  
秦皇苦不達天下何足并

初夏寄顧紹宗

羅隱

江上偶分袂四迴寒暑更青山無路入白髮滿頭生  
郢浦鴈尋過鏡湖蟬又明憐君未歸日杯酒若爲情

初夏閑吟兼呈韋賓客

白居易

孟夏清和月東都閑散官體中無病痛眼下未饑寒

唐詩類苑

卷之十二

三

世事聞常悶交遊見卽歡杯觴留客切妓樂取人寬  
雪鬢隨身老雲心著處安此中殊有味試說向君看  
夏初醴泉南樓送太康顏少府

岑參

何地堪相餞南樓出萬家可憐高處送遠見故人車  
野果新成子庭槐欲作花愛君兄弟好書向穎中誇

賦得夏首啓節

太宗

北闕三春晚南榮九夏初黃鶯弄漸變翠林花落餘  
瀑流還響石猿啼自應虛早荷向心卷長楊就影舒  
此時歡不及調軫坐相於

賦得夏首猶清和

張聿

早夏宜春景和光起禁城祝融將御節炎帝啓朱明  
日送殘花晚風過御苑清郊原浮麥氣池沼發荷英  
樹影臨山動禽飛入漢輕幸逢堯禹化全勝谷中情

首夏

白居易

孟夏百物滋動植一時好麋鹿樂深林蟲蛇喜豐草  
翔禽愛密葉游鱗悅新藻天和遺漏處而我獨枯槁  
一身在天末骨肉皆遠道舊國無來人寇戎塵浩浩  
沈憂竟何益祇自勞懷抱不如放身心冥然任天造  
潯陽多美酒可使杯不燥湔魚賤如泥烹炙無昏早

唐詩類苑

卷之十二

四

朝飯山下寺暮醉湖中島何必歸故鄉茲焉可終老

首夏

白居易

林靜蚊未生池靜蛙未鳴景長天氣好竟日和且清  
春禽餘哢在夏木新陰成兀爾水邊坐翛然橋上行  
自問一何適身閑官不輕料錢隨月用生計逐日營  
食飽慚伯夷酒足愧淵明壽倍顏氏子富百黔婁生  
有一卽爲樂况吾四者并所以私自慰雖老有心情

首夏病間

白居易

我生來幾時萬有四千日自省于其間非憂卽有疾  
老去慮漸息春來病初愈忽喜身與心泰然兩無苦



况茲孟夏月清和好時節微風吹袂衣不寒復不熱  
移榻樹陰下竟日何所為或飲一甌茗或吟兩句詩  
內無憂患迫外無職役羈此日不自適何時是適時  
和陝州叅軍李通微首夏書懷呈同寮張裳  
段群工先輩  
姚鵠  
公門何事更相牽邵伯優賢任養閑滿院落花從覆  
地半簷初日未開關尋仙鄭谷煙霞裏避暑柯亭樹  
石間獨為高懷誰和繼椽曹同處挂同攀  
所居首夏水木尤清適然有作

皮日休

唐詩類苑

卷之十二

五

病來無事草堂空晝水休聞十二筒桂靜似逢青眼  
客松閒如見綠毛翁潮期暗動庭前碧梅信微侵地  
障紅盡日枕書慵起得被君猶自笑從公

奉和首夏次韻

陸龜蒙

柿陰成列藥花空却憶桐江下釣筒亦以魚蝦供熟  
鷺近綠櫻筍識隣翁閒分酒劑多還少自記書籤白  
間紅更愛夜來風月好轉思玄度對支公

新夏歌

李賀

曉木千籠真蠟絲落蒂枯香數分在陰枝拳牙卷縹  
茸長風迴氣扶蕙龍野家麥畦上新墉長畛徘徊桑

拓重刺香滿地菖蒲草雨梁燕語悲身老三月搖揚  
入河道天濃地濃柳梳掃

閑居孟夏卽事

許渾

綠樹陰青苔柴門臨一作向水開簟涼初熟麥枕膩一作  
潤乍經梅魚躍海風起一作風鼉鳴江雨來佳人竟何  
處一作佳期日夕上樓臺

早夏遊宴

白居易

雖慵興猶在雖老心猶健昨日山水遊今朝花酒宴  
山榴豔似火玉蘂飄如霞榮落逐瞬遷炎涼隨刻變  
未收木綿襪已動蒲葵扇且喜物與人年年得相見

唐詩類苑

卷之十二

六

青龍寺早夏

白居易

塵埃經小雨地高倚長坡日西寺門外景氣含清和  
閑有老僧立靜無凡客過殘鶯意思盡新葉蔭涼多  
春去來幾日夏雲忽嵯峨朝朝感時節年鬢暗蹉跎  
胡爲戀朝市不去歸煙蘿青山寸步地自問心如何

酬樂天早夏見懷

元稹

庭柚有垂實燕巢無宿雛我亦辭社燕茫茫焉所如  
君詩夏方早我嘆秋已徂食物風土異衾裯時節殊  
荒草滿田地近移江上居八日復切九月明侵半陰

池上早夏

白居易

水積春塘晚陰交夏木繁舟船如野渡籬落似江村  
靜拂琴牀席香開酒庫門慵閑無一事時弄小嬌孫

早夏遊平原回

白居易

夏早日初長南風草木香肩輦頗平穩澗路甚清涼  
紫蕨行看採青梅旋摘嘗療饑兼解渴一盞冷雲漿

早夏

錢起

楚狂身世恨情多似病如憂正是魔花萼敗春多寂  
寞葉陰迎夏已清和鸚鵡好鳥搖紅樹細白佳人著  
紫羅軍旅閱詩裁不得可憐風景遣如何

早夏寄元校書

司空曙

唐詩類苑

卷之二

七

獨遊野徑送芳菲高竹林居接翠微綠岸草深入  
徧青藜花盡蝶來稀珠荷薦果香寒簟玉柄搖風滿  
夏衣蓬華永無車馬到更當齋夜憶玄暉

夏日嘆

杜甫

夏日出東北陵天經中街朱光徹厚地鬱蒸何由開  
上蒼久無雷無乃號令乖雨降不需物良田起黃埃  
飛鳥苦熱死池魚涸其泥萬人尚流冗舉目唯蒿萊  
至今大河北盡作虎與豺浩蕩想幽薊王師安在哉  
對食不能餐我心殊未諧眇然貞觀初難與數子偕

夏日與柳公權聯句

文宗

人皆苦炎熱我愛夏日長文宗熏風自南來殿閣生微涼柳公

夏日仙萼亭應制

宋之問

高嶺逼星河乘輿此日過野舍時雨潤山襍夏雲多  
睿藻光嚴穴宸襟洽薜蘿悠然小天下歸路滿笙歌  
奉和夏日遊山應制

蔡文恭

見山嶽部

夏日山中

李白

懶搖白羽扇裸體青林中脫巾挂石壁露頂灑松風

夏日遊目聊作

駱賓王

唐詩類苑

卷之十二

八

暫屏囂塵累言尋物外情志逸心逾默神幽體自輕  
浦夏荷香滿田秋麥氣清詎假滄浪上將濯楚臣纓

夏日遊山家同夏少府

駱賓王

返照下層岑物外狎招尋蘭逕熏幽佩槐庭落暗金  
谷靜風聲徹山空月色深一遣樊籠累唯餘松桂心

夏日辨玉法師茅齋

孟浩然

夏日茅齋裏無風坐亦涼竹林深笋穉藤架引梢長  
燕覓巢窠處蜂來造蜜房物華皆可玩花藥四時芳

和夏日幽莊

盧照隣

聞有高蹤客耿介坐幽莊林壑人事少風煙鳥路長

瀑水含秋氣垂藤引夏涼苗深全覆隴荷上半侵塘  
釣渚青鳬沒村田白鷺翔知君振奇藻還嗣海隅芳

奉和夏日晚景應詔

楊師道

輦路夾垂楊離宮通建章日落橫峯影雲歸起夕涼  
彫軒動流吹羽籥息迴塘雜草生還綠殘花疎尚香  
青巖類姑射碧澗似汾陽幸屬無爲日歡娛方未央

夏日作

白居易

葛衣疎且單紗帽輕且寬一衣與一帽可以過炎天  
止于便吾體何必被羅紉宿雨杯筵嫩晨露園果鮮  
烹葵炮嫩笋可以備朝餐止于適吾口何必低眉顙  
唐詩類苑 卷之十二 九

飯訖盥漱已捫腹方果然婆娑庭前步安穩牕下眠  
外養物不費內歸心不煩不費用難盡不煩神易安  
庶幾無天關得以終天年

夏日閑放

白居易

時暑不出門亦無賓客至靜室深下簾小庭新掃地  
褰裳復岸幘閑傲得自恣朝景枕簟清乘涼一覺睡  
午餐何所有魚肉一兩味夏服亦無多蕉衫三五事  
資身既給足長物徒煩費若比簞瓢人吾今太富貴

夏日

白居易

東牕晚無熱北戶涼有風盡日坐復卧不離一室中

中心本無繫亦與出門同

夏日

韋應物

已謂心苦傷如何日方永無人不寢獨坐山中靜  
悟澹將遣慮學空庶遺境積俗易爲侵秋來復難整  
夏日閑居作四聲詩寄襲美

平聲

陸龜蒙

荒池菰蒲深閒堦莓苔平江邊松篁多人家簾櫳清  
爲書凌遺編調絃奏新聲求歡雖殊途探幽聊怡情

平上聲

朝煙涵樓臺晚雨染島嶼漁童驚狂歌艇子喜野語  
唐詩類苑 卷之十二 十

山容堪停杯柳影好隱暑年華如飛鴻斗酒幸且舉

平去聲

新開牕猶偏自種蕙未徧書籤風搖閣釣榭霧破見  
耕耘間之資嘯咏性最便希夷全天真記要問貴賤

平入聲

端居愁無涯一夕髮欲白因爲詩草吟忽憶鶴骨客  
手披丹臺文脚著赤玉舄如蒙清音訓若渴吸月液

奉酬夏日四聲四首

皮日休

平聲

塘平芙蓉低庭閒梧桐高  
清煙埋陽烏藍空含秋毫

冠傾情移簪杯乾將舖槽儵然非隨時夫君真吾曹

平上聲

溝渠通疎荷浦嶼隱淺篠舟閒攢輕蘋樂動起靜鳥  
陰稀餘乘間縷盡晚繭小吾徒當斯時此道可以了

平去聲

怡神時高吟快意乍四顧村深啼愁鵲浪霽醒睡鷺  
書疲行終朝草困卧至暮吁嗟當今交暫貴便異路

平入聲

先生何遊時一室習寂歷松聲將飄堂微色欲壓席  
彈琴奔玄雲斲藥折白石如教題君詩若得札玉冊

唐詩類苑

卷之十二

夏日途中

李 廓

樹夾炎風路行人正午稀初蟬數中起戲蝶一團飛  
日色欺清鏡槐高點白衣無成歸故里自覺少光輝

蜀中寓止夏日自貽

鄭 谷

展轉欲孤枕風幃信寂寥漲江垂蟬噪驟雨開芭蕉  
道阻歸期晚年加記性銷故人衰颯盡相望在行朝

夏日閑居

張 籍

多病逢迎少閑居又一年藥看辰日合茶過卯時煎  
草長晴來地蟲飛晚後天此時幽步遠不覺到山邊

藥名離合夏日卽事三首

陸龜蒙

乘屐著來幽砌滑石罍煎得遠泉甘草堂祗待新秋  
景天色微涼酒半酣

避暑醉眠從朴野葛巾筠席更相當歸來又好乘涼  
釣藤蔓陰陰著雨香

牕外曉簾還自卷栢煙蘭露思晴空青箱有意終須  
續斷簡遺編一半通

奉和藥名離合夏日卽事三首

皮日休

季春人病抱芳杜仲夏溪波繞壞垣衣典濁醪身倚  
桂心中無事到雲昏

唐詩類苑

卷之十二

十二

數曲急溪衝細竹葉舟來往盡能通草香石冷無  
遠志在天台一遇中

桂葉似茸含露紫葛花如綬蘸溪黃連雲更入幽深  
地骨錄間攜相蠟郎

夏日

韓 偓

庭樹新陰葉未成玉階人靜一蟬聲相風不動烏龍  
睡時有嬌鶯自喚名

夏日寄江上親友

許 渾

雨過山前日未斜清蟬嘒嘒落槐花車輪南北已無  
恨江上故人纔到家

夏日湖上卽事寄晉陵蕭明府

章碣

亭午羲和駐火輪，開門嘉樹庇湖濱。  
行來賓客奇茶味，睡起兒童帶簟紋。  
屋小有時投樹影，舟輕不覺入鷗群。  
陶家豈是無詩酒，公退堪驚日已曛。

夏夜嘆

杜甫

永日不可暮，炎蒸毒我腸。  
安得萬里風，飄颻吹我裳。  
昊天出華月，茂林延疎光。  
仲夏苦夏短，開軒納微涼。  
虛明見纖毫，羽蟲亦飛揚。  
物情無巨細，自適固其常。  
念彼荷戈士，窮年守邊疆。  
何由一洗濯，執熱互相望。

唐詩類苑

卷之十二

十三

長夏十首

元稹

夏風多暖暖，樹木有繁陰。  
新筍紫長短，早櫻紅淺深。  
煙花雲幕重，榴豔朝景侵。  
華實各自好，詎云芳意沈。

二

初日滿階前，輕風動簾影。  
旬時得休浣，高卧閱清景。  
僮兒拂巾箱，鴟鵂軋深林。  
井心到物自閑，何勞遠箕穎。

三

江瘴炎夏早，蒸騰信難度。  
今宵好風月，獨此荒庭趣。

露葉傾暗光，流星委餘素。  
但恐清夜徂，詎悲朝景暮。

四

孟月夏猶淺，奇雲未成峯。  
度霞紅漠漠，壓浪白溶溶。  
玉委有餘潤，颯馳無去蹤。  
何如捧雲雨，噴毒隨蛟龍。

五

流芳遞炎景，繁英盡寥落。  
公署香滿庭，晴霞覆欄藥。  
裁紅起高焰，綴綠排新萼。  
憑此遣幽懷，非言念將謫。

六

紅絲散芳樹，旋轉光風急。  
煙泛被籠香，露濃粧面濕。  
佳人不在此，悵望階前立。  
忽厭夏景長，今春行已及。

唐詩類苑

卷之十二

十四

七

百舌漸吞聲，黃鸝正嬌小。  
雲鴻方警夜，籠鷄已鳴曉。  
當時客自適，運去誰能矯。  
莫厭夏蟲多，蜩蟬定相擾。

八

翩翩簾外燕，戢戢巢內雛。  
啖食筋力盡，毛衣成紫襦。  
朝來各飛去，雄雌梁上呼。  
養子將備老，惡兒那勝無。

九

西山夏雪消，江勢東南瀉。  
風波高若天，灩澦低於馬。  
正被黃牛旋難期，白帝下我  
在平地行，翻憂濟川者。

十

靈均死波後是節常浴蘭綠樓碧筠攬香杭白玉圓  
逝者良自苦今人反爲歡哀哉徇名士沒命求所難

夏晝偶作

柳宗元

南州溽暑醉如酒隱几熟眠開北牖日午獨覺無餘  
聲山齋隔竹敲茶臼

夏景端居卽事

元稹

北齋有涼氣嘉樹對層城重門永日掩清池夏雲生  
遇此庭訟簡始聞蟬初鳴逾懷故園愴默默以絨情

夏景冲澹偶然作二首

皮日休

祇限蒲褥岸烏紗味道澄懷景便斜紅印寄泉慙郡

唐詩類苑

卷之十二

五

守青筐與筍愧僧家茗爐盡日燒松子書案經時剝  
瓦花園吏暫棲君莫笑不妨猶更著南華

一室無喧事事幽還如貞白在高樓天台畫得千迴

看湖目通子芳來百度遊無限世機吟處息幾多身

計釣前休他年謁帝言何事請贈劉伶作醉侯

奉和夏景冲澹偶然作次韻二首

陸龜蒙

蟬雀參差在扇紗竹襟輕利籜冠斜爐中有酒文園  
會琴上無絃靖節家芝畹煙霞全覆穗橘洲風浪半

浮花閒思兩地忘名者不信人間髮解華

祇於池曲象山幽便是瀟湘浸石樓斜拂芙蓉盤輕鷺  
下細穿菱線小鯢遊閒開茗焙嘗須徧醉撥書帷卧  
始休莫道仙家無好爵方諸還拜碧琳侯

夏景無事因懷章來二上人

皮日休

澹景微陰正送梅幽人逃暑薺楠杯水花移得和魚  
子山蕨收時帶竹胎嘯館大都偏見月醉鄉終竟不  
聞雷更無一事惟畱客却被高僧怕不來

佳樹盤珊枕草堂此中隨分亦閒忙平鋪風簟尋琴  
譜靜掃煙牕著藥方幽鳥見貧畱好語白蓮知卧送

唐詩類苑

卷之十二

十六

清香從今有計消閒日更爲支公置一牀

奉和夏景無事因懷章來二上人

陸龜蒙

簷外青楊有二梅折來堪下凍醪杯高杉自欲生龍  
腦小弁誰能寄鹿胎麗事肯教饒沈沈謝談微何必滅

宗雷還聞擬結東林社爭奈淵明醉不來

忽憶高僧坐夏堂厭泉聲閑笑雲忙山重海澹懷中

印月冷風微宿上方病後書求嵩少藥定迴衣染貝

多香何時更問逍遙義五粒松陰半石床

郊夏

白居易

西日照高樹樹頭子規鳴東風吹野水水畔江籬生  
盡日看山立有時尋漫行元元長如此何許似專城

從元太守夏燕西樓

王建

六月晨亦熱卑居多煩昏五馬遊西城几杖隨朱輪  
西樓臨方塘嘉木當華軒鳬鷺滿中流有酒復盈樽  
山東地無山平視大一作海浪高風涼氣來灝景沈  
清源青衿假坐傍禮容益存存願爲顏氏徒歌詠夫  
子門

夏宴張兵曹東堂

李頎

見人部宴集

唐詩類苑

卷之十三

十七

中夏晝卧

劉兼

寂寂無憀九夏中傍簷依壁待清風壯圖奇策無人  
問不及南陽一卧龍

和微之四月一日作

白居易

四月一日天花稀葉陰薄泥新燕影忙蜜熟蜂聲樂  
麥風低冉冉稻水平漠漠芳節或蹉跎遊心稍牢落  
春花信爲美夏景亦未惡風浪嫩青荷熏欄晚紅藥  
吳宮好風月越郡多樓閣兩地誠可憐其奈久離索

季夏入北山

林璠

整駕俟明發逶迤歷險途天形逼峯盡地勢入谿無

樹遶圓峰密雲橫沓障孤誰憐後時者六月未南圖

南山家園林木交映盛夏五月幽然清涼獨

坐思遠率成十韻

陳子昂

寂寥守窮巷幽獨卧空林松竹生虛白階庭橫一作  
古今鬱蒸炎夏晚棟宇闕清陰軒牕交紫靄簷戶對  
蒼岑鳳蘊仙人錄鸞歌素女琴忘機委人代開漏察  
天心蛟蝶憐紅藥蜻蜓愛碧潯坐觀萬象化方見百  
年侵擾擾將何息青青長苦吟願隨白雲駕龍鶴相  
招尋

奉和六月壬午應令

陳子昂

唐詩類苑

卷之十三

十八

玄圃棲金碧虛澗挹一作抱

現瑤築山象崑崙穿池控

類一作

海潮雷奔石鯨動水澗牽牛遙誘龜猶怯渡鞭

石詎成橋崖崩下生窟壁峭上千霄躁蛙常獨沸游

魚或自跳荒徑橫臨浦空舟斜插橈愁鷗集古樹白

露隱丹苗初心重丘壑散步懷漁樵石累元卿徑杖

挂許由瓢伊臣本寂寞一作畏市朝爲貪山水心所

競意

唯逍遙寄言周伯顯勞君擅穀綃

晚夏閑居絕無賓客欲尋夢得先寄此詩

白居易

魚筍朝餐飽蕉紗暑服輕欲爲牕下寢先傍水邊行



晴引鶴雙舞秋生蟬一聲無人解相訪有酒共誰傾  
老更諳時事閑多見物情只應劉與白二叟自相迎

晚夏卽事臨南居

耿漳

何須學從宦其奈本無機蕙草芳菲歇青山早晚歸  
廣庭餘落照高枕對閒扉樹色迎秋老蟬聲過雨稀  
艱難逢事異去就與時違遙憶衡門外蒼蒼三徑微

山下殘夏偶作

李山甫

等閑三伏後獨卧此高丘殘暑炎於火林風爽帶秋  
聲名何要出吟詠亦堪休自許紅塵外雲谿好漱流

小園納涼卽事

蘇頌

唐詩類苑

卷之十二

五

煩暑避鬱蒸歸閑習高明長風自遠來層閣有餘清  
散灑納涼氣蕭條遺世情奈何誇大隱終日繫塵纓

納涼

王維

喬木萬餘株清流貫其中前臨大川口豁達來長風  
連漪涵白沙素鮪如遊空偃卧盤石上翻濤沃微躬  
漱濯濯足前對釣魚翁貪餌凡幾許徒思蓮葉東  
安州般若寺水閣納涼喜過薛員外又

李白

脩然金園賞遠近含晴光樓臺成海氣草木皆天香  
忽逢青雲士共解丹霞裳水退池上熱風生松下涼

吞計破萬象寒窺臨衆芳而我遺有漏與君用無方  
心垢都未滅永言題禪房

東郊納涼憶左威衛李錄事收昆季太原崔

參軍三首并序

樓穎

僕三伏於通化門東北數里避暑之地地卽故倅  
天官顧公之舊林今貳冢宰君李公之別業右抵  
禁籞斜界沁園空水相輝步虹橋而下視竹木交  
映弄仙棹而俯窺足滌煩襟陶蒸暑獨往成興恨  
不與數公共之率然有作因以見意

水竹誰家宅幽庭向苑門今知季倫沼舊是辟疆園

唐詩類苑

卷之十二

二十

饑鷺窺魚靜鳴鷗帶子喧興成祇自適欲白反忘言

二

納涼每選地近得青門東林與繚垣接池將沁水通  
枝交帝女樹橋映美人虹想是忘機者悠悠在興中

三

林間求適意池上得清飈稍稍斜回櫂時時一度橋  
水光壁際動山影浪中搖不見李元禮神仙何處要

夏日納涼

嚴維

山陰過野客鏡裡接仙郎盥漱臨寒水褰闥入夏堂  
杉松交日影枕簟上湖光袞袞承嘉話清風納晚涼



精舍納涼

元稹

山景寂已晦野寺變蒼蒼夕風吹高殿露華散林光  
清鐘始戒夜幽禽尚歸翔誰復掩扉卧不詠南軒涼

再過王輅原居納涼

周賀

夏天多憶此早晚得秋分舊月來還見新蟬坐忽聞  
扇風調病葉溝水隔殘雲別有微涼處從容不似君

鳳翔西池與賈島納涼

朱慶餘

四面無炎氣清池潤復深蝶飛逢草住魚戲見人沈  
拂石安茶器移牀選樹陰幾迴同到此盡日得閑吟

府西亭納涼歸

白居易

唐詩類苑

卷之十二

三

避暑府西亭晚歸有閑思夏淺蟬未多綠槐陰滿地  
帶寬衫解領馬穩人攏轡面上有清風眼前無俗事  
路經府門過落日照官次牽聯縲繼囚奔走塵埃吏  
低眉悄不語誰復知茲意憶得五年前晚衙時氣味

與孟郊納涼聯句

韓愈

遽嘯取遙風微微近秋朔金柔氣尚低火老候愈

蜀熙熙炎光流竦竦高雲揮閃紅驚蚋虬聚赤

聳山嶽目林恐焚燒耳井憶邊潯仰懼失交泰非時  
結氷電化鄧渴且多奔河誠已懸渴道者誰子叩商  
者何樂洗矣得滂沱感然鳴鶴鳴嘉願苟亦

空綯邈清砌千迴坐冷環再三握煩懷却星星高意

還卓卓龍沈劇煮鱗牛喘甚焚角蟬煩鳴轉喝烏

噪饑不啄畫蠅食案繁宵蚋肌血渥單絺厭已褊長

簞倦還捉幸茲得佳朋於此蔭華楠青焚文簞施澹

漱甘瓜濯大壁曠凝淨古畫奇駁犖妻如狝寒門皓

若攢玉璞掃寬延鮮飆汲冷清香檣篋實摘林珍盤

肴饋禽殼空堂喜淹留貧饌羞齷齪殷勤相勸勉

左右加礮斲賈勇發霜刃爭前曜冰槩微然草根響

先被詩情覺感衰悲舊改工異逞新作誰言檳朋老

猶自將心學危簷不敢憑朽機懼傾撲青雲路難近

唐詩類苑

卷之十二

三

黃鶴足仍鋌未能飲淵泉立滯呌芳葯與子昔睽

離嗟余苦屯剝直道敗邪徑拙謀傷巧詠炎胡度氛

氲熱石行犖砢瘠饑夏猶甚瘡渴秋更數君顏不可

覲君手無由搨今來沐新恩庶見返鴻朴儒庠恣游

息聖籍飽商摧危行無低徊正言免咿嚶車馬獲同

驅酒醪欣共款惟憂棄管蒯敢望侍帷幄此志且何

如希君為追琢

晚夜逐涼

白居易

送客出門後移牀下砌初趁涼行繞竹引睡卧看書  
老更爲官拙慵多向事疎松牕倚藤杖人道似僧居

池畔逐涼

白居易

風清泉冷竹修修三伏炎天涼似秋黃犬引迎騎馬客  
青衣扶下釣魚舟衰容自覺宜閑坐蹇步誰能更遠遊  
料得此身終老處只應林下與灘頭

追涼歷下古城西北

此地有清泉喬木

盧象

謝眺出華省王祥貽佩刀前賢真可慕衰疾意空勞  
貞悔不自卜遊隨共爾曹未能齊得役時復請離騷  
閑蔭七賢地醉餐二士桃蒼苔虞舜井喬木古城壕  
漁父偏和狎堯年不可逃蟬鳴和雨霽雲白曉山高

唐詩類苑

卷之十二

三

咫尺傳雙鯉吹噓落一毛故人皆得路誰肯念同袍

新秋喜涼因寄兵部楊侍郎

白居易

外強火未退中銳金方戰一夕風雨來炎涼隨數變  
徐徐炎景度稍稍涼颿扇枕簟忽淒涼巾裳亦輕健  
老夫納秋候心體殊安便搖足一屈伸搔首摩挲面  
寒簾對池竹幽寂如僧院俯觀遊魚群仰數浮雲片  
忙閑各有趣彼此寧相見昨日聞幕巢召對延英殿

涼思

李商隱

客去波平檻蟬休露滿枝永懷當此節倚立自移時

北斗兼春遠南陵寓使遲天涯占夢數疑誤有新知

谿晚涼

李賀

白狐向月號山風秋寒掃雲留碧空玉煙青濕白如  
瞳銀灣曉轉流天東溪汀眠鷺夢征鴻輕連不語細  
游溶層岫迴岑復疊龍苦篴對客吟歌筒

雜言

司空曙

伏餘西景移風雨灑輕絺燕拂青蕪地蟬鳴紅葉枝

唐詩類苑

卷之十二

二十四

唐詩類苑卷第十三

明雲間張之象玄超甫纂輯

雲間杜開美表度甫編次

雲間王徹叔朗甫補訂

梁谿曹仁孫伯安甫校正

歲時部

秋

九成宮秋初應詔

劉禕之

九成宮本隋仁壽宮也唐太宗修以避暑更名九成宮永徽初又名萬年宮

唐詩類苑

卷之十三

帝園疏金闕僊臺駐玉鑾野分鳴鶴岫路接寶鷄壇

林樹千霜積神宮四序寒蟬急知秋早鷺疎覺夏闌

怡神紫氣外凝睇白雲端燁海詞波發空驚遊聖難

酬蕭二十七侍御初秋言懷

郎士元

楚客秋多興江林月漸生細枝涼葉動極浦早鴻聲

勝賞睽前夕新詩報遠情曲高慚和者惆悵閉寒城

初秋寄友人

羅隱

九華曾屏跡罹亂與心違是處堪終老新秋又未歸

病中芳草歇愁裏白雲飛樵侶兼同志音書近亦稀

初秋寄友人

溫庭筠

閑夢正悠悠涼風生竹樓夜琴知欲雨曉簾覺新秋

獨鳥楚山遠一蟬關樹愁憑將離別恨江外問同遊

和薛先輩見寄初秋寓懷卽事之作二十韻

韋莊

玉律初移候清風乍遠襟一聲蟬到耳千炬火燃心

嶽靜雲堆翠樓高日半沈引愁憎暮角驚夢怯殘碁

露白凝湘簾風篁韻蜀琴鳥喧從果爛塔淨任苔侵

柿葉添紅影槐柯減綠陰採珠逢寶窟閱石見瑤林

魯殿鏗寒玉苔山激碎金郗堂流桂影陳巷集車音

唐詩類苑

卷之十三

名自張華顯詞因葛亮吟水深龍易失天遠鶴難尋

鑒貌寧慙樂論才豈謝任義心孤劍直學海怒濤深

既觀文兼質翻疑古在今慙聞紆綠綬候候挂朝簪

晚樹連秋塢斜陽映暮岑夜蟲方唧唧疲馬正駸駸

託跡同吳燕依人似越禽會隨僊羽化香蟻且同斟

初秋

孟浩然

不覺初秋夜漸長清風習習重淒涼炎炎暑退茅齋

靜階下叢莎看露光

新秋晚興

白居易

濁暑忽已退清宵未全長晨缸耿殘焰宿閣凝微香

喔喔鷄下樹輝輝日上梁枕低茵席軟臥引深入牀  
睡足景猶早起初風乍涼展張小屏障收拾生衣裳  
還有惆悵事遲遲未能忘拂鏡梳白髮可憐冰照霜

新秋

白居易

二毛生鏡日一葉落庭時老去爭由我愁來欲泥誰  
空銷閑歲月不見舊親知唯弄扶牀女時時強展眉

新秋喜涼

白居易

過得炎蒸月尤宜老病身衣裳朝不潤枕簟夜相親  
樓月纖纖早波風嫋嫋新光陰與時節先感是詩人

新秋雨後

僧貫休

唐詩類苑

卷之三

三

夜雨洗河漢詩懷覺有靈籬聲新蟋蟀草影老蜻蜓  
靜引閑機發涼吹遠思醒逍遙向誰說時泥漆園經

新秋言懷寄魯望三十韻

皮日休

新秋入破宅疎澹若平郊戶牖深如窟詩書亂似巢  
移牀驚蟋蟀拂匣動蠨蛸靜把泉華掬閒拈乳管敲  
檜身渾箇矮石面得能顛小桂如拳葉新松似手梢  
鶴鳴轉清角鵲下撲金蟬合藥還慵服爲文亦懶抄  
煩心入夜醒疾首帶涼抓杉葉尖於鐵藤絲韌似鞘  
債田含紫芋低蔓隱青匏老栢渾如疥陰苔忽似膠  
王餘落敗塹胡孟入空庖度日忘冠帶經時憶酒肴

有心同木偶無舌並金鑊興欲添玄測狂將換易爻  
達人唯落落俗士自譊譊底力將排難何顏用解嘲  
欲銷毀後骨空轉坐來胞猶豫應難抱狐疑不易包  
等閑逢毒蠱容易遇咆哮時事方千碣公途正二嶠

名微甘世棄性拙任時拋白日須投分青雲合定交  
仕應同五柳歸莫舍三茅澗鹿從來去煙蘿任溷轍  
狙公關後戲雲母病來蘓從此居方丈終非競十笏  
道窮應鬼遺性拙必天教無限疎慵事憑君解一嘲

奉和新秋言懷三十韻次韻

陸龜蒙

唐詩類苑

卷之三

四

身閑唯愛靜籬外是荒郊地僻憐同巷庭喧厭累巢  
岸聲搖舴艋影辨蠨蛸徑抵溪禽下關唯野客敲  
竹岡從古凸池緣本來顛早藕擎霜節涼花束紫梢  
漁情隨錘網獵興起鳴榔好夢經年說名方著處抄  
才疎唯自補技癢欲誰抓窻靜常懸蘿鞭閒不正鞘  
山衣輕芥藻天籟逸絃匏蕙轉風前帶桃烘雨後膠  
鮮乾粘晚砌煙濕動晨庖沈約便圖籍楊雄重酒肴  
目曾窺絕洞耳不犯征鑣層外窮飛朔著中記伏爻  
石林空寂歷雲肆肯曉譊松桂何妨蠹龜龍亦任嘲  
未能丹作髓誰相紫爲胞莫把榮枯異但和大小包

由弓猿不捷梁園虎忘憇舊友懷三益關山阻二嶠  
道隨書麗古時共釣輪拋好作忘機士須爲莫逆交  
看君馳諫草憐我臥衡茅出處雖冥默薰猶肯溷殺  
岸沙從鶴印崖蜜勸人穠白菌盈枯枿黃精滿綠筍  
僊因隱居信禪是淨名教勿謂江湖永終浮一大砲

新秋

白居易

西風飄一葉庭前颯已涼風池明月水衰蓮白露房  
其奈江南夜綿綿自此長

新秋卽事二首

皮日休

癡號多於顧愷之更無餘事可從知酒坊吏到常先

唐詩類苑

卷之三

五

見鶴料符來每探支涼後定謀清月社晚來專赴白  
蓮期共君無事堪相賀又到金釐玉鱸時

堪笑高陽病酒徒幅巾瀟灑在東吳秋期淨掃雲根  
瘦山信回緘乳管蠟白月半窻抄術序清泉一器授  
芝圖乞求待得西風起盡挽煙帆入太湖

露槿風杉滿曲除高秋無事似雲廬醉多已甚家人  
厭病久還甘吏道疎青桂巾箱時寄藥白綸臥具半  
拋書君卿唇舌非吾事且向江南問鰈魚

奉和新秋卽事次韻三首

陸龜蒙

心似孤雲任所之世塵中更有誰知愁尋冷落驚雙

鬢病得清涼減四支懷舊藥溪終獨往宿枯杉寺已  
頻期兼須爲月求高處卽是霜輪殺滿時  
帆檝衣裳盡釣徒往來踪跡徧三吳閒中展卷興亡  
小醉後題詩點畫巖松島伴譚多道氣竹窻孤夢豈  
良圖還須待致昇平了卽任扁舟放五湖  
聲利從來解破除秋難唯憶下桐廬鷓鴣陣合殘陽  
少蜻蛚吟高冷雨疎辯伏南華論指指才非玄宴借  
書書當時任使真堪笑波上三年學炙魚

巴陵早秋寄荊州崔司馬吏部閣功曹舍人

賈至

唐詩類苑

卷之三

六

謫居瀟湘渚再見洞庭秋極目連江漢西南浸斗牛  
滔滔盪雲夢澹澹搖巴丘曠如臨渤澥宵疑造瀛洲  
君山麗中波蒼翠長夜浮帝子去永久楚詞尚悲愁  
我同長沙行時事加百憂登高望舊國胡馬滿東周  
宛葉遍蓬蒿樊鄧無良疇獨攀青楓樹淚灑滄江流  
故人西掖寮同扈岐陽蒐差池盡三黜踴躍各南州  
相去雖地接不得從之遊耿耿雲陽臺迢迢王粲樓  
歧予暮霞裏誰謂無輕舟

酬楊司業十二兄早秋述情見寄

今春與楊兄會於馮

此詩同州作

元稹

白髮故人少相逢意彌遠往事共銷沈前期各衰晚  
昨來彌遇苦已復雲離嘯秋草古膠庠寒沙廢官苑  
知心豈忘鮑詠懷難和阮壯志日蕭條那能憶朝慙

酬牛相公宮城早秋寓言見示兼呈夢得時

夢得有疾

白居易

七月中氣後金與火交爭一聞白雪唱暑退清風生  
碧樹未搖落寒蟬始悲鳴夜涼枕簟滑秋燥衣巾輕  
疏受老慵出劉禎疾未平何人伴公醉新月上宮城  
權攝招應早秋書事寄元拾遺兼呈李司錄

白居易

唐詩類苑

卷之十三

七

夏閏秋候早七月風騷騷渭川煙景晚驪山宮殿高  
丹陛子司諫赤縣我徒勞相去半月程不得同遊遨  
到官來十日覽鏡生二毛可憐趨走吏塵土滿青袍  
郵傳擁兩驛簿書堆六曹爲問綱紀掾何必使鉛刀

早秋曲江感懷

白居易

離離暑雲散嫋嫋涼風起池上秋又來荷花半成子  
朱顏自銷歇白日無窮已人壽不如山年光急於水  
青蕪與紅蓼歲歲秋相似去歲此悲秋今秋復來此

曲江早秋

白居易

秋波紅蓼水夕照青蕪岸獨信馬蹄行曲江池四畔

早涼晴後至殘暑暝來散方喜炎燠銷復嗟時節換  
我年三十六冉冉昏復旦人壽七十稀七十將過半  
且當對酒笑勿起臨風歎

早秋晚望兼呈韋侍御

白居易

九派繞孤城城高生遠思人煙半在船野水多於地  
穿霞日脚直驅鴈風頭利去國來幾時江上秋三至  
夫君亦淪落此地同飄寄憫默向隅心摧頽觸籠翅  
且謀眼前計莫問胸中事潯陽酒甚濃相勸時時醉

儀鸞殿早秋

太宗

寒驚薊門葉秋發小山枝松陰背日轉竹影避風移

唐詩類苑

卷之

八

提壺菊花岸高興芙蓉池欲知涼氣早巢空燕不窺

奉和儀鸞殿早秋應制

許敬宗

睿想追嘉豫臨軒御早秋斜暉麗粉壁清吹肅朱樓  
高殿凝陰滿雕窗艷曲流小臣參廣宴大造諒難酬

太原早秋

李白

歲落衆芳歇時當大火流霜威出塞早雲色渡河秋  
夢繞邊城月心飛故國樓思歸若汾水無日不悠悠

早秋別盧玄休

僧清塞

此別經歲久唯約半夜回野渡人初過前山雪未開  
鴈群逢曉斷秋色映春來是夜蘆花宿嚴家有釣臺

旅中早秋

劉威

金威生止水爽氣遙遙空草色蕭條路槐花零落風  
夜來萬里月覺後一聲鴻莫問前程事颯然沙上蓬

早秋

魚玄機

嫩菊含新彩遠山閑夕煙涼風驚綠樹清韻入朱絃  
思婦機中錦征夫塞外天鴈飛魚在水書信若爲傳

早秋三首

許渾

逢夜泛清瑟西風生翠蘿殘螢委玉露早鴈拂金河  
高樹曉還密遠山晴更多淮南一葉下自覺老煙波

唐詩類苑

卷之十三

九

黃葉下前墀淮南人已悲蹉跎青漢望迢遞白雲期  
老信相如渴貧憂憂情饑生公與園吏何處是吾師

三

薊北鴈猶遠淮南人已悲殘桃間墮并新菊亦侵籬  
書劍豈相誤琴樽聊自持西齋風雨夜更有詠貧詩

早秋

杜牧

疎雨洗空曠秋標驚意新大熱去酷吏清風來故人  
樽酒酌未酌曉花頰不頰銖秤與縷雪誰覺老陳陳

早秋山居

溫庭筠

山近覺寒早草堂霜氣晴樹周窻有日池滿水無聲

菓落見猿過葉乾聞鹿行素琴機慮靜空伴夜泉清

九江早秋

羅隱

雨過晚涼生樓中枕簟清海風吹亂木巖聲落孤城  
百歲幾多日四蹄無限程西鄰莫高唱俱是別離情

早秋宿崔業居處

馬戴

從來席不暖爲爾便淹留鷄黍今相會雲山昔共遊  
上簾宜晚景臥簾覺新秋身事何須問予心正四愁

早秋山中作

李山甫

誰到山中語雨餘風氣秋煙嵐出澗底瀑布落牀頭  
至道亦非遠僻詩須苦求千峯有嘉景拄杖獨巡遊

唐詩類苑

卷之十三

十

池上早秋

白居易

荷芰綠參差新秋水滿池早涼生北檻殘照下東籬  
露飽蟬聲懶風乾柳意衰過潘二十歲何必更愁悲

和李使君三郎早秋城北亭樓宴崔司士因

寄關中弟張評事時遇盧綸

黃花古城路上盡見青山桑柘晴川口牛羊落照間  
野情隨卷慢軍事隔重關道合偏多賞官微獨不開

鶴分琴久罷書到鴈應還爲謝登龍客瓊枝寄一攀

襄陽早秋寄岑侍郎

崔寔

江城秋氣早旭旦坐南闌落葉驚衰鬢清霜換旅衣



時來矜早達事往覺前非體道徒推理防身終昧微  
故人金華省肅穆秉天機誰念江漢廣蹉跎心事違

幽居早秋閑詠

白居易

幽僻羣塵外清涼水木間臥風秋拂簟步月夜開關  
且得身安泰從他世險艱但休爭要路不必入深山  
軒鶴畱何用泉魚放不還誰人知此味臨老十年間

江樓早秋

白居易

南國雖多熱秋來亦不遲湖光朝露後竹氣晚涼時  
樓閣宜佳客江山入好詩清風水蘋葉白露木蘭枝  
欲作雲泉計須營伏臘資匡廬一步地官滿更何之

唐詩類苑

卷之十三

十一

早秋宿田舍

曹鄴

澗草踈踈螢火光山月朗朗楓樹長南村犢子夜聲  
急應是欄邊新有霜

早秋山中作

王維

無才不敢累明時思向東溪守故籬豈厭尚平婚嫁  
早却嫌陶令去官遲草間蛩響臨秋急山裏蟬聲薄  
暮悲寂寞柴門人不空林獨與白雲期

早秋歸

劉威

數口飄零身未迴夢魂遙斷越王臺家書欲寄鴈飛  
遠客恨正深秋又來風解綠楊三畧冷月當銀漢四

山開泮泮歸路在何處砧杵一聲心已摧

賈朗州見示與澧州元郎中早秋贈作命同

答

劉禹錫

鄰境諸侯同舍郎芷江蘭浦恨無梁秋風門外旌旗  
動曉露庭中橘柚香玉簾微涼宜白晝金笳入暮應  
清商騷人昨夜聞啼鳥不歎流年惜衆芳

早秋吳體寄襲美

陸龜蒙

荒庭古樹只獨倚敗蟬殘蛩苦相仍雖然詩膽大於  
斗爭奈愁腸牽似繩短燭初添蕙幌影微風漸折蕉  
衣稜安得彎弓似明月快箭拂下西飛鵬

唐詩類苑

卷之十三

十二

奉和早秋

皮日休

書淫傳癖窮欲死詭譎何必頻相仍日乾陰藟厚堪  
剥藤把畝松牢似繩搗藥香侵白袷袖穿雲潤破烏  
紗稜安得瑤池飲殘酒半醉騎下垂天鵬

閑居早秋

羅隱

槐杪清蟬煙雨餘蕭蕭涼葉墜衣裾噪槎鳥散沈蒼  
嶺弄杵風高上碧虛百歲夢生悲蛺蝶一朝香死泣  
芙蓉六宮誰買相如賦團扇恩情日日踈

景申秋八首

元稹

年年秋意緒多向雨中生漸欲煙火近稍憐衣服輕



詩詩閑處立憶事夜深行渡落尋常慣淒涼別爲情

二

蚊幌雨來卷燭蛾燈上稀啼兒冷秋簾思婦問寒衣  
簾斷螢火入憲明蝙蝠飛良辰日夜去漸與壯心違

三

嗚嗚簷雷疑丁丁窻雨繁枕傾筒簾滑慢聽寒燈翻  
喚麗兒難覺吟詩婢苦煩強眠終不着閑臥暗消魂

四

瓶瀉高簷雨窻來激箭風病憎燈火暗寒覺薄幃空  
婢報樵蘇竭妻愁院落通老夫慵計數教想蔡城東

唐詩類苑

卷之十三

十三

五

風頭難着枕病眼厭看書無酒銷長夜回燈照小餘  
三元推廢王九曜入乘除廊廟應多笑參差幹太虛

六

經雨籬落壞入秋田地荒竹垂哀折節蓮敗惜空房  
小片慈姑白低叢柚子黃眼前撩亂輩無不是同鄉

七

雨柳枝枝弱風光片片斜蜻蜒憐曉露蛺蝶戀秋花  
饑啖空籬雀寒棲滿樹鴉荒涼池館內不似有人家

八

病苦十年後連陰十日餘人方教作鼠天豈遣爲魚

蛟綆鄴城側蟲凋鬼火書出聞泥滓盡何地不摧車

秋

李山甫

傍雨依風冷漸勻更憑青女事精神來時將得幾多  
鴈到處愁他無限人能被綠楊深懊惱謾隈黃菊送  
慇懃鄰家不用偏吹律到底榮枯也自均

和樂天秋題曲江

元稹

十載定交契七年鎮相隨長安最多處多是曲江池  
梅杏春尚小芰荷秋已衰共愛寥落境相將偏此時  
綿綿紅蓼水颺颺白鷺驚驚詩句偶未得酒盃聊久持

唐詩類苑

卷之十三

十四

今來雲雨曠舊賞魂夢知况乃江楓夕和君秋興詩

秋來

李賀

桐風驚心壯士苦衰燈絡緯啼寒素誰看青簡一編  
書不遣花蟲粉空蠹思牽今夜腸應直雨冷香魂弔  
書客秋墳鬼唱鮑家詩恨血千年土中碧

到秋

李商隱

扇風漸瀝簾流滴萬里南雲滯所思守到清秋還寂

寞葉丹苔碧閉門時

秋日效庾信體

太宗

橫街宵月桂珠穿曉露叢蟬啼覺樹冷螢火不溫風

花生園菊藥荷盡戲魚通晨浦鳴飛鴈夕渚集棲鴻  
颯颯高天吹氛澄下熾空

秋日二首

太宗

爽氣澄蘭沼和風動桂林露凝千片玉菊散一叢金  
日岫高低影雲空點綴陰蓬瀛不可望泉石且娛心

二

菊散金風起荷疎玉露圓將秋數行鴈離夏幾林蟬  
雲凝愁半嶺霧碎纈高天還似成都望直見蛾一一作

眉前

秋日即目

太宗

唐詩類苑

卷之十三

五

爽氣浮丹闕秋光澹紫宮衣碎荷疎影花明菊點叢  
袍輕低草露蓋側舞松風散岫飄雲葉迷路飛煙鴻  
砌冷蘭凋佩闌寒樹殞桐別鶴棲琴裏離猿啼峽中  
落野飛星箭弦虛半月弓芳菲夕霧起暮色滿房櫳

奉和秋日即目應制

許敬宗

玉露交珠網金風度綺錢昆明秋景澹岐岫落霞燃  
辭鷺歸寒海來鴻出遠天葉動羅帷颺花映繡衣鮮  
規空昇閣魄籠野散輕煙鵲度林光起鳬沒水文圓  
無機絡秋緯如管奏寒蟬乃睠情何極宸襟豫有旃

奉和秋日即目應制

上官儀

上苑通平樂神池邇建章樓臺相掩映城闕互相望  
緹油泛行幔簫吹轉浮梁晚雲含朔氣斜照蕩秋光  
落葉飄蟬影平流寫鴈行槿散凌風緝荷銷露香  
僊歌臨杳詣玄豫歷長楊歸路乘明月千門開未央

始安秋日

宋之問

桂林風景異秋似洛陽春晚霽江天好分明愁殺人  
卷雲山觶觶碎石水磷磷世業事黃老妙年孤隱淪  
歸歎臥滄海何物貴吾身

秋日作

高適

端居值秋節此日更愁辛寂寞無一事蒿萊通四鄰

唐詩類苑

卷之十三

六

閉門生白髮迴首憶青春歲月不相待交遊隨衆人  
雲霄何處託愚直有誰親舉酒聊自勸窮通信爾身

秋日

溫庭筠

爽氣變昏旦神臯遍原隰煙華久蕩搖石澗仍清急  
柳闇山犬吠蒲流水禽立菊花明欲迷棗葉光如濕  
天籟思林嶺車塵倦都邑譁張夙所違悔恡何由入  
芳草秋可藉幽泉曉堪汲牧羊燒外鳴林果雨中拾  
復此遂閑曠脩然脫羈繫田收鳥雀喧氣肅龍蛇蟄  
佳節足豐穰良朋阻遊集沉機日寂寥葆素常呼吸  
投跡倦攸往放懷志所執良時有東菑吾將事簞笠

秋日

耿 漳

反照入閭巷憂來與誰語古道無人行秋風動禾黍

秋日偶題

杜 牧

荷花兼柳葉彼此不勝秋玉露滴初泣金風吹更愁  
綠眉甘棄墜紅臉恨飄流數息是遊子少年還白頭

秋日寄厲玄先輩

僧無可

楊柳起秋色故人猶未還別離俱自老少壯豈能閑  
夜雨吟殘燭秋城憶遠山何當同一見語默此林間

秋日寄陳景孚秀才

劉 威

征車日已遠物候尚淒淒風葉青桐落露花紅槿低

唐詩類苑

卷之十三

十七

心隨秦國遠夢到楚山迷却恨銜蘆鴈秋飛不向西

秋日曲江書事

李 洞

門搖枯葦影落日共鷗歸園近鹿來熟江寒人到稀  
片雲穿塔一作寶過枯葉入城飛翻怕賓鴻至無才動

禮闈

答夢得秋日重懷見寄

白居易

幸免非常病甘當本分衰眼昏燈最覺腰瘦帶先知  
樹葉霜紅日髭鬚雪白時悲秋緣欲老老過却無悲

和鄭拾遺秋日感事一百韻

韋 莊

禍亂天心厭流離客思傷有家拋上國無罪謫遐方

負笈將辭越揚帆欲泛湘避時難駐足感事易回腸

雅道何銷德妖星忽耀芒中原初縱燎下國竟探湯

盜據三秦地兵纏八水鄉戰塵輕犯闕羽旆遠巡梁

自此修文代俄成講武場熊羆驅涿鹿犀象走昆陽

御馬迷新棧官娥改舊粧五丁功再覩八難事難忘

鳳引金根疾兵環玉弩彊建牙雖可恃摩壘詎能防

霍廟神遐遠圯橋路杳茫出師威似虎禦敵狼如羊

眉畫猶思赤巾裁未厭黃晨趨鳴鐵騎夜舞挹瓊觴

僭侈形稽亂誼呼繡鬚攘但聞爭曳組詎見學垂韁

唐詩類苑

卷之十三

十八

鵲印提新篆龍泉奪曉霜軍威徒逗撓我武自惟揚

負展勞天眷凝旒念國章繡旗張畫獸寶馬躍紅鸞

但欲除妖氣寧思蔽耿光曉煙生帝里夜火入春坊

鳥怪巢宮樹狐驕上苑牆設危終在德視履豈無祥

氣激雷霆怒神驅嶽瀆忙功高分虎節位下耻龍驤

遍命登壇將巡封異姓王志求扶墜典力未振顏綱

漢路閑鵬鸞雲衢駐驕驕寶裝軍器麗麝裊戰袍香

日覩兵書捷時聞虜騎亡人心驚獬豸雀意伺螳螂

上略咸推妙前鋒詎可當紆金光照耀執玉意昂藏

覆餗非無謂奢華事每許四民皆組綬九

飛騎黃金勒香車翠鈿裝八珍羅膳府五采闔筐牀  
宴集喧華第歌鍾簇畫櫺永期傳子姓寧誤犯天狼  
未覩君除側徒思玉在傍窳身笑可保易地喜相將  
國運方夷險天心詎測量九流雖暫蔽二柄豈相妨  
小孽乖矍次中興繫吳蒼灋堯功已普罪已德非涼  
帝念惟思理臣心豈自違詔催青瑣客時待紫微郎  
定難輸宸笑勝災滅御梁皇恩思蕩蕩睿澤喜洋洋  
偃臥雖非晚艱難亦備嘗舜庭招諫鼓漢殿上書囊  
儉德遵三尺清朝俟一匡世隨漁父醉身効接輿狂  
窳逐同天寶遭罹異建康道孤悲海濱家遠隔天潢

唐詩類苑

卷之十三

九一

卒歲貧無褐經秋病泛漳似魚甘去乙比蟹未成筐  
守道慙無補趨時愧不臧殷牛常在耳晉豎欲潛盲  
忸恨山思板懷歸海欲航角吹魂悄悄笛引淚浪浪  
亂覺乾坤窄貧知日月長勢將隨鶴列忽喜遇鴛行  
已報新迴駕仍聞近納隍文風銷劍楯禮物換旂裳  
紫闥重開序青襟再設庠黑頭期命爵頰尾尚愛魴  
吳坂嘶騏驎岐山集鳳凰詞源波浩浩諫署玉鐙鏘  
飼雀曾傳慶烹蛇詎有殃矧弓禪勁鏃匣劍淬神鉉  
謬謬寧慙直堂堂不謝張曉風趨建禮夜月直文昌  
去國時雖久安邦志不常良金鑪自躍美玉積難藏

北望心如旆西歸律變商跡隨江燕去心逐塞鴻翔  
晚翠籠桑塢斜暉挂竹堂路愁千里月田愛萬斯箱  
伴釣歌前浦隨樵上遠岡鷺眠依晚嶼鳥浴上枯楊  
驚夢綠欹枕多吟爲倚廊訪僧紅葉寺題句白雲房  
帆外青楓老樽前紫菊芳夜燈銀耿耿曉露玉瀼瀼  
異國慙傾蓋歸塗俟併糧身雖留震澤心已過雷塘  
執友知誰在家山各已荒海邊登桂檝煙外泛雲檣  
巢樹禽思越嘶風馬戀羌寒聲愁聽杵空館厭聞鶯  
望闕飛華蓋趨朝振玉璫米慙無薏苡麵喜有枕榔  
話別心重結傷時淚一滂佇歸蓬島後綸詔潤青絳

唐詩類苑

卷之十三

二十一

奉和王相公秋日戲贈元校書

錢起

才妙心仍遠名疎跡可追清秋聞禮暇新雨到山時  
勝事唯愁盡幽尋不厭遲弄雲憐鶴去隔水許僧期  
賢相敦高躅雕龍憶所思芙蓉洗清露願比謝公詩

和太常王卿秋日卽事

盧綸

嵩高雲日明潘岳賦初成籬籬花無色堦桐葉有聲  
絳紗垂簾淨白羽拂衣輕鴻鴈悲天遠龜魚覺水清  
別絃添楚思牧馬動邊情田雨農官問林風苑吏驚  
松篁終茂盛蓬艾自衰榮遙仰憑軒夕惟應善宋生

秋日遣懷十六韻寄道侶 陸龜蒙

盡日臨風坐雄詞妙畧兼共知時世薄寧恨歲華淹  
且把靈方試休憑吉夢占夜燃燒香火朝鍊洗金盥  
有路求貞隱無媒舉孝廉自然成嘯傲不是學沈潛  
水恨同心隔霜愁兩鬢霑鶴屏憐掩扇烏帽愛垂簷  
雅調宜觀樂清才稱典籤冠危玄髮少書健紫毫尖  
故疾因秋召塵容畏日黔壯圖須行行儒服設襜褕  
片石聊當枕橫煙欲代簾蠹根延穴蟻疎葉漏庭蟾  
藥鼎高低鑄雲菴早晚苦胡麻如重寄從誚我無厭

秋日 白居易

唐詩類苑 卷之十三 三

池淺寥落水窻下悠揚日嫋嫋秋風多槐花  
下有獨立人年來四十一

和知己秋日傷懷 鄭谷

流水歌聲共不迴去年天氣舊亭臺梁塵寂寞燕歸  
去黃蜀葵花一朵開

秋日 許渾

琪樹西風華簾秋楚雲湘月憶同遊高歌一曲掩明  
鏡昨日少年今白頭

秋日後 王建

住處近山常足雨聞晴驟曝舊芳茵立秋日後無多

熱漸覺生衣不着身

酬竇拾遺秋日見呈 權德輿

孤城永巷時相見衰柳閑門日半斜欲送近臣朝魏  
闕猶憐殘菊在陶家

秋日有寄 羅隱

丹青未合便迴頭見盡人間事始休只有百神朝寶  
鏡永無纖浪犯虛舟曾臨鐵甕雖分職近得金陵亦  
偶遊東去西來人不曾上卿蹤跡本玄洲

拾遺 許渾

唐詩類苑 卷之十三 三

一笛迎風萬葉飛強攜刀筆換荷衣潮寒水國秋砧  
早月暗山城夜漏稀巖響遠聞樵客過浦深遙送釣  
童歸中年未識從軍樂虛近三茅望少微

江南秋日 殷文珪

水國由來稱道情野人經此頓神清一篷秋雨睡初  
起半硯冷雲吟未成青笠漁兒筒釣沒蒹葭女畫  
橈輕冰綃寫上江南景寄與金鑾馬長卿

秋日寓懷 劉滄

海上生涯一釣舟偶因名利事淹留旅塗誰見客青  
眼故國幾多人白頭霽色滿川明水驛蟬聲落日隱

城樓如何未盡此行役西入潼關雲木秋

秋日感懷

戎昱

洛陽岐路信悠悠無事辭家兩度秋  
日下未馳千里足天涯徒泛五湖舟  
荷衣半浸綠鄉淚玉貌潛銷是客愁  
說向長安親與故誰憐歲晚尚淹留

秋夜獨坐懷內弟崔興宗

王維

夜靜羣動息蟬蛩聲悠悠庭槐北風響  
日夕方高秋思子整羽翰及時當雲淨  
吾生將白首歲晏思滄洲高足在旦暮  
肯爲南畝儔

淮南秋夜呈同僚

李嶷

唐詩類苑

卷之三

三三

天淨河漢高夜聞砧杵發清秋忽如此  
離恨應難歇風亂池上萍露光竹間月  
與君共遊處勿作他鄉別

遼東山夜臨秋

太宗

煙生遙岸隱月落半崖陰連山驚鳥亂  
隔岫斷猿吟

奉和山夜臨秋

上官儀

殿帳清炎氣輦道含秋陰淒風移漢筑  
流水入虞琴雲飛送斷鴈月上淨疎林  
滴瀝露枝響空濛煙壑深

秋夜翠微宮

太宗

貞觀二十一年夏四月上得風疾苦京師  
盛暑命修終南山太和廢宮爲翠微宮五  
月如翠微宮冀

州進士張昌齡獻翠微宮頌上愛其文命爲通事  
舍人裏供奉秋七月復移仗居之

秋光凝翠嶺涼吹肅離宮荷疎一蓋缺樹冷半帷空  
側陣移鴻影圓花釘菊叢攄懷俗塵外高眺白雲中

初秋夜坐

太宗

斜廊連綺閣初月照宵帷寒冷鴻飛疾園秋蟬噪遲  
露結林疎葉寒輕菊吐滋愁心逢此節長嘆復含悲

初秋夜坐應詔

楊師道

玉琯涼初應金壺夜漸闌蒼池流稍潔僊掌露方溥  
鴈聲風處斷樹影月中寒爽氣長空淨高吟覺思寬

唐詩類苑

卷之三

五

秋夜獨坐

袁朗

危絃斷客心虛彈落驚禽故人百慮靜獨夜九悲深  
枯蓬惟逐吹墜葉不歸林如何悲此曲坐作白頭吟

秋夜獨坐

王維

獨坐悲雙鬢空堂欲二更雨中山果落燈下草蟲鳴  
白髮終難變黃金不可成欲知除老病唯有學無生  
黎拾遺昕裴迪見過秋夜對雨之作

王維

促織鳴已急輕衣行向重寒燈坐高館秋雨聞疎鐘  
白法調狂象玄言問老龍何人顧蓬逕空愧牛羊蹤

林園秋夜作

李 巖

林臥避殘暑白雲長在天賞心既如此對酒非徒然  
月色徧秋露竹聲兼夜泉涼風懷袖裏茲意與誰傳

秋夜寄馮著作

盧 綸

河漢淨無雲鴻聲此夜聞素心難比石蒼蒼欲如君  
露槿月中落風螢池上分何言千載友同跡不同群

長安疾後首秋夜卽事

盧 綸

九重深鎖禁城秋月過南宮漸映樓紫陌夜深槐露  
滴碧空雲盡火星流清風刻漏傳三殿甲第歌鐘樂  
五侯楚客病來鄉思苦寂寥燈下不勝愁

唐詩類苑

卷之十三

五

長安秋夕

戎 昱

八月更漏長愁人起常早閉門寂無事清院生秋草  
昨宵北窗夢夢入荆南道遠客歸去來在家貧亦好

秋夕

邵 謁

萬里憑夢歸骨肉皆在眼覺來益惆悵不信長安遠  
人人但爲農我獨常逢早惡命如漏卮滴滴添不滿  
天末鴈來時一叫一腸斷

秋夕書懷

李 白

北風吹海鴈南度落寒聲感此瀟湘客懷其流浪情  
海懷結滄洲一作遠心霞想遊赤城始探蓬壺事旋

覺天地輕澹然吟高秋閑臥瞻太清蘿月掩空幕松  
霜結前楹滅見息群動獵微窮至精桃花有源水可  
以保吾生

秋夕讀書幽興獻兵部李侍郎

岑 參

年紀蹉跎四十強自憐頭白始爲郎雨滋苔蘚侵塔  
綠秋颯梧桐覆井黃驚蟬也解求高樹旅鴈還應厭  
後行覽卷試穿鄰舍壁明燈何惜借餘光

山居秋暝

王 維

空山新雨後天氣晚來秋明月松間照清泉石上流  
竹喧歸浣女蓮動下漁舟隨意春芳歇王孫自可留

江城秋霽

戎 昱

霽後江城風景涼豈堪登眺只堪傷遠天蟬螻收殘  
雨映水鷓鴣近夕陽萬事無成空過日十年多難未  
還鄉不知何處消茲恨轉覺愁隨夜夜長

秋詞二首

劉禹錫

自古逢秋悲寂寥我今秋日勝春朝晴空一鴈排雲  
上便引詩情到碧霄  
山明水淨夜來霜數樹深紅出淺黃試上高樓清入  
骨豈知秋色使人狂



海畔秋思

錢起

匡濟難逢合去留，隨興牽偶爲謝客。事不顧平子田  
園，劉賁翹楚此身常棄捐。箕裘空在念拙拙，誰推賢  
無用卽明代。養病仍壯年，日夕望佳期。帝鄉路幾千  
秋風晨夜起，零落愁芳荃。

秋思二首

李白

春陽如昨日，碧樹鳴黃鸝。燕然蕙草暮，嶺爾涼風吹。  
天秋木葉下，月冷莎鷄悲。坐愁群芳歇，白露凋華滋。

二

燕支黃葉落，妾望自登臺。海上碧雲斷，單于秋色來。

唐詩類萃

卷之三

王

胡兵沙塞合，漢使玉關回。征客無歸日，空悲蕙草摧。

秋思

白居易

病眠夜少夢，閑立秋多思。寂寞餘雨晴，蕭條早寒至。

鳥棲紅葉樹，月照青苔地。何況鏡中年，又過三十一。

秋思

岑參

那知芳歲晚，坐見寒葉墮。吾不如腐草，翻飛作螢火。

秋思二首

馬戴

萬木秋霖後，孤山夕照餘。田園無歲計，寒近憶樵漁。

二

亭樹霜霞滿，野塘鳬鳥多。蕙蘭不可折，楚老徒悲歌。

秋思呈尹植裴說

司空曙

靜向懶相偶，年將衰共催。前途歡不集，往事恨空來。  
畫景委紅葉，月華銷綠苔。沈思竟何有，坐結玉琴哀。

山居秋思

周賀

一從雲水住，曾不下西岑。落木孤猿在，秋庭積葉深。  
泉流通井脉，蟲響出牆陰。夜靜溪聲徹，寒燈尚獨吟。

秋思

周賀

楊柳已秋思，楚田仍刈禾。歸心病起切，敗葉夜來多。  
細雨城蟬噪，殘陽嶠客過。舊山餘業在，杳隔洞庭波。

閑居秋思呈祥松二公

李建勳

唐詩類萃

卷之三

王

秋光雖卽好，客思轉悠哉。去國身將老，流年鴈又來。  
葉紅堆晚徑，菊冷藉空臺。不得師相訪，難將道自開。

秋思

鄭巢

寒蛩鳴不定，郭外水雲幽。南浦鴈來日，北窗人臥秋。  
病身多在遠，生計少於愁。薄暮西風急，清砧響未休。

秋思

杜牧

熱去解鉗鉞，飄蕭秋半時。微雨池塘見，好風襟袖知。  
髮短梳未足，枕涼閑且欹。平生分過此，何事不參差。

秋思

白居易

夕照紅於燒，晴空碧勝藍。獸形雲不一，弓勢月初三。



鴈思來天北砧愁滿水南蕭條秋氣味未老已深語

秋思二首

王維

網軒涼吹動輕衣夜聽更生玉漏稀月度天河光轉濕鵲驚秋樹葉頻飛

宮連太液見滄波暑氣微消秋意多一夜輕風蘋末起露珠翻盡滿池荷

秋思

張籍

洛陽城裏見秋風欲作歸書意萬重復恐匆匆說不盡行人臨發又開封

僻居秋思寄故友

伍喬

唐詩類苑

卷之十三

三九

門巷秋歸更寂寥雨餘閑砌委蘭苗夢迴月夜蟲吟壁病起茅齋藥滿瓢澤國舊遊關遠思竹林前會負佳招身名未立猶辛苦何許流年晚鬢焦

漢東秋思

羅隱

簾卷兩牀琴瑟秋暫憑前計奈相留塵飄馬尾甘蓬轉酒憶江邊有夢游隋帝舊祠雖寂寞楚妃清唱亦風流可憐別恨無人易獨背殘陽下寺樓

杜陵秋思

羅隱

南望商於北帝都兩堪棲托兩無圖只聞斤逐張公子不覺悲同楚大夫巖畔早涼生紫桂井邊疎影落

高梧一杯渌酒他年憶瀝向清波寄五湖

唐詩類苑

卷之十三

三千

唐詩類苑卷第十四

雲間張之象玄超甫纂輯

雲間杜開美袁度甫編次

雲間王微叔朗甫補訂

梁谿曹仁孫伯安甫校正

歲時部

秋

鞏北秋興寄崔明允 岑參

白露披梧桐玄蟬晝夜號秋風萬里動日暮黃雲高  
君子佐休明小人事蓬蒿所適在魚鳥焉能徇錐刀

唐詩類苑 卷之十四

孤舟向廣武一鳥歸成臯勝槩日相與思君心鬱陶

秋興 王昌齡

日暮西北堂涼風洗修木著書在南牕門館常肅肅  
苔草延古意視聽轉幽獨或問余所營刈黍就寒谷

秋興 權德輿

流螢與落葉秋晚共紛紛返照城中盡寒砧雨外聞  
離人見衰鬢獨鶴暮何群楚客在千里相思看碧雲

秋興 李咸用

木葉亂飛盡故人猶未還心雖遊紫闕時合在青山  
近寺僧隣靜臨池鶴對閑兵戈如未息名位莫相關

唐詩類苑 卷之十四  
放懷常自適遇景多成趣何法使之然心口無細故

春江夕望 盧綸

洞庭芳草遍楚客莫思歸經難人空老逢春鴈白  
東西兄弟遠存歿友朋稀獨立還悲淚天南一布衣

唐詩類苑卷第十三終

秋興寄胤公

僧貫休

風聲吹竹健涼氣著身輕誰有閒心去江邊看水行  
村遇紅樹迥野闊白煙平試裂芭蕉片題詩問竺卿

酬樂天秋興見贈本句云莫怪獨吟秋興苦

比君校近二毛年

元稹

勸君莫作悲秋賦白髮如星也任垂畢竟百年同是  
夢長年何異少何爲

秋興八首

杜甫

玉露凋傷楓樹林巫山巫峽氣蕭森江間波浪兼天  
湧塞上風雲接地陰叢菊兩開他日淚孤舟一繫故

唐詩類苑

卷之十四

二

園心寒衣處處催刀尺白帝城高急暮砧

夔府孤城落日斜每依南斗望京華聽猿實下三聲  
淚奉使虛隨八月槎畫省香爐遠伏枕山樓粉堞隱

悲笳請看石上藤蘿月已暎洲前蘆荻花

千家山郭靜朝暉日日江樓坐翠微信宿漁人還汎  
汎清秋燕子故飛飛匡衡抗疏功名薄劉向傳經心

事違同學少年多不賤五陵衣馬自輕肥

聞道長安似奕棋百年世事不勝悲王侯第宅皆新  
主文武衣冠異昔時直北關山金鼓振征西車馬羽

書遲魚龍寂寞秋江冷故國平居有所思

蓬萊宮闕對南山承露金莖霄漢間西望瑤池降王

母東來紫氣滿函關雲移雉尾開宮扇日繞龍鱗識

聖顏一臥滄江驚歲晚幾回青鎖點朝班

瞿塘峽口曲江頭萬里風煙接素秋華萼夾城通御

氣芙蓉小苑入邊愁珠簾繡柱圍黃鵠錦纜牙樯起

白鷗回首可憐歌舞地秦中自古帝王州

昆明池水漢時功武帝旌旗在眼中織女機絲虛夜

月石鯨鱗甲動秋風波漂菰米沈雲黑露冷蓮房墜

粉紅關塞極天唯鳥道江湖滿地一漁翁

昆吾御宿自逶迤紫閣峯陰入漢陂香稻啄餘鸚鵡

唐詩類苑

卷之十四

三

粒碧梧棲老鳳凰枝佳人拾翠春相問僊侶同舟晚

更移綵筆昔曾干氣象白頭吟望苦低垂

郢門秋懷

李白

郢門一爲客巴月三成弦朔風正搖落行子愁歸旋

杳杳山外日茫茫江上天人迷洞庭水鴈度瀟湘煙

清曠諸宿好緇磷及此年百齡何蕩漾萬化相推遷

空謁蒼梧帝徒尋溟海僊已聞蓬海淺豈見三桃園

倚劍增浩歎捫襟還自憐終當遊五湖濯足滄浪泉

江上秋懷

李白

餐霞臥舊壑散髮謝遠遊山蟬號枯桑姑復知天秋

朔鴈別海裔越燕辭江樓颯颯風捲沙茫茫霧縈洲  
黃雲結暮色白水揚寒流惻愴心自悲潺湲淚難收  
蘅蘭方蕭瑟長歎令人愁

閑居秋懷寄陽翟陸贊府封丘高少府

賈至

今日霖雨霽颯然高館涼秋風吹二毛烈士如慨慷  
憶昔皇運初衆賓值龍驤解巾住幕府脫劍昇明堂  
郁郁披塵雲昭昭翼太陽鯨魚縱大壑鸞鷟鳴高岡  
信矣草創時太僭速賢良一言幸遭逢片善蒙恩光  
我生屬威明感激竊自彊崎嶇郡邑權連蹇翰墨場

唐詩類苑

卷之十四

四

大朝富英髦多士如珪璋盛才溢下位蹇步徒猖狂  
閉門對群書几案在我旁枕席想遠遊聊欲浮滄浪  
八月白露降玄蟬號枯桑艤舟臨清川迢遞愁思長  
我有同懷友各在天一方離披不相見浩蕩隔兩鄉  
平生霞外期夙昔共行藏豈無蓬萊樹歲晏空蒼蒼

秋懷

白居易

月出照北堂光華滿堦墀涼風從西至草木日夜衰  
桐柳減綠陰蕙蘭銷碧滋感物私自念我心亦如之  
安得常少壯盛衰迫天時人生如石火爲樂常苦遲

秋懷

張九齡

庭蕪生白露歲候感遐心策蹇慙遠途巢枝思故林  
小人恐致寇終日如臨深魚鳥好自逸池籠安所欽  
挂冠東都間採蕨南山岑議道誠愧昔覽分還慚今  
無然憂成老空爾白頭吟

秋懷詩十一首

韓愈

牕前兩好樹衆葉光蕤蕤秋風一披拂策策鳴不已  
微燈照空牀夜半偏入耳愁憂無端來感歎成坐起  
天明視顏色與故不相似義和驅日月疾急不可恃  
浮生雖多塗趨死惟一軌胡爲浪自苦得酒且歡喜

二

唐詩類苑

卷之十四

五

白露下百草蕭蘭共雕悴青青四牆下已復生滿地  
寒蟬暫寂寞蟋蟀鳴自恣運行無窮期稟受氣各異  
適時各得所松柏不必貴

三

彼時何卒卒我志何曼曼犀首空好飲廉頗尚能飯  
學堂日無事驅馬適所願茫茫出門路欲去聊自勸  
歸還閱書史文字浩千萬陳跡竟誰尋賤嗜非貴獻  
丈夫意有在女子乃多怨

四

秋氣日惻惻秋空日凌凌上無枝上蜩下無盤中蠅

豈不感時節耳目去所憎清曉卷書坐南山見高稜  
其下澄湫水有蛟寒可留惜哉不得往豈謂吾無能

五

離離挂空悲感感抱虛警露泣秋樹高蟲弔寒夜永  
歛退就新儒趨管仲前猛歸愚識夷塗汲古得修綆  
名浮猶有耻味薄真自幸庶幾遺悔尤卽此是幽屏

六

今晨不成起端坐盡日景蟲鳴室幽幽月吐牕同問  
喪懷若迷方浮念劇含梗塵埃慵伺候文字浪馳騁  
尚須勉其頑王事有朝請

唐詩類苑

卷之十四

六

七

秋夜不可晨秋日苦易暗我無汲汲志何以有此憾  
寒鷄空在棲缺月煩屢瞰有琴具徽絃再鼓聽愈淡  
古聲久埋滅無由見真濫低心逐時趨苦勉祗能暫  
有如乘風船一縱不可縱不如覩文字丹鉛事點勘  
豈必求贏餘所要石與髓

八

卷卷落地葉隨風走前軒鳴聲若有意顛倒相追奔  
空堂黃昏暮我坐默不言童子自外至吹燈當我前  
求我求不應饋我我不餐退坐西壁下讀詩盡數編

作者非今士相去時已千其言有感觸使我復懷酸  
顧謂汝童子置書且安眠丈夫屬有念事業無窮年

九

霜風侵梧栢衆葉著樹乾空塔一片下琤若摧琅玕  
謂是夜氣滅望舒實其團青冥無依倚飛轍危難安  
驚起出戶視何極久沈瀾憂愁鬱鬱景日月如跳丸  
迷復不計遠爲君駐塵鞍

十

暮暗來客去群鷺各收聲悠悠偃宵寂疊疊抱秋明  
世累忽進慮外憂遂侵誠強懷張不滿弱念缺已盈

唐詩類苑

卷之十四

七

詰屈避語弄冥茫觸心兵敗虞千金棄得比寸草榮  
知耻足爲勇晏然誰汝令

十一

鮮鮮霜中菊旣晚何用好揚揚弄芳蝶爾生還不早  
運窮兩值遇婉變死相保西風蟄龍虵衆木日凋槁  
由來命分爾泯滅豈足道

秋懷

閻寬

下帷長日盡虛館早涼生芳草猶未薦如何蜻蛚鳴  
秋風已振衣客土何時歸爲問當途者寧知心有違  
始背洛城秋郊矚目奉懷臺中諸侍御

蘇味道

薄遊忝霜署直指戒冰心  
荔浦方南紀衡臯暫北臨  
山晴關塞斷川暮廣城陰  
場圃通圭甸溝塍礙石林  
野童來挹拾田叟去謳吟  
蟋蟀秋風起蒹葭晚露深  
帝城猶鬱鬱征傳幾駸駸  
迴憶披書地勞歌謝所欽

長安秋望

杜牧

樓倚霜樹外鏡天無一毫  
南山與秋色氣勢兩相高

秋郊夕望

馬戴

度鳥向樓急陰蟲逢夜多  
餘霞媚秋漢迴月濯滄波  
蔓草將萎絕流年其柰何  
耿然搖落思獨酌不成歌

唐詩類苑

卷之十四

八

同韓郎中開庭南望秋景

元稹

朝下抱餘素地高心本閑  
如何趨府客罷秩見秋山  
疎樹共寒意遊禽同暮還  
因君悟清景西望一開顏

秋相望

元稹

簷月驚殘夢浮涼滿夏衾  
蟪蛄低戶網螢火度牆陰  
爐暗燈花短牀空帳影深  
此時相望久高樹憶橫岑

酬司門盧四兄雲夫院長望秋作

韓愈

長安雨洗新秋出極目  
寒鏡開塵函終南曉望踴龍  
尾倚天更覺青巉巖  
自知短淺無所補從事久此穿

朝衫歸來得便即遊覽  
暫似壯馬脫重銜曲江荷花  
蓋十里江湖生自思莫絨樂  
遊下矚無遠近綠槐  
合不可芟白首寓居誰借問  
平地寸步局雲巖雲夫  
吾兄有狂氣嗜好與俗殊酸  
鹹日來省我不肯去論  
詩說賦相誦誦望秋一章已  
驚絕猶言低抑避謗讒  
若使乘酣騁雄怪造化何以  
當鏘劍嗟我小生值強  
伴怯膽變勇神明鑒馳坑跨  
谷終未悔爲利而止真  
貪饒高揖群公謝名譽遠追  
甫白感至誠樓頭完月  
不共宿其柰就缺行攢攢

長安秋望

趙嘏

唐詩類苑

卷之十四

九

雲物淒涼拂曙流漢家宮闕  
動高秋殘星幾點鴈橫  
塞長笛一聲人倚樓紫艷半  
開籬菊靜紅衣落盡渚  
蓮愁鱸魚正美不歸去空戴  
南冠學楚囚

和左司元郎中秋居十首

張籍

選得閑坊住秋來樹木肥  
風前卷筒簾雨裏脫荷衣  
野客留方去山童取藥歸  
非因入朝省過此出門稀

二

有地唯栽竹無池亦養鵝  
學書求墨跡釀酒愛朝和  
古鏡銘文淺神方繼語多  
居貧閑自樂豪客莫相過

三

閑來松菊地未省有塵埃直去多將藥朝迴不放人  
見僧收酒器迎客換紗巾更恐登清要難成自在身

四

自知清靜好不要問時豪就石安琴枕穿松壓酒槽  
山情因月甚詩語入秋高身外無餘事唯應筆研勞

五

閑堂新掃灑稱是早秋天書客多呈帖琴僧與合絃  
莎臺乘晚上竹院就涼眠終日無忙事還應似得僊

六

醉倚斑藤杖閑眠瘦木牀案頭行氣訣爐裏降真香

唐詩類苑

卷之十四

十

尚儉經營少居閑意思長秋茶莫夜飲新月作松漿

七

每憶舊山居新教上墨圖晚花迴地種好酒問人沽  
夜後開朝簿申前發省符渭頭凡幾歲已見白髭鬚

八

菊地纔通履茶房不壘階憑窗看蜀藥寄信覓吳鞋  
盡得僊家法多隨道客齋本無榮辱意不是覺安排

九

林下無拘束閑吟放性靈好時開藥竈高處置琴亭  
更選居山記唯尋相鶴經初當授衣假無吏換門鈴

十

客散高齋晚東園景象偏晴明猶有蝶涼冷漸無蟬  
簾折霜來子蝸行雨後涎新詩繞上卷已得滿城傳

灞上秋居

馬戴

灞原風雨定晚見鴈行頻落葉他鄉樹寒燈獨夜人  
空園白露滴孤壁野僧隣寄臥郊扉久何門致此身

原上秋居

賈島

關西又落木心事復如何歲月辭山久秋霖入夜多  
鳥從井口出人自岳陽過倚杖聊閑望田家未剪禾

秋居有寄

羅隱

唐詩類苑

卷之十四

十一

端坐湖岸東生計有無中魔處千般鬼寒時百種風  
性靈從道拙心事奈成空多謝金臺客何當一笑同

秋寄

白居易

娃館松江北稽城浙水東屈君爲長史伴我作衰翁  
旌旆知非遠煙雲望不通忙多對酒榼興少閱詩筒

淡白秋來日疎涼雨後風餘霞數片綺新月一張弓  
影滿衰桐樹香凋晚蕙叢饑啼春穀鳥寒怨絡絲蟲

覽鏡頭雖白聽歌耳未聾老愁行自貴醉笑與誰同  
清旦方堆案黃昏始退公可憐朝暮景銷在兩衙中

秋遊

白居易

下馬閑行伊水頭涼風清景勝春遊何事古今詩句裏不多說着洛陽秋

汾上驚秋

蘇頲

北風吹白雲萬里渡河汾心緒逢搖落秋聲不可聞

驚秋

韋莊

不向煙波狎釣舟強將文墨事儒丘長安十二槐花陌曾負秋風多少愁

度秋

太宗

夏律昨留灰秋箭今移晷峨嵋岫初出洞庭波漸起桂白發幽巖菊黃開灞涘運流方可歎含毫屬微理

唐詩類苑

卷之十四

十一

潯陽紫極宮感秋作

李白

何處聞秋聲脩脩北窻竹迴薄萬古心攬之不盈掬靜坐觀衆妙浩然媚幽獨白雲南山來就我簷下宿懶從唐生訣羞訪季主卜四十九年非一往不可復野情轉蕭散世道有翻覆陶令歸去來田家酒應熟

郡齋感秋寄諸弟

韋應物

首夏辭舊國窮秋臥滌城方如昨日別忽覺徂歲驚高閣收煙霧池水晚澄清戶牖已淒爽晨夜感深情昔遊郎署間是月天氣晴授衣還西郊時時田野行采菊投酒中昆弟自同傾簪組聊挂壁知有世榮

感秋

賈島

一旦居遠郡山川間音形大道庶無累及茲念已盈

商氣颯已來歲華又虛擲朝雲藏奇峯暮雨灑疎滴

幾蜩黑涼葉一作幾番飛涼葉數蛩思陰壁落日空館中歸

心遠山碧昔人多秋感今人何異昔四序馳百年玄

髮坐成白喧喧狗聲利擾擾同轍跡倘無世上懷去偃松下石

曲江感秋二首并序

白居易

元和二年三年四年予每歲有曲江感秋詩凡三篇編在第七集卷是時予爲左拾遺翰林學士無

唐詩類苑

卷之十四

十三

何貶江州司馬忠州刺史前年遷主客郎中知制誥未周歲授中書舍人今遊曲江又值秋日風物

不改人事屢變況予中否後遇昔壯今衰慨然感懷復有此作噫人生多故不知明年秋又何許也時二年七月十日云耳

元和二年秋我年三十七長慶二年秋我年五十一中間十四年六年居譴黜窮通與榮悴委運隨外物遂師廬山遠重弔湘江屈夜聽竹枝愁秋看灩澦沒近辭巴郡印又乘綸闈筆晚遇何足言白髮映朱紱銷沉昔意氣改換舊容質獨有曲江秋風煙如往日



二

疎蕪南岸草蕭颯西風樹秋到來幾時蟬聲又無數  
莎平綠茸合蓮落青房露今日臨望時往年感秋處  
池中水依舊城上山如故獨我鬢間毛昔黑今垂素  
榮名與壯齒相避如朝暮時命始欲來年顏已先去  
當春不歡樂臨老徒驚悞故作詠懷詩題於曲江路

曲江感秋

白居易

沙草新雨地岸柳涼風枝三年感秋意併在曲江池  
早蟬已嘹唳晚荷復離披前秋去秋思一一生此時  
昔人三十二秋興已云悲我今欲四十秋懷亦可知

唐詩類苑

卷之十四

十四

歲月不虛設此身隨日衰暗老不自覺直到鬢成絲

客路感秋寄明準上人

白居易

日暮天地冷雨霽山河清長風從西來草木凝秋聲  
已感歲倏忽復傷物凋零孰能不惻悽天時牽人情  
借問空門子何法易修行使我忘得心不教煩惱生

感秋

姚倫

試向疎林望方知節候殊亂聲千葉下寒影一巢孤  
不蔽秋天鴈驚飛夜月烏霜風與春日幾度遺榮枯

途中感秋

白居易

節物行搖落年顏坐變衰樹初黃葉日人欲白頭時

鄉國程程遠親朋處處辭唯殘病與老一步不相離

感秋寄遠

白居易

惆悵時節晚兩情千里同離憂不散處處樹正秋風  
燕影動歸翼蕙香銷故叢佳期與芳歲牢落兩成空

訓思黯相公晚夏雨後感秋見贈

白居易

暮去朝來無歇期炎涼暗向雨中移夜長祇合愁人  
覺秋冷先應瘦客知兩幅彩牋揮逸翰一聲寒玉振  
清辭無憂無病身榮貴何故沈吟亦感時

感秋詠意

白居易

唐詩類苑

卷之十四

十五

炎涼遷次速如飛又脫生衣着熟衣遠壁暗蛩無限  
思戀巢寒鷺未能歸須知流輩年年失莫歎衰容日  
日非舊語相傳聊自慰世間七十老人稀

秋感

杜牧

金風萬里思何盡玉樹一牕秋影寒獨掩此門明月  
下淚流香袂倚欄干

同李益傷秋

盧綸

歲去人頭白秋來樹葉黃搔頭向黃葉與爾共悲傷

傷秋

杜甫

林僻來人少山長去鳥微高秋收畫扇久客愁柴扉

懶慢頭時櫛艱難帶減圍將軍思汗馬天子尚戎衣  
白蔣風颯脆殷裡曉夜稀何年減豺虎似有故園歸

悲秋

杜甫

涼風動萬里群盜尚縱橫家遠傳書日秋來爲客情  
愁窺高鳥過老逐衆人行始欲投三峽何由見兩京

訪秋

李商隱

酒薄吹還醒樓危望已窮江臯當落日帆席見歸風  
煙帶龍潭白霞分鳥道紅殷勤報秋意只是有丹楓

秋山寄陳謙言

王昌齡

巖間寒事早衆山木已黃北風何蕭蕭茲夕露爲霜

唐詩類苑

卷之十四

七

感激未能寐中宵時慨慷黃蟲初悲鳴玄鳥去我梁  
獨臥時易晚離群情更傷思君若不及鴻鴈今南翔

秋山夕興

陶翰

山月松篠下月明山景鮮聊爲高秋酌復此清夜絃  
晤語方獲志棲心亦彌年尚言興未逸更理逍遙篇

秋山

白居易

久病曠心賞今朝一登山山秋雲物冷稱我清羸顏  
白石臥可枕青蘿行可攀意中如有得盡日不欲還  
人生無幾何如寄天地間心有千載憂身無一日閒  
何時解塵網此地來掩關

秋山

張籍

秋山無雲復無風溪頭看月出深松草堂不閉石牀  
靜葉間墜露聲重重

山行

杜牧

遠上寒山石徑斜白雲生處有人家停車坐愛楓林  
晚霜葉紅於二月花

和劉補闕秋園寓興之什十首

朱慶餘

閑園清氣滿新興日堪追隔水鳴蟬後當簷鴈過時  
雨餘槐穢重霜近藥苗衰不以朝簪貴多將野客期

唐詩類苑

卷之十四

七

二

誰言高靜意不異在衡茅竹冷人離洞天晴鶴出巢  
深籬藏白菌荒蔓露青匏幾見中宵月清光墜樹梢

三

逍遙人事外杖屨入杉蘿草色寒猶在蟲聲晚漸多  
靜逢山鳥下幽稱野僧過幾許新開菊閑從落葉和

四

留情清景晏朝罷有餘閑蝶散紅蘭外螢飛白露間  
牆高微見寺林靜遠分山吟足期相訪殘陽自掩關

五

深齋嘗獨處詎肯厭秋聲翠篠寒愈靜孤花晚更明  
每因逢石坐多見拖書行入夜聽疎杵遙知耿此情

六

蒼翠經宵在園廬景自深風淒欲去燕月思向來砧  
碧石當沙逕寒煙冒竹林杯瓢閑寄詠清絕是知音

七

門巷唯苔蘚誰言不稱貧臺閣人下晚果熟鳥來頻  
石脉潛通井松枝靜離塵殘疏得晴後又見一番新

八

捲簾天色靜近瀨覺衣單蕉葉猶停翠桐陰已爽寒

唐詩類苑

卷之十四

十九

雲從高處望琴愛靜時彈正去重陽近吟秋意未闌

九

竹逕通鄰圃清深稱獨遊蟲絲交影細藤子墜聲幽  
積潤苔紋厚迎寒薺葉稠閑來尋古畫未廢執茶甌

十

風物已蕭颯晚煙生霽容斜分紫陌樹遠隔翠微鐘  
宿客論文靜閑燈落爐重無窮林下意真得古人風

秋園

司空曙

傷秋不是惜年華別憶春風碧玉家強向衰蘂見芳  
意茱萸紅實似繁華

秋野五首

杜甫

秋野日疏蕪寒江動碧虛繫舟蠻井絡卜宅楚村墟  
棗熟從人打葵荒欲自鋤盤餐老夫食分減及溪魚

二

易識浮生理難交一物違水深魚極樂林茂鳥知歸  
吾老甘貧病榮華有是非秋風吹几杖不厭北山薇

三

禮樂攻吾短山林引興長掉頭紗帽側曝背竹書光  
風落收松子天寒割蜜房稀疎小紅翠駐屐近微香

四

唐詩類苑

卷之十四

十九

遠岸秋沙白連山晚照紅潛鱗輸駭浪歸翼冒高風  
砧響家家發樵聲箇箇同飛霜任青女矧被隔南宮

五

身許騏驎畫年衰鴛鴦群大江秋易盛空峽夜多聞  
峰隱千重石帆留一片雲兒童解蠻語不必作參軍

秋館言懷

錢起

蟋蟀已秋思蕙蘭仍碧滋蹉跎獻賦客歎息此良時  
日夕雲臺下商歌空自悲

縣西郊秋寄贈馬造

白居易

紫閣峰西清渭東野煙深處夕陽中風和老葉蕭條

綠水蓼殘花寂寞紅我厭宦遊君失意可憐秋思兩  
心同

答夢得秋庭獨坐見贈 白居易

林稍隱映夕陽殘庭際蕭疎夜氣寒霜草欲枯蟲思  
急風枝未定鳥棲難容衰見鏡同惆悵身健逢盃且  
喜歡應是天教相暖熱一時垂老與閑官

秋涼寄正字十二兄 李賀

閉門感秋風幽姿任契濶大野生素空天地曠蕭殺  
露光泣殘蕙蟲響連夜發房寒寸輝薄迎風徐紗窗  
披書古芸馥恨唱華容歇百日不相知花光變涼節

唐詩類苑

卷之十四

子

弟兄誰念慮賤翰既通達青袍度白馬草簡奏東閣  
夢中相聚笑覺見半牀月長思劇尋環亂憂抵覃葛

雨後秋涼

白居易

夜來秋雨後秋氣颯然新圓扇新辭手生衣不著身  
更添砧引思難與簾相親此境誰偏覺貧閑老瘦人

已涼

韓偓

碧欄干外繡簾垂猩色屏風畫柘枝八尺龍鬚方錦  
褥已涼天氣未涼時

秋清

杜甫

高秋蘇肺氣白髮自能梳  
加減門庭悶掃除

杖藜還客拜愛竹遣兒書十月江平穩輕舟進所如

秋寒 白居易

雪鬢年顏老霜庭景氣秋病看妻檢藥寒遣婢梳頭  
身外名何有人間事且休澹然方寸內唯擬學虛舟

秋齋後 羅隱

淨碧山光冷圓月露點勻渚蓮丹臉恨堤柳翠眉頻  
蟬已送行客鴈應辭主人蠅蚊漸無況日晚自相親

山閣晚秋 太宗

山亭秋色滿巖牖涼風度疎蘭尚染煙殘菊猶承露  
古石衣新苔新巢封古樹歷覽情無極咫尺輪光暮

唐詩類苑

卷之十四

三

南湖晚秋

白居易

八月白露降湖中水芳老旦夕秋風多衰荷半傾倒  
手攀青楓樹足蹋黃蘆草慘澹老容顏冷落秋懷抱  
有兄在淮楚有弟在蜀道萬里何時來煙波白浩浩

謝虛中上人晚秋見寄 僧貫休

楚外同文在荆門得信時幾重相別意一首晚秋  
日暮山沈雨蓮殘水滿池登樓試南望爲子動歸思

晚秋江上作

張祐

萬里窮秋客蕭條對落暉煙霞山鳥散風雨廟神歸  
地遠蛩聲切天長鴈影稀那堪正砧杵幽思想寒衣

晚秋酬姚合見寄

僧無可

新命起高眠江湖空浩然木衰猶有菊燕去即無蟬  
分察千官內孤懷遠嶽邊蕭條人外寺睽阻又經年

晚秋旅舍寄苗員外

李端

爭途苦不前貧病遂車牽向暮同行客當秋獨長年  
晚花唯有菊寒葉已無蟬吏部逢今日還應甕下眠

晚秋過蘇少府

耿緯

九江迷去住群吏且因依高木秋垂露寒城暮掩扉  
隨雲心自遠看草伴應稀肯信同年友相望青瑣闥

晚秋

元稹

唐詩類苑

卷之十四

三

竹露滴寒聲離人曉思驚酒醒秋簾冷風急夏衣輕  
寢倦解幽夢慮閑添遠情誰憐獨欹枕斜月透窻明

晚秋閑居

張籍

獨坐高秋晚蕭條是遠思家貧長畏客身老轉憐兒  
萬種盡閑事一生能幾時從來疎懶性應祇有僧知

晚秋東遊寄猗氏弟五明府解縣韓明府

耿緯

步出青門去疎鐘隔上林四郊多難日千里獨歸心  
暮鳥聲偏苦秋雲色易陰亂墳松栢少野徑草茅深  
灞浹哀安履汾南必賤琴何由聽白雪祇益淚沾襟

晚秋閑居

白居易

地僻門深少送迎披衣閑坐養幽情秋庭不掃攜藤  
杖閑踏梧桐黃葉行

晚秋同何秀才溪上

伍喬

閑步秋光思杳然荷蓑因共過林煙期收野藥尋幽  
路欲采溪菱上小船雲吐晚陰藏霽岫柳含餘靄咽  
殘蟬倒尊盡日忘歸處山磬數聲敲暝天

秋晚寄友人

羅隱

洞庭霜落水雲秋又汎輕漣任去留世界高譚今已  
得宦途清貴舊曾遊手中綵筆誇題鳳天上泥封獎

唐詩類苑

卷之十四

三

狎鷗更見南來釣翁說醉吟還上木蘭舟

齊安郡晚秋

杜牧

柳岸風來影漸疎使君家似野人居雲容水態還堪  
賞嘯志歌懷亦自如雨暗殘燈碁欲散酒醒孤枕屢  
來初可憐赤壁爭雄渡唯有蓑翁坐釣魚

晚秋江館

僧清塞

病寄西州居帶城傍門高柳一蟬鳴澄江月上見魚  
擲荒徑葉乾聞犬行越嶠夜無侵閣色寺鐘涼有隔  
原聲故園賣盡休歸去湖水秋來空自平

晚秋病中

王建

萬事風吹過耳輪貧兒活計亦曾聞偶逢新語書紅葉難得閑人話白雲霜下野花渾着地寒來溪鳥不成群病多體痛無心力更被頭邊藥氣熏

晚秋野望

劉滄

秋盡郊原情自哀菊花寂寞晚仍開高楓疎葉帶霜落一鴈寒聲背水來荒壘幾年經戰後故山終日望書同歸途休問從前事獨唱勞歌醉數杯

和皇甫郎中秋晚同登天宮閣言懷之韻

白居易

碧天忽已高白日猶未短玲瓏曉樓閣清曉秋絃管

唐詩類苑

卷之十四

張翰一盃酣嵇康終日懶塵中足憂累雲外多疎散病木斧斤遺冥鴻羈縲斷逍遙二三千永願爲閑伴

秋晚題湖城驛池上亭

劉禹錫

秋次池館上林塘照南榮塵衣紛未解幽思浩已盈秋蓮墜故萼露菊含晚英恨爲一夕客愁聽晨鷄鳴

秋晚登城

許渾

城高不可下永日一登臨曲檻涼飈急空樓返照深蘆花迷夕棹梧葉散秋砧謾作歸田賦蹉跎歲欲陰

秋晚

羅隱

宰邑慚良術爲文愧壯圖縱饒長委命爭奈漸非夫

孟酒有時有亂離無處無金庭在何處迴首一踟躕

秋晚留題曾望郊居二首

皮日休

竹樹冷澹落入門神已清寒蛩傷枕響秋菜上墻生黃犬病仍吠白驢饑不鳴唯將一盃酒盡日慰劉楨

二

冷臥空齋內餘醒夕未消秋花如有恨寒蝶似無憐簷上落闌鵲籬根生晚潮若論羈旅事猶自勝臯橋

奉酬秋晚見題二首

陸龜蒙

爲愛晚窗明門前亦懶行圖書看浣熟鄰里見還生鳥啄琴林響僧傳藥味精緣君多古思攜手上空城

唐詩類苑

卷之十四

十五

二

何事樂漁樵巾車或倚橈和詩盈古篋賒酒半寒飄失雨園蔬赤無風樹葉凋清言一相遺吾道未全消

秋晚

白居易

籬菊花稀砌桐落樹陰離離日色薄單幙疎簾貧寂寞涼風冷露秋蕭索光陰流轉忽已晚顏色凋殘不如昨萊妻臥病月明時不擣寒衣空擣藥

秋晚林中寄賓幕

方干

八月蕭條九月時沙蟬海燕各分飛五盃未稱嘗生酒砧杵先催試熟衣泉漱玉聲穿石響猶垂朱實壓

荆扉無過縱有山家思印綬留連爭得歸

暮秋感思二首

孟郊

西風吹垂楊條條脆如藕上有噪日蟬催人成皓首  
亦恐旅步難何獨朱顏醜一作欲慰一時心莫如千

日酒

優哉遵渚鴻自得養身者不啄太倉粟不飲方塘水  
振羽憂浮雲置羅任徒爾

暮秋山行

岑參

疲馬臥長坂夕陽下通津山風吹空林颯颯如有人  
蒼旻霽涼雨石路無飛塵千念集暮節萬籟悲蕭辰

唐詩類苑

卷之十四

五

鷓鴣昨夜鳴蕙草色已陳況在遠行客自然多苦辛

暮秋言懷

魏徵

首夏別京輔杪秋滯三河沉沉蓬萊閣日夕鄉思多  
霜剪涼地蕙風捎幽渚荷歲芳坐淪歇感此式微歌

暮秋遷客增思寄京華

李嘉祐

宋玉怨三秋張衡復四愁思鄉鴈北至欲別水東流  
倚樹看黃葉逢人訴白頭佳期不可失落日自登樓

暮秋言懷

羊士諤

城隅凝綵畫紅樹帶青山遲客金罇晚譚空玉柄閑  
馳暉三峽水旅夢百勞關非是淮陽薄丘中只望還

暮秋獨遊曲江

李商隱

荷葉生時春恨生荷葉枯時秋恨成深知身在情長  
在悵望江頭江水聲

秋暮言志

太宗

朝光浮燒野霜華淨碧空結浪水初鏡在徑菊方叢  
約嶺煙深翠分旗霞散紅抽思滋泉側飛想傳巖中  
已獲千箱慶何以繼薰風

奉和秋暮言志應制

許敬宗

秋深桂始發寒總菊餘菲波擁群鳧至秋飄朔鴈歸  
月英生還落雲枝似復非凝宸閱西畝觀文佇少微

唐書

卷之十四

五

聖敬韜前哲先天諒不違

秋暮寄友人

賈島

寥落關河暮霜風樹葉低遠天垂地外寒日下峰西  
有志煙霞切無家歲月迷清宵話白閣已負十年棲

秋暮

賈島

北門楊柳葉不覺已繽紛值鶴因臨水迎僧忽背雲  
白鬚相並出暗淚兩行分默默空朝夕苦吟誰喜聞

樂堂秋暮

錢起

隱來未得道歲去愧雲松茅屋空山暮荷衣白露濃  
唯憐石苔色不染世人踪潭靜宜孤鶴山深絕遠鐘



有時丹竈上數點綵霞重勉事壺公術僊期待赤龍

殘秋送友

方干

早爲千里別况復是秋殘木葉怨先去江雲愁暮寒  
交情如水澹離酒汎盃寬料想還家後休吟行路難

搖落

鄭谷

夜來搖落悲桑棗半空枝故國無消息流年有亂離  
霜秦聞鴈早煙渭認帆遲日暮寒蟬急邊軍在雍岐

搖落

杜甫

搖落巫山暮寒江東北流煙塵多戰鼓風浪少行舟  
驚費羲之墨貂餘季子裘長懷報明主臥病復高秋

薄遊

卷之十四

天

薄遊

杜甫

浙浙風生砌團團月隱墻遙空秋鴈滅半嶺暮雲長  
病葉多先墜寒花只暫香巴城添淚眼今夕復清光

同舊韻

韋莊

大火收殘暑清光漸惹襟謝莊千里思張翰五湖心  
暮角迎風急孤鐘向暝沈露滋三徑草日動四隣砧  
簾委班姬扇蟬悲蔡琰琴方愁丹桂遠已怯二毛侵  
愁石迴泉脉移碁就竹陰觸絲蛛墮網避隼鳥投林  
貌愧潘郎壁文慚呂相金但埋豐獄氣未發爨桐音  
靜笑劉琨舞閑思阮籍吟野華和雨斲怪石入雲尋

跡竟終非切幽閑且自任趨時慙蕤薄託質仰恩深  
美價方稀古清名已絕今既聞留縞帶詎肯擲著簪  
遲客虛高閣迎僧出亂岑壯心徒戚戚逸足自駸駸  
安美倉中鼠危同幕上禽期君調鼎傳他日俟羊

三用韻

韋莊

素律初迴馭商飈暗觸襟乍傷詩客思還動旅人心  
蟬噪因風斷綠遊見鷺沈笛聲隨晚吹松韻激遙砧  
地覆青袍草窗橫綠綺琴煙霄難自致歲月易相侵  
澗柳橫孤釣巖藤架密陰瀟湘期釣侶郭杜別家林

薄遊

卷之十四

天

遺愧虞香壁言依季布金鉞聞郢唱次第發巴音  
螢影衝簾落蟲聲擦砌吟樓高思共釣寺遠想同尋  
入夜愁難遣逢秋恨莫任蝸游苔徑滑鶴步翠塘深  
莫問榮兼辱寧論古與今固窮憐甕牖感舊惜高林  
晚日舒霞綺遙天倚黛岑鴛鴦方翾翾驕驥整駸駸  
朱化投陂竹空思出谷禽感多聊自遣桑落且開斟

七月一日作

白居易

七月一日天秋生履道里閑居見清景高興從此始  
林間暑氣歇池上涼風起橋竹碧鮮鮮岸莎青靡靡  
蒼然有盤石清淺平流水柯言中門前便是深山裏



雙僮侍坐臥一杖扶行止饑聞麻粥香渴覺雲湯美  
平生所好物今日多在此此外更何思市朝心已矣  
和太常李主簿秋中山下別墅卽事

盧綸

清秋未幾時宋玉已先知曠朗霞映竹澄明山滿池  
葦橋雙鶴赴收果衆猿隨韶樂方今奏雲林徒蔽虧  
大曆二年九月三十日 杜甫

爲客無時了悲愁向夕終瘴餘夔子國霜薄楚王宮  
草敵虛嵐翠花禁冷葉紅年年小搖落不與故園同  
賦得九月盡秋字 元稹

唐詩類苑

卷之十四

三十一

霜落三旬後莫餘一葉秋玄陰迎落日涼魄盡殘鈎  
半夜灰移管明朝帝御裘潘安過今夕休詠賦中愁  
季秋江村 杜甫

喬木村墟古疎籬野蔓懸清琴將暇日白首望霜天  
登俎黃柑重支牀錦石圓遠遊雖寂寞難見此山川  
秋盡 杜甫

秋盡東行且未迴茅齋寄在少城隈籬邊老却陶潛  
菊江上徒逢袁紹孟雪嶺獨看西日落劍門猶阻北  
人來不辭萬里長爲客懷抱何時得好開

唐詩類苑卷第十四終

唐詩類苑卷第十五

歲時部

雲間張之象玄超甫纂輯  
雲間杜開美袁度甫編次  
雲間王徹叔朗甫補訂  
梁谿曹仁孫伯安甫校正

冬

孟冬蒲津關河亭作

呂溫

息駕非窮途未濟豈迷津獨立大河上北風來吹人  
雪霜自茲始草木當更新嚴冬不肅殺何以見陽春

唐詩類苑

卷之十五

一

孟冬

杜甫

殊俗還多事方冬變所爲破枿霜落爪嘗稻雪翻匙  
巫岫寒都薄烏蠻瘴遠隨終然減灘瀨暫喜息蛟螭  
初冬 杜甫

垂老戎衣窄歸休寒色深漁舟上急水獵犬著高林  
日有習池醉愁來梁甫吟干戈未偃息出處遂何心

初冬旅舍早懷

枕上角聲微離情未息機夢回三楚寺寒入五更衣  
月沒樓烏動霜晴凍葉飛自慚行役早深與道相違

初冬偶作

皮日休

豹皮茵下百餘錢劉墮問沽盡醉眠酒病校來無一事鶴亡松老似經年

奉和初冬偶作

陸龜蒙

桐下空堦疊綠錢貂裘初綻擁高眠小爐低幌還遮掩酒滴清香似去年

初冬偶作寄南陽潤卿

皮日休

寓居無事入清冬雖設樽疊酒半空白菊爲霜翻帶紫蒼苔因雨却成紅迎潮預遣收魚笱防雪先教蓋鶴籠唯待支硎最寒夜共君披覽訪林公

奉和次韻初冬偶作寄南陽潤卿

唐詩類苑

卷之十五

二

陸龜蒙

逐日生涯敢計冬可嗟寒事落然空牕憐反照綠書小庭喜新霜爲橘紅衰柳尚能和月動敗蘭猶擬倩煙籠不知海上今清淺試與飛書問洛公

初冬卽事呈夢得

白居易

青氈帳煖喜微雪紅地鑪深宜早寒走筆小詩能和不否潑醅新酒試嘗看僧來乞食因留宿客到開樽便共懽臨老交親零落盡希君恕我取人寬

首冬寄河東昭德里書事貽鄭損倉曹

盧綸

清冬和暖天老鈍晝多眠日愛閭巷靜每聞官吏賢寒蔬供家食腐藥宿厨煙且復執盃酒無煩輕議邊

湓浦早冬

白居易

潯陽孟冬月草木未全衰抵抵長安陌涼風八月時日西湓水曲獨行吟舊詩蓼花始零亂蒲葉稍離披但作城中想何異曲江池

全州冬月陪太守遊池

僧無可

殘臘雪紛紛林間起送君苦吟行迥野投跡向寒雲絕頂晴多去幽泉凍不聞唯應草堂寺高枕脫人羣

冬日宴

駱賓王

唐詩類苑

卷之十五

三

二三物外友一百杖頭錢賞洽袁公地情披樂今天促膝鸞鵠滿當爐獸炭燃何須攀桂樹逢此日留連

冬日

孟郊

老人行百一不及空周陳馬四蹄喫步卓難自收短景灰飛過午光不上頭少壯日與輝衰年日與愁日愁疑在日歲箭迸如響萬事有何味一生虛自囚不知文字利到死空遨遊

冬日

方干

燒火掩關坐窮居訪客稀凍雲愁暮色寒日澹斜暉穿牖竹風滿遶庭雲葉飛已嗟囚一歲羈寓尚荷衣

冬日山居思鄉

周賀

大野始嚴凝，雲天曉色澄。  
樹寒稀宿鳥，山迥少來僧。  
背日收窗雪，開爐釋硯冰。  
忽然歸故國，孤想寓西陵。

冬日送友人西歸

劉威

北風吹別思，杳杳度雲山。  
滿望是歸處，一生猶未閒。  
知音方見譽，浮宦又相關。  
空有心如月，同君千里還。

冬日寄僧友

僧無可

歛履入寒竹，安禪過漏聲。  
高杉殘葉落，深井凍痕生。  
欽磬風枝動，懸燈雪屋明。  
何當招我友，乘月上方行。

冬日寄李贊府

于良史

地險朝陽滿，天邊宿霧收。  
風兼殘雪起，河帶斷水流。  
北闕馳心極，南圖尚旅遊。  
登臨思不已，何處得銷憂。

冬郊行望

王勃

桂密巖花白，梨疎林葉紅。  
江高寒望盡，歸念斷征蓬。

冬行三首

盧仝

蟲豸臘月皆在蟄，吾獨何乃勞。  
其形小大無由知，天命但怪守道不得寧。  
老母妻子一揮手，涕下便作千  
里行。自顧不及遭霜葉，旦夕保得同飄零。  
達生何足云，偶然苦樂經其身。  
古來堯孔與桀跖，善惡何補如今人。

長年愛伊洛，決計卜長久。  
賒買里仁宅，水竹且小有。  
賣宅將還資舊業，苦不厚。  
債家徵利心，餓虎血染口。

臘風刀刻肌，遂向東南走。  
賢哉韓員外，勸我莫強取。  
憑風謝長者，敢不愧心苟。  
賃載得估舟，估雜非吾偶。  
壯色排榻席，別座夸羊酒。  
落日無精光，啞暝被掣肘。  
漕石生齒牙，洗灘亂相振。  
奔澌嚼篙杖，夾岸雪龍吼。  
可憐聖明朝，還爲喪家狗。  
通運隔南溟，債利柱北斗。  
揚州屋舍賤，還債堪了不。  
此宅貯書籍，地濕憂蠹朽。  
賈僕舊相識，十年與營守。  
貧交多變態，僕得君子不。  
利命子罕言，我誠孔門醜。  
且貴終焉圖，死免慙狐首。

唐詩類苑

卷之十五

唐詩類苑

卷之十五

五

五

何當歸帝鄉，白雲永相友。  
不敢唾汴水，汴水入東海。  
污泥龍王宮，恐復不敬罪。  
不敢蹋汴堤，汴堤連秦宮。  
蹋盡天子土，餽餽無由通。

此言雖太濶，且是臣心腸。  
野風結陰兵，千里鳴刀槍。  
海月護羈魄，到曉點孤光。  
上不事天子，下不識侯王。

夜半睡獨覺，爽氣盈心堂。  
顏子甚年少，孔聖同行藏。  
我年過顏子，敢道不自強。  
船人雖奴兵，亦有意智長。  
問我何所得，樂色填清揚。  
我報果有爲，孔經在衣裳。

負冬日

白居易

杲杲冬日出，照我屋南隅。  
負暄閉目坐，和氣生肌膚。

初似飲醉醪又如蟄者蘇外融百骸暢中適一念無  
曠然忘所在心與虛空俱

幽居冬暮

李商隱

羽翼摧殘日郊園寂寞時曉鷄驚樹雪寒鷺守冰池  
急景倏云暮頽年寢已衰如何匡國分不與夙心期

宣義里舍冬暮自貽

鄭谷

幽居不稱在長安溝淺浮春岸雪殘板屋漸移方帶  
野水車新入夜添寒名如有分終須立道若離心豈  
易寬滿眼塵埃馳驚去獨尋煙竹剪漁竿

冬夜書懷

王維

唐詩類苑

卷之十五

六

冬宵寒且永夜漏宮中發草白靄繁霜木衰澄清月  
麗服映頽顏朱燈照華髮漢家方尚少顧影慚朝謁  
贈司馬承禎冬宵引 宋之問

河有水兮山有雪北戶墜兮行人絕獨山中兮對明  
月懷美人兮屢盈缺明月的的寒潭中青松幽幽吟  
勁風此情不向俗人說愛而不見恨無窮

荅宋之問冬宵引

司馬承禎

時既暮兮節欲春山林寂兮懷幽人登奇峰兮望白  
雲悵緬邈兮象郁紛白雲悠悠去不返寒風颼颼吹  
日晚不見其人誰與言歸坐彈琴思逾遠

冬宵四韻

太宗

雕宮靜龍漏綺閣宴公侯珠簾燭緇動繡柱月光浮  
雲起將歌發風停與管道瑣除任多士端展更何憂

歲晚

白居易

霜降水返壑風落木歸山冉冉歲將晏物皆復本源  
何此南遷客五年獨未還命途分已定日久心彌安  
亦嘗心與口靜念私自言去國固非樂歸鄉未必歡  
何須自生苦捨易求其難

歲晚言事寄鄉中親友

方干

急景蒼茫晝若昏夜風乾峭觸前軒寒威半入龍蛇  
窟煖氣全歸草樹根蠟燭凝來多碧焰香醪滴處有  
冰痕尺書未達年應老先被新春入故園

唐詩類苑

卷之十五

七

歲晚旅望

白居易

朝來暮去星霜換陰慘陽舒氣序牽萬物秋霜能壞  
色四時冬日最凋年煙波半露新沙地鳥雀群飛欲  
雪天向晚蒼蒼南北望窮陰旅思兩無邊

歲暮

白居易

慘澹歲云暮窮陰動經旬霜風裂人面冰雪摧車輪  
而我當是時獨不知苦辛晨炊廩有米夕爨厨有新  
夾帽長覆耳重裘寬褻身加之一杯酒煦嫗如陽春

洛城士與庶比屋多饑貧何處爐有火誰家甑無塵  
如我飽煖者百人無一人安得不慚愧放歌聊自陳

梓潼歲暮

鄭谷

江城無宿雪風物易爲春酒美消磨日梅香着莫人  
老吟窮景象多難損精神漸有還京望綿州減戰塵

歲暮

杜甫

歲暮遠爲客邊隅還用兵煙塵犯雪嶺鼓角動江城  
天地日流血朝廷誰請纓濟時敢愛死寂寞壯心驚

歲暮道情二首

白居易

壯日苦曾驚歲月長年都不惜光陰爲學空門平等

唐詩類苑

卷之十五

八

法先齊老少死生心

半故青山半白頭雪風吹面上江樓禪功自見無入  
覺合是愁來亦不愁

歲暮呈思黯相公皇甫朗之及夢得尚書

白居易

歲暮幡然一老夫十分流輩九分無莫嫌身病人扶  
侍猶勝無身可遣扶

歲暮寄微之

白居易

微之別久能無歎知退書稀豈免愁甲子百年過半  
後光陰一歲欲終頭池冰曉合膠船底樓雪晴銷露

瓦溝自覺歡情隨日減蘇州心不及杭州

白頭歲暮苦相思除却悲吟無可爲枕上從妨一夜

睡燈前讀盡十年詩龍鍾校正騎驢日顚顚通江司

馬時若並如今是全活紆朱拖紫且開眉

榮進雖頻退亦頻與君才命不調勻若不九重中掌

事卽須千里外拋身紫垣南北廳曾對滄海東西郡

又鄰唯欠結廬嵩洛下一時歸去作閑人

歲暮

白居易

窮通急景坐相催壯齒韶顏去不迴舊病重因年老

發新愁多是夜長來膏明自焚緣多事鴈默先烹爲

唐詩類苑

卷之十五

九

不才禍福細尋無會處不如且進手中盃

三年冬隨事鋪設小堂寢處稍似穩煖因念

衰病偶吟所懷

白居易

小宅非全陋中堂不甚卑聊堪會親族足以貯妻兒

煖帳迎冬設溫爐向地施裘新青兔褐襦軟白猿皮

似鹿眠深草如鷄宿穩枝逐身安枕席隨事有屏帷

病致衰殘早貧營活計遲由來蠶老後方是蠶成時

十二年冬江西溫暖喜元八寄金石凌到因

題此詩

白居易

今冬臘候不嚴凝暖霧溫風氣上騰山脚崦中纔有

雪江流漫處亦無水欲將何藥防春瘴只有元家金  
石凌

六年冬暮贈崔常侍晦叔 白居易

髻毛霜一色光景水爭流易過唯冬日難銷是  
香開綠蟻酒煖擁褐綾裘已共崔君約樽前倒卽休

十月一日 杜甫

有瘴非全歇爲冬不亦難夜郎溪日暖白帝峽風寒  
蒸裏如千室焦糟幸一棹茲展南國重舊俗自相歡

十二月一日三首 杜甫

今朝臘月春意動雲安縣前江可憐一聲何處送書  
唐詩類苑 卷之十五 十

鴈百丈誰家上瀨船未將梅蕊驚愁眼更取椒花媚

遠天明光起草人所羨肺病幾時朝日遶

寒輕市上山煙碧月滿樓前江霧黃負鹽出井此溪

女打鼓發船何郡郎新亭舉目風景切茂陵著書消

渴長春花不愁不爛熳楚宮唯聽棹相將

卽看燕子入柴扉豈有黃鸝歷翠微短短桃花臨水

岸輕輕柳絮點人衣春來準擬開懷久老去親知見

面稀他日一杯難強進重嗟筋力故山違

十二月二十三日作兼呈晦叔

白居易

案頭曆日雖未盡向後唯殘六七行牀下酒瓶雖不  
滿猶應醉得兩三場疾身不許依年老拙宦虛教逐  
日忙聞健偷閒且勤飲一盃之外莫思量

臘後歲前遇景詠意 白居易

江梅半白柳微黃凍水初融日欲長度臘都無苦霜  
霰迎春先有好風光郡中起晚聽衙鼓城上行瀟倚

女牆公事漸閒身且健使君殊未厭餘杭

冬深 杜甫

花葉隨天意江溪共石根早霞隨類影寒水各依痕  
易下楊朱淚難招楚客魂風濤暮不穩捨棹向誰門

唐詩類苑 卷之十五 十一

季冬自嵩山赴洛道中作 獨孤及

皇運偶中變長地食中土天蓋西北傾衆星殞如雨

胡塵動地起千里聞戰鼓死人成爲皁流血塗草莽

策馬何紛紛捐軀抗豺虎甘心赴國難誰謂荼葉苦

天子初受命省方造區宇斬鯨安溟波截鼉作天柱

三微復正統五玉歸文祖不圖漢官儀今日忽再覩

升高混京邑佳氣連海浦寶鼎歆景雲明堂舞千羽

虎臣頗激昂奔走爭禦侮腐儒着縫掖何處議鄒魯

西上輟轅山丘陵橫今古和風蒸萬物臘月春靄吐

得爲太平人窮達不足數他日遇封禪著書繼三五

閒居冬末寄友人

朱慶餘

短亭分袂後倚檻思偏孤  
雨雪落殘臘輪蹄在遠途  
人情難故舊草色易凋枯  
共有男兒事何年入帝都

窮冬太學

林寬

投跡依槐館荒庭草合時  
雪深鶯嘯急新濕鼎吟遲  
默坐同誰話非僧不我知  
匡廬瀑布畔何日副心期

卽事重題

白居易

重裘煖帽寬瓊履小閣低  
窗深地爐身穩心安眠未  
起西京朝士得知無

與裴秀才自越西歸阻東登丘山寺

唐詩類苑

卷之十五

十一

許渾

春草越吳間心期旦夕還  
酒鄉逢客病詩境遇僧閒  
倚棹冰生浦登樓雪滿山  
東風不可待歸鬢坐來斑

訓韓質舟行阻東

韋應物

晨坐枉嘉藻持此慰寢興  
中獲辛苦奏長河結陰冰  
皓曜群玉發淒清孤景凝

一作

至柔反成堅造化安

可恒方舟未得行鑿飲空  
兢兢苦寒彌時節待洋豈  
所能何必涉廣川荒衢且  
升騰殷勤宣中意庶用達

吾朋

曉

詠曉

元稹

軍中始吹角城上河初落  
深沈猶隱帷晃朗先分閣

詠曉

溫庭筠

蟲歇紗窗靜鴉散碧梧寒  
稍驚朝珮動猶傳清漏殘  
亂朱凝燭淚微紅上露盤  
褰衣復理髮餘潤拂芝蘭

將曉二首

杜甫

石城除擊柝鐵鎖欲開關  
鼓角悲荒塞星河落曉山  
巴人常小梗蜀使動無邊  
垂老孤帆色飄飄犯百蠻

二

軍吏回官燭舟人自楚歌  
寒沙蒙薄霧落月去清波

唐詩類苑

卷之十五

十三

壯惜身名晚衰慚應接多  
歸朝日簪笏筋力定如何

曉寢

白居易

轉枕重安寢迴頭一欠伸  
紙窗明覺曉布被暖知春  
莫強疎慵性須安老大身  
鷄鳴一覺睡不博早朝人

曉眠後寄楊戶部

白居易

軟綾腰襖薄綿被涼冷秋  
天穩暖身一覺曉眠殊有  
味無因寄與早朝人

曉起

李商隱

擬盃當曉起呵鏡可微寒  
隔箔山櫻熟褰帷桂燭殘  
書長爲報晚夢好更尋難  
影響輪雙蝶偏過舊曉闌



曉起卽事因成廻文寄襲美

陸龜蒙

平波落月吟閒景暗幌浮煙思起人清露曉垂花謝  
半遠風微動蕙抽新城荒上處樵童小石蘚分來宿  
鷺馴晴寺野尋同去好古碑苔字細書勻

奉和曉起廻文

皮日休

孤煙曉起初原曲碎樹微分半浪中湖後釣筒移夜  
雨竹飭眠几側晨風圖梅帶潤輕霑墨畫蘚經蒸半  
失紅無事有盃持永日共君唯好隱牆東

宿東亭曉興

白居易

唐詩類苑

卷之十五

十四

溫溫土爐火耿耿紗籠燭獨抱一張琴夜入東齋宿  
牕聲度殘漏簾影浮初旭頭癢曉梳多眠昏春睡足  
負暄簷宇下散步池塘曲南鴈去未迴東風來何速  
雪依瓦溝白草遶牆根綠何言萬戶州太守常幽獨

早夏曉興贈夢得

白居易

牕明簾薄透朝光臥整巾簪起下牀背壁燈殘經宿  
焰開箱衣帶隔年香無情亦任他春去不醉爭銷得  
日長一部清商一壺酒與君明日暖新堂

澗碧驛曉思

溫庭筠

香燈伴殘夢楚國在天涯月落子規歎滿庭山杏花

曉思

王建

曉氣生綠水春條露霏霏林間棲鳥散遠念征人起  
幽花宿含彩早蝶寒弄翅君行非晨風詎能從門至

曉坐

李商隱

後閣罷朝眠前墀思黯然梅應未假雪柳自不勝煙  
淚續淺深縷腸危高下絃紅顏無定所得失在當年

和望曉

白居易

休吟稽山曉聽詠秦城旦鷄鳴初有聲宿鳥猶未散  
丁丁漏向盡繁繁鼓過半南山青沈沈東方白漫漫  
街心若流水城角如斷岸星河稍隅落宮闕方輪煥

唐詩類苑

卷之十五

十五

朝車雷四合騎火星一貫赫奕冠蓋盛熒煌朱紫爛  
沙堤亘墓池市路遶龍斷白日忽照耀紅塵紛散亂  
貴教過客避榮任行人看祥煙滿虛空春色無邊畔  
鵝行候畧刻龍尾登霄漢臺殿暖宜攀風光晴可翫  
草鋪地茵褥雲卷天幃幔鶯雛雜佩鏘鏘花饒衣粲粲  
何言終日樂獨起臨風歎歎我同心人一別春七換  
相望山隔礙欲去官騎絆何日到江東超然似張翰  
與王六履震廣州津亭曉望

張九齡

明發臨前渚寒來淨遠空水紋天上碧日氣海邊紅



景物紛爲異人情賴此同乘桴自有適非欲破長風

曉望

杜甫

白帝更聲盡陽臺曉色分高峯寒上日疊嶺宿霾雲  
地坼江帆隱天清木葉聞荆扉對麋鹿應共爾爲群

天街曉望

許渾

明一作星低未央蓮闥迥蒼蒼疊鼓催殘葉疎鐘迎  
早霜關防浮瑞氣宮館耀神光再拜爲君壽南山高  
且長

春日陪李庶子遵善寺東院曉望

盧綸

唐詩類苑

卷之十五

十六

映竹水田分當山起鴈群陽峯高對寺陰井下通雲  
雪畫唯逢鶴花時此見君由來禪誦地多有謝公文

曉望

杜牧

獨起望山色水鷄鳴蓼洲房星隨月曉楚木向雲秋  
曲渚疑江盡平沙似浪浮秦原在何處澤國碧悠悠

曉望

李咸用

露驚松上鶴曉色動扶桑碧浪催人老紅輪照物忙  
世情隨日變利路與天長好駕航船去陶陶入醉鄉

長安曉望寄崔補闕

包何

迢遞山河擁帝京參差宮殿接雲平風吹曉漏經長

樂柳帶晴煙出禁城天淨笙歌臨路發日高車馬  
塵行自憐久住諸生列未得金閨籍姓名

曉別

白居易

曉鼓聲已半離筵坐難久請君斷腸歌送我和淚酒  
月落欲明前馬嘶初別後浩浩暗塵中何由見迴首

東樓曉

白居易

脉脉復脉脉東樓無宿客城暗雲霧多峽深田地窄  
宵燈尚留焰晨禽初展翮欲知山高低不見東方白

石城曉

李賀

月落大堤上女垣棲鳥起細露濕團紅寒香解夜醉

唐詩類苑

卷之十五

十七

女牛渡天河柳煙滿城曲上客留斷纓殘蛾關雙綠  
春帳依微蟬翼羅橫橫茵突金隱體花帳前輕絮鵝毛  
起欲說春心無所似

趨府候曉呈兩縣僚友

韋應物

趨府不遑安中宵出戶看滿天星尚在近壁燭仍殘  
立馬頻驚曙垂簾却避寒可憐同宦者應悟下流難

冬曉呈鄰里

盧綸

終夜寢衣冷開門思曙光空堦一叢葉華室四鄰霜  
望闕覺天迥憶山愁路荒途中一留滯雙鬢秋

赴京初入口曉景卽事先寄兵部李郎中

杜牧

清淮控隋漕北走長安道橋形櫛櫛斜浪態迤迤好  
初旭紅可染明河澹如掃澤澗鳥來遲村饑人語早  
露蔓蟲絲多風蒲燕雛老秋思高蕭蕭客愁長裊裊  
因懷京洛間官遊何戚草什伍持津梁湏湧爭追討  
翻便去聲詎可尋幾秘安能考小人乏馨香上下將何  
禱唯有君子心顯豁知幽抱

朝二首

杜甫

清旭楚宮南霜空萬嶺含野人時獨往雲木曉相參  
俊鶻無聲過饑鳥下食貪病身終不動搖落任江潭

唐詩類苑

卷之十五

十八

二

帆浦晨初發郊扉冷未開村疎黃葉墜野靜白鷗來  
礎潤休全濕雲晴欲半迴巫山冬可怪昨夜有奔雷

朝課

白居易

平甃白石渠靜掃苔苔院池上好風來新荷大如扇  
小亭中何有素琴對黃卷藥珠諷數篇秋思彈一遍  
從容朝課畢方與客相見

酬杜五弟晴朝獨坐見贈

李嶠

平明坐虛館曠望幾悠哉宿霧分空盡朝光度隙來  
影低藤架密香動藥欄開未展山陽會空留池上杯

池上清晨候皇甫郎中

白居易

曉景麗未熱晨風鮮且涼池幽綠蘋合霜給白蓮香  
深掃竹間逕靜拂松下牀玉柄鶴翎扇銀鬕雲母漿  
屏除無俗物瞻望唯清光何人擬相訪羸女從蕭郎

賦得晨光動翠華

早朝開紫殿佳氣逐清晨北闕華旌在東方曙景新  
影連香露合光媚膠雲頰烏羽飄初定龍交照寶真  
直宜環珮入長愛冕旒親搖蕩祥雲裏朝朝映侍臣

晨起二首

許渾

桂樹綠層層風微煙露凝簷楹銜落月幃幌耿殘燈

唐詩類苑

卷之十五

十九

湘簾曙香冷越瓶秋水澄心閒即無事何異住山僧

二

殘月皓煙露掩門深竹齋水蟲鳴曲檻山鳥下空階  
清鏡曉看髮素琴秋寄懷因知北窻客一作日與世情乖

晨起

曹松

曉色教不睡卷簾清氣中林殘數枝月髮冷一梳風  
並鳥含鐘語歛河隔霧空莫疑營白日道路本無窮

和展興因報問龜兒

白居易

冬日寒慘澹雲日無晶輝當此歲暮感見君晨興詩

君詩亦多苦苦在兄遠離我苦不在遠纏綿肝與脾  
西院病孀婦後牀孤姪兒黃昏一慟後夜半一起時  
病眼兩行血悲聲萬莖絲咽絕五臟脉消滲百骸脂  
雙目失一目四肢斷兩肢不如湔然盡安用半活爲  
誰謂茶蘼苦茶蘼甘如飴誰謂湯火熱湯火冷如澌  
前時君寄詩憂念問阿龜喉噪聲氣窒經年無報辭  
及覩晨興句未吟先涕垂因茲連連際一吐心中悲  
茫茫四海間此苦惟君知去我四千里使我告訴誰  
仰頭向青天但見鴈南飛憑鴈寄一語爲我達微之  
絃絕有續膠樹斬可接枝唯我中腸斷應無續時  
唐詩類苑 卷之十五 二十一

和夢得冬日晨興

白居易

漏傳初五點鷄報第三聲帳下從容起意同曉  
明照書燭未滅煖酒火重生理曲絃歌動先聞唱渭城

晨興

白居易

宿鳥動前林晨光上東屋銅爐添早香紗籠滅殘燭  
頭醒風稍愈眼飽睡初足起坐兀無思叩齒三十六  
何以解宿齋一杯雲母粥

晨出郡舍林下

張九齡

晨興步北林蕭散一閑襟復見林上月娟娟猶未沈  
片雲自孤遠叢篠亦清深無事由來貴方知物外心

和張九齡晨出郡舍林下 崔頌

優閒表政清林薄賞秋成江上懸曉月往來虧復盈  
天雲抗直意郡閣嗒高名坐嘯應無欲寧辜濟物情  
晨坐齋中偶而成詠 張九齡

寒露潔秋空還山分在鵬孤頂乍修聳微雲復相續  
人茲賞地遍鳥亦愛林旭結念憑幽遠撫躬曷騫束  
仰霄謝逸翰臨路嗟疲足徂歲方聯攜歸心亟踴躍  
休閒償有素豈負南山曲

西池晨望

羊士諤

起來林上月滿灑故人情鈴閣人何事蓮塘曉獨行  
唐詩類苑 卷之十五 二十一

木沾竹露爽茶對石泉清鼓吹前賢薄群蛙試一鳴

春早

皇甫冉

草徧潁陽山花開武陵水春色旣已同人心亦相似

春早

韋莊

聞鶯纔覺曉閉戶已知晴一帶牕間月斜穿枕上生  
早覺有懷 呂溫

東方殊未明暗室蟲正飛先覺忽先起衣裳顛倒時  
嚴冬寒漏長此夜如何其不用思秉燭扶桑有清暉

冬日早起閒詠

白居易

冰塘耀初旭風竹飄餘霰幽境雖目前不因閒不見

晨起對爐香道經尋兩卷晚坐拂琴塵秋思彈一彈  
此外更無事開樽時自勸何必東風來一盃春上面

早起

賈島

北客入西京北鴈再離北秋寢獨前與天校星落織  
就翫餘恬爽顧盼輕病力旅途少顏盡明鏡勸僊食  
出門路踪橫張家路最直昨夜夢見書張家廳上壁

早起

曹鄴

月墮滄浪西開門樹無影此時歸夢闌立在梧桐井

早起

李商隱

風露澹清晨簾間獨起人鶯花啼又笑畢竟是誰親

唐詩類苑

卷之十五

三

早起

王建

迴燈正衣裳出戶星未稀堂前候姑起環珮生晨輝  
暗池光鷺聲密樹花葳蕤九城鐘漏絕遙聽直郎歸

早起

楊厚

星漢轉寒更伊余索寞情鐘催歸夢斷鴈引遠愁生  
危壁蘭光暗疎簾露氣清閒庭聊一望海日未分明

初冬早起寄夢得

白居易

起戴烏紗帽行披白布裘爐溫先暖酒手冷未梳頭  
早景煙霜白初寒鳥雀愁詩成遣誰和還是寄蘇州

新秋早起有懷元少尹

白居易

秋來轉覺此身衰晨起臨堦望漱時漆匣鏡明頭盡  
白銅瓶水冷齒先知光陰縱惜留難住官職雖榮得  
已遲老去相逢無別計強開笑口展愁眉

早興

白居易

晨光出照屋梁明初打開門鼓一聲天上堦眠知地  
濕鳥臨窻語報天晴半銷宿酒頭仍重新脫冬衣體  
乍輕睡覺心空思想盡起來鄉夢不多成

早望海邊霞

李白

四明三千里朝起赤城霞日出紅光散分輝照雪崖  
一餐鹽瓊液五內發金沙舉手何所待青龍白虎車

唐詩類苑

卷之十五

三

早歸

元稹

春歸曉風微凌晨帶酒歸遠山籠宿霧高樹影朝暉  
飲馬魚驚水穿花露滴衣嬌鶯似相惱含嚬傍人飛

早梳頭

白居易

夜沐早梳頭窻明秋鏡曉颯然握中髮一沐知一少  
年事漸蹉跎世緣方繳繞不學空門法老病何由了  
未得無生心白頭亦爲天

欲曙

元稹

江隄閑暗流蒲鼓急殘籌片月低城堞稀星轉角樓  
鶴嫌華表上鷓鴣枝頭不爲來趨府何因欲曙遊

、東方半明

韓愈

東方半明大星沒猶有太白配殘月嗟爾殘月勿相疑同光共影須臾期殘月暉暉太白睽睽音鷄三號更五點

日高睡

元稹

隔是身如夢頻來不爲名憐君近南住時得到山行

懶起

韓渥

百舌惱朝眠春心動幾般枕霞紅暗淡淚粉玉闌珊籠繡香煙歇屏山燭焰殘暖憐羅襪窄瘦覺錦衣寬昨夜三更雨臨明一陣寒海棠花在不則臥卷簾看

唐詩類苑

卷之十五

三四

夜

日暮

杜甫

日落風亦起城頭烏尾訛黃雲高未動白水已揚波羌婦語還哭胡兒行且歌將軍別上馬夜出擁彫戈

日暮

杜甫

牛羊下來夕各已閉柴門風月自清夜江山非故園石泉流暗壁草露滿秋根頭白燈明裏何須花燼繁

賦得日暮碧雲合

許康佐

日際愁陰生天涯暮雲碧重重初似蓋沈沈乍如積林山黯黯暝隙光俄已夕出岫且從龍縈空寧觸石

餘輝澹瑤草浮影凝綺席時景詎能留幾思輕尺璧

賦得日暮天無雲

熊孺登

杳杳復蒼然無雲日暮天象分清氣外景盡赤霄前漸吐星河色遙生水木烟從容難附麗顧步欲澄鮮但見收三素何能測上玄應非慚呈瑞不許出山川

賦得日暮山河清

天高爽氣晶馳景忽西傾山列千重靜河流一帶明相同金鏡徹寧讓玉壺清纖翳無由出浮埃不復生繁紆分漢苑表裏見秦城逸興終難繫抽毫仰此情

薄暮

杜甫

唐詩類苑

卷之十五

三五

江水最深地山雲薄暮時寒花隱亂草宿鳥擇深枝舊國見何日高秋深苦悲人生不再好鬢髮白成絲

暮立

白居易

黃昏獨立佛堂前滿地槐花滿樹蟬大抵四時心總苦就中腸斷是秋天

黃州暮愁

項斯

淒淒衝淚眼重疊自西來卽夜寒應合非春煖不開豈無登陸計宜棄濟川材願寄浮天外高風萬里回

暮歸

白居易

不覺百年半何曾一日閒朝隨燭影出暮趁鼓聲還

窺裏非無酒，墻頭亦有山。歸來長困臥，早晚得開顏。

答令狐士曹獨孤兵曹聯騎暮歸望山見寄  
韋應物

共愛青山住，近南行。牽吏役，背雙驂。柱書獨宿對流  
水，遙羨歸時滿夕嵐。

暮歸

杜甫

霜黃碧梧白鶴棲，城上擊柝烏復啼。客子入門月皎皎，誰家搗練風淒淒。南渡桂水關，舟楫北歸秦川多。鼓鼙年過半，百不稱意。明日看雲還杖藜。

返照

杜甫

唐詩類苑

卷之十五

三六

返照開巫峽，寒空半有無。已低魚復暗，不盡白鹽孤。荻岸如秋水，松門似畫圖。牛羊識童僕，既夕應傳呼。

返照

杜甫

楚王宮北正黃昏，白帝城西過雨痕。返照入江翻石壁，歸雲擁樹失山村。衰年肺病惟高枕，絕塞愁時早閉門。不可久留豺虎亂，南方實有未招魂。

晚

杜甫

杖藜尋巷晚，炙背近墻暄。人見幽居僻，吾知養拙尊。朝廷問府主，耕稼學山村。歸翼飛樓定，寒燈亦閉門。

春江晚景

張九齡

江林皆秀發，雲日復相鮮。征路那逢此，春心益渺然。興來祇自得，佳處莫能傳。薄暮津亭下，餘花滿客船。

嶽州晚景

張說

晚景寒鴉集，秋聲海鴈歸。水光浮日去，霞彩映虹飛。洲白蘆花吐，園紅柿葉稀。長沙卑濕地，九月未成衣。

晚景悵然簡二三子

李嶠

楚客愁悲動梁臺，夕望賒梧桐稍下。葉山桂欲開，花氣引迎寒露光。收向晚霞長，歌白水曲空對綠池華。

春晚閑望

劉兼

東風滿地是梨花，只把琴心殢酒家。立處晚樓橫短笛，望中春草接平沙。鴈行斷續晴天遠，燕翼參差翠幕斜。計未成頭欲白，釣舟煙浪思無涯。

唐詩類苑

卷之十五

三七

春晚渡河有懷

羅鄴

煙收綠野遠連空，戍壘依稀入望中。萬里山河星拱北，百年人事水歸東。扁舟晚濟桃花浪，走馬晴嘶柳絮風。鄉思正多羈思苦，不堪回首問漁翁。

秋晚

白居易

煙景澹濛濛，池邊微有風。覺寒蛩近壁，知暝鶴歸籠。長貌隨年改，衰情與物同。夜來霜厚薄，梨葉半低紅。

秋晚

李咸用

煙景澹濛濛，池邊微有風。覺寒蛩近壁，知暝鶴歸籠。長貌隨年改，衰情與物同。夜來霜厚薄，梨葉半低紅。

斜陽山雨外秋色思無窮柳葉飄乾翠楓枝撼碎紅  
鬢毛看似雪生計尚如蓬不及樵童樂兼葭一笛風

秋日晚思

李商隱

桐槿日零落雨餘方寂寥枕寒莊蝶去意冷胤螢銷  
取適琴將酒忘多牧與樵平生有遊舊一一在煙霄

秋晚

羅鄴

殘星殘月一聲鐘谷際巖隈爽氣濃不向碧臺驚醉  
夢但來清鏡促愁容繁金露潔黃籠菊獨翠煙凝遠  
澗松閒步幽林與苔徑漸移棲鳥及鳴蛩

冬晚與諸文士會田卿宅

僧無可

唐詩類苑

卷之十五

三十一

從容啓華館饌玉夜燒蘭是歲茲旬盡良宵幾刻殘  
風迴松竹動人息斗牛寒此後思良集須先一作期月  
再圓

向晚

李商隱

當風橫去憶臨水卷空帷北去鞦韆罷南朝祓禊歸  
花情羞脉脉柳意悵微微莫歎佳期晚佳期自古稀

偶晚

白居易

放杯書案上枕臂火爐前老愛尋思事慵多取次眠  
妻教卸烏帽婢與展青氍便是屏風樣何勞畫古賢

日晚歌

顧况

日宵宵今下山望佳人今不還花落今屋上草生今  
階間日日今春風芳菲今欲歇老不可今更少君胡  
爲今輕別

晚思

司空曙

蛩餘窻下月草濕堦前露晚景淒我衣秋風入庭樹

陝西晚思

羅隱

長途已自窮此去更西東樹色榮衰裏人心往返中  
別情流水急歸意故山空莫忘交遊分從來事一同

山中晚興

元季川

河漢降玄霜昨來節物殊愧無神僊姿亦有陰陽律

唐詩類苑

卷之十五

三十一

靈鳥望不見慨然悲高梧華葉隨風揚珍條雜榛蕪  
爲君寒谷吟歎息知何如

送客迴晚興

白居易

城上雲霧開沙頭風浪定參差亂山出澹泞平江淨  
行客舟已遠居人酒初醒嫋嫋秋竹梢色蟬聲似磬

晚興

白居易

草淺馬翩翩新春薄暮天柳條春拂面衫袖醉垂鞭  
立語花隄上行吟水寺前等閒消一日不覺過三年

晚興

白居易

極浦收殘雨高城駐落暉山明虹半出松暗鶴雙歸



將吏隨衙散文書入務稀閒吟倚新竹筠粉汚朱衣

晚望

白居易

江城寒角動沙洲夕鳥還獨坐高亭上西南是遠山

江亭晚望

宋之問

浩渺浸雲根烟嵐出遠村鳥歸沙有跡帆過浪無痕  
望水知柔性看山欲斷魂縱情猶未已迴馬欲黃昏

晚望

戴叔倫

山氣碧氤氳深林帶夕曛人歸孤嶂晚犬吠隔溪雲  
杉竹何年種煙塵此地分桃源寧異此猶恐世間聞

京中晚望

羅隱

唐詩類苑

卷之十五

三

心如野鹿跡如萍謾向人間性一靈往事不知多少  
夢夜來和酒一時醒

僕射陂晚望

羅鄴

離人到此倍堪傷陂水蘆花似故鄉身事未知何日  
了馬蹄惟覺到秋忙田園半落東歸晚道路辛勤北  
去長却美無愁是沙鳥雙雙相趁下斜陽

晚眺有懷

馬戴

點點抱離念曠懷成怨歌高臺試延望落照在寒波  
此地芳草歇舊山喬木多悠然暮天際但見鳥相過

小臺晚坐憶夢得

白居易

汲泉灑小臺臺上無塵埃解帶面西坐輕襟隨風開  
晚坐閒興動憶同傾一盃月明候柴戶藜杖何時來

晚起

白居易

臥聽簾簾衙鼓聲起遲睡足長心情華簪脫後頭雖  
白堆案拋來眼校明閒上藍轡乘興出醉迴花舫信  
風行明朝更濯塵纓去聞道松江水最清

自終南山晚歸

錢起

采苓日往還得性非樵隱白水到初澗青山辭尚近  
絕境勝無倪歸途興不盡沮溺時返顧牛羊自相引  
逍遙不外求塵慮從茲泯

唐詩類苑

卷之十五

三

東城晚歸

白居易

一條筇杖懸龜榼雙角吳童控馬銜晚入東城誰識  
我短靴低帽白蕉衫

晚歸府

白居易

晚從履道來歸府街路雖長尹不嫌馬上涼於牀上  
坐綠槐風透紫蕉衫

遊城南留元九李二十晚歸

白居易

老遊春飲莫相違不獨花稀人亦稀更勸殘盃留日  
影猶應趁得鼓聲歸



街西晚歸

鄭谷

御溝春水繞閒坊信馬歸來傍短牆幽榭名園臨紫陌晚風時帶牡丹香

晚自東郭回留一二故友許渾

鄉心迢遞宦情微吏散尋幽趣晚暉林下草腥巢露宿洞前雲濕雨龍歸鐘隨野艇回孤棹鼓絕山城掩半扉今夜西齋好風月一壺春酒莫相違

晚歸曲

溫庭筠

格格水禽飛帶波孤光斜起夕陽多湖西山淺似相笑菱刺惹衣攢黛蛾青絲繫船向江木蘭芽出土吳

唐詩類苑

卷之十五

三

江曲水極晴搖汎灩紅草平春染煙綿綠玉鞭騎馬楊叛兒刻金作鳳光參差丁丁暖漏滴花影催入景陽人不知彎堤弱林遙相矚雀扇團團掩香玉蓮塘艇子歸不得柳暗桑穠聞布穀

晚涼偶詠

白居易

日下西牆西風來北窗北中有逐涼人單牀獨棲息飄蕭過雲雨搖曳歸飛翼新葉多好陰初筠有佳色幽深小池館優穩閒官職不愛勿復論愛亦不易得

向夕

杜甫

畎畝孤城外江村亂水中深山催短景喬木易高風

鶴下雲汀近鷄棲草屋同琴書散明燭長夜始堪終

今夕行

杜甫

今夕何夕歲云徂更長燭明不可孤咸陽客舍一事無相與博塞爲歡娛馮陵大叫呼五白袒跣不肯成臯盧英雄有時亦如此邂逅豈卽非良圖君莫笑劉毅從來布衣願家無儋石輸百萬

夕次田居

祖詠

前程入鄭郊尚經百餘里馬煩時欲歇客歸程未已落日桑柘陰遙林烟火起西還不遑宿中夜渡涇水

春夕

崔塗

水流花謝兩無情送盡東風過楚城胡蝶夢中家萬里子規枝上月三更故園書動經年別華髮春惟滿鏡生自是不歸歸便得五湖煙景有誰爭

春夕寓興

劉兼

忘憂何必在庭萱是事悠悠竟可寬酒病未能辭錦里春狂又擬入桃源風吹楊柳絲千縷月照梨花雪萬團閑泥金微度芳夕幽泉石上自潺湲

秋夕

劉駕

促織燈下吟燈光冷於水鄉覓坐中去倚壁身如死求名爲骨肉骨肉萬餘里富貴在何時離別今如此

出門長歎息月白西風起

秋堂夕

炎涼正迴互金火鬱相乘雷雲暗交構川澤方蒸騰  
清風一朝勝白露忽已凝草木凡氣盡始見天地澄  
況此秋堂夕幽懷曠無朋蕭條簾外雨條閃案前燈  
書卷滿牀席蠅蛸懸復升啼兒屢啞咽勸僮時寢興  
沈覽昏夜目詠謠暢煩膺况吟獲麟章欲罷久不能  
堯舜事已遠丘道安可勝蟬蛸不信鶴蜩鷄肯窺鵬  
當年且不偶歿世何必稱胡爲揭聞見褒貶貽愛憎  
焉用汨其泥豈在清如水非白又非黑誰能點青蚨

唐詩類苑

卷之十五

三

處世苟無悶佯狂道非弘無言被人覺予亦笑孫登

秋夕

白居易

葉聲落如雨月色白似霜夜深方獨臥誰爲拂塵牀

縣城秋夕

錢起

山城日易夕愁生先掩扉俸薄不沽酒家貧忘授衣  
露重蕙花落月冷沙鷄飛効拙慚無補雲林歎再歸

秋夕遠懷

旦夕天氣爽風飄葉漸輕星繁河漢白露逼衾枕清  
丹鳥月中滅沙鷄牀下鳴悠悠此懷抱况復多遠情

秋夕

李咸用

寥廓秋雲薄空庭月影微樹寒棲鳥密砌冷夜蛩稀  
曉鼓軍容肅蕭疎鐘客夢歸吟餘何所憶聖主尚宵衣

楚城秋夕

鄭巢

故苑多愁夕西風木葉黃寒江浸霧月曉角滿城霜  
弟姪來書少關河去路長幾時停桂楫故國隔瀟湘

訓夢得秋夕不寐見寄

白居易

碧簾絳紗帳夜涼風景清病聞和藥氣渴聽碾茶聲  
露竹偷燈影煙松護月明何言十里隔秋思一時生  
奉和宣城張太守南亭秋夕懷友

錢起

唐詩類苑

卷之十五

三

池館蟬蛸聲梧桐秋露晴月臨朱戟靜河近畫樓明  
捲幔浮涼入聞鐘永夜清片雲懸曙斗數鴈過秋城  
羽扇揚風暇瑤琴悵寄別情江山飛麗藻謝眺讓

前名

秋夕

杜牧

紅燭秋光冷畫屏輕羅小扇撲流螢瑤階夜色涼如  
水坐看牽牛織女聲

洛陽秋夕

杜牧

冷冷寒水帶霜風更在天橋夜景中清禁漏閑煙樹  
寂月輪移在上陽宮

客堂秋夕

戎昱

隔窗螢影滅復流北風微雨虛堂秋蟲聲竟夜引鄉  
淚蟋蟀何知人自愁四時不得一日樂以此方悲客  
遊惡一作客寂寂江城無所聞梧桐葉上偏蕭索

次韻和禮部盧侍郎江上秋夕寓懷

鄭谷

盧郎到處覺風生蜀郡留連亞相情亂後江山悲庾  
信夜來煙月屬袁宏夢歸蘭省寒星動吟向莎洲宿  
驚驚未脫白衣頭半白叨陪屬和倍爲榮

秋夕文宴得遙字

皮日休

唐詩類苑

卷之十五

三六

帝瑩衰葉共蕭蕭文宴無喧夜轉遙高韻最宜題雪  
讚逸才偏稱和雲謠風吹翠蠟應難刻月照清香太  
易消無限玄言一盃酒可能容得蓋寬饒

秋夕文宴得成字

陸龜蒙

筆陣初臨夜正清擊銅遙認小金鉦飛航壯若遊燕  
市覓句難於下趙城隔嶺故人因會憶傍簷棲鳥帶  
吟驚梁王座上多詞客五韻甘心第七成

秋夕書懷二首

劉兼

荒僻淹留歲已深解龜無計恨難任守方半會蠻夷  
語賀厦全忘燕雀心夜靜倚樓悲月笛秋寒欹枕泣

霜砧宜情總逐愁腸斷一筋鱸魚直萬金

直氣從來不入時掩關慵更釣磻溪斯文未喪宣尼  
歎吾道將窮阮籍悲輕粉覆霜凝夜砌亂金鋪菊織  
秋籬南陽臥久無人問薄命非才有可疑

秋夕書事

劉兼

揺落江天萬木空鴈行斜戛塞垣風征閨搗月離愁  
遠舊館迷雲旅夢通郢客豈能陪下里臯禽爭肯戀  
樊籠此心曠蕩誰相會盡在南華十卷中

秋夕書懷呈戎州郎中

劉兼

素律初迴枕簟涼松風飄泊入華堂譚鷄寂默紗窗  
靜夢蝶蕭條玉漏長歸去水雲多阻隔別來情緒足  
悲傷霜砧月笛休相引只有離襟淚兩行

唐詩類苑

卷之十五

三七

風送秋荷滿鼻香竹聲敲玉近虛廊夢迴故國情方  
黯月過疎簾夜正涼菱鏡也知移艷態錦書其奈隔  
年光鸞膠處處難尋覓斷盡相思寸寸腸

寄友人

羅鄴

秋夕蒼茫一鴈過西風白露滿宮莎昨來京洛逢歸  
客猶說軒車未渡河莫把少年空倚賴須知孤立易  
蹉跎想君懷抱哀吟夜銅雀臺邊皓月多

冬夕江上言事五首

羅鄴

葉落纔悲草又生  
看看少壯是衰形  
關中秋雨書難到  
江上春寒酒易醒  
多少繫心身未達  
尋思舉目淚堪零

幾時抱得歸山去  
松下看雲讀道經  
喔喔晨鷄滿樹霜  
喧曉渡簇舟航  
數星昨夜寒爐火  
一陣誰家蠟爇香  
久別羈孤成潦倒  
迴看書劍更蒼黃

蒼黃逢人舉止皆  
言命至竟謀閒可  
勝忙野堂吟罷獨  
行行點水微微凍  
不鳴十里溪山新  
雪後千家襟袖曉  
寒生只宜醉夢依  
華寢可稱羸蹄赴  
宿程日苦幾多言  
下見那堪歲宴又  
無成

僻居多與懶相宜  
吟擁寒爐過臘時  
風柳欲生陽面

唐詩苑

卷之十五

三八

葉凍梅先綻  
嶺頭枝山川自小  
拋耕釣骨肉無因  
免別離賴有陶情  
一尊酒愁中相向  
展愁眉

一帶長溪綠浸門  
數聲幽鳥啄雲根  
松亭盡日唯空坐  
難得儒翁共討論

含風夕

元稹

炎昏勸煩久逮此  
含風夕夏服稍輕  
清秋堂已岑寂載  
欣涼宇曠復念佳  
辰擲絡緯驚歲功  
顧我何成績青熒  
微月鈎幽暉洞陰  
鬼水鏡涵玉輪若  
見淵泉壁參差簾  
牖重次第籠虛白  
樹影滿空牀螢光  
綴深壁悵望牛斗  
星復爲經年隔露  
網裊風珠輕河汎  
遙碧

詎無深稠景感此  
年流易亦有遲暮  
年壯年良自惜循  
環切中感感今追  
往昔接瞬無停陰  
何言問陳積馨香  
推蕙蘭堅貞論松  
栢生物固有涯安  
能比金石况茲百  
齡內擾擾紛衆役  
日月東西馳飛車  
無留跡來者良未  
窮去矣定奚適委  
順在物爲營營復  
何益

月夕

僧貫休

閒夕

白居易

霜月夜徘徊樓中  
羌笛催曉風吹不  
盡江上落殘梅一  
聲早蟬歇數點新  
螢度蘭缸耿無煙  
筠簟清有露未歸  
房後寢且下前軒  
步斜月入低廊涼  
風滿高樹

唐詩類苑卷第十六

明雲間張之象玄超甫纂輯

雲間杜開美表度甫編次

雲間王徹叔朗甫補訂

梁谿曹仁孫伯安甫校正

歲時部

夜

暝

杜甫

日下四山陰山庭嵐氣侵牛羊歸徑險鳥雀聚枝深  
正枕當星劍收書動玉琴半扉開燭影欲掩見清砧

唐詩類苑

卷之十六

南塘暝

白居易

水色昏猶白霞光暗漸無風荷搖破局波月動連珠  
蟋蟀啼相應鴛鴦宿不孤小童頻報夜歸步尚踟躕

建昌渡暝吟

韋莊

月照臨官渡鄉情獨浩然鳥棲彭蠡樹月上建昌船  
市散漁翁醉樓深賈客眠隔江何處笛吹斷綠楊煙

詠夜

元

明從何處去暗從何處來但覺年年老半是此中催

夜二首

杜甫

白夜月休弦燈光半寺民說也無定鹿落樹有驚蟬

暫憶江東繪兼懷雪下船蠻歌犯星起重覺在天邊

二

城郭悲笳暮村墟過翼稀甲兵年數久賦歛夜深歸  
暗樹依巖落明河繞塞微斗斜人更望月細鵲休飛

夜

杜甫

絕岸風威動寒房燭影微嶺猿霜外宿江鳥夜深飛  
獨坐親雉劍哀歌歎短衣煙塵繞閭闔白首壯心違

夜遊曲

鄭愔

漢室歡娛盛魏國文雅優許史多幕府臆陳從夜遊  
西園燕公子北里召王侯詎以將軍獵空嗟廷尉留

唐詩類苑

卷之十六

夜夜曲

僧貫休

蟬蛭切切風騷騷芙蓉噴香蟾蜍高孤燈耿耿征婦  
勞更深撲落金錯刀

夜來樂

李賀

紅羅複帳金塗蘇華燈九枝懸鯉魚麗人映月開銅  
鋪春水滴酒腥腥沽價重一篋香十株赤金瓜子兼  
雜麝五色絲封青玉鳧阿侯此笑千萬餘南軒漢轉  
簾影疎桐林啞啞挾子烏劍崖鞭節青石珠白駒吹  
湍疑霜鬢漏長送珮承明廬倡樓嗟峨明月孤續客  
下馬故客云綠蟬秀黛重拂梳

貴公子夜闌曲

李賀

裊裊沈水煙烏啼夜闌景曲沼芙蓉波腰圍白玉冷

春夜

虞世南

春苑月徘徊竹堂侵夜開驚鳥排林度風花隔水來

答長孫十一東山春夜見贈

楊諫

故人謝城闕揮手碧雲期  
谿月照隱處松風生興時  
舊林日云暮芳草歲空滋  
甘與子成夢請君同所思

江寧春夜裴使君送蕭員外

錢起

唐詩類苑

卷之十六

三

花院日扶疎江雲自卷舒  
主人熊軾任歸客雉門車  
曙月稀星裏春煙紫禁餘  
行看石頭戍記得是南徐

衡門春夜

錢起

不厭晴林下微風度葛巾  
寧唯北窗月一作客自謂上  
呈人叢篠輕新暑孤花占  
晚春寄言莊叟蝶與爾得

天真

春夜

劉兼

薄薄春雲籠皓月杏花滿地堆香雪  
醉垂羅袂倚朱欄小數玉僊歌未闌

夏夜

韋莊

傍水遷書榻開襟納夜涼  
星繁愁晝熱露重覺荷香  
蛙吹鳴還息蛛羅滅又光  
正吟秋興賦桐影下西牆

夏夜

賈島

原寺偏鄰近開門物景澄  
磬通多葉罽月離片雲稜  
寄宿山中鳥相尋海畔僧  
唯愁秋色至乍可在炎蒸

謝岑二十主簿秋夜見贈之作

高適

舍下蛩亂鳴居然自蕭索  
爾懷高秋興忽枉清夜作  
感物我心勞涼風驚二毛  
池空菌蔈死月出梧桐高  
如何異鄉縣復得交才彥  
汨沒嗟後時蹉跎耻相見

唐詩類苑

卷之十六

四

箕山別來久魏闕誰不戀  
獨有江海心悠然未嘗倦  
和潁川公秋夜

上官儀

次寥空色遠葉黃淒序變  
洞浦落遵鴻長飆送巢燕  
千秋流夕景萬籟含宵轉  
峻雉聆金祗層臺切銀箭

敬訓陳掾親家翁秋夜有贈

儲光義

大姬配胡公位乃三恪賓  
盛德百代祀斯言良不泯  
敬仲爲齊卿當國名益震  
文舉登宰輔太丘榮縉紳  
武皇受瑤圖爵土封其新  
繁祉既驟集裔孫生賢臣  
特達踰珪璋節操方松筠  
雲漢一矯翼天池三振鱗

曳裙朝赤墀酌醴侍紫宸大君錫車馬時復過平津  
言則廣台階道亦資天均清秋忽高興震藻若有神  
曜曜趨宮庭洗洗邁徐陳鎬京既賜第門巷交朱輪  
方將襲伊臯永以崇夏殷宗黨無遠近敬恭依仁人  
雪盡宇宙暄鴈歸滄海春沈吟白華頌帝闈降絲綸  
驛騎及蕪城相逢在郊野別離曠南北譴謫罹苦辛  
晝遊還荆吳述方客咸素惟賢惠重義男女期嘉姻  
梧桐生朝陽鷓鴣鳴蕭晨豈不畏時暮坎壈無與隣  
夜涼風來顧我聞音塵瓊瑤不遐棄寤寐如日新

秋夜南宮寄懷上弟及諸生

唐詩類苑

卷之十六

五

韋應物

暝色起煙閣沈抱積離憂况茲風雨夜蕭條梧葉秋  
空宇感涼至頽顏驚歲周日夕遊闕下山水憶同遊

新秋夜寄諸弟

韋應物

兩地俱秋夕相望共一作在星河高梧一葉下空齋歸  
思多方用憂人瘼况自抱微痾無將別來近顏鬢已  
蹉跎

秋夜作

錢起

萬計名無成寸心日悠漫浮生竟何窮巧曆不能筭  
流落四海間辛勤百年半商歌向秋月哀韻兼浩歎

寤寐怨佳期美人隔霄漢寒雲度窮水別業繞垂幔  
窻中問談鷄長夜何時旦

效古秋夜長

錢起

秋漢飛玉霜北風掃荷香含情紡織孤燈盡拭淚相  
思寒漏長簷前碧雲靜如水月弔棲烏啼鳥起誰家  
少婦事鴛機錦幕雲屏深掩扉白玉窻中聞落葉應  
憐寒女獨無衣

訓盧嵩秋夜見寄五韻

韋應物

喬木生夜涼月華滿前墀去君咫尺地勞君千里一作  
萬思素秉棲遁志况貽招隱詩坐見林木榮一云生損經濟

唐詩類苑

卷之十六

六

願赴滄洲期何能待歲晏攜手當此時盧詩云歲  
第願赴滄洲期何能待歲晏攜手當此時晏以為期

晚秋鄆城夜會聯句

與李正封

韓愈

從軍古云樂譚笑青油幕燈明夜觀棋月暗秋城析  
正封羈客方寂歷驚鳥時落泊語闌壯氣衰酒醒寒  
砧作愈遇主貴陳力夷凶匪兼弱百牢犒興師千戶  
購首惡正封平生耻論兵末暮不輕諾徒然感恩義  
誰復論勲爵愈多士被沾汚小夷施毒蠱何當鑄劍  
戟相與歸臺閣正封室婦歎鳴鶴家人祝喜鵲終朝  
考著龜何日親烝祔愈閒使斷津梁潛軍索林海紅



塵羽書靖大水沙囊涸正封 銘山子所工挿羽余何  
作未足煩刀俎祗應輸管鑰愈 雨矢逐天狼電矛驅  
海若靈誅固無縱力戰誰敢却正封 峨峨雲梯翔赫  
赫火箭着連空隙雉堞照夜焚城郭愈 軍門宣一令  
廟笑建三略雷鼓揭千槍浮橋交萬筏正封 蹂野馬  
雲騰映原旗火鑠疲氓墜將拯殘虜狂可縛愈 摧鋒  
若驅兕超乘如猱攫逢掖服翻慙漫胡纓可愕正封  
星殞聞雉雉師興隨唳鶴虎豹貪犬羊鷹鷂憎鳥雀  
愈 燒陂除積聚灌壘失依託憑軼論昏迷軌受征暴  
虐正封 倉空戰卒饑月黑探兵錯兇徒更蹈藉逆族  
唐詩類苑 卷之十六 七  
相嚼嚼愈 軸轡巨淮泗旆旌連夏鄂大野縱氏羌長  
河浴駟駘正封 東西競角逐遠近施矧繳人怨重聚  
謠天殃鬼行瘡愈 漢刑支郡黜周制開田削侯社退  
無功鬼薪懲不恪正封 余雖司斧鑕情本尚丘壑且  
待獻俘囚終當返耕穫愈 藁街陳鈇鉞挑塞興錢縛  
地理畫封疆天文掃寥廓正封 天子憫瘡痍將軍禁  
鹵掠策勲封龍額歸獸獲麟脚愈 詰誅敬王怒給復  
哀人瘼澤髮解兜牟醜顏傾鑒落正封 安存惟恐晚  
洗雪不論昨暮鳥已安巢春蠶看滿箔愈 聲明動朝  
闕光寵耀京洛旁午降綵綸中堅擁鼓鐸正封 密坐

列珠翠高門塗粉牋跋朝賀書飛塞路歸鞍躍愈 魏  
闕橫雲漢秦關束巖嶽拜迎羅縵鞬問遺結囊橐正  
封 江淮永清晏宇宙重開拓是日號昇平此年名作  
匪愈 洪赦方下究武飆亦旁魄南據定蠻陬北攫空  
朔漠正封 儒生慙教化武士猛刺斫吾相兩優游他  
人雙落莫愈 印從資鼎佩門爲登壇鑿再入更顯嚴  
九遷彌謬謬正封 賓筵盡狐趙導騎多衛霍國史擅  
芬芳宮娃分綽約愈 丹掖列鸛鷺洪鑪衣狐貉搗文  
揮月毫講劍淬霜鐸正封 命衣備藻火賜樂兼拊搏  
兩廂鋪毼毼五鼎調勺藥愈 帶垂蒼玉佩纓感黃金  
唐詩類苑 卷之十六 八  
絡誘接謂登龍趨馳狀傾藿正封 青娥翳長袖紅頰  
吹鳴簫倘不忍辛勤何由恣歡謔愈 惟當早貴富豈  
得暫寂寞但擲雇笑金仍祈却老藥正封 歿廟配鐔  
學生堂合馨鑄安行庇松篁高臥枕莞弱愈 洗沐恣  
蘭正割烹厭脾臑喜顏非忸怩達志無隕穫正封 談  
諧酒席展慷慨戎裝著斬馬祭旄纛烹羔禮芒屨愈  
山多離隱豹野有求伸螻推選閱群材薦延搜一鶚  
正封 左右供諂譽親交獻諛嘯名聲載掄揚權勢實  
熏灼愈 道舊生感激當歌發酬酢群孫輕綺紈下客  
豐醴酪正封 窮天貢縣異市海賜醕醢作樂鼓還捷



從禽弓始殲愈取歡移日飲求勝通宵博五白氣爭呼六奇心運度正封恩澤誠布濩器頑已蕭勺告成

上云亭考古垂矩矱愈前堂清夜吹東第良晨酌池

蓮折秋房院竹翻夏籜正封五狩朝恒岱三畋宿楊

柞農書乍討論馬法長懸格愈雪下收新息陽生過

京索爾牛時寢訛我僕或歌嘯正封帝載彌天地臣

辭劣螢爝爲詩安能詳庶用存糟粕愈

秋夜

元稹

高閣漸凝露涼葉稍飄闌憶在南宮直夜長鐘漏稀

秋夜寄丘二十二員外

韋應物

唐詩類苑

卷之十六

九

懷君屬秋夜散步詠涼天山空松子落幽人應未眠

奉酬秋夜寄示

丘丹

露滴梧葉鳴風秋桂花發中有學僊侶吹簫弄山月

秋夜

王建

夜久葉露滴秋蟲入戶飛臥多骨髓冷起覆舊綿衣

秋夜

元稹

暗窻涼葉動秋天一作寢席單憂人半夜起明月在林端

一與清景遇每憶平生歡如何方惻愴披衣露

更寒

秋夜

耿湜

高秋夜分後遠客鴈來時寂寞重門掩無人問所思

山中秋夜一作

張籍

寂寂山一作景靜幽人歸去遲橫琴當月下壓酒及

花時冷一作露濕茆屋暗泉衝竹籬西峰採藥伴此

夕恨無期

秋夜寄袁中丞王員外

錢起

一夕盈千念方知別者勞衰榮難會面魂夢一作暫

同袍片月臨堦早清河渡鴈高應憐蔣生遲秋露滿

蓬蒿

訓韋渚秋夜有懷見寄

盧綸

唐詩類苑

卷之十六

十一

蕭條涼夜永秋草對衰顏露下鳥初定月明人自閒

獨悲無舊業共喜出時艱爲問功成後同遊何處山

秋夜寄張韋二主簿

錢起

涼夜寒簾好輕雲過月初碧空河色淺紅葉雨聲虛

道阻天難問機忘世易疎不知雙翠鳳棲棘復何如

秋夜會宿李永宅憶江南舊遊

耿湜

偶宿俱南客相看喜盡歸湖山話不極歲月念空違

子夜高梧冷秋光遠漏微那無此良會惜在謝家稀

長安秋夜

荆公百家詩選只取此一首亦題長安秋夜云

章孝標

田家無五行水旱卜蛙聲牛犢乘春放兒童候暖耕  
池塘煙未起桑柘雨初晴歲晚香醪熟村村自送迎

秋夜梁十三廳事

戎昱

今來秋已暮還恐未成歸夢裏家仍遠愁中葉又飛  
竹聲風度急燈影月來微得見梁夫子心源有所依

秋夜二首

韋應物

庭樹轉蕭蕭陰蟲還戚戚獨向高齋眠夜聞寒雨滴  
微風時動牖殘燈尚留壁惆悵平生懷偏來委今夕

二

唐詩類苑

卷之十六

十一

霜露已淒淒星漢復昭回朔風中夜起驚鴻千里來  
蕭條涼葉下寂寞清砧哀歲晏仰空宇心事若寒灰

秋夜思歸

耿湜

來時獨暑服今已露漫漫多雨逢秋霽深秋生夜寒  
投人心似切爲客事皆難何處無留滯誰能暫問看

酬鄭侍御秋夜見寄

權德輿

搖落空林夜河陽興已生未辭公府步知結遠山情  
高柳風難定寒泉月助明衣公方臥雪尺素及柴荆

酬程延秋夜即事見贈

韓翃

長簾迎風早空城澹月華星河秋一鴈砧杵夜千家

節候看應晚心期臥亦賒向來吟秀句不覺已鳴鴉

秋夜

方干

度鴻驚睡醒欹枕已三更夢破寂寥思燈殘零落明  
空窻閒月色幽壁靜蟲聲況是離鄉久依然無限情

秋夜與梁鎰文宴

錢起

車到閒林下杯香蕙草時好風能自至明月不須期  
秋水翻河影晴霜脆柳絲微官是底物許日廢言詩

秋房夜

白居易

雲露青天月滿光夜中立久却歸房水窻席冷未能  
臥挑盡殘燈秋夜長

唐詩類苑

卷之十六

十二

秋夜曲四首

張仲素

丁丁漏水夜何長漫漫輕雲露月光秋逼暗蟲通夕  
響征衣未寄莫飛霜

碧窻斜月靄清輝愁聽寒蟬淚濕衣夢裏分明見關  
塞不知何路向金徽

秋天一夜靜無雲斷續鴻聲到曉聞欲寄征衣問消  
息居延城外又移軍

博山沈燎絕餘香蘭燼金繁怨夜長爲問青青河畔  
草幾回經雨復經霜

秋夜長

王勃

秋夜長  
中央月明白露澄清光層城綺閣遙相望  
川無梁北風受節南鴈翔叢蘭委質時菊芳鳴環曳  
履出長廊爲君秋夜揭衣裳纖羅對鳳凰丹綺雙鴛  
鴦調砧亂杵思自傷征夫萬里戍他鄉鴈鴻音信斷  
龍門道路長君在天一方寒衣徒自香

晚秋夜

白居易

碧空溶溶月華靜月裏愁人弔孤影花開殘菊傷疎  
籬葉下衰桐落寒井塞鴻飛急覺秋盡鄰鷄鳴遲知  
夜永凝情不語空所思風吹白露衣裳冷

秋日夜懷

劉滄

唐詩類苑

卷之十六

十三

砧杵寥寥秋色長遶枝寒鵲客情傷關山雲盡九秋  
月門柳葉凋三徑霜近日每思歸少室故人遙憶隔  
瀟湘如何節候變容髮明鏡一看愁異常

秋夜作

李昌符

數畝池塘近杜陵秋天寂寞夜雲凝芙蓉葉上三更  
雨蟋蟀聲中一點燈跡避險巇翻失路心歸閑澹不  
因僧既逢上國陳詩日長守林泉亦未能

和談校書秋夜感懷呈朝中親友

白居易

遙夜涼風楚客悲清砧繁漏月高時秋霜似鬢年空

長春草如袍位尚卑詞賦擅名來已久煙霄得路去  
何遲漢廷卿相皆知已不薦揚雄欲薦誰

早秋夜作

韋莊

翠簾初清暑半銷撤簾松韻送輕颿莎庭露永琴書  
潤山郭月明砧杵遙傍砌綠苔鳴蟋蟀遶簷紅樹織  
蟪蛄不須更作悲秋賦王粲辭家鬢已凋

郡齋秋夜卽事寄斛斯處士許秀才

杜牧

有客誰人肯夜過獨憐風景奈愁何邊鴻怨處迷霜  
久庭樹空來見月多故國杳無千里信絃絃時伴一

唐詩類苑

卷之十六

十四

聲歌馳心祇待城烏曉幾對虛簷望白河

秋夜寄進士顧榮

羅隱

秋河耿耿夜沈沈往事三更盡到心多病謾勞窺聖  
代薄才終是費知音家山夢後帆千尺塵土搔來髮  
一簪空羨良朋盡高價可憐東箭與南金

八月三日夜作

白居易

露白月微明天涼景物清草頭珠顆冷樓角玉鉤生  
氣爽衣裳健風疎砧杵鳴夜衾香有思秋簾冷無情  
夢短眠頻覺宵長起暫行燭凝曉影蟲怨欲寐  
憊老花先盡頭子始成四時無了日何用歎衰榮

冬夜題旅館

錢起

退飛憶林藪樂業美黎庶四海盡窮途一枝無宿處  
嚴冬北風急中夜哀鴻去孤燭思何深寒窗坐難曙  
勞歌待明發惆悵盈百慮

冬夜

韋應物

杳杳日云夕鬱結誰爲開單衾自不暖霜霰已皚皚  
晚歲淪夙志驚鴻感深哀深哀當何爲桃李忽凋摧  
幃帳徒自設冥冥豈復來平生雖恩重遷去託窮埃  
抱此女曹恨顧非高世才振衣中夜起河漢尚徘徊

冬夜

白居易

唐詩類苑

卷之十六

十五

家貧親愛散身病交遊罷眼前無一人獨掩村齋臥  
冷落燈火暗離披廉幙破策策窻戶前又聞新雪下  
長年漸省睡夜半起端坐不學坐忘心寂寞安可過  
兀然身寄世浩然心委化如此來四年一千三百夜  
冬夜饒州使堂餞相公五叔赴欽州

李嘉祐

丞相過邦牧清絃送羽觴高情同客醉子夜爲人長  
斜漢初過斗寒雲正護霜新安江自綠明主待惟良

冬夜

賈島

羈旅復經冬瓢空盎亦空淚流寒枕上跡絕舊山中

凌結浮萍水雪和衰柳風曙光鷄未報曉喉兩三鴻

冬夜寄韋弁

一作林夜寄司空文明

李端

獨坐知霜下開門見木衰壯應隨日去老豈與人期  
廢井蟲鳴早陰階菊發遲興來空憶戴不似剡溪時

冬夜旅懷

劉威

寒窗危竹枕月過半牀陰嫩葉不歸夢晴蟲成苦吟  
酒無通夜力事滿五更心寂寞誰相似殘燈與素琴

冬夜尋李永因書事贈之

耿湋

棲遑偏降志疵賤倍修身近覺多衰鬢深知獨故人  
天垂五夜月霜覆九衢塵不待逢沮溺而今惡問津

唐詩類苑

卷之十六

十六

冬夜感懷

王建

晚年恩愛少耳目靜於曾一夜不聞語空房惟有燈  
氣噓寒被濕霜入破窻窻中照髮斷得人間事長  
如此亦能

冬夜卽事

呂溫

百憂憤心起復臥夜長耿耿不可過風吹雪枝似花  
落月照冰文如鏡破

冬夜示敏巢

白居易

爐火欲銷燈欲盡夜長相對百憂生他時諸處重相  
見莫忘今宵燈下情

冬夜

韋莊

睡覺寒爐酒半銷客情鄉夢兩遙遙無人爲我磨心  
劍割斷愁腸一寸苗

冬夜寄溫飛卿

魚玄機

苦思搜詩燈下吟不眠長夜怕寒衾滿庭木葉愁風  
起透幌紗窗惜月沈疎散未閒終遂願盛衰空見本  
來心幽棲莫定梧桐處暮雀啾啾空遶林

長安冬夜書情

劉滄

上國棲遲歲欲終此情多寄寂寥中鐘傳半夜旅人  
館鷄叫一聲疎樹風古巷月高山色靜寒蕪霜落灞

唐詩類苑

卷之十六

十七

原空今來唯問心期事獨望青雲路未通

桂州臘夜

戎昱

坐到三更盡歸仍萬里賒雪聲偏傍竹寒夢不離家  
曉角分殘漏孤燈落碎花二年隨驃騎辛苦向天涯  
歲夜喜魏萬成郭夏雪中相尋

劉長卿

新年欲變柳舊客共霑衣歲夜猶難盡鄉春又獨歸  
寒燈映虛牖暮雪掩閒扉且莫乘船去平生相訪稀

寒夜聯句

與皮日休

陸龜蒙

靜境揖神疑寒華射林缺

龜蒙

清知思緒斷爽覺心

源澈

日休

高唱曼金秦朗詠鏗玉節

龜蒙

我思方次

寥君詞復淒切

日休

况聞風篁上擺落殘凍雪

龜蒙

寂爾萬籟清皎然諸靄滅

日休

西窗客無夢南浦波

應結

龜蒙

河光正如劍月冕方似玦

日休

短燼不禁

挑冷臺看欲折

龜蒙

何夕重相期濁醪還爲設

日休

寒夜江口泊舟

儲光義

寒潮信未起出浦纜孤舟一夜苦風浪自然增旅愁  
吳山遲海月焚火照江流欲有知音者異鄉誰可求

山中寒夜呈詩棠

曹松

山寒草堂暖寂夜有良朋讀易分高燭煎茶取折水

唐詩類苑

卷之十六

十八

庭垂河半角牕露月微稜俱入詩心地爭無俗者憎

雒中寒夜姚侍御宅懷賈島

馬戴

夜木動寒色雒陽城闕深如何異鄉思更抱故人心  
微月關山遠閒堦霜霰侵誰知石門路待與子同尋

寒夜文宴潤卿有約不至

皮日休

草堂虛灑待高真不意清田避世塵料得焚香無別  
事仔心應降月夫人

奉和寒夜文宴

陸龜蒙

細雨輕觴玉漏終上清詞句落吟中松齋一夜懷貞

白霜外空聞五粒風

奉和寒夜文宴

鄭璧

已知羽駕朝金闕不用燒蘭望玉京應是易遷明月  
好玉皇留看舞雙成

因潤卿魯望寒夜見訪各惜其志遂成一絕

皮日休

世外爲交不是親醉吟俱岸白綸巾風清月白更三  
點未放華陽鶴上人

奉和寒夜次韻

張賁

雲孤鶴獨且相親傲效從他折角巾不用吳江歎留  
唐詩類苑卷之十六 十九

滯風姿俱是玉清人

奉和寒夜次韻

陸龜蒙

醉韻飄飄不可親掉頭吟側華陽巾如能跂脚東窻  
下便是羲皇世上人

春山月夜

于良史

春來多勝事賞翫夜忘歸掬水月在手弄花香滿衣  
興來無遠近欲去惜芳菲南望鐘鳴處樓臺深翠微

訓劉長卿月夜

章八元

夜涼河漢白卷箔出南軒過月滿平遠辭枝葉暗翻  
獨謠聞麗曲緩步接清言空思前席行看拜主恩

月夜會徐十一草堂

韋應物

空齋無一事岸幘故人期暫輟觀書夜還題翫月詩  
遠鐘高枕後清露卷簾時暗覺新秋近殘河欲曙遲

剡山月夜

朱放

月在沃洲山上人歸剡縣溪邊漠漠黃花覆水時時  
白鷺鷥船

東屯月夜

杜甫

抱疾飄萍老防邊舊穀屯春晨親異俗歲月在衡門  
青女霜楓重黃牛曉水喧泥留虎跡月挂客愁村

喬木澄稀影輕雲倚細根數驚聞鵲噪暫睡想猿蹲  
唐詩類苑卷之十六 二十

日轉東方白風來北斗昏天寒不成寢無夢寄歸魂

春江花月夜詞

溫庭筠

玉樹歌闌海雲黑花庭忽作青蕪國秦淮有水水無  
情還向金陵漾春色楊家二世安九重不御華芝嫌

六龍百幅錦帆風力滿連天展畫金芙蓉珠翠丁星  
復明滅龍頭劈浪哀笳發千里涵空澄水現萬枝破

鼻飄香雪漏轉霞高滄海西玻璃枕上聞天鷄蟄結  
代寫曲如語一醉昏昏天下迷四方傾動煙塵起猶

在濃園夢魂裏後主荒宮有曉鶯飛來只隔西江水

雪夜寄友人

僧貫休

皓彩中宵合開門失所蹤何年今夜意共子在孤峰  
氣射燈花落光侵壁罅濃惟君心似我吟到五更鐘

湖中閒夜遣興

朱慶餘

釣艇同琴酒良宵背水濱風波不起處星月盡隨身  
浦迥湘煙卷林香嶽氣春誰知此中興寧羨五湖人  
閒夜詠懷因招周協律劉薛二秀才

白居易

世名檢束爲朝士心性疎慵是野夫高置寒燈如客  
店深藏夜火似僧爐香濃酒熟能嘗否冷澹詩成肯  
和無若厭雅吟須俗飲妓筵勉力爲君鋪

唐詩類苑

卷之十六

三

早秋獨夜

白居易

井梧涼葉動隣杵秋聲發獨向簷下眠覺來半牀月  
新秋獨夜寄戴叔倫

方干

遙夜獨不臥寂寥庭戶中河明五陵上月滿九門東  
萬里親朋散故園滄海空歸懷正南望此夕起秋風  
秋幕中夜獨坐遲明因陪陳翊郎中晨謁上

公因書卽事兼呈同院諸公

盧綸

風淒露泫然明月在山巔獨倚古庭樹仰看深宵天  
葉翻螢不定蟲思草無邊南舍機杼發東方雲景鮮

簪裘肅已整車騎儼將前百雉拱雙戟萬夫尊一覽

琳琅多謀蘊律呂更相宣曉桂香浥露新鴻晴滿川

熙熙造功化穆穆唐堯年顧已草同賤誓心金匪堅

蹇辭慚自寡渴病老難痊書此更何問邊韶惟晝眠

獨夜詞

女郎崔公達

晴天霜落寒風急錦帳羅幃羞更入秦箏不復續斷  
絃回身掩淚挑燈立

獨夜作

李建勳

佳人一去無消息夢覺香殘愁復入空庭悄悄月如  
霜獨倚欄干伴花立

唐詩類苑

卷之十六

三

獨夜有懷因作吳體寄襲美

陸龜蒙

人吟側景抱凍竹鶴夢缺月沈枯梧清澗無波鹿無  
魄白雲有根虬有鬚雲虬澗鹿真逸調刀名錐利非  
良圖不然快作燕市飲笑撫肉枿音音眠酒壚

奉和次韻獨夜有懷

皮日休

病鶴帶霜傍獨屋破巢含雪傾孤梧濯足將加漢光  
腹抵掌欲捋梁武鬚隱几清吟誰敢敵枕琴酣臥真  
堪圖此時枉尺高散物楠瘿作樽石作壚

杪秋獨夜

白居易

無限少年非我伴可憐清夜與誰同歡娛牢落中心  
少親故凋零四面空紅葉樹飄風起後白鬚人在月  
明中前頭更有蕭條物老菊衰蘭三四叢

上谷旅夜

賈島

世難那堪恨旅遊龍鍾更是对窮秋故園千里數行  
淚隣杆一聲終夜愁月到寒窻空皓晶風翻落葉更  
颼颼此心不同常人說倚識平津萬戶侯

村夜

白居易

霜草蒼蒼蟲切切村南村北行人絕獨出前門望野  
田月明蕎麥花如雪

唐詩類苑

卷之十六

三十一

倦夜

杜甫

竹涼侵臥內野月滿庭隅重露成涓滴稀星乍有無  
暗飛螢自照水宿鳥相呼萬事干戈裏空悲清夜徂

閣夜

杜甫

歲暮陰陽催短景天涯霜雪霽寒宵五更鼓角聲悲  
壯三峽星河影動搖野哭千家聞戰伐夷歌幾處起  
漁樵臥龍躍馬終黃土人事音書漫寂寥

夜景

韋莊

滿庭松桂雨餘天宋玉秋聲韻蜀絃鳥兔不知多事  
世星辰長似太平年誰家一笛吹殘暑何處雙砧擣

暮煙欲把傷心問明月素娥無語淚涓涓

夜興

王勃

野煙含夕渚山月照秋林還將中散興來偶步兵琴

章臺夜思

韋莊

清瑟怨遙夜遶絃風雨哀孤燈聞楚角殘月下章臺  
芳草已云暮故人殊未來鄉書不可寄秋鴈又南迴

夜思

李商隱

銀箭耿寒漏金缸凝夜光綵鸞空自舞別燕不相將  
寄恨一尺素含情雙玉璫會前猶月在去後始宵長  
往事經春物前期託報章永令虛粲枕長不掩蘭房

唐詩類苑

卷之十六

三十一

覺動迎猜影疑來浪認香鶴應聞露警峰亦爲花忙

古有陽臺夢今多下蔡倡何爲薄氷雪消瘦滯非鄉

夜偶詩客操公作

韋應物

塵襟一蕭灑清夜得禪公遠自鶴林寺了知人世空  
驚禽翻暗葉流水注幽叢多謝非玄度聊將詩興同

夜冷

李商隱

樹遶池寬月影多村砧鳴笛隔風蘿西亭翠被餘香  
薄一夜將愁向敗荷

嘉陵夜有懷二首

白居易

露濕墻花春意深西廊月上半牀陰憐君獨臥無言



語惟我知君此夜心

不明不暗臘月非暖非寒慢慢風獨臥空牀好天氣平明閒事到心中

秋雨夜眠

白居易

涼冷三秋夜安閒一老翁臥遲燈滅後睡美雨聲中灰宿溫瓶火香添暖被籠曉晴寒未起霜葉滿階紅

寢夜

杜牧

蛩唱如波咽更深似水寒露華驚散褐燈影挂塵冠故國初離夢前溪更下灘紛紛毫髮事多少宦遊難

舟夜

尼海印

唐詩類苑

卷之十六

三五

水色連天色風聲益浪聲旅人愁思苦漁叟夢魂驚舉棹雲先到移舟月逐行旋吟詩句罷猶見遠山橫

前庭涼夜

白居易

露簾色似玉風幌影如波生愁樹葉落中庭明月多

涼夜有懷

白居易

清風吹枕席白露濕衣裳好是相親夜漏遲天氣涼

又

念別感時節早蛩聞一聲風簾夜涼入露簾秋意生燈盡夢初罷月斜天未明暗疑無限思起傍藥欄行

夜涼

白居易

露白風清庭戶涼老人先著夾衣裳舞腰歌袖拋何處唯對無絃琴一張

夜深

韓偓

清江碧草兩悠悠各自風流一種愁正是落花寒食夜夜深無伴倚空樓

夜深行

元稹

夜深猶自遶江行震地江聲似鼓聲漸見戍樓疑近驛百牢關更火前迎

夜深行

白居易

百牢關外夜行客三殿角頭宵直人莫道近臣勝遠

唐詩類苑

卷之十六

三六

使其如同是不閒身

中夜

杜甫

中夜江山靜危樓望北辰長爲萬里客有愧百年身故國風雲氣高堂戰伐塵胡雛負恩澤嗟爾太平人

夜半

李商隱

三更三點萬家眠露欲爲霜月墮煙闌鼠上牀蝙蝠出玉琴時動倚窻絃

夜吟

李咸用

白兔輪當午儒家業敢慵竹軒吟未已錦帳夢應重落筆思成虎懸梭待化龍景清神自爽風遞遠樓鐘

夜吟

李山甫

除却閒吟外人間事事慵更深成一句月冷上孤峰  
窮理多瞑目含毫靜倚松終篇渾不寐危坐到晨鐘

信州谿岸夜吟作

韋莊

夜倚臨谿店懷鄉獨苦吟月當山頂出星倚水湄沈  
霧氣漁燈冷鐘聲谷寺深一城人悄悄琪樹宿僊禽

同韓侍御南谿夜賞

張籍

喜作閒人得出城南谿兩月逐君行忽聞新命須歸  
去一夜船中語到明

夜集聯句

顏真卿

唐詩類苑

卷之十六

二十七

寒花護月色墜葉占風音茲夕無塵慮高雲共片心

湖上夜飲

白居易

郭外迎人月湖邊醒酒風誰留使君飲紅燭在舟中

山亭夜宴

王勃

桂宇幽襟積山亭涼夜永森沈野徑寒肅穆嚴扉靜  
竹晦南阿色荷翻北潭影清興殊未歸林端照初景

城上夜宴

白居易

留春不住登城望惜夜相將秉燭遊明月萬家河兩  
岸笙歌一曲郡西樓詩聽越客吟何苦酒被吳娃勸  
不休從道人生都是夢夢中歡笑亦勝愁

湘東夜宴曲

溫庭筠

湘東夜宴金貂人楚女含情嬌翠嚬玉管將吹插鈿  
帶錦囊斜拂雙麒麟重城漏斷孤帆去惟恐瓊籤報  
天曙萬戶沈沈碧樹圓雲飛雨散知何處欲上香車  
俱脉脉清歌響斷銀屏隔堤外紅塵蠟炬歸樓前澹  
月連江白

夜宴曲

溫庭筠

長釵墜髮雙蜻蜓碧盡山斜開畫屏虬鬚公子五侯  
客一飲千鍾如建瓴鸞咽妖唱圓無節眉歛湘烟袖  
迴雪清夜恩情四座同莫令溝水東西別亭亭蟬淚

唐詩類苑

卷之十六

二十八

香珠殘暗露曉風羅幕寒飄飄戰帶帶儼相次二十四  
枝龍畫竿裂管繁絃共繁曲芳樽細浪傾春醪高樓  
客散杏花多脉脉新蟾如瞪目

寒夜獨坐遊子多懷簡知己

駱賓王

故鄉渺千里離憂積萬端鶉服常悲碎蝸廬未卜安  
富鈞徒有想貧缺爲誰彈柳秋風葉脆荷晚露文團  
脫金薰岸菊餘佩下幽蘭伐木傷心易維棄歸去難  
獨有孤明月時照客庭寒

夜坐

張說

懷哉四壁時未有五都價百金誰見許千酒難爲貴  
落花生芳春孤月皎清夜復逢利交客題戶遙相謝

初秋夜坐贈吳武陵 柳宗元

稍稍雨侵竹翻翻鵲驚叢美人隔湘浦一夕生秋風  
積霧杳難極滄波浩無窮相思豈云遠卽席莫與同  
若人抱奇音朱絃絢<sub>音</sub>枯桐清商激西顙汎灩凌長  
空自得本無作天成諒非功希聲闕大樸聾俗何由  
聰

棲霞山夜坐 僧靈一

山頭戒壇路幽映雲巖側四面青石牀一峰苔蘚色

聲詩類苑 卷之十六 三九

松風靜復起月影開還黑何獨乘夜來殊非晝所得

夜坐有感 曹鄴

悄悄月出樹東南若微霜愁人不成寐五月夜亦長  
佳期杳天末骨肉不在旁年華且有恨厥體難久康  
人言力耕者歲旱亦有糧吾道固如此安得苦俛偃

山扉夜坐 王勃

抱琴開野室攜酒對情人林塘花月下別是一家春

夜坐 戴叔倫

夜靜河漢高獨坐庭前月忽起故園思動作經年別

夜坐 白居易

斜月入窻楹迢迢夜坐情梧桐上堦影蟋蟀近牀聲  
曙傍窻間至秋從簾上生感時因憶事不寢到鷄鳴

長安夜坐懷寄湖外嵇處士

鄭谷

萬里念江海浩然天地秋風高群木落夜久數星流  
鐘絕分宮漏螢微隔御溝遙思洞庭上葦露滴漁舟

秋中夜坐 李昌符

空庭吟坐久爽氣入荷衣病葉先秋落驚禽背月飛  
瘴雲晴未散戍客老將依爲應金門策多應說戰機

訓夢得窮秋夜坐卽事見寄

唐詩類苑 卷之十六 三十

白居易

焰細燈將盡聲遙漏正長老人秋向火小女夜縫裳  
菊悴籬經雨萍銷水得霜今冬暖寒酒先擬共君嘗

岳州夜坐 張說

炎州苦三伏永日臥孤城賴此閒庭夜蕭條夜月明  
獨歌還太息幽感見餘聲江近鶴時叫山深猿屢鳴  
息心觀有欲棄智返無名五十知天命吾其達此生

家園夜坐寄郭微 祖詠

前堦微雨歇開戶散窺林月出夜方淺水涼池更深  
餘風生竹樹清露薄衣襟遇物遂長歎懷人滋遠心

依稀成夢想影響絕微音誰念窮居者明時嗟陸沈

夜坐

白居易

庭前盡日立到夜燈下有時坐徹明此情不語何人會時復長吁一兩聲

夜坐

賈島

蟋蟀漸多秋不淺蟬已沒夜應深三更兩鬢幾枝雪一氣窗聲四壁心

夜坐

李白

冬夜夜寒覺夜長沈吟久坐坐北堂冰合井泉月入閨金缸清燭照悲啼金缸滅啼轉多掩妾淚聽君歌

唐詩類苑

卷之十六

三十一

歌有聲妾有情情聲合兩無違一語不入意從君萬曲梁塵飛

南庭夜坐貽開元禪定二道者

許渾

暮暮焚香何處有西巖一室映疎藤光陰難駐跡如客寒暑不驚心似僧高樹有風聞夜磬遠山無月見秋燈身閒境靜日爲樂若問其餘非我能

夜坐

元稹

雨滯更愁南瘴毒月明兼喜北風涼古城樓影橫空館濕地蟲聲遠暗廊螢火亂飛秋已近星辰早沒夜

初長孩提萬里何時見狼籍家書臥滿牀

夜坐吟

李賀

踏踏馬蹄誰見過眼看北斗直天河西風羅幕生翠波鉛華笑妾顰青蛾爲君起唱長相思簾外嚴霜皆倒飛明星爛爛東方陞紅霞稍出東南涯六郎去矣乘斑駁

夜望

元稹

南樓夜已寂暗鳥動林間不見城郭事沈沈唯四山

驩州南庭夜望

沈佺期

昨望南亭夜分明夢洛中室家誰道別兒女夢嘗同

唐詩類苑

卷之十六

三十一

忽覺猶言是沈思始悟空肝腸餘幾寸拭淚坐春風

夜還東溪

王績

石苔應可踐叢枝幸夜攀青溪歸路直乘月夜歌還

嵩山夜還

宋之問

家住嵩山下好采舊山薇自省游泉石何曾不夜歸

洛東蘭若夜歸

許渾

一衲老禪牀吾生半異鄉管絃愁裏老書劍夢中忙鳥急山初暝蟬稀樹正涼又歸何處去塵路月蒼蒼

夜歸

白居易

逐勝移朝宴留歡放晚衙賓寮多謝客騎從半吳娃

到處銷春景歸時及月華城陰一道直燭焰兩行斜  
東吹先催柳南霜不殺花臯橋夜沽酒燈火是誰家

夜歸

杜甫

夜半歸來衝虎過山黑家中已眠臥傍見北斗向江  
低仰看明星當空大庭前把燭噀兩炬峽口驚猿聞  
一箇白頭老罷舞復歌杖藜不睡誰能那

夜歸

白居易

半醉閒行湖岸東馬鞭敲鐙響瓏璁萬株松樹青山  
上十里沙堤明月中樓角漸移當路影潮頭欲過滿  
江風歸來未放笙歌散畫戟門開蠟燭紅

唐詩類苑

卷之十六

三

春宵自遣

李商隱

地勝遺塵事身閒念歲華晚晴風過竹深夜月當花  
石亂知泉咽苔荒任徑斜陶然恃琴酒忘却在山家

春宵

劉兼

春雲春日共朦朧滿院梨花半夜風宿酒未醒珠箔  
卷艷歌初闋玉樓空五湖范蠡才堪重六印蘇秦道  
不同再取素琴聊假寐南柯靈夢莫相通

詠寒宵

溫庭筠

寒宵何耿耿良讌有餘姿寶瑟徘徊處薰鑪悵望時  
曲璣垂翡翠斜月到梁恩委墜金缸燼闌珊玉局基

話窮猶注睇歌罷尚持頤曖曖遙相屬氛氲積所思  
秦娥卷衣晚胡鴈度雲遲上郡歸來夢那知錦字詩

中宵

杜甫

西閣百尋餘中宵步綺疏飛星過水白落月動沙虛  
擇木知幽鳥潛波想巨魚親朋滿天地兵甲少來書

人定

白居易

人定月朧明香銷枕簟清翠屏遮燭影紅袖下簾聲  
坐久吟方罷眠初夢未成誰家教鸚鵡故故語相驚

聽寒更寄朱巨川

僧皎然

欹枕聽寒更寒更更還住一夜千萬聲幾日到君處

唐詩類苑

卷之十六

三

不睡

白居易

焰短寒缸盡聲長曉漏遲年衰自無睡不是守三尸

不寐

韋莊

不寐天將曉心勞轉似灰蚊吟頻到耳鼠鬬競綠臺  
戶闇知蟾落林喧覺雨來馬嘶朝客過知是禁門開

不寐

杜甫

瞿塘夜水黑城內改更籌翳翳月沈霧輝輝星近樓  
氣衰甘少寐心弱恨容愁多壘滿山谷桃源無處求  
為樂天自勘詩集因思頃年城南醉歸馬上遙唱  
艷曲十餘里不絕長慶初俱以制誥待宿南郊齋

宮夜後偶吟數十篇兩掖諸公泊翰林學士三十

餘人驚起就聽逮至卒吏莫不衆觀群公直至侍

從行禮之時不復聚寐予與樂天吟哦竟亦不絕

因書於樂天卷後越中冬夜風雨不覺將曉諸門

互啓關鎖卽事成篇

元稹

春野醉吟十里程齋宮潛詠萬人驚今宵不寐到明  
讀風雨曉聞開鎖聲

合衣寢

元稹

良夕背燈坐方成合衣寢酒醉夜未闌幾回顛倒枕

睡覺

白居易

唐詩類苑

卷之十六

三五

星河耿耿漏綿綿月暗燈微欲曙天轉枕頻伸書帳  
下披裘箕踞火爐前老眠早覺常殘夜病力先衰不  
待年五欲已銷諸念息世間無境可勾牽

待旦

李咸用

簷靜燕鵲語窗虛蟾影過時情因客老歸夢入秋多  
蔽日群山霧滔天四海波吾皇思壯士誰應大風歌

偶成

錢起

含毫意不淺微月上簾櫳門靜吏人息心閒囹圄空  
繁星入疎樹驚鵲倦秋風始覺牽早刷宵眠亦在公  
唐詩類苑卷第十六終

唐詩類苑卷第十七

明雲間張之象玄超甫纂輯

雲間杜開美袁度甫編次

雲間王徹叔朗甫補訂

梁谿曹仁孫伯安甫校正

歲時部

寒

苦寒行

喬知之

朝天夜清迥孤雲獨飄揚搖曳出鴈關逶迤含晶光  
陰陵久徘徊幽都無多陽初寒凍巨海殺氣流大荒

唐詩類苑

卷之十七

朔馬飲寒水行子履胡霜路有從役倦卧死黃沙場  
羈旅因和依慟之淚沾裳由來從軍行賞存不賞亡  
亡者誠已矣徒令存者傷

苦寒

韓愈

四時各平分一氣不可兼隆冬奪春序顛頑固不廉  
太昊弛維綱畏避但守謙遂令黃泉下萌芽天勾尖  
草木不復抽百味失苦甜凶飈攪宇宙鋒刃甚割砭  
日月雖云尊不能活鳥蟾羲和送日出恇怯頻窺覘  
炎帝持祝融呵噓不相炎而我當此時恩光何由沾  
肌膚生鱗甲衣被如刀鎌氣寒鼻莫輿血凍指不粘

濁醪沸入喉口角如銜箝將持七箸食觸指如排籤  
侵爐不覺暖熾炭屢已添探湯無所益何況續與緜  
虎豹僵穴中蛟螭死幽潛焚惑喪纏次六龍水脫髯  
芒碭大包內生類恐盡殲啾啾牕間雀不知已微纖  
舉頭仰天鳴所願晷刻淹不如彈射死却得親魚燂  
鸞皇苟不存爾固不在占其餘蠢動儻俱死誰恩嫌  
伊我稱最靈不能女覆苦悲哀激憤歎五臟難安恬  
中宵倚牆立滯淚何漸漸天王哀無辜惠我下顧瞻  
褰旒去耳續調和進梅鹽賢能日登御黜彼傲與憊  
生風吹死氣豁達如褰簾懸乳零落墮晨光入前簷

唐詩類苑

卷之十七

二

苦寒吟

劉駕

雪霜頓銷釋土脉膏且黏豈徒蘭蕙榮施及艾與蓀  
日萼行鏤鏤風條坐檐檐天乎苟其能吾死意亦厭  
百泉凍皆咽我吟寒更切半夜倚喬松不覺滿衣雪  
竹竿有甘苦我愛抱苦節鳥聲有悲歡我愛口流血  
潘生若解吟更早生白髮

苦寒吟

孟郊

天色寒蒼蒼北風叫枯桑厚冰無裂文短日有冷光  
敲石不得火壯陰正奪陽調苦竟何言凍吟成此章

歲晚苦寒

方干

地氣寒不暢嚴風無定時挑燈清燼少呵筆尺書遲  
白兔沒已久晨鷄僵未知佇看開聖曆暄煦立爲期

前苦寒行二首

杜甫

漢時長安雪一丈牛馬毛寒縮如蜩楚江巫峽水入  
懷虎豹哀號又堪記秦城老翁荆楊客慣習炎蒸歲  
絺綌玄冥視融氣或交手持白羽未敢釋

去年白帝雪在山今年白帝雪在地凍埋蛟龍南浦  
縮寒刮肌膚北風利楚人四時皆麻衣楚天萬里無  
晶輝三尺之鳥足恐斷義和迭送將歸安

後苦寒行二首

杜甫

唐詩類苑

卷之十七

三

南紀巫廬瘴不絕太古以來無尺雪蠻夷長老怨苦  
寒崑崙天關凍應折玄猿口噤不能嘯曰鵠翅垂眼  
流血安得春泥補地裂

晚來江門失大木猛風中夜飛白屋天兵斬斷青海  
戎殺氣南行動坤軸不爾苦寒何大酷巴東之峽生  
凌漸彼蒼迴幹人得知

村居苦寒

白居易

今年十二月五日雪紛紛竹柏皆凍死况彼無衣民  
迴觀村間問十室八九貧北風利如劍布絮不敵身  
唯燒蒿棘火愁坐夜待晨乃知大寒歲農者猶苦辛

顧我當此日草堂深掩門褐裘覆絁被坐卧有餘溫  
幸免饑凍苦又無壠畝勤念彼深可愧自問是何人

寒

元稹

江瘴節候煖臘初梅已殘夜來北風至喜見今日寒  
扣冰淺塘水擁雪深竹欄復此滿樽醪但嗟誰與歡

酬王六寒朝見詒

張九齡

賈生流寓日楊子寂寥時在物多相背唯君獨見思  
漁為江上曲雪作郢中詞忽枉兼金訊長懷伐木詩

早寒

白居易

黃葉聚牆角青苔圍柱根被經霜後薄鏡遇雨來昏

唐詩類苑

卷之十七

四

半捲寒簷幕斜開暖閣門迎冬兼送老只仰酒盈樽

早寒有懷

孟浩然

見人部懷思

晚寒

白居易

急景流如箭淒風利似刀暝催鷄翅斂寒束樹枝高  
縮水濃如酒加綿厚絮袍可憐冬計畢煖卧醉陶陶

暮寒

杜甫

霧隱平郊樹風含廣岸波沈沈春色靜慘慘暮寒多  
戍鼓猶長擊林鶯遂不歌忽思高宴會朱袖拂雲和

北中寒

李賀

一方黑照三方紫黃河水合魚龍死三尺木皮斷文  
理百石強車上河水霜花草上大如錢揮刀不入迷  
濛天淨澄海水飛凌喧山瀑無聲玉虹懸

寒地百姓吟

為鄭相其年居河南  
歲內百姓大蒙神卹

孟郊

無火炙地眠半夜皆立號冷箭何處來棘鍼風騷勞  
一作騷霜吹破四壁苦痛不可逃高堂撻鐘飲到曉聞

烹炮寒者願為蛾燒死彼華膏華膏隔仙羅虛遠千  
萬遭到頭落地死踏地為遊遨遊遨者是誰君子為

鬱陶

唐詩類苑

卷之十七

五

寒日古人名

陸龜蒙

初寒朗詠徘徊立欲謝玄關早晚開昨夜登樓望江  
色魚梁鴻鴈幾多來

奉和寒日古人名

皮日休

止顧歡遊悲沈沈宋南徐陵寢歎齊梁水邊韶景無窮  
柳色被江淹一半黃

天寒晚起引酌詠懷寄許州王尚書汝州李

常侍

白居易

葉覆水池雪滿山日高慵起未開關寒來更亦無過  
醉老後何由可得閑四海交遊計汝十年貧健是



樊蠻相思莫忘櫻桃會一放狂歌一破顏

寒江吟

孟郊

冬至日光白始知陰氣凝寒江波浪凍一作急千里無

平水飛鳥絕高羽一作樹行人皆晏興荻洲素浩渺碣

岸嘶破磴煙舟忽自阻風帆不相乘何況異形體信

任爲股肱涉江莫涉凌得意須得朋結交非賢良誰

免生愛憎凍水有再浪失飛有載騰一言縱醜詞萬

響無善應取鑒諒不遠江水千萬層何當春風吹利

涉吾道弘

熱

唐詩類苑

卷之十七

六

熱三首

杜甫

雷霆空霹靂雲雨竟虛無炎赫衣流汗低垂氣不蘇

乞爲寒水玉願作冷秋菰何似兒童歲風涼出舞雩

二

瘴雲終不滅瀘水復西來閉戶人高卧歸林鳥却迴

峽中都似火江上只空雷想見陰宮雪風門颯踏開

三

朱李沈不冷雕胡炊屢新將衰骨盡痛被褐味空頻

歎翁炎蒸景颯颯征衣人十年何解甲爲爾一露巾

時熱少見客因詠所懷

白居易

冠櫛心多嬾逢迎興漸微況當時熱甚幸遇客來稀

濕灑池邊地涼開竹下扉露牀青篾簟風架白蕉衣

院靜留僧宿樓空放妓歸衰殘強歡宴此事久知非

毒熱寄簡崔評事十六弟

杜甫

大暑運金氣荆揚不知秋林下有場翼水中無行舟

千室但掃地閉關人事休老夫轉不樂旅次兼百憂

蝮蛇暮偃蹇空牀難暗投炎宵惡明燭況乃懷舊丘

開襟仰內弟執熱露白頭東帶負芒刺接居成阻脩

何當清霜飛會子臨江樓載聞大易議諷詠詩家流

蘊藉異時草檢身非苟求皇皇使臣體信是德業優

唐詩類苑

卷之十七

七

楚材擇杞梓漢苑歸驂驕短章達我心理爲識者籌

旱熱

白居易

畏景又加旱火雲殊未收籬暄饑有雀池涸渴無鷗

岸幘頭仍痛褰裳汗亦流若爲當此苦遷客向炎州

旱熱二首

白居易

彤雲散不雨赫日吁可畏端坐猶揮汗出門豈容易

忽思公府內青山折腰吏復想驛路中紅塵走馬使

征夫更辛苦逐客彌顚顚日入尚趨程宵分不遑寐

安知北牕叟偃卧風颯至簾拂碧魚鱗扇搖白鶴翅

豈唯身所得兼示心無事誰言苦熱天元有清涼地

二

勃勃旱塵氣炎赤日光飛禽颺將墮行人渴欲狂  
壯者不耐饑饉火燒其腸肥者不禁熱喘急汗如漿  
到此方自悟老瘦亦何妨肉輕足健逸髮少頭清涼  
薄食不饑渴端居省衣裳數匙梁飯冷一領綃衫香  
持此聊過日焉知畏暑長

多病執熱奉懷李之芳尚書

杜甫

衰年正苦病侵凌首夏何須氣鬱蒸大水淼茫炎海

波可堪砭兀火雲昇思霑道暍黃梅雨敢望宮恩王

少壯死 卷之十七 八

水不是尚書期不顧山陰野雪興難乘

老熱

白居易

一飽百情足一酣萬事休何人不衰老我老心無憂

仕者拘職役農者勞田疇何人不苦熱我熱身自由

卧風北牕下坐月南池頭曾涼脫烏帽足熱濯清流

慵發畫高枕興來夜汎舟何乃有餘適祇因無過求

或問諸親友樂天是與不亦無別言語多道太悠悠

悠悠君不知此味深且幽但恐君知後亦來從我遊

秋熱

白居易

西江風候接南威暑氣常多秋氣微循道江州最涼

冷至今九月著生衣

苦熱

王維

赤日滿天地火雲成山岳草木盡焦卷川澤皆竭涸  
輕絛覺衣重密樹苦陰薄莞簟不可近絺綌再三濯  
思出宇宙外曠然在寥廓長風萬里來江海蕩煩濁  
却顧身爲患始知心未覺忽入甘露門宛然清涼樂

苦熱

僧貫休

松桂畫不動陽鳥飛半天稻麻雖結實砂磧欲生煙  
毒氣仍干扇高枝不立蟬舊山多貯雪歸去是何年

苦熱

白居易

唐詩類苑 卷之十七 九  
頭痛汗盈巾連宵復達晨不堪逢苦熱猶賴是閑人

朝客應煩倦農夫更苦辛始慙當此日得作自由身

苦熱

司空曙

才氣發於川焦煙遠未收嘯風兼熾豔渾汗訝成流

楊柳侵林盡龜魚擁石稠漱泉齊飲酎衣葛劇兼裘

長簾合歡枕輕巾嬾挂頭招商如有曲一爲取新秋

和長孫秘監伏日苦熱

任希古

玉署三時曉金鑪五日歸北林開逸徑東閣敞閑扉

池鏡分天色雲峯減日輝游鱗映荷葉驚軒遶林飛

披襟揚子宅舒嘯仰重闈

早秋苦熱堆案相仍 杜甫

七月六日苦炎蒸對食暫餐還不能每愁夜中自足  
蠅況乃秋後轉多蠅束帶發狂欲大呼簿書何急來  
相仍南望青山架短壑安得赤脚踏層冰

苦熱喜涼 白居易

經時苦熱心體但煩倦白日一何長清秋不可見  
歲功成者去天數極則變潛知寒燠間遷次如乘傳  
火雲忽朝斂金風俄夕扇枕簟遂清涼筋骸稍輕健  
因思望月侶婦卜迎秋晏竟夜無客來引杯還自勸

苦熱寄舒員外 白居易

何堪日衰病復此時炎燠厭對俗杯盤倦聽凡絲竹  
藤牀鋪晚雪角枕截寒玉安得清瘦人新秋夜同宿  
非君固不可何夕枉高躅

夏夜苦熱登西樓 柳宗元

苦熱中夜起登樓獨褰衣山澤凝暑氣星漢湛光輝  
火晶燥露滋野靜停風威探湯汲陰井燭籠開重扉  
憑欄久徬徨流汗不可揮莫辯亭毒意仰訴璿與璣  
諒非姑射子靜勝安能希

奉和李大夫同呂評事太行苦熱行兼寄院

中諸公 獨孤及

駟馬上太行修途亘遼碣王程無留駕日昃未遑歇

請問此何時候台朱明月長蛇稽天討上將方北伐

明主命使臣皇華得時傑已忘羊腸險豈憚溫風熱

搖策汗滂沱登崖思紆結炎雲如煙火溪谷將恐竭

晝景絕可畏涼飈何由發山長飛鳥墮目極行車絕

趙魏方假擾安危俟明哲歸路豈不懷飲冰有苦節

會同傳檄至疑議立談決況有阮元瑜翩翩秉書札

起予歌赤坂永好踰白雪誰念剖竹人無因執羈紲

酬薛員外誼苦熱行 僧皎然

六月金數伏茲辰日在庚炎曦曝肌膚毒霧昏檐楹

安得奮翅翮超遙出雲征不知天地心如何匠生成

火德燒百卉瑤草不及榮省客當此時忍貽懷中瓊

捧翫煩袂滌嘯歌美風生遲君佐元氣調使四序平

中令霜不禩火餘氣常貞江南詩騷客休吟苦熱行

何勞短兵接自有長纓縛通越事豈難渡瀘功未博  
朝辭羊腸陂夕望貝丘郭漳水斜遶管常山遙入幕  
永懷姑蘇下遙寄建安作白雪和難成滄波意空託  
陳琳書記說王粲從軍樂早晚歸漢廷隨公上麟閣

何處堪避暑

白居易

何處堪避暑林間背日樓何處好追涼池上隨風舟  
日高饑始食食竟飽還遊遊罷睡一覺覺來茶一甌  
眼明見青山耳醒聞碧流脫襪閑濯足解巾快搔頭  
如此來幾時已過六七秋從心至百骸無一不自由  
拙退是其分榮耀非所求雖被世間笑終無身外憂

唐詩類苑

卷之十七

三

此語君莫怪靜思我亦愁如何三伏月楊尹謫虔州

苦熱題恒寂禪師室

白居易

人人避暑走如狂獨有禪師不出房可是禪房無熱  
到但能心靜即身涼

自朔方還與鄭式瞻崔稱鄭子周岑贊同會

法雲寺三門避暑

李益

予本疎放士竭來非外矯誤落邊塵中愛山見山少  
始投清涼宇門值煙岫表參差互明滅彩翠竟昏曉  
冷冷遠風來過此群木杪英英二三彥襟曠去煩擾  
游川出潛魚息陰勸飛鳥徇物不可窮唯於此心了

慈恩寺避暑

李遠

香荷疑散麝風鐸似調琴不覺清涼晚歸人滿柳陰

同崔峒補闕慈恩寺避暑

盧綸

寺涼高樹合卧石綠陰中伴鶴慙仙侶依僧學老翁  
魚沈荷葉露鳥散竹林風始悟塵居者應將火宅同

天竺寺七葉堂避暑

白居易

鬱鬱復鬱鬱伏熱何時畢行入七葉堂煩暑隨步失  
簷雨稍霏微牕風正蕭瑟清宵一覺睡可以銷百疾

僧房避暑

嚴維

支公好閒寂庭宇愛林篁幽曠無煩暑恬和不可量

唐詩類苑

卷之十七

三

蕙風清水殿荷氣雜天香明月談空坐恬然道術忘

香山避暑二絕

白居易

六月灘聲如猛雨香山樓地暢師房夜深起凭欄杆  
立滿耳潺湲漫滿面涼

紗巾草履竹疎衣晚下香山蹋翠微一路涼風十八  
里卧乘藍輦睡中歸

夏日與閑僧禪師林下避暑

白居易

洛景齊西塋土紅伴僧閑坐竹泉東綠蘿潭上不見  
日白石灘邊長有風熱惱漸知中念盡清涼常願與

人同每因毒暑悲親故多在炎方瘴海中

月夜登閣避暑

白居易

早久炎氣甚中人若燔燒清風隱何處草樹不動搖  
何以避暑氣無如出塵囂行行都門外佛閣正岩峩  
清涼近高生煩熱委靜銷開襟當軒坐意泰神飄颻  
迴看歸路傍禾黍盡枯焦獨善誠有計將何救旱苗

林館避暑

羊士諤

池島清陰裏無人泛酒船山蛭金秦響何露水精圓  
靜勝朝還暮幽觀白已玄家林正如此何事賦歸田

長與里夏日南隣避暑

許渾

唐詩類苑

卷之十七

十四

年來不自得一望幾傷心風轉蕙蘭色月移松桂陰  
馬隨邊草遠帆落海雲深明日各分首

奉和王元二相公於中書東廳避暑悽然懷

杜太尉

李端

艱難常共理海晏更相悲况復登堂處分明避暑時  
綠槐千樹一作總綻紅藥一番遊蓬華今何幸先朝大

雅詩

太子李舍人城東別業與二三文友逃暑

錢起

下馬失炎暑甫聞深綠宮臣禮嘉客林表開蘭堂

茲夕興難盡澄曛照墨場東陵晚來好目極趣何長  
鳥道挂疎雨人家殘夕陽城隅擁歸騎留醉戀瓊芳

銷暑

白居易

何以銷煩暑端居一院中眼前無長物牕下有清風  
熱散由心靜涼生爲室空此時身自得難更與人同

避暑納涼

錢起

木槿花開長日長時推輕扇倚繩牀初晴草蔓綠新  
筍頻雨苔衣染舊牆十旬河朔應虛醉八柱天台好  
納涼無事始能知靜勝深垂紗帳詠滄浪

唐詩類苑

卷之十七

十五

書院無曆日以詩代書問路侍御六月大小

李益

野性迷堯曆松牕有道經故人爲柱史爲我數堦冥

貞元曆

是歲秋八月太上皇帝  
永貞傳位今皇帝

元稹

象魏纔頒曆龍鑣已御天猶看後元曆新署永貞年  
半歲光陰在三朝禮數遷無因書簡冊空得詠詩篇

長慶曆

元稹

年曆復年曆卷盡悲且惜曆日何足悲但悲年運易  
年年豈無歎此歎何啻唧唧所歎別此年永無長慶曆

題長慶四年曆日尾

元稹

殘曆半張餘十四灰心雪鬢兩悽然定知新歲御樓後從此不名長慶年

十二月

河南府試十二月樂詞并閏李賀

正月

上樓迎春新春歸暗黃著柳宮漏遲薄薄淡靄弄野  
姿寒綠幽風生短絲錦牀晚卧玉肌冷露臉未開對  
朝暝官街柳帶不堪折蚤晚菖蒲勝綰結

二月

飲酒採桑津宜男草生蘭笑人蒲如交劍風如熏勞  
唐詩類苑卷之十七

卷之十七

十六

勞鶯燕怨酣春微帳逗煙生綠塵金翹峨髻愁暮雲  
香颯起舞真珠裙津頭送別唱流水洒客背寒南山  
死

三月

東方風來滿眼春花城柳暗愁殺人複宮深疑竹風  
起新翠舞衿淨如水光風轉蕙百餘里暖霧驅雲撲  
天地軍裝官妓掃蛾淺搖搖錦旗夾城暖曲水飄香  
去不歸梨花落盡成秋苑

四月

涼暮涼樹如蓋千山濃綠生雲外依微香雨青氛

氤膩葉蟠花照曲門金塘閒水搖碧漪老景沈重無  
驚飛墮紅殘萼暗參差

五月

雕玉押簾額輕縠籠虛門并汲鉛華水扇織鴛鴦紋  
迴雪舞涼殿甘露洗空綠羅袖從徊翔香汗霑寶粟

六月

裁生羅伐湘竹帔拂疎霜簟秋玉炎炎紅鏡東方開  
暈如車輪上徘徊啾啾赤帝騎龍來

七月

星依雲渚冷露滴盤中圓好花生木末衰蕙愁空園  
唐詩類苑卷之十七

卷之十七

十七

夜天如玉砌池葉極青錢僅厭舞衫薄稍知花簾寒  
曉風何拂拂北斗光欄杆

八月

嬌妾怨長夜獨客夢歸家傍簷蟲緝絲向壁燈垂花  
簾外月光吐簾內樹影斜悠悠霜露姿點綴池中荷

九月

離宮散螢天似水竹黃池冷芙蓉死月綴金鋪光脉  
脉清絕虛庭空澹白露華飛飛風草草翠錦斑爛滿  
層道鴛人罷唱晚瓊瑤鴉啼金井下疎桐

十月

玉壺銀箭稍難傾，紅花夜笑疑幽明。碎霜斜舞上羅幕，燭龍兩行照飛閣。珠帷怨卧不成眠，金鳳刺衣著體寒。長眉對月闌彎環。

十一月

宮城團迴凜嚴光，白天碎碎墮瓊芳。搗鐘高飲千日酒，戰卻凝寒作君壽。御溝泉合如環素，火井溫泉在何處。

十二月

日脚淡光紅灑灑，薄霜不銷桂枝下。依稀和氣排冬嚴，已就長日辭長夜。

唐詩類苑

卷之十七

十八

閏月

帝重光年重時，七十二候迴環推。天宮土琯灰剩飛，今歲何長來歲遲。王母移桃獻天子，義氏和氏遷龍轡。

閏月定四時

羅讓

月閏隨寒暑，疇人定職司。餘分將考日，積算自成時。律候行宜表，陰陽運不欺。氣熏灰琯驗，數劫卦辭推。六曆文明序，三年理暗移。當知歲功立，唯是奉無私。

閏月定四時

許稷

玉律窮三紀，推為積閏期。月餘因妙算，歲徧自成時。

乍覺年華改，翻憐物候遲。六旬知不惑，四氣本無欺。月桂虧還正，階蓂落復滋。從斯分曆象，共仰定毫釐。

閏月定四時

杜周士

得閏因真歲，吾君敬授時。體元承夏道，推曆法堯咨。直取歸餘改，非如再失欺。葭灰初變律，斗柄正當寅。寒暑功前定，春秋氣可推。更憐幽谷羽，鳴躍尚須期。

閏月定四時

徐至

積數歸成閏，義和職舊司。分銖標斗建，盈縮正人時。節候潛相應，星辰自合期。寸陰寧越度，長歷信無欺。定向銅儀辨，還從玉律推。高明終不謬，委鑑本無私。

唐詩類苑

卷之十七

十九

閏月定四時

樂伸

聖代承堯曆，恒將閏正時。六旬餘可借，四序應如期。分至寧慙素，盈虛信不欺。斗杓重指早，灰琯再推寅。義氏兼和氏，行之又則之。願言符大化，永永作元龜。

閏月

員南溟

曆象璿璣正，休徵玉燭明。四時佳氣滿，五緯太階平。律呂風光至，煙雲瑞色呈。年和知歲稔，道泰喜秋成。寥海皇恩被，乾坤至化清。自憐同野老，帝力詎能名。

閏八月

黃滔

無人不愛今年閏，月看中秋兩度圓。唯恐雨師風伯

急至時還奪上樓天

，狀江南十二月景十二首

正月

鮑防

江南孟春天荇葉大如錢白雪粧棹樹青袍似葑田

二月

謝良輔

江南仲春天細雨色如煙疎爲武昌柳布作石門泉

三月

犀維

江南季春天綠葉細如絃湖邊草作湖上葉如船

四月

賈弇

江南孟夏天綠竹如簫簾氣爲樓閣蛙聲作管絃

唐詩類苑

卷之十七

三

五月

樊珣

江南仲夏天時雨下如川盧橘垂金彈甘蕉吐白蓮

六月

范燈

江南季夏天身熱汗如泉蚊蚋成雷澤袈裟作水田

七月

鄭槩

江南孟秋天稻花白如氎素腕慚新藕殘粧妬晚蓮

八月

沈仲昌

江南仲秋天鱣鼻大如船雷是樟亭浪苔爲界石錢

九月

劉蕃

江南季秋天栗實大如拳楓葉紅霞舉蘆花白浪川

十月

謝良輔

江南孟冬天荻葦軟如綿綠絹芭蕉裂黃金橘柚懸

十一月

呂渭

江南仲冬天紫蔗節如鞭海將鹽作雪山用火耕田

十二月

丘丹

江南季冬天紅蟹大如鮪湖水龍爲鏡爐峯氣作煙

唐詩類苑

卷之十七

三



唐詩類苑卷第十八

明雲間張之象玄超甫纂輯

雲間杜開美表度甫編次

雲間王 微叔朗甫補訂

梁谿曹仁孫伯安甫校正

歲時部

元正

元日

太宗

高軒暖春色  
深閣媚朝光  
彤庭飛綵旆  
翠幌曜明璫  
恭已臨四極  
垂衣馭八荒  
霜戟列丹陛  
絲竹韻長廊

唐詩類苑

卷之十八

一

穆矣熏風茂  
康哉帝道昌  
繼文遵後軌  
循古鑒前王  
草秀故春色  
梅豔昔年粧  
巨川思欲濟  
終以寄舟航

奉和元日應制

許敬宗

天正開初節  
日觀上重輪  
百靈滋景祚  
萬土慶惟新  
待旦敷玄造  
禱旒御紫宸  
武帳臨光宅  
文衛象鈞陳  
廣庭揚九奏  
大帛麗三辰  
發生同化育  
播物體陶鈞  
霜空澄曉氣  
霞景瑩芳春  
德暉覃率土  
相賀奉還淳

元日退朝觀軍仗歸營

德宗

獻歲視元朔  
萬方咸在庭  
端旒揖群后  
迴輦開師貞  
綵仗宿華殿  
退朝歸禁營  
分行左右出  
轉旆風雲生

歷歷趨複道  
容容映層城  
勇餘矜捷技  
令肅無喧聲  
眷此戎旅節  
載嘉良工誠  
順時傾宴賞  
亦以助文經

元日恩賜栢樹應制

趙彥昭

器乏雕梁材  
非構厦材但  
將千載葉  
常奉萬年杯

元日恩賜栢樹應制

李义

勁節凌冬勁  
芳心待歲芳  
偏令人益壽  
非止麝含香

元日早朝

耿漳

九陌朝臣滿  
三朝候鼓賒  
遠珂時接韻  
攢炬偶成花

紫貝爲高闕  
黃龍建大牙  
參差萬戟合  
左右八貂斜

羽扇分朱檻  
金爐隔翠華  
微風傳曙漏  
曉日上春霞

唐詩類苑

卷之十八

二

環珮聲重疊  
蠻夷服等差  
樂和天易感  
山固壽無涯  
渥澤千年聖  
車書四海家  
盛明多在位  
誰得守蓬麻

元日望含元殿御扇開

張莒

萬國來朝歲  
千秋觀聖君  
輦迎仙仗出  
扇匝御香焚  
俯對朝容近  
先知曙色分  
冕旒開處見  
鐘磬合時聞  
影動承朝日  
花攢似慶雲  
蒲葵那可比  
徒用隔炎氛

元日觀朝

厲元

玉座臨新歲  
朝盈萬國人  
火連雙闕曉  
仗列五門春  
瑞雪鎬鴛瓦  
祥光在日輪  
天顏不敢視  
稱慶拜空頻

元日觀郭將軍早朝

靈澈

欲曙九衢人更多千條香燭照銀河今朝始見金吾  
貴連馬縱橫避玉珂

奉和庫部盧四兄曹長元日朝迴

韓愈

天仗宵嚴建羽旄春雲送色曉鷄號金爐香動螭頭  
暗玉珮聲來雉尾高戎服上趨承北極儒冠列侍映  
東曹太平時節難身遇郎署何須歎二毛

元日寄諸弟兼呈崔都水 韋應物

一從守茲郡兩鬢生素髮新正加我年故歲去超忽  
淮濱益時候了似中秋月川谷風景溫城池草木發

唐詩類苑 卷之十八

三

高齋屬多暇悵悵臨芳物日月昧還期念君何時歇

元朝

張說

元日今歲樂不謝往年春智向來心道誰爲昨夜人

七年元日對酒五首

白居易

慶弔經過嬾逢迎拜跪遲不因時節易豈覺此時衰

二

衆老憂添歲余衰喜入春年開第七袞屈指幾多人

三

三杯藍尾酒一櫟膠牙餠除却崔常侍無人共我爭

四

今朝吳與洛相憶一欣然夢得君知否俱過本命年

五

同歲崔何在同年杜又無應無藏避處只有且歡娛

元日卽事

喻鳧

斂板賀交親稱觴詎有巡年光悲擲舊景色喜呈新  
水柳煙中重山梅雪後真不知將白髮何以度青春

田家元日

孟浩然

昨日斗迴北今朝歲起東我年已強仕無祿尚憂農  
野老就耕去荷鋤隨牧童田家占氣候共說此年豐

元日寄韋氏妹

杜甫

唐詩類苑

卷之十八

四

近聞韋氏妹迎在漢鍾離郎伯殊方鎮京華故國移  
春城迴北斗郢樹發南枝不見朝正使啼痕滿面垂

元日示宗武

杜甫

汝啼吾手戰吾笑汝身長處處逢正月迢迢滯遠方  
飄零還柝酒衰病只藜牀訓諭青衿子名慙白首郎  
賦詩猶落筆獻壽更稱觴不見江東弟高歌淚數行

元日嘉聞大禮寄四學士六舍人

竇牟

有事郊壇畢無私日月臨歲華春更早天瑞雲猶深  
玉輦回時令金門降德音翰飛爲別侶叢植桂爲林

粉澤資鴻筆熏和本素琴禮成戎器下恩徹鬼方沈  
麟爵來稱紀官師退絕箴道風黃閣靜祥景紫垣陰  
壽酒朝時獻農書直夜尋國香燭翠帷庭燎葩紅衾  
漢魏文章盛堯湯雨露靈密辭投水石精義出沙金  
宸宸親惟敬鈞衡近匪侵長驅千里駿清吹九霄禽  
慶賜迎新服齋莊棄舊簪忽思班女怨遙聽越人吟  
末路甘貧病流年苦滯淫夢中清瑣闥歸處碧山岑  
竊杼聞韶獲觀光想蘇任大哉寰海晏不算子牟心  
元日酬蔡州馬十二尚書去年蔡州元日見  
寄之什 韓愈

唐詩類苑 卷之十八

元日新詩已去年蔡州遙寄荷相憐今朝縱有誰人  
領自是三峯不敢眠

蘇州李中丞以元日郡齋感懷詩寄微之及  
予輒依來篇七言八韻走筆奉答兼呈微

之 白居易

白首餘杭太白守落魄拋名來已久一辭渭北故園  
春再把江南新歲酒杯前笑歌徒勉強鏡裏形容漸  
衰朽領郡慙當潦倒年隣州喜得平生友長洲草接  
松江岸曲水花連鏡湖口老去還能痛飲無春來會  
作閑遊否馮驩傳語報李六倩鴈將書與元九莫嗟

一日日催人且貴一年年入手

元日 方干

晨鷄兩變報更闌刁斗無聲曉漏乾暖日映山調正  
氣東風入樹舞殘寒軒車欲織人間感獻歲須來帝  
里看纔酌屠蘇定年齒坐中唯笑鬢毛斑

酬復言長慶四年元日郡齋感懷見寄

元稹

臘盡殘銷春又歸逢新別故欲沾衣自驚身上添年  
幾休繫心中小是非富貴祝來何所遂聰明鞭得轉  
無機祝富貴鞭聰明皆正口童稚俗法羞看稚子先拈酒悵望平生

唐詩類苑 卷之十八

六

舊採薇去日漸加餘日少賀人雖開故人稀椒花麗  
句閑重檢艾髮衰容惜寸輝苦思正旦酬白雪閑觀  
風色動青旂千官仗下爐煙裏東海西頭意獨違

正朝上左丞相張燕公 楊重玄

歲去愁終在春還命不來長吁問丞相東閣幾時開

奉和正朔賜群臣栢葉 武平一

綠葉迎春綠寒枝歷歲寒願持栢葉壽長奉萬年歡

正日臨朝 太宗

條風開獻節灰律動初陽百蠻奉遐賁萬國朝未央  
雖無舜禹跡幸欣天地康車軌同八表書文混四方

赫奕儼冠蓋紛綸盛服章羽旄飛馳道鐘鼓震巖廊  
組練輝霞色霜戟耀朝光晨宵懷至理終愧撫遐荒

奉和正日臨朝應詔

魏徵

百靈侍軒后萬國會塗山豈如今睿哲邁古獨光前  
聲教溢四海朝宗引百川鏘洋鳴玉珮灼燦耀金蟬  
淑景輝雕輦高旌揚翠煙庭實超王會廣樂盛鈞天  
既欣東日戶復詠南風篇願奉光華慶從斯萬億年

奉和正日臨朝

岑文本

時雍表昌運日正叶靈符德兼三代禮功包四海圖  
踰沙紛在列執玉儼相趨清蹕喧輦道張樂駭天衢

唐詩類苑

卷之十八

七

拂蜺九旗映儀鳳八音殊佳氣浮仙掌熏風繞帝梧  
天文光七政皇恩被九區方陪瘞玉禮珥筆岱山隅

奉和正日臨朝

李元操

銅渾變秋節玉律動年灰曖曖城霞旦隱隱禁門開  
衆靈輳仙府百神朝帝臺葉令雙鳧至梁王駟馬來  
戈鋌映林闕歌管拂塵埃保章望瑞氣尚書免火災

奉和正日臨朝

李百藥

化曆昭唐典承天順夏正百靈警軒禁三辰揚旆旌  
充庭富禮樂高譙齒簪纓獻壽符萬歲移風韻九成

奉和正日臨朝

顏師古

七政璿衡始三元寶曆新負宸延百辟垂旒御九賓  
肅肅皆鴛鴦濟濟盛纓紳天涯致重譯西域獻奇珍

奉和正日臨朝

楊師道

皇猷被寰宇端宸屬元辰九重麗天邑千門臨上春

正朝摘梅

張說

蜀地寒猶暖正朝發早梅偏驚萬里客已復一年來

新正

方干

華門惆悵內時節暗來頻每見新正雪長思故國春  
雲西斜去鴈江上未歸人又一年爲客何媒得到秦

唐詩類苑

卷之十八

八

新正日商南道中作寄李明府

韋莊

相看又見歲華新依舊楊朱拭淚巾踏雪偶因尋戴  
客論文還比聚星人嵩山不改千年色洛邑長生一  
路塵今日與君同避世却憐無事是家貧

正初奉酬

杜牧

翠巖千尺倚溪斜曾得嚴光作釣家越嶂遠分丁字  
水臘梅遲見二年花明時刀尺君須用幽處田園我  
有涯一壑風煙陽羨里解龜休去路非賒

元正

許渾

高揭鷄竿闢帝閭祥風微暖瑞雲屯千官共削奸臣  
迹萬國初銜聖主恩宮殿雪華齊紫閣關河春色到  
青門華夷一軌人方泰莫學論兵誤至尊

歲日

元稹

一日今年始一年前事空妻涼百年事應與一年同

歲日作

劉長卿

建寅迴北斗看曆占春風律變滄江外年加白髮中  
春衣試稚子壽酒勸衰翁今日陽和發榮枯豈不同

歲日感懷

李約

曙氣變東風蟾壺夜漏窮新春幾人老舊曆四時空

唐詩類苑

卷之十八

九

身賤悲添歲家貧喜過冬稱觴唯有感歡慶在兒童

歲日朝迴口號

杜牧

星河猶在整朝衣遠望天門再拜歸笑向春風初五  
十敢言知命且知非

歲日作

包佶

更勞今日春風至枯樹無枝可寄花覽鏡唯看飄亂  
髮臨風誰爲駐浮槎

歲日贈拒非

元稹

思君曲水嗟身老我望通州感道窮同入新年兩行  
淚白頭翁坐說城中

歲日家宴戲示弟姪等兼呈張侍御二十八

丈殷判官二十三兄

白居易

弟妹妻孥子姪甥姪癡弄我助歡情歲盡後推藍尾  
酒春盤先勸膠牙餚形骸潦倒雖堪歎骨肉團圓亦  
可榮猶有誇張少年處笑呼張友喚殷兄

歲日見新曆因寄都官裴郎中

劉長卿

青陽振蟄初頒曆白首銜冤欲問天絳老更能經幾  
歲賈生何事又三年愁占蒼草終難決病對椒花倍  
自憐若道平分四時氣南枝爲底發春偏

唐詩類苑

卷之十八

十

庾樓新歲

白居易

歲時銷旅貌風景觸鄉愁牢落江湖意新年上庾樓

幽州新歲作

張說

去歲荆南梅似雪今春薊北雪如梅共知人事何常  
定且喜年華往復來邊鎮戍歌連夜動京城燎火徹  
明開遙遙西向長安日願作南山壽一杯

新年作

劉長卿

鄉心新歲切天畔獨潸然老至居人下春歸在客先  
嶺猿同旦暮江柳共風煙已似長沙傳從今又幾年

新年

賈島

嗟以龍鍾身一作貌如何歲復新石門思隱久銅鏡強  
窺頻花發新移樹心知故國春誰能平此恨豈是比  
宗人

新年

僧無可

燃燈朝復夕漸作長年身紫閣未歸日青門又見一作  
春掩關寒過盡開一作出定草生新目有林中趣誰  
驚歲去頻

新歲贈夢得

白居易

暮齒忽將及同心私自憐漸衰宜減食已喜更加年  
紫綬行聯袂籃輦出比肩與君同甲子歲酒合誰先  
唐詩類苑 卷之六十八 十一

悲新年

盧仝

新年何事最堪悲病客遙聽百舌兒太歲只遊桃李  
徑春風肯管歲寒枝

立春

奉和聖製立春日侍宴內殿出剪綵花應制

上官昭容

密葉因裁吐新花逐剪舒攀條雖不謬摘蕊詎知虛  
春至由來發秋還未肯疎借問桃將李相亂欲何如  
奉和聖製立春日侍宴內殿出剪綵花應制

劉憲

上林官館好春心獨早知剪花疑早發刻燕似新窺  
色濃輕雪點香淺嫩風吹此日叨陪侍恩榮得數枝  
奉和聖製立春日侍宴內殿出剪綵花應制

趙彥昭

剪綵迎初候攀條故寫真花隨紅意發葉就綠情新  
嫩色驚銜燕輕香誤採人應爲東風拂能令芳樹春  
奉和聖製立春日侍宴內殿出剪綵花應制

宋之問

金閣粧仙杏瓊筵弄綺梅人間都未識天上忽先開  
蝶繞香絲仕蜂憐彩豔迴今年春色早應爲剪刀催  
唐詩類苑 卷之六十八 十一

奉和聖製立春日侍宴內殿出剪綵花應制

李嶠

早欲聞年至剪綵學芳辰綴綺亦能似裁紅巧過真  
花從篋裏發葉向手中春不與韶光競何名天上人  
奉和聖製立春日侍宴內殿出剪綵花應制

蘇頌

曉入宜春苑穠芳吐禁中剪刀因製素粧粉爲開紅  
綵異驚流雪香饒點便風裁成識天意萬物與花同  
立春日遊苑迎春

中宗  
初中宗景龍二年始於修文館置大學士四員學

士八員直學士十二員象四時八節十二月於是  
李嶠宗楚客趙彥昭韋嗣立爲大學士李適劉憲  
崔湜鄭愔盧藏用李乂岑羲劉子玄爲學士薛稷  
馬懷素宋之問武平一杜審言沈佺期閻朝隱爲  
直學士又召徐堅韋元旦徐彥伯劉允濟等滿員  
其後被選者不一凡天子饗會游豫唯宰相直學  
士得從春幸禁苑迎春並渭水祓除則賜細柳園  
啓屬夏宴蒲萄園賜朱櫻秋登慈恩浮圖獻菊花  
酒稱壽冬幸新豐歷白鹿觀上驪山賜浴湯池給  
香粉蘭澤從行給翔麟馬品官黃衣各一帝有所

唐詩類苑

卷之十八

七

感卽賦詩學士皆屬和當時人所欣慕焉

神皇福地三秦邑玉臺金闕九仙家寒光猶戀甘泉  
樹淑景偏臨建始花綵蝶黃鶯未欲舞梅香柳色已  
堪誇迎春正啓流霞席暫囑曦輪勿遽斜

奉和立春遊苑迎春應制 盧藏用

天遊龍輦駐城闌上苑遲光晚更新瑤臺半入黃山  
路玉檻傍臨玄灞津梅香欲待歌前落蘭氣先過酒  
上春幸預栢臺稱獻壽願陪千畝及農辰

奉和立春遊苑迎春應制 崔日用

乘時迎氣正璿衡灞漣煙氛向曉清剪綺裁紅妙春

色官梅殿柳識天情瑤筐綵燕先呈瑞金縷晨鷄未  
鳴聖澤陽和宜宴樂年年捧日向東城

奉和立春遊苑迎春應制 閻朝隱

管籥周移寰極裏乘輿望幸斗城闌草根未結青絲  
縷蘿鳥猶垂綠轍巾鵲入巢中言改歲燕銜書上道  
宜新願得長繩繫取日光臨天子萬年春

奉和立春遊苑迎春應制 沈佺期

東郊暫轉迎春仗上苑初飛行慶杯風射蛟冰千片  
斷氣衝魚鑰九關開林中覓草纔生蕙殿裏爭花併  
是梅歌吹銜恩歸路晚棲鳥半上鳳城來

唐詩類苑

卷之十八

七

奉和立春遊苑迎春應制 李適

金輿翠輦迎春節御苑仙宮待獻春淑氣初銜梅色  
淺條風半拂柳條新天杯慶壽齊南岳聖藻光輝動  
北辰稍覺披香歌吹近龍驂薄暮下城闌

奉和立春遊苑迎春應制 馬懷素

玄籥飛灰出洞房青郊迎氣肇初陽仙輿暫下宜春  
苑銜醴行開薦壽觴映水輕苔猶隱綠綠堤弱柳未  
舒黃唯有栽花飾簪釐恒隨聖藻狎年光

奉和立春遊苑迎春應制 韋元旦

灞浹長安恒近日殷正臘月早迎新池魚戲葉仍含



東宮女裁花已作春向苑雲凝承翠幄入林風若起  
青蘋年年斗柄東無限願挹瓊觴壽北辰

奉和立春日內出綵花樹應制

武平一

景龍四年正月八日立春內出綵花賜近臣武平  
一等應制賦詩是日中宗手勅批云平一年雖最  
少文甚警新悅紅藥之先開訝黃鶯之未轉循環  
吟咀賞嘆兼懷今更賜花一枝以彰其美所賜學  
士花並令插在頭上後所賜者平一左右交插因  
舞蹈拜謝崔日用乘酣飲欲奪平一所賜花上於

唐詩類苑

卷之十八

十五

簾下見之謂平一日日用何爲奪卿花平一跪奏  
曰讀書萬卷從日用滿口虛張賜花一枝學平一  
終身不獲上及侍臣大笑因更飲酒一杯當時稱  
美

轡輅青旂下帝臺東郊苑望春來黃鶯未解林間  
轉紅藥先從殿裏開盡閣條風初變柳銀塘曲水半  
含苔正逢春藻光韶律更促霞觴畏景催

奉和立春日內出綵花樹應制

劉憲

禁苑韶年此日歸東郊道上轉青旂柳色梅芳何處

所風前雪裏覓芳菲開水池內魚新躍剪綵花間燕  
始飛欲識王遊幸陽氣爲觀天藻競春輝

奉和立春日內出綵花樹應制

崔湜

澹蕩春光滿曉空逍遙御輦入離宮山河降望雲天  
外臺閣參差煙霧中庭際花飛錦繡合枝間鳥轉管  
絃同卽此歡娛齊鎬宴唯應率舞樂薰風

奉和立春日內出綵花樹應制

岑義

和風助律應韶年清蹕乘高入望仙花笑鶯歌迎帝

唐詩類苑

卷之十八

十六

輦雲披日霽俯皇川高山近壓仙樓上北斗平臨魏  
闕前一奉恩榮同鎬宴空如率舞聽重絃

和左司張員外自洛入京中路先赴長安逢

立春日贈韋侍御

孫逖

拜郎登省闈奉使馳車乘過瞻使者星便長郎官應  
臺妙時相許皇華德彌稱二陝聽風謠三秦望形勝  
此中睽友益是日多詩興寒盡歲陰催春歸物華證

客中逢立春寄懷郇伯

竇常

浪跡終年客驚心此地春風前獨去馬澤畔耦耕人  
老大交情重悲哀物外親子雲今在宅應見柳條新



立春日

曹松

春飲一杯酒便吟春日詩木梢寒未覺地脉暖先知  
鳥嘯星沈後山分雪薄時賞心無處說悵望曲江池

立春日宴高陵任明府宅 耿 漳

春灰今變候密雪又霏霏坐客同心滿流年此會稀  
風成空處亂素積夜來飛且共銜杯酒陶潛不得歸

立春

冷朝陽

玉律傳佳節青陽應北辰土牛呈歲稔綵燕表年春  
臘盡星迴次寒餘月建寅風光何處好雲物望中新  
流水初銷凍潛魚欲振鱗梅花將柳色偏思越鄉人

唐詩類苑

卷之十八

七

立春日酌錢員外曲江舟行見贈

白居易

下直遇春日垂鞭出禁闌兩人攜手語十里看山歸  
柳色早黃淺水文新綠微風光向晚好車馬近南稀  
機盡笑相顧不驚鷗鷺飛

京中正月七日立春

羅隱

一二三四五六七萬木生涯是今日遠天歸鴈拂雲  
飛近水游魚迸冰出

立春日作

韋莊

九重天子去蒙塵御柳無情依舊春今日不關妃妾

事始知辜負而嵬人

人日立春

盧仝

春度春歸無限春今朝方始覺成人從今尅已應猶  
及顏與梅花俱自新

和左司張員外自洛使入京中路先赴長安

逢立春日贈韋侍御等諸公

孫逖

忽覩雲間數鴈迴更逢山上一花開河邊淑氣迎芳  
草林下輕風待落梅秋憲府中高唱入春卿署裏和  
歌來共言東閣招賢地自有西征作賦才

唐詩類苑

卷之十八

十八

立春

杜甫

春日春盤細生菜忽憶兩京梅發時盤出高門行白  
玉萊傳纖手送青絲巫峽寒江那對眼杜陵遠客不  
勝悲此身未知歸定處呼兒覓紙一題詩

立春

韋莊

青帝東來日馭遲暖煙輕逐曉風吹綢袍公子樽前  
覓錦帳佳人夢裏知雪圖乍開紅菜甲綵幡新翦綠  
楊絲殷勤爲作宜春曲題向花牋帖繡楣

立春後言懷招李庭衡推 令狐楚

閑齋夜擊唾壺歌試望夷門奈遠何每聽寒笳離夢

斷時窺清鑑旅愁多稍驚宵漏丁丁促已覺春風  
習和海內故人君最老花間鞭馬更相過

立春日呈宮傳侍郎

皇甫曙

朝旦微風吹曉霞散爲和氣滿家不知容貌潛消  
落且喜春光動物華出問池水猶塞岸歸尋園柳未  
生芽摩娑酒甕重封閉待入新年共賞花

小歲日

小歲日喜談氏外孫女孩滿月

白居易

今旦夫婦喜他人豈得知自嗟生女晚敢訝見孫遲  
唐詩類苑卷之十八

九

物以希爲貴情因老更慈新年逢吉日滿月乞明時  
桂燎熏花果蘭湯洗玉肌懷中有可拘何必是男兒  
小歲日對酒吟錢湖州新寄詩

白居易

獨酌無多興閑吟有所思一杯新歲酒兩句故人詩  
楊柳初黃日髭鬚半白時蹉跎春氣味彼此老心知  
人日

人日侍宴大明宮應制

鄭愔

瓊殿含光映早輪玉鑾晨蹕望初晨池開凍水仙宮  
麗樹發含花禁苑新佳氣徘徊籠細網殘雲漸瀝染

輕塵良時荷澤皆迎騰窮谷晞陽猶未春

人日侍宴大明宮應制

趙彥昭

寶帟無爲屬聖人珎輿出幸玩芳辰平樓半入南山  
霧飛閣旁臨東墅春夾路穠花千樹發垂軒弱柳萬  
條新處處風光今日好年年願奉屬車塵

奉和人日宴大明宮恩賜綵綵人勝應制

馬懷素

萬宇千門平旦開天容辰象列昭回三陽候節金爲  
勝百福迎祥玉作杯就暖風光偏著柳辭寒雪影半  
藏梅何幸得參詞賦職自憐終乏馬卿才

唐詩類苑

卷之十八

二十

奉和人日宴大明宮恩賜綵綵人勝應制

崔日用

新年宴樂正東朝鐘鼓鏗鏘大樂調金屋瑤篴開寶  
勝花綵綵筆頌春椒曲池苔色水前液上苑梅香雪  
裏飄宸極此時飛聖藻微臣竊抃預聞韶

奉和人日宴大明宮恩賜綵綵人勝應制

李嶠

鳳城景色已含韶人日光風倍覺饒桂吐半輪迎此  
夜萱開七葉應今朝魚精水凍行猶濕鶯喜春聲弄  
欲嬌愧奉登高摧綵纓欣逢御氣上丹霄

奉和人日宴大明宮恩賜綵縷人勝應制

韋元旦

鸞鳳旌旗拂曉陳，魚龍角觝大明晨。  
青韶既肇人爲日，綺勝初成日作人。  
聖藻凌雲裁栢賦，仙歌促宴摘梅春。  
垂旒一慶宜年酒，朝野俱歡薦壽新。

奉和人日宴大明宮恩賜綵縷人勝應制

蘇頌

疏龍登道切昭回，建鳳旗門遠帝臺。  
七葉仙蓂承月吐，千株御柳拂煙開。  
初年競帖宜春勝，長命先添獻壽杯。  
是日最靈知竊幸，群心能捧大明來。

唐詩類苑

卷之十八

王十

奉和人日宴大明宮恩賜綵縷人勝應制

李義

詰旦行春上苑中，憑高却下大明宮。  
千年執象寰瀛泰，七日爲人慶賞隆。  
綵鳳曾驚搖瑞雪，銅烏細轉入祥風。  
此時朝野歡無算，此歲雲天樂未窮。

奉和人日宴大明宮恩賜綵縷人勝應制

沈佺期

拂旦鳴仙衛，陳憑高龍首。  
帝城春千官，黼帳杯前壽。  
百福香奩勝裏人，山鳥初來猶怯。  
嚙林花未發，已偷新天文。  
正應韶光轉，設報懸知用此辰。

奉和人日宴大明宮恩賜綵縷人勝應制

李適

朱城待鳳韶，年至碧殿疏。  
龍淑氣來，寶帳金屏人已帖。  
圖花學鳥勝，初裁林香近。  
接宜春苑山翠，遙添獻壽杯。  
向夕憑高風景麗，天文垂耀象昭回。

奉和人日清暉閣宴群臣遇雪應製共六首

李義 李嶠 劉憲

趙彥昭 宗楚客 蘇頌

並見天部雪

詠剪綵花

裴延

唐詩類苑

卷之十八

王三

花寒未聚蝶，豔色已驚人。  
懸知陌上柳，應妬手中春。

詠剪綵花

雍裕之

敢競桃李色，自呈刀尺功。  
蝶猶迷剪翠，人豈辨裁紅。

人日剪綵

張九齡

姹女矜容色，爲花不讓春。  
旣爭芳意早，誰待物華真。  
葉作參差發，枝從點綴新。  
自然無限態，長在豔陽人。

人日剪綵

徐延壽

閨婦持刀坐自憐，裁剪新葉催情綴。  
色花寄手成春帖，燕留粧戶黏鷄欲餉人。  
擎來問夫婿，何處不如真。

綵樹歌

陳子昂

嘉錦筵之珍樹兮錯衆綠之氛氲伏瑤臺之微月點  
巫山之朝雲青春兮不可逢況蕙色之增芬結芳意  
而誰賞怨絕世之無聞紅榮碧豔坐看歇素華流年  
不待君故吾思崑崙之琪樹厭桃李之繽紛

人日城南登高

韓愈

初正候纔三陽七氣已弄霽野浮陽暉暉水披凍  
聖朝身不廢佳節古所用親友既許來子姝亦可從  
盤蔬冬春雜樽酒清濁共令徵前事爲觴詠新詩送  
扶杖凌圯阯刺船犯枯葑戀池群鴨迴釋嶠孤雲縱  
人生本坦蕩誰使妄倥偬直指桃李闌幽尋寧止重

唐詩類苑

卷之十八

三

人日登高

喬侃

僕本多悲者年來不悟春登高一遊目始覺柳條新  
杜陵猶識漢桃源不辨秦蹇得昇雲霧還似出囂塵  
賴得煙霞氣淹留攀桂人

軍中人日登高贈房明府

宋之問

幽郊昨夜陰風斷頓覺朝來陽吹暖涇水橋南柳欲  
黃杜陵城北花應滿長安昨日寄春衣短翮登茲一  
望歸同道凱旋乘騎入看君走馬見芳菲

人日

杜甫

元日到人日未有不陰時冰雪鶯難至春寒花較遲

雲隨白水落風振紫山悲蓬蘽稀疎少無勞比素絲

人日代客子是日立春

張繼

人日兼春日長懷復短懷遙知雙彩勝併在一金釵

酬郭夏人日長沙感懷見贈

此公比經流  
京觀在上都

劉長卿

舊俗歡猶在憐君恨獨深新年向國淚今日倚門心  
歲去隨湘水春生近桂林流鶯且莫弄江畔正行吟

人日寄杜二拾遺

高適

人日題詩寄草堂遙憐故人思故鄉柳條弄色不忍  
見梅花滿枝空斷腸身在南蕃無所預心懷百憂復

唐詩類苑

卷之十八

三

千慮今年人日空相憶明年人日知何處一卧東山

三十春豈知書劍老風塵龍鍾還忝二千石愧爾東

西南北人

追酬故高蜀州人日見寄

并序杜甫

開文書帙中檢所遺忘因得故高常侍適往居在  
成都時高任蜀州刺史人日相憶見寄詩淚灑行  
間讀終篇末自枉詩已十餘年莫記存沒又六七  
年矣老病懷舊生意可知今海內忘形故人獨漢  
中王瑤與昭州敬使君超先在愛而不見情見乎  
辭大曆五年正月二十二日却追酬高公此作因

寄王及敬弟

自蒙蜀州人日作不意清詩久零落今晨散帙眼忽  
開迸淚幽吟事如昨嗚呼壯士多慷慨合沓高名動  
寥廓嘆我悽悽求友篇感時鬱鬱匡君畧錦里春光  
空爛熳瑤墀侍臣已冥寞瀟湘水國旁龜鼉鄴杜秋  
天失鵬鶚東西南北更堪論白首扁舟病獨存遙拱  
北辰纏冠盜欲傾東海洗乾坤邊塞西蕃最充斥衣  
冠南渡多崩奔鼓瑟至今悲帝子曳裾何處覓王門  
文章曹植波瀾闊服食劉安德業尊長笛誰能亂愁  
思昭州詞翰與招魂

唐詩類苑

卷之十八

五

人日陪宣州范中丞傳正與范侍御宴

鮑溶

人日春風綻早梅謝家兄弟看花來吳姬對酒歌千  
曲秦語留人酒百杯絲柳向空初宛轉玉山看日漸  
徘徊流光易去歡難得莫厭頻頻上此臺

人日

杜甫

此日此時人共得一談一笑俗相看樽前栢葉休隨  
酒勝裏金花巧耐寒佩劍衝星聊暫拔匣琴流水自  
須彈早春重引江湖興直道無憂行路難

人日即事

李商隱

文王喻復今朝是子晉吹笙此日同舜格有苗旬太  
遠周稱流火月難窮鏤金作勝傳荆俗剪綵為人起  
晉風獨想道衡詩思苦離家恨得二年中

唐詩類苑

卷之十八

五

唐詩類苑卷第十九

明雲間張之象玄超甫纂輯

雲間杜開美袁度甫編次

雲間王微叔朗甫補訂

梁谿曹仁孫伯安甫校正

歲時部

正月十五

軒遊宮正月十五日夜 玄宗

行邁離秦國巡方赴洛師路逢三五夜春色暗中期

關外長河轉宮中淑氣遲歌鍾對明月不減舊遊時

唐詩類苑卷之十九

正月十五日夜應制 孫逖

洛城三五夜天子萬年春綵仗移雙闕瓊筵會九賓

舞成蒼頡字燈作法王輪不覺東方日遙隨御藻新

正月十五夜 蘇味道

火樹銀花合星橋鐵鎖開暗塵隨馬去明月逐人來

遊妓皆穠李行歌盡落梅金吾不禁夜玉漏莫相催

十五夜觀燈 盧照隣

錦里開芳宴蘭缸豔早年綵遙分地繁光遠綴天

接漢疑星落依樓似月懸別有千金笑來映九枝前

十五夜觀燈 王諤

暫得金吾夜通看火樹春停車傍明月走馬入紅塵  
妓雜歌偏勝場移舞更新應須盡記取說向不求人

正月十五日夜月 白居易

歲熟人心樂朝遊復夜遊春風來海上明月在江頭

燈火家家市笙歌處處樓無妨思帝里不合厭杭州

奉和聖製正月十五夜燃燈繼以酺宴應制

王維

開元元年春正月十五夜開門燃燈大酺合樂太

上皇與玄宗皇帝御門樓臨觀以夜繼晝凡月餘

而罷

唐詩類苑卷之十九

上路笙歌滿春城漏刻長遊人多晝日明月讓燈光

魚鑰同翔鳳龍輿出建章九衢陳廣樂百福透名香

仙妓來金殿都人遶玉堂定應偷妙舞從此學新粧

牽引迎三事司儀列萬方願將天地壽同以獻君王

同比部楊員外十五夜遊有懷靜者李

王維

承明少休沐建禮省文書夜漏行人息歸鞍落日餘

縣知三五夕萬戶千門開夜出曙翻歸傾城滿南陌

陌頭馳騁盡繁華王孫公子五侯家由來月明如白

日共道春燈勝百花聊看侍中千寶騎強識小婦七

香車香車寶馬共喧闐箇裏多情俠少年競向長楊柳市北肯過精舍竹林前獨有仙郎心寂寞却將宴坐爲行樂儻覺忘懷共往來幸霑同舍甘藜藿

十五日夜御前口號踏歌詞二首

張說

花萼樓前雨露新長安城裏太平人龍銜火樹千燈豔鷄踏蓮花萬樹春

帝宮三五戲春臺行雨流風莫妬來西域燈輪千影亂東華金闕萬重開

正月十五夜聞京有燈恨不得觀

李商隱

李商隱

月色燈光滿京都香車寶輦隘通衢身閑不覩中興盛羞逐鄉人賽紫姑

十五夜望月寄杜郎中

時會客

王建

夜市千燈照碧雲高樓紅袖客紛紛如今不似時平日猶自笙歌徹曉聞

十五夜遊

蘇味道

今夕重門啓遊春得夜芳月華連晝色燈影雜星光南陌青絲騎東隣紅粉粧管絃遙辨曲羅綺暗聞香人擁行謁路車攢闐舞場經過猶未已鐘鼓出長楊

正月十五日夜東林寺學禪偶懷藍田楊主簿因呈智禪師

白居易

新年三五東林夕星漢迢迢鐘梵遲花縣當君行樂夜松房是我坐禪時忽看月滿還相憶始歎春來自不知不覺定中微念起明朝更問鴈門師

正月十五日惜春寄襲美

陸龜蒙

六分春色一分休滿眼東波盡是愁花匠礙寒應束手酒龍多病尚垂頭無窮嬾情齊中散有底機謀敵右侯見織短蓬栽小檝拏煙閒弄個漁舟

奉酬正月十五日惜春見寄

皮日休

皮日休

皮日休

十五日中春日好可憐沈痼冷如灰以前雖被愁將去向後須教醉領來梅片盡飄輕粉靨柳芽初吐爛金醅病中無限花番次爲約東風且住開

正夜侍宴應制

薛曜

重關鐘漏通夕敞鳳凰宮雙闕祥煙裏千門明月中酒杯浮湛露歌曲唱流風侍臣咸醉止恒愧遇恩崇

長安元夕

白居易

誼誼車騎帝王州羈病無心逐勝遊明月春風三五夜萬人行樂一人愁

上元

郭利正

九陌連燈影千門慶月華傾城出寶騎匝路轉香車  
爛熳唯愁曉周遊不問家更逢清管發處處落梅花

上元夜効小庾體同用春字

并序

長孫正隱

九谷帝畿三川奧域交風均露上分朱鳥之躔沂  
洛背河下鎮蒼龍之闕多近臣之第宅卽瞰銅街  
有貴戚之樓臺自連金苑美人競出錦障如霞公  
子交馳雕鞍似月同遊洛浦疑尋稅馬之津爭渡  
河橋似向牽牛之渚賀昌年之樂事令節之佳遊

唐詩類苑

卷之十九

五

薄晚嘯遊人車馬亂驅塵月光三五夜燈焰一重春  
煙雲迷北闕簫管識南隣洛城終不閉更出小平津  
上元夜効小庾體同用春字

陳嘉言

今夜可憐春河橋多麗人寶馬金爲絡香車玉作輪  
連手窺潘掾分頭看洛神重城自不掩出向小平津  
上元夜効小庾體同用春字

崔知賢

今夜啓城闔結伴戲芳春鼓聲撩亂動風光觸處新  
月下多遊騎燈前能有人秋樂無窮已歌舞達明晨

上元夜効小庾體同用春字

韓仲宣

他鄉月夜人相伴看燈輪光隨九華出影共百枝新  
歌鍾盛北里車馬沸南隣今宵何處好惟有洛城春

上元夜効小庾體同用春字

高瑾

初年三五夜相知一兩人連鑣出巷口飛轂下池滑  
燈光恰似月人面併如春遨遊終未已相歡待月輪

上元日紫極宮門觀州民燃燈

羊士諤

唐詩類苑

卷之十九

六

山郭通衢隘瑤壇紫府深燈花助春意舞綬織歡心  
閑似淮陽卧恭聞樂職吟唯將聖明化聊以達飛沈  
上元日聽太清宮步虛

張仲素

仙客開金錄元辰會玉京靈歌賓紫府雅韻出層城  
磬雜音徐徹風飄響更清紆餘空外盡斷續聽中生  
舞鶴紛將集流雲駐未行誰知九陌上塵俗仰遺聲  
奉和上元酺宴應詔

楊炯

見禮部酺宴

上元日夢王母獻白玉環

丁澤

夢中朝上日闕下拜天顏髮髯瞻王母分明獻玉環



靈姿趨甲帳道悟昇玄關似見霜姿白如看月彩變  
霓裳歸物外鳳曆曉人寰仙聖非相遠昭昭寤寐間

上元六首

崔液

玉漏銅壺且莫催鐵關金鎖徹明開誰家見月能閑  
坐何處聞燈不看來

今年春色勝常年此夜風光最可憐鳩鵲樓前新月  
滿鳳凰臺上寶燈燃

神燈佛火百輪張刻像圖容七寶裝影裏如聞金口  
說空中似放玉毫光

金勒銀鞍控紫騮玉輪珠幘駕青牛驂驪始散東城  
麝詩類卷之十九

曲倏忽還來南陌頭  
公子王孫意氣驕不論相識也相邀最憐長袖風前

弱更賞新絃暗裏調  
星移漢轉月將微露灑煙飄燈漸稀猶惜道傍歌舞

處踟躕相顧不能歸

上元日

文宗

上元高會集群仙心齋何事欲祈年丹誠儻徹重帝  
座且共吾人慶大田

上元二首

薛能

偃王登塔古徐州二十年來樂事休此日將軍心似

海四更身領萬人遊

十萬軍城十萬燈酥油香暖夜如蒸紅粧滿地煙光  
好祇恐笙歌引上昇

上元夜建元寺觀燈呈通智上人

建元看別上元燈處處回廊闌火層珠玉亂拋高殿  
佛綺羅深拜遠山僧臨風走筆思呈惠到曉行禪合  
伴能無限喧闐留不得月華西下露華凝

上元唱和三首

溫庭皓

一峯當勝地萬點照嚴城勢異崑岡發光疑玄圃生  
唐詩類卷之十九

焚書翻見字舉燧不招兵况遇新春夜何勞秉燭行

九枝應並耀午夜思潛然景集青山外螢分碧草前  
輝華侵月影歷亂寫星廳望極高樓上搖光滿綺筵

春山收暝色燭火集餘輝麗景饒紅焰祥光出翠微  
白榆行自此青桂影相依唯有偷光客追遊欲忘歸

上元唱和三首

段成式

風抄影凌亂露輕光陸離如霞散仙掌似燒上蛾眉  
道樹千花發扶桑九日初陽出八家不復藉蟠螭

二

踴出多寶塔往來飛錫僧分明三五月傳照百千燈  
馴狄移高桂慶雲遮半層夜深寒焰白猶自綴金繩

三

磊落風初定輕明雲乍妨疎中搖月彩繁處雜星芳  
火樹枝柯密燭籠鱗角張窮愁讀書者應得假餘光

上元唱和

韋 蟾

新正圓月夜猶重看燈時累塔嫌沙細成文訝筆遲  
歸牛疑燧落過鴈悞書遺生惜蘭膏燼還爲隔歲期

正月晦日

唐詩類苑

卷之九

九

晦日遊大理韋卿城南別業四首

王 維

與世澹無事自然江海人側聞塵外遊解鞅輒朱輪  
平野照暄景上天垂春雲張組竟北阜汎舟過東隣  
故鄉信高會牢醴及佳辰幸同擊壤樂心荷堯爲君

二

郊居杜陵下永日同攜手仁里藹春陽平原見峯首  
園廬鳴春鳩林薄媚新柳上卿始登席故老前爲壽  
臨當遊南陂約略執杯酒歸與細微官惆悵心自咎

三

冬中餘雪在墟上春流駛風日暢懷抱山川好天氣  
彫胡先晨炊庖膾亦後至高情浪海岳浮坐寄天地  
君子外簪纓埃塵良不啻所樂衡門中陶然忘其貴

四

高館臨登陂曠然蕩心目淡蕩動雲天玲瓏映墟曲  
鵲巢結空林雉雊響幽谷應接無閑暇徘徊以躑躅  
紆組上春堤側弁倚喬木弦望忽已晦後期洲應綠

月晦

太 宗

晦魄移中律凝暄起麗城罩雲朝葢上穿露曉珠呈  
笑樹花分色啼枝鳥合聲披衿歡眺望極目暢春情

唐詩類苑

卷之十九

十

晦日

張 說

晦日嫌春淺江浦看潮衣道傍花欲合枝上鳥猶稀  
共憶浮橋晚無人不醉歸寄書題此日鴈過洛陽飛

晦日宴遊

杜審言

日晦隨萸萸春情著杏花解神宜就水張幕會連沙  
歌管風輕度池臺日半斜更看金谷騎爭向石崇家

晦日宴高氏林亭同用華字

并序

陳子昂

有勃海之宗英是平陽之貴戚發揮鳳臺而嘯侶  
幽贊鷄川而留宴冠纓濟濟多延戚里之賓鸞鳳

鏘鏘自有文雅之客

尋春遊上路追宴入山家主第簪纓滿皇州景望華  
玉池初吐溜珠樹始開花歡娛方未極林閣散餘霞

晦日宴高氏林亭同用華字

劉友賢

春來日漸賒琴酒逐年華欲向文通徑先遊武子家  
池碧新流滿巖紅落照斜興闌情未盡步步惜風花

晦日宴高氏林亭同用華字

崔知賢

上月河陽地芳辰景望華綿蠻變時鳥照曜起春霞  
唐詩類苑 卷之十九 十一

柳搖風處色梅散日前花淹留洛城晚歌吹石崇家

晦日宴高氏林亭同用華字

韓仲宣

欲知行有樂芳樽對物華地接安仁縣園是季倫家  
柳處雲疑葉梅間雪似花日落歸途遠留興伴煙霞

晦日宴高氏林亭同用華字

長孫正隱

晦晚屬煙霞遨遊重歲華歌鍾雖戚里林藪是山家  
細雨猶開日深池不漲沙淹留迷處所巖岫幾重花

晦日宴高氏林亭同用華字

高瑾

試入山亭望言是石崇家二月風光起三春桃李華  
鶯吟上喬木鴈往息平沙相看會取醉寧知還路賒

晦日宴高氏林亭同用華字

于嗣初

上序春輝麗中園物候華高才盛文雅逸興滿煙霞  
參差金谷樹皎鏡碧塘沙蕭散林亭晚倒載欲還家

晦日宴高氏林亭同用華字

高球

溫洛年光早皇州景望華連鑣尋上路乘興入山家  
唐詩類苑 卷之十九 十二

輕苔網危石春水架平沙賞極林塘暮處處起煙霞

晦日宴高氏林亭同用華字

周彥昭

勝地臨鷄浦高會偶龍沙御柳驚春色仙筇掩月華  
門邀千里馭杯泛九光霞日落山亭晚雷送七香車

晦日宴高氏林亭同用華字

陳嘉言

公子申敬愛攜朋翫物華人是平陽客地卽石崇家  
水文生舊圃風色滿新花日暮連歸騎長川照晚霞

晦日宴高氏林亭同用華字

郎餘令

三春休晦節九谷泛年華半晴餘細雨全晚澹殘霞  
樽開疎竹葉管應落梅花興闌相顧起流水送香車

晦日宴高氏林亭同用華字

高紹

嘯侶入山家臨春翫物華葛絲調綠水桂醕酌丹霞  
岸柳開新葉庭梅落早花興洽林亭晚方還倒載車

晦日宴高氏林亭同用華字

徐皓

綺筵乘暇景瓊醕對年華門多金埒騎路引壁人車

唐詩類苑

卷之十九

十三

蘋早猶藏葉梅殘正落花藹藹林亭晚餘興泛流霞

晦日宴高氏林亭同用華字

王茂時

勝踐尋良會乘春翫物華還隨張放友來向石崇家  
止水分巖鏡閑庭枕浦沙未極清泉賞參差落照斜

晦日宴高氏林亭同用華字

周思鈞

早春鶯柳穠初晦掩萼華騎出平陽里筵開衛尉家  
竹影含雲密池紋帶雨斜重惜林亭晚上路滿煙霞

晦日宴高氏林亭同用華字

高嶠

飛觀寫春望開宴坐汀沙積涵含苔色晴空蕩日華  
歌入平陽第舞對石崇家莫慮能騎馬投轄自停車

晦日宴高氏林亭同用華字

周彥暉

砌奠收晦魄津御兢年華既狎忘筌友乃淹投轄車  
綺筵廻舞雪瓊醕泛流霞雲低上天晚絲竹帶風斜

晦日宴高氏林亭同用華字

王勣

上序披林館中京視物華竹牕低露葉梅徑起風花

唐詩類苑

卷之十九

十四

景落春臺霧池侵舊渚沙綺筵歌吹晚暮雨泛香車

晦日宴高氏林亭同用華字

張錫

雪盡銅駝路花照石崇家年光開柳色池影汎雲華  
賞洽情方遠春歸景未賒欲知多暇日樽酒漬澄霞

晦日宴高氏林亭同用華字

解琬

主第簪裾出王畿春照華山亭一以眺城闕帶煙霞  
橫堤列錦帳傍浦駐香車歡娛屬晦節醕酌未還家

晦日置酒林亭同用華字 高正臣

正月符嘉節三春詠物華忘懷寄樽酒陶性狎山家  
柳翠含煙葉梅芳帶雪花光陰不相惜遲遲落景斜

晦日重宴同用池字

周彥暉

春華歸柳岸晦景落萸枝置驛銅街右開筵玉浦陸  
林煙含障密竹雨帶珠危興闌巾倒著山公下習池

晦日重宴同用池字

韓仲宣

鳳苑先吹晚龍樓夕照披陳遵已投轄山公正坐池  
落日催金奏飛霞送玉卮此時陪綺席不醉欲何爲

晦日重宴同用池字

高瑾

忽聞鶯響谷於此命相知正開彭澤酒來向高陽池

唐詩類苑

卷之十九

主一

柳葉風前弱梅花影處危賞洽林亭晚落照下參差

晦日重宴同用池字

陳嘉言

高門卧冠蓋下客抱支離綺席珍羞滿文場藻翰摛  
冀華彫上月柳色藹春池日斜歸戚里連騎勒金羈

晦日重宴同用池字

弓嗣初

年華藹芳隰春溜滿新池促賞依三友延歡寄一卮  
鳥聲隨管變花影逐風移行樂方無極淹留惜晚曦

晦日重宴同用池字

周思鈞

綺筵乘晦景高宴下陽池濯雨梅香散含風柳色移  
輕塵依扇落流水入絃危勿顧林亭晚方歡雲霧披

晦日重宴同用池字

高嶠

駕言尋鳳侶乘歡俯鴈池班荆逢舊識斟桂喜深知  
紫蘭方出徑黃鶯未轉枝別有陶春日青天雲霧披

晦日重宴同用池字

高正臣

芳辰重遊衍乘景共追隨班荆陪舊識傾益得新知  
水葉分蓮沼風花落柳枝自符河朔趣寧羨高陽池

晦日陪辛大夫宴南亭

劉長卿

月晦逢休齡年光逐宴移早鶯留客醉春日爲人遲  
冀草全無葉梅花遍壓枝政閑風景好莫比峴山時

晦日宴遊

嚴維

唐詩類苑

卷之十九

共一

晦日前裾俗春樓置酒時出山還已醉謝客舊能詩  
溪柳熏晴淺巖花待閨遲爲邦久無事比屋自熙熙

晦日呈諸判官

韓滉

晦日新晴春日嬌萬家攀折渡長橋年年老白江城  
寺不覺春風換柳條

晦日陪侍御汎北池

岑參

見職官部侍御

中和節

正元五年初置中和節帝製詩寫本賜載叔

倫於容州

德宗

東風變梅柳萬彙生春光中和紀月令方與天地長  
耽樂豈予尚懿茲時景良庶遂亭育恩同致寰海康  
君臣永終始交泰符陰陽曲沼水新碧華林桃稍芳  
勝賞信多歡戒之在無荒

中和節日宴百寮賜詩

德宗

韶華啓仲序初吉諧良辰肇茲中和節式慶天地春  
歡酣朝野同生德區宇均雲開灑膏露草疏芳河津  
歲華方載陽東作方肆勤慙非熏風唱曷用慰吾人  
中和節賜百官宴集因示所懷

德宗

唐詩類苑

卷之十九

七

至化常在宥保和茲息人推誠撫諸夏與物長爲春  
仲月風景暖禁城花柳新芳時協金奏錫燕周群臣  
絲竹豈云樂忠賢唯所親庶洽朝野意曠然天下均  
奉和聖製中和節曲江宴百寮

李泌

、泌相德宗以上已九日皆大宴集而寒食上已多  
同時欲以二月名節泌請廢正月晦以二月朔爲  
中和節因賜大臣戚里尺謂之裁度里間釀宜春  
酒百官進農書以示務本帝乃著令與上已九日  
爲三令節中外皆賜緡錢燕會

風俗時有變中和節惟新軒車雙闕下宴會曲江濱  
金石何鏗鏘簪纓亦紛綸皇恩降自天品物感知春  
慈恩匪寰瀛歌詠同君臣

奉和聖製中和節賜百官宴集因示所懷

權德輿

萬古慶嘉節宴喜皇澤均曉開萸萸初景麗百鳥春  
藻思貞百度著明並三辰物情舒在陽時令弘至仁  
衢酒和樂被熏絃聲曲新賡歌武弁側永荷玄化醇  
奉和聖製中和節賜百官宴集因示所懷

王季友

唐詩類苑

卷之十九

十一

皇心不向晦改節號中和淑氣同風景嘉名利詠歌  
前裾移舊俗賜尺下新科曆象千年正醑醕四好多  
花隨春令發鴻度歲陽過天地齊休慶懽聲欲蕩波  
奉和中和節詔賜公卿尺陸復禮

春仲令初吉歡娛樂大中皇恩貞百度寶尺賜群公  
欲使方隅法還令規矩同捧觀珍質麗拜受聖恩崇  
如荷丘山重難酬分寸功從茲度天地與國慶無窮  
奉和中和節詔賜公卿尺李觀

淑景韶光媚皇明寵錫崇具寮頒玉尺成器幸良工  
豈止尋常用將傳度量同人何不取則物亦賴其功

紫翰宣殊造丹誠屬匪躬奉之無失墜恩澤自天中

奉和中和節詔賜公卿尺 裴 度

陽和行慶賜尺度爲臣工荷寵乘佳節傾心立大中  
短長思合製遠近貴攸同初仰裁成德將酬分寸功  
作程施有用垂範播無窮願續延洪壽千春奉聖躬  
吐蕃別館中和日寄朝中僚舊

呂 溫

清時令節千官會絕域窮山一病夫遙想滿堂歡笑  
處幾人似我向西隅

二月一日是貞元舊節有感絕句寄黔南賓

唐詩類苑

卷之十九

九

三洛陽盧七

呂 溫

同事先皇立玉墀中和舊節又未離今朝各自看花  
處萬里遙知掩淚時

耗磨日

耗磨日飲二首

趙冬曦

耗磨傳茲日縱橫道未宜但令不忌醉翻是樂無爲

二

上月今朝減流傳耗磨辰還將不時事同醉俗中人

耗磨日飲

張 說

春來半月度俗忌一朝閑不酌他鄉酒無堪對楚山

寒食

小寒食舟中作

杜 甫

佳辰強飲食猶寒隱几蕭條戴鶻冠春水船如天上  
坐老年花似霧中看娟娟戲蝶過閑幔片片輕鷗下  
急湍雲白山青萬餘里愁看直北是長安

寒食前有懷

溫庭筠

萬物鮮華雨乍晴春寒寂歷近清明殘芳荏苒雙飛  
蝶曉睡朦朧百轉鶯舊侶不歸成獨酌故園雖在有  
誰耕悠然更起嚴灘恨一宿東風蕙草生

寒食

沈佺期

唐詩類苑

卷之十九

二十

普天皆滅焰匝地盡藏煙不知何處火來就客心然

寒食

杜 甫

寒食江村路風花高下飛汀煙輕冉冉日淨暉暉  
田父要皆去隣家闌不違地偏相識盡鷄犬亦忘歸

寒食

王 建

田舍清明日家家出火遲白衫眠古巷紅索搭高枝  
紗帶生難結銅釵重欲垂斬新衣踏盡還似去年時

寒食

白居易

人老何所樂樂在歸鄉國我歸故園來九度逢寒食  
故園在何處池館東城側四隣梨花時二月伊水色



豈獨好風土仍多舊親戚出去恣歡遊歸來聊燕息  
有官供祿俸無事勞心力但恐安穩多微躬銷不得

寒食

于漬

二月野中芳凡花亦能香素娥哭新冢樵柯鳴柔桑  
田父引黃犬尋狐上高岡墳前呼犬歸不知頭似霜

寒食

元稹

清明寒食好春園百卉開綵繩拂花去輕毬度閣來  
長歌送落日緩吹逐殘杯非關無燭罷良爲羈思催

寒食日

元稹

今年寒食好風流此日一家同出游碧水青山無限

唐詩類苑

卷之十九

三十一

思莫將心道是涪州

寒食

韓翃

春城無處不飛花寒食東風御柳斜日暮漢宮傳蠟燭  
青煙散入五侯家

寒食

僧雲表

寒食悲看郭外春野田無處不傷神平原壘壘傷新  
塚半是去年來哭人

寒食

孟雲卿

二月江南花滿枝他鄉寒食遠堪悲貧居往往無煙  
火不獨明朝爲子推

寒食行

王建

寒食家家出古城老人看屋少年行丘壠年年無舊  
道車徒散行一作車入衰草牧羊一作驅牛下塚頭

畏有家人來灑掃遠人無墳水頭祭還引婦姑望鄉

拜三日無火燒紙錢紙錢一作哀那得到黃泉但看壠

上無新土此中白骨應無主

寒食二首

李山甫

柳帶東風一向斜春陰澹澹蔽人家有時三點兩點  
雨到處十枝五枝花萬井樓臺疑繡畫九原珠翠似

煙霞年年今日誰相問獨卧長安泣歲華

唐詩類苑

卷之十九

三十一

風煙放蕩花披猖軟艷女兒飛短牆繡袍馳馬拾遺  
翠錦袖鬪鷄喧廣場天地氣和融霽色池臺日暖燒

春光自憐塵土無他事空脫荷衣泥醉鄉

寒食日作

溫庭筠

紅深綠暗徑相交抱暖含春披紫袍絲索平時墻婉  
婉輕毬落處花寥梢牕中草色妬鷄卵盤上芹泥憎

燕巢自有玉樓春意不能騎馬度煙郊

斷火謠

蘇拯

誰謂之推賢於世何功果絕爾晉侯交禁我唐虞火  
國閉檀榆煙大禮成隳墮暗室枯槁飯冷面相看坐



陽昇既非佑陰伏若爲佐焉東群生腹將止天下禍  
但究冤濫刑天道無不可鄙哉前朝翊贊臣訐謀之  
規何瑣瑣

寒食賜恩火

竇叔向

恩光及小臣華燭忽驚春電影隨中使星輝拂路人  
幸因榆柳暖一照草茅貧

寒食應制

韋承慶

鳳城春色晚龍禁早暉通舊火收槐燧餘寒入桂宮  
鶯啼正隱葉鷄關始開籠藹藹瑤山滿仙歌始樂風

奉和聖製寒食應制

張說

唐詩類苑

卷之十九

三

寒食春過半花濃鳥復嬌從來禁火日會接清明朝  
關敵鷄殊勝爭毬馬絕調晴空數雲點香樹百風搖  
改木迎新燧封田表舊燒皇情愛嘉節傳曲與蕭韶

寒食清明早赴王門率成

李嶠

遊客趨梁邸朝光入楚臺槐煙乘曉散榆火應春開  
日帶晴虹上花隨早蝶來雄風乘令節餘吹拂輕灰

詠寒食關鷄應秦王教

杜淹

杜淹唐初爲祿吏嘗業詩文皇勘定內難詠關鷄  
詩寄意文皇覽之嘉歎數四竟擢用之

寒食東郊上楊韓競出籠花冠初照日芥羽正生風

顧敵知心勇先鳴覺氣雄長翹頻掃陣利爪屢通中  
飛毛遍綠野灑血漬芳叢雖然百戰勝會自不論功

寒食日看花

王建

早入公門到夜歸不因寒食少閑時顛狂遶樹猿離  
鏢跳躑緣岡馬斷羈酒汙衣裳從客笑醉饒言語覓  
花知老來自喜身無事仰面西園得詠詩

長安寒食

邵謁

春日照九衢春風媚羅綺萬騎出都門擁在香港裏  
莫辭弔枯骨千載長如此安知今日身不是昔時鬼  
但看平地遊亦見摧輶死

唐詩類苑

卷之十九

三

東都所居寒食

陳潤

江南寒食早二月杜鵑鳴日緩山初綠春寒雨欲晴  
浴蠶看社日改火待清明更喜瓜田好令人憶邵平

洛橋寒食日作十韻

白居易

上苑風煙好中橋道路平蹴毬塵不起潑火雨新晴  
宿醉頭仍重晨遊眼乍明老慵雖省事春誘尚多情  
遇客踟躕立尋花取次行連錢嚼金勒鑿落寫銀罍  
府醞傷教送官娃豈要迎舞腰那及柳歌舌不如鶯  
鄉國真堪戀光陰可合輕三年過寒食盡在洛陽城

寒食日早春城東

羅隱

青門欲曉天車馬已喧闐禁柳疎風細舊花坼露鮮  
唯言誇麗景只是歎流年不得高飛便迴頭望紙鳶  
送李校書赴寒食歸義興山居

白居易

大見騰騰詩酒客不憂生計似君稀到舍將何作寒  
食滿船唯載樹栽歸

寒食山館書情

來鵬

獨把一杯山館中每經時節恨飄蓬侵堦草色連朝  
雨滿地梨花昨夜風蜀魄啼來春寂寞楚囚吟後月  
朦朧分明寄得還家夢徐孺宅前湖水東

唐詩類苑

卷之十九

五

寒食都門

胡曾

二年寒食住京華寓目春風萬萬家金絡馬銜原上  
草玉釵人折路傍花軒車競出紅塵合冠蓋爭迴白  
日斜誰念都門兩行淚故園寥落在長沙

平陵寓居再逢寒食

朱灣

幾迴江上泣途窮每遇良辰歎轉蓬火燧知從新節  
變灰心還與故人同莫聽黃鳥啼愁處自有花開向  
客中貧病固應無撓事但將懷抱醉春風

寒食

白居易

草香沙暖水雲晴風景令人憶帝京還似往年春氣

味不宜今日病心情聞鶯樹下沈吟立信馬江頭取  
次行忽見紫桐花悵望下邳明日是清明

寒食宴城北山池即故郡守榮陽鄭綱自爲

折柳亭

羊士諤

別館青山郭遊人折柳行落花經上已細雨帶清明  
鷓鴣流芳暗鴛鴦曲水平歸心何處醉實瑟有餘聲  
六年寒食洛下宴遊贈馮李二少尹

白居易

豐年寒食節美景洛陽城三尹皆強健七日盡清明  
東郊蹋青草南園攀紫荆風折海榴豔露墜木蘭英  
唐詩類苑

卷之十九

五

假開春未老冥合日屢傾珠翠混花影管絃藏水聲  
佳會不易得良辰亦難并聽吟歌暫輟看舞杯徐行  
米價賤如土酒味濃於餠比時不盡醉但恐負平生  
殷勤二曹長各捧一銀觥

寒食宴于中舍兄弟宅

蘇頲

子推山上歌龍罷定國門前結駟來始覩元昆鏘玉  
至旋聞季子佩刀迴晴花處處因風起御柳條條向  
日開自有長筵歡不極還持綵勝詠南陔

酬鄭二司錄與李六郎中寒食相過同宴見

贈二人並是同年

白居易

偶因冷節會嘉賓况是平生心所親  
迎接須矜疏傳老私供莫笑阮家貧  
杯盤狼籍宜親夜風景闌珊欲過春  
相對喜歡還悵望同年只有此三人

寒食內宴二首

張籍

朝光瑞氣滿宮樓綵繡魚龍四面稠  
廊下御厨分冷食殿前香騎逐飛毬  
千官盡醉猶教坐百戲皆呈未放休  
共喜拜恩侵夜出金吾不敢問行由  
城闕沈沈向曉寒恩當冷節賜歡瑞  
煙入處開三殿香雨微時引百官  
寶樹樓前分繡幙綠花廊下映華欄  
空筵戲樂年年別已得二迴對御看

唐詩類苑

卷之十九

三

寒食城東卽事

王維

清溪一道穿桃李演漾綠蒲涵白芷  
溪上人家凡幾家落花半落東流水  
蹴踘踰屢過飛鳥上鞦韆競出垂楊裏  
少年分日作遨遊不用清明兼上巳

寒食卽事

王昌齡

晉陽寒食地風俗舊來傳雨滅龍蛇火  
春生鴻鴈天泣多流水漲歌發舞雲旋  
西見之推廟空爲人所憐

寒食題臨江驛

宋之問

馬上逢寒食愁中屬暮春可憐江浦望  
不見洛陽人北極懷明主南溟作逐臣  
故園思斷處日夜柳條新

和宋之問寒食題臨江驛

崔融

春分自淮北寒食渡江南忽見潯陽水  
疑是宋家潭明主闕難叫孤臣逐未堪  
遙思故園陌桃李正酣酣

和宋之問寒食題臨江驛

胡皓

聞道山陰會仍爲火忌辰途中甘棄日  
江上苦傷春流水翻催泪寒灰更伴人  
丹心終不改白髮爲誰新

寒食行次冷泉驛

李商隱

歸途仍近節旅宿倍思家獨夜三更月  
空庭一樹花介山當驛秀汾水遶關斜  
自怯春寒苦那堪禁火賒

寒食江州滿塘驛

朱之問

唐詩類苑

卷之十九

三

去年上巳洛橋邊今年寒食廬山曲  
遙憐華樹花應滿復見吳洲草新綠  
吳洲春草蘭杜芳感物思歸懷故鄉驛  
騎明朝發何處猿聲今夜斷君腸

襄陽路逢寒食

張說

去年寒食洞庭波今年寒食襄陽路  
不辭著處尋山水祇畏還家落春暮

初入秦川路寒食

玄宗

洛川芳樹映天津灞岸垂楊翠地新  
直爲經過行樂處不知虛度兩京春  
去年餘聞今年早曙色和風著花草  
可憐寒食與清明光輝并在長安道  
自從關路

入秦川爭到何人不戲鞭公子途中妨踟躕佳人馬  
上廢鞦韆渭水長橋今欲度恩恩漸見新豐樹遠看  
驪岫入雲霄預想湯池起煙霧霧氣氤氲水殿開暫  
拂香泉歸去來今歲清明行已晚明年寒食更相陪

奉和聖製初入秦川路逢寒食

張說

上陽柳色喚春歸臨渭桃花拂水飛總爲朝廷巡幸  
去頓教京洛少光輝昨從分陝山南口馳道依依漸  
花柳入關正投寒食前還京遂落清明後路上天心  
重豫游御前恩賜物風流便幕那能餽雞子行宮善

唐詩類苑

卷之二十九

三

巧帖毛裘渭橋南渡知如撲麥隴青青斷人目漢家  
行樹直新豐秦地驪山抱溫谷香池春溜水初平預  
歡浴日照京城今歲隨宜過寒食明年陪宴作清明

途中寒食

白居易

路旁寒食行人盡獨占春愁在路旁馬上垂鞭愁不  
語風吹百草野田香

嶺表寒食

沈佺期

嶺外逢寒食春來不見錫洛中新甲子何日是清明  
花柳爭朝發軒車滿路迎帝鄉遙可念腸斷報親情

寒食汜上作

王維

廣武城邊逢暮春汶上歸客淚沾巾落花寂寂啼山  
鳥楊柳青青渡水人

寒食日次松滋渡先寄劉員外

竇常

店花榆莢曉風前雲際離離上峽船江轉數程淹驛  
騎楚曾三戶少人煙看春又遇清明節算老重經癸

巳年幸得住山當郡舍在朝常詠卜居篇

寒食陸渾別業

宋之問

洛陽城裏花如雪陸渾山中今始發旦別河橋楊柳  
風夕卧伊川桃李月伊川桃李正芳新寒食山中酒

唐詩類苑

卷之十九

三

復春野老不知堯舜力酣歌一曲太平人

寒食日獻郡守

伍唐珪

入門堪笑復堪憐三徑苔荒一釣船慙愧四憐教斷  
火不知廚裏久無煙

寒食日寄諸弟

韋應物

禁火暖佳辰念離獨傷抱見此野田花心思杜陵道  
聯騎定一作何時予今顏已老

寒食寄京師諸弟

韋應物

雨中禁火空齋冷江上流鶯獨坐聽把酒看花想諸  
弟杜陵寒食草青青

寒食日寄楊東川

白居易

不知楊六逢寒食作底歡娛過此辰  
興率寺高宜望月嘉陵江近好遊春  
蠻旗似火行隨馬蜀妓如花坐遶身  
不使黔婁夫婦看誇張富貴向何人

逼寒食節寄崔七

朱灣

閑庭只是長莓苔三徑曾無車馬來  
旅館尚愁寒食火羈心嬾向不燃灰  
門前下客雖彈鋏溪畔窮魚且曝腮  
他日趨庭因問禮須言陋巷有顏回

次韻酬張補闕因寒食見寄之什

鄭谷

唐詩類苑

卷之十九

三

柳近清明翠縷長多情右袂不相忘  
開緘雖親新篇麗破鼻須聞冷酒香  
時態嬾隨人上下花心日被蝶分張  
朝稀且莫輕春賞勝事由來在帝鄉

寒食寄李補闕

郭鄆

蘭陵士女滿晴川郊外紛紛拜古埏  
萬井閭閻皆禁火九原松柏自生煙  
人間後事悲前事鏡裏今年老去年  
介子終知祿不及王孫誰肯一相憐

和郭鄆寒食

李紳

常州建元寺在郡東郭松扉竹院各在岡  
阜每歲寒食里人灑掃經過之所大曆中  
詩人郭鄆賦寒

食當時以爲絕唱李紳嘗在兒童卽聞此詩因和

云

江城物候傷心地遠寺經過禁火辰  
芳草攏邊迴首客野花叢裏斷腸人  
紫荊繁豔空門晝紅藥深開古殿春  
歎惜光陰催白髮莫悲風月獨沾巾

鍾陵寒食日郊外閑遊

曹松

可憐時節足風情杏子粥香如冷錫  
無柰春風輸舊火遍教人喚作山櫻

寒食日重遊李氏林亭有懷

韓偓

唐詩類苑

卷之十九

三

往年同在鸞橋上見倚朱欄詠柳綿  
今日獨來香徑裏更無人跡有苔錢  
傷心闊別三千里屈指思量四五年  
料得他鄉過佳節亦應懷抱暗悽然

寒食日出遊

韓愈

李花初發君始病往往看君花轉盛  
走馬城西惆悵歸不忍千株雪相映  
邇來又見桃與梨交開紅白如爭競  
可憐物色阻攜手空展霜縑吟九詠  
紛紛落盡泥與塵不共新粧比端正  
桐華最晚今已繁君不強起時難更  
關山遠別固其理寸步難見始知命  
憶昔與君同貶官夜渡洞庭看斗柄  
豈料生還得一處引

袖拭淚悲且慶各言生死兩追隨直置心親無貌敬  
念君又署南荒吏路指鬼門幽且賈三公盡是知音  
人曷不薦賢陛下聖囊空醜倒誰救之我今一食日  
還併自然憂氣損天和安得康強保天性斷鶴兩翅  
鳴何哀繫驥四足氣空橫今朝寒食行野外綠楊市  
岸蒲生迸宋玉庭邊不見人經浪參差魚動鏡自嗟  
孤賤足瑕疵特見放縱荷寬政飲酒寧嫌觥底深題  
詩尚倚筆鋒勁明宵故欲相就醉有月莫愁當火令  
和常州崔使君寒食夜 孫逖

聞道清明近春庭向夕闌行游畫不厭風物夜宜看  
唐詩類苑 卷之十九 三

斗柄更初轉梅香暗裏殘無勞秉華燭清月在南端  
丙辰年鄜州遇寒食城外醉吟七言五首

韋莊

滿街楊柳綠絲煙畫出清明二月天好是隔簾花樹  
動女郎撩亂送鞦韆

淮陰寒食足遊人金鳳羅衣濕麝熏腸斷入城芳草  
路淡紅香白一群群

開元坡下日初斜拜掃歸來走鈿車可惜數枝紅豔  
好不知今夜落誰家

馬驕風疾玉鞭長過去唯留一陣香閑客不須燒破

眼好花皆屬富家郎

雨絲煙柳欲清明金屋人間煖鳳笙永日迢迢無一  
事隔街聞築氣毬聲

寒食夜

韓偓

測測輕寒剪剪風小梅飄雪杏花紅夜深斜搭秋千  
索樓閣隴明細雨中

寒食夜有寄

韓偓

風流大底是倂倂此際相思必斷腸雲薄月昏寒食  
夜隔簾微雨杏花香

寒食夜

白居易

唐詩類苑 卷之十九 三

無月無燈寒食夜夜深猶立闌花前忽因時節驚年  
幾四十如今欠一年

寒食夜

白居易

四十九年身老日一百五夜月明天抱膝思量何事  
在癡男騷女喚鞦韆

寒食夜有懷

白居易

寒食非長非短夜春風不熱不寒天可憐時節堪相  
憶何況無燈各早眠

寒食月夜

白居易

風香露重梨花濕草舍無燈愁未入 山陴北里歌吹

時獨倚柴門月中立

賦寒食日亥時

李宣古

人定朱門尚未開  
初星粲粲照人回  
此時寒食無燈燭  
花柳蒼蒼月欲來

寒食野望吟

白居易

丘墟郭門外  
寒食誰家哭  
風吹曠野紙錢飛  
古墓累累春草綠  
棠梨花映白楊樹  
盡是死生離別處  
冥冥重泉哭不聞  
蕭蕭暮雨人歸去

寒食遠望

李郢

舊墳新隴哭多時  
流世都堪幾度悲  
烏鵲亂啼人未

唐詩類苑

卷之九

三五

遠野風吹散白棠梨

寒食直歸遇雨

韓愈

寒食時看度春遊事已違  
風光連日直陰雨半朝歸  
不見紅塵上那論絲索飛  
惟將新賜火向曙著朝衣

雨中寒食

羊士諤

今節逢煙雨園亭但掩關  
佳人宿粧薄芳樹絲繩閑  
歸思偏消酒春寒爲近山  
花枝不可見別恨灞陵間

寒食卧病

白居易

病逢佳節長嘆息  
春雨濛濛榆柳色  
羸坐全非舊日容  
扶行半是他人力  
諠諠里巷踏青歸  
笑閉柴門度

寒食

病中多雨逢寒食

白居易

水國多陰常嬾出  
老夫饒病愛閑眠  
三旬卧度鶯花月  
一半春銷風雨天  
薄暮何人吹感簾  
新晴幾處縛鞦韆  
絲繩芳樹長如舊  
唯是年年換少年

病後寒食

白居易

故紗絳帳舊青氍  
藥酒醺醺引醉眠  
抖擻弊袍春晚後  
摩挲病腳日陽前  
行無筋力尋山水  
坐少精神聽管絃  
拋擲風光負寒食  
曾來未省似今年

和楊同州寒食乾坑會復開楊工部欲到知

唐詩類苑

卷之九

三五

子與工部有宿醒

白居易

夜飲歸常晚朝眠起更遲  
舉頭中酒後引手索茶時  
拂枕青長袖欹簪白接離  
宿醒無興味先是肺神知

李少府再來

孟浩然

弱歲早登龍今年喜再逢  
如何春月柳猶憶歲寒松  
煙火臨寒食笙歌達曉鐘  
誼誼鬪鷄道行樂羨朋從

寒食日示宗文宗武

杜甫

消渴游江漢羈栖尚甲兵  
幾年逢熟食萬里逼清明  
松栢邛崃山路風花白  
帝城汝曹催我老回首淚縱橫

縱橫

又示兩兒

杜甫

令節成吾老他時見汝心浮生看物變爲恨與年深  
長葛書難得江洲涕不禁團圓思弟妹行坐白頭吟

偶題

裴廷裕

微雨微風寒食節半開半合木蘭花看花倚柱終朝  
立却似淒淒不在家

詩類苑

卷之十九

三七

唐詩類苑卷第二十

明雲間張之象玄超甫纂輯

雲間杜開美表度甫編次

雲間王微叔朗甫補訂

梁谿曹仁孫伯安甫校正

歲時部

清明

清明

孫昌胤

清明暮春裏悵望北山陲燧火開新焰桐花發故枝  
沈冥悲歲物歡宴阻朋知不及林間鳥遷喬並羽儀

唐詩類苑

卷之二十

清明日

李建勳

他皆攜酒尋芳去我獨關門好靜眠唯有楊花似相  
覓因風時復到牀前

清明日

行至漢上憶與樂天知退  
竹直非順之輩同游

元稹

常年寒食好風輕觸處相隨取次行今日清明漢江  
上一身騎馬縣官迎

清明夜

白居易

好風隴月清明夜碧砌紅軒刺史家獨遠迴廊行復  
歇遙聽絃管暗看花



清明二首

杜甫

朝來新火起新煙，湖色春光淨客船。  
繡羽銜花他自得，紅顏騎竹我無緣。  
胡童結束還難有，楚女腰肢亦可怜。  
不見定王城舊處，常懷賈傅井依然。  
虛雷周舉爲寒食，實藉君平賣卜錢。  
鍾鼎山林各天性，濁醪粗飯任吾年。

此身飄泊苦西東，右臂偏枯半耳聾。  
寂寂繫舟雙下淚，悠悠伏枕左書空。  
十年蹴踘將雛遠，萬里鞦韆習俗同。  
旅鴈上林歸紫塞，家人鑽火用青楓。  
秦城樓閣煙花裏，漢主山河錦繡中。  
風水一春來洞庭，白蘋春水來洞庭。

題愁殺白頭翁

清明

杜甫

著處繁華矜是日，長沙千人萬人出。  
漣頭翠柳豔明眉，爭道朱蹄騎嚙膝。  
此都好遊湘西寺，諸將亦自軍中至。  
馬援征行在眼前，葛強親近同心事。  
金鐙下山紅粉晚，牙樯檣青樓遠。  
古時喪亂皆可知，人世悲歡暫相遣。  
弟姪雖存不得書，干戈未息苦離居。  
逢迎少壯非吾道，况乃今朝更祓除。

清明日詔宴寧王池賦得飛字

張說

今日清明宴佳境，惜芳非搖揚花雜下。  
嬌嚙鶯亂飛，綠渚傳歌榜。虹橋波舞圻，和風偏應律。  
細雨不沾衣，承恩如改火。春去春來歸。

清明宴司勳劉郎中別業 祖詠

田家復近臣行樂，不違親霽日。園林好清明，煙火新以文。  
長會友惟德，自成鄰池照。牕陰晚杯觴，樂味春簷前。  
花覆地，竹外鳥窺人。何必桃源裏，深居作隱淪。

洛陽清明日雨霽

李正封

曉日清明天夜來，嵩少雨千門尚煙火。  
九陌無塵土，酒綠河橋春漏閑。宮殿午遊人戀芳草，半犯嚴城鼓。

唐詩類苑

卷之二十

三

清明日曲江懷友

羅隱

君與田蘇卽舊遊，我於交分亦綢繆。  
二年隔絕黃泉下，盡日悲涼曲水頭。  
鷗鳥似能齊物理，杏花疑欲伴人愁。  
寡妻稚子應寒食，遙望江陵一淚流。

長安清明言懷

顧非熊

明時帝里遇清明，還逐遊人出禁城。  
九陌芳菲鶯正囀，萬家車馬雨初晴。  
客中下第逢今日，愁裏看花厭此生。  
春色來年誰是主，不堪悲悴更無成。

江南清明

鄭準

吳山越嶺四年中，一見清明一段容。  
旅恨共風連夜

起韶光隨酒着人濃延興門外攀花別采石江頭帶  
酒逢無限歸心何計是路邊戈甲正重重

清明日賜百寮新火

韓 濬

朱騎傳紅燭天厨賜近臣火隨黃道見煙繞白榆新  
榮耀分他日恩光共此辰更調金鼎味還暖玉堂人  
灼灼千門曉輝輝萬井春應憐聚螢者瞻望獨無鄰

清明日賜百寮新火

史 延

上苑連侯第清明及暮春九天初改火萬井屬良辰  
頒賜恩逾洽承時慶并均翠煙和柳嫩紅焰出花新  
寵命尊三老祥光燭萬人太平當此日空復賀陶鈞

唐詩類苑

卷之二十

四

清明日賜百寮新火

王 濯

御火傳香殿華光及侍臣星流中使馬濯輝九衢人  
轉影連金屋分輝麗錦茵焰迎紅藥發煙染綠條春  
助律和風蚤添鑪暖氣新誰憐一寒女猶望照東鄰

清明日賜百寮新火

鄭 輅

改火清明後優恩賜近臣漏殘丹禁晚燧發白榆新  
瑞彩來雙闕神光煥四鄰氣同侯第暖煙散帝城春  
刊用調羹餘輝燭繙紳皇明如照隱願及聚螢人

清明後登城眺望

劉長卿

風景清明後雲山睥睨前百花如舊日萬井出新煙

草色無空地江流合遠天長安在何處遙指夕陽邊

清明日登城春望寄大夫使君

王 表

春城開望愛晴天何處風光不眼前寒食花開千樹  
雪清明日出萬家煙興來促席唯同舍醉後狂歌盡  
少年聞說驚啼却惆悵詩成不見謝臨川

清明登奉先城樓

羅 衮

年來年去只艱危春半堯山草尚衰四海清平舊  
見五陵寒食小臣悲煙銷井邑隈樓檻雪滿川原泥  
酒危拭盡賈生無限淚一行歸鴈遠參差

唐詩類苑

卷之二十

五

清明日登老君閣望洛城贈韓道士

白居易

風光煙火清明日歌哭悲歡城市間何事不隨東洛  
水誰家又葬北邙山中橋車馬長無已下渡舟航亦  
不開塚墓疊疊人擾擾遼東悵望鶴飛還

鄂渚清明日與鄉友登頭陀山

來 鵬

冷酒一杯相勸頻異鄉相遇轉相親落花風裏數聲  
笛芳草煙中無限人都大此時深悵望豈堪高境更  
逡巡思量費子真僊子不作頭陀山下塵

清明日自西午橋至瓜巖村有懷

張繼

晚霽龍門雨春生次穴風鳥啼官路靜花發毀垣空  
鳴玉慚時輩垂絲學老翁舊遊人不見惆悵洛城東

清明與友人遊王粒塘莊來鵬

幾宿春山逐陸郎清明時節好煙光歸穿細荇船頭  
滑醉踏殘花屐齒香風急嶺雲翻迥野雨餘田水落  
方塘不堪吟罷東回首滿耳蛙聲正夕陽

清明日漁子溝寄趙員外裴補闕

皇甫冉

欲逐淮潮上暫停漁子溝相知望不見終是屢迴頭

清明日觀妓舞聽客詩白居易

看舞顏如玉聽詩韻似金綺羅從許笑絃管不妨吟  
可惜春風老無嫌酒盞深辭花送寒食併在此時心

同錦州胡郎中清明日對雨西亭宴

張籍

郡內開新火高齋雨氣清惜花邀客賞勸酒促歌聲  
共醉移芳席留歡閉暮城政閑方宴語琴筑任遙情

清明日送鄧芮還鄉方干

鐘鼓喧離室車徒役夜裝曉厨新變火輕柳暗翻霜

轉鏡看華髮傳杯語故鄉每嫌兒女淚今日自沾裳

清明日送韋侍御貶處州白居易

寂寞清明日蕭條司馬家留錫和冷粥出火煮新茶  
欲別能無酒相留亦有花南遷更何處此地已天涯

清明赤水寺居羅衮

榆火輕煙處處新旋從閑望到諸隣浮生浮世祇多  
事野水野花娛病身濁酒不禁雲外景碧峯猶冷寺  
前春蓑衣毳衲誠吾黨自結村園一社貧

清明青龍寺上方得多字皇甫冉

上方偏可適季月况堪過遠近水聲至東西山色多

夕陽留徑草新葉變庭柯已度清明節春秋如客何

鏤雞子唐俗清明節鏤鷄子為人物花并形相遺駱賓王

幸遇清明節欣逢舊練人刻花爭臉態寫月競眉新  
暈罷空餘月詩成併道春誰知懷王者含響未吟晨

三月三日

暮春風景初三日流世光陰半百年欲作閑遊無好  
伴半江惆悵却迴船

三月三日白居易

畫堂三月初三日絮撲紗窻燕拂簷蓮子數杯嘗冷

酒柘枝一曲試春衫堦臨池面勝看鏡戶映花叢當  
下簾指點樓南翫新月玉鈎素手兩纖纖

， 祓禊曲三首

王子年拾遺記曰周昭王溺於江漢二女延娟延  
娛與王乘舟夾擁王身同沒焉故江漢人到今思  
之至春上巳日禊集祠間或以時鮮甘味採蘭杜  
包裹沈水中或結五色紗囊盛食或用金鐵器並  
沈水中言蛟龍畏五色金鐵則不侵此食後漢書  
禮儀志曰三月上巳官民皆潔於東流水上曰洗  
濯祓除去宿垢疢爲大潔潔者言陽氣布暢萬物

唐詩類苑

卷之二十

八

訖出始潔之矣注爲之禊也風俗通曰周禮女巫  
掌歲時以祓除疾禊者潔也春者蠢也蠢搖動也  
尚書以殷仲春厥民析言人解析也蔡邕曰論語  
暮春者春服既成冠者五六人童子六七人浴乎  
沂風乎舞雩詠而歸今三月上巳祓禊於水濱蓋  
出於此一說後漢有郭虞者三月上巳產二女二  
日中竝不育俗以爲大忌至此月日諱止家皆於  
東流水上爲祈禳自潔濯謂之禊祠引流行舫遂  
成曲水韓詩曰鄭國之俗三月上巳之溱洧兩水  
之上招鳧續鳧和蘭草祓除不祥漢書八月祓灊

唐詩類苑

卷之二十

九

水亦斯義也杜篤祓禊賦曰王侯公主暨于富商  
用事伊雒帷幔玄黃本傳大將軍梁商亦歌泣于  
維禊也自魏不復用三月水宴者焉晉書曰武帝  
嘗問摯虞三月曲水之義虞對曰漢章帝時平原  
徐肇以三月初生三女至三日俱亡人以爲怪乃  
招攜之水濱洗祓遂因水以汎觴其義起此束皙  
曰昔周公城洛邑因流水以汎酒故逸詩云羽觴  
波又秦昭王以三日置酒河曲見金人奉水心之  
劍曰今君制有西夏乃霸諸侯因此立爲曲水二  
漢相緣皆爲盛集西京雜記曰漢宮三月上巳張

樂於流水是也晉宋已後皆有之至唐傳以爲曲  
昨見春條綠那知秋葉黃蟬聲猶未斷寒鴈已成行

二

金谷園中柳春來已舞腰那堪好風景獨上洛陽橋

三

何處堪愁思花間長樂宮君王不重客泣淚向春風

奉和聖製與太子諸王三月三日龍池春禊

應制

王維

故事修春禊新宮展豫遊明君移鳳輦太子出龍樓  
賦掩陳王作杯如洛水流金人來捧劍畫鷁去迴舟

苑樹浮宮闕天池照晷旒宸章在雲表垂象滿皇州

三月三日祓禊洛濱并序白居易

開成二年三月三日河南尹李待價以人和歲稔將禊於洛濱前一日啓留守裴令公公明日召太子少傅白居易太子賓客蕭籍李仍叔劉禹錫前中書舍人鄭居中國子司業裴憚河南少尹李道樞倉部郎中崔晉司封員外郎張可績駕部員外郎盧言虞部員外郎苗愔和州刺史裴儔淄州刺史裴洽檢校禮部員外郎楊魯士四門博士談弘謩等一十五人合宴于舟中由斗亭歷魏堤抵津

唐詩類苑

卷之三

十

橋登臨沂沿自晨及暮簪組交映歌笑間發前水嬉而後妓樂左筆硯而右壺觴望之若僊觀者如堵盡風光之賞極遊泛之娛美景良辰賞心樂事盡得於今日矣若不記錄謂洛無人晉公首賦一章鏗然玉振顧謂四座繼而和之居易舉酒抽毫奉十二韻以獻

三月草萋萋黃鶯歇又啼柳橋晴有絮沙路潤無泥  
禊事修初半遊人到欲齊金鈿耀桃李絲管駭鳧鷖  
轉岸迴船尾臨流簇馬蹄開翻楊子渡踏破魏王堤  
妓接謝公宴詩陪荀令題舟同李膺泛醴爲穆生攜

水引春心蕩花牽醉眼迷塵街從鼓動煙樹任鴉棲  
舞急紅腰軟歌遲翠黛低夜歸何用燭新月鳳樓西

三日曲水侍宴應制 閻朝隱

曲江漢武帝所鑿其水曲折以嘉陵江故名唐開元中疏鑿爲勝境都人遊賞盛於中和節江邊菰蒲葱蘢柳陰四合每錫燕臣僚會于山亭池備綵舟唯宰相三使北省官翰林學士登焉

三月重三日千春續萬春聖澤如東海天文似北辰  
荷葉珠盤淨蓮花寶蓋新陛下制萬國臣作水心人  
三月曲水宴得煙字 王勃

唐詩類苑

卷之三

十

彭澤官初去河陽賦始傳田園歸舊國詩酒間長筵  
列室窺丹洞分樓瞰紫煙紫迴亘津渡出沒控郊鄆  
鳳琴調上客龍轡儼群僊松石偏宜古藤蘿不記年  
重簷交密樹複磴擁危泉抗石睇南嶺乘沙渺北川  
傳巖來築處磻谿入釣前日斜真趣遠幽思楚京蟬  
三月曲水宴得樽字 盧照隣

風煙彭澤里山水仲長園由來棄銅墨本自重琴樽  
高情邈不嗣雅道今復存有美光時彥養德坐山樊  
門開芳杜逕室距桃花源公子黃金勒僊人紫氣軒  
長懷去城市高詠狎蘭蓀連沙飛白鷺孤嶼嘯玄猿

樹影巖前落雲花江上翻興闌車馬散林塘夕鳥喧

于長史山池三日曲水 陳子昂

摘蘭藉芳月祓宴坐迴汀汎濫清流滿葳蕤白芷生  
金絃揮趙瑟玉柱弄秦箏巖榭風光媚郊原春樹平  
煙花飛御道羅綺照昆明日落紅塵合車馬亂縱橫

三月三日曲江侍宴應制 王維

萬乘親齋祭千官喜豫遊奉迎從上苑祓袂向中流  
草樹連容衛山河對冕旒畫旗搖浦淑春服滿汀洲  
僊樂龍媒下神臯鳳蹕留從今億萬歲天寶紹春秋

三月三日曲江侍宴應制 趙良器

唐詩類苑 卷之二十 十一

聖祖發神謀靈符叶帝求一人光錫命萬國荷時休  
雷解園丘蹕雲需曲水遊岸花迎步輦僊仗擁行舟  
睿漢天中降恩波海外流小臣同品物陪此樂皇猷

奉和聖製三日 陳希烈

上巳遷龍駕中流汎羽觴酒因朝太子詩爲樂賢王  
錦纜方舟渡瓊筵大樂張風搖垂柳色花發異林香  
野老歌無事朝臣飲歲芳皇情被羣物中外洽恩光

三日禁園侍宴 沈佺期

九重馳道出上巳禊堂開畫鷁中川動青龍上苑來  
野花飄御座河柳拂天杯日晚迎祥處笙鏞下帝臺

三月三勤政樓侍宴應制 王維

綵仗連宵合瓊樓拂曙通年光三月裏宮殿百花中  
不數秦王日誰將洛水同酒筵嫌落絮舞袖祛春風  
天保無爲德人歡不戰功仍臨九衢宴更達四門聰

三月三日詔宴定昆池 張說

見水部池

三月三日申王園亭宴集 張九齡

稽亭追往事睢苑勝前聞飛閣凌芳樹華池落綵雲  
藉草人留酌銜花鳥赴群向來同賞處惟恨碧林曛

三月三日登龍山 張九齡

唐詩類苑 卷之二十 十二

伊川與霸津今日祓除人豈似龍山上還同湘水濱  
衰顏憂更老淑景望非春襖飲豈吾事聊將偶俗塵  
三月三日登庾樓寄庾三十一 白居易

三月歡遊辭曲水二年愁臥在長沙每登高處長相  
憶何況茲樓屬庾家

三日尋李九莊 常建

雨歇陽林東渡頭永和三日盪輕舟故人家在桃花  
岸直到門前溪水流

桂州三月三日 宋之問

代業京華裏遠投魑魅鄉登高望不見雲海四茫茫  
伊昔承休吟曾爲人所美兩朝賜顏色二紀陪遊宴  
昆明御宿侍龍媒伊闕天泉復幾迴西夏黃河水心  
劍東周清洛羽觴杯苑中落花掃還合河畔垂楊撥  
不開千春獻壽多行樂栢梁和歌攀轅作賜金分帛  
駐光輝風舉雲遙入紫微晨趨北闕鳴珂至夜出南  
宮把燭歸載筆儒林多歲月襍被文昌佐吳越越中  
山海且高深興來無處不登臨永和九年刺海郡暮  
春三月醉山陰愚謂嬉遊長似昔不言流寓歛成今  
始安繁華舊風俗帳飲傾城沸江曲主人絲管清且  
唐詩類苑 卷之二十 十四

人錦字書

三日綠潭篇

萬齊融

春潭泚漾接隋宮宮闕連延潭水東蘋苔嫩色含波  
綠桃李新花照底紅垂菱布藻如粧鏡麗日晴天相  
照映素影沈沈對蝶飛金沙礫礫窺魚泳佳人夜襖  
賞韶年傾國傾城併可憐拾翠總來芳樹下踏青爭  
近綠潭邊公子王孫恣遊翫沙場水曲情無厭禽浮

似揖羽觴杯鱗躍疑投水心劍金鞍玉勒騁輕肥落  
絮紅塵擁路飛綠水殘霞催席散畫樓初月待人歸  
三月三日寄諸弟兼懷崔都水

韋應物

暮節看已謝茲晨愈可惜風澹意傷春池寒花歛夕  
一作對酒始依依懷人還的的誰當曲水行相思尋  
舊跡

三月三日懷微之

白居易

良時光景長虛擲壯歲風情已闇銷忽憶同爲校書  
日每年同醉是今朝

唐詩類苑

卷之二十

十五

酬樂天三月三日見寄

元稹

常年此日花前醉今日花前病裏銷獨倚破簾閑悵  
望可憐虛度好花朝

三月三日義興李明府後亭泛舟

皇甫冉

江南煙景復如何聞道新亭更可過處處執蘭春浦  
綠萋萋藉草遠山多壺觴須就陶彭澤時俗猶傳晉  
永和更使輕橈徐轉去微風落日水增波

三日贈都上人二首

殷堯藩

三月初三日千家與萬家蝶飛春地草鶯入漢宮花



鞍馬皆爭麗笙歌盡闢奢吾師無所願惟願老煙霞

二

曲水公卿宴香塵盡滿街無心修禊事獨步到禪齋  
細草繁愁目繁花逆旅懷綺羅人走馬遺落鳳凰釵

上巳日

劉駕

上巳曲江濱喧於市朝路相尋不見者此地皆相遇  
日光去此遠翠幕張如霧何事歡娛中易覺春城暮  
物情重此節不是愛芳樹明日花更多何人肯回顧

上巳

崔顥

已日帝城春傾都祓禊展停車須傍水秦樂要驚塵

唐詩類苑

卷之二十

六

弱柳障行騎浮橋擁看人猶言日早晚更向九龍津

上巳日

耿漳

共來修禊事內顧一悲翁玉鬢風塵下花林絲管中  
故山離水石舊侶失鵝鴻不及遊魚樂徘徊蓮葉東

上巳日

崔塗

未敢分明賞物華十年如見夢中花故人過盡衡門  
掩獨自凭欄到口斜

奉和聖製上巳於望春亭觀禊飲應制

王維

長樂青門外宜春小苑東樓開萬戶上輦過百花中

畫鷁移僊仗金貂列上公清歌邀落日妙舞向春風  
渭水明秦甸黃山入漢宮君王來祓禊灞澹亦朝宗

奉和上巳祓禊應制

崔國輔

元已秦中節吾君灞上游鳴鑾通禁苑別館繞芳洲  
鷁鷺千官列魚龍百戲游桃花春欲盡穀雨夜來收  
慶賞堯尊祝歡從楚棹謳逸詩何足對膚作掩東周

上巳日祓禊渭濱應制

沈佺期

景龍四年三月甲寅中宗皇帝幸渭濱臨渭亭修  
禊飲賜群官柳捲以辟惡

寶馬香車清渭濱紅桃碧柳禊堂春  
唐詩類苑 卷之二十 七

唐詩類苑

卷之二十

七

佐天祚先呈捧劍人

上巳日祓禊渭濱應制

李義

中園花柳暮春時元已陪遊樂在茲此日欣逢臨渭  
賞昔年空道濟汾詞

上巳日祓禊渭濱應制

劉憲

桃花欲落柳條長沙頭水色足風光此時御蹕來遊  
處願奉年年祓禊觴

上巳日祓禊渭濱應制

韋嗣立

乘春祓禊逐風光扈蹕陪鸞渭渚傍還笑當時水濱  
老衰年八十待文王



上巳日祓禊渭濱應制 徐彥伯

晴風麗日滿芳洲柳色春筵祓錦流  
皆言侍蹕橫溪燕雙似乘槎天漢遊

上巳日祓禊渭濱應制 張說

青郊上巳艷陽年紫禁皇遊祓渭川  
幸得歡娛承湛露心同草樹樂春天

上巳憶江南禊事 李德裕

黃河西繞郡城流上巳應無祓禊遊  
爲憶淥江春水色更隨宵夢向吳州

奉和裴令公三月上巳日遊太原龍泉園

唐詩類苑 卷之二十 十八

歲祺洛見示之作依來體

白居易

去歲暮春上巳共泛洛水中流今歲暮春上巳獨立  
香山下頭風光閑寂寂旌旆遠悠悠丞相府歸園  
太行山礙并州鵬背負天龜曳尾雲霓不可得同遊

上巳日恩賜曲江宴會卽事

白居易

賜歡仍許醉此會興如何翰苑主恩重曲江春意多  
花低羞艷妓鶯歌讓清歌共道升平樂元和勝永和

上巳浮江宴分韻得遙字 王勃

上巳年光促中川興緒遙綠齊山葉滿紅洩岸花銷  
泉聲喧後澗虹影照前橋遽悲春望遠江路積波潮

上巳浮江宴分韻得趾字 王勃

披觀玉京路駐賞金臺趾逸興懷九僊良辰傾四美  
松吟白雲際桂馥青溪裏別有江海心日暮情何已

上巳接清明遊宴 獨孤良弼

上巳歡初罷清明賞又追閨年侵舊曆今節併芳時  
細雨鶯飛重春風酒醞遲尋花迷白雪看柳折新絲  
淑氣如相待天和意爲誰吁嗟名未立空詠宴遊詩  
和上巳連寒食有懷京洛 沈佺期

唐詩類苑 卷之二十 十九

天津御柳碧遙遙軒騎相從半夜朝行樂光輝寒食  
倍太平歌舞晚春饒紅粧樓下東迴輦青草洲邊南  
度橋坐見司空掃西第看君侍此落花朝

上巳泛舟 張登

令節推元已天涯喜有期初筵臨泛地舊俗祓禊時  
狂渚潮新上殘春日正遲竹枝遊女曲桃葉度江詞  
風鷁今方退沙鷗亦未疑且同山簡醉倒載莫褰帷

奉陪侍中上巳日泛渭河 盧綸

青舸錦帆開浮天接上台晚鶯和玉笛春浪動金壘  
舟楫方浮海鯨鯢自畏腮應憐似萍者空逐榜人回

上巳日徐司錄林園宴集 杜甫

鬢毛垂領白花蘂亞枝紅欹倒衰年廢招尋令節同  
薄衣臨積水吹面受和風有喜留攀桂無勞問轉蓬

上巳寄韓八 唐彥謙

上巳接寒食鶯花寥落晨微微潑火雨草草踏青人  
涼似三秋景清無九陌塵與余同病者對此合傷神

洛中寄王九迥 孟浩然

卜洛成周地浮杯上巳筵關雞寒食下走馬射堂前  
垂柳金堤合平沙翠幙連不知王逸少何處會群賢

春社

唐詩類苑

卷之二十

二十

社日寄崔都水及諸弟群屬

韋應物

山郡多暇日社時放吏歸坐閣獨成悶行塘閱清輝  
春風動高柳芳園掩夕扉遙思望中會心緒悵微微

遭田父泥飲美嚴中丞 杜甫

步屨隨春風村村自花柳田翁逼社日邀我嘗春酒  
酒酣誇新尹畜眼未見有迴頭指大男渠是弓弩手  
名在飛騎籍長番歲時久前日放營農辛苦救衰朽  
差科死則已誓不舉家走今年大作社拾遺能住否  
叫婦開大瓶盆中爲吾取感此氣揚揚須知風化首

語多雖雜亂說尹終在口朝來偶然出自卯將及酉

久客惜人情如何拒鄰叟高聲索果栗欲起時被肘  
指揮過無禮未覺村野醜月出遮我留仍嗔問升斗

三月晦日

春晦送客

雍裕之

野酌亂無巡送君兼送春明年春色盡莫作未歸人

三月三十日

白居易

今朝三月盡寂寞春事畢黃鳥漸無聲朱櫻新結實  
臨風獨長歎此歎意非一半百過九年豔陽殘一日  
隨年減歡笑逐日添衰疾且遣花下歌送此杯中物

唐詩類苑

卷之二十

三十

三月晦日贈劉評事

賈島

三月正當三十日風光別我苦吟身共君今夜不須  
睡未到曉鐘猶是春

三月三十日題慈恩寺 白居易

慈恩春色今朝盡盡日徘徊倚寺門惆悵春歸留不  
得紫藤花下漸黃昏

三月晦日晚聞鳥聲

白居易

曉來林鳥語殷勤似惜風光說向人遣脫破袍勞報  
暖催沽美酒敢辭貧聲聲勸醉應須醉一歲唯殘半

日春

酬元員外三月三十日慈恩寺相憶見寄

白居易

悵望慈恩三月盡紫桐花落鳥關關誠知曲水春相  
憶其奈長沙老未還赤嶺猿聲催白首黃茅瘴色換  
朱顏誰言南國無霜雪盡在愁人鬢髮間

唐詩類苑

卷二十一

三

唐詩類苑卷第二十一

明雲間張之象玄超甫纂輯

雲間張所敬長輿甫編次

雲間王徹叔朗甫補訂

梁溪曹仁孫伯安甫校正

歲時部

四月八日

四月八日題七級

駱賓王

化城分鳥蝶香閣俯龍川複棟侵黃道重簷架紫煙  
銘書非晉代壁畫是梁年霸畧今何在王宮尚巋然

唐詩類苑

卷二十一

一

二帝曾游聖三鄉是寓賢因茲遊聖侶超彼託良緣  
我出有爲界君登非想天悠悠青曠裏蕩蕩白雲前  
今日經行處曲音號蓋煙

五月五日

端午三殿宴群臣探得神字

并序

玄宗

律中蕤賓獻壽之象著火在盛德文明之義輝故  
以式宴陳詩上和下暢者也朕宵衣旰食輯聲教  
於萬方卜戰行師總兵鈴於四海勤食日給  
心勞聞蟬聲而悟物變見槿花而驚候改所

濟朝廷視成鵠鷺桓桓邊塞責辦熊羆喜麥秋之  
有登玩梅夏之無事時雨近霽西郊霍靡而一色  
炎雲作峰南山嗟峨而異勢正當召儒雅宴高明  
廣殿肅而清氣生列樹深而長風至厨人嘗散熱  
之饌酒正行陶暑之飲庖捐惡鳥俎獻肥龜新筒  
裹練香蘆角黍恭儉之儀有序慈惠之意溥洽諷  
咏黃老致息心於真妙抑揚游夏滌煩想於詩書  
超然玄覽自足爲樂何止栢枕桃門驗方術於經  
紀綵花命縷觀問遺於風俗感婆娑於孝女憫枯  
朽之忠臣而已哉歎節氣之循環美君臣之相

唐詩類苑

卷之三

二

凡百在會咸可賦詩五言紀其日端七韻成其火  
數豈獨漢武之殿盛朝士之連章魏文之臺壯辭  
人之並作云爾

五月符天數五音調夏鈞舊來傳五日無事不稱神  
穴枕通靈氣長絲續命人五花時競巧九子粽爭新  
方殿臨華節圓宮宴雅臣進對一言重道文六藝陳  
股肱良足詠風化可還淳

端午

玄宗

端午臨中夏時清日復長鹽梅已佐鼎翹葉且傳觴  
事古人留年深樓績長當軒知槿茂向水覺蘆香

億兆同歸壽群公共保昌忠貞如不替貽厥後昆芳

端午三殿侍宴應制

張說

張說巧於用才近世無比是詩成玄宗覽之親解

紫拂帶以賜焉

小暑夏絃應徽音商管初願齊長命縷來續大恩餘  
三殿褰珠箔群官上玉除助陽嘗黍稷順節進龜魚  
甘露垂天酒芝花捧御書合丹同堰埏灰骨共蟾蜍  
今日傷地意銜珠遂闕如

端午日賜衣

杜甫

宮衣亦有名端午被恩榮細葛含風軟香羅疊雪輕

唐詩類苑

卷之三

三

自天題處濕當暑着來清意內稱長短終身荷聖情

五絲

褚朝陽

越人傳楚俗截竹競縈絲水底深休也日中還賀之  
章施文勝質列匹美於姬錦繡作新段羔羊寢舊詩  
但誇端午節誰薦屈原祠把酒時伴奠泪羅空遠而

端午

僧文秀

節分端午是誰言萬古傳聞爲屈原堪笑楚江空浩  
浩不能洗得直臣冤

五日觀妓

萬楚

西施謾道浣春紗碧玉今時鬪麗華眉黛奪將萱草

色紅裙妬殺石榴花新歌一曲令人艷醉舞雙眸飲  
鬢斜誰道五絲能續命却令今日死君家

競渡

盧肇

石溪久住思端午館驛樓前看發機鞞鼓動時雷隱  
隱獸頭凌處雪微微衝波突出人齊噉躍浪爭先鳥  
退飛向道是龍剛不信果然奪得錦標歸

競渡

元稹

吾觀競舟子因測大競源天地昔將競蓬勃晝夜昏  
龍蛇相噴薄海岱俱崩奔群動皆攪撓化作流渾渾  
數極鬪心息大和蒸混元一氣忽爲二轟然畫乾坤

唐詩類苑

卷之三

四

日月復照曜春秋遞寒溫八荒坦以曠萬物羅以繁  
聖人中間立理世了不煩延綿復幾歲逮及義與軒  
炎皇熾如炭蚩尤扇其燔有能競心起驅獸出林樊  
一戰波委焰再戰火燎原戰訖天下定號之爲軒轅  
自是豈無競瑣細不復言其次有龍競競渡龍之門  
龍門浚如瀉滌射不可援赤鱗化時至唐突鱗鬣掀  
乘風瞥然去萬里黃河翻接瞬電挺出微吟霹靂喧  
俯瞻曠宇宙俯瞰卑崑崙庶類咸在下九霄行易捫  
倏辭蛙黽穴遽排天帝閣迴悲曝鰓者未免鯨鯢吞  
帝命澤諸夏不棄蟲與昆隨時布膏露稱物施厚恩

草木霑我潤豚魚望我蒼獨來同競渡  
壯哉龍競渡一競身獨尊捨此皆蟻鬪競舟何足論

競舟

元稹

楚俗不愛力費力爲競舟買舟俟一競競飲貧者賦  
年年四五月實實麥小秋積水堰堤壞拔秧蒲穉稠  
此時集丁壯習競南畝頭朝飲村社酒暮推鄰舍牛  
祭船如祭祖習競如習讎連延數十日作業不復憂  
君侯撰良吉會客陳膳羞畫鷁四來合大競長江流  
建標明取捨勝負死生求一時謹呼罷三月農事休  
岳陽賢刺史念此爲俗玩習俗難盡去聊用去其尤

唐詩類苑

卷之三

五

百船不留一一競不滯留自爲里中戲我亦不寓遊  
吾聞管仲教沐樹懲墮遊節此淫競俗得爲良政不  
我來歌此事非獨歌此州此事數州有亦欲開數州

官莊池觀競渡

儲光義

落日吹簫管清池發棹歌船爭先後渡岸激去來波  
水葉藏魚鳥林花間綺羅踟躕倦女處猶似望天河

觀競渡

儲光義

大夫沈楚水千祀國人哀習棹江流長迎神雨霧開  
標隨綠雲動船逆青波來下怖魚龍起上驚鳬鴈迴  
能令秋大有鼓吹遠相催

岳州觀競渡

張說

畫作飛鳧艇雙雙競拂流炫裝山色變急棹水華浮  
土尚三閭俗江傳二女游齊歌迎孟姥獨舞送陽侯  
鼓發南湖漾標爭西驛樓並馳恒詫速非畏日光道

競渡歌

張建封

五月五日天晴明楊花繞江啼曉鶯使君未出郡齋  
外江上早聞齊和聲使君出時皆有準馬前已被紅  
旗引兩岸羅衣破暈香銀釵照日如霜刃鼓聲三下  
紅旗開兩龍躍出浮水來棹影幹波飛萬劍鼓聲劈  
浪鳴千雷鼓聲漸急標將近兩龍望標目如瞬坡上  
唐詩類苑 卷之三十 六

人呼霹靂驚竿頭綵挂虹蜺暈前船搶水已得標後  
船失勢空揮撓瘡眉血首爭不定輪岸一朋心似燒  
只將輪流 賞兩岸十舟五來往須臾戲罷各東  
西競脫文身請書上吾今細觀競渡兒何殊當路權  
相持不思得听各休去會到摧車折檝時

伏日

同李吏部伏日口號呈元庶子路中丞

包佶

火炎逢六月金伏過三庚幾度衣裳汗誰家枕簟清  
頰冰無下位裁扇有高名吏部還開甕勤勤二客情

廣州王園寺伏日即事寄北中親友

劉言史

南越逢初伏東林度一朝竹池煎畏景高閣絕微颺  
竹簾移先灑蒲葵破復搖地偏毛瘴近山毒火威饒  
夏汗絺如濯親牀枕並燒墮枝傷翠羽萎葉惜紅蕉  
且困流金熾難成獨酌謠望霖窺潤礎思吹候鳴條  
旅恨生烏許鄉心繫洛橋誰憐在炎客一夕壯客銷

立秋

立秋夕有懷夢得

白居易

露簾荻竹清風扇蒲葵輕一與故人別再見新蟬鳴  
唐詩類苑 卷之三十 七

是夕涼颺起閑境入幽情迴燈見棲鶴隔竹聞吹笙  
夜茶一兩杓秋吟三數聲所思沙千里雲外長洲城  
立秋夕涼風忽至炎暑消即事詠懷寄汴

州節度使李二十尚書 白居易

嫋嫋簷樹動好風西南來紅缸纖微滅碧幌飄颺開  
披襟有餘涼拂簟無霏埃但喜煩暑退不惜光陰催  
河秋稍清淺月午方徘徊或行或坐臥體適心悠哉  
美人在浚都旌旗遠樓臺雖非滄海限難見如蓬萊  
蟬迎節又換鴈送書未迴君位日寵重我年日摧頹  
無因風月下一舉平生杯

奉酬樂天立秋日有懷見寄

李紳

深夜星漢靜秋風初報涼  
篁堦淅瀝響露葉參差涼  
水兔半升鳬銅壺微滴長  
薄帷乍飄卷襟帶輕搖  
北除竟夢清斜月滿軒房  
屣履步前楹劍戟森在行  
重城宵正分號鼓牙相望  
獨坐有所思夫君鸞鳳章  
天津落星河一葦安可航  
龍泉白玉首魚服黃金裝  
報國未知效維鵜徒在梁  
徘徊顧戎旃顙氣生東方  
衰葉滿欄草斑毛盈鏡霜  
羸牛未脫轅老馬強騰驤  
吟君白雪唱慚愧巴人腸

唐詩類苑

卷之三

八

和王卿立秋卽事

司空曙

秋宜何處看試問白雲官  
暗入蟬鳴樹微侵蟬繞蘭  
向風涼稍動近日暑猶殘  
九陌浮埃減千峰爽氣攢  
換衣防竹暮沈果訝泉寒  
宮響傳花杵天清出露盤  
高禽當側弁遊鱗對憑欄  
一奏招商曲空令繼唱難

立秋日曲江憶元九

白居易

下馬柳陰下獨上堤上行  
故人千萬里新蟬三兩聲  
城中曲江水江上江陵城  
兩地新秋思應同此日情

立秋日

司空曙

律變新秋至蕭條自此初  
花酣蓮報謝葉在柳呈疎

澹日非雲映清風似雨餘  
卷簾涼暗度迎扇暑先除  
草靜多翻鷺波澄乍露魚  
今朝散騎省作賦興何如

立秋日題安昌寺北亭

孫逖

樓觀倚長霄登攀及霽朝  
高如石門頂勝擬赤城標  
天路雲虹近人寰氣象遙  
山圍伯禹廟江落伍胥潮  
徂暑迎秋薄涼風是日飄  
果林餘苦李萍水覆甘蕉  
覽古嗟夷漫陵空愛寂寥  
更聞金刹下鐘梵晚蕭蕭

立秋日登樂遊園

白居易

獨行獨語曲江頭迴馬遲遲上樂遊  
蕭颯涼風與衰鬢誰教計會一時秋

唐詩類苑

卷之三

九

立秋後題

杜甫

日月不相饒節序昨夜隔玄蟬  
無停號秋燕已如客平生獨往願  
惆悵年半百罷官亦由人何事拘形役

七夕

祖詠

閨女求天女更闌意未闌  
玉庭開粉席羅袖捧金盤  
向月穿針易臨風整線難  
不知誰得巧明日試相看

七夕

杜審言

白露含明月青霞斷絳河  
天街七裏轉閣道二神過  
袿服鏘環珮香筵拂綺羅  
年年今夜盡機杼別情多

七夕

韋應物

人世拘形跡別去間山川  
豈意靈僊偶相望亦開年  
夕衣清露濕晨駕秋風前  
臨懼定不住當爲何所牽

七夕

李賀

別浦今朝暗羅帷午夜愁  
鵲辭穿線月花入曝衣樓  
天上分金鏡人間望玉鈎  
錢塘蘓小小更值一年秋

七夕二首

劉禹錫

河鼓靈旗動嫦娥破鏡斜  
滿空天是幕徐轉地爲車  
機罷猶安石橋成不礙槎  
誰知觀津女終日望雲涯

二

唐詩類苑

卷之五

十

天衢啟雲帳神馭上星橋  
初喜渡河漢頻驚轉斗杓  
餘霞張錦帳輕電閃紅綃  
非是人間世還悲後會遙

七夕同用秋字

盧綸

祥光若可求閨女夜登樓  
月露浩方下河雲凝不流  
鉛華潛警曙機杼暗傳秋  
迴想餘餘睽人天俱是愁

七夕同用期字

盧綸

涼風吹玉露河漢有幽期  
星彩光仍隱雲容掩復離  
良宵驚曙早閨歲怨秋遲  
何事金閨子空傳待綢絲

七夕

張文恭

鳳律驚秋氣龍梭靜夜機  
星橋百枝動雲路七香飛

映月迴雕扇凌霞曳綺衣  
含情向華幄流態入重闈  
歡餘夕漏盡怨結曉驂歸  
誰念分河漢還憶兩心違

七夕

羅隱

月帳星房次第開兩情惟  
恐曙光催時人不用穿針  
待沒得心情送巧來

七夕

李商隱

鸞扇斜分鳳幄開星橋橫  
過鵲飛迴爭將世上無期  
別換得年年一度來

七夕

崔顥

長安城中月如練家家此  
夜持針線僊裙玉珮空自  
轉

知天上人間不相見長信  
深陰夜轉幽瑤階金閣數  
螢流班姬此夕愁無限河  
漢三更看斗牛

七夕

溫庭筠

鳴機札札停金梭芙蓉澹  
蕩生池波神軒紅粉陳香  
羅鳳低蟬薄愁雙蛾微光  
奕奕凌天河鸞咽鶴唳飄  
飄歌響橋銷盡愁奈何天  
氣駘蕩雲陂陀平明花木  
有愁意露濕綵盤蛛網多

七夕

羅隱

絳角星河百箇天一家懽  
笑設紅筵應傾謝女珠璣  
篋盡寫檀郎錦繡篇香帳  
簇成排窈窕金針穿罷拜



嬋娟銅壺漏報天將曉惆悵佳期又一年

七夕

溫庭筠

鵲歸燕去兩悠悠青瑣西南月似鈎天上歲時星右  
轉世間離別水東流金風入樹千門夜銀漢橫空萬  
象秋蘇小橫塘通桂楫未應清淺隔牽牛

七夕

劉威

烏鵲橋成上界通千秋靈會此宵同雲收喜氣星橋  
滿雨拂香塵月殿空翠輦不行青草路金鑾徒恨白  
榆風彩盤花閣無窮意只在遊絲一縷中

七夕

唐彥謙

唐詩苑

卷之二十一

十二

露白風清夜向晨小星乘佩且埋輪絳河浪淺休相  
隔滄海波深向作塵天外鳳凰何寂寞世間烏鵲謾  
辛勤倚闌殿北斜樓上多少通宵不寐人

七夕

李郢

烏鵲橋頭雙扇開年年一度過河來莫嫌天上稀相  
見猶勝人間去不回欲滅煙花饒俗世暫煩煙月掩  
粧臺別時舊路長清淺豈肯離情似死灰

壬申七夕

李商隱

已駕七香車心心待曉風輕唯響珮日薄不嬌花  
桂嫩傳香遠榆高送影斜成都過卜肆曾妬識

辛未七夕

李商隱

恐是僊家好別離故教迢遞作佳期由來碧落銀河  
畔可要金風玉露時清漏漸移相望久微雲未接過  
來遲豈能無意酬烏鵲唯與蜘蛛乞巧絲

七夕曲

王建

河邊獨自看一作星宿夜織天絲難接續拋梭振躡  
動明璫爲有秋期眠不足遙愁今夜河水隔龍駕車  
轅鵲填石流蘇翠帳星渚間環珮無聲燈寂寂兩情  
纏綿忽如故復畏秋風生曉路幸迴郎意且斯須一  
年中別今始初明星未出少停車

唐詩苑

卷之二十一

十三

七夕偶題

李商隱

寶婺瑤珠珮嫦娥照玉輪靈歸天上足巧遺世間人  
花果香千戶笙竿溢四鄰明朝曬犢鼻方信阮郎貧

七夕賦詠成篇

何仲諱

日日思歸勤理髮朝朝佇望懶調校淩風寶扇遙臨  
月映水僊車遠渡河歷歷珠星疑施珮冉冉雲衣似  
曳羅通宵道意終無盡向曉離愁已復多

七夕賦詠成篇

沈叔安

皎皎霄月麗秋光耿耿天津橫復長停梭且復留殘  
緯拂鏡及早更新粧彩鳳齊駕初成輦周鵲填河已

作梁雖喜得同今夜枕還愁重空明日牀

七夕賦詠成篇

凌敬

風駕鳴鸞啟閭闔霓裳遙裔儼天津五明霜純開羽扇百和香車動畫輪婉婉嬈夜分能幾許靚粧台服爲誰新片時懽娛自有極已復長望隔年人

七夕賦詠成篇

許敬宗

一年抱怨嗟長別七夕含態始言歸飄飄羅襪光天步灼灼新粧鑒月輝情催巧笑開星靨不惜呈露解雲衣所歎却隨更漏盡掩泣還弄昨宵機

七夕宴玄圃二首

高宗

唐詩類苑

卷之二十一

十四

羽蓋飛天漢鳳駕越層巒俱歎三秋阻共叙一宵歡璜虧夜月落靨碎曉星殘誰能重攄杼纖手濯清瀾

二

霓裳轉雲路鳳駕凌天潢星周夜曆之月照朝璫促歡今夕促長離別後長輕梭聊綰綰掩淚獨悲傷

奉和七夕宴玄圃應制二首

許敬宗

牛閨臨淺漢鸞駒涉秋河雨懷縈別緒萬綬慶停梭星模鉛裏曆月宮黛中娥奈許今宵度長與離別多

二

婺閨期今夕娥輪泛淺潢迎秋伴暮雨待暝合神光薦寢低雲鬢呈態解霓裳喜中愁漏促別後怨天長

奉和七夕宴兩儀殿應制

杜審言

景龍二年七月七日中宗皇帝御兩儀殿會宴群臣杜審言等各應制賦詩給事中李行言能唱步虛歌是夕帝命爲之行言於御前長跪作三洞道士音詞歌數曲貌偉聲暢上頻歎美

一年銜別怨七夕始言歸歛淚開星靨微步動雲衣天迴兔欲落河曠鵲停飛那堪盡此夜復往弄殘機

奉和七夕宴兩儀殿應制

李嶠

唐詩類苑

卷之二十一

十五

靈匹三秋會僊期七夕過查來人泛海橋渡鵲填河帝纓升銀閣天機罷玉梭誰言七裏詠重入五絃歌

奉和七夕宴兩儀殿應制

劉憲

秋吹過雙闕星僊動二靈更深移月鏡河淺度雲輶殿上呼方朔人間識武丁天文茲夜裏光映紫微庭

奉和七夕宴兩儀殿應制

趙彥昭

青女三秋節黃姑七日期星橋渡玉珮雲閣掩羅幃河氣通僊掖天文入睿詞今宵望靈漢應得見蛾眉

奉和七夕宴兩儀殿應制

李乂

桂宮明月夜蘭殿起秋風靈漢彌年阻星筵此夕同

倏來疑有處旅

奉和七

靈媛垂秋發僊

機石天文寫針

七夕泛舟

汀葭肅徂暑江樹起新涼水疑通織室舟似泛僊潢  
連橈渡急響鳴棹下浮光日晚菱歌唱風煙滿夕陽

七夕泛舟

梁 鎰

雲端有靈匹掩映拂粧臺夜久應搖珮天高響不來  
片歡秋始展殘夢曉翻催却怨填河鵲留橋又不迴

舊詩類苑

卷之三

十六

和東觀群賢七夕臨泛昆明池

任希古

秋風始搖落秋水正澄鮮飛眺牽牛渚激賞鏤鮮川  
岸珠淪曉魄池灰歛曙煙泛槎分寫漢儀星別架天  
雲光波處度月影浪中懸驚鴻結蒲弋游鱗入莊筌  
萍葉疑江上菱花似鏡前長林代輕幄細草卽芳筵  
文華開翠瀦筆海控清漣不挹蘭樽聖空仰桂舟僊

他鄉七夕

孟浩然

他鄉逢七夕旅館益羈愁不見穿針婦空懷故國樓  
緒風初減熱新月始登秋誰忍窺河漢迢迢問斗牛

七夕寄懷

寶 常

露盤花水望三星髮髯虛無降匹靈斜漢沒時人不  
寐幾條蛛網下風庭

七夕寄張氏兄弟

李 郢

新秋牛女會佳期紅粉筵開玉饌時好與檀郎記花  
朶莫教清曉羨蛛絲

題七夕圖

李 節

帝子吹簫上翠微秋風一曲鳳凰歸明年七夕重相  
見依舊高懸織女機

牽牛織女

杜 甫

唐詩類苑

卷之三

十七

牽牛出河西織女處其東萬古永相望七夕誰見同  
神光意難候此事終朦朧颯然精靈合何必秋遂通  
亭亭新粧立龍駕具曾空世人亦爲爾祈請走兒童  
稱家隨豐儉白屋達公宮膳夫翊堂殿鳴玉淒房櫳  
曝衣遍天下曳月揚微風蛛絲小人態曲綴瓜果中  
初筵瀟瀟重露日出井所終嗟汝未嫁女秉心懃懃  
防身動如律竭力機杼中雖無舅姑事敢昧織作功  
明明君臣契咫尺或未容義無棄禮法恩始夫婦恭  
小大有佳期戒之在至公方圖苟齒齟丈夫多英雄

牛女

宋之問

粉席秋期緩針樓別怨多奔龍爭渡月飛鵲亂填河  
失喜先臨鏡含羞未解羅誰能留夜色來夕倍還梭

織女詞

戴叔倫

鳳梭停織鵲無音夢憶僊郎夜夜心難得相逢容易  
別銀河爭似妾愁深

織女懷牽牛

曹唐

北斗佳人雙淚流眼穿腸斷爲牽牛封題錦字疑新  
恨拋擲金梭結舊愁桂樹三天雲漠漠銀河一帶水  
悠悠欲將心就僊郎說借問榆花早晚秋

閏月七日織女

王灣

唐詩類苑

卷之三十一

太

耿耿曙河微神僊此夜稀今年七月閏應得兩迴歸

古意

五郊

河邊織女星河畔牽牛郎未得渡清淺相對遙相望

賦乞巧

林傑

七夕今宵看碧霄牛郎織女渡河橋家家乞巧望秋  
月穿盡紅絲幾百條

曝衣篇

沈佺期

君不見昔日宜春太液邊披香畫閣與天連燈花灼  
爍九微映香氣氛氲百和燃此夜星繁河正白人傳  
織女牽牛客宮中擾擾曝衣樓天上娥娥紅粉席曝

衣何許贖一作時夜半黃宮中綵女提玉箱珠履奔騰上  
蘭砌金闥宛轉出梅梁絳河裏碧煙上雙花伏兔一作畫

一作

屏風四子盤龍擎斗帳舒羅散教雲霧開綴玉

垂珠星漢迴朝霞散綵羞衣架曉月分光劣鏡臺上  
有僊人長命鏤中看玉女一作寶媛迎歡繡玳瑁筵中別

作春珊瑚一作瑁裏翻成畫椒房金屋寵新流意氣  
嬌奢不自由漢文宜惜露臺產一作費晉武須燒前殿

裘

中元

七月十五日題章敬寺

德宗

唐詩類苑

卷之三十一

九

招提邈皇邑複道連重城法筵會早秋駕言訪禪局  
嘗聞大僊教清淨宗無生七物匪吾寶萬行先求成  
名相既雙寂繁華奚所榮金風扇微涼遠煙凝翠晶  
松院靜苔色竹房深磬聲境幽真慮恬道勝外物輕  
意適本非說含毫空復情

中元日觀法事

盧拱

四孟逢秋序三元得氣中雲迎碧落步章奏玉皇宮  
壇滴槐花露香飄栢子風羽衣凌縹緲瑤轡輾虛空  
久慕餐霞客常悲習蓼蟲青囊如可授從此訪鴻蒙

中元作

李商隱

絳節飄飄宮

一作空

國來中元朝拜上清迴羊權維得

金條脫溫嶠終虛玉鏡臺曾省驚眠聞雨過不知迷

路爲花開有娥未抵瀛洲遠青雀如何鵲鳥媒

中元夜

李 鄧

江南水寺中元夜金粟欄邊見月娥紅燭影迴僊

近翠環光動見人多香飄彩殿疑蘭麝霧縈輕衣

綺羅湘水夜空巫峽遠不知歸路欲如何

中秋

中秋月二首

李 嶠

盈缺青冥外東風萬古吹何人種丹桂不長出輪枝

唐詩類苑

卷之二十一

二十一

二

圓魄上寒空皆言四海同安知千里外不有兩兼風

中秋月

歐陽詹

八月十五夕舊嘉蟾兔光斯從古人好共下今宵堂

素魄皓孤凝芳輝紛四揚徘徊林上頭泛灑天中央

皓露助流華輕風佐浮涼清冷到肌骨潔白盈衣裳

惜此苦宜翫攬之非可將含情顧廣庭願至沈西方

中秋月

朱慶餘

自古分功定唯應缺又盈一宵當皎潔四海盡澄清

靜覺風微起寒過雪乍傾孤高稀此遇吟賞倍牽情

中秋月

僧無可

蟾宜天地靜三五對堦蓂照耀超諸夜光芒掩衆星

影寒池更澈露冷樹銷青枉值中秋半長乖宿洞庭

中秋月

馬 戴

陰魄出海上望之增苦吟吟搜驪領重寒徹蚌胎深

皓氣籠諸夏清光射萬岑悠然天地內皎潔一般心

中秋月

張 祐

碧落桂含姿清秋是素期一年逢好夜萬里見明時

絕域行應久高城下更遲人間繫情事何處不相思

中秋月

李 洞

唐詩類苑

卷之二十一

二十一

四十五秋宵月分千里毫吟沈嵩嶽短光溢太行高

不寐清一作醒人眼移棲濕鶴毛露華臺上別吟一作愁

望十年勞

中秋月

潘 緯

古今逢此夜共與沈寥明豈是月華別祗應秋氣清

影當中土正輪對八荒平尋客徒留望瑤璣自有程

中秋月

方 干

涼宵煙靄外三五玉蟾秋列野星辰正當空鬼魅愁

泉澄寒魄瑩露滴冷光浮未折青青桂吟看不忍休

中秋夜月

僧棲白

尋常三五夕不是不嬋娟及到中秋半還勝別夜圓  
清光疑有露皓色爽無煙自古人皆玩年來更一年

中秋月

薛瑩

三十六旬盈復缺百年堪喜又堪傷勸君莫惜登樓  
望雲放嬋娟不久長

中秋月

白居易

萬里清光不可思添愁益恨遠天涯誰人隴外久征  
戍何處庭前新別離失寵故姬歸院夜沒蕃老將上  
樓時照他幾許人腸斷玉兔銀蟾遠不知

中秋月

許畫

唐詩類苑

卷之二十一

三

應是蟾宮別有情每逢秋半倍澄清清光不向此中  
見白髮曾教何處生閑地占將真可惜幽窗分得始  
爲明殷勤好長來年桂莫遣平人道不平

華陽觀中秋夜招友翫月 白居易

人道中秋明月好欲邀同賞意如何華陽洞裏秋壇  
上今夜清光此最多

鶴林寺中秋夜翫月

許渾

待月東林月正圓廣庭無樹草無煙中秋雲盡出滄  
海半夜露寒當碧天輪彩漸移金殿外鏡光猶挂玉  
樓前莫辭達曙殷勤望一墮西巖又隔年

中秋翫月

唐彥謙

一夜高樓萬景奇碧天無際水無涯只留皎月當層  
漢並送浮雲出四維霧靜不容玄豹隱水生唯恐夏  
蟲疑坐來離思憂將曉爭得嫦娥仔細知

同白樂天中秋夜洛河翫月二首

裴夷直

清洛半秋懸壁月練船當夕泛銀河蒼龍領底珠皆  
沒白帝心邊鏡乍磨海上幾時霜雪積人間此夜管  
絃多須知天地爲鑪意盡取黃金鑄作波  
不熱不寒三五夕此時川朗正相臨千珠競沒蒼龍

唐詩類苑

卷之二十一

三

領一鏡高懸白帝心幾處淒涼綠地遠有時惆悵偏  
雲陰如何清洛如清晝共見初升又見沈

鎮西蜀中秋夜錦樓翫月 武元衡

玉輪初滿空迥出錦城東相向秦樓鏡分飛碣石鴻  
桂香隨窈窕珠綴隔玲瓏不及前秋見團圓鳳沼中

奉和中秋夜錦樓翫月二首

崔備

清景同千里寒光盡一年竟天多鴈過通夕少人眠  
照別江樓上添愁野帳前隋侯恩未報猶有夜珠圓

二

四時皆有月一夜獨當秋照耀初含露徘徊正滿樓  
遙連雪山靜迥入錦江流願以清光末年年許從遊

奉和中秋夜錦樓翫月 柳公綽

此夜年年月偏宜此地逢近看江水淺遙辨雪山重  
萬井金花肅千林玉露濃不唯樓上思飛蓋亦陪從

奉和中秋夜錦樓翫月 張正一

高秋今夜月皓色正蒼蒼遠水澄如練孤鴻迴帶霜  
旅人方積思繁宿稍沈光朱檻叨陪賞尤宜清漏長

奉和中秋夜錦樓翫月 徐放

玉露中秋夜金波碧落開鵲驚初泛濫鴻思共徘徊

唐詩類苑 卷之三十一 五

遠目清光徧高空爽氣來此時陪永望更得上燕臺

奉和中秋夜錦樓翫月 王良會

德星搖此夜瑀月滿重城杳靄煙雲色飄飄砧杵聲  
令行秋氣爽樂感素風輕共賞千年聖長歌四海清

中秋月直禁苑 鄭畋

禁署方懷忝綸闈已再加暫來西掖路還整上清槎  
恍惚歸丹地深嚴宿絳霞幽襟聊自適閑弄紫薇花

中秋夜禁中獨直對月憶元九

白居易

銀臺金闕夕沈沈獨宿相思在翰林三五夜中新月

色二千里外故人心渚宮東面煙波冷浴殿西頭  
漏深猶恐清光不同見江陵濕足 秋陰

酬樂天中秋夜禁中獨直對月見寄

元稹

一年秋半月偏深況就煙霄極賞心金鳳臺前波漾  
漾玉鈎簾下影沈沈宴移明處清蘭路歌待新詞促  
翰林何意枚臯正承詔瞥然塵念到江陰

酬劉端公中秋夜對月見懷

權德輿

涼夜清秋半空庭皓月圓動搖隨積水皎潔滿晴天

唐詩類苑 卷之三十一 五

多病佳期阻深情麗曲傳偏懷賞心處同望庾樓前

中秋對月 曹松

無雲世界秋三五共看蟾盤上海涯直到天頭天蓋  
處不曾私照一人家

中秋夜思鄭延美 孫緯

中秋中夜月世說懼妖精顧兔雲初蔽長蛇誰與勅  
未逢良友託安用玉輪盈此意人誰諭裁詩寄禁城

中秋夜懷 項斯

趨馳早晚休一歲又殘秋若只如今日何難致白頭  
滄波歸處遠旅食尚邊愁賴見前賢說窮通不



中秋夜戲酬顧道流 孫蜀

不那此身偏愛月等閑看月卽更深僊翁每被嫦娥使一度逢圓一夜吟

中秋夜獨遊安國寺山亭院步月李益遲明至寺中求與聯句 僧廣宣

九重城接天花界三五秋分一夜風行聽漏聲雲散後遙聞天雨月明中廣宣含涼閣近通僊掖承露盤高出上宮誰問獨愁園外理清譚不與此宵同益

中秋夕寄大梁劉尚書 許渾

沐人迎拜洛人留虎豹旌旗擁碧油刁斗嚴更軍耳唐詩類苑 卷之三十一 二六

目戈鋌長控國咽喉柳營出號風生蠶蓮幕題詩月上樓應念散官千里外去年今夜醉蘭舟

和元郎中從八月十二至十五夜翫月五首

王建

半夜初入中旬夜已向堦前守月明從未圓時看却好一分分見傷輪生

亂雲遮却臺東月不許教依次第看莫爲詩家先見鏡被他籠與作艱難

今夜月明勝昨夜新添桂樹近東枝立多地濕昇牀坐看過牆西寸寸遲

月似圓來色漸凝玉盆盛水欲侵稜夜深盡放家人睡直到天明不炷燈

合望月時常望月分明不得似今年仰頭五夜風中立從未圓時直到圓

八月十五日 戎昱

憶昔千秋節懽娛萬國同今來六親遠此日一悲風年少逢胡亂時平似夢中梨園幾人在應是涕無窮

八月十五夜月二首 杜甫

滿目飛明鏡歸心折大刀轉蓬行地遠攀桂仰天高一作霜雪林棲見羽毛此時瞻白兔直欲數

秋毫 卷之三十一 二七

稍下巫山峽猶銜白帝城氣沈全浦暗淪側半樓明刁斗皆催曉蟾蜍且自傾張弓倚殘翫不獨漢家營

八月十五夜觀月 劉禹錫

天將今夜月一遍洗寰瀛暑退九霄淨秋澄萬景清星辰讓光彩風露發晶英能變人間世儵然是玉京

荅夢得八月十五夜翫月見寄

白居易

南國碧雲客東京白首翁松江初有月伊水正無風遠思兩鄉斷清光千里同不知娃館上何似石樓中



奉和中書崔舍人八月十五日夜詠月二十

韻

劉禹錫

暮景中秋爽陰靈既望圓浮精離碧海分照接虞淵  
迥見孤輪出高從倚蓋旋二儀含皎澈萬象共澄鮮  
整御當西陸舒光麗上玄從星變風雨順日助陶甄  
遠近同時望晶熒此夜偏運行調玉燭涼白應金天  
曲榭疑瑤鏡通衢若象筵逢人盡冰雪遇境即神僊  
引素吞銀漢凝清洗綠煙臯禽驚露下鄰杵思風前  
水是還珠浦山成種玉田劍沈三尺影燈罷九枝燃  
象外形無跡寰中影有遷稍當雲闕正未映斗城懸

唐詩類苑

卷之三

三

靜對揮宸翰閑臨璧彩牋境同牛浦上宿在鳳池邊  
興掩尋安道詞勝命仲宣從今紙貴後不復詠陳篇  
奉和淮南李相公暮秋卽事寄成都武相公

劉禹錫

八柱共承天東西別隱然遠夷爭慕化直相故違邊  
並進夔龍位仍齊龜鶴年同心舟已濟造勝壁常聯  
對領專征寄遙持造物權斗牛添氣色并落盡氛煙  
獻可通三畧分甘出萬錢漢南越節制趙北賜山川  
玉帳觀渝舞虹旌獵楚田步嫌雙綬重夢入九城偏  
秋雨離情動新詩樂府傳聆音還竊抃不覺撫么絃

八月十五日夜聞崔大員外翰林獨直對酒

詠月因懷禁中清景偶題是詩

白居易

秋月高懸空碧外僊郎靜詠禁闈間歲中唯有今宵  
好海內無如此地開皓色分明雙闕榜清光深到九  
門關遙聞獨醉還惆悵不見金波照玉山

八月十五日夜同諸客詠月

白居易

月好共傳唯此夜境閑皆道是東都嵩山表裏千重  
雪洛水高低兩顆珠清景難逢宜愛惜白頭相勸強

唐詩類苑

卷之三

三

權娛誠知亦有來年會保得晴明強健無

八月十五夜詠月

劉滄

中秋朗月靜天河烏鵲南飛客恨多寒色滿牕明枕  
簾清光凝露拂煙蘿桂枝斜漢流螢見積葉微風動  
細波此夜空庭聞木落蕪葭霜磧鴈初過

八月十五夜詠月

殷文圭

萬里無雲鏡九州最圓圓夜是中秋滿衣冰彩拂不  
落遍地水光疑欲流華嶽影寒清露掌海門風急白  
潮頭因君照我丹心事減得愁人一夕愁

八月十五夜同衛諫議看月

秦韜王

常時月好賴新晴不似年年此夜生初出海濤疑尚濕漸來雲路覺偏清寒光入水蛟龍起靜色當天鬼魅驚豈獨座中堪仰望孤高應到鳳凰城

八月十五夜贈張功曹 韓愈

纖雲四卷天無河清風吹空月舒波沙平水息聲影絕一杯相屬君當歌君歌聲酸辭且苦不能聽終淚如雨洞庭連天九疑高蛟龍出沒猩貍號十生九死到官所幽居默默如藏逃下牀畏蛇食畏樂海氣濕蟄重腥臊昨者州前槌大鼓嗣皇繼聖登變臯故

唐詩類苑

卷之二十一

三十一

書一日行萬里罪從大辟皆除死遷者追迴流者還滌瑕蕩垢朝清班州家申名使家抑坎河祗得移荆蠻判司卑官不堪說未免捶楚塵埃間同時輩流多上道天路幽險難追攀君歌且休聽我歌我歌今與君殊科一年明月今宵多人生由命非由他有酒不飲奈月何

天竺寺八月十五日夜桂子

皮日休

玉顆珊瑚下月輪殿前拾得露華新至今不會天中事應是嫦娥擲與人

八月十五夜天竺寺詠桂子

陸龜蒙

霜實常聞秋半夜天台天竺墮雲岑如何兩地無人種却是湘灘是桂林

荆渚八月十五日夜值雨寄同年李嶼

鄭谷

共待輝光夜翻成黯澹秋正宜清路望潛起滴堦愁棹倚哀安渚簾垂庾亮樓桂無香實落蘭有露花休玉漏添蕭索金樽阻獻酬明年佳景在相約向神州

中秋不見月

羅隱

唐詩類苑

卷之二十一

三十一

風簾浙浙漏燈痕一半秋光此夕分天爲素娥孀怨苦併教西北起浮雲

中秋夜不見月

羅隱

陰雲薄暮上空虛此夕清光共破除只恐異時開霽後玉輪依舊養蟾蜍

中秋夜不見月

元稹

蟾輪何事色全微賺得佳人出繡幃四野霧凝空寂寞九霄雲鎖絕光輝吟時得句翻停筆翫處臨樽却掩扉公子倚欄猶悵望懶將紅燭草堂歸

中秋

鄭谷

清香聞曉蓮水國雨餘天天氣正得所客心剛悄然  
亂兵何日息故老幾人全此際難消遣從來未學禪

十六夜翫月

杜甫

舊挹金波爽皆傳玉露秋關山隨地闊河漢近人流  
谷口樵歸唱孤城笛起愁巴童渾不寢半夜有行舟

十六夜月

朱慶餘

昨夜忽已過氷輪始覺虧孤光猶不定浮世更堪疑  
影落澄江海寒生靜路岐皎然銀漢外長有衆星隨

八月十六夜月

唐彥謙

斷腸佳賞固難期昨夜消魂更不疑丹桂影空蟬有

唐詩類苑

卷之三十一

三十一

露綠槐陰在鵲無枝賴將吟咏聊惆悵早是疎頑耐  
別離堪恨賈生曾慟哭不緣清景爲憂時

十七夜對月

杜甫

秋月仍圓夜江村獨老身捲簾還照客倚杖更隨人  
光射潛蚪動明翻宿鳥頻茅齋依榻拙清切露華新

秋社

社日二首

杜甫

九農成德業百祀發光輝報效神如在馨香舊不違  
南翁巴曲醉北鴈塞聲微尚想東方朔恢諧割肉歸

二

陳平亦分肉太史竟論功今日江南老他時渭北童  
權娛看絕塞涕淚落秋風鵠鷺迴金闕誰憐病峽中

秋社日崇讓園宴得新字

蘇頌

鳴雀三農稔句龍百代神運昌叨輔弼時泰喜黎氓  
樹缺池光近雲開日影新生全應有地長願樂天親

社日關路作

白居易

晚景由關路涼風社日天青巖新有燕紅樹欲無  
愁立驛樓上厭行官堠前蕭條秋興苦漸近二毛年

唐詩類苑

卷之三十一

三十一

唐詩類苑卷第二十二

明雲間張之象玄超甫纂輯

雲間張所敬長輿甫編次

雲間王微叔朗甫補訂

梁谿曹仁孫伯安甫校正

歲時部

九月九

九日

李白

今日雲景好水綠秋山明攜壺酌流霞舉菊汎寒榮  
地遠松石古風揚絃管清窺觴照懽顏獨笑還自傾

唐詩類苑

卷之二十二

一

落帽醉山月空歌懷友生

九日

王勃

九日重陽節開門有菊花不知來送酒若箇是陶家

九日

元稹

一爲吳郡守不覺菊花開始有故園思且喜衆賓來

九日

孟浩然

九日未成旬重陽卽此辰登高聞故事載酒訪幽人

落帽恣懽飲授衣同試新茱萸正可佩折取寄情親

九日

李嘉祐

惆悵重陽日空山野菊新兼葭百戰地江海十年人

歎老看衰柳傷秋對白蘋孤樓聞夕磬塘路近城闕

九日二首

杜甫

舊日重陽日傳杯不放杯卽今蓬鬢改但愧菊花開  
北闕心長戀西江首獨迴茱萸賜朝士難得一枝來

二

舊與蘓司業兼隨鄭廣文采花香泛泛坐客醉紛紛  
野樹歌還倚秋砧醒却聞歡娛兩冥冥西北有孤雲

九日作

白行簡

降慮意何如窮荒九日初三秋異鄉客一紙故人書  
對酒情無限開緘思有餘感時空寂寞懷舊幾躊躇

唐詩類苑

卷之二十二

二

鴈盡平沙迴煙銷大漠虛登高南望處掩淚對雙魚

九日

杜甫

故里樊川菊登高素漣源他時一笑後今日幾人存

巫峽瞿江路終南對國門繫舟身萬里伏枕淚雙痕

爲客裁烏帽從兒具綠樽佳辰對群盜愁絕更堪論

九日

德宗

禁苑秋來爽氣多昆明風動起滄波中流簫鼓誠堪

賞詎假橫汾發棹歌

九日

崔國輔

江邊楓落菊花黃少長登高一望鄉九日陶家雖載

酒三年楚客已沾裳

九日

王縉

莫將邊地比京都八月蒙霜草已枯今日登高樽酒裏不知能有菊花無

九日

元稹

今朝把酒復惆悵憶在杜陵田舍時明年九日知何處世難還家未有期

九日

杜牧

金英繁亂拂欄香明府辭官酒滿缸還有玉樓輕薄女笑他寒燕一雙雙

唐詩類苑

卷之三

王

九日

張諤

秋天林下不知春一種佳遊事也均絳紫從朝飛著夜黃花開日未成旬將衡栢樹頻驚馬半醉歸途數問人城遠登高併九日茱萸凡併幾年新

九日

杜甫

重陽獨酌盃中酒抱病起登江上臺竹葉於人既無分菊花從此不須開殊方日落玄猿哭舊國霜前白鴈來弟妹蕭條各何往干戈衰謝兩相催

九日

杜甫

去年登高鄴縣北今日重在涪江濱苦遭白髮不自

放羞見黃花無數新世亂替舊久爲客路難悠悠傷人酒闌却憶十年事腸斷驪山清路塵

九日

耿湋

重陽寒寺滿秋梧密在南樓顧老夫步蹇強登遊藻井髮稀那更挿茱萸橫空過雨千峰出大野新霜萬葉枯更望樽中菊花酒殷勤能得幾回沽

九日

李商隱

曾共山翁把酒時霜天白菊遶階墀十年泉下無消息九日樽前有所思不學漢臣栽苜蓿空教楚客詠江離郎君官貴施行馬東閣無因再得窺

唐詩類苑

卷之三

黃滔

九日

陽數重時陰數殘露濃風硬欲成寒莫言黃菊開晚獨占樽前一日歡

九日幸臨渭亭登高

并序

中宗

陶潛盈把既浮九醞之歡畢卓持螯須盡一生之興人題四韻同賦五言其最後成詩之引滿

九日正乘秋三杯興已周汎桂迎樽滿吹花向酒浮長房更早熟彭澤菊初收何藉龍沙上方得恣淹留奉和九日幸臨渭亭登高應制得枝字

韋安石

是宴也章安石蘓環詩最先成于經野盧懷慎最  
後成罰酒

重九開秋節得一動宸儀金風飄菊藥玉露滋萸枝  
睿覽八紘外天文七曜披臨深應在卽居高豈慮危  
奉和九日幸臨渭亭登高應制得暉字

蘇環

重陽早露晞睿賞瞰秋穢菊氣先薰酒萸香更襲衣  
清切絲桐會絳橫文雅飛甲效淺留得奉宸暉

奉和九日幸臨渭亭登高應制得歡字

李嶠

唐詩類苑

卷之三

五

令節三秋晚重陽九日歡僊杯還汎菊寶饌且調蘭  
御氣雲霄近乘高宇宙寬今朝萬壽別宜向曲中彈  
奉和九日幸臨渭亭登高應制得餘字

蕭至忠

望幸三秋暮登高九日初朱旗巡漢苑翠帟俯秦墟  
寵極更房遍恩深菊耐餘承歡何以答萬億奉宸居  
奉和九日幸臨渭亭登高應制得英字

竇希玠

鸞輿巡上苑鳳駕瞰層城御座丹鳥麗宸居白鶴驚  
玉旗縈桂葉金杯汎菊英九晨陪聖膳萬歲奉承明

奉和九日幸臨渭亭登高應制得深字

韋嗣立

層觀遠沈沈鑾旗九日臨行宮壓水岸步輦入煙岑  
枝上萸新採樽中菊始斟願陪歡樂事長與歲時深  
奉和九日幸臨渭亭登高應制得花字

趙彥伯

九日報僊家三秋轉翠華呼鷹下鳥路戲馬出龍沙  
簪挂丹萸杯涵紫菊花所願同微物年年共辟邪  
奉和九日幸臨渭亭登高應制得亭字

楊廉

唐詩類苑

卷之三

六

遠目瞰秦垌重陽坐灞亭旣開黃菊酒還降紫微星  
簫鼓迎僊曲山河入畫屏幸茲陪宴喜無以效丹青  
奉和九日幸臨渭亭登高應制得直字

李咸

重陽乘令序四野開晴色日月數初并乾坤聖登極  
菊黃迎酒汎松翠凌霜直遊海難爲深負山徒倦力  
奉和九日幸臨渭亭登高應制得筵字

閻朝隱

九九侍神僊高高坐半天文章三曜動氣色五星連  
簪紱趨皇極笙歌接御筵願因芳菊酒相守百千年

奉和九日幸臨渭亭登高應制得行字

沈佺期

御氣幸金方憑高薦羽觴魏文頒菊藥漢武賜萸囊  
去鶴留笙吹歸鴻識舞行臣懼重九慶日月奉天長  
奉和九日幸臨渭亭登高應制得時字

蘇頌

嘉會宜長日高遊順動時曉光雲外洗晴色雨餘滋  
降鶴因韶得吹花入御詞願陪陽數節億萬九秋期  
奉和九日幸臨渭亭登高應制得龍字

李義

唐詩類苑

卷之二十三

七

望幸紆千乘登高自九重臺疑臨戲馬殿似接疏龍  
捧篋更香徧稱觴菊氣濃更看僊鶴舞來此慶時雍  
奉和九日幸臨渭亭登高應制得臣字

陸景初

九秋光順豫重節霽良辰登高識漢苑問道侍軒臣  
菊花浮秬鬯更房挿綰紳聖化溢邊垂長洲鴻鴈賓  
奉和九日幸臨渭亭登高應制得月字

韋元旦

雲物開千里天行乘九月絲言丹鳳池旆轉雙龍闕  
灞水歡娛地秦京遊俠窟忻承解慍詞聖酒黃花發

奉和九日幸臨渭亭登高應制得高字

李適

禁苑秋光入宸遊霽色高萸房頌綵筭菊藥薦香醪  
後騎縈堤柳前旌拂御桃臣枚俱得從疎淺愧飛毫  
奉和九日幸臨渭亭登高應制得日字

鄭南金

重陽玉律應萬乘金輿出風起韻虞絃雲開吐堯日  
菊花浮聖酒茱萸香挂衰質欲知恩煦多順動觀秋實  
奉和九日幸臨渭亭登高應制得樽字

于經野

唐詩類苑

卷之二十三

八

御氣三秋節登高九曲門桂筵羅玉俎菊醴溢芳樽  
遵渚歸鴻度承雲舞鶴騫微臣濫陪賞空荷聖明恩  
奉和九日幸臨渭亭登高應制得還字

盧懷慎

時和素秋節宸豫紫機關鶴似聞琴至人疑宴鎬還  
曠望臨平野潺湲俯暝灣無因酬大德空此愧崇班  
奉和九月九日登慈恩寺浮圖應制共二十

六首

上官昭容 張錫

馬懷素 岑義 李迥秀

趙彥昭 樊忱 崔日用

楊庶李又李恒

盧藏用王景畢乾泰

辛替否解琬麴瞻

孫佺李從遠張景源

蕭至忠周利用李適

宋之問劉憲

奉和聖製閏九月九日登莊嚴總持二寺閣

一首

宋之問

奉和聖製閏九月九日幸總持寺浮圖應制

一首

李嶠

唐詩類苑

卷之三十一

九

以上詩共二十八首見寺觀部

九月九日

高宗

端居臨玉展永一作律啓金商鳳闕澄秋色龍闈引

夕涼野靜山氣斂林疎風露長砌蘭虧半影巖桂發

全香滿蓋荷彫翠圓花菊散黃揮鞭爭電烈飛羽亂

星光柳空穿石碎弦虛側月張怯猿啼落岫驚鴈斷

分行斜輪低夕景歸旆擁通莊

奉和九月九日應制

賀敬

商飈疑素籥玄覽實黃圖曉霜驚斷鴈晨吹結棲鳥

寒花低岸菊涼葉下庭梧澤宮申舊典相園叶前

玉砌分雕戟金溝轉鏤衢帶星飛夏箭映月上軒弧  
慶展簪裾洽恩融雨露濡天文發丹篆寶思掩玄珠  
承懼徒聳抃負弛竊忘軀

九日侍宴應制

崔國輔

運偶千年聖時傳九日神堯樽列鐘鼓漢關關鈞陳  
金錄三清降瓊筵五老巡始驚蘭佩出復詠栢梁新  
雲鴈樓前晚霜花酒裏春歡娛無限極書劍太平人  
九月九日勤政樓下觀百寮獻壽

御氣黃花節臨軒紫陌頭早陽生綵仗露色入僊樓

唐詩類苑

卷之三十一

十

獻壽皆鵷鷺瞻天盡冕旒菊樽過九日鳳曆肇千秋

樂奏薰風起杯酣瑞影收年年歌舞席此地慶皇休

豐年多慶九日示懷

德宗

爽氣肅時令早衣聞朔鴻重陽有佳節具物欣年豐

皎潔暮潭色芬敷新菊叢芳樽滿衢室繁吹疑煙空

惠合信吾道保和惟爾同推誠至玄化天下期爲公

奉和聖製九日言懷賜中書門下及百寮應

制

權德輿

令節在豐歲皇情喜久安絲竹調六律簪裾列千官

煙霜暮景清水木秋光寒筵開曲池上望盡終南端



天麗慶霄漢墨妙驚飛鸞願言黃花酒永奉公

九日陪登高

張說

重陽初啓節無射正飛灰寂寞風蟬至連翩霜鴈來  
山棠紅葉下岸菊紫花開今日桓公坐多愧孟嘉才

奉陪封大夫九日登高

岑參

九日黃花酒登高會共聞霜威逐亞相殺氣傷中軍  
橫笛驚征鴈嬌歌落塞雲邊頭幸無事醉舞荷吾君

九日登高

李頎

青山遠近帶皇州霽景重陽上北樓雨歇庭臯僊菊  
潤霜飛天苑御梨秋茱萸插鬢花宜賞翡翠橫銀鉤

唐詩類苑

卷之十三

十一

作愁謾說陶潛籬下醉何嘗得見此風流

登高

杜甫

風急天高猿嘯哀渚清沙白鳥飛迴無邊落木蕭蕭  
下不盡長江滾滾來萬里悲秋常作客百年多病獨  
登臺艱難苦恨繁霜鬢潦倒新亭濁酒杯

九日登高

嚴維

詩家九日憐芳菊逐客高齋瞰浙江漁浦浪花搖素  
壁西陵樹色入秋窻木奴向熟懸金實桑落新開濁  
玉缸四子醉時爭講德笑論黃霸屈爲邦

九日登山

李白

淵明歸去來不與世相逐爲無杯中物遂偶本州牧

因招白衣人笑酌黃花菊我來不得意虛過重陽時

題輿何俊發遂結城南期築土按響山俯臨宛水湄

胡人呌玉笛越女彈霜絲自作英王胄斯樂不可窺

赤鯉湧琴高白龜道冰夷靈僊如彷彿莫酌遙相知

古來登高人今復幾人在滄洲違宿諾明日猶可待

連山似驚波合沓出溟海揚袂揮四座酩酊安所知

齊歌送清觴起舞亂參差賓隨落葉散帽逐秋風吹

別後登此臺願言長相思

九月九日登龍山

張九齡

唐詩類苑

卷之十三

十二

郡庭常窘束涼野求昭曠楚客凜秋時桓公舊臺上

清明風日好歷落江山望極遠何蕭條中留坐惆悵

東彌夏首闊西拒荆門壯夷險雖異時古今豈殊狀

先賢眇不接故老猶可訪投弔傷昔人揮斤感前匠

自爲本疎散未始志幽尚陰會非有欲往來是無妄

爲邦復多幸去國殊遷放且泛籬下菊還令郢中唱

灌園亦何爲於陵乃逃相

宣城九日聞崔四侍御與宇文太守遊敬亭

余時登響山不同此賞醉後寄崔侍御二

首

李白

九日茱萸熟插鬢傷蚤白登高望山海滿目悲古昔  
遠訪投沙人因爲逃名客故交竟誰在獨有崔亭伯  
重陽不相知載酒任所適手持一枝菊調笑二千石  
日暮岸幘歸傳呼隘阡陌形襜雙白鹿賓從何輝赫  
夫子在其間遂成雲霄隔良辰與美景兩地方虛擲  
晚從南峰歸夢月下水壁却登郡樓望松色寒轉碧  
咫尺不可親棄我如遺鳥

九卿天上落五馬道傍來列戟朱門曉褰帷碧帳開  
登高望遠海召客得英才紫綬懽情洽黃花逸興催  
山從圖上見溪卽鏡中迴遙羨重陽作應過戲馬臺

唐詩類苑

卷之三十一

三

九日龍山飲

李白

九日龍山飲黃花笑逐臣醉看風落帽舞愛月留人  
桂州西山登高上陸大夫 戎 昱

登高上山上高處更堪愁野菊他鄉酒蘆花滿眼秋  
風煙連楚郡兄弟客荊州早晚朝天去親隨定遠侯  
九日陪潤州邵使君登北固山

張子容

五馬向山椒重陽坐麗譙徐州帶綠水楚國在青霄  
張幕連江樹開筵接海潮凌雲詞客語迴雪舞人嬌  
梅福慙僊吏羊公賞下僚新豐酒香美况是菊花朝

九月九日登玄武山旅眺 王勃

九月九日望鄉臺他日他鄉送客杯人情已厭南  
苦鴻鴈那從北地來

九月九日登玄武山旅眺 盧照隣

九月九日眺山川歸心歸望積風煙他鄉共酌金  
酒萬里同悲鳴鴈天

九月九日登玄武山旅眺 邵大震

九月九日望遙空秋水秋天生夕風寒鴈一向南飛  
遠游人幾度菊花叢

毘陵登高

章 碣

唐詩類苑

卷之三十一

十四

流落常嗟勝會稀故人相遇菊花時鳳笙龍笛數巡  
酒紅樹碧山無限詩塵土十分歸舉子乾坤大半屬  
偷兒長楊羽獵須留本開濟重爲闕下期

九日齊山登高

杜 牧

江涵秋影鴈初飛與客攜壺上翠微塵世難逢開口  
笑菊花須插滿頭歸但將酩酊酬佳節不用登臨恨  
落暉古往今來只如此牛山何必淚沾衣

九日登青山

朱 灣

昔人惆悵地繫馬又登臨舊處煙霞在多時草木深  
永將空合色雲共我無心想見龍山長亦空

九日登玉山

錢起

霞景青山上誰知此勝遊龍沙傳往事菊酒對今秋  
步石隨雲起題詩向水流忘歸更有處松下片雲幽

九日與楊凝崔淑期登江山有故不往

朱放

欲從攜手登高去一到門前意已無那得更將頭上  
髮學他年少挿茱萸

九日登巴陵置酒望洞庭水軍

李白

九日天氣清登高無秋雲造化闢川嶽了然楚漢分

唐詩類苑

卷之三

五

長風鼓橫波合沓蹙龍文憶昔傳遊豫樓船壯橫汾  
今茲討鯨鯢旌旆何繽紛白羽落酒樽洞庭羅三軍  
黃花不掇手戰鼓遙相聞劍舞轉頽陽當時日停曛  
酣歌激壯士可以摧妖氛齷齪則角切東籬下淵明不  
足群

九日登巴臺

白居易

黍香酒初熟菊暖花未開閒聽竹枝曲淺酌茱萸杯  
去年重陽日漂泊湓城隈今歲重陽日蕭條巴子臺  
旅餐尋已白鄉書久不來臨觴一搔首座客亦徘徊

九日巴丘登高

張均

客心驚暮序賓鴈下襄一作州共賞重陽節言尋戲

馬遊湖風秋成柳江雨暗山樓且酌東籬菊聊祛南

國愁

九日同司直九叔崔侍御登寶鷄南樓

盧綸

把菊歎將老上樓悲未還短長新白髮重疊舊青山  
霜氣清衿袖琴聲引醉顏竹林唯七友何幸亦登攀

九日登樟亭驛樓

許渾

鱸膾與蓴羹西風片席輕潮回孤鳥晚一作雲斂衆  
山晴丹羽下高閣黃花垂古城因秋倍多感鄉樹接

唐詩類苑

卷之三

十六

咸京

九日登李明府北樓

劉長卿

九日登高望蒼蒼遠樹低人煙湖草裏山翠縣樓西  
霜降鴻聲切秋深客思迷無勞白衣酒陶令自相攜

九日奉陪侍郎登白樓

盧綸

碧霄孤鶴發清音上宰因添望闕心埤垠三層連步  
障茱萸一朵映華簪紅霞似綺河如帶白露團珠菊  
散金此日所從何所問儼然冠蓋擁成林

和趙端公九日登石亭上和州家兄

盧綸

洛浦想江津悲懼共此晨採花湖岸菊望國舊恨人  
鴈別聲偏苦松寒色轉新傳書問漁叟借寇爾何因  
九日陪元魯山登北城留別七首

蕭穎士

山縣遶古堞悠悠天登望兩餘秋天高目盡無隱狀

二

綿連湟川迥杳渺鴉路深彭澤興不淺臨風動歸心

三

賴茲琴堂暇傲睨傾菊酒人知歲已登從政復何有

四

唐詩類苑

卷之三

十七

遠山十里碧一道銜長雲青霞半落日混合疑暗暝

五

漸聞棲林羽坐歎清夜月中歡愴有違行子念明發

六

僅能泯寵辱未免傷別離江湖不可忘風雨勞相思

七

明時當盛才短伎安所試何日謝百里從君漢之滋

九日登梓州城

杜甫

伊昔黃花酒如今白髮翁追歡筋力異望遠歲時同  
弟妹悲歌裏朝廷醉眼中兵戈與關塞此日意無窮

九日登叢臺

王建

平原池閣在誰家雙塔叢臺野菊花零落故宮無人  
路西來澗水繞城斜

九日登望德臺仍呈劉明府容

崔曙

漢文皇帝有臺此日登臨曙色開三晉雲山皆北  
向二陵風雨自東來關門令尹誰能識河上僊翁去  
不回我欲近尋彭澤宰陶然共醉菊花杯

九日登西原宴望

白居易

病愛枕席涼日高眠未覺弟兄呼我起今日重陽節

唐詩類苑

卷之三

十八

起登西原望懷抱同一豁移坐就菊叢餽酒前羅列  
雖無絲與管歌笑情自發白日未及傾顏酡耳已熱  
酒酣四向望六合何空濶天地自久長斯人幾時活  
請看原下村村人死不歇一村四十家哭哭無虛月  
指此各相勉良辰且歡悅

重九日宴江陰

杜審言

蟋蟀期歸晚茱萸節候新降霜青女月送酒白衣人  
高興要長壽卑棲隔近臣龍沙卽此地舊俗坐爲隣  
同崔員外恭毋拾遺九日宴京兆府李士曹

高適

今日好相見群賢仍廢曹晚晴催翰墨秋興引風騷  
絳葉擁虛砌黃花隨濁醪閉門無不可何事更登高

雲安九日鄭十八攜酒陪諸公宴

杜甫

寒花開已盡菊蕊獨盈枝舊摘人頻異輕香酒暫隨  
地偏初衣袂山擁更登危萬國皆戎馬酣歌淚欲垂

九日奉陪侍中宴白樓

盧綸

露白菊氛氲西樓盛襲文王筵秋令節金鉞漢元勳  
說劍風生座抽琴鶴遶雲謏儒無以答願得備前軍

九月九日李蘇州東樓宴

獨孤及

唐詩類苑

卷之三十一

九

是菊花開日當君乘興與秋風前孟嘉帽月下庾公樓

酒解留征客歌能破別愁醉歸無以贈祇奉萬年酬

九日陪崔峒郎中北山宴

嚴維

上客南臺至重陽此會文菊芳寒露洗杯翠夕陽曛  
務簡人同醉溪閒鳥自群府中官最小唯有孟參軍

九日奉陪侍中宴後亭

盧綸

玉壺傾菊酒一顧得淹留彩筆徵枚叟華筵舞莫愁  
管絃能駐景松桂不停秋爲謝蓬蒿輩如何霜霰稠

九日陪劉中丞宴送客

朱放

獨坐三臺妙重陽百越間水心觀遠俗霜氣入秋山

不棄遺簪舊寧辭落帽還仍聞西上客咫尺謁天顏

岳州九日宴道觀西閣

張說

搖落長年嘆蹉跎遠宦心北風嘶代馬南浦宿陽禽  
佳此黃花酌歡餘白首吟涼雲靈楚望濛雨蔽荆岑

登眺思清景誰將卷濁陰釣譚出江霧樵唱入山林  
魚爲嘉名採木爲美材留爲洞庭觀望古意何深

大道由中悟逍遙匪外尋參佐多君子詞華妙賞音

九日峴山宴

孟浩然

宇宙誰開闢江山此鬱盤登臨千古用風俗歲時觀  
地理荊州分天涯楚塞寬百城今刺史華省舊郎官

唐詩類苑

卷之三十一

二十

共美重陽節俱懷落帽歡酒邀彭澤載琴輟武城彈

獻壽先浮菊尋幽或藉蘭煙虹鋪藻翰松竹挂衣冠

叔子神如在山公興欲闌傳聞車馬醉還向習池看

奉陪李大夫九日龍沙宴會

權德輿

龍沙重九會千騎駐旌旗水木秋光淨絲桐雅奏遲  
煙蕪斂暝色霜菊發寒姿今日從公醉全勝落帽時

九日陪樊尚書龍山宴集

楊衡

孟嘉從宴地千乘復登臨緣危降高步憑曠寫幽襟  
黃花翫初馥翠物喜盈斟雲雜組繡色樂和山水音

柿搖秋吹急筵卷夕光沈都人瞻騎火猶知隔寺深

九日衛使君筵上作

武璫

佳晨登賞喜還鄉謝宇開筵前興長滿眼黃花初泛  
酒隔煙紅樹欲迎霜千家門戶笙歌發十里江山白  
鳥翔共賀安人豐樂歲幸陪珠履侍銀章

九日宴集醉題郡樓兼呈周殷二判官

白居易

前年九日餘杭郡呼賓命宴虛白堂去年九日到東  
洛今年九日來吳鄉兩邊蓬鬢一時白三處菊花同  
色黃一日日知添老病一年年覺惜重陽江南九月

唐詩類苑

卷之三

三

未搖落柳青蒲綠稻穗香姑蘇堂榭倚蒼靄太湖山  
水含清光可憐假日好天色公門吏靜風景涼榜舟  
鞭馬取賓客掃樓拂席排壺觴胡琴錚鏦指撥刺吳  
娃美麗眉眼長笙歌一曲思凝絕金鈿再拜光低昂  
日脚欲落備燈燭風頭漸高加酒漿觥盞灑翻菡萏  
葉舞髮擺落茱萸房半酣憑檻起四顧七堰八門十  
六坊遠近高低寺間出東西南北橋相望水道脉分  
淅鱗次里閭碁布城冊方人煙樹色無隙罅十里一  
片青茫茫自問有何才與政高廳大館居中央銅魚  
今乃澤國節刺史是古吳郡王郊無戎馬郡無事門

有榮戟腰有章盛時儻來合慙愧壯歲忽去還感傷  
從事醒歸應不可使君醉倒亦何妨諸君停杯聽我  
語此語真實非虛狂五旬已過不爲天七十爲期蓋  
是常須知菊酒登高會從此多無二十場

九日宴

張諤

秋葉風吹黃颯颯晴雲日照白鱗鱗歸來得問茱萸  
女今日登高醉幾人

九日對酒

元稹

佳辰復遇登高臺良朋笑語傾金壺煙攤秋色正堪  
翫風惹菊香無限來未保亂離今日後且謀歡恰玉

唐詩類苑

卷之三

三

山頽誰知靖節當時事空學狂歌倒載迴

杜甫

九日明朝是相要舊俗非老翁難早出賢客幸知歸  
舊米黃花賸新梳白髮微謾看年少樂忍淚已沾衣

九月九日劉十八東堂集

李頎

風俗尚九日此情安可忘菊花辟惡酒湯餅茱萸香  
雲入授衣假風吹閒宇涼主人盡歡意林景晝微茫  
清切晚砧動東西歸鳥行淹留悵爲別日醉秋雲光  
九日使君席奉餞衛中丞赴長水

岑參

節使橫行西出師鳴弓擐甲羽林兒臺上霜風凌草木軍中殺氣傷旌旗預知漢將宣威日正是胡塵欲滅時爲報使君多泛菊更將絃管醉東籬

九日送人

李嘉祐

晴景應重陽高臺愴遠鄉水澄千室倒霧卷四山長受節人逾老驚寒菊半黃席前愁此別未別已沾裳

九日送人

司空曙

送人冠獬豸值節佩茱萸均賦徵三壤登車出五湖水風淒落日岸葉飄衰蕪自恨塵中使何因在路隅

九日送人

劉昫

唐詩類苑

卷之三十一

三十一

海上正搖落客中還別離同舟去未已遠送新相知流水意何極滿尊徒爾爲從來菊花節早已醉東籬和司空曙劉昫九日送人

孫昌胤

京邑歎離群江樓喜遇君開筵當九日泛菊外浮雲朗詠山川霽酣歌物色曛君看酒中意未肯喪斯文

九日送別

王之渙

薊庭蕭瑟故人稀何處登高且送歸今日暫同芳菊酒明朝應作斷蓬飛

九日贈司空文明

李端

我有惆悵詞待君醉時說長來逢九日難與菊花別摘却正開花暫言花未發

答王無功九日

崔善爲

秋來菊花氣深山客重尋露葉疑涵玉風花似散金摘來還汎酒獨坐卽徐斟王弘貪自醉無復覓楊林

九月九日酬顏少府

高適

簷前白日應可惜離下黃花爲誰有行子迎霜未授衣主人得錢始沽酒蘇秦頗賴人多厭蔡澤棲遲世看醜縱使登高只斷腸不如獨坐空搔首

九日楊奉先會白水崔明府

唐詩類苑

卷之三十一

三十一

杜甫

今日潘懷縣同時陸淩儀坐開桑落酒來把菊花枝天宇清霜淨公堂宿霧披晚酣留客舞鳧舄共差池

九日寄岑參

杜甫

出門復入門雨脚但仍舊所向泥活活思君令人瘦泥吟坐秋軒飯食錯昏晝寸步曲江頭難爲一相就吁嗟乎蒼生稼穡不可救安得誅雲師疇能補天漏大明韜日月曠野號禽獸君子強逶迤小人困馳驟維南有崇山恐與川浸溜是節東籬菊紛披爲誰秀岑生多新語性亦嗜醇酎采采黃金花何由滿衣袖



九日寄姪荪箕等

錢起

采菊偏相憶傳香寄便風今朝竹林下莫使桂鑪空

九日奉寄嚴大夫

杜甫

九日應愁思經時冒險艱不眠持漢節何路出巴山  
小驛香醪嫩重巖細菊斑遙知簇鞍馬迴首白雲間

龍沙作寄劉大

孟浩然

龍沙豫章北九日挂帆過風俗因時見湖山發興多  
客中誰送酒棹裏自成歌歌竟乘流去酒滔任夕波

九日閑居寄登高數子

錢起

初服棲窮巷重陽憶舊遊門閒謝病日心醉授衣秋

唐詩類苑

卷之三十一

酒盡寒花笑庭空暝雀愁今朝落帽客幾處管絃留

九日寄鄭豐

皇甫冉

重陽秋已晚千里信仍稀何處登高望知君正憶歸  
還當採時菊定未授寒衣欲識離居恨郊園正掩扉

九日寄行簡

白居易

摘得菊花攜得酒遶村騎馬思悠悠下邳田地平如  
掌何處登高望梓州

九日寄微之

白居易

眼暗頭風事事妨遠催新菊爲誰黃閑遊日久心慵  
倦憤飲年深肺損傷吳郡兩迴逢九月越州四度見

重陽怕飛盃酒多分數厭聽笙歌舊曲章蟬蟀聲寒  
初過雨茱萸色淺未經霜去秋共數登高會又被今  
年減一場

九日偶懷寄左省張起居

鄭谷

令節爭歡我獨閒荒臺盡日向晴山渾無酒汎金英  
菊謾道官趨玉笋班深愧青莎迎野步不堪紅葉照  
衰顏羨君官重多吟興醉帶東陂落照還

九日思杭州舊遊寄周判官及諸客

白居易

忽憶郡南山頂上昔時同醉是今辰笙歌委曲聲延  
唐詩類苑

卷之三十一

三六

耳金翠動搖光照身風景不隨宮相去歡娛應逐使  
君新江山賓客皆如舊唯是當筵換主人

擬江合於長安歸揚州九日二首

許敬宗

本逐征鴻去還隨落葉來菊花應未滿請待詩人開

二

遊人倦蓬轉鄉思逐鴻來徧想臨潭菊芳藥對誰開

九日至微山亭

許敬宗

心逐南雲逝形隨北鴈來故鄉籬下菊今日幾花開  
湘州九日城北亭子

張說



西楚茱萸節南淮戲馬臺寧知洹水上復有菊花杯  
亭帳憑高出親遊自遠來短歌將急景同使興情催

九日落東亭

司空曙

風息斜陽盡遊人曲落間採花因覆酒行草轉看山  
柳散新霜下天晴早鴈還傷秋非騎省玄髮白成斑

九日岳陽待黃遂張渙

劉長卿

別君頗已久離念與時積楚水空浮煙江樓望歸客  
徘徊正佇想髮髯如暫覲心目徒自親風波尚相隔  
青林泊舟處猿鳥愁孤驛遙見郭外山蒼然雨中夕  
季鷹久疎曠叔度早疇昔及棹來何遲花似君猶

唐詩類苑

卷之十三

三

九日澧上作寄崔主簿倬二李端繫

韋應物

凄凄感時節望望臨澧溪翠嶺明華秋高天澄遠澤  
川寒流愈迅霜交物初委林葉索已空晨禽迎颺起  
時菊乃盈汎濁醪自爲美良遊雖可娛殷念在之子  
人生不自省營欲無終已孰能同一酌陶然冥斯理

九日曲江

杜甫

綴席茱萸好浮舟菡萏衰秋時欲半九日意兼悲  
江水平源遠荆門遠知曉來高處盡搖蕩菊花期

九日廣陵道中

羅隱

秋山抱病何處登前時韋曲今廣陵廣陵大醉不解  
悶韋曲舊遊堪拊膺佳節縱饒隨分過流年無奈得  
人憎却驅羸馬向前去牢落路岐非所能

唐詩類苑卷第二十三

明雲間張之象玄超甫纂輯

雲間張所敬長輿甫編次

雲間王徹叔朗甫補訂

梁谿曹仁孫伯安甫校正

歲時部

九月九下

行軍九日思長安故園 岑參

強欲登高去無人送酒來遙憐故園菊應傷戰場開

九日懷襄陽 孟浩然

唐詩類苑 卷之二十三

去國已如昨倏然經杪秋峴山不可見風景令人愁

誰采籬下菊應闌池上樓宜城多美酒歸與葛強遊

九日和于使君思上京親故

僧靈澈

清晨有高會賓從出東方楚俗風煙古汀洲草木涼

山清來遠思菊意在重陽心憶華池上從容鴛鴦行

九日有懷 僧皎然

霽景滿水國我公望江城碧山與黃花爛熳多秋情

搖落見松柏歲寒比忠貞歡娛在鴻都是日思朝英

九月九日憶山東兄弟 王維

獨在異鄉爲異客每逢嘉節倍思親遙知兄弟登高處遍插茱萸少一人

禁中九日對菊酒憶元九 白居易

賜酒盈杯誰共持宮花滿把獨相思相思只傍花邊

立盡日吟君詠菊詩

九日小園獨謔贈門下武相公

李吉甫

小園休沐暇暫與故山期樹杪懸丹棗苔陰落紫梨

舞叢新菊徧繞樹古藤垂受露紅蘭晚迎霜白薤肥

上公留鳳沼巨劍侍清祠應念端居者長慙補袞詩

唐詩類苑 卷之二十三

九日田舍

錢起

今日無家野興偏東籬黃菊映秋田浮雲暝鳥飛將

盡始達青山新月前

九日藍田崔氏莊

杜甫

老去悲秋強自寬興來今日盡君歡羞將短髮還吹

帽笑倩傍人爲正冠藍水遠從千澗落玉山高並兩

峯寒明年此會知誰健醉把茱萸仔細看

九日進茱萸山詩五首 張說

家居洛陽下學日見嵩山刻作茱萸節情生造化間

二

黃花宜泛酒青嶽好登高稽首明庭內心爲天下勞

三

菊酒攜山客萸囊繫牧童路疑隨大塊心似問鴻蒙

四

九日重陽數三秋萬寶成時來謁軒后罷去坐蓬瀛

五

晚節歡重九高山上五千醉中知遇聖夢裡見尋儔

朱萸安

萬楚

山陰柳家女九日採茱萸復得東鄰雙爲陌上姝  
插枝著高髻結子致長裾作性常遲緩非關吒丈夫

唐詩類苑

卷之三十三

三

平生折林樾日入返城隅賈客要羅袖行人挑短書

蛾眉自有王年少莫踟躕

重陽

高適

節物驚心兩鬢華東籬空繞未開花百年將半仕三

已五畝就荒天一涯豈有白衣來剝啄亦從烏帽自

欹斜真成獨坐空搔首門柳蕭蕭噪暮鴉

重陽

僧清塞

雲木疎黃秋滿川茱萸風裏一樽前幾回爲客逢佳

節曾見何人再少年霜報征衣冷鍼指鴈驚幽隱泣

雲泉古來醉樂皆難得留取窮通委上天

奉和聖製重陽節宰臣及群官上壽應制

王維

四海方無事三秋大有年百生逢此日萬壽願齊天  
芍藥和金鼎茱萸插玳筵玉堂開右个天樂動宮懸  
御柳疎秋景城烏拂曙煙無窮菊花節長奉栢梁篇  
重陽日中外同歡以詩言志因示群官

德宗

爽節在重九物華新雨餘清秋黃葉下菊散金潭初  
萬實行就給百工欣所如歡心暢遐邇殊俗同車書  
至化自雍睦佳辰宴宴宵銷銘同絲竹濟濟羅簪裾  
唐詩類苑

卷之三十三

四

此樂匪足耽此誠期永孚

奉和聖製重陽日中外同歡以詩言志因示

群臣

權德輿

玉醴宴嘉節拜恩歡有餘煌煌菊花秀靚馥萸房舒  
白露秋稼熟清風天籟虛和聲度簫韶瑞氣深儲胥  
百辟皆醉止萬方今晏如宸衷在化成藻思煥瓊琚  
微臣徒竊抃豈足歌唐虞

重陽日卽事

德宗

令節曉澄霽四郊煙靄空天青白露潔菊散黃金叢  
寡德荷天貺順時休百工豈懷歌鐘樂思爲君臣同

至化在亭育相成資始終未知康衢詠所仰惟年豐  
奉和聖製重陽日卽事六韻

權德輿

嘉節在陽數至歡朝野同恩隨千鍾洽慶屬五稼豐  
時菊洗露華秋池涵霽空金絲響僊樂劒舄羅群公  
天道光下濟賡歌敷大中多慙擊壤曲何以達堯聰  
奉和聖製豐年多慶九日示懷

權德輿

寒露應秋節清光澄曙空澤均行葦厚年慶黍禾豐  
聲名暢八表宴喜陶九功文麗日月合樂和天地同  
唐詩類苑 卷之三十三 五

聖旨推誠臣職事匪躬瑣細何以報剏飛淳化中  
奉和聖製重陽賜會聊示所懷

李泌

大唐造昌運品物荷時成乘秋逢令節錫宴歡群情  
俯臨秦山川高會漢公卿未追赤松子且泛黃菊英  
賡歌聖人作海內同休明

奉和聖製重陽日百寮曲江宴示懷

崔元翰

偶聖覩昌期受恩慙弱質幸逢良宴會況是清秋日  
遠岫對靈瀉沈澗映綈綬魚烹備豐膳象鳳調鳴律

薄劣廁英髦歡娛忘衰疾平臯行鴈下曲渚雙鳬出  
沙岸菊開花霜枝果垂實天文見成象帝念資勤恤  
探道得玄珠齋心居特室豈如橫汾唱其事徒驕逸

奉和聖製重陽日賜宴

韋應物

聖心憂萬國端居在穆清玄功致海晏錫誡表文明  
恩屬重陽節雨應此時晴寒菊生池苑高樹出宮城  
捧藻千官處垂戒百王程復觀開元日臣愚獻頌聲

重陽日訪元秀上人

鄭谷

紅葉黃花秋景寬醉吟朝夕在樊川却嫌今日登山  
俗且共高僧對榻眠別盡長懷吳寺壁宜茶偏賞雪  
唐詩類苑 卷之三十三 六

溪泉歸來童稚爭相笑何事無人與酒船

喜呈駕小儀重陽相訪

司空圖

白菊初開卧內明聞君相訪病身輕樽前且撥傷心  
事谿上還隨覓句行幽鶴傍人疑舊識殘蟬噪日向  
新晴擬將寂寞同畱住且勸康時立大名

重陽日酬李觀

皇甫冉

不見白衣來送酒但令黃菊自開花愁看日晚良辰  
過步步行尋陶令家

婺州水館重陽日作

韋莊

異國逢佳節憑高獨苦吟一杯今日酒萬里故鄉心

水館紅蘭合山城紫菊深白衣雖不至鷗鳥自相尋

重陽日鄂城樓送屈突司直

劉長卿

秋江渺渺水空波越客孤舟欲榜歌手折衰楊悲老大故人零落已無多

同徐侍郎五雲溪新庭重陽宴作

獨孤及

萬峯蒼翠色雙溪清淺流已符東山趣況值江南秋白露天地蕭黃花門館幽山公惜美景肯爲芳樽留五馬照池塘繁絃催獻酬臨風立嘉帽乘興李膺舟

唐詩類苑

卷之三

七

騁望傲千古當歌遺四愁豈令求和人獨擅山陰遊

奉和嚴司空重陽日同崔常侍崔郎中及諸

公登龍山落帽臺佳宴 元稹

謝公秋思眇天涯蠟屐登高爲菊花貴重近臣光綺席笑憐從事落烏紗更房暗綻紅珠朶著椀寒供白露芽詠碎龍山歸去號馬奔流電妓奔車

重陽日寄浙東諸從事 李郢

野人多病門長掩荒圃重陽菊自開愁裏又聞清笛怨望中難見白衣來元瑜正及從軍樂寧戚誰憐叩角哀紅柿紛紛碧江暮知君醉下望鄉臺

奉陪裴相公重陽日游安樂池亭

李郢

絳霄輕靄翊三台嵇阮情懷管樂才蓮沼昔爲王儉府菊籬今作孟嘉杯寧知北闕元勳在却引東山舊客來自笑吐茵還醉酹日斜空從絳衣迴

重陽阻雨

魚玄機

滿庭黃菊籬邊拆兩朵芙蓉鏡裏開落帽臺前風雨阻不知何處酹金杯

重陽日至峽道

張籍

無限青山行已盡迴看忽覺遠離家逢高欲飲重陽

唐詩類苑

卷之三

八

酒山菊今朝未有花

旅中過重陽

朱慶餘

一歲重陽至羈遊在異鄉登高思舊友滿目是窮荒草際飛雲片天涯落鴈行故山籬畔菊今日爲誰黃

重陽感懷二首

劉兼

重陽不忍上高樓寒菊年年照暮秋萬疊故山雲總隔兩行香淚血和流黃茅莽莽連邊郡紅葉紛紛落釣舟歸計未成年漸老茱萸羞戴雪霜頭載花乘酒上高山四望秋空八極寬蜀國江山存不得劉家豚犬取何難

木寒獨對斜陽更惆悵錦江東注似波瀾

九月八日河亭晚望 白居易

風轉雲頭斂煙銷水面開晴虹橋影出秋鴈聲來  
郡靜官初罷鄉還信未迴明朝是重九誰勸菊花杯

九月八日酬皇甫十見贈 白居易

君方對酒綴詩章我正持齋坐道場處處追遊雖不  
去時時吟詠亦無妨霜蓬舊贊三分白露菊新花一  
半黃惆悵東籬不同醉陶家明日是重陽

九月十日 僧皎然

愛寄柴桑隱名溪近訟庭掃沙開野步搖舸出閑汀

唐詩類苑 卷之三十三 九

宿商邀詩伴餘花在酒瓶悠然南望意自有峴山青

九月十日卽事 李白

昨日登高罷今朝再舉觴菊花何太苦遭此兩重陽

九月十日卽事 嚴維

家貧惟種竹時幸故人看菊度重陽少林經閨月寒  
宿醒猶落帽華髮強扶冠美景良難得今朝更盡歡

閏九月九日獨飲 白居易

黃花叢畔綠樽前猶有些些舊管絃偶遇閏秋重九  
日東籬獨酌一陶然自從九月持齋戒不醉重陽十

五年

小雪

小雪日戲題絕句 張登

甲子徒推小雪天刺梧猶綠槿花然融和長養無時  
歇却是炎洲雨露偏

冬至

小至 杜甫

天時人事日相催冬至陽生春又來刺繡五紋添弱  
線吹葭六琯動飛灰岸容待臘將舒柳天意衝寒欲  
放梅雲物不殊鄉國異教兒且覆掌中杯

冬至 杜甫

唐詩類苑 卷之三十三 十

年年至日長爲客忽忽窮愁泥殺人江上形容吾獨  
老天涯風俗自相親杖藜雪後臨丹壑鳴玉朝來散

紫宸心折此時無一寸路迷何處見三秦

南至日太史登臺書雲物 裴達

圓丘纔展禮佳氣近初分太史方簪筆高臺紀彩雲  
天容一作煙空和縹緲曉色共氛氲道泰資賢輔年豐荷

聖君恭惟同國瑞兼用察人文應念懷鉛客終朝望

碧霧

南至日太史登臺書雲物 千尹躬

至日行時令登臺約祖文官稱伯趙氏色辨五方雲

晝露聽初發，陽光望漸分。司天爲歲備，持簡出人羣。  
惠愛周微物，生靈荷聖君。長當有嘉瑞，郁郁復紛紛。  
南至日，隔仗望含元殿爐煙。

崔立之

千官賀長至，萬國拜含元。隔仗爐光出，浮霜煙氣翻。  
飄飄紫內殿，漠漠澹前軒。聖日開如捧，卿雲近欲渾。  
輪囷灑宮闕，蕭索散乾坤。願惹天風便，披香奉至尊。  
南至日，隔仗望含元殿爐煙。

裴次元

晃旒初負辰，丹服盡朝天。暘谷初移日，金爐漸起煙。  
唐詩類苑 卷之二十三 十一

芬馨流遠近，散漫入貂蟬。霜仗凝逾白，朱欄映轉鮮。  
始看浮闕在，稍見逐風遷。爲沐皇家慶，來瞻羽衛前。  
南至日，隔仗望含元殿爐煙。

王良士

抗殿疏龍首，高高接上玄。節當南至日，星是北辰天。  
霜戟羅仙仗，金爐引御煙。霏微雙闕麗，溶曳九門連。  
拂曙祥光滿，分晴瑞色鮮。一陽今在曆，生植願陶甄。

長至上公獻壽

張叔良

鳳闕晴鐘動，鷄人曉漏長。九重初啓鑰，三事正稱觴。  
日至龍顏近，天旋聖曆昌。休光連雪淨，瑞氣雜爐香。

化被君恩洽，恩霑士庶康。不因稽舊典，誰得紀朝章。

長至上公獻壽

崔琮

應曆三陽首，朝天萬國同。斗邊看子月，臺上候祥風。  
五夜鏡初曉，千門日正融。玉堦文物盛，仙仗武貔雄。  
率舞皆群辟，稱觴卽上公。南山爲聖壽，長對未央宮。

長至上公獻壽

李竦

候曉金門闕，乘時寶曆長。羽儀瞻上宰，雲物麗初陽。  
漢禮方傳佩，堯年正捧觴。日行臨觀闕，帝錫洽珪璋。  
盛美超三代，供休降百祥。自憐朝不坐，空此詠無疆。

長至上公獻壽

白敏中

唐詩類苑

卷之二十三

十一

候曉天門闕，朝天萬國同。瑞雲昇觀闕，香氣映華宮。  
日色臨仙禁，龍顏對昊宮。羽儀瞻百姓，獻壽侍三宮。  
化被君王洽，恩沾草木豐。自欣朝玉座，宴此詠皇風。  
訓陳翊郎中冬至攜柳郎賓郎歸河中舊居

見寄

盧綸

三旬一休沐，清景滿林廬。南郭群儒從，東牀兩客居。  
燒煙浮雪野，麥隴潤冰渠。斑白皆持酒，蓬茅盡有書。  
終期買寒渚，同此利蒲魚。

至日遣興奉寄北省舊閣老兩院故人二首

杜甫

去歲茲辰捧御牀五更三點入鵷行欲知趨走傷心地正想氤氲滿眼香無路從容陪語笑有時顛倒著衣裳何人錯憶窮愁日愁日愁隨一線長

憶昨逍遙供奉班去年今日侍龍顏麒麟不動爐煙上孔雀徐開扇影還玉几由來天北極朱衣只在殿中間孤城此日堪腸斷愁對寒雲雪滿山

冬至夜寄京師諸弟兼懷崔都水

韋應物

理郡無異政所憂在素餐徒令去京國羈旅當歲寒子月生一氣陽景極南端已懷時節感更抱別離酸

唐詩類苑

卷之三十三

三

私燕席云罷還齋夜方闌遽幕沈空宇孤燭照牀單應同茲夕念寧忘故歲歡川塗恍悠邈涕下一闌干

冬至夜

白居易

老去襟懷常濩落病來髮鬢轉蒼浪心灰不及爐中火鬢雪多於砌下霜三峽南賓城最遠一年冬至夜偏長今朝始覺房櫳冷坐索寒衣說孟光

日南至

獨孤鉉

玉曆班窮律凝陰發一陽輕暉猶惜短桂影漸欣長晷度經雨半流晶蓋北堂乍疑周戶耀可愛逗林光積雪消微照初萌動渺茫更昇臺上望雲物已昭彰

和湖州杜員外冬至日白蘋洲見憶

李郢

白蘋亭上一陽生謝眺新裁錦繡成千嶂雪銷溪影綠幾家梅綻海波清已知鷗鳥長來狎可許汀洲獨有名多愧龍門重招引卽拋田舍棹舟行

至後

杜甫

冬至至後日初長遠在劔南思洛陽青袍白馬有何意金谷銅駝非故鄉梅花欲開不自覺棣萼一別永相望愁極本憑詩遣興詩成吟咏轉淒涼

歲除

唐詩類苑

卷之三十三

古

除夜

太宗

歲陰窮暮紀獻節啓新芳冬盡今宵促年開明日長水消出鏡水梅散入風香對此歡終宴傾壺待曙光

除夜

王諶

今歲今宵盡明年明日催寒隨一夜去春逐五更來氣色空中改容顏暗裏回風光人不覺已入後園梅

除夜

白居易

薄晚支頤坐中宵枕臂眠一從身去國再見日周天老度江南歲春拋渭北田潯陽來早晚明日是三年

除夜

白居易



歲暮紛多思天涯渺未歸老添新甲子病減舊容輝  
鄉國仍留念功名已息機明朝四十九應轉悟前非

除夜

方干

永懷難自問此夕衆愁興曉韻侵春角寒光隔歲燈  
心燃一寸火淚結兩行冰煦育誠非遠陽和又欲昇

除夜

曹松

殘臘卽又盡東風應漸聞一宵猶幾許兩歲欲平分  
燦暗傾時斗春通綻處芬明朝遙把酒先合祝吾君

歲除夜

羅隱

官歷行將盡村醪強自傾厭寒思暖律畏老惜殘更  
唐詩類苑卷之三十三

歲月已如此寇戎猶未平兒童不諳事歌吹待天明

除夜作

高適

旅館寒燈獨不眠客心何事轉悽然故鄉今夜思千  
里霜鬢明朝又一年

除夜

白居易

病眼少眠宜守歲老心多感又臨春火銷燈盡天明  
後便是平頭六十人

除夜

方干

玉漏斯須欲遠晨四時吹轉任風輪寒燈短燼方燒  
臘盡角新聲已報春明日便爲今歲客昨朝猶是少

年人新正定數隨年減浮世唯應百遍新

三年除夜

白居易

晰晰燎火光氤氲臘酒香咄咄童稚戲超超歲夜長  
堂堂書帳前長幼合成行以我年最長次弟來稱觴

七十期漸近萬緣心已忘不唯少歡樂兼亦無悲傷  
素屏應居士青衣侍孟光夫妻老相對各坐一繩牀

和白樂天除夜

牛僧孺

惜歲歲今盡少年應不知淒涼數流輩歡喜見孫兒  
暗減一身力潛添滿鬢絲莫愁花笑老花自幾多時

和除夜作

白居易

君賦此詩夜窮陰歲之餘我和此詩日微和春之初  
老知顏狀改病覺支體虛頭上毛髮短口中牙齒疎

一落老病界難逃生死墟况此促促世與君多索居  
君在浙江東榮駕方伯與我在魏闕下謬乘大夫車

妻孥常各飽奴婢亦盈廬唯是利人事此君全不如  
我統十郎官君領百吏胥我掌四曹局君管十鄉閭

君爲父母君大惠在資儲我爲刀筆吏小惡乃誅鋤  
君提七郡籍我按三尺書俱已佩金印掌同趨玉除

外寵信非薄中懷何不揔恩光未報答日月空居諸  
磊落嘗許君跼促應笑予所以自知分欲先歌歸歎

除夜樂城逢孟浩然 張子容

遠客襄陽郡來過海畔家樽開栢葉酒燈發九枝花  
妙曲逢盧女高才得孟嘉東山行樂意非是競繁華

除夜樂城逢張子容二首 孟浩然

雲海訪旣閩風潮泊島濱何知歲除夜得見故鄉親  
子是乘槎客予爲失路人平生復能幾一別十餘春

二

疇昔通家好相知無間然續明催畫燭守歲接長筵  
舊曲梅花唱新正栢酒傳客行隨處樂不見度年年

和劉谷除夜見寄

唐詩類苑

卷之二十三

七

灞上家殊遠爐前酒易曛劉郎亦多恨詩憶故山雲

除夜寄張達

羅隱

梅花已著眼竹葉況粘唇只此畱殘歲那堪憶故人  
亂催書不達衰病日相親江浦思歸意明朝又一春

除夜寄弟妹

白居易

感時思弟妹不寐百憂生萬里經年別孤燈此夜情  
病容非舊日歸思逼新正早晚重歡會羈離各長成

除夜寄微之

白居易

鬢毛不覺白髮珍一事無成百不堪共惜盛時辭闕  
下同嗟除夜在江南家山泉石尋常憶世路風波仔

細語老校於君合先退明年半百又加三

和劉夢得歲夜懷友

盧貞

文翰走天下琴樽卧洛陽貞元朝士盡新歲一悲涼  
名早緣才大官遲爲壽長時來知病已莫歎步趨妨

歲除夜有懷

孟浩然

迢遞三巴路羈危萬里身亂山殘雪夜孤燭異鄉人  
漸與骨肉遠轉於奴僕親那堪正飄泊來日歲華新

除夜有懷

杜審言

故節當守節年把燭迎冬氣戀虬箭春色候鷄鳴  
興盡聞壺覆宵闌見斗橫還將萬億壽更謁九重城

唐詩類苑

卷之二十三

六

除夜有懷

孟浩然

五更鐘漏欲相催四氣推遷往復迴帳裏殘燈纔去  
焰爐中香氣盡成灰漸看春逼芙蓉枕頓覺寒銷竹

葉杯守歲家家應未卧相思那得夢魂來

除夜書情

周弘亮

何處風塵歲雲陽古驛前三冬不再稔曉日又明年  
春入江南柳寒歸塞北天還傷知候客花景對韋編

鄂渚除夜書懷

來鵬

鸚鵡洲前夜泊船此時形影共悽然難歸故國干戈  
後欲告何人雨雪天筋撥冷灰書悶字枕陪寒席帶

愁眠自嗟落拓無成事明日春風又一年

除夜宿洛州

白居易

家寄關西任身爲河北遊蕭條歲除夜旅泊在洛州

除夜長安作

李景

長安朔風起窮巷掩雙扉新歲明朝是故鄉何路歸  
鬢絲饒鏡色噪雪奪燈輝却羨秦州鴈逢春盡北歸

除夜宿石頭驛

戴叔倫

旅館誰相問寒燈獨可親一年將盡夜萬里未歸人  
寥落悲前事支離笑此身愁顏與衰鬢明日又逢春

邨鄆至除夜思家

白居易

唐詩類苑

卷之三

二十九

邨鄆驛裏逢冬至抱膝燈前影伴身想得家中夜深  
坐還應說着遠行人

故鄉除夜

周弘亮

三百六十日云終故鄉還與異鄉同非唯律變情堪  
恨抑亦才疎命未通何處夜歌銷臘酒誰家高燭候  
春風詩成始欲將吟看早是去年牽課中

除夜對酒

白居易

衰翁歲除夜對酒思悠然草白經霜地雲黃無雪天  
醉依香枕坐懽傍暖爐眠洛下閑來久明朝是十年

酬李絳陵除送酒

雍陶

歲盡貧心事須就中深恨酒錢無故人充壽能分  
送遠客消愁免自沽一夜四盛傾鑒落五更三點把  
屠蘇已供時節深珍處況許金朝更挈壺

歲除對王秀才作

韋莊

我惜今宵促君愁玉漏頻豈知新歲酒猶作異鄉身  
雪向寅前凍花從子後春到明追此會俱是隔年人

除日

韋應物

思懷耿如昨季月已云暮忽驚年復新獨恨人成故  
冰池始泮綠梅援一作還飄素淑景方轉延朝朝自  
難度

唐詩類苑

卷之三

三十一

除日答夢得同發楚州

白居易

共作千里伴俱爲一郡迴歲陰中路盡鄉思先春來  
山雪晚猶在淮水晴欲開歸歟吟可作休戀主人杯

歲夜安樂公主滿月侍宴應制

杜審言

戚里生昌胤天杯宴重臣畫樓初滿月香殿早迎春  
睿作堯君寶孫謀梁國珍明朝元會日萬壽樂章陳

歲夜安樂公主滿月侍宴應制

沈佺期

除夜子星迴天星滿月杯詠歌麟趾合簫管鳳雛來

歲炬常然桂春盤預折梅聖皇千萬壽垂曉御樓開

於太原召侍臣賜宴守歲 太宗

四時運灰琯一夕變冬春送寒餘雪盡迎歲早梅新

岳州守歲二首 張說

夜風吹醉舞庭戶對酣歌愁逐前年少歡迎今歲多

二

桃枝堪辟惡竹爆好驚眠歌舞留今歲猶言惜舊年

欽州守歲 張說

故歲今宵盡新年明旦來愁心如斗柄東北望春迴

嶺外守歲 李福業

唐詩類苑 卷之二十三 三

冬去更籌盡春隨斗柄迴寒暄一夜隔客贛兩年催

守歲二首 盧仝

去年畱不住年來也任他當爐一榼酒爭柰兩年何

二

老來經節臘樂事甚悠悠不及兒童日都盧不解愁

守歲 太宗

暮景斜芳殿年華麗綺宮寒辭去冬雪暖帶入春風

階馥舒梅素盤花卷燭紅共歡新故歲迎送一宵中

西京守歲 駱賓王

閑居寡言安獨坐慘風塵忽見嚴冬萬物知列宿春

夜將寒色去年共曉光新耿耿他鄉夕無由展舊觀

京中守歲 丁儼芝

守歲多然燭通宵莫掩扉客愁當暗漏春色向明歸

玉斗巡初匝銀河落漸微開正獻歲酒千里間庭闌

嶽州守歲 張說

除夜清樽滿寒庭燎火多舞衣連臂拂醉坐合聲歌

至樂都忘我冥心是委和今年只如此來歲知如何

杜位宅守歲 杜甫

守歲阿戎家椒盤已頌花盞簪喧櫪馬列炬散林鴉

四十明朝是飛騰暮景斜誰能更拘束爛醉是生涯

唐詩類苑 卷之二十三 三

守歲侍宴應制 杜審言

季冬除夜接新年帝子王孫捧御筵宮闕星河低拂

樹殿庭燈燭上熏天彈絃奏節梅風入對局探鈞栢

酒傳欲向正元歌萬壽暫畱歡賞寄春前

秦中守歲 儲光義

衆星已窮次青帝方行春永感易成戚離居難重陳

闔門守初夜燎火到清晨或念無生法多傷未出塵

廣庭日將晏虛室自爲賓願以桑榆末常逢甲子新

客中守歲 白居易

守歲樽無酒思鄉淚滿巾始知爲客苦不及在家貧

畏老偏驚節防愁預惡春故園今夜裏應念未歸人

二靈寺守歲

戴叔倫

守歲山房迴絕緣燈光香炮共蕭然無人更獻椒花  
頌有客同參栢子禪已悟化城非樂界不知今夕是  
何年憂心悄悄渾忘寐坐待扶桑日麗天

臘

歲暮懷崔峒耿緯

司空曙

臘月江天見春色白花青柳疑寒食洛陽舊社各東  
西楚國遊人不相識

臘日

杜甫

唐詩類苑

卷之三

三

臘月常年暖尚遙今年臘日凍全消侵陵雪色還蒼  
草漏洩春光有柳條縱酒欲謀良夜醉還家初散紫  
宸朝口脂面藥隨恩澤翠管銀罌下九霄

唐詩類苑卷第二十三終

唐詩類苑卷第二十四

明雲間張之象玄超甫纂輯

雲間張所敬長與甫編次

雲間王微叔朗甫補訂

梁谿曹仁孫伯安甫校正

地部

郊

仲春郊外

王勃

東園垂柳徑西堰落花津物色連三月風光絕四隣  
鳥飛村覺曙魚戲水知春初晴山院裏何處染芳塵

唐詩類苑

卷之三

春日還郊

王勃

閑情兼嘿嘿攜杖赴巖泉草綠繁新帶榆青綴古錢  
魚牀侵岸水鳥路入山煙還題平子賦花樹滿春田

春郊

錢起

水遶水渠漸有聲氣融煙塢晚來明東風好作陽和  
使逢草逢花報發生

秋郊作

元稹

清路澄境遠旭日照林初一望秋山淨蕭條形迹疎  
登原忻時稼采菊行故墟方願沮溺耦澹薄守田廬

涼州郊外遊望

王維

野老才三戶邊村少四隣婆娑依里社簫鼓賽田神  
灑酒澆芻狗焚香拜木人女巫紛屢舞羅襪自生塵

郊興

王勃

空園歌獨酌春日賦閑居澤蘭侵小徑河柳覆長渠  
雨去花光濕風歸葉影疎山人不惜醉唯畏綠尊虛

郊行寄杜位

岑參

嶠嶮空城煙淒清寒山景秋風引歸夢昨夜到汝穎  
近寺聞鐘聲映陂見樹影所思何由見東北徒引領

東郊

元稹

泚營跼終年出郊曠清曙楊柳散和風青山澹吾慮  
依叢適自憩綠澗還復去微雨霽芳原春鳩鳴何處

唐詩類苑

卷之二十四

二

樂幽心屢止遵事跡猶遽終罷斯結廬慕陶真可庶

東郊行

溫庭筠

聞鷄臺下東西道柳覆班駝蝶繁草塊霽韶容鏤澹  
愁青筐葉盡蠶應老綠渚幽香生白蘋差差小娘吹  
魚鱗王孫騎馬有歸意林彩著空如細塵安得人生  
各相守燒船破棧休馳走世上方應無別離路傍更  
長千枝柳

秋日東郊作

皇甫冉

閒看秋水心無事對寒松手自栽廬嶽高僧留偈

別茅山道士寄書來燕知社日辭巢去菊爲重陽  
雨開淺薄將何稱獻納臨岐終日自遲迴

西郊燕集

韋應物

濟濟衆君子高宴及時光群山靄遐矚綠野布熙陽  
列坐遵曲岸披襟襲蘭芳野庖薦嘉魚激澗泛羽觴  
衆鳥鳴茂林綠草延高岡盛時易徂謝浩然坐飄颺  
眷言同心友茲遊安可忘

西郊遊宴寄贈邑僚李巽

韋應物

升陽暖春物置酒臨芳席高宴闕英僚衆賓寡歡懌  
是時尚多壘板築興頽壁羈旅念越疆領徒方祗役

唐詩類苑

卷之二十四

三

如何嘉會日常子憂勤夕西郊鬱已茂春風重如積  
何當返徂雨雜英紛可惜

西郊遊矚

元稹

東風散餘沍陂水淡已綠煙芳何處尋香藹春山曲  
新禽弄喧節晴光泛嘉木一與諸君遊華觴忻見屬

西郊

杜甫

時出碧鷄坊西郊向草堂市橋官柳細江路野梅香  
傍架齊書帙看題滅藥囊無人競覺一作來往疎嬾意  
何長

晚出西郊

白居易

散吏閑如客貧州冷似村早涼湖北岸殘照郭西門  
嬾鑷從鬚白休治任眼昏老來何所用少興不多言

郊居言志

元稹

負暄衡門下望雲歸遠山但要樽中物餘事豈相關  
交無是非責且得任疎頑日夕臨清澗逍遙思慮閑  
出去唯空屋弊簣委牕間何異林棲鳥戀此復來還  
世榮斯獨已頽志亦何攀唯當歲熟閭里一歡顏

春日郊居寄萬年吉少府中孚三原少府偉

夏侯校書密

韋應物

谷鳥時一嘯田園春雨餘光風動林早高牕照日初

唐詩類苑

卷之二十四

四

獨飲澗中水吟詠老氏書城闕應多事誰憶此閑居

春日郊居酬友人見貽

崔塗

荒齋原上掩不止動經旬忽覺草木變始知天地春  
方期五字達未厭一簞貧麗句勞相勉余非樂釣綸

郊居歲暮

柳宗元

屏居負山郭歲暮驚離索野迴樵唱來廷空燒燼落  
世紛因事遠心賞隨年薄默默諒何爲徒成今與昨

題進士王駕郊居

鄭谷

前山微有雨永巷淨無塵牛卧籬陰晚鳩鳴村意春  
時浮應寡合道在不嫌貧後徑臨陂水菰蒲是切隣

郊居卽事

賈島

住此園林久其如未是家葉書傳野意簷溜煮胡茶  
雨後逢行鷺更深聽遠蛙自然還往裏多是愛煙霞

秋暮郊居書懷

白居易

郊居人事少晝卧對林巒窮巷厭多雨貧家愁早寒  
葛衣秋云換書卷病仍看若問生涯計前溪一釣竿

奉和武相公郊居寓目

李益

黃扉晚下禁垣鐘歸坐南闌山萬重獨有月中高興  
盡雪峯明處見寒松

郊居春日有懷府中諸公并柬王兵曹

唐詩類苑

卷之二十四

五

欲學漁翁釣艇新濯纓猶惜九衢塵花前更謝依劉  
客雪後空懷訪戴人僧舍覆棋消白日市樓賒酒過

青春一山桃杏同時發誰似東風不厭貧

秋中過獨孤及郊居

劉公孫

盧綸

門園過水到郊居共引家童拾野蔬高樹夕陽連古  
巷菊花梨葉滿荒渠秋山近處行過寺夜雨寒時起

讀書帝里諸親別來久豈知王粲愛樵漁

同趙二十二訪張明府郊居聯句

杜牧

杜牧

陶潛官罷酒瓶空門掩楊花一夜風牧古調詩吟山  
色裏無絃琴在月明中綴遠簷高樹宜幽鳥出岫孤  
雲逐晚虹牧別後東籬數枝菊不知閑醉與誰同綴

題裴端公郊居

韋莊

暫隨紅旆佐藩方高跡終期卧故鄉已近水聲開澗  
戶更侵山色架書堂蒲生岸脚青刀利柳拂波心綠  
帶長莫奪野人樵牧興白雲不識繡衣郎

近見慕巢尚書詩中屢有歎老思退之意又

於洛中新置郊居然寵寄方深歸心大速

因以長句而諭之

白居易

唐詩類苑

卷之三十四

六一

近見詩來歎白鬚遙知關外憶東都煙霞偷眼窺中  
久富貴粘身擺得無新置林園猶淺落木終婚嫁且  
踟躕應須待到懸車歲方可東都伴老夫

題處士郊居

白居易

半依雲渚半依山愛此令人不欲還負郭田園八九  
頃向陽茅屋兩三間寒松縱老風標在野鶴雖饑飲  
啄閑一卧江村來早晚著書盈帙鬢毛斑

經故下補闕郊居

許渾

死酬知己道終全波暖孤冰且自堅鵬上承塵繞一  
日鶴歸華表已千年風吹藥蔓迷樵徑雨暗蘆花失

釣船四尺孤墳何處是闔閭城外草連天

張芬見訪郊居作

皇甫冉

林中雨散早涼生已有迎秋促織聲三徑荒蕪羞對  
客十年衰老愧稱兄愁心自惜江籬晚世事方看木  
樨榮君若罷官攜手去尋山莫計白雲程

訪友人郊居

劉滄

登原過水訪相如竹塢莎庭似故居空塞山當清晝  
晚古槐人繼綠陰餘休彈瑟韻傷離思已有蟬聲報  
夏初醉唱勞歌翻自嘆釣船漁浦夢難疎

從崔中丞過盧少府郊舍 柳宗元

唐詩類苑

卷之三十四

七

寓居湘岸四無隣世網難嬰每自珍時藥閑庭延國  
老開樽虛室值賢人泉迴淺石依高柳徑轉垂藤間  
綠筠聞道偏爲五禽戲出門鷗鳥更相親

郊野

鄭谷

蓼水菊籬邊新晴有亂蟬秋光終寂寞晚醉自留連  
野濕禾中露村間社後天題詩滿紅葉何必浣花牋

郊墅

鄭谷

韋曲樊川雨半晴竹莊花院徧題名畫成煙景垂楊  
色滴破春愁壓酒聲滿野紅塵誰是路連天紫閣獨  
關情淡波水色澄於鏡何必滄浪始濯纓



子初郊墅

李商隱

看山對酒君思我，聽鼓離城我訪君。  
臘雪已添墻下水，齋鍾不散檻前雲。  
陰移竹栢濃還淡，歌雜漁樵斷更聞。  
亦擬村南買煙舍，子孫相約事耕耘。

郊園卽事

王勃

煙霞春早賞松竹，故年心斷山疑畫。  
嘒嘒瀟瀟瀉瀉鳴琴草，偏南亭合花開北院深。  
閒居饒酒賦，隨興欲抽簪。  
將離郊園留示弟姪

許渾

身賤與心違，秋風生旅衣。  
久貧辭國遠，多病在家稀。  
山暝客初散，樹涼人未歸。  
西都萬餘里，明日別柴扉。

唐詩類苑

卷之三十四

八

灞東題司馬郊園

許渾

楚翁秦塞往昔事，李輕車白社貧。  
思樹青門老仰瓜，讀書三徑草沽酒。  
一籬花更欲尋芝，木商山便寄家。

春日郊園賦贈楊嘏

許渾

十里蒹葭入薜蘿，春風誰許蹀鳴珂。  
相如渴後狂還減，曼倩歸來語更多。  
門枕碧溪水，皓耀檻齊青嶂雪。  
嗟峨野橋沽酒茅簷下，誰羨紅樓一曲歌。

晚自朝臺至韋隱居郊園

許渾

秋來鳬鴈下方塘，繫馬朝臺步夕陽。  
村徑繞山松葉暗，野門臨水稻花香。  
雲連海氣琴書潤，風帶潮聲枕

簾涼西下磻溪猶萬里，可能垂白待文王。

原

詠原

李嶠

王粲銷憂日，江淹起恨年。  
帶川遙綺錯，分隰迴阡眠。  
橫周甸，莽苔闕晉田。  
方知急難響，長在鶴鷄篇。

避地司空原言懷一首

李白

見人部述懷

白鹿原

馬戴

漣田鴈飛下，秦原人葬回。  
丘墳與城闕，草樹共塵埃。

登廣武原

張祐

唐詩類苑

卷之三十四

九

廣武原西北華夷此，浩然地盤山入海。  
河遶國連天，遠樹千門邑。  
高橋萬里船，鄉心日云暮。  
猶在楚城原。

白艾原客

方干

原上桑柘瘦，再來還見貧。  
滄洲幾年隱，白髮一莖新。  
敗葉平空墮，殘陽滿近隣。  
閒言說知己，半是學禪人。

秦原春望

張喬

無窮名利塵軒蓋，逐年新北關東堂。  
路千山萬水人雲離，僧榻曙燕遠鳳樓。  
春在華文明代難歸釣艇身。

洛原西望

曹鄴

築城具不堅，城堅心自毀。  
秦樹滿平原，秦人不居此。

猶爲泣路者無力報天子

登樂游原

耿漳

園廟何年廢登臨有故丘孤村連日靜多雨及霖休  
嘗與秦山對曾經漢主游豈知千載後萬事水東流

樂游園春望

劉得仁

樂游原上望望盡帝都春始覺繁華地應無不醉人  
雲間雙闕麗柳映九衢春愛此徧高望閑來覺日頻

登樂游原

杜牧

長空澹澹孤鳥沒萬古消沈向此中看取漢家何事  
業五陵無樹起秋風

唐詩類苑

卷之二十四

十一

將赴吳興登樂游原

杜牧

清時有味是無能閒愛孤雲靜愛僧欲把一麾江海  
去樂游原上望昭陵

樂游原晴望上李侍郎

錢起

爽氣朝來萬里清憑高一望九愁輕不知鳳沼霖初  
霽但覺堯天日轉明四野山河通遠色千家砧杵共  
秋聲遙想青雲丞相府何時開閣引書生

登少陵原望秦中諸川太原王至德妙用有

水術因用感歎

呂溫

少陵最高處曠望極秋空群山噴清源永散秦川中

荷鍾自成雨由來非鬼工如用盛明代委棄傷幽風

涇灞徒絡繹漆沮虛會同東流滔滔去沃野飛秋蓬

大禹平水土吾人得其宗發機迴地勢運思與天通

早欲獻奇策慧財敘西戎豈知年三十未識大明宮

卷爾出岫雲追吾入冥鴻無爲學驚俗狂醉哭途窮

過鑄鼎原

劉滄

黃帝修真萬國朝成龍駕上丹霄天風乍起鶴聲

遠海霧漸深仙界日長青鳥度雲表香散紫霞飄

霞飄唯留古跡在碧水蒼蒼空寂寥

過五丈原

溫庭筠

唐詩類苑

卷之二十四

十一

鐵馬雲騅久絕塵柳陰高壓漢營春天晴殺氣屯關

右夜半妖星照渭濱下國卧龍空誤主中原逐鹿不

因人象牀錦帳無言語從此姬周是老臣

經咸陽北原

馬戴

秦山曾共轉秦雲自舒卷古來爭雄圖到此多不返

野狄穴孤墳農人耕廢苑川長波又逝日與歲俱晚

夜入咸陽中悲吞不能飯

冀城北原作

白居易

野色何莽蒼秋聲亦蕭疎風吹黃埃起落日驅征車

何代此開國封疆百里餘古今不相待朝市無常居

昔人城邑中今變爲丘墟昔人墓田中今化爲里閭  
廢興相催迫日月互居諸世變無遺風焉能知其初  
行人千載後懷古空躊躇

京北原作

賈島

登原見城闕策蹇思炎天日午路中客槐花風處蟬  
遠山秦木上清渭漢陵前何事居人世皆從名利牽

新卜原上居寄袁校書

許渾

貧居樂游北江海思迢迢雪夜書千卷花時酒一瓢  
獨愁秦樹老孤夢楚山遙有路應相念風塵滿黑貂

北原閑眺

韋莊

唐詩類苑

卷之二十四

十一

春城迴首樹重重立馬平原夕照中五鳳灰殘金翠  
滅六龍遊去市朝空千年王氣浮清洛萬古神靈鎮  
碧嵩欲問向來陵谷事野桃無語淚花紅

張郎中過原東居

賈一島

年長惟添嬾經旬止掩關高人餐藥後下馬此林間  
對坐天將暮同來客亦閑幾時能重至水味似深山

經王處士原居

張籍

舊宅誰相近唯僧近竹關庭閑雲滿井牕曉雪通山  
來客半留宿借書多寄還明時未中歲莫便一生閑

宿賈島原居

馬戴

寒鴈過原急渚邊秋色深煙霞向海島風雨宿園林  
俱住明時願同懷故國心未能先隱跡聊此一相尋

秋游原上

白居易

七月行已半早涼天氣清清晨起巾櫛徐步出柴荆  
露枝筇竹冷風襟越蕉輕閑攜弟姪輩同上秋原行  
新棗未全赤晚瓜有餘馨依依田家叟設此相逢迎  
自我到此村往來白髮生村中相識久老幼皆有情  
留連向暮歸樹樹風蟬聲是時新雨足禾黍夾道青  
見此令人飽何必待西成

原居即事言懷贈孫員外

賈島

唐詩類苑

卷之二十四

十一

出入土門偏秋深石色泉徑通原上草池接水中蓮  
採菌依餘枿拾薪逢刈田鐮掃白髮斷兵阻尺書傳  
避路來華省抄詩上彩牋高齋久不到猶喜未經年

原上晚望

僧貫休

倚杖聊攄望寒原遠近分夜來何處火燒出古人墳  
野勢盤空澤江流合暮雲殘陽催百鳥各自著棲群

村

宿紫閣山北村

白居易

晨遊紫閣峯暮宿山下村村老見予喜爲予開一樽  
舉杯未及飲暴卒來入門紫衣挾刀斧草草十餘人

奪我席上酒掣我盤中餐主人退後立斂手反如賓  
中庭有奇樹種來三十春主人惜不得持斧斷其根  
口稱采造家身屬神策軍主人慎勿語中尉正承恩

山村曉思

于漬

開門省禾黍隣翁水頭住今朝南澗波昨夜西川雨  
牧童披短蓑腰笛期煙渚不問水邊人騎牛傍山去

暮過山村

賈島

數里聞寒水山家少四隣怪禽啼曠野落日恐行人  
初月未終夕邊烽不過秦蕭條桑柘外煙火漸相親

題靈臺縣東山村主人

李嘉祐

唐詩類苑

卷之三十四

四

處處征胡人漸稀山村寥落暮煙微門臨蒼莽經年  
閉身逐嫖姚幾日歸貧妻白髮輸殘稅餘寇黃河未  
解圍天子如今能用武祇應歲晚息兵機

江村

劉駕

江水灌稻田饑年田亦熟舟中愛桑麻日午因成宿  
相承幾十代居止連茅屋四隣不相離安肯去骨肉  
書生說太苦客路常在目縱使富貴還交親幾墳綠

江村夜泊

項斯

日落江路黑前村人語稀幾家深樹裏一火夜漁歸

江村卽事

司空曙

罷釣歸來不繫船江村月落正堪眠縱然一夜風吹  
去只在蘆花淺水邊

江村亂後

顧況

江村日暮尋遺老江水東流橫浩浩竹裏閑聽不見  
人門前舊路生青草

江村

杜甫

清江一曲抱村流長夏江村事事幽自去自來梁上  
燕相親相近水中鷗老妻畫紙爲棋局稚子敲鍼作  
釣鉤多病所須惟藥物微軀此外更何求

遊石角過小嶺至長烏村

柳宗元

唐詩類苑

卷之三十四

五

志適不期貴道存豈偷生久忘上封事復笑昇天行  
竄逐宜湘浦搖心劇懸旌始驚陷世議終欲逃天刑  
歲月殺憂慄慵疎寡將迎追遊疑所愛且復舒吾情  
石角悠悠步長鳥遂遐征磴迴茂樹斷景晏寒川明  
曠望少行人時聞田鶴鳴風篁冒水遠霜稻侵山平  
稍與人事間益知身世輕爲農信可樂居寵真虛榮  
喬木餘故國願言果丹誠四支反田畝釋志東臯耕

過昭君村

白居易

靈珠產無種彩雲出無根亦如彼姝子生此遐陋村  
至麗物難掩遽選入君門獨美衆所嫉終棄於塞垣

唯此希代色豈無一顧恩事排勢須去不得由至尊  
黑白既可變丹青何足論竟埋岱北骨不返巴東魂  
慘澹晚雲水依稀舊鄉園妍姿化已久但有村名存  
村中有遺老指點爲我言不取往者戒恐貽來者冤  
至今村女面燒灼成癍痕

朱陳村

白居易

徐州古豐縣有村曰朱陳去縣百餘里桑麻青氛氲  
機梭聲札札牛驢走紆紆女汲澗中水男採山上薪  
縣遠官事少山深人俗淳有財不行商有丁不入軍  
家家守村業頭白不出門生爲陳村民死爲陳村塵

唐詩類苑

卷之二十四

十六

田中老與幼相見何欣欣一村唯兩姓世世爲婚姻  
親疎居有族少長游有群黃鷄與白酒歡會不隔旬  
生者不遠別嫁娶先近隣死者不遠葬墳墓多遶村  
旣安生與死不苦形與神所以多壽考往往見玄孫  
我生禮義鄉少小孤且貧徒學辨是非祇自取辛勤  
世法貴名教士人重官婚以此自桎梏信爲大謬人  
十歲解讀書十五能屬文二十舉秀才三十爲諫臣  
下有妻子累上有君親恩承家與事國望此不肖身  
憶昨旅遊初迨今十五春孤舟三適楚羸馬四經秦  
貴行有饑色夜寢無安魂東西不暫住來往若浮雲

亂離失故鄉骨肉多散分江南與江北各有平生  
平生終日別逝者隔年聞朝憂卧至暮夕哭坐達晨  
悲火燒心曲秋霜侵鬢根一生苦如此常羨陳村民  
游維山新興寺宿石屏村謝叟家

許渾

晚過石屏村村長日漸曛僧歸下嶺見人語隔溪聞  
谷響寒耕雪山明夜燒雲家家扣銅鼓欲賽魯將軍

茂陵村行贈何兆

李端

春天黃鳥嚙野徑白雲閑解帶依芳草支頤想故山  
人行九州路樹老五陵間誰道臨邛遠相如自憶還

唐詩類苑

卷之二十四

十七

渭村退居寄禮部崔侍郎翰林錢舍人詩一

百韻

白居易

聖代元和歲閑居渭水陽不才甘命舛多幸遇時康  
朝野分倫序賢愚定否臧重文疎卜式尚少棄馮唐  
由是推天運從茲樂性場籠禽放高翥霧豹得深藏  
世慮休相擾身謀且自強猶須務衣食未免事農桑  
薙草通三徑開田占一坊畫屏扇白版夜碓掃黃粱  
隙地治場圃閑時糞土疆枳籬編刺夾薤塹孽科秧  
穡力嫌身病農心願歲穰朝衣典杯酒佩劍博牛羊  
困倚栽松鉅饑提採藤筐引泉來後澗移竹下前園

生計雖勤苦家資甚渺茫塵埃常滿甌錢帛少盈囊  
弟病仍扶杖妻愁不出房傳衣念繼纓舉案笑糟糠  
犬吠村胥鬧蟬鳴織婦忙納租看縣帖輸粟問車倉  
夕歇攀村樹秋行繞野塘雲容陰慘淡月色冷悠揚  
蕎麥鋪花白棠梨間葉黃早寒風慄慄新霽月蒼蒼  
園菜迎霜死庭蕪過雨荒簷空愁宿燕壁暗思啼螢  
眼爲看書損肱因運甓傷病骸渾似本老翁欲成霜  
少睡知年長端憂覺夜長舊遊多廢忘往事偶思量  
忽憶煙霄路嘗陪劔履行登朝思檢束入閣學趨蹌  
命偶風雲會恩覃雨露沾枯枝發葉磨鈍起鋒鋦

唐詩類苑

卷之二十四

十八

崔閣連鑣驚錢兄接翼翔齊竿混韶夏燕石斯琳琅  
同日升金馬分宵直未央共詞加寵命合表謝恩光  
廐馬驕初跨天厨味始嘗朝餽頒餅餌寒暑賜衣裳  
對秉鵝毛筆俱含鷄舌香青縑衾薄絮朱裏幕高張  
晝夜恒連案宵眠每並牀差肩承詔旨連署進封章  
起草偏同視疑文最共詳滅私容點竄窮理析毫芒  
便共輸肝膽何曾異肺腸慎微叅石奮決密與張湯  
禁聞青交瑣官垣紫界墻井欄排苗苗簷瓦關鴛鴦  
樓額題鳩鵲池心浴鳳凰風枝萬年動溫樹四時芳  
宿露凝金掌晨輝上壁璫飭飭塗綠粉庭果滴紅漿

曉從朝興慶春陪宴栢梁傳呼鞭索索拜舞珮鐙鐙  
仙仗環雙闕神兵闢兩廂火翻紅尾旆水卓白竿槍  
混漾經魚藻深沈近浴堂分庭皆命婦對面卽儲皇  
貴王冠浮動親王轡開裝金鈿相照耀朱紫間熒煌  
毬簇桃花騎歌巡竹葉觴窪銀中貴帶昂黛內人粧  
賜袂東城下頒餉曲水傍樽罍分聖酒妓樂借仙倡  
淺酌看紅藥徐吟把綠楊宴迴過御陌行歇入僧房  
白鹿原東脚青龍寺北廊望春花景煖避暑竹風涼  
下直閑如社尋芳醉似狂有時還後到無處不相將  
鷄鶴初雖雜蕭蘭久乃彰來燕隗貴重去魯孔恓惶

唐詩類苑

卷之二十四

九

聚散期難定飛沈勢不常五年同晝夜一別似參商  
屈折孤生竹銷摧百鍊鋼途窮任憔悴道在肯慙惶  
尚念遺簪折仍憐病雀瘡卹寒分賜帛救餒減餘糧  
藥物來盈裹書題寄滿箱殷勤翰林主珍重禮闈郎  
煦沫誠多謝搏持豈所望提携勞氣力吹簸不飛揚  
拙劣才何用龍鍾分自當粧嫖徒費黛磨礪詎成璋  
習隱將時背干名與道妨外身宗老氏齊物學蒙莊  
疎放遺千慮愚蒙守一方樂天無怨歎倚命不動勦  
憤悶胸須豁交加臂莫攘珠沈猶是寶金躍未爲祥  
泥尾休搖掉灰心罷激昂漸閑親道友因病事醫王

息亂歸禪定存神入坐亡斷癡求慧劍濟苦得慈航  
不動爲吾志無何是我鄉可憐身與世從此兩相忘

東墟晚歇時退居渭村

白居易

涼風冷露蕭索天黃蒿紫菊荒涼田遶塚秋花少顏  
色細蟲小蝶飛翻翻中有騰騰獨行者手挂漁竿不  
騎馬晚從南澗釣魚回歇此墟中白楊下褐衣半故  
白頭新人逢舊人誰言渭浦棲遲客曾作甘泉侍從臣

渭村雨夜見寄

白居易

百里音書何太遲暮秋把得暮春詩綠隄日君相  
憶梨葉紅時我始知莫嘆學官貧冷落猶勝村客病

支離形容意思遙看取不似華陽觀裏時

將歸渭村先寄舍弟

白居易

一年年覺此身衰一日日知前事非詠月嘲花先要  
減登山臨水亦宜稀子平嫁娶貧中畢元亮田園醉  
裏歸爲時迎寒食下與吾釀酒掃柴扉

別盧使君歸故柵村

僧法振

歸風白馬引嘶聲落日猶看楚興情塞口竹綠空戍  
沒潮頭沙擁慢岡成松田且欲親耕種郡守何偏問  
姓名東道宿程投故柵依依漁父解相迎

經河源軍漢村作

呂溫

行行忽到舊河源城外千家作漢村樵採未侵征虜  
墓耕耨猶就破菟屯金湯天險長全設伏臘華風亦  
暗存暫駐單車空下淚有心無力復何言

夜歸丁卯橋村舍

許渾

月涼風靜夜歸客泊巖前橋響犬搖吠庭空人散眠  
紫蒲低水檻紅葉半江船自有還家計南湖二頃田

村居書事

韋莊

年年耕與釣鷗鳥已相依砌長蒼苔厚蕨紅紫蔓肥  
風鶯移樹轉雨燕入樓飛不覺春光暮遠籬紅杏稀

送段覺歸村曲閑居

許渾

書劍南歸去山扉別幾年苔侵巖下路果落洞中泉  
紅葉高齋雨青蘿曲檻煙寧知遠游客羸馬太行前

過司空曙村居

盧綸

南北與山隣蓬蒿庇一身繁霜疑有雪枯草似無人  
遂性在耕稼所交唯賤貧何言張橡傲每重德璋親

春日重到王依村居

周賀

野煙居舍在曾約此重過久雨初招客新田未種禾  
夜蟲鳴井浪春鳥宿庭柯莫爲兒孫役餘生能幾何

村居晏起

于濬



村居少聞事日高猶閉關起來花滿地戴勝鳴桑間  
居安卽永業何者爲故山朱門與蓬戶六十頭盡斑

村居二首

白居易

田園莽蒼經春早籬落蕭條盡日風若問經過談笑  
者不過田舍白頭翁

江上村居

韋莊

本從蹤跡戀柴扃世亂須教識道情顛倒夢魂愁裏  
得振奇詩句望中生花綠豔絕栽難好山爲看多詠  
不成聞道漢軍新破虜使來仍說近離京

唐詩類苑

卷之二十四

三

將卜蘭芷村居留別郡中在仕

韋莊

蘭芷江頭寄斷蓬移家空載一帆風伯倫嗜酒還因  
亂平子歸田不爲窮避世漂零人境外結茅依約畫  
屏中從今隱去應難覓深入蘆花作釣翁

洛北村居

韋莊

十畝松篁百畝田歸來方屬大兵年巖邊石室低臨  
水雲外嵐峯半入天鳥勢去投金谷樹鍾聲遙出上  
陽煙無人說得中興事獨倚斜暉憶仲宣

號州澗東村居作

韋莊

東南騎馬出郊坰迴首寒煙隔郡城清澗漲時翹鷺  
喜綠桑疎處哺牛鳴兒童見少生於客奴僕驕多侶  
似兄試望家田還自適滿畦秋水稻苗平

村居寄張殷衡

白居易

金氏村中一病夫生涯濩落性靈迂唯看老子五千  
字不蹋長安十二衢藥銚夜傾殘酒煖竹牀寒取舊  
氈鋪聞君欲發江東去能到茅菴訪別無

旅寓洛南村舍

鄭谷

村落清明近鞦韆稚女誇春陰妨柳絮月黑見梨花  
白鳥閒魚網青帘認酒家幽棲雖自適交友在京華

唐詩類苑

卷之二十四

三

題村舍

杜牧

三樹稚桑春未到扶牀乳女午啼饑潛銷時鑠歸何  
處萬指侯家自不知

村舍二首

許渾

自剪青莎織雨衣南峯煙火是柴扉萊妻早報蒸藜  
熟童子遙迎種荳歸魚下碧潭當鏡躍鳥還青嶂拂  
屏飛花時未免人來往欲買嚴光舊釣磯  
尚平多累自歸難一日身閑一日安山徑有雲收獵  
網水門無月掛魚竿花間酒氣春風遠竹裏棋聲夜  
雨寒三頃水田秋更熟北牕誰拂舊塵冠



春村

白居易

二月村園煖桑間戴勝飛農夫春舊穀蠶妾擣新衣  
牛馬因風遠鷄豚過社稀黃昏林下路鼓笛賽神歸

宿深村

僧貫休

行行一宿深村裏鷄犬豐年開如市黃昏見客合家  
喜月下取魚厚塘水

村行

杜牧

春半南陽西茅桑過村塢娉娉垂柳風點點迴塘雨  
簑唱牧牛兒籬窺舊裙女半濕解征衫主人饋鷄黍

紀村事

韋莊

唐詩類苑

卷之二十四

五

綠蔓映雙扉循牆一徑微雨多庭果爛熳熟渚禽肥  
釀酒迎新社遙砧送暮暉數聲牛上笛何處餉田歸

書村叟壁

鄭谷

草肥朝牧牛桑綠晚鳴鳩列岫簷前見清泉碓下流  
春蔬和雨割社酒向花塲引我南陂去籬邊有小舟

村夜

杜甫

蕭蕭風色暮江頭人不行村春雨外急隣火夜深明  
胡羯何多難漁樵寄此生中原有兄弟萬里正含情

內鄉村路作

白居易

日下風高野路涼緩驅疲馬閣思鄉渭村秋物應如

此棗赤梨紅稻穗黃

烏石村

劉林希  
劉故居

黃滔

往日江村今物華一迴登覽一悲嗟故人歿後城頭  
月新鳥啼來壠上花賣劍錢銷知絕俗聞蟬詩苦卽  
思家謝公古郡青山在三尺孤墳撲海沙

到村

杜甫

碧澗雖多雨秋沙先少泥蛟龍引子過荷芰逐花低  
老去參戎幕歸來散馬啼稻梁須就列榛草卽相迷  
蓄積思江漢頑疎惑町畦  
野

野

唐詩類苑

卷之二十四

三五

詠野

李嶠

鳳出秦郊迴鶉飛楚塞空蒼梧雲影去涿鹿霧光通  
草暗少原綠花明入蜀紅誰言板築士猶處傳巖中

春野作

僧貫休

閑步淺青平綠流水征車自速誰家挾彈少年擬打  
紅衣啄木

長安春日野中

朱慶餘

青春思楚地閑步出秦城滿眼是岐路何年見弟兄  
煙霞紫媚景霄漢指前程盡日徘徊處歸鴻過玉京

南野

戴叔倫

治田長山下引流坦溪曲東山有遺塋南野起新英  
家世素業儒子孫鄙食祿披雲朝出耕帶月夜歸讀  
身勤竟亡疲團團欣在目野芳綠可採泉美清可掬  
茂樹延晚涼早田候秋熟茶烹松火紅酒吸荷杯綠  
解佩臨清池撫栗看修竹此懷誰與同此樂君所獨

野居

元稹

結髮屢辭秩二身本疎慢今得罷守歸幸無世欲患  
棲止且偏僻嬉遊無早晏逐兔上坡圓捕魚緣石澗  
高歌意氣在黃酒貧居慣時啓北牕扉豈將文墨間

城南野居寄知己

曹鄴

唐詩類苑

卷之二十四

十六

奔走未到我在城如在村出門既無意豈如常閉門  
作詩二十載闕下名不聞無人爲開口君子獨有言  
身爲苦寒士一笑亦感恩慙慙中途上勿使車無輪

野居

張籍

貧賤易爲適荒郊亦安居端坐無餘思彌樂古人書  
秋田多良苗野水多遊魚我無耒與網安得充廩厨  
寒天白日短簷下煖我軀四肢漸寬柔中腸鬱不舒  
多病減志氣爲容足憂虞況復苦時節覽景獨踟躕

野居書情

元稹

世事日可見身名良蹉跎尚瞻白雲嶺聊作負薪歌

題施山人野居

白居易

得道應無著謀生亦不妨春泥秧稻暖夜火焙茶香  
水巷風塵少松齋日月長高閑真是貴何處覓侯王

過賈島野居

張籍

青門坊外住行坐見南山此地去人遠知君終日閑  
蛙聲露落草色戶庭間好是經過處唯愁暮獨還  
早春遊樊川野居却寄李端校書夜呈崔峒  
補闕司空曙王簿耿緯拾遺

盧綸

唐詩類苑

卷之二十四

十七

白水遍溝塍青山對柱陵晴明人望鶴曠野鹿隨僧  
古柳連巢折荒堤帶草崩陰橋全覆雪濕溜半垂水  
關鼠搖松影遊龜落日層韶光偏不待衰敗朽相仍  
桂樹曾爭折龍門幾共登琴師阮校尉詩和柳吳興  
紙筆求書扇張屏看畫蠅卜隣空遂約問卦獨無徵  
投足經危路收才遇直繩守農窮自固行樂病何能  
掩帙蓬蒿晚臨川景氣澄颯然成一叟誰更慕騫騰

野田行

李益

日沒出古城野田何茫茫寒狐嘯青塚鬼火燒白楊  
昔人未爲泉下客行到此中曾斷腸

野田

張籍

曹松

野步

鄭谷

野行

白居易

春日野行

溫庭筠

春野行

溫庭筠

春日野行

温庭筠

\_\_\_\_\_

野歌

李賀

東一作陳韋曲野思

唐彥謙

秋中野望寄舍弟綬兼令呈上西川尚書舅

唐詩類苑

卷之二十四

盧綸

野望

王績

1

野望

杜甫

納納乾坤大行行郡國遙雲山兼五嶺風壤帶三苗  
野樹侵江濶春蒲長雪消扁舟空老去無補聖明朝

野望因過常少府

杜甫

野橋齊度馬秋望轉悠哉竹覆青城合江從灌口來  
入村樵徑引嘗果栗園開落盡高天日幽人未遣回

野望

杜甫

清秋望不極迢遞起層陰遠水兼天淨孤城隱霧深  
葉稀風更落山迴日初沈獨鶴歸何晚昏鴉已滿林

冬日野望

駱賓王

唐詩類苑

卷之二十四

三十一

故人無與晤安步陟山椒野靜連雲卷川明斷霧銷  
靈巖聞曉籟洞浦漲秋潮三江歸望斷千里故鄉遙  
勞歌徒自奏客魂誰爲招

野望二首

羊士諤

萋萋麥隴杏花風好是行春野望中日暮不辭停五  
馬鴛鴦飛去綠江空

忘懷不使海鷗疑水映桃花酒滿巵亭上一聲歌白  
苧野人歸棹亦行遲

野望二首

杜甫

金華山北涪水西仲冬風日始淒淒山連越鶴蟠三

蜀水散巴渝下五溪獨鶴不知何事舞饑鳥似欲向

人啼射洪春酒寒仍綠目極傷神誰爲攜

西山白雪三城戍南浦清江萬里橋海內風塵諸弟

隔天涯涕淚一身遙唯將遲暮供多病未有涓埃答

聖朝跨馬出郊時極目不堪人事日蕭條

野外作

于逖

老病無樂事歲秋悲更長窮郊日蕭索生意已蒼黃

小弟髮亦白兩男俱不強有才且未達况我非賢良

幸以朽鈍姿野外老風霜寒鴉噪晚景喬不思故鄉

魏人宅蓬池結網佇鱸魴水清魚不來歲暮空彷徨

唐詩類苑

卷之二十四

三十二

贈野童

韋莊

羨爾無知性野真亂搔蓬髮笑看人閑衝暮雨騎牛  
去肯問中興社稷臣

唐詩類苑卷之二十四

唐詩類苑卷第二十五

明雲間張之象玄超甫纂輯

雲間張所敬長輿甫編次

雲間王 徹叔朗甫補訂

梁溪曹仁孫伯安甫校正

地部

林

陪鄭廣文遊何將軍山林十首

杜甫

不識南塘路今知第五橋名園依綠水野竹上青霄

唐詩類苑

卷之二十五

谷口舊相得濠梁同見招平生爲幽興未惜馬蹄遙

二

百頃風潭上千章夏水清卑枝低結子接葉暗巢鷺

鮮鯽銀絲鱸香芹碧澗羹翻疑柂樓底晚飯越中行

三

萬里戎王子何年別月支異花開絕域滋蔓匝清池

漢使徒空到神農竟不知露翻兼雨打開坼漸離披

四

旁舍連高竹疎籬帶晚花碾澗深沒馬藤蔓曲幾地

詞賦工無益山林跡未賒蔬茹書籍賣來問爾家

五

剩水滄江破殘山碣石開綠垂風折笋紅綻雨肥梅  
銀甲彈箏用金魚換酒來興移無灑掃隨意坐莓苔

六

風磴吹陰雪雲門吼瀑泉酒醒思臥簟衣冷欲裝綿  
野老來看客河魚不取錢只疑淳朴處自有一山川

七

棘樹寒雲色茵陳春藕香脆添生菜美陰益食簞涼  
野鶴清晨出山精白日藏石林蟠水府百里獨蒼蒼

八

唐詩類苑

卷之二十五

憶過楊柳渚走馬定昆池醉把青荷葉狂遺白接離  
刺船思郢客解水乞吳兒坐對秦山晚江湖興頗隨

九

牀上書連屋階前樹拂雲將軍不好武穉子總能文  
醒酒微風入聽詩靜夜分絺衣挂蘿薜涼月白紛紛

十

幽意忽不愜歸期無奈何出門流水住回首白雲多  
自笑燈前舞能憐醉後歌祗應與朋好風雨亦來過

重過何氏山林五首

杜甫

問訊東橋竹將軍有報書倒衣還命駕高枕乃吾廬

花妥鸞捎蝶溪喧懶趁魚重來休沐地真作野人居

二

山雨樽仍在沙沈榻未移犬迎曾宿客鷗護落巢兒  
雲薄翠微寺天清皇子陂向來幽興極步履過東籬

三

落日平臺上春風吸茗時石欄斜點筆桐葉坐題詩  
翡翠鳴衣桁蜻蜓立釣絲自今幽興熟來往亦無期

四

頗怪朝參懶應耽野趣長雨拋金鎖甲苔臥綠沈槍  
手自移蒲柳家纔足稻梁看君用幽意白日到蓬窗

唐詩類苑

卷之三

三

五

到此應嘗宿相留可判年蹉跎暮容色悵望好林泉  
何日微祿歸山買薄田斯遊恐不遂把酒意茫然

李氏園林

孟浩

我愛陶潛趣林園無俗情春雷百卉坼寒食四隣清  
伏枕嗟公幹歸田羨子平年年白社客空滯洛陽城

秋日過徐氏園林

包佶

回塘分越水古樹積吳煙掃竹催鋪席垂蘿待繫船  
鳥窺新罽栗龜上半欹蓮屐入忘歸地長嗟俗事牽

題曾氏園林

張祐

十畝長堤宅蕭疎半老槐醉眠風卷簾棋罷月移堦  
斫樹遺桑斧澆花濕笋鞋還將齊物論終歲自安排

陳氏園林

鄭巢

當門三四峯高興幾人同尋鶴新泉外留僧古木中  
蟬鳴槐葉雨魚散芰荷風多喜倍幽賞清吟繞石叢

過張老園林

于鵠

身老無修飾頭巾用白紗開門朝掃徑輦水夜澆花  
藥氣聞深巷桐陰到數家不愁還酒債腰下有丹砂

題崔端公園林

李端

上士愛清輝開門向翠微抱琴看鶴去枕石待雲歸  
唐詩類苑 卷之三

四

野坐苔生席高眠竹挂衣舊山東望遠惆悵暮花飛

晦日處士叔園林燕集

韋應物

遽看賞葉盡坐闕芳年賞賴此林下期清風滌煩想  
始萌動新煦佳禽發幽響嵐嶺對高齋春流灌蔬壤  
樽酒遺形迹道言屢開獎幸蒙終夕懽聊用稅歸鞅

酬王履震遊園林見詒

張九齡

宅生惟海縣素業守郊園中覽霸王說上微明主恩  
一行罷蘭徑數載歷金門既負潘生拙俄從周任言  
逶迤戀軒陛蕭散及丘樊舊徑稀人跡前池耗水痕  
併看芳樹老唯覺樊廬存自我棲幽谷逢君翳覆盆

孟軻應有命賈誼得無冤江上傷行遠林門偶避喧  
地偏人事絕時霽鳥聲繁獨善心俱閉窮居道共尊  
樂因南澗藻憂豈北堂萱幽意如投漆新詩重贈軒  
平生徇知已窮遠與君論

安宜園林獻高使君

諸光義

直道已三出幸從江上迴新居茅茨迥起見秋雲開  
十里次舟楫二橋交往來楚言滿隣里鴈叫喧池臺  
魚驚樂仁政沈浮亦至哉小山宜大隱要自望蓬萊  
園林晏起寄昭應韓明府盧主簿

韋應物

唐詩類苑

卷之二十五

五

田家已耕作井屋起晨煙園林鳴好鳥閑居猶獨眠  
不覺朝已晏起來望青天四體一舒散情性亦忻然  
還復茅簷下對酒思數賢束帶理官府簡牘盈目前  
當念中林賞覽物遍山川上非遇明世庶以道自全

寒雨朝行視園林

杜甫

柴門雜樹向千株丹橘黃柑此地無江上今朝寒雨  
歇籬中秀色蓋屏紆桃蹊李徑年雖故梔子紅椒艷  
色殊鎖石藤梢元自落到天松骨見來枯林香出實  
垂將盡葉帶辭枝不重蘇愛日恩光蒙借貸清霜殺  
氣得憂虞衰顏動覓藜牀坐緩步仍須竹杖扶散騎

未知雲閣處啼猿僻在楚山隅

遊東湖黃處士園林

劉威

偶向東湖更向東數聲鷄犬翠微中遙知楊柳是門  
處似隔芙蓉無路通樵客出來山帶雨漁舟過去水  
生風物情多與閒相稱所恨求安計不同

尋賈山人園林

盧綸

竹影朦朧松影長素琴清簟好風涼連春詩會煙花  
滿半夜酒醒蘭蕙香五字每將稱玉友一樽曾不顧  
金囊長沙流謫君非遠莫遣英名負洛陽

題張逸人園林

韓翃

花源一曲映茅堂清論閒階坐夕陽塵尾手中毛已  
脫蟹螯樽上味初香春深黃口傳窺樹雨後青苔散  
點牆更道小山宜助賞呼兒舒簟醉巖芳

題張逸人園林

韓翃

藏頭不復見時人愛此雲山奉養真露色點衣孤嶼  
曉花枝妨帽小園春時攜幼穉諸峰上閒濯眉鬚一  
水濱興罷歸來還對酌茅簷挂着紫荷巾

寄園林主人

韋莊

主人常不在春物爲誰開桃艷紅將落梨花雪又催  
曉鶯閑自嚙遊客暮空回尚有餘芳在猶堪載酒來

唐詩類苑

卷之三十五

六

尋春題諸家園林

白居易

聞健朝朝出乘春處處尋天供閒日月人借好園林  
漸以狂爲態都無悶到心平生身得所未省似而今

又題一絕

白居易

貌隨年老欲何如興遇春牽尚有餘遙見人家花便  
入不論貴賤與親疎

早行林下

白居易

披衣未冠櫛晨起入前林宿露殘花氣朝光新葉陰  
傍松人跡少隔竹鳥聲深閒倚小橋立傾頭時一吟

酬姚員外見過林下

僧無可

唐詩類苑

卷之三十五

掃苔迎五馬時藥過申鐘鶴共林僧見雲隨野客逢  
入樓山隔水滴旆露垂松日暮題詩去空知雅調重

一作

林居

王建

荒林四面通門在野田中頑僕長如客貧居未勝蓬  
舊綿衣不煖新草屋多風唯去山南近閑親販藥翁

登思禪寺上方經脩竹茂林

劉臻

上方幽且暮臺殿隱朦朧遠磬秋山裏清猿古木中  
衆溪連竹路諸嶺共松風儻許棲林下甘成白髮翁

初出京邑有懷舊林

盧僊

賦生期獨得素業守微班外忝文學知鴻漸鴛鴦間  
內傾水木趣築室依近山晨趁天日宴夕臥江海間

松風生坐隅僊禽舞亭灣曙雲林下客霽月池上顏  
雖曰坐郊園靜默非人寰時步蒼龍闕寧異白雲關

語濟豈時顧默善忘世攀世網余何觸天涯謫南蠻  
回首思洛陽喟然悲貞艱舊林日夜遠孤雲何時還

野狐泉柳林

元稹

去日野狐泉上柳紫牙初綻拂眉低秋來寥落驚風  
雨葉滿空林踏作泥

唐詩類苑

卷之三十五

奉陪鄭駙馬韋曲二首

杜甫

韋曲花無賴家家惱殺人潑樽須盡日白髮好禁春  
石角鈎衣破藤枝刺眼新何時占叢竹頭戴小烏巾

二

野寺垂楊裏春畦亂水間美花多映竹好鳥不歸山  
城郭終何事風塵豈駐顏誰能共公子薄暮欲俱還

園

杜甫

仲夏多流水清晨向小園碧溪搖艇澗朱果爛枝繁  
始爲江山靜終防市井喧畦蔬繞茅屋自足媚盤餐



梁園歌送河南王說判官 岑參

君不見梁孝王修竹園頽牆隱轡勢仍存嬌娥慢臉  
成草蔓羅帷珠簾空竹根大梁一旦人代改秋月春  
風不相待池中幾度鴈新來洲上千年鶴應在梁園  
二月梨花飛却似梁王雪下時當時置酒延枚叟肯  
料平臺狐兔走萬事翻覆如浮雲昔人空在今人口  
單父古來稱宓生祗今爲政有吾兄轡軒若過梁園  
道應傷琴臺聞政聲

梁園吟

李白

我浮黃雲去京闕桂席欲進波連山天長水濶厭遠

唐詩類苑

卷之二十五

九

涉訪古始及平臺間平臺爲客憂思多對酒遂作梁  
園歌却憶蓬池阮公詠因吟淥水揚洪波洪波浩蕩  
迷舊國路遠西歸安可得人生達命豈暇愁且飲美  
酒登高樓平頭奴子搖大扇五月不熱疑清秋玉盤  
楊梅爲君設吳鹽如花皎白雪持鹽把酒但飲之莫  
學夷齊事高潔昔時豪貴信陵君今人耕種信陵墳  
荒城虛照碧山月古木盡入蒼梧雲梁王宮闕今安  
在枚馬先歸不相待舞影歌聲散綠池空餘汴水東  
流海沈吟此事淚滿衣黃金買醉未能歸連呼五白  
行六博分曹賭酒酣馳輝歌且謠意方遠東山高臥

時起來欲濟蒼生未應晚

同二相已下群官樂遊園宴

玄宗

樂遊園在杜陵西北亦曰樂遊苑漢宣帝神爵三  
年春起其地多玫瑰樹首宿草

選日巖廊暇需雲宴樂初萬方朝玉帛千品會簪裾  
地入南山近城分北斗餘池塘垂柳暗原野雜花疎  
帟幙看逾暗歌鐘聽自虛興闌歸騎轉還奏弼違書

奉和聖製同二相已下群官樂遊園宴

崔沔

唐詩類苑

卷之二十五

十一

五日醺纔畢千年樂未央復承天所錫終燕國之陽  
地勝春逾好思深樂更張落花飛廣座垂柳拂行觴  
庶尹陪三史諸侯具萬方酒酣同抃躍歌舞詠時康  
奉和聖製同二相已下群官樂遊園宴

胡皓

五酺終宴集三錫又驩娛僊阜崇高異神州覽眺殊  
南山臨皓雪北闕對明珠廣座鵷鴻滿昌庭駟馬趨  
綺羅含草樹絲竹吐郊衢銜盃不能罷歌舞樂唐虞  
奉和聖製同二相已下群官樂遊園宴

王翰

未極人心暢何如帝道明仍嫌酺宴促復寵樂遊行  
陸海披珍藏天河望斗城四關青靄合數處白雲生  
鼎餽調元氣歌鐘溢雅聲空慚堯舜日至德香難名  
奉和聖製同二相已下群官樂遊園宴

崔尚

春日昭長安皇恩寵庶官合錢承罷飲宴帛賜追懽  
供帳憑高列城池人迴寬花催相國醉鳥和樂人彈  
北闕雲中見南山樹杪看樂遊宜締賞舞詠惜將闌  
奉和聖製同二相已下群官樂遊園宴

趙久職

唐詩類苑

卷之二十五

十一

爽塏三秦地芳華二月初酺承真璧罷宴是合錢餘  
柳翠垂堪結桃紅卷欲舒從容會鵷鷺延曼戲龍魚  
喜氣流容物歡聲來里閭聖恩將厚意直請記言書  
奉和聖製同二相已下群官樂遊園宴

張說

漢苑臨佳地軒庭近侍臣共持榮幸日來賞豔陽春  
饌玉頒王篚從金下帝鈞池臺草色遍宮觀柳條新  
花綬光連榻朱顏暢飲醇聖朝多樂事天意每隨人  
奉和聖製同二相已下群官樂遊園宴

張九齡

實篴延後命供帳序群公形勝宜春接儀文建禮同  
晞陽人以露解愠物從風朝慶千齡始年華二月中  
輝光遍草木和氣發絲桐歲歲爲無事徒知樂九功  
奉和聖製同二相已下群官樂遊園宴

宋璟

侍飲終酺會承恩續勝遊戴天惟慶幸選地卽殊尤  
北向低雙闕南臨賞一丘曲江新溜暖上苑雜花稠  
疊疊韶絃屢戛戛貢帛周醉歸填畛陌榮耀接軒裘  
奉和聖製同二相已下群官樂遊園宴

蘇頌

唐詩類苑

卷之二十五

十二

樂遊光地選酺飲慶天從座密千官成場開百戲容  
綠塍際山盡翠幙倚雲重下上花齊發周迴柳遍濃  
奪情紛劍履喧聽雜歌鐘日晚含恩散堯人併可封  
三月二十日詔宴樂遊園賦得風字

張說

樂遊形勝地表裏望郊宮北闕連天頂南山對掌中  
皇恩貸芳月旬宴美成功魚戲芙蓉水鶯啼楊柳風  
春花看欲暮天澤戀無窮長袖招斜日留光待曲終  
登樂遊園望

白居易

獨上樂遊園四望天日曛東北何靄靄宮闕入煙雲

愛此高處立忽如遺垢氛耳目暫清曠懷抱不伸  
下視十二街綠樹間紅塵車馬徒滿眼不見心所親  
孔生死洛陽元九謫荆門可憐南北路高蓋者何人

訓樂天登樂遊園見憶 元稹

昔君樂遊園悵望天欲曛今我大江上快意波翻雲  
秋空壓澶漫瀕洞無垢氛四顧皆豁達我眉今日伸  
長安隘朝市百道走埃塵軒車隨對列骨肉非本親  
誇遊丞相第偷入常侍門愛君直如髮忽念江湖人  
春日宴樂遊園賦得接字 王勃

帝里寒光盡神皇春望淡梅郊落晚英柳甸驚初葉  
唐詩類苑 卷之二十五 十三

流水抽奇美崩雲灑芳牒清樽湛不空暫喜平生接

至日登樂遊園 裴度

陰律隨寒改陽和應節生祥雲觀魏闕瑞氣映秦城  
驗炭論時政書雲受歲盈影移長日至霧斂遠霄清  
景暖僊梅動風柔御柳傾那堪封得意空對物華情

樂遊園歌 杜甫

樂遊古園峯森爽煙綿碧草淒淒長公子華筵勢最  
高秦川對酒平如掌長生木瓢示真率更調鞍馬狂  
歡賞青春波浪芙蓉園白日雷霆夾城仗闔闔晴開  
映蕩蕩曲江翠幕排銀榜拂水低迴舞袖翻綠雲清

切歌聲上却憶年年人醉時只今未醉已先悲數莖  
白髮那拋得百罰深盃亦不辭聖朝已知賤士醜一  
物自荷皇天慈此身飲罷無歸處獨立蒼茫自詠詩

金谷園歌 元稹

石氏滅金谷園中水流絕當時豪右爭驕侈攻爲步  
障四十里東風吹花雪滿川紫氣凝閣朝景妍洛陽  
陌上人迴首絲竹飄飄入青天晉武平吳恣歡燕餘  
風靡靡朝廷衰嗣世衰微誰肯憂二十四友日日空  
追遊追遊詎可足共惜年華促禍端一發埋恨長百  
草無情春自綠

唐詩類苑 卷之二十五 十四

金谷園 蘇拯

積金累作山山高小於耻栽花比綠珠花落還相似  
徒有敵國富不能買東市徒有絕世容不能樓上死  
祇此上高樓何如在平地

金谷園 曹松

當年歌舞時不說草離離今日歌舞盡滿園秋露垂

春日金谷園 李建勳

火急召親賓歡近莫厭頻日長徒似歲花過卽非春  
晚雨來何定東風自不勻須知三箇月不是負芳晨  
金谷園花發懷古 王質

寂寥金谷澗花發舊時園人事空懷古煙霞此獨存  
管絃非上客歌舞少王孫繁榮風驚散輕紅鳥乍翻  
山川終不改桃李自不言今日輕塵路淒涼詎可論

金谷園花發懷古

今日春風至花開石氏園未全紅艷折半與素光翻  
點綴疎林遍微明古徑繁窺臨鶯欲語寂寞李無言  
谷變迷金谷臺餘認樹萱川流人事共千載竟誰論

金谷園花發懷古

春風生梓澤遊春暇花林欲問當時事因何此日心  
繁華人已歿桃李意何深澗咽歌聲在空林影影沈  
唐詩類苑 卷之三

地形同萬古笑價失千金遺跡應無暇芳菲不可尋

石季倫金谷故園

許堯佐

石氏遺文在淒涼見故園輕風思奏樂衰草憶行軒  
舞榭荒苔掩歌臺墜葉繁斷雲歸舊壑流水咽清源  
曲渚殘虹斂蘆花宿鳥喧空餘林上月長似對金尊

石季倫金谷故園

李君芳

梓澤風流地淒涼跡尚存殘芳迷妓女衰草憶王孫  
舞態隨人謝歌聲寄鳥言池平森灌木月落弔空園  
流水悲難盡浮雲影自翻賓階餘蘚石車馬語喧喧

金谷園

杜牧

繁華事散逐香塵流水無情草自春日暮東風紀啼  
鳥落花猶似墮樓人

題裴二十一新園

皇甫冉

東郭訪先生西郊尋隱路久爲江南客自有雲陽樹  
已得閒園心不知公府步開門白日晚倚杖青山暮  
果熟任霜封籬疎從水度窮年常牽綴往事惜淪誤  
唯見耦耕人朝朝自來去

暇日小園散病將種秋菜督勒耕牛兼書觸

目

杜甫

不愛入州府畏人嫌我貧及乎歸茅宇苟全余此生  
唐詩類苑 卷之三

老病忌拘束應接喪精神江村意自放林木心所欣  
秋耕屬地濕山雨近甚勻冬菁飯之半牛力晚來新  
深耕柅數畝未甚後四鄰嘉蔬既不一名數頗具陳  
荆巫非苦寒采擷接青春飛來兩白鶴暮啄泥中芹  
雄者左翼垂損傷已露筋一步再流血尚驚縉繳勤  
三步六號叫志屈悲哀頻鸞鳳不相待側頸訴高旻  
我黎俯沙渚爲汝鼻酸辛

小園春至呈吏部寶郎中

羊士諤

松篠雖苦節冰霜憐其間欣然發佳色如喜東風還  
幽抱想前躅冥鴻度南山春臺一以眺達士亦解顏

優息非老圃沈吟閣玄關馳暉忽復失壯氣不得閒  
君子當濟物丹梯誰共攀心期自有約去掃蒼苔斑

小園招隱

錢起

支離鮮兄弟形影如手足但遂飲水節甘辭代耕祿  
斑衣在林巷始覺無羈束交柯低戶陰閒鳥將雛宿  
窮通世情阻日夜苦徑綠誰言北郭貧能分晏嬰粟

自題小園

白居易

不關門館華不關林園大但關爲主人一坐十餘載  
迴看甲乙第列在都城內素垣及朱門藹藹遙相對  
主人安在哉富貴去不迴池乃爲魚鑿林乃爲禽栽

唐詩類苑

卷之二十五

十一

何如小園主拄杖閒卽來親賓有時會琴酒連夜開  
以此聊自足不羨大池臺

將至益州題小園壁

蘇頌

歲霜惟益老春至却辭家可惜東園樹無人也作花

小園

杜甫

由來巫峽水本是楚人家客病留因藥春深買爲花  
秋庭風落果灤岸雨頽沙問俗營寒事將詩待物華

小園

李建勳

小園吾所好栽植忘勞形晚果經秋赤寒蔬近社青  
竹籬荒引蔓土井淺生萍更欲從人勸憑高置草亭

永寧小園卽事

羊士諤

蕭條梧竹下秋物映園廬宿雨方燃桂朝饑更摘蔬  
陰苔生白石時菊覆清渠陳力當何事忘言愧道書

春日小園晨看兼招同舍

李建勳

最有杏花繁枝枝若手搏須知一春促莫厭百迴看  
鳥囀風潛息蜂遲露未乾可容排飲否兼折贈頭冠

晚春永寧墅小園獨坐寄上王相公

錢起

東閣一何靜鶯聲落日愁夔龍暫爲別昏旦思兼秋  
蕙草出籬外花枝寄竹幽上方傳雅頌七夕讓風流

唐詩類苑

卷之二十五

十八

小園秋興

楊發

誰言帝城裏獨作野人居石磴晴看疊山苗晚自鋤  
猶慙五乘粟尚癖一車書思昔楊雄宅還無卿相輿

永寧小園寄接近校書

竇鞏

故里心期奈別何手移芳樹憶庭柯東臯黍熟君應  
醉梨葉初紅白露多

閒園懷蘇子

孟浩然

林園雖少事幽獨自多違向夕開簾坐庭陰葉落微  
鳥從煙樹宿螢飭水軒飛感念同懷子京華去不歸

閒園書事招暢當

司空曙

聞蟬晝眠後欹枕對蓬蒿病懶尋戴田園方詠陶  
傍簷蟲挂靜出樹蝶飛高惆悵臨清鏡思君見髮毛

閒園獨賞因夢得所寄蜂鶴之言引成此篇

以和之

白居易

午後郊園靜晴來景物新雨添山氣色風借水精神  
永日若爲度獨遊何所親僊禽狎君子芳樹倚佳人  
蟻鬪王爭肉蝸移舍逐身蝶雙知伉儷蜂分見君臣  
蠹蠕形雖小逍遙性卽均不知鵬與鷄相去幾微塵

閒園卽事寄陳公

司空曙

欲就東林寄一身尚憐兒女未成人柴門客去殘陽

唐詩類苑

卷之三十五

十九

在藥圃蟲喧秋雨頻近水方同梅市隱曝衣多笑阮  
家貧深山蘭若何時到美與閒雲作四鄰

閒園卽事贈考功王員外

李端

南陌晴雲稍變霞東風動柳水紋斜園林帶雪潛生  
草桃李雖春未有花幸接上賓登鄭驛羞爲長女似  
黃家今朝一望還成暮欲別芳菲戀歲華

春園卽事

王維

宿雨乘輕屐春寒著弊袍開畦分白水間柳發紅桃  
草際成基局林端舉桔槔還持鹿皮几日暮隱蓬蒿

春園卽事

陳羽

水隔群物外夜深風起頻霜中千樹橘月下五湖人  
聽鶴忽忘寢見山如得鄰明年還到此共看洞庭春

秋園晚沐

錢起

黃卷在窮巷歸來生道心五株衰柳下三徑小園深  
倒甃翻成字寒花不假林龐眉謝羣彥獨酌且閒吟

晚歸東園二首

李頎

出郭喜見山東行亦未遠夕陽帶歸鷺靄靄秋稼晚  
樵者乘霽歌野夫及星飯請謝朱輪客垂竿不復返

二

荆扉帶郊郭稼穡滿東菑倚杖寒山暮鳴梭秋葉時

唐詩類苑

卷之三十五

二十一

回雲覆陰谷返景照霜梨澹泊真吾事清風別自茲  
和崔監丞春遊鄭僕射東園

張翊

春興隨花盡東園自養閒不離三畝地似入萬重山  
白鳥穿蘿去清泉抵石還豈同秦代客無位隱商山

晚春過崔駙馬東園

張籍

閒園多好風不意在街東早早詩名遠長酒性同  
竹香新雨後鶯語落花中莫遣經過少年光漸覺空

歸南園寄京邑耆舊

孟浩然

嘗讀高士傳最嘉陶徵君日睹田園趣自謂羲皇人

予復何爲者棲棲徒問津中年廢丘壑十上旅風塵  
忠欲事明主孝思待老親歸來當炎夏耕稼不及春  
扇枕北窻下採芝南澗濱因聲謝朝列吾慕潁陽眞

南園

元稹

清露夏天曉荒園野氣通水禽遙汎雪池蓮迥披紅  
幽林詎知暑環舟似不窮頃灑塵喧意長嘯滿襟風  
和裴侍中南園靜興見示白居易

池館清且幽高懷亦如此有時簾動風盡日橋照水  
靜將鶴爲伴閒與雲相似何必學留侯崎嶇覓松子  
同張侍御勣和京兆蕭兵曹華歲晚南園

唐詩類苑

卷之三十五

三十一

儲光義

公府傳休沐私庭效陸沈方知從大隱非復在幽林  
闕下忠貞志人間孝友心旣將冠蓋雅仍與薜蘿深  
寒變中園柳春歸上苑禽池涵青草色山帶白雲陰  
潘岳閒居賦鍾期流水琴一經當自足何用遺黃金  
過招國李家南園二首李商隱

潘岳無妻客爲愁新人來坐舊粧樓春風猶自疑聯  
句雪絮相和飛不休  
長亭歲盡雪如波此去秦關路幾多唯有夢中相近  
分臥來無睡欲如何

南園十三首

李賀

花枝草蔓眼中開小白長紅越女腮可憐日暮媽香  
落嫁與春風不用媒

宮北田塍曉氣酣黃桑飲露窳宮簾長腰健婦偷攀  
折將餒吳王八繭蠶

竹裏繚絲挑網車青蟬獨噪日光斜桃膠迎夏香琥  
珀自課越傭能種瓜

三十未有二十餘白日長饑小甲蔬橋頭長老相哀  
念因遺戎韜一卷書

男兒何不帶吳鉤收取關山五十州請君暫上凌煙  
閣若箇書生萬戶侯

尋章摘句老雕蟲曉月當簾挂玉弓不見年年遼海  
上文章何處哭秋風

長卿牢落悲空舍曼倩諛諧取自容見買若耶溪水  
劍明朝歸去事猿公

春水初生乳燕飛黃蜂小尾撲花歸窻含遠近通書  
幌魚擁香鈎近石磯

泉沙軟臥鴛鴦暖曲岸回篙舴艋遲瀉酒木蘭蕉葉  
蓋病容扶起種菱絲

邊壤今朝憶蔡邕無心裁曲臥春風舍南有竹堪書



字老去溪頭作釣翁

長巒谷口倚嵇家白晝千峰老翠華自履藤鞋收石  
蜜手牽苔絮長純花

松谿黑水新龍卵桂洞生硝舊馬牙誰遣虞卿裁道  
帔輕綃一疋染朝霞

小樹開朝逕長茸濕夜煙柳花驚雪浦麥雨漲溪田  
古剎疎鐘度遙嵐破月懸沙頭敲石火燒竹照漁船

南園

李賀

方領蕙帶折角巾杜若已老蘭苕春南山削秀藍玉  
合小雨歸去飛涼雲熟杏暖香梨葉老草梢竹色鎖

唐詩類苑

卷之二十五

三

池痕鄭公鄉老開酒尊坐汎楚奏吟招鬼

答從弟幼成過西園見贈 李白

一身自瀟灑萬物何囂喧拙薄謝明時棲閑歸故園  
二季過舊壑四隣馳華軒衣劍照松宇賓從光石門  
山童薦珍果野老開芳罇上陳樵漁事下遂農圃言  
昨來荷花滿今朝蘭苕繁一笑復一歌不知夕景昏  
醉罷同所樂此情難具論

郡中西園

白居易

閒園多芳草春夏香靡靡深樹足佳禽旦暮鳴不已  
院門閉松竹庭徑穿蘭芷愛彼池上橋獨來聊徙倚

魚依藻長樂鷗見人暫起有時舟隨風盡日蓮照水

誰知郡府內景物閑如此始悟隨靜綠何嘗繫遠邇

程評事西園

釋法震

誰向春鶯道名園已共知簷前迴水影城上出花枝  
搖拂煙雲動登臨翰墨隨相招能不厭山舍爲君移

和李僕射西園

張籍

遇午歸閒處西庭敞四簷高眠著瑟枕散帙檢書籤  
印在休通客山晴好捲簾竹涼蠅到少藤暗蝶爭潛  
曉鵲頻驚喜疎蟬不許拈石苔生紫點欄藥吐紅尖  
虛坐詩情遠幽探道侶兼所營尚勝地雖儉後誰嫌

唐詩類苑

卷之二十五

三

和新樓北園偶集從孫公度周巡官韓秀才

盧秀才范處士小飲鄭侍御判官周劉二

從事皆先歸

白居易

聞君新樓宴下對北園花主人既賢豪賓客皆才華  
初筵日未高中飲景已斜天地爲幕席富貴如泥沙  
嵇劉陶阮徒不足置齒牙臥甕鄙卑卓落帽嗤孟嘉  
芳草供枕藉亂鶯助誼譁醉鄉得道路狂海無津涯  
一歲春又盡百年期不賒同醉君勿辭獨醒古所嗟  
銷愁若沃雪破悶如剖瓜稱觴起爲壽此樂無以加  
歌聲凝貫珠舞袖飄亂麻相公爲四座今日非自誇



有奴善吹笙有婢彈琵琶十指纖若笋雙鬟驚如鴝  
履鳥起交雜杯盤散紛拏歸去勿擁遏倒載逃難遮  
明日宴東武後日遊若耶豈獨相公樂謳歌千萬家

北園

白居易

北園東風起雜花次第開心知須更落一日三四來  
花下豈無酒欲酌復遲迴所思渺千里誰勸我一杯  
奉和元相公家園卽事寄王相公

韓翃

共列中台貴能齊物外心回車青閣晚解帶碧茸深  
寒水分畦入晴花度竹尋題詩更相憶一字重千金

唐詩類苑

卷之三十五

三十五

與弟遊家園

張九齡

定省榮君賜來歸是晝遊林鳥飛舊里園果釀新秋  
枝長南庭樹池靈北澗流星霜屢爾別蘭麝爲誰幽  
善積家方慶恩深國未酬棲棲將義動安得久情留

家園三絕

白居易

滄浪峽水子陵灘路遠江深欲去難何似家池通小  
院臥房堦下插魚竿

離下先生時得醉甕間吏部暫偷眠何如家醞雙魚  
榼雪夜花時長在前

鴛鴦怕捉竟難親鸚鵡雖籠不著人何似家禽雙白

鶴閒行一步亦隨身

春園家宴

張謂

南園春色正相宜少婦同行少婦隨竹裏登樓人不  
見花間覓路鳥先知櫻桃解結垂簷子楊柳能低入  
戶枝山簡醉來歌一曲參差笑殺郢中兒

春中田園

王維

屋上春鳩鳴村邊杏花白持斧伐遠楊荷鋤覘泉脉  
歸燕識故巢舊人看新曆臨觴忽不御惆悵遠行客

淇上卽事田園

王維

屏居淇水上東野曠無山日隱桑柘外河明閭井間

唐詩類苑

卷之三十五

三十六

牧童望村去獵犬隨人還靜者亦何事荆扉乘晝關

田園樂七首

王維

厭見千門萬戶經過北里南隣官府鳴珂有底崆峒  
散髮何人

再見封侯萬戶立譚賜壁一雙詎勝耦耕南畝何如  
高臥東窗

採菱渡頭風急策杖林西日斜杏樹壇前漁父桃花  
源裏人家

萋萋芳草春綠落落長松夏寒牛羊自歸村巷童羣  
不識衣冠

山下孤煙遠村天邊獨樹高原一瓢顏回陋巷五柳先生對門

桃紅復含宿雨柳綠更帶朝煙花落家僮未掃鶯啼山客猶眠

酌酒會臨泉水抱琴好倚長松南國露葵朝折東舍黃梁夜春

林園卽事寄舍弟統

王維

寓目一蕭散消憂冀俄頃青草肅澄陂白雲移翠嶺後河通河渭前山包鄆郢松含風裏聲花對池中影地多齊后瘠人帶荊州瘦徒思赤筆書詎有丹砂井

唐詩類苑

卷之二十五

三十一

心悲常欲絕髮亂不能整青簪日何長開門畫方靜顏思茅簷下彌傷好風景

奉和思黯相公雨後林園四韻

白居易

新晴夏景好復此池邊地煙樹綠含濕水風清有味便成林下隱都忘門下事騎吏引歸軒始知身富貴

題李沆林園

盧綸

古巷牛羊出重門接柳陰閑看入竹路自有向山心種藥齊幽石耕田到遠林願同詞賦客得與謝家深

春日同諸公過兵部王尚書林園

權德輿

休沐君相近時容曳履過花間留客久臺上見春多松色明金艾鶯聲雜玉珂更逢新酒熟相與藉庭莎

題從叔沆林園

李端

阮宅閒園暮牕中見樹陰樵歌依遠草僧語過長林鳥上花間井人彈竹裏琴自嫌身未老已有住山心

題鄭少府林園

李端

謝家今日暖詞客願抽毫櫪馬方迴影池鷺正理毛竹筒傳水遠塵尾坐僧高獨有雷宗賤過君着弊袍

宿李少府林園

黃滔

唐詩類苑

卷之二十五

三十一

一壺濁酒百家詩住此園林守選期深院月涼留夜客古杉風細似泉時嘗頻異茗塵心淨議罷名山竹影移明日綠苔渾掃後石庭吟坐復容誰

春暮過石龜谷題溫處士林園

錢起

隱几無名老何年此陸沈丘園自得性婚嫁不嬰心歲計因山薄霞樓在谷深設置連草色曬藥背松陰觸興雲生岫隨耕鳥下林搢頤笑來客頭上有朝簪

代林園戲贈

白居易

南院今秋遊宴少西坊近日往來頻假如宰相池亭

好作客何如作主人

戲答林園

白居易

豈獨西坊來往頻  
偷閒處處作遊人  
衡門雖是棲遲地  
不可終朝鎖老身

重戲贈

白居易

集賢池館從他盛  
履道林亭勿自輕  
往往歸來嫌窄小  
年年為主莫無情

重戲答

白居易

小水低亭自可親  
大池高館不關身  
林園莫妬裴家好  
憎故憐新豈是人

唐詩類苑

卷之三十五

三九

題元注林園

李端

謝家門館似山林  
碧石青苔滿樹陰  
乳鵲貯巢花巷靜  
鳴鳩鼓翼竹園深  
枯槿轉水兼通藥  
方丈留僧共聽琴  
獨有野人箕踞慣  
過君始得一長吟

道州夏日早訪荀參軍林園敬訓見贈

呂溫

高眠日出始開門  
竹徑旁通到後園  
陶亮橫琴空有意  
任崇置水任無言  
松窗宿翠含風薄  
槿援朝花帶露繁  
山郡本來車馬少  
更容相訪莫辭喧

春過裴虬郊園

時裴不在因以詩之

劉長卿

郊園春欲暮  
桃杏落紛紛  
何處隨芳草  
留家寄白雲

聽鶯情念友  
看竹恨無君  
長嘯高堂上  
南風冀爾聞

郊園

鄭谷

相近復相尋  
山僧與水禽  
煙簾春釣靜  
雪後夜碁深  
雅道誰開口  
時風未醒心  
溪光何以報  
祇有醉和吟

山園樓隱

錢起

守靜信推分  
灌園樂在茲  
且忘堯舜力  
寧顧尚書期  
晚景採蘭暇  
空林散帙時  
卷荷藏露滴  
黃口觸蟲絲  
三徑與鶯遠  
一瓢常自怡  
情人半雲外  
風月詎相思

上後園山脚

杜甫

唐詩類苑

卷之三十五

三十一

朱夏熱所嬰  
清旦步北林  
小園背高岡  
挽葛上崎嶇  
曠望延駐日  
飄颻散疎襟  
潛鱗恨水壯  
去翼依雲深  
勿謂地無疆  
劣於山有陰  
石楨徧天下  
水陸兼浮沈  
自我登龍首  
十年經碧岑  
劍門來巫峽  
薄倚浩至今  
故園暗戎馬  
骨肉失追尋  
時危無消息  
老去多歸心  
志士惜白日  
久客藉黃金  
敢為蘇門嘯  
庶作梁父吟

又上後園山脚

杜甫

昔我遊山東  
憶戲東嶽陽  
窮秋立日觀  
矯首望八荒  
朱崖著毫髮  
碧海吹衣裳  
蓐收困用事  
玄冥蔚強梁  
逝水自朝宗  
鎮石各其方  
平原獨憔悴  
農力廢耕桑

非關風露凋曾是戍役傷於時國用富足以守邊疆  
朝廷任猛將遠奪戎虜場到今事反覆故老淚萬行  
龜蒙不可見况乃懷故鄉肺萎屬久戰骨出熱中腸  
憂來杖匣劍更上林北岡瘴毒猿鳥落峽乾南日黃  
秋風亦已起江漢始知湯登高欲有往蕩析川無梁  
哀彼遠征人去家死路傍不及祖父塋壘壘家相當

江園書事寄盧綸

司空曙

種柳南江邊閉門三四年俗人那勝竹凡鳥不如蟬  
嗜酒漸嬰渴讀書多欲眠平生故交在白首遠相憐

瓜園并序

王維

唐詩類苑

卷之二十五

三十一

維瓜園高齋俯視南山形勝二三時輩同賦是詩  
兼命詞英數公同用園字爲韻韻任多少時太子  
司議郎薛璩發此題遂同諸公云

余適欲鋤瓜倚鋤聽叩門鳴騶導驄馬常從夾朱軒  
窮巷正傳呼故人儻相存攜手追涼風放心望乾坤  
藹藹帝王州宮觀一何繁林端出綺道殿頂播華幡  
素懷在青山若值白雲屯迴風城西雨返景原上村  
前酌盈尊酒往往聞清言黃鸝轉深木朱槿照中園  
猶羨松下客石上聞清猿

城西竹園送裴佖王達

李益

巖蕤凌風竹寂寞離人觴愴懷非外至沈鬱自中腸  
遠行從此始別袂重淒霜

棋園

杜甫

春日清江岸千柑二頃園青雲著葉密白雪避花繁  
結子隨邊使開筒近至尊後於桃李熟終得獻金門  
課小堅鉏斫舍北果林枝蔓荒穢淨訖移牀

三首

杜甫

病枕依茅棟荒鉏淨果林背堂資僻遠在野興清深  
山雉防求敵江猿應獨吟洩雲高不去隱几亦無心

二

唐詩類苑

卷之二十五

三十一

眾壑生寒早長林卷霧齊青蟲懸就日朱果落封泥  
薄俗防人面全身學馬蹄吟詩坐迴首隨意葛巾低

三

籬弱門何向沙虛岸只摧日斜魚更食客散鳥還來  
寒水光難定秋山響易哀天涯稍曛黑倚杖更徘徊  
將別巫峽贈南卿兄瀼西果園四十畝

杜甫

苦竹素所好萍蓬無定居遠遊長兒子幾地別林廬  
雜藥紅相對他時錦不如具舟將出峽巡圃念攜鋤  
正月喧鶯未茲辰放鵠初雪籬梅可折風榭柳微舒

託贈卿家有因歌野興疎殘生逗江漢何處狎

夏日陪史郎中宴杜郎中興園

錢起

何事重逢迎春醪晚更清林端花自老池上月初明  
路入僊郎次鳥遶柱史名竹陰疎柰院山翠傍蕪城  
引滿不辭醉風來待曙更

訓王秀才桃花園見寄

杜牧

桃滿西園淑景催幾多紅艷淺深開此花不逐溪流  
出晉客無因入洞來

重尋杏園

白居易

唐詩類苑

卷之二十五

三十一

忽憶芳時頻醕酌却尋醉處重徘徊杏花結子春深  
後誰解多情又獨來

杏園

杜牧

夜來微雨洗芳塵公子華騶步勻莫怪杏園顚顚  
去滿城多少插花人

同白侍郎杏園贈劉郎中

張籍

一去瀟湘頭欲白今朝始見杏花春從來遷客應無  
數重到花前有幾人

杏園

元稹

浩浩長安車馬塵狂風吹送每年春門前本是虛空

界何事栽花悞世人

陪韋中丞宴扈都頭花園

趙嘏

門下煙橫載酒船謝家攜客醉華筵尋花偶坐將軍  
樹飲水方重刺史天幾處艷歌春色裏斷行高鳥暮  
雲邊分明聽得與人語願及行春更一年

藥園

司空曙

春園芳已遍綠蔓雜紅英獨有深山客時來辨藥名

春過賀遂員外藥園

王維

前年槿籬故新作藥欄成香草爲君子名花是長卿  
水穿盤石透藤繫古松生書畏開厨走來蒙倒履迎

唐詩類苑

卷之二十五

三十一

蔗漿菰米飯藟醬露葵羹頗識灌園意於陵不自輕

送崔員外入秦因訪故園

岑參

欲謁明光殿先趨建禮門僊郎去得意亞相正承恩  
竹裏巴山道花間漢水源憑將兩行淚爲訪邵平園

訓崔十三侍御登玉壘山思故園見寄

岑參

玉壘天晴望諸峰盡覺低故園江樹北斜日嶺雲西  
曠野看人小長空共鳥齊山高徒仰止不得日攀躋

故園置酒

劉希夷

酒熟人須飲春還髮已秋願逢千日醉得緩百年憂

舊里多青草新知盡白頭風前燈易滅川上月難留  
卒卒周姬日棲樓曾孔丘平生能幾日不及且遊

憶洛下故園

白居易

潯陽遷謫地洛陽離亂年煙塵三川上炎瘴九江邊  
鄉心坐如此秋風仍颯然

尋張五迴夜園作

孟浩然

聞就龐公隱移居近洞湖興來林是竹歸臥谷名愚  
挂席樵風便開軒琴月孤歲寒何用賞霜落故園蕪

從天平節度使遊平流園

曹鄴

池塘靜於寺俗事不到眼下馬如在山令人忽疎散

唐詩類苑

卷之二十五

三五

明公有高思到此遂長返乘興挈一壺折荷以爲蓋  
入竹藤似蛇侵牆水成蘚幽鳥不識人時來拂冠冕  
公流路若窮及行路猶遠洞中已云夕洞口天未晚  
自憐不羈者寫物性常簡翻愁此興多引得嵇康頰

餞王郎中於司馬園

孟浩然

上國山河裂賢王邸第開故人分職去潘令寵行來  
冠蓋趨梁苑江湘失楚材豫愁軒騎動賓客散池臺

奉誠園

馬司從

元稹

蕭相深誠奉至尊舊居求作奉誠園秋來古巷無人  
掃樹滿空牆閉戟門

三原李氏園宴集

張籍

暮春天早熱邑居苦囂煩言從君子樂樂彼李氏園  
園中有草堂池引涇水泉開戶西北望遠見嵯峨山  
借問主人翁北州佐戎軒僕夫守舊宅爲客侍華筵  
高懷有餘興行樹芳且鮮傾我所持觴盡日共留連  
疎拙不偶俗常喜形體閒况來幽棲地能不重嘆言

偶遊主人園

賀知章

主人不相識偶坐爲林泉莫謾愁酤酒囊中自有錢

題黃司直園

戴叔倫

爲憶去年梅凌寒特地來門前空臘盡渾未有花開

唐詩類苑

卷之二十五

三十六

荒園

王建

朝日滿園霜牛衝籬落壞掃掠黃葉中時時一窠薤  
苑

遣使宣詔幸上苑

武后

天授二年臘卿相欲詐稱花發請幸上苑有所謀  
也許之尋疑有異圖乃遣使宣詔云云於是凌晨

名花布苑群臣咸服其異

明朝遊上苑火速報春知花須連夜發莫待曉風吹

大曆十四年侍郎潘炎試花發上林苑

王表

御苑春何早，繁花已繡林。笑迎明主仗，香拂美人簪。  
地接樓臺近，天垂雨露深。晴光來戲蝶，夕景動樓陰。  
欲托凌雲勢，先開捧日心。方知桃李樹，從此別成陰。

漢苑行三首

張仲素

回鴈高飛太液池，新花低發上林枝。年光到處皆堪  
賞，春色人間總未知。

春風澹澹影悠悠，鸞轉高枝燕入樓。十步回廊聞鳳  
吹，珠簾處處上銀鉤。

二月風光變柳條，九天清樂奏雲韶。蓬萊殿後花如  
錦，紫閣堦前雪未消。

唐詩類苑

卷之二十五

三十七

梁苑

王昌齡

梁園秋竹古時煙，城外風悲欲暮天。萬乘旌旗何處  
在，平臺賓客有誰憐。

隋苑

一作苑子  
牛相小

杜牧

紅霞一抹廣陵春，定子當筵睡臉新。却笑丘墟隋煬  
帝，破家亡國爲誰人。

吳苑行

溫庭筠

錦雉雙飛梅結子，平春遠綠窻中起。吳江澹盡水連  
空，三尺屏風隔千里。小苑有門紅扇開，天絲舞蝶共  
徘徊。綺戶雕楹長若此，韶光處處還歸來。

長洲苑

孫逖

吳王初鼎峙，羽獵騁雄才。輦道閭門出，軍容茂苑來。  
山從列嶂轉，江自遶林迴。劍騎綠汀入，宮門隔嶼開。  
合離分若電，馳逐溢成雷。勝地虞人守，歸舟漢女陪。  
可憐夷漫處，猶在洞庭隈。山靜吟猿狖，城空應雉媒。  
戎行委喬木，馬跡盡黃埃。攬涕問遺老，繁華安在哉。

賦得長洲苑送李惠

郎士元

草深那可訪，地主阻相傳。散漫三秋雨，疎蕪萬里煙。  
都迷採蘭處，強記館娃年。客有遊吳者，臨風思眇然。

經沙苑

李賀

唐詩類苑

卷之二十五

三十八

梁苑

王昌齡

野水汎長瀾，宮牙開小倩。無人柳自春，草渚鴛鴦暖。  
晴嘶臥沙馬，老去悲啼展。今春還不歸，寒嚶折翅鴈。

沙苑

鄭谷

茫茫信馬行，不似近都城。苑吏猶迷路，江人莫問程。  
聚來千嶂出，落去一川平。日暮客心速，愁聞鴈數聲。

苑中

韓偓

上苑離宮處處迷，相風高與露盤齊。金階鑄出俊猊  
立，玉柱雕成翡翠啼。外使調鷹初得按，中官過馬不  
教嘶。笙歌錦繡雲霄裏，獨許詞臣醉似泥。

唐詩類苑卷第二十五終



唐詩類苑卷第二十六

明雲間張之象玄超甫纂輯

雲間張所敬長輿甫編次

雲間王徹叔朗甫補訂

梁谿曹仁孫伯安甫校正

地部

關

入潼關

太宗

嶠函稱地險襟帶壯兩京霜峰直臨道水河曲繞城  
古木參差影寒援斷續聲冠蓋往來合風塵朝夕驚

唐詩類苑

卷之三十六

高譚先馬度僞曉預鷄鳴棄繻懷遠志封泥負壯情  
向有真人氣安知名不名

奉和聖製入潼關

許敬宗

曦馭循黃道星辰引翠旗濟潼紆萬乘臨河耀六師  
前旌彌陸海後騎發通伊勢踰迴地軸威盛轉天機  
是節歲窮紀關樹蕩涼颼僊霧含靈掌瑞鼎照川湄  
沖襟賞臨睨高詠入京畿

潼關口號

玄宗

河曲回千里關門限二京所嗟非恃德設險到天平  
奉和聖製潼關口號應制 張說

天德平無外關門東復西不將千里隔何用一九泥

奉和聖製潼關口號應制 張九齡

隱嶙故城壘荒涼空戍樓在德不在險方知王道休

奉和聖製過潼津關 蘇頲

在德何夷險觀風復往還自然同善閉中路可無關

潼關道中

鄭谷

白道曉霜迷籬燈照馬嘶秋風滿關樹殘月隔河鷄  
來往非無倦窮通豈易齊何年歸故社披雨剪春畦

行次潼關題驛後軒

許渾

飛閣極層臺終童此路回山形朝闕去河勢抱關來

唐詩類苑

卷之三十六

鴈過秋風急蟬鳴宿霧開平生無限意驅馬任塵埃

次潼關先寄張十二閣老使君

韓愈

荆山已去華山來日出潼關四扇開刺史莫辭迎候

遠相公新破蔡州迴

次潼關上都統相公

韓愈

暫辭堂印執兵權盡管諸軍破賊年冠蓋相望催入  
相待將功德格皇天

過潼關

溫庭筠

地形盤屈帶河流景氣澄明是勝遊十里曉鷄關樹



暗一行寒鴈隴雲愁片時無事溪泉好盡日凝眸望  
更秋塵尾角巾應曠望更嗟芳靄隔秦樓

早渡蒲關

玄宗

鐘鼓嚴更曙山河野望通鳴鑾下蒲坂飛旆入秦中  
地險關逾壯天平鎮尚雄春來津樹合月落戍樓空  
馬色分朝景鷄聲逐曉風所希常道泰非復棄繻同

奉和聖製早渡蒲關應制

張說

蒲坂橫臨晉華芝曉望秦關城雄地險橋路扼天津  
樓映行宮日隄含宮樹春黃雲隨寶鼎紫氣逐真人  
東詠唐虞跡西觀周漢塵山河非國寶明主愛忠臣

唐詩類苑

卷之三十六

三

奉和聖製早渡蒲關應制

張九齡

魏武中流處軒皇問道迴長堤春樹發高掌曙雲開  
龍負王舟渡人含僊氣來汀津會日月天象役風雷  
東顧重關盡西馳萬國陪遠聞股肱郡元首詠康哉

奉和聖製早渡蒲關應制

徐安貞

僊掌臨秦甸虹橋闢晉關兩都分地險一曲渡河灣  
路得津門要時稱古戍閑城花春正發岸柳曙堪攀  
後乘猶臨水前旌欲換山長安迴望日宸御六龍還  
入蒲關先寄秦中故人

岑參

秦山數點似青黛渭水一條如白練京師故人不可

見寄將兩眼看飛燕

經函谷關

韋應物

洪河絕山根單軌出其側萬古爲要樞往來何時息  
秦皇既恃險海內被吞食及嗣同覆傾咽喉莫能塞  
炎靈詎西駕婁子非經國徒欲扼諸侯不知恢至德  
聖朝及天寶豺虎起東北下沈戰死魂上結窮冤色  
古今雖共守成敗良可識藩屏無俊賢金湯獨何力  
馳車一登眺感慨中自惻

奉和聖製經函谷關作

張九齡

函谷雖云險黃河復已清聖心無所隔空此置關城

唐詩類苑

卷之三十六

四

春過函谷關

于鄴

幾度作遊客客行常苦辛愁看函谷路盡布衣人  
歲遠關猶固時移草亦春何當名利息遣此絕征輪  
過函谷關

楊齊哲

地險嶠函北途經分陝東逶迤衆山盡荒涼古塞空  
河光流曉日樹影散朝風聖德今無外何處是關中

函谷關

汪遵

脫禍東奔壯氣催馬如飛電勢如雷當時若不輕彈  
鈇那得關門夜半開

秦築長城比鐵牢蕃戎不敢過臨洮雖然萬里連雲

際爭及堯階三尺高

曉過函谷關

李涉

因韓爲趙兩遊秦十月冰霜渡孟津縱使鷄鳴見關吏不知余也是何人

函谷關歌送劉評事使關西

岑參

君不見函谷關崩城毀壁至今在樹根草蔓遮古道空谷千年長不改寂寞無人空舊山聖朝無事不須關白馬公孫何處去青牛老人更不還蒼苔白骨空滿地月與古時長相似野花不省見人行山鳥何曾識關吏故人方乘使者車吾知郭丹却不如請君時憶關外客行到關西多致書

唐詩類苑

卷之三六

五

秋風函谷關應詔

徐賢妃

見天部風

出玉關

來濟

斂轡遵龍漢銜懷度玉關今日流沙外垂涕念生還

玉關寄長安李主簿

岑參

東去長安萬里餘故人何惜一行書玉關西望堪腸斷況復明朝是歲除

使青夷軍入居庸三首

高適

匹馬行將久征途去轉難不知邊地別祗訝客衣單溪冷泉聲苦山空木葉乾莫言關塞極雲雪尚漫漫

二

古鎮青山口寒風落日時巖巒鳥不過冰雪馬堪遲出塞應無策還家賴有期東山足松桂歸去結茅茨

三

登垣驅征騎樓遲愧寶刀遠行今若此微祿果徒勞絕坂水連下羣峰雲共高自堪成白首何事一青袍

過蕭關

張蟾

出得蕭關北儒衣不稱身隴狐

一作

來試客沙鷗下

唐詩類苑

卷之三十六

六

欺人曉成殘衙火晴原起獵塵邊戎莫相忌非是霍家親

登宇文內史入重陽關

北原風雨散南

衛疎待詔還金馬儒林歸石渠

徒懸仁壽鏡空聚茂陵書竹波垂秋筍蓮衣落晚葉顧成始移廟陽陵正徙居舊蘭樵悴長殘花爛熳舒別有昭陽殿長悲故婕妤

武牢關

羅隱

楚人曾此限封疆不見青陰六里長一壑暮聲何怨望數峰秋勢自顛狂由來四皓須神伏大底秦皇謾

氣強欲學鷄鳴試關吏太平時節懶思量

題武關

杜牧

碧溪留我武關東一笑懷王跡自窮鄭袖嬌嬈渾似  
醉屈原憔悴去如蓬山墻谷塹依然在弱吐強吞盡  
已空今日聖神家四海戍旗長卷夕陽中

百牢關

元稹

天上無窮路生期七十間那堪九年內五度百牢關

百牢關

奉使推小吏任敬仲

元稹

嘉陵江上萬重山何事臨江一破顏自笑只緣任敬  
仲等閒身度百牢關

唐詩類苑

卷之三六

七

晚發天井關寄李師晦

許渾

山在水滔滔流年欲惜

一作惜

二毛湘潭歸夢遠燕趙客

程勞露曉紅蘭重雲晴碧樹高逢秋正多感萬里別

同袍

天井關

韋莊

太行山上雲深處誰向雲中築女墻短綆詎能垂玉

甃繚垣何用學金湯斷開嵐翠爲高壘截斷雲霞作

巨防守吏不教飛鳥過赤眉何路到吾鄉

西還至散關答喬補闕知之

陳子昂

葳蕤蒼梧鳳嚙淚白露蟬羽翰本非匹結交獨何全

昔君事胡馬余得奉戎旃攜手同沙塞關河緬幽燕

芳歲幾陽止白日屢徂遷功業雲臺薄平生玉佩捐

難比南歸日猶聞北戍邊代水不可涉巴江亦潺湲

攬衣度函谷衝涕望秦川蜀門自茲始雲山方浩然

散關晨度

王勃

關山凌旦開石路無塵埃白馬高譚去青牛真氣來

重門臨巨壑連棟起崇隈卽今揚策度非是棄繻回

劒門

杜甫

惟天有設險劒閣天下壯連山抱西南石角皆北向

唐詩類苑

卷之三六

八

兩崖崇墉倚刻畫城郭狀一夫怒臨關百萬未可傍

珠玉走中源岷峨氣懷愴三皇五帝前野犬莫相放

後王尚柔遠職貢道已喪至今英雄人高視見霸王

并吞與割據極力不相讓吾將罪真宰意欲鏹壁嶂

恐此復偶然臨風默惆悵

關山曲二首

馬戴

金甲耀兜鍪黃金拂紫騮叛羌旗下戮陷壁夜中收

霜霰戎衣故關河積氣秋箭瘡殊未合更遣在蘭州

二

火發龍山北中宵易左賢勒兵臨漢水驚鴈散胡天

水落防河急軍孤受敵偏猶聞漢皇怒按劍待開邊

度關山

李端

鴈塞月初晴孤關覆雪平危樓一作竿綠廣漢古竇傍

長城拂劍金星出翻弓玉羽鳴一作輕誰知係虜者賈

誼是書生

出關

魏徵

中原初逐鹿投筆事戎軒縱橫計不就慷慨志猶存

杖策謁天子驅馬出關門請纓係南越憑軾下東藩

鬱紆陟高岫出沒望平原古木吟寒鳥空山啼夜猿

既傷千里目還驚九折魂豈不憚艱險深懷國士恩

唐詩類苑

卷之二十六

九

季布無二諾侯嬴重一言人生感意氣功名誰復論

出關路

白居易

山川函谷路塵土遊子顏蕭條去國意秋風生故關

出關

曹鄴

山上黃犢走避人山下女郎歌滿野我獨南征恨此

身更有無成出關者

出關

韋莊

馬嘶煙岸柳陰斜回首關山路轉賒到處因循綠嗜

酒一生惆悵爲判花危時祗合身無著白日那看事

有涯正是瀟陵春草綠仲宣何事獨辭家

大梁送柳淳先入關 孟郊

青山輾爲塵白日無閒人自古推高車爭利西入秦

王門與侯門待富不待貧空攜一束書去去誰相親

入關

曹鄴

衡門亦無路何況入西秦炎病不得穴徒爲採艾人

送陸肱入關

尚顏

舟行復陸行始得到咸京淮擬何人口吹噓六義名

亂山逢減翠叢菊早含英衣錦還鄉日他時有此榮

送友入關

李端

聞君帝城去西望一沾巾落日見秋草暮年逢故人

唐詩類苑

卷之二十六

十

非干長作客有命懶謀身近更嬰衰疾空思老漢濱

入關

杜牧

東西南北數衢通曾取江西徑過東今日更尋南去

路未秋應有北歸鴻

秋入關

賈馳

河上微風來關頭樹初濕今朝關城吏又見孤客入

上國誰與期西來徒自急

送范評事入關

韋莊

寂寥門戶寡相親日日頻來只有君正喜琴樽長作

伴忽攜書劍遠辭群傷心柳色離亭見聒耳蟬聲故

國聞爲報明年杏園客與留絕艷待終軍

江南送李明府入關 韋莊

雨花煙柳傍江村流落天涯酒一樽分首不辭多下  
淚迴頭唯恐更消魂我爲孟館三千客君繼寧王五  
代孫正是中興磐石重莫將憔悴入都門

入關 羅鄴

古道槐花滿樹開入關時節一蟬催出門唯恐不先  
到當路有誰長待來似箭年光還可惜如蓬生計更  
堪哀故園若有漁舟在應挂雲帆早箇迴

自蜀入關 羅鄴

唐詩類苑 卷之三十六 十一

文戰連輸未息機東書攜劍定前非近來從聽事難  
得休去且無山可歸匹馬出門還悵望孤雲何處是  
因依斜陽驛路西風緊遙指人煙宿翠微

入關言懷 黃滔

背將蹤跡向京師出在先春入後時落日灞橋飛雪  
裏已聞南院有看期

入關旅次言懷 黃滔

寸心唯自切上國與誰期月晦時風雨秋來日別離  
便休終未肯已苦不能疑獨愧唐山路千年四皓祠

關中言懷 黃滔

事事朝朝委一鐔自知無復解趨奔試期交後猶爲  
客公道開時敢說冤窮巷住來經積雨故山歸去見  
荒村舉頭盡到斷腸處何必秋風江上猿

出關言懷 黃滔

又乞書題出關西謁列侯寄家僧許嶽釣浦雨移洲  
寶馬登長陸沾衣逐勝遊菜腸終日餒霜鬢度年秋  
詩苦無人愛言公是世仇却憐庭際草中有號忘憂

關下早行 林寬

軋軋推危轍聽鷄獨早行風吹宿靄散月照山明  
白首東西客黃河晝夜清相逢皆有事唯我是閒情

唐詩類苑 卷之三十六 十二

秋晚度廢關 李行言

秦郊平舊險周德眷遺黎始聞清夜柳伊見落風泥  
物色來無限萍途去不迷空亭誰問馬開戍何鳴  
山月寒滿淨河風曉更淒贈言揚伯起非復是關西

望蕭關 朱慶餘

漸見風砂暗蕭關欲到時兒童能探火婦女解縫旗  
川絕銜魚鷺林多帶箭鷹暫來戎馬地不敢苦吟詩

關亭永望 羅隱

關畔春雲拂馬頭馬前春事共悠悠風欺岸柳長條  
困露裛山花小奈愁越信功夫高似狗裴王氣力大

於牛未知至竟將何用渭水涇川一向流

峽

巫山峽

李白

巫山夾青天巴水流若茲巴水忽可盡青天無到時  
三朝上黃牛三暮行太遲三朝復三暮不覺髮成絲

唐詩類苑

卷之三十六

十三

十三四時常從巫峽過他日偶然有思

沈佺期

小度巫山峽荆南春欲分使君灘上草神女廟前雲  
樹悉江中見猿多天外聞別來如夢裏一想一氣凝

道峽似巫山

朱使欣

江如曉天靜石似暮雲張征帆一流覽宛若巫山陽  
楚客思歸路秦人謫異鄉猿鳴孤月夜再使淚沾裳

和朱使欣道峽似巫山二首

張說

南土多爲寇西方盡畏途山行阻篋竹水宿礙荊蒲

使越才應有征蠻力豈無空傳人贈劍不見虎銜珠

二

江勢連山遠天涯此夜愁霜空極天靜寒月帶江流  
思起南征棹文高北望樓自憐如墜葉汎汎逐僊舟

巫山峽

皇甫冉

巫山見巴東迢迢出半空雲藏神女館雨到楚王宮  
朝暮泉聲落寒暄樹色同清猿不可聽偏在九秋中

巫峽

楊炯

三峽七百里唯言巫峽長重巖宵不極疊嶂凌蒼蒼  
絕壁橫天險莓苔爛錦章夜分明見

唐詩類苑

卷之三十六

十四

忠信吾所蹈汎舟亦何傷可以涉砥柱可以浮呂梁  
美人今何在靈芝徒有芳山空夜猿嘯征客淚沾裳

巫峽

曹松

巫山蒼翠峽通津下有僊宮楚女眞不逐綵雲歸碧  
落却爲暮雨撲行人年年舊事音容在日日誰家夢  
想頻應是荆山留不住至今猶得覩芳塵

廣溪峽

楊炯

廣溪三峽首曠望兼川陸山路遶羊腸江城鎮魚腹  
喬林百丈偃飛水千尋瀑驚浪回高天盤渦轉深谷  
漢氏昔云季中原爭逐鹿天下有英雄襄陽有龍伏

常山集軍旅永安興板築池臺忽已傾邦家遽淪覆  
庸才若劉禪忠佐爲心腹設險猶可存當無賈生哭

西陵峽

楊炯

絕壁聳萬仞長波射千里盤薄荆之門滔滔南國紀  
楚都昔全盛高丘烜望祀秦兵一旦侵夷陵火潛起  
四維不復設關塞良難恃洞庭且忽然孟門終已矣  
自古天地闢流爲峽中水行旅相贈言風濤無極已  
及余踐斯地環竒信爲美江山若有靈千載伸知己

鐵堂峽

杜甫

山風吹遊子縹緲乘險絕峽形藏堂隍壁色立積鐵

唐詩類苑

卷之三十六

十五

徑磨穹蒼蟠石與厚地裂脩纖無限竹嵌空太始雪  
威遲哀壑底徒旅慘不悅水寒長冰橫我馬骨正折  
生涯抵弧矢盜賊殊未滅飄蓬踰三年迴首肝肺熱

青陽峽

杜甫

塞外苦厭山南行道彌惡岡巒相經亘雲水氣參錯  
林迴硤角來天窄壁面削溪西五里石奮怒向我落  
仰看日車側俯恐坤軸弱魑魅嘯有風霜霰浩漠漠  
昨憶踰隴坂高秋視吳嶽東笑蓮花卑北知崆峒薄  
超然倅壯觀已謂殷寥廓突兀猶趁人及茲難冥寞

次同冠峽

韓愈

今日是何朝天晴物色饒落英千尺墮游絲百丈飄  
泄乳交巖脉懸流揭浪標無心思嶺北猿鳥莫相撩

同冠峽

韓愈

南方二月半春物亦已少維舟山水間晨坐聽百鳥  
宿雲尚含姿朝日忽升曉羈旅感和鳴囚拘念輕矯  
潺湲淚久迸詰曲思增繞行矣且無然蓋棺事乃了

暮上瞿塘峽

項斯

自古艱難地孤舟旦暮程獨愁空託命肯已是輕生  
有樹皆相倚無巖不倒傾蛟螭波數怒鬼怪火潛明  
履道知無負離心要驚何年面骨肉細話苦辛行

唐詩類苑

卷之三十六

十六

滄浪峽

儲嗣宗

滄浪臨古道道上石成塵自有滄浪峽詎爲無事人

滄浪峽

李山甫

走轂飛蹄過此傍幾人留意問滄浪煙波莫笑趨名  
客爲愛朝宗日夜忙

過滄浪峽

劉滄

山疊雲重一徑幽蒼苔古石瀨清流出巖樹色見來  
靜落澗泉聲長自秋遠入虛明思白帝寒生浩景想  
滄洲如何地近東西路馬足車輪不暫留

題滄浪峽

羅鄴



門向紅塵日日開  
入門襟袖遠塵埃  
暗香惹步潤花  
發晚景通簷溪鳥迴  
不爲市朝行路近  
有誰車馬看  
山來可憐嚴子持竿處  
雲水終年鎖綠苔

滄浪峽

許渾

纓帶流塵髮半霜  
獨尋殘月下滄浪  
一聲溪鳥暗雲  
散萬片野花流水香  
昔日未知方外樂  
暮年始信夢  
中忙紅蝦青鯽紫芹脆  
歸去不辭來路長

貞女峽

韓愈

江盤峽束春湍豪  
雷風戰鬪魚龍逃  
懸流轟射水  
府一瀉百里翻雲濤  
漂船擺石萬瓦裂  
咫尺人骨命輕

鴻毛

唐詩類苑

卷之二十六

十七

過黃牛峽

張蠟

黃牛來勢瀉巴川  
疊日孤舟逐峽前  
雷電夜驚猿  
樹波濤愁客離船  
盤渦逆入嵌空地  
斷壁高分  
繞天多少人經過  
此去一生魂夢怕潺湲

送陸判官往琵琶峽

李白

水國秋風夜殊非  
遽別時長安如夢裏  
何日是歸期

使過彈子峽

儲光義

鳥雀知天雪群飛  
更群鳴原田無遺粟  
日暮滿空城  
達士憂世務鄙夫念王程  
晨過彈子峽馬足凌兢行

雙壁隱靈曜莫能知  
晦明曜曜堅冰白漫漫陰雲  
始信古人言苦節不可貞

貞陽峽

張九齡

行舟傍越岑窈窕越溪深  
水閣先秋冷山晴當晝陰  
重林間五色對壁聳千尋  
惜此生遐遠誰知造化心

過春秋峽

劉言史

峭壁蒼蒼苔色新  
無風晴景自勝春  
不知何事幽崖裏臘月開花似北人

青山峽口泊舟懷狄侍御岑參

峽口秋水壯沙邊  
且停橈奔濤振石壁峰勢如動搖

唐詩類苑

卷之二十六

十八

九月蘆花新彌令客心焦  
誰念在江島故人滿天胡  
無處豁心胸憂來醉能銷  
往來巴山道三見秋草彫  
狄生新相知才調凌雲霄  
賦詩拆造化入幕生風  
把筆判甲兵戰士不敢驕  
皆云梁公後遇曹還龍  
離別倏經時音塵殊寂寥  
何當見夫子不難鄉關遙  
入東陽峽與李明府船前後不相及

陳子昂

東巖初解纜南浦遂離群  
出沒同洲島棲泊異汀濱  
風煙猶可望歌笑難聞路  
轉青山合峰迴白日曛  
梅濤上漫漫積水下沄沄  
倏忽猶疑及差



池復兩分離離間遠樹藹藹沒遙氛地入巴陵道星  
連牛斗文孤狄啼寒月哀鴻叫斷雲仙舟不可見遙  
思坐氛氲

經端溪峽中

楊衡

陰岸東流水上有微風清素羽漾翠澗碧樹敷丹英  
重林宿雨晦遠岫孤霞明飛猿相攀牽白雲亂縱橫  
有客沂輕櫂閱勝匪羈程逍遙一息間糞土五侯榮  
攀茗庶蠲熱漱泉聊析醒寄言絲竹者詎識松風聲

早入清遠峽

宋之問

傳聞峽山好旭日神前沂雨色搖丹嶂泉聲聒翠微

唐詩類苑

卷之二十六

十九

兩巖天作帶萬壑樹披衣秋橘迎霜序春藤礙日輝  
驛潭花似織綠嶺竹成圍寂歷環沙浦蔥蘢轉石圻  
露餘江未熱風落瘴初稀猿飲排虛上禽驚掠水飛  
榜童夷唱合樵女越吟歸良候斯爲美邊愁自有違  
誰言望鄉國流涕失芳菲

曉行巴峽

王維

際曉投巴峽餘春憶帝京晴江一女浣朝日衆鷄鳴  
水國舟中市山橋樹杪行登高萬井出眺迥二流明  
人作殊方語鶯爲舊國聲賴諳山水趣稍解別離情

赴使瀧峽

張九齡

谿路日幽深寒空入西嶺  
夕鳥聯歸翼秋猿斷去心  
別離多遠思况乃歲方陰

入峭峽

陳子昂

肅徒歌伐木驚櫂漾輕舟  
蕭瑟隨波水潺湲沂淺流  
煙沙分兩岸露島夾雙洲  
古樹連雲密交峰入浪浮  
巖潭相映媚媚溪谷屢環  
周路迴光踰逼山深興轉幽  
屬聽寒思晚猿鳥暮聲秋  
誓息蘭臺策將從桂樹遊  
因書謝親愛千歲莫違丘

秋峽

杜商

江濤萬古峽肺氣久衰翁  
不寐防巴虎全生狎楚風

唐詩類苑

卷之二十六

二十

寒峽

杜甫

行邁日悄悄山谷勢多端  
雲門轉絕岸積阻靈天寒  
寒吹不可度我實哀哀單  
况當仲冬交沍淞增波瀾  
野人尋煙語行子傍水餐  
此生免荷爰未敢辭路難

峽隘

杜甫

聞說江陵府雲沙靜渺然  
白魚如切玉朱橘不論錢  
水有遠湖樹人今何處船  
青山各在眼却望峽中天

入峽寄弟

孟浩然

吾昔與爾輩讀書常閉門  
未曾冒灘險豈顧垂堂言

自此歷江湖辛動難具論往來行旅獎開鑿禹功存  
壁立千峰峻深流萬壑奔我來凡幾宿無夕不聞猿  
浦上遙歸戀舟中失夢魂淚沾明月峽心斷鵲鴿原  
離濶星難聚秋深露已繁因君下南楚書此示鄉園

初入峽有感

白居易

上有萬仞山下有千丈水蒼蒼兩崖間濶狹容一輦  
瞿塘呀直瀉灩澦屹中峙未夜黑巖昏無風白浪起  
大石如刀劍小石如牙齒一步不可行況千三百里  
再窮竹筏蒼歌危檝師趾一跌無完舟吾生繫於此  
常聞仗忠信蠻貊可行矣自古漂沈人豈盡非君子

唐詩類苑

卷之三

王

况吾時與命蹇舛不足恃常恐不才身復作無名死

出峽

胡皓

巴東三峽盡曠望九江開楚塞雲中出荆門水上來  
魚龍潛嘯雨鳬鴈動成雷南國秋風晚客思幾悠哉

宿江店

張籍

野店臨寒浦門前有橘花停燈待賈客賣酒與漁家  
夜靜江水白路迴山月斜閒尋舟泊處潮落見平沙

送友生遊峽中

風靜楊柳垂看花又別離幾年同在此今日各驅馳  
峽裏聞猿呌山頭見月時殷勤一盃酒珍重歲寒姿

下峽

鄭谷

憶子啼猿繞樹哀雨隨孤棹過陽臺波頭未白人頭  
白瞥見春風灩澦堆

峽中

盧象

高唐幾百里樹色接陽臺晚見江山霽宵聞風雨來  
雲從三峽起天向數峰開靈境信難見輕舟那可回

峽中卽事

女郎廉氏

清秋三峽此中去鳴鳥孤猿不可聞一道水聲多亂  
石四時天色少晴雲日暮汎舟溪淑口那堪夜永思  
氛氲

唐詩類苑

卷之三

王

題峽中石上

白居易

巫女廟花紅似粉昭君村柳翠於眉誠知老去風情  
少相見爭無一句詩

峽口二首

杜甫

峽口大江間西南控百蠻城歛連粉堞岸斷更青山  
門闢當天險防隅一水關亂離聞鼓角秋氣動衰顏

二

時清關失險世亂戰如林去矣英雄事荒哉割據心  
蘆花留客晚楓樹坐猿深疲繭煩親故諸侯數賜金

峽哀十首

孟郊

昔多相與笑今誰相與哀  
峽哀哭幽魂嗷嗷風吹來  
墮魄抱空月出沒難自裁  
壑粉一閃間春濤百丈雷  
峽水聲不平碧池牽清洞  
沙稜箭箭急波齒斷斷開  
呀彼無底吮待此不測災  
谷號相噴激石怒爭旋迴  
古罪有復鄉今縲多爲能  
字孤徒髣髴銜雪猶驚猜  
薄俗少直腸結交須橫財  
黃金買相弔幽泣無餘淮  
我有古心意爲君空摧頹

二

上天下天水出地入地  
舟石劍相劈斫石波怒蛟虬  
花木疊宿春風颿凝古  
秋幽怪窟穴語飛聞盼響流

唐詩類苑

卷之三十六

三

沈哀日已深銜訴將何求

三

三峽一線天三峽萬繩泉  
上仄碎日月一掣狂漪漣  
破魄一兩點疑幽數百年  
峽暉不停午峽險多饑涎  
樹根鎖枯棺孤骨裏懸樹  
枝哭霜棲哀韻杳杳鮮  
逐客零落腸到此湯火煎  
性命如紡績道路隨素緣  
莫淚弔波靈波靈將閃然

四

峽亂鳴清磬產石爲鮮鱗  
噴爲腥雨涎吹作黑井身  
怪光閃衆異餓劍唯待人  
老腸未曾飽古齒齧昂噉

嚼齒三峽泉三峽聲斷斷

五

峽螭老解語百丈潭底聞  
毒波爲計較飲血養子孫  
既非臯陶吏空食沈獄魂  
潛怪何幽幽魄說徒云云  
峽聽哀哭泉峽弔鰥寡  
後峽聲非人聲劍水相劈翻  
斯誰士諸謝奏此沈苦言

六

讒人峽乳心渴罪呀然潯  
所食無直腸所語饒晁音  
石齒嚼百泉石風號千琴  
幽哀莫能遠分雪何由尋  
月魄高卓卓峽窟清沈沈  
銜訴何時明抱痛已不禁

唐詩類苑

卷之三十六

四

犀飛空波濤裂石千欽岑

七

峽稜剗日月日月多摧輝  
物皆斜仄生鳥亦斜仄飛  
潛石齒相鎖沈魂招莫歸  
恍惚清泉甲斑爛碧石衣  
餓嚙潺湲號涎似泓沚肥  
峽春不可遊腥草生微微

八

峽景滑易墮峽花怪非春  
紅光根潛涎碧雨飛沃  
巴谷蛟螭心巴鄉魍魎親  
噉生不問賢至死獨養身  
腥語信者誰拗歌歡非真  
仄田無異稼毒水多獐鱗  
異類不可友峽哀哀難伸

九

峽水劍戟聲，峽舟霹靂翔。因依虺蜴手，起坐風雨忙。  
峽旋多窺窬，峽氓多非良。滑心不可求，滑習積已長。  
漠漠涎霧起，斷斷涎水光。渴賢如之何，忽在水中央。

十

梟鳴作人語，蛟虬吸山波。能於白日間，諂欲暗風和。  
駭智瞰衆命，蘊腥布深蘿。齒泉無底貧，鋸涎在處多。  
仄樹鳥不巢，蹕猿猿相過。峽哀不可聽，峽怨其奈何。

石

詠石

蘇味道

唐詩類苑

卷之三十六

王五

濟北甄神貺，河西濯錦文。聲應天池雨，影觸岱宗雲。  
鴈歸猶可候，羊起自成群。何當握靈髓，高枕絕氛氛。

詠石

李嶠

宗子維城固，將軍飲羽威。巖花鑑裏發，雲葉錦中飛。  
入宋星初隕，過湘鷺早歸。倘因持補極，寧復想支機。

省試昆明池織女石

童漢卿

一片昆明石，千秋織女名。向風長脉脉，臨水更盈盈。  
有臉蓮同笑，無心鳥不驚。岸雲連鬢濕，沙月對眉生。  
苔作輕裙色，波爲促杼聲。還如明鏡裏，形影自分明。

送祝八之江東賦得浣紗石

李白

西施越溪女，明艷光雲海。未入吳王宮，殿時浣紗古。  
石今猶在，桃李新開映。古查菖蒲猶短出，平沙昔時  
紅粉照流水。今日青苔覆落花，君去西秦適東越。碧  
山清江幾超忽，若到天涯思故人。浣溪石上窺明月。

三生石

僧修睦

聖迹誰會得，每到亦徘徊。一向不可得，三從何處來。  
清宵寒露滴，白晝野雲隈。應是表靈異，凡情安可猜。

太湖石

白居易

唐詩類苑

卷之三十六

王六

嵌空華陽洞，重疊屏山岑。邈矣僊掌迴，呀然鰓門深。  
形質冠今古，氣色通晴陰。未秋已瑟瑟，欲雨先沈沈。  
天姿信爲異，時用非所任。磨刀不如礪，擣帛不如砧。  
何乃主人意，重之如萬金。豈伊造物者，獨能知我心。

太湖石

白居易

煙翠三秋色，波濤萬古痕。削成青玉片，截斷碧雲根。  
風氣通巖穴，苔文護洞門。三峰具體小，應是華山孫。

奉和思黯相公以李蘇州所寄太湖石奇狀

絕倫因題二十韻見示兼呈夢得

白居易

錯落復崔嵬蒼然玉一堆  
峭頂高危矣根盤下壯哉精神欺竹樹氣色壓亭臺  
隱起磷磷狀凝成瑟瑟胚廉稜露鋒刃清越叩瓊瑰  
岌業形將動巍巍勢欲摧奇應漸鬼怪靈合蓄雲雷  
黛潤霑新雨斑明點古苔未曾棲鳥雀不肯染塵埃  
尖削琅玕筍窪剡瑪瑙疊海神移碣石畫幃簇天台  
在世爲尤物如人負逸才渡江一葦載入洛五丁推  
出處雖無意升沈亦有媒拔從水府底置向相庭隈  
對稱吟詩句看宜把酒杯終隨金礪用不學玉山頽  
疎傳心偏愛園公眼屢迴共嗟無此分虛管太湖來  
唐詩類苑 卷之二十六 二十七

楊六尚書留太湖石在洛下借置庭中因對

舉盃寄贈絕句

白居易

借君片石意何如置向亭中慰索居每就玉山傾一  
酌興來如對醉尚書

遊西江泊舟葶蘿山下題西施石

王 軒

嶺上千峰秀江邊細草春今逢浣紗石不見浣紗人

西施石

樓 頴

西施昔日浣紗津石上青苔思殺人一去姑蘇不復  
返岸傍桃李爲誰春

興平縣野中得落星石移置縣齋

韓 琮

的的墮芊芊蒼茫不記年幾逢疑虎將應逐犯牛僊  
擇地依蘭畹題詩間錦箋何時成五色却上女媧天

沈流石

費冠卿

不爲幽岸隱古色涵空出願以清泚流鑒此堅貞質  
傍臨玉光潤時瀉苔花密往往驚游鱗尚疑垂釣日

爛柯石

孟 郊

僊界一日內人間千歲窮雙碁未徧局萬物皆爲空  
樵客返歸路斧柯爛從風唯餘石橋在猶自凌丹虹

唐詩類苑

卷之二十六

二十八

望夫石

王 建

望夫處江悠悠化爲石不迴頭山頭日日風復雨行  
人歸來石應語

望夫石

孟 郊

望夫石夫不來兮江水碧行人悠悠朝與暮千年萬  
年色如故

泰山石哀州從事所寄

李德裕

鷄鳴日觀望遠與扶桑對滄海似鎔金衆山如點黛  
遙知碧峯首猶立煙嵐內此石依五松蒼蒼幾千載

山石

韓 愈

山石聳確音行徑微黃昏到寺蝙蝠飛升堂坐階新  
雨足芭蕉葉大梔子肥僧言古壁佛畫好以火來照  
所見稀鋪牀拂席置羹飯疎糲亦足飽我饑夜深靜  
臥百蟲絕清月出嶺光入扉天明獨去無道路出入  
高下窮煙霏山紅澗碧紛爛熳時見松樨皆十圍當  
流赤足躡澗石水聲激激風吹衣人生如此自可樂  
豈必局束爲人讎嗟哉吾黨二三子安得至老不更  
歸

石犀

岑參

君不見秦時蜀太守刻石立作三犀牛自古雖有厭  
唐詩類苑卷之三十六二十九

勝法天生江水向東流蜀人矜誇一千載汎溢不近  
張儀樓今年灌口損戶口此事或恐爲神羞終藉隄  
防出衆力高擁木石當清秋先王作法皆正道詭怪  
何得參人謀嗟爾三犀不經濟缺訛只與長川逝但  
願元氣常調和自免洪濤恣彫瘵安得壯士提天綱  
再平水土犀奔茫

石笋行

杜甫

君不見益州城西門陌上石笋雙高蹲古來相傳是  
海眼苔蘚蝕盡波濤痕雨多往往得琴瑟此事恍惚  
難明論恐是昔時卿相墓立石爲表今仍存惜哉俗

態好蒙蔽亦如小臣媚至尊政化錯迕失大體坐看  
傾危受厚恩嗟爾石笋擅虛名後生未識猶駭奔安  
得壯士擲天外使人不疑見本根

海上石笋

李德裕

常愛僊都山奇峰千仞懸迢迢一何迥不與衆山連  
忽逢海嶠石稍慰生意何以慰集作似我心亭亭孤  
且直

石版

李咸用

高人好自然移得他山碧不磨如版平大巧非因力  
古藓小青錢塵中看野色冷倚砌花春靜伴疎篁直  
唐詩類苑卷之三十六三十一

山僧若轉頭如逢舊相識

石版歌

李咸用

雲根劈裂雷斧痕龍泉切璞青皮皴直方挺質貞且  
眞當庭卓立凝頑神春雨流膏成玉文主人性靜看  
長新明月夜來迴短影何如照冷太湖濱

題曲阿三昧王佛殿前孤石

劉長卿

孤石自何處對之疑舊遊氛氲峴首夕蒼翠剡中秋  
迥出群峰當殿前雪山靈鷲慙貞堅一片孤雲長不  
去莓苔古色空蒼然

送李卿賦得孤島石 岑參

一片他山石，巉巖映小池。綠簾攢剝蘚，尖碩坐鸕鷀。  
水底看常到，花邊勢欲欹。君心能不轉，鄉月豈相離。

題新定八松院小石 杜牧

雨滴珠璣碎，苔生紫翠重。故關何日到，且看小三峰。

亂石 李商隱

虎踞龍蹲縱復橫，星光漸滅雨痕生。不須併礙東西路，哭殺厨頭阮步兵。

雙石 白居易

蒼然兩片石，厥狀怪且醜。俗用無所堪，時人嫌不取。  
唐詩類苑 卷之二十六 三十一

結從胚渾始，得自洞庭口。萬古遺水濱，一朝入吾手。  
擔舁來郡內，洗刷去泥垢。孔黑煙痕深，罅青苔色厚。  
老蛟蟠作足，古劍插爲首。忽疑天上落，不似人間有。  
一可支吾琴，一可貯吾酒。峭絕高數尺，坳泓容一斗。  
五絃倚其左，一杯置其右。窪樽酌未空，玉山頽已久。  
人皆有所好，物各求其偶。漸恐少年場，不容垂白叟。  
迴頭問雙石，能伴老夫否。石雖不能言，許我爲三友。

戲題磐石 王維

可憐磐石臨泉水，復有垂楊拂酒杯。若道春風不解意，何因吹送落花來。

疊石 李德裕

潺潺桂水端，漱石奇三狀。鮮次冠煙霞，蟬聯疊波浪。  
今來碧梧下，迥出秋潭上。歲晚苔蘚滋，懷賢益怊悵。

宿石 元稹

石磯江水夜潺湲，半夜江風引杜鵑。燈暗酒醒顛倒枕，五更斜月入空船。

題祖山人池上怪石 張碧

寒姿數片竒突兀，曾作秋江秋水骨。先生應是厭風雲，著向江邊塞龍窟。我來池上傾酒尊，半酣畫破青煙痕。參差翠縷擺不落，筆頭驚怪粘秋雲。溶溶水墨

唐詩類苑 卷之二十六 三十二

有高價，邀得將來倚松下。鋪却霞縵直道難，掉首空歸不成畫。

南侍御以石相贈，助成水聲，因以絕句謝之 白居易

泉石磷磷聲似琴，閒眠靜聽洗塵心。莫輕兩片青苔石，一夜潺湲直萬金。

寄宋之間 田遊巖

弘農清巖曲，有磐石可坐。宋十一每拂拭待余，寄詩贈之。

信彼稱靈石，居然狎道棲。徘徊承翠燭，斌駁帶深溪。



夕陰起層岫清景半虹蜺風來應蕭阮波渡可琴嵇  
僕也穎陽客望彼空思齊倘見山人至簪蒿且杖藜

答田遊巖

宋之問

家臨清溪水溪水繞磐石綠蘿四面垂裏裏百餘尺  
風泉度絲管苔蘚鋪茵席傳聞穎陽人霞外漱靈液  
忽枉巖中翰吟臥復朝夕何當遂遠游物外候逋客  
乞寬禪師瘿山疊呈宣供奉

李益

石色疑秋蘚峰形若夏雲誰留秦苑地好贈杏溪君

宓樽詩

元結

唐詩類苑

卷之二十六

三十三

嶢嶢小山石數峰對宓亭宓石堪爲樽狀類不可名  
巡迴數尺間如見小蓬瀛樽中酒初漲始有島嶼生  
豈無日觀峰直下臨滄溟愛之不覺醉醉臥還自醒  
醒醉在樽畔始爲吾性情若以形勝論坐隅臨郡城  
平湖近階砌遠山復青青異木幾十株枝條冒簷楹  
盤根滿石上皆作龍蛇形酒堂貯釀器戶牖皆罍餅  
此樽可常滿誰是陶淵明

雞公嶺

去襄城縣二十里

韋莊

石狀雖如嶺山形可類雞向風疑欲闢帶雨似聞啼  
蔓織青籠合松長翠羽低不鳴非有意爲怕客奔齊

塵

詠塵

駱賓王

凌波起羅襪含風染素衣別有知音調聞歌應自飛

詠塵

張說

僊浦生羅襪神京染素衣裨山期益峻照日映增輝  
夕伴龍媒合朝隨鳳輦歸獨憐范甑下思繞畫梁飛

塵灰

駱賓王

洛川流雅韻秦道擅詩威聽歌梁上動應律管中飛  
光飄神女影落羽人衣願言心未翳終與故輕微

唐詩類苑

卷之二十六

三十五



唐詩類苑卷第二十七

明雲間張之象玄超甫纂輯

雲間張所敬長輿甫編次

雲間王 徹叔朗甫補訂

梁谿曹仁孫伯安甫校正

地部

道路

詠道

李 嶠

銅駝分輦洛劍閣抵臨邛紫微三千里青樓十二重

玉關塵似雪金穴馬如龍今日中衢上堯鑄更可逢

唐詩類苑 卷之二十七

洛陽道

于 鄴

浮世若浮雲千回故復新旋添青草塚更有白頭人

歲暮客將老雲晴山欲春行行車與馬不盡洛陽塵

長安道

薛 能

汲汲復營營東西連兩京關繻古若在山岳累應成

各自有身事不相知姓名交馳兼衆類分散入重城

此去應無盡萬方人旋始一作生空餘片言苦來往覓

劉 楨

長安道

元 稹

漢家宮殿含雲煙兩宮十里相連延晨霞出沒弄丹

關春雨依微自甘泉春雨依微春尚早長安貴遊愛

芳草寶馬橫來下建章香車却轉避馳道貴遊誰最

貴衛霍世難比何能蒙主恩幸遇邊塵起歸來甲第

拱皇居朱門裁裁臨九衢中有流蘇合歡之寶帳一

百二十鳳凰羅列含明珠下有錦鋪翠被之燦爛博

山吐香五雲散麗人綺閣情飄飄頭上駕釵雙翠翹

低鬟曳袖迴春雪聚黛一聲愁碧霄山珍海錯棄藩

籬烹犢魚羔如折葵既請列侯封部曲還將金印授

廬兒歡榮若此何所苦但苦白日西南馳

再使蜀道

張 說

唐詩類苑 卷之二十七

眇眇葭葦道蒼蒼褒斜谷煙壑爭晦深雲山共重複

古來風塵子同眩望鄉目芸閣有儒生輶車倦馳逐

青春客岷嶺白露搖江服歲月鎮羈孤山川長返覆

魚游戀深水鳥游戀喬木如何別親愛坐去文章國

蟋蟀鳴戶庭蠨蛸網琴筑

蜀道後期

張 說

客心爭日月來往預期程秋風不相待先到洛陽城

過蜀道山

張 說

我行春三月山中百花開披林入峭壁攀蹬陟崔嵬

白雲半峰起清江出峽來誰知高深意綰邈心幽哉

南陽道中

張九齡

登郢屬歲陰及宛惜所適復聞東漢主遺此南都迹  
佳氣藹厥初霸圖紛在昔茲邦稱貴近與世嘗薰赫  
遭遇感風雲變衰空草澤不識鄧公樹猶傳陰后石  
驅馬歷闔關荆榛翳阡陌事去物無象感來心不懌  
懷古對窮秋興言傷遠客眇默遵岐路辛勤獎行役  
雲鴈號相呼林麕走自索顧憶徇書劍未嘗安枕席  
豈暇墨突黔空持遼豕白迷復期非遠歸歟賞農隙  
南康道中 羅隱

弱冠負文翰此中聽鹿鳴使君延上榻時輩仰前程  
唐詩類苑 卷之三十七 三

并州道中

杜牧

行役我方倦苦吟誰復聞成樓春帶雪邊角暮吹雲  
極目無人迹迴頭送鴈群如何遣公子高臥醉醺醺  
秋日健爲道中 崔塗

貴池道中

張祜

羸駝驅野岸山遠路盤盤清露月華曉碧江星影寒  
離郡徒長泣去國日加餐膏漢寧無舊相哀是語端

將之衡陽道中

張祜

萬里南方去扁舟汎自身長年無愛物深話少情人  
醉臥襟長散閒書字不眞衡陽路猶遠獨與鴈爲賓  
崇德道中 戴叔倫

廣陵道中

許渾

暖日菜心稠晴煙麥穗抽客心雙去翼歸夢一扁舟  
廢塔巢雙鶴長波漾白鷗關山明月到愴惻十年遊  
城勢已坡陀城邊東逝波綠桑非苑樹青草是宮莎  
山暝牛羊少水寒鳬鴈多因高一迴首還詠黍離歌  
王仙道中 殷文珪

唐詩類苑 卷之三十七 四

將赴池州道中

杜牧

青陽雲水去年尋黃絹歌詩出翰林投轄暫停留酒  
客絳帷斜繫滿松陰妖人笑我不相問道者應知歸  
路心南去南來盡鄉國月明秋水只沈沈

南陵道中

杜牧

南陵水而漫悠悠風緊雲輕欲變秋正是客心孤迥  
處誰家紅袖凭江樓

早春巴陵道中

羅隱

遠雪亭亭望未消，岳陽春淺自相饒。  
蘆花冒土初生笋，高柳渝風已弄條。  
波沈洞庭猶獵健，谷連荆楚鬼神妖。  
中流菱唱泊何處，一隻畫船蘭作橈。

新野道中

黃滔

野堂如雪草如茵，光武城邊一水濱。  
越客歸遙春有雨，杜鵑啼苦夜無人。  
東堂歲去銜五嶺，南浦期來落淚頻。  
莫道還家不惆悵，蘇秦羈旅長卿貧。

夏州道中

黃滔

隴鴈南飛河水流，秦城千里忍回頭。  
征行渾與求名背九月，中旬往夏州。

唐詩類苑

卷之三

東西道

元稹

天皇開四極，便有東西道。  
萬古閱行人，行人幾人老。  
顧我倦行者，息陰何不早。  
少壯塵事多，那言壯年好。

自青山詣於潛道中呈元八居士

僧靈一

若水灘行淺，潛州路漸深。  
參差遠邊色，迢遞野人心。  
凍澗水難釋，秋山日易陰。  
不知天目下，何處訪雲林。

京路

白居易

西來爲看秦山雪，東去緣尋各苑春。  
來去騰騰兩京路。

路開行除我却無人

長安路

皇甫冉

長安九成路，戚里五侯家。  
結束趨平樂，聯翩抵狹斜。  
高樓臨遠水，複道出繁華。  
唯見相如宅，蓬門度歲華。

汴河路有感

白居易

三十年前路，孤舟重往還。  
繞身新著屨，舉目舊鄉關。  
事去唯留水，人非但見山。  
帝襟與愁鬢，此日兩成斑。

青門路

劉駕

青門有歸路，坦坦高槐下。  
貧賤自耻歸，此地誰留我。  
門開送客去，落日嬾回馬。  
旅食帝城中，不如遠遊者。

唐詩類苑

卷之三

六

舟成於陸地，風水終相假。  
吾道諒如斯，立身無苟且。

蜀路二首

張說

雲埃夜澄廓，山日曉晴鮮。  
葉落滄江岸，鴻飛白露天。  
磷磷含石石，纂纂覆林林。  
煙客心久無緒，秋風殊未然。

二

僑蜀時未改，別家鄉念盈。  
憶昨出門日，春風發鮮榮。  
及茲旋轅地，秋風滿路生。  
昏曉思魏闕，夢寐還秦京。  
秦京開朱第，魏闕垂紫纓。  
幽獨玄虛閣，不聞人馬聲。  
藝業爲君重，名位爲君輕。  
玉琴知調苦，寶鏡照膽清。  
鷹饑常啄腥，鳳饑亦行瑒。  
於君自有屬物外，豈能輕

高平縣東和路

李賀

侵侵柵葉香木花滯寒雨今夕山上秋永謝無人處  
石磯遠荒澀棠實懸辛苦古者定幽尋呼君作私路

商山路有感

白居易

萬里路長在六年身始歸所經多舊館太半主人非

商山路有感

并序

白居易

前年夏予自忠州刺史除書歸闕時刑部李十一

侍郎戶部崔二十員外亦自澧果二郡守徵還相

次入關皆同此路今年予自中書舍人授杭州刺

史又由此路出二君已逝予獨南行追歎興懷慨

唐詩類苑

卷之三七

七

然成詠後來有與予杓直虞平游者見此短什能

無惻惻乎倘未忘情請爲繼和長慶二年七月三

日題於內鄉縣南亭云爾

憶昨徵還日三人歸路同此生都是夢前事旋成空

杓直泉埋玉虞平燭過風唯殘樂天在頭白向江東

穆陵路

陳存

西遊匣長劍日暮湘楚間歇馬上秋草逢人問故關

孤村綠塘水曠野白雲山方念此中去何時此路還

初入太行路

白居易

天冷日不光太行峰蒼莽嘗聞此中險今我方獨往

馬蹄凍且滑羊腸不可上若比世路難猶自平於掌

贈太行開路者

于漬

手斲太行山心齊太行巔斷盡太行險君心更摩天

何如同苦辛自鑿東臯田

冬日平泉路晚歸

白居易

山路難行日易斜煙村霜樹欲棲鷗夜歸不到應開

事熱飲三杯卽是家

初出蘭田路

白居易

停驂問前路路在秋雲裏蒼蒼縣南道去途從此始

絕頂忽盤上衆山皆下視下視千萬峰峰頭如浪起

唐詩類苑

卷之三七

八

朝經韓公坂夕次藍橋水潯陽僅四千始行七十里

人煩馬蹄踟躕勞苦已如此

板橋路

白居易

梁苑城西二十里一渠春水柳千條若爲此路今重

過十五年前舊板橋曾共玉容橋上別不知消息到

今朝

東門路

于鄴

東門車馬路此路在浮沈白日若不落紅塵應更深

從來名利計皆見起爭心所以青青草年年生漢陰

賦得沙路送從叔象

獨樹沙邊人跡稀欲行愁近暮鐘時野泉幾處侵  
盡不遇山僧知問誰

沙路曲

李賀

柳臉半眠丞相樹珮馬釘鈴踏沙路斷燼遺香裊翠  
煙燭騎啼鳥上天去帝家玉龍開九關帝前動笏移  
南山獨垂重印押千官金窠篆字紅屈盤沙路歸來  
聞好語旱火不光天下雨

山路偶興

白居易

筋力未全衰僕馬不至弱又多山水趣心賞非寂寞  
捫蘿上煙嶺蹋石穿雲壑谷鳥晚仍啼洞花秋不落

唐詩類苑

卷之二十七

九

提籠復攜榼遇勝時停泊泉憇茶數甌嵐行酒一酌  
獨吟還獨嘯此興殊未惡假使在城時終年有何樂

緣路

總是玲瓏竹兼葭淺漫溪沙平深見底石亂不成泥  
煙火遙村落桑麻隔稻畦此中如有問甘被到頭迷

路傍曲

劉禹錫

南山宿雨晴春入鳳凰城處處聞絃管無非送酒聲

岐路

鮑溶

北風送微寒徒侶勤遠程憂人席不暖殘月馬上明  
飄飄岐路間長見日初生重障曉色淡疎猿寒啼清

人間多岐路常恐終身行迴見四方人車輪無留聲  
空谷亦可隱下田非嬾耕古人有遺訓飽食非親榮  
我生禮義鄉小小見太平聖賢猶霸旅況復非其名

赴李少府莊失路

皇甫冉

君家南郭白雲連正待情人弄石泉月照煙花迷客  
路蒼蒼何處是伊川

龍丘途中二首

杜牧

漢苑殘花別吳江盛夏來唯看萬樹合不見一枝開

二

水色饒湘浦灘聲怯建溪淚流迴月上可得更休啼

唐詩類苑

卷之二十七

十

新定途中

杜牧

無端偶效張文紀下杜鄉園別五秋重過江南更千  
里萬山深處一孤舟

街西長句

杜牧

碧池新漲浴嬌鴉分鎖長安富貴家遊騎偶同人闕  
酒名園相倚杏交花軟暖最嘶宛馬繡鞅聰瓏走  
細車一曲將軍何處笛連雲芳草日初斜

陌

洛陽陌二首

顧況

鶯聲滿御堤曉拂初絲齊風送名花落香紅襯馬蹄

二

珂珮逐鳴騶王孫結伴遊金丸落飛鳥乘興醉青樓

徑

黃州竹徑

杜牧

竹岡蟠小徑屈折闢地來三年得歸去知遶幾千迴

竹裏徑

司空曙

幽徑行迹稀清陰苔色古蕭蕭風欲來乍似蓬山雨

竹徑偶作

權德輿

退朝此休沐閉戶無塵氛支策入幽徑清風隨此君  
瑟觴恣偃傲蘭蕙相氛氲幽賞方自適林西煙景照

唐詩類苑

卷之二十七

十一

花徑

元稹

山花夾徑幽古甃生苔澀胡牀理事餘玉琴承露濕  
朝與詩人賞夜攜禪客入自是塵外蹤無令文苑急

省試行不由徑

張籍

田裏有微徑賢人不復行孰知求捷步又恐異端成  
從易衆所欲安邪患亦生誰能達天道共此竟前程  
子羽有遺跡孔門傳舊聲今逢大君子士節自光明

行不由徑

俞簡

古人心有尚乃是孔門生爲計安貧樂當從大道行  
詎應流遠迹方欲料前程捷徑雖云易長衢豈不平

後來無枉路先達擅賢名一示遵途意敬慕益自精

行不由徑

孟對

欲速竟何成康莊亦砥平天衢皆利往吾道本方行  
不復由蓬徑無因訪蔣生三條遵廣道九軌尚安貞  
紫陌悠悠去芳塵步步清澹臺千載後公道有遺名

行不由徑

王炎

邪徑趨作捷端心惡此名長衢貴高步大路自規行  
且慮繁紆僻還多坦蕩情詎同流俗好方保立身貞  
遠跡如違險修仁在履平始知夫子道從此得堅誠

岸

唐詩類苑

卷之二十七

十三

初渡淮北岸

楊凝

別夢雖難覺悲魂最易銷殷勤淮北岸鄉近去家遙

江岸卽事

溫庭筠

水容侵古岸峰影度青蘋廟竹唯聞鳥江帆不見人  
雀聲花外暝客思柳邊春別恨轉難盡行行汀草新

秋岸

杜牧

河岸微退落柳影微凋疎船上聽呼穉堤南趁漉魚  
數帆旗去疾一艇箭迴初曾入相思夢因憑附遠書

亂後經淮陰岸

荒村古岸誰家在野水浮雲處處愁唯有河邊衰柳

樹蟬聲相送到揚州

九江北岸遇風雨

白居易

黃梅縣邊黃梅雨白頭浪裏白頭翁九江濶處不見岸五月盡時多惡風人間穩路應無限何事拋身在此中

田

歸田三首

白居易

人生何所欲所欲唯兩端中人愛富貴高士慕神僊神僊須有籍富貴亦在天莫戀長安道莫尋方丈山西京塵浩浩東海浪漫漫金門不可入琪樹何由攀

唐詩類苑

卷之三十七

十三

不如歸山下如法種春田

二

種田計已決決意復何如賣馬買犢使徒步歸田廬迎春治耒耜候雨闢苗畝策杖田頭立躬親課僕夫吾聞老農言為稼慎在初所施不鹵莽其報必有餘上求奉王稅下望備家儲安得放慵惰拱手而曳耜學農未為鄙親友勿笑余更待明年後自擬執犁鋤

三

三十為近臣腰間鳴珮玉四十為野夫田中學鋤穀何言十年內變化如此速此理固是常窮通相倚伏

為魚有深水為鳥有高木何必守一方窘然自牽束化吾足為馬吾因以行陸化吾手為彈吾因以求肉形骸為異物委順心猶足幸得且歸農安知不為福况吾行欲老瞥若風前燭孰能俄頃間將心繫榮辱

賦得良田無晚歲

丁澤

人功雖未及地力信非常不任耕耨早偏宜黍稷良無年皆有穫後種亦先芳膾膾盈千畝青青保萬箱何須祭田祖詎要察農祥况是春三月和風日又長

晚遊東田寄司空文明

李端

暮來思遠客獨立在東田片影無妨雨殘虹不映天別愁逢夏果歸興入秋蟬莫作隳官意幽潛未必賢

唐詩類苑

卷之三十七

十四

陵墓

和黃門盧監望秦始皇陵 張九齡

秦帝始求仙驪山何遽卜中年既無效茲地所宜復徒役如雷奔珍怪亦雲蓄黔首無寄命赭衣相馳逐人怨神亦怒身死宗遂覆土崩失天下龍闕入函谷國為項籍屠君同華元戮始掘既由楚終焚乃因牧上宰議揚賢中阿感桓速一聞過秦論載懷空杼軸

幸秦始皇陵

中宗

嘗言君失德驪邑想秦餘政煩方改篆愚俗乃焚書



阿房久已滅閣道遂成墟欲厭東南氣翻傳掩鮑車

過秦始皇陵

王維

古墓成蒼嶺幽宮象紫臺星辰七曜隔河漢九泉開  
有海人寧渡無春鴈不迴更聞松韻切疑是大夫哀

始皇陵下作

曹鄴

千金買魚燈泉下照狐兔行人上陵過却弔扶蘇墓  
纍纍墳中物多於養生具若使山可移應將秦國去  
舜歿雖在而今猶未封樹

始皇陵

羅隱

荒堆無草樹無枝懶向行人問昔時六國英雄設多

唐詩類苑卷之二十七

事到頭徐福是男兒

途經秦始皇陵

許渾

龍盤虎踞樹層層勢入浮雲亦是崩一掃青山秋草  
裏路人唯拜漢文陵

煬帝陵

羅隱

入郭登橋出郭船紅樓日日柳年年君王忍把平陳  
業只換雷塘數畝田

長陵

唐彥謙

長陵高闕此安劉附堊纍纍盡列侯豐上舊居無故  
里沛中原廟對荒丘耳聞英主提三尺眼見愚民盜

一杯千載豎儒騎瘦馬渭濱斜日重迴頭

茂陵

李商隱

漢家天馬出蒲梢首宿榴花徧近郊內苑只知含鳳  
嘴屬車無復挿雞翹玉桃偷得憐方朔金屋修成貯  
阿嬌誰料蘇卿老歸國茂陵松柏雨蕭蕭

過景陵

李商隱

武皇精魄久僊昇帳殿淒涼煙霧凝俱是蒼生留不  
得鼎湖何異魏西陵

行次昭陵

杜甫

昭陵唐太宗陵在醴泉縣之西天寶五載置天下

唐詩類苑

卷之二十七

十一

通一藝者詣京師公自東都西歸應詔故道經昭

陵作

舊俗疲庸主群雄問獨夫識歸龍鳳質威定虎狼都  
天屬尊堯典神功協禹謨風雲隨絕足日月繼高衢  
文物多師古朝廷半老儒直詞寧戮辱賢路不崎嶇  
往者災猶降蒼生喘未蘇指揮安率土盪滌撫洪鑪

重過昭陵

杜甫

草昧英雄起謳歌曆數歸風塵三尺劍社稷一戎衣  
翼亮貞文德丕承戢武威聖圖天廣大宗祀日光輝  
陵寢盤空曲熊羆守翠微再窺松柏路還見五雲飛



壯士悲陵邑幽人拜鼎湖玉衣晨自舉鐵馬汗常趨  
松栢瞻虛殿塵沙立暝途寂寥開國日流恨滿山隅

秋日過昭陵

劉滄

寢廟徒悲劍與冠翠華龍馭杳漫漫原分山勢入空  
塞地面松陰出晚寒上界鼎成雲縹緲西陵舞罷淚  
闌干那堪獨立斜陽裏碧落秋光煙樹殘

題梁宣帝陵二首

呂溫

卽讐終自翦覆國豈爲雄假號孤城裏何殊在壩東

二

祀夏功何薄尊周義不成淒涼庾信賦千載共傷情

唐詩類苑

卷之二十七

十七

橋陵詩三十韻因呈縣內諸官

唐睿宗陵在奉先縣之豐山

杜甫

先帝昔晏駕茲山朝百靈崇岡擁象設沃野開天庭  
卽事壯重險論功超五丁坡陁因厚地却畧羅峻屏  
雲闕虛冉冉風松蕭泠泠石門霜露白玉殿莓苔青  
宮女曉知曙祠官朝見星空梁簇畫戟陰井敲銅瓶  
中使日夜繼惟王心不寧豈徒卹備享尚謂求無形  
孝理敦國政神疑推道經瑞芝產廟柱好鳥鳴巖局  
高嶽前律峯洪河左滢澹金城蓄峻趾沙苑文天汀  
永與輿區固川源分眇冥居然赤縣立臺榭爭嵒亭

官屬果稱是聲華真可聽王劉美竹潤裴李春蘭馨  
鄭氏才超古啖侯筆不停遣辭必中律利物常發矚  
綺繡相展轉琳琅愈青瑩側聞魯恭化秉德崔瑗銘  
太史候鳬影王喬隨鶴翎朝儀限霄漢客思迴林坰  
輶軻辭下杜飄颻凌濁涇諸生舊短褐旅汎一浮萍  
荒歲兒女瘦暮途涕泗零主人念老馬解宇容秋螢  
流寓理豈愜窮愁醉未醒何當擺俗累浩蕩乘滄溟

文宗陵

曹鄴

千年堯舜心成身已歿始隨蒼梧雲不及蒼龍闕  
宮女衣不香黃金賜白髮留此奉天下所以無征伐

唐詩類苑

卷之二十七

大

至今汨羅水不葬大夫骨

豐陵行

韓愈

羽衛煌煌一百里曉出都門塋天子群臣雜沓馳後  
先宮官穰穰來不已是時新秋七月初金神按節炎  
氣除清風飄飄輕雨灑偃蹇旂旆卷以舒逾梁下坂  
笳鼓咽嚙噪遂走玄宮閭哭聲訇天百鳥噪幽坎晝  
閉空靈輿皇帝孝心深且遠資送禮備無贏餘設官  
置衛鎖嬪妓供養朝夕象平居臣聞神道尚清淨三  
代舊制存諸書墓藏廟祭不可亂欲言非職知何如

拜豐陵

張籍

歲朝園寢遣公卿學省班中亦攝行身逐陸官齊再  
拜手持木鐸叩三聲寒更報點來山殿曉炬分行照  
栢城却下龍門看漸遠金峰高處日微明

仲秋太常寺觀公輅車拜陵

苗仲芳

南宮初開律金風已戒涼拜陵將展敬車輅儼成行  
士庶觀祠禮公卿習舊章郊原佳氣引園寢瑞煙長  
鹵薄辭丹闕威儀列太常聖心何所寄惟德在無忘

朝拜元陵

包佶

宮前石馬對中峰雲裏金鋪閉幾重不見露盤迎曉

唐詩類苑

卷之二十七

九

日唯聞木斧扣寒松

題孝子陵

耿漳

荒墳秋陌上霜露正霏霏松栢自成拱苦廬長不歸  
浮埃積蓬鬢流血存麻衣何必曾參傳千年至行端

比干墓

徐彥伯

大位天下寶維賢國之鎮殷道微而在受辛篡類胤  
山鳴鬼又哭地裂川亦震媒黷皆佞諛劉盡英雋  
孤臣帝叔父特進貞而順玉味逾皜潔銅柱方歆歔  
奉國歷三朝觀竅明一瞬季伐狷狂生蓄怒提白刃  
之子彌忠讜憤然更勇進撫膺誓曰知死故不恤

已矣竟剖心誓婦亦同殉驪龍暴雙骨太嶽摧孤仍

周發吹鎬郊冤骸悲奠殯劍鋒殲遺孽服復一何迅

駐罕歌淑靈命徒封旅視自爾御幽酷于嗟流駿問

正墳被宿莽壇所緣飛燐貞觀戒卜征維皇念忠信

荒墳護草木刻楠吹燬燼代遠思更崇身顏名益振

帝詞書樂石國饌羅芳潤偉哉烈士圖奇英千古狗

弔比干墓

孟郊

殷辛帝天下厭為天下尊乾綱既一斷賢愚無二門  
佞是福身本忠是喪已源餓虎不食子人無骨肉恩

日影不入地下埋冤死魂有骨不為土應作直木根

唐詩類苑

卷之二十七

二十

今來過此鄉下馬弔此墳靜念君臣間有道誰敢論

懷王墓

張說

呼嘯不可信似此敗懷王客死嶢關路返壘岐江陽  
啼狄抱山月饑狐獵野霜一聞懷沙事千載盡悲涼

長沙桓王墓下別李紆張南史

劉長卿

長沙千載後春草獨淒淒流水朝將暮行人東復西  
碑苔幾字滅山木萬株齊佇立傷今古相看惜解攜

過白起墓

曹鄴

毗陵火焰滅長平生氣低將軍歸老病賜劍咸陽西

奉和聖製過王濬墓應制 張說

斗牛三分國龍驤一統年  
智高寧受制風急肯迴船  
有策擒吳皓無言讓范宣  
授孤因勢屈功誦爲讒偏  
舊迹灰塵散枯墳故老傳  
百代逢明主何辭死道邊

奉和聖製過王濬墓應制 張九齡

漢王思鉅鹿晉將在弘農  
入蜀舉長策平吳成大功  
與渾雖不協歸浩實爲雄  
孤績淪千載流名感聖衷  
萬乘度荒隴一顧凜生風  
古節猶不棄今人爭效忠

王濬墓下作 李賀

人間無阿童猶唱水中龍  
白草侵煙死秋犁遶地紅

唐詩類苑

卷之二十七

王

古書平黑石神劍斷青銅  
耕勢魚鱗起墳科馬鬣封  
菊花垂濕露棘逕臥乾蓬  
松栢愁香澀雨原幾夜風

弔王將軍墓 常建

嫖姚北伐時深入強千里  
戰餘落日黃軍敗鼓聲死  
管聞漢飛將可奪單于壘  
今與山鬼隣殘兵哭遼水

過王濬墓 羅隱

男兒未必盡英雄俱到時  
來命卽通若使吳都由王  
氣將軍何處立殊功

過王濬墓 羅鄴

埋骨千年近路塵路傍碑  
號晉家軍當時若使無功

業早箇耕桑到此墳

別房太尉墓 杜甫

他鄉復行役駐馬別孤墳  
近淚無乾土低空有斷雲  
對墓陪謝傳把劍覓徐君  
唯見林花落鶯啼送客聞

周平西墓 權德輿

英威今寂寞陳迹對崇丘  
壯志清風在荒墳白日愁  
窮泉那復曉喬木不知秋  
晚歲寒塘側無人水自流

過高將軍墓 白居易

原上新墳委一身城中舊宅  
有何人妓堂賓閣無歸  
日野草山花又欲春門客  
空將感恩淚白楊風裏一

唐詩類苑

卷之二十七

王

沾巾

經蘇秦墓 賈島

沙埋古冢折碑文六國興  
亡事繫君今日淒涼無處  
說亂山秋盡有寒雲

過張平子墓 駱賓王

西鄂譚通理南州擅德音  
玉卮浮藻麗銅渾積思深  
忽懷今日昔非復昔時今  
日往豐碑閣風來古木吟

唯嘆窮泉下思鬱羨魚心

過孔北海墓 溫庭筠

撫事如神遇臨風獨涕零  
墓平春草綠碑折古苔青

珪玉埋英氣山河孕炳靈發言驚辦固搗翰動文星  
蘊策期千世持權欲反經激揚思壯志流落嘆頽齡  
惡木人皆息貪泉我獨醒輪轅無匠石刀几有庖丁  
碌碌迷藏器規規守挈瓶憤容凌鼎鑊公議動朝廷  
故國將辭寵危邦竟緩刑鈍工磨白璧凡石礪青萍  
揭日昭東夏搏風滯北溟後塵遵軌轍前席詠儀形  
木秀當憂悴絃傷不底寧矜誇遭斤鴟光彩困飛螢  
白羽留譚柄清風襲德馨鸞凰嬰雪刃狼虎犯雲屏  
蘭蕙遺荒址榛蕪蔽舊垌輟轅近沂水何事戀明庭  
過陳琳墓 溫庭筠

唐詩類苑

卷之二十七

三

曾於青史見遺文今日飄零過古墳詞客有靈應識  
我霸才無主始憐君石麟埋沒藏春草銅雀荒涼對  
暮雲莫怪臨風倍惆悵欲將書劍學從軍

經李翰林墓

殷文珪

詩中日月酒中仙平地雄飛上九天身謫蓬萊金籍  
外寶裝方丈玉堂前虎靴醉索將軍脫鴻筆悲無令  
子傳十字遺碑三尺墓只應吟客弔秋煙

經李白墓

項斯

夜郎歸未老醉死此江邊聖闕官家禮詩殘樂府篇  
遊魂應到蜀小碣豈旌賢身沒猶何罪遺墳野火燃

李白墓

白居易

采石江邊李白墳遠田無限草連雲可憐荒隴窮泉  
骨曾有驚天動地文但是詩人多薄命就中淪落不  
過君

途經李翰林墓

許渾

氣逸何人識才高舉世疑禰生狂善一作解賦陶令醉  
能一作吟詩碧水鱸魚怨青山鵬鳥悲至今孤塚在荆  
棘楚江湄

經來陽杜工部墓

羅隱

紫菊聲香覆楚醪莫君江畔雨蕭騷旅魂自是才相  
累閑骨何妨塚更高騷騷來空蹇蹇芝蘭衰後長  
蓬蒿屈原宋玉憐君處幾駕青螭緩鬱陶

唐詩類苑

卷之二十七

三

過四皓墓

李白

我行至商洛幽獨訪神仙園綺復安在雲蘿尚宛然  
荒涼千古跡蕪沒四墳連伊昔鍊金鼎何言閉玉泉  
隴寒唯有月松栢漸無煙木魅風號去山精雨嘯旋  
紫芝高詠罷青史舊名傳今日併如此哀哉信可憐

過徐穉墓

陳陶

郊廓妖興炎漢衰先生南國臥明夷鳳凰屢降六經  
禮瓊石終藏烈火詩禁掖衣冠加宋鵲湖山耕釣沒

堯詩一作師千年隴樹何人哭寂寞蒼苔內史碑

遠公墓

僧靈澈

古墓石稜稜寒雲晚景疑空悲虎溪月不見鴈門僧

孟浩然墓

羅隱

數步荒榛接舊蹊寒江漠漠草萋萋鹿門黃土無多少恰到書生塚便低

過顏處士墓

白居易

向墳道徑沒荒榛滿室詩書積闇塵厚夜肯教黃壤曉悲風不許白楊春簞瓢顏子生仍促布被黔婁死更貧未曾悠悠天上意惜將富壽與何人

唐詩類苑

卷之三十一

三五

劉得仁墓

韋莊

至公遺至藝終抱玉冤沈名有詩家業身無戚里心桂和秋露滴松帶夜風吟冥冥知春否墳高日已深

過亡友墓

馬戴

憶昨送君塋今看墳樹高尋思後期者只是益生勞

昭君墓

常建

漢宮豈不死異域傷獨沒萬里馱黃金蛾眉為枯骨迴車夜出塞立馬皆不發共恨丹青人塚上哭明月

過樊妃墓

張九齡

郢城西北有大古塚數一觀其封域多是楚時諸

王而年代久遠不復可識唯直西有樊妃塚因後人為植松栢故行路盡知之

蘋藻生南澗蕙蘭秀中林嘉名有所在芳氣無幽深

楚子初逞志樊妃嘗獻箴能令更擇士非直罷從禽舊國皆湮滅先王亦莫尋唯傳賢媛隴猶結後人心

牢落山川意蕭疎松栢陰破墻時直上荒徑或斜侵惠問終不絕風流獨至今千春思窈窕黃鳥復哀音

登九里臺

是楚樊妃墓

張說

楚國所以霸樊姬有力焉不懷沈尹祿唯諳叔敖賢萬化茫無在孤墳獨歸然北分陽臺陌南識郢城阡

唐詩類苑

卷之三十一

十六

漠漠諸宮樹蒼蒼雲夢田登高形勝出訪古今名傳自我來符守因君樹蕙全詩書將變俗紳續忽彌天

志聞三折后愁值二毛前佇立帝京路遙心寄此篇

驪姬墓

岑參

驪姬北原上閉骨已千秋滄水日東注惡名終不流獻公恣耽惑視子如仇讐此事成蔓草我來逢古丘

蛾眉山月落蟬聲野雲愁欲弔二公子橫汾無輕舟

貞女墓

邵謁

生持節操心死作堅貞鬼至今墳上春草木無花卉

姑蘇真娘墓

墓在虎丘西寺內

羅隱

春草荒墳墓萋萋向虎丘死猶嫌寂寞生肯不風流  
皎鏡山泉冷輕裾海霧秋還應伴西子香逕夜深遊

題真娘墓

張祐

佛地塋羅衣孤寬此是歸舞爲蝴蝶夢歌謝伯勞飛  
翠髮朝雲在青蛾夜月微傷心一花落無復怨春暉

和人題真娘墓

李商隱

虎丘山下劍池邊長遣遊人歎逝川骨樹斷絲悲舞  
席出雲清梵想歌筵柳眉空吐效頻葉榆莢還飛買  
笑錢一自香奩招不得祇應江上獨嬋娟

真娘墓

白居易

唐詩類苑

卷之二十七

二十七

真娘墓虎丘道不識真娘鏡中面唯見真娘墓頭草  
霜摧桃李風折蓮真娘死時猶少年脂膚萬手不牢  
固世間有物難留連難留連易銷歇塞北花江南雪

真娘墓

譚銖

虎丘山下塚纍纍松柏蕭條盡可悲何事世人偏重  
色真娘墓上獨題詩

經漂母墓

劉長卿

昔賢懷一飯茲事已千秋古墓樵人識前朝楚水流  
渚蘋行客薦山木杜鵑愁春草茫茫綠王孫舊此遊

蘇小小墓

萬木荒墳在悠然我獨尋寂寥紅粉盡冥漠黃泉深  
蔓草映寒水空郊暝夕陰風流有佳句吟眺一傷心

蘇小小墓

羅隱

魂兮雋里城由未有人耕好月當年事殘花觸處情  
向誰曾艷冶隨分得聲名應待吳王日蘭橈暗送迎

題蘇小小墓

張祐

漠漠窮塵地蕭蕭古樹林臉濃花自發眉恨柳長深  
夜月人何待春風鳥自吟不知誰共穴徒願結同心

蘇小小墓

李賀

幽蘭露如啼眼無物結同心煙花不堪剪草如茵松  
如蓋風爲裳水爲珮油壁車久相待冷翠燭勞光彩

唐詩類苑

卷之二十七

二十八

西陵下風吹雨

過小妓英英墓

楊虞卿

蕭晨騎馬出皇都聞說埋冤在路隅別我已爲泉下  
土思君猶似掌中珠四絃品柱聲初絕三尺孤墳草  
已枯蘭質蕙心何所在焉知過者是狂夫

路傍墓

耿湋

石馬雙雙當古樹不知何代公侯墓墓前靡靡春草  
深唯有行人看碑路

飲城南道邊古墓上逢中丞過贈禮部衛員

外少室張道士

韓愈

偶上城南土骨堆共傾春酒三五盃爲逢桃樹相料

聊一作理不覺中丞喝道來

漢陰甲崔員外墳

戎昱

遠別望有歸葉落望春暉所痛泉路人一去無還期

荒墳遺漢陰墳樹啼子規存歿抱冤滯孤魂意何依

豈無骨肉親豈無深相知曝露不復問高名亦何爲

相攜慟君罷春日空遲遲

弔杜工部墳

僧貫休

鵬翅踢於斯明君知不知域中詩價大荒外土墳卑

唐詩類苑

卷之三

二九

瘴雨無時滴蠻風有穴吹惟應李太白精魄往來疲

過漢南城歎古墳

張說

舊國多陵墓荒涼無歲年洶湧蔽平岡淚若波濤連

上世千金子潛臥九重泉松柏剪無餘碑記滅罔傳

塋於不毛地咸謂楚先賢事盡情可識使人心悵然

蔡中郎墳

溫庭筠

古墳零落野花春聞說中郎有後身今日愛才非昔

日莫拋心力作詞人

過京索先生墳

賈島

京索先生三尺墳秋風漠漠吐寒雲從來有恨君多

哭今日何人更哭君

弔李元瀆墳

孟郊

曉上荒涼原弔彼冥冥魂眼咽此時淚耳悽在日言

寂寂千萬年墳鎖孤松根

漂母墳

羅隱

寂寂荒墳一水濱蘆洲絕島自相親青蛾已落淮邊

月白骨甘爲泉下塵原上荻花飄素髮道傍菰葉碎

羅巾雖然寂寞千秋魄猶是韓侯舊主人

賦昭君塚

張祐

萬里關山塚明妃舊死心恨爲秋色晚愁結暮雲陰

唐詩類苑

卷之三

三十

夜切胡風起天高漢月臨已知無玉貌何事送黃金

青塚

白居易

上有饑鴈號下有枯蓬走茫茫邊雪裏一掬沙培塿

傳是昭君墓埋閉蛾眉久疑脂化爲泥鉛黛復何有

唯有陰怨氣時生墳左右髣髴如苦霧不隨骨銷朽

婦人無他才榮枯繁妍否何乃明妃命獨懸盡工手

丹青一註誤白黑相紛紜遂使君眼中西施作嫫母

同儕傾寵幸異類爲配偶禍福安可知美顏不如醜

何言一時事可戒千年後特報後來姝不須倚眉首

無辭挿荆釵嫁作貧家婦不見青塚上行人爲澆酒



青塚

張 蠟

傾國可能勝効國無勞冥冥更思回太真雖是承恩死祇作飛塵向馬嵬

青塚

杜 牧

青塚前頭隴水流燕山山上暮雲秋蛾眉一墜窮泉路夜夜孤魂月下愁

宮人塚

杜 牧

盡是離宮院中女苑牆城外塚纍纍少年入內教歌舞不識君王到老時

登村東古塚

白居易

唐詩類苑

卷之二十七

三十一

高低古時塚上有牛羊道獨立最高頭悠哉此懷抱迴頭向村望但見荒田草村人不愛花多種粟與粟自來此村住不覺風光好花少鶯亦稀年年春暗老

古塚

曹 松

代遠已難問纍纍次古城民田侵不盡客路踏還平作穴地分蟄依岡鹿繞行唯應風雨夕鬼火出林明

弔萬人塚

張 蠟

兵罷淮邊客路通亂鷗來去噪寒空可憐白骨攢孤塚盡爲將軍覓戰功

弔北印

曹 松

山下望山上夕陽名又曛無人簪白髮少地著新墳歲代殊相遠賢愚旋不分東歸聊一弔亂木倚寒雲

印山

沈佺期

北印山上列墳塋萬古千秋對洛城城中日夕歌鐘起山上唯聞松栢聲

過北印山

劉 滄

散漫黃埃滿北原折碑橫路碾苔痕空山夜月來松影荒塚春風變木根漠漠兔絲羅古廟翩翩丹旆過孤村白楊落日悲風起蕭索寒巢鳥獨奔

北印山

王 建

唐詩類苑

卷之二十七

三十一

北印山頭少閒土盡是洛陽人舊墓舊墓一作人家歸葬多堆著黃金無買處天涯悠悠塋口促崗坂崎嶇不停轂高張素幙繞銘旌夜唱挽歌山下宿洛陽城北復城東魂車祖馬長相逢車轍廣若長安路蒿草少於松栢樹澗底盤陀一作山頭澗底石漸稀盡向墳前作羊虎誰家古石一作碑文字滅後人重取書年月朝朝車馬送塋迴還起大宅與高臺

北印行

張 籍

洛陽北門北印道喪車轡轡入秋草車前齊唱薤露歌高墳新起日峨峨朝朝暮暮人送塋洛陽城中人



更多千金立碑百尺高終作誰家柱下石山頭松栢  
半無主地下白骨多於三寒食家家送紙錢烏鳶作  
窠街上樹人居朝市未解愁請君暫向北邙遊

宮人斜

來鵠

幾多紅粉委黃泥野鳥如歌又似啼應有春魂爲化  
燕年來飛入未央樓

和李都官郎中經宮人斜 羊士諤

翡翠無窮掩夜泉猶疑一半作神仙秋來還照長門  
月珠露寒花是野田

宮人斜

唐詩類苑 卷之二十七

三

一路斜分古驛前陰風切切晦秋煙鉛華新舊共冥

寞日暮愁鴉飛野田

宮人斜

竇鞏

離宮路遠北原斜生死恩深不到家雲雨今歸何處

去黃鸝飛上野棠花

宮人斜

陸龜蒙

草樹愁煙似不春晚鶯哀怨問行人須知一種埋香

骨猶勝昭君作虜塵

春日古道傍作

杜牧

萬古榮華旦暮齊樓臺春盡草萋萋君看陌上何人

墓旋化紅塵送馬蹄

唐詩類苑

卷之二十七

三

唐詩類苑卷第二十八

明雲間張之象玄超甫纂輯

雲間張所敬長與甫編次

雲間王 徹叔朗甫補訂

梁谿曹仁孫伯安甫校正

山部

總山

詠山

李嶠

地鎮標神秀峨峨上翠氛泉飛一道帶峰出半天雲  
古壁丹青色新花綺繡紋已開封禪所希謁聖明君

唐詩類苑

卷之二十八

詠小山

太宗

近谷交繁縵遙峯對出蓮徑細無全磴松小未含煙

七祖院小山

鄭谷

小巧功成雨蘚斑軒車日日扣松關峨嵋咫尺無人  
去却向僧牕看假山

小山歌

萬楚

人說淮南有小山淮王昔日此登仙城中鷄犬皆飛  
去山上壇場今宛然世人貴身不貴壽共笑華陽洞  
天口不知金石變長年謾在人間戀攜手君能舉帆  
至淮南家住盱眙余先諳桐栢千年平入海茱萸一

曲沸成潭憶記來時魂悄悄想見仙山衆峰小今日  
長歌思不堪君行爲報三春鳥

高山引

宋之問

攀雲窈窕兮上躋懸峯長路浩浩兮此去何從水一  
曲兮腸一曲山一重兮悲一重松檟邈已遠友于何  
日逢況滿室兮童稚攢衆慮於心胸天高難訴兮遠  
負明聰却望咸京兮揮涕龍鍾

南山詩

韓愈

吾聞京城南茲維群山圍東西兩際海巨細難悉究  
山經及地志茫昧非受授團辭試提挈挂一念萬漏

唐詩類苑

卷之二十八

二

欲休諒不能羶敘所經觀嘗昇崇丘望戢戢見相湊  
晴明出稜角縷脉碎分繡蒸嵐相瀕洞表裏忽通透  
無風自飄簸融液煦柔茂橫雲時平凝點點露數岫  
天空浮修眉濃綠畫新就孤撐有巉絕海浴褰鵬嚼  
春陽潛沮如濯濯吐深秀巖巒雖律率輒弱類含酎  
夏炎百木盛陰鬱增埋覆神靈日歆歔雲氣爭結構  
秋霜喜刻轢礫卓立癯瘦參差相疊重剛耿陵宇宙  
冬行雖幽黑冰雪工琢鏤新曦照危峨億丈恒高袤  
明昏無停態頃刻異狀候西南雄太白突起莫間簞  
藩都配德運分宅占丁戊逍遙越坤位詆訐陷乾竇

空虛寒兢兢風氣較搜漱朱維方燒日陰霰縱騰燥  
昆明大池北去覲偶晴畫絲聯窮俯視倒側困清漚  
微瀾動水面踴躍躁猱狄驚呼惜破碎仰喜呀不仆  
前尋徑杜墅全蔽畢原陋崎嶇上軒昂始得觀覽富  
行行將遂窮嶺陸煩互走勃然思坼裂擁掩難恕宥  
巨靈與夸娥遂賈音期必售還疑造物意固護蓄精  
祐力雖能排幹雷電怯呵詬攀緣脫手足蹭蹬抵積  
蹙茫如試矯首堀塞生恂慙威容喪肅爽近新迷遠  
舊拘官計日月欲進不可又因緣窺其湫凝湛闕陰  
聳魚蝦可俯掇神物安敢寇林柯有脫葉欲墮烏驚  
唐詩類苑 卷之二十八 三

炎或錯若繪畫或繚若篆籀或羅若星離或翦若雲  
逗或浮若波濤或碎若鋤耨或如賁育倫賭勝勇前  
購先強勢已出後鈍嗔誼譎或如帝王尊叢集朝賤  
幼雖親不褻狎雖遠不悖謬或如臨食案肴核紛釘  
餌又如遊九原墳墓包榔柩或纍若盆罌或揭若甌  
豆或覆若曝鼈或頽若寢獸或蛻若藏龍或翼若搏  
鷲或齊若友朋或隨若先後或逆若流落或顧若宿  
留音或戾若仇讎或密若婚媾或儼若峨冠或翻若  
舞袖或屹若戰陣或圍若蒐狩或靡然東注或偃然  
北首或如火熺焰或若氣饋餉或行而不輟或遺而  
不收或斜而不倚或弛而不轂或赤若禿鬣或燠若  
柴樵或如龜拆兆或若卦分繇或前橫若剝或後斷  
若妬延延離又屬夫夫叛還遘喁喁魚闐萍落落月  
經宿闇闇樹墻垣巘巘架庫廡參參削劒戟煥煥銜  
瑩瑋敷敷花披萼闌闌屋摧霤悠悠舒而安兀兀狂  
以狙超超出猶奔蠡蠡駭不懋大哉立天地經紀肖  
營滕厥初孰開張僂僂誰勸侑創茲朴而巧戮力忍  
勞疚得非施斧斤無乃假詛呪鴻荒竟無傳功大莫  
酬傲嘗聞於祠官芬苾降歆臭斐然作歌詩惟用贊  
報酹

南山

賀朝清

湖北雨初晴湖南山盡見青天石帆影如得海風便  
仙穴茅山峰彩雲時一見邀君共保此異錄殘幾卷  
劉侍讀見和山邸篇什重申此贈

李嶠

神嶽瑤池圃仙宮玉樹林垂時警天御清暑滌宸襟  
梁駕陪玄賞涵庭掩翠岑對巖龍岫出分壑鳳池深  
簷迴松蘿映牕高石鏡臨落泉奔澗響驚吹助猿吟  
野氣迷涼燠山花雜古今英藩盛賓侶勝境相招尋  
踐徑披蘭葉攀崖引桂陰穆生時泛醴鄒子或調琴

唐詩類苑

卷之二十八

五

雄翳分場合魚鉤向浦沈朝遊極斜景夕宴待橫參  
顧已慙鉛鐸叨名齒璫簪暫依朱邸館還暢白雲心  
丘壑信多美煙霞得所欲寓言攄宿志竊吹簡知音  
獎價踰珍石酬文重振金方從仁智所攜手濯清潄

山行

殷遙

寂歷青山曉山行趣不稀野花成子落江燕引鷓鴣飛  
暗草薰苔徑晴陽拂石磯俗人猶語此余亦轉忘歸

山行偶作

馬戴

緣危路忽窮投宿值樵翁鳥下山含暝蟬鳴露滴空  
石門斜月入雲竇暗泉通寂寞生幽思心疑舊隱同

春山行

僧貫休

重疊太古色濛濛花雨時好山行恐盡流水語相隨  
黑壤生紅木黃猿領白兒因思石橋畔曾與道人期

秋山極天淨

朱延齡

雨洗高秋淨天臨大野閑蔥籠清萬象繚繞出層山  
日落千峯上雲銷萬壑間綠蘿霜後翠紅葉雨來殷  
散彩輝吳甸分形壓楚關欲尋霄漢路延首願登攀  
問李二司直所居雲山皇甫冉

門外水流何處天邊樹遶誰家山色東西多少朝朝  
幾度雲遮

唐詩類苑

卷之二十八

六

遠山

皇甫冉

少室盡西峯鳴臯隱南面柴門縱復關終日牕中見  
賦得望遠山送客歸僧無可

逢山寒雨過正向暮天橫隱隱凌雲出一作蒼蒼與  
共一作水平何時凝厚地幾處映孤城歸客秋風裏迴  
看傷別情

登山歌

皇甫冉

青山前青山後登高望兩處處處今何有煙景滿川  
原離人堪白首

下山歌

朱之問

下嵩山今多所思攜佳人今步遲遲松間明月長如此君再遊今復何時

和宋之間下山歌

賈曾

良遊晚晚今月生光紅錦逶迤今山路長王孫不畱今歲將晏嵩巖仙草今爲誰芳

盛山十二首

韋處厚

隱月岫

初映鈎如線終銜鏡似鈎遠澄秋水色高倚曉河流

流杯渠

激曲繁飛箭浮溝泛滿卮將來山太守草白香雲泥

唐詩類苑

卷之二十八

七

竹巖

不資冬日秀爲作暑天寒先植誠非鳳來翔定是鸞

繡衣石榻

巖嶢雪中嶠磊落標方峭勿爲枕蒼山還當楚清廟

宿雲亭

雨合飛危砌天開卷曉牕齊平聯郭柳帶繞抱城江

梅谿

夾岸疑輕素交枝漾淺淪味調方薦實臘近又先春

桃塢

噴日舒紅景通蹊茂綠陰終期王母摘不羨武陵深

胡盧沼

疏鑿徒爲巧圓窪目可澄倒花紛錯秀鑑月靜涵水

茶嶺

顧渚吳商絕蒙山蜀信稀千叢因此始含露紫茸肥

盤石磴

繚繞緣雲上璘玢甃玉聯高高曾幾折極月瞰秋鳶

琵琶臺

徧地難層疊因崖遂削成淺深嵐嶂色盡向此中呈

上士餅泉

綆汲豈無井顛巖貴非浚願洗塵垢餘一雨根莖潤

唐詩類苑

卷之二十八

八

送故人歸山

杜牧

三清洞裏無端別又拂塵衣欲卧雲看者挂冠迷處所北山蘿月在移文

土山

杜甫

天寶初南曹小司寇舅於我太夫人堂下累土爲

山一簣盈尺以代彼朽木承諸焚香瓷甌甚安

矣旁植慈竹蓋茲數峯欽岑嬋娟宛有塵外數致

乃不知興之所至而作是詩

一簣功盈尺三峯意出群望中疑在野幽處欲生雲

慈竹春陰覆香爐曉勢分惟南將獻壽佳氣日氛氲

壘土山

白居易

堆土漸高山意出終南移入戶庭間玉峯藍水應惆悵恐見新山忘舊山

和裴僕射相公假山十一韻

韓愈

公乎真愛山看山旦連夕猶嫌山在眼不得著脚歷枉語山中人句我澗側石有來應公須歸必載金帛當軒乍駢羅隨勢忽開圻有洞若神劍有巖類天劃終朝嚴洞間歌鼓燕賓戚孰謂衡霍期近在王侯宅傳氏築已卑礚谿釣何激逍遙功德下不與事相撫

唐詩類苑

卷之二十八

九

樂我盛明朝於焉傲今昔

奉和太常韋卿閣老左藏庫中假山之什

權德輿

春山僊掌百花開九棘腰金有上才忽向庭中摹峻極如從洞裏見昭回小松已負干霄壯片石皆疑縮地來都內今朝似方外仍傳麗句寄雲臺

故山

黃滔

支頤默省舊林泉石徑茅堂到目前衰碧鳴蛩莎有露農陰歇鹿竹無煙水從井底通滄海山在牕中倚遠天何事蒼髯不歸去燕昭臺上一年年

泰山

遊泰山六首

李白

四月上泰山石屏御道開六龍過萬壑澗谷隨縈迴馬跡遶碧峯於今滿青苔飛流灑絕巘水急松聲哀北眺嶢嶂奇傾崖向東摧洞門閉石扇地底興雲雷登高望蓬瀛想像金銀臺天門一長嘯萬里清風來王女四五人飄飄下九垓含笑引素手遺我流霞杯稽首再拜之自愧非仙才曠然小宇宙棄世何悠哉

二

清曉騎白鹿直上天門山山際逢羽人方瞳好容顏

唐詩類苑

卷之二十八

十

捫蘿欲就語却掩青雲關遺我鳥跡書飄然落巖間其字乃上古讀之了不閑感此三嘆息從師方未還

三

平明登日觀舉手開雲關精神四飛揚如出天地間黃河從西來窈窕入遠山憑崖攬八極目盡長空閑偶然值青童綠鬢雙雲鬢笑我晚學仙蹉跎凋朱顏躊躇忽不見浩蕩難追攀

四

清齋三十日裂素寫道經吟誦有所得衆神衛我形雲行信長風颯若羽翼生攀崖上日觀伏檻窺東溟

海色動遠山天鷄已先鳴銀臺出倒景白浪翻長鯨  
安得不死藥高飛向蓬瀛

五

日觀東北傾兩崖夾雙石海水落眼前天光遙空碧  
千峯爭攢聚萬壑絕凌歷緬彼鶴上仙去無雲中跡  
長松入雲漢遠望不盈尺山花異人間五月雪中白  
終當遇安期於此鍊玉液

六

朝飲王母池暝投天門關獨抱綠綺琴夜行青山間  
山明月露白夜靜松風歇仙人遊碧峰處處笙歌發

唐詩類苑

卷之二十八

十一

寂聽娛清暉玉真連翠微想像鸞鳳舞飄飄龍虎衣  
捫天摘匏瓜恍惚不憶歸舉手弄清淺誤攀織女機  
明晨坐相失但見五雲飛

送范山人歸泰山

李白

魯客抱白鶴別余往泰山初行若片雪香在清崖間  
高高至天門海日近可攀雲生望不見此去何時還

望嶽

杜甫

南嶽配朱鳥秩禮自百王歛吸領地靈鴻洞半炎方  
邦家用祀典在德非馨香巡狩何寂寞有虞今則亡  
洎吾隘世網行邁越瀟湘渴日絕壁出漾舟清光旁

祝融五峯尊峯峯次低昂紫蓋獨不朝爭長喋相望  
恭聞魏夫人群仙夾翱翔有時五峰氣散風如飛霜  
牽迫限脩途未暇杖崇岡歸來覲命駕沐浴休玉堂  
三歎問府王曷以贊我皇牲璧忍衰俗神其思降祥

望嶽

杜甫

衡山

江上送女道士褚三清遊南嶽

李白

唐詩類苑

卷之二十八

十一

吳江女道士頭戴蓮花巾霓衣不濕雨特異陽臺神  
足下遠遊履凌波生素塵倦尋向南嶽應見魏夫人  
與諸公送陳郎將歸衡陽并序

李白

仲尼旅人文王明夷苟非其時聖賢低眉況僕之  
不肖者而遷逐枯槁固非其宜朝心不開不覺  
白而登高送遠使人增愁陳郎將義風凜然英思  
逸發來下曹城之榻去邀才子之詩動清典於中  
流泛素波而徑去諸公仰望不及連章祖之序漸  
起予輒冠名賢之首作者嗤我乃爲撫掌之資乎



衡山蒼蒼入紫冥，下看南極老人星。迴飈吹散五峯雪，往往飛花落洞庭。氣清嶽秀有如此，郎將一家拖金紫。門前食客亂浮雲，世人皆比孟嘗君。江上送行無白壁，臨歧惆悵若爲分。

望衡山

劉禹錫

東南已蓋卑，維嶽資枉石。前當祝融居，上拂朱鳥翮。青冥結精氣，磅礴宣地脉。還聞膚寸陰，能致彌天澤。送道士于千齡游南嶽

崔塗

物外與誰期，人間又別離。四方多事日，高嶽獨游時。猿狖瀟湘對，煙波屈宋祠。無因陪此去，空惜贊將衰。

唐詩類苑

卷之二十八

三

華山

華嶽

王維

西嶽出浮雲，積翠在太清。連天疑黛色，百里遙青冥。白日爲之一作寒，森沈華陰城。昔聞乾坤閉，一作造

化生巨靈，右足踏方止。一作左右推削成，天地

忽開拆。大河注東溟，遂爲西峙嶽。一作雄鎮秦京

大君包覆載，至德被群生。上帝佇昭告，金天思奉迎。

人祇望幸久，何獨禪雲亭。

華山西岡遊贈隱玄叟

顧况

群峯鬱初霽，潑黛若髮沐。失風鼓哈呀，搖撼千灌木。

木葉微墮，黃石泉淨。停綠危磴，蘿薜牽迴。步入幽谷，我心寄青霞。世事慙蒼鹿，遂令巢許輩於焉謝塵俗。想是悠悠雲，可契去留躅。

華山歌

劉禹錫

洪爐作高山，元氣鼓其橐。俄然神功就，峻拔在寥廓。靈跡露指爪，殺氣見稜角。凡木不敢生，神仙聿來託。天資帝王宅，以我爲關鑰。能令下國人，不見換神骨。高山固無限，如此方爲嶽。丈夫無特達，雖貴猶碌碌。

華山

張喬

誰將倚天劒，削出倚天峯。衆水背流急，他山相向重。

唐詩類苑

卷之二十八

十四

樹黏青靄合，崖夾白雲濃。一夜盆傾雨，前湫起毒龍。

華山

鄭谷

峭仞聳巍巍，晴嵐染近畿。孤高不可狀，圖寫盡應非。絕頂神仙會，半空鸞鶴歸。雲臺分遠靄，樹谷隱斜暉。墮石連村響，狂雷發廟威。氣中寒渭闊，影外白樓微。雲對蓮花落，泉橫露掌飛。乳懸危磴滑，樵徹上方稀。澹泊生真趣，迢遙息世機。野花明澗路，春蘚澀松圍。遠洞時間磬，群僧晝掩扉。他年洗塵骨，香火願相依。

華山

李洞

碧山長，東地長。秋日夕，泉源聒華州。萬戶煙侵關，令



宅四時雲在使君樓風驅雷電臨河震鶴引神仙出  
月遊峯頂高眠靈藥熟自無霜雪入人頭

觀華嶽

祖詠

西入秦關口南瞻驛路連彩雲生闕下松栢到祠邊  
作鎮當官道雄都俯大川危峯徑上處彷彿有神仙

望太華贈盧司倉

陶翰

作吏列西華乃觀三峯壯戍削元氣中傑出天漢上  
如有飛動色不知青冥狀巨靈安在哉厥跡猶可望  
方此顧行旅未由飭仙裝蔥朧記星壇明湫數雲障  
良友垂真契宿心所微尚敢投歸山吟露徑一相訪

唐詩類苑

卷之二十八

五

關門望華山

劉長卿

客路瞻太華三峯高際天夏雲亘百里合沓遙相連  
雷雨飛半腹太陽在其巔翠微關上近一作瀑布林  
稍懸愛此衆容秀能令西望偏徘徊忘暝色決滌成  
陰煙曾是朝百靈亦聞會群仙瓊漿豈易挹毛女非  
空傳髮髯仍佇想幽竒如眼前金天有清廟松栢隱  
蒼然

望嶽

杜甫

西嶽峻嶒竦處尊諸峯羅立似兒孫安得仙人九節  
杖枉到玉女洗頭盆車箱入谷無歸路箭括通天有

一門稍待秋風涼冷後高尋白帝問真源

行經太華

孔德紹

紛吾世網暇靈嶽展幽尋寥廓風塵遠杳冥川谷深  
山昏五里霧日落二華陰疎峯起蓮葉危塞隱桃林  
何必東成外此處可抽簪

途經華嶽

玄宗

飭駕去京邑鳴鑾指洛川循途經太華迴蹕暫周旋  
翠萼留斜影懸巖冒夕煙四方皆石壁五位配金天  
彷彿看高掌依稀聽子先終當銘歲月從此記靈仙  
奉和聖製途經華嶽應制 張說

唐詩類苑

卷之二十八

六

西嶽鎮皇京中峯入太清玉鑾重嶺應緹騎薄雲迎  
霽日懸高掌寒空映削成軒游會神處漢幸望仙情  
舊廟清林古新碑綠字生群臣願封岱還駕勒鴻名  
奉和聖製途經華嶽應制 張九齡

萬乘華山下千巖雲漢中靈居雖突密睿覽忽玄同  
日月臨高掌神仙仰大風攢峯勢岌岌翊輦氣雄雄  
揆物知幽贊銘勲表聖衷會應陪檢玉來此告成功

行經華陰

崔顥

崑崙大華俯咸京天外三峯削不成武帝祠前雲欲  
散仙人掌上雨初晴河山北枕秦關險驛樹西連漢

時平借問路傍名利客無如此處學長生

過華陰

王昌齡

雲起太華山雲山乍明滅東風始含景了了見松雪  
羈人感幽棲昏映轉奇絕欣然忘所疲永望吟不輟  
信宿百餘里出關玩新月何意乍溟溟遇物遂遷別  
人生屢如此何以肆愉悅

獻華陰羅丞別

儲光義

華山薄遊者玄髮當青春道德同仙吏尊卑即丈人  
縣城俯京路獲見官舍裏淹留瓊樹枝謠浪春泉水  
昔余在天目總角奉遊從寒暑遞來往今復蓮花峯

唐詩類苑

卷之二十八

七

別情無遠近道別方愁予熟想古人言乃知悲風雨

華陰作貽祖三詠

儲光義

朝行敷水上暮出華山東高館宿初靜長亭秋轉空  
日餘久淪汨重此聞霜風淅瀝入溪樹颼颼驚夕鴻  
悽然望伊洛如見息陽宮舊識無高位新知盡固窮  
夫君獨輕舉遠近善文雄豈念千里駕崎嶇秦塞中  
入華山訪隱者經仙人石壇

李益

三考四嶽下官曹少休沐久負青山諾今還獲所欲  
常聞玉清洞金簡受玄籙鳳駕昇天行雲遊恣霞宿

平明矯輕策捫石入空虛仙人古石壇苔蘚青瑤局

陽桂凌煙紫陰蘿冒水綠隔世聞丹經懸泉注明玉

前驚羽人會白日天居肅問我將致辭笑之自相目

竦身雲遂起仰見雙白鶴墮其一紙書文字類鳥足

視之了不識三返又三復歸來問方士舉世莫解讀

何必若蜉蝣然後爲踟促鄙哉宦遊子身志俱降辱

再往不及期勞歌叩山木

送田卓入華山

賈島

幽深足暮蟬驚覺石牀眠瀑布五千仞草堂瀑布邊

壇松涓滴露嶽月沈寥天鶴過君須看上頭應有仙

唐詩類苑

卷之二十八

六

賦得歸雲送李山人歸華山

錢起

秀色橫千里歸雲積幾重欲依毛女岫初卷少夷峯  
葢影隨征馬衣香拂卧龍祗應函谷上真氣日溶溶

馬戴居華山因寄

賈島

玉女洗頭盆孤高不可言瀑流蓮嶽頂河注華山根

絕崔林藏鶻無人境有猿秋蟾纔過雨石上古松門

和錢華州題少華清光絕句

白居易

高情雅韻三峯守主領清光管白雲自笑亦曾爲刺

史蘇州肥膩不如君

嵩山

嵩山天門歌

宋之問

登天門兮坐磐石之磷砢前從從兮未半下漠漠兮  
無垠紛窈窕兮巖倚披以鵬翅洞膠葛兮峯稜層以  
龍鱗松移岫轉左變而右易風生雲起出鬼而入神  
吾亦不知其靈恠如此願遊杳冥兮見羽人重曰天  
門兮穹崇迴合兮攢聚松萬接兮柱日石千尋兮倚  
空晚陰兮足風夕陽兮施紅試一望兮奪魄况衆妙  
之無窮

唐詩類苑

卷之三十八

十九

嵩山十志十首 并序

盧浩然

草堂

草堂者蓋因自然之溪阜前當壩洫資人力之締  
構後加茅茨將以避燥濕成棟宇之用昭簡易叶  
乾坤之德道可容膝休閑谷神同道此其所貴也  
及靡者居之則妄為剪飾失天理矣詞曰

山爲宅兮草爲堂芝蘭兮葍房羅靡蕪兮拍薜荔荃  
壁兮蘭砌靡蕪薜荔兮成草堂陰陰邃兮馥馥香中  
有人兮信宜常讀金書兮飲玉漿童顏幽操兮不易  
長

倒景臺

倒景臺者蓋太室南麓天門石崖傑峯如臺氣凌  
倒景登路有三處可憩或曰三休臺可以邀馭風  
之客會絕塵之子超逸真盪遐襟此其所絕也及  
世人登焉則魂散神越目極心傷矣詞曰  
天門豁兮仙臺聳傑屹屹兮零瀕湧窮三休兮曠一  
觀忽若登崑崙兮中期汗漫仙聳天開兮倒景臺  
顯氣兮軼翬埃皎皎之子兮自獨立雲可朋兮赧可  
吸曾何榮辱之所及

樾館

唐詩類苑

卷之三十八

二十

樾館者蓋卽林取材基巔柘架茅茨居不期逸爲  
不至勞清談娛賓斯爲尚矣及盪者卽其隘間苟  
事宏涵乖其實矣詞曰

紫巖隈兮青磎側雲松煙蕙兮千古色芳蘿靡兮陰  
蒙龍幽人構館兮在其中霍靡蒙龍兮開樾館卧風  
霄兮坐楮旦粲有賓兮時戾止樵蘇不爨兮清談已  
永歲終朝兮常若此

枕煙庭

枕煙庭者蓋特峯秀起意若枕煙秘庭疑虛昏若  
仙會卽揚雄所謂爰靜神游之庭是也可以超絕

紛世永絜精神矣及機士登焉則寥聞懔懔愁懷  
情累矣詞曰

臨決滂兮背青焚吐雲煙兮合昏冥怵歛翕兮杳幽  
靄意縹緲兮群仙會宵冥仙會兮枕煙庭疎魂形兮  
凝視聽聞夫至誠必感兮祈此巔契顯氣養丹田終  
彷彿兮觀靈仙

雲錦淙

雲錦淙者蓋激溜衝攢傾石叢倚鳴湍疊濯噴若  
雷風詭輝分麗煥若雲錦可以瑩發靈矚幽玩忘  
歸及匪士觀之則反曰寒泉傷玉趾矣詞曰

唐詩類苑

卷之二十八

主

水攢衝兮石叢聳煥雲錦兮噴洶湧苔駁拳兮草黃  
緣芳羃羃兮瀨濺濺水石攢叢兮雲錦淙波連珠兮  
文沓絳有絜員者媚此幽漱靈液兮樂天休實獲我  
心兮夫何求

期仙磴

期仙磴者蓋危磴穹窿迴接雲路靈仙髣髴若可  
期及儒者毀所不見則黜之蓋疑氷之談信矣詞  
曰

霏微陰磴兮氣騰虹迤邐危磴兮上凌空青霞杪兮  
紫雲垂鸞歌鳳舞兮吹參差鸞歌鳳舞兮期仙磴鴻

駕迎今瑤華贈山中八今好神仙想像聞此今欲升  
煙鑄月煉液兮貯還年

滌煩磯

滌煩磯者蓋穹谷峻崖發地盤石飛流攢激積漱  
成渠渌性滌煩迴有幽致可爲智者說難爲俗人  
言詞曰

靈磯盤礴兮溜奔錯漱冷風兮鎮冥壑研苔滋兮泉  
珠潔一飯一憩兮氣想滅磷連清淬兮滌煩磯靈仙  
境今仁智歸中有琴兮徽以玉峨峨湯湯彈此幽寧  
聲知音兮同所欲

唐詩類苑

卷之二十八

主

羃翠庭

羃翠庭者蓋崖巘積陰林蘿沓翠其上懸羃其下  
深湛可以王神可以冥道矣及喧者遊之則酣諠  
永日汨清薄厚詞曰

青崖陰兮月磳曲重幽疊邃兮隱淪躅草拊綿幕兮  
翠蒙龍當其無兮庭在中當無有用兮羃翠庭神可  
谷兮道可冥有幽人兮張素琴白玉徽兮綠水音德  
之惜兮澹多心

洞元室

洞元室者蓋因巖作室以理談玄室返自然元斯

洞矣及邪者居之則假容竊吹妄作虛誕者以

言詞曰

嵐氣肅兮巖翠冥室陰虛兮戶芳迎披蕙帳兮促蘿  
筵談空空兮覈元元蕙帳羅筵兮洞元室秘而幽兮  
真可吉返自然兮道可冥澤妙思兮草玄經結幽門  
今在黃庭

金碧潭

金碧潭者蓋水潔石鮮光涵金碧巖葩林焉有助  
芳陰鑒洞虛道斯勝矣而世生纏乎利害則未暇  
遊之詞曰

唐詩類苑

卷之二十八

三十一

水碧色兮石金光灩熒熒兮渙湟湟泉葩映兮輝  
臨紅灼灼翠陰陰翠相鮮兮金碧潭霜天洞全煙景  
涵有幽人兮好冥絕炳其煥兮疑其潔悠悠千古兮  
長不滅

嵩山

孟郊

沙彌舞袈裟走向躑躅飛閑步亦惺惺芳援相依依  
噎塞春咽喉蜂蝶事光輝群嬉且已晚孤引將何歸  
流豔去不息朝英亦疎微

嵩山石淙侍宴應制

沈佺期

金輿旦下綠雲衢彩殿晴臨碧澗隅溪水泠泠逐行

漏山煙片片引香爐八八六膳調神鼎玉女三漿捧  
帝壺自惜汾陽紆道駕無如太室覽真圖

嵩山石淙侍宴應制

宋之問

離宮秘苑勝瀛洲別有仙人洞壑幽巖巖邊樹色含風  
冷石上泉聲帶雨秋鳥向歌筵來度曲雲依帳殿結  
爲樓微臣昔忝方明御今日還陪八駿遊

歸嵩山作

王維

清川帶長薄車馬去閑閑流水如有意暮禽相與還  
荒城臨古渡落日滿秋山迢遞嵩高下歸來且閉關  
送楊山人歸嵩山

李白

唐詩類苑

卷之二十八

三十一

我有萬古宅嵩陽玉女峯長留一片月挂在東溪松  
爾去掇仙草苴蒲花紫茸歲晚或相訪青天騎白龍  
送方尊師歸嵩山

王維

見道部

贈柳喜自號嵩山老

僧皎然

一見嵩山老吾生恨太遲問君年幾許曾出上皇時

頽陽縣

韋莊

琴堂連少室故事卽仙蹤樹老風聲壯山高臘候濃  
雪多庭有鹿縣僻寺無鐘何處問詩客茅簷倚後峯  
唐詩類苑卷第二十八終

唐詩類苑卷第二十九

明雲張之象玄超甫纂輯

雲間張所敬長興甫編次

雲間王 徹叔朗甫補訂

梁谿曹仁孫伯安甫校正

山部

王屋山

寄王屋山人孟大融 李白

我昔東海上勞山食紫霞親見安期公食棗大如瓜  
中年謁漢主不恆還歸家朱顏謝春暉白髮見生涯

唐詩類苑

卷之二十九

所期就金液飛步登雲車願隨夫子天壇上閑與  
人掃落花

送王屋山人魏萬還王屋 李白

王屋山人魏萬云自嵩宋汭吳相訪數千里不遇  
乘興遊台越經永嘉觀謝公石門後於廣陵相見  
美其愛文好古浪迹方外因述其行而贈是詩

仙人東方生浩蕩弄雲海沛然乘天遊獨往失所在  
魏侯繼大名本家聊攝城卷舒入元化跡與古賢并  
十三弄文史揮筆如振綺辭折田巴生心齊魯子  
西涉清洛源頗驚人世喧採秀卧王屋因窺洞天門

竭來遊嵩峯羽客何雙雙朝攜月光子暮宿玉女牕

鬼谷上窺窺龍潭下奔潑東浮汴河水訪我三千里

逸興滿吳雲飄飄淅江汜揮手杭越間章亭望潮還

濤捲海門石雲橫天際山白馬走素車雷奔駭心顏

遙聞會稽美一弄耶溪水萬壑與千巖崢嶸鏡湖裏

秀色不可名清輝滿江城人遊月邊去舟在空中行

此中久延佇入剡尋王許笑讀曹娥碑沈吟黃絹語

天台連四明日入向國清五峯轉月色百里行松聲

靈溪恣公越華頂殊超忽石梁橫清天側足履半月

眷然思永嘉不憚海路賒挂席歷海嶠迴瞻赤城霞

唐詩類苑

卷之二十九

赤城漸微沒孤嶼前曉兀水續萬古流亭空千霜月  
縉雲川谷難石門最可觀瀑布挂北斗其窮此水端

噴壁灑素雪空濛生晝寒却尋惡溪去寧懼惡溪惡

咆哮七十灘水石相噴薄路創李北海巖開謝康樂

松風和猿聲搜索連洞壑徑出梅花橋雙溪納歸潮

落帆金華岸赤松若可招沈約八詠樓城西孤峯嵒

嵒崑崙四荒外曠望群川會雲捲天地開波連浙西大

亂流新安口北指嚴光瀨鉤臺碧雲中邈與蒼嶺對

稍稍來吳都徘徊上姑蘇煙綿橫九疑萍蕩見五湖

目極心更遠悲歌但長吁迴撓楚江濱揮策揚子津

日本表昂藏風塵王戶造我語知非伯儂人  
相逢樂無限水石日在眼徒干五請侯不致千金  
吾友揚子雲絃歌播清芬雖爲江寧幸好與山公  
乘輿但一行且知我愛君君來幾何時仙臺應有期  
東牕綠玉樹定長三五枝至今天壇人當笑爾歸遲  
我苦惜遠別茫然使心悲黃河若不斷白首長相思

送家兄歸王屋山隱居

劉禹錫

洛陽天壇上依稀似玉京夜分先見日月淨遠聞笙  
雲路將雞犬丹臺有姓名古來成道者兄弟一同行

唐詩類苑

卷之三

三

春來山事好歸去亦逍遙水淨苔莎色露香芝朮苗  
登臺吸瑞景飛步翼神飈願薦墳荒曲洞將學玉簫  
王屋山第之側雜構小亭暇日與群公同遊

李嶠

桂亭依絕巘蘭榭俯回溪綺棟魚鱗出雕甍鳳羽棲  
引泉聊漲沼鑿磴且通蹊席上山花落簾前野樹低  
弋林開曙景釣渚發晴寬狎水驚梁鴈臨風聽楚鷄  
復看題柳葉彌喜蔭桐圭

送吳鍊師歸王屋

張籍

玉陽天下學長生玉洞仙中已有名獨戴熊羆冠曾

出唯將鶴尾扇同行煥成雲母休炊爨已得雷公當  
吏兵却到瑤壇上頭宿應聞空裏步虛聲

胡山人歸王屋因有贈

張籍

轉轉無成到白頭人間舉眼盡堪愁此生已是蹉跎  
去每事因循鹵莽休雖作閑官少拘束難逢勝景可  
淹留君歸與訪移家處若箇峯前最較幽

贈王屋道士赴詔

王建

玉皇符到下天壇玳瑁頭簪白角冠鶴遺院中童子  
養鹿憑山下老人看法成不怕刀梯利體一作雲霓  
欺石榻寒能斷世間腥血味長生只要一丸丹

唐詩類苑

卷之三

四

宿王屋天壇

馬戴

星斗半沈蒼翠色紅霞遠照海濤分折松曉拂天壇  
雪投簡寒窺玉洞雲絕頂離迴人不見深林磬度鳥  
應聞未知誰與傳金錄獨向仙祠拜老君

客有爲余話登天壇遇雨之狀因以賦之

劉禹錫

清晨登天壇平路逢陰晦疾行穿雨過却立視雲背  
白日照其上風雷走於內滉漾雲海翻槎牙玉山碎  
蛟龍露鬚鬣神鬼含變態萬狀互生滅百音以繁會  
俯觀群動靜始覺天宇大山頂自晶明人間已霽霈



豁然重昏斂渙若春冰碎反照入松門瀑流飛縞帶  
遙光泛物色餘韻吟天籟洞府撞仙鐘村墟起夕靄  
却見山下侶已知迷世代問我何處來我來雲雨外

早冬遊王屋自靈都抵陽臺上方望天壇偶

吟成章寄溫谷周尊師中書李相公

白居易

霜降山水清王屋十月時石泉碧漾漾巖樹紅離離  
朝爲靈都遊暮有陽臺期飄然世塵外鸞鶴如可追  
忽念公程盡復慙身力衰天壇在天半欲上心遲遲  
嘗聞此遊者隱客與損之各抱貴仙骨俱非泥垢姿  
唐詩類苑 卷之二十九 五

二人相顧言彼此稱男兒若不爲松喬卽須作臯夔  
今果如其語光彩雙歲徒一人佩金印一人翳玉芝  
我來高其事詠歎偶成詩爲君題石上欲使故山知

天壇歸

元稹

爲結區中累因辭洞裏花還來舊城郭煙火萬人家

天壇上境

元稹

貞元二十年五月十四日夜宿天壇石幢側十五  
日得盤屋馬逢少府書知予遠上天壇因以長句  
見贈篇末仍云靈溪試爲訪金丹因於壇上還贈  
野人性僻窮深僻芸署官閑不似官萬里洞中朝玉

帝<sup>上有洞</sup>周萬里九光霞外宿天壇洪漣浩渺東溟曙白日  
低回上境寒因爲南昌檢仙籍馬君家世奉還丹

巫山

巫山高

喬知之

巫山十二峯參差互隱見潯陽幾千里周覽忽已遍

想像神女姿摘芳共珍薦楚雲何逶迤紅樹日蒼蒼  
楚雲沒湘源紅樹斷荆門郢路不可見况復夜聞猿

巫山高

盧照隣

巫山望不極望望下朝氛莫辨啼猿樹徒看神女雲  
驚濤亂水脉驟雨暗峯文霑裳卽此地况復遠思君

唐詩類苑

卷之二十九

六

巫山高

沈佺期

巫山高不極合沓狀奇新暗谷疑風雨陰崖若鬼神  
月明三峽曉潮滿九江春爲問陽臺客應知入夢人

巫山高

宋之問

巫山峯十二環合象昭回俯聽琵琶峽平看雲雨臺  
古槎天外落瀑水日邊來何忍猿啼夜荆王枕席開

巫山高

鄭世翼

巫山凌太清岩巒類削成霏霏暮雨合藹藹朝雲生  
危峯入鳥道深谷瀉猿聲別有幽棲客淹留攀桂情

巫山高

張九齡



巫山與天近煙景嘗書於此中楚王夢夢得神女靈  
神女去已久雲雨空冥冥唯有巴猿嘯哀音不可聽

巫山高

凌敬

巫岫鬱岩崑高高入紫霄白雲間危石玄猿挂迴條  
懸崖激巨浪脆葉殞驚颺別有陽臺處風雨共飄颻

巫山高

李元操

荆門對巫峽雲夢邇陽臺燎火如奔電墜石以驚雷  
天寒秋水急風靜夜猿哀枕席無由薦朝雲徒二來

巫山高

于漬

何山無朝雲彼雲亦悠揚何山無暮雨彼雨亦蒼茫

唐詩類苑

卷之二十九

七

宋玉恃才者憑虛構高堂自垂文賦名荒淫歸楚襄  
襄襄十二峯永作妖鬼鄉

巫山

蘇拯

昔時亦雲雨今時亦雲雨自是荒淫多夢得巫山女  
從來聖明君可聽妖魅語只今峯上雲徒自生容與

題巫山神女祠

繁知一

白居易除蘇州刺史自峽沿流赴郡時特歸縣繁  
知一聞居易將過巫山先於神女祠粉壁大書此  
詩居易親處暢然邀知一至曰歷陽劉郎中再錫  
三年理白帝欲作一詩而不能罷郡經過悉去千

餘詩但畱沈佺期王無競皇甫冉李端四章而已  
居易與繁生同濟卒不賦詩

忠州刺史今才子行到巫山必有詩爲報高唐神女  
道速排雲雨候清詞

巫山曲

孟郊

巴江上峽重復重陽臺碧峭十二峯荆王獵時逢暮  
雨夜卧高丘夢神女輕紅流煙濕豔姿行雲飛去明  
星稀目極魂斷望不見猿啼三聲淚滴衣

巫山高

孟郊

見盡數萬里不聞三聲猿但飛蕭蕭雨中有亭亭魂

唐詩類苑

卷之三十九

八

千載楚襄恨遺文宋玉言至今晴明天一色雲結  
深閨門

巫山高

李賀

碧叢叢高插天大江翻瀾神曳煙楚魂尋夢風颺然  
曉風飛雨生苔錢瑤姬一去一千年丁香錦竹啼老  
猿古祠近月蟾桂寒椒花墜紅濕雲間

巫山高

李咸用

通蜀連秦山十二中有妖靈會人意關豔傳情世不  
知楚王魂夢春風裏雨態雲心多是色荒見物皆  
成媚露法煙然巖上花至今猶憶相思淚西眉南臉

人中美或者皆聞無所利忍憑虛巧佞言不求萬壽翻求死

巫山高

劉方平

楚國巫山秀清猿日夜啼萬重春樹合十二碧峯齊峽出朝雲下江東暮雨西陽臺歸路直不畏向家迷

巫山高

戴叔倫

巫山峨峨高插天危峯十二凌紫煙瞿塘嘈嘈急如絃洄流遡逆將覆船雲梯豈可進百丈那能牽陸行巉巖水不前灑淚向流水淚歸東海邊含愁對明月明月空自圓故鄉回首思綿綿側身天地心茫然

唐詩類苑

卷之二十九

九

巫山

張子容

巫嶺蒼蒼天際重佳期宿昔願相從朝雲暮雨連天暗神女知來第幾峯

宿巫山

李白

昨夜巫山下猿聲夢裏長桃花飛綠水三月下瞿塘雨色風吹去南行拂楚王高丘懷宋玉訪古一霑裳

巫山懷古

劉希夷

見人部懷古

夜過巫山

崔仲方

荊門秋水急巫峽斷雲輕若爲教月夜長短聽猿聲

題巫山廟

劉滄

十二嵐峯挂夕暉廟門深閉霧煙微天高木落楚人思山迴月殘神女歸觸石晴雲凝翠鬢度江寒雨濕羅衣嬋娟似恨襄王夢猿叫斷巖秋蘚稀

終南山

賦終南山用風字韻應詔 楊師道

師道清警有才思貞觀十年拜侍中每與文士宴歌詠自適帝見其詩爲擿諷嗟賞後賜宴令賦終南山詩帝曰聞公每酣賞捉筆賦詩如宿成試爲朕爲之師道再拜少選輒成無所竄定一坐嗟服

唐詩類苑

卷之二十九

十

唐詩類苑

卷之二十九

十

睿言懷隱逸輟駕踐幽叢白雲飛夏雨碧嶺橫春虹草綠長楊路花疎五柞宮登臨日將晚蘭桂起香風蓬萊三殿侍宴奉勅詠終南山應制

杜審言

北斗掛城邊南山倚殿前雲標金闕迴樹杪玉堂懸半嶺通佳氣中峯繞瑞煙小臣持獻壽長此戴堯天

終南山

王維

太一近天都連山到海隅白雲迴望合青靄入看無分野中峯變陰晴衆壑殊欲投人處宿隔水問樵夫

終南山

林寬

標奇聳峻壯長安影入千門萬戶寒徒自倚天生氣  
色塵中誰爲舉頭看

終南幽居獻蘇侍郎三首時拜太祝未上

儲光義

暮春天氣秋登嶺望層城朝日懸清景巍峩宮殿明  
聖君常臨朝達士復懸衡道近無良足歸來臨山楹  
靈堦曝仙書深室煉金英春巖松栢秀晨路鳴鷄鳴  
羽化既有言無然悲不成

二

中歲尚微道始知將谷神抗策還南山水木自相親  
唐詩類苑 卷之二十九 土

深林開一道青嶂成四隣平明去採薇日入行刈薪  
雲歸萬壑暗雪罷千巖春始看玄鳥來已見瑤華新  
寄言攀芳者無乃後時人

三

卜築青巖裏雲蘿四垂陰虛室若無人喬木自成林  
時有清風至側聞撫絳音鳳鳴南岡望望隔層岑  
既見山路遠復道溪深倥傯空中遊虬龍水間吟  
何當見輕翼爲我達遠心

貽閭處士防卜居終南

儲光義

春風搖蕩山言別江汜堅冰生綠潭又客三千里

兆夢唯顏色懸情乃文字終三賞清言披歡遲玉趾  
秦城疑舊廬佇立問所如稚子跪而說還山將隱居  
竹林既深遠松宇復清虛跡迴事多逸心安趣有餘  
石門動高韻草堂新著書鸞飛久超絕蹇足空躊躇  
猶有昔時意望君當照車驅車當六國何以須潛默  
聖王常徵賢群公每舉德此時方獨往身志將何欲  
願謝山中人迴車首歸闕

望終南山寄紫閣隱者 李白

出門見南山引領意無限秀色難爲名蒼翠日在眼  
有時白雲起天際自舒卷心中與之然託興每不淺

唐詩類苑 卷之二十九

土

何當造幽人滅跡棲絕巘

贈徐中書望終南山歌 王維

晚下兮紫微悵塵事兮多違駟馬兮雙樹望青山兮  
不歸

望終南山 太宗

重巒俯渭水碧嶂插遙天出紅扶嶺日入翠貯巖煙  
疊松朝若夜復岫闕疑全對此恬千慮無勞訪九仙  
登華嚴寺樓望終南山贈林校書兄弟

孟郊

地春亞爲崖聳出冥冥中樓閣插雲殿翼翔危空

前山胎元氣靈異生不窮勢吞萬象高秀奪五嶽雄  
一望俗慮醒再登仙願崇青蓮三居士畫景真賞同

望終南山

張元宗

紅塵白日長安路馬走車輪不暫閑唯有茂陵多病  
客每來高處望南川

奉和吏部崔尚書雨後大明朝堂望終南山

二首

張九齡 蘇頌

見天部雨

歸終南山

孟浩然

浩然遊京師嘗於太學賦詩一座嗟伏無敢抗者

唐詩類苑

卷之二十九

十三

張九齡王維雅稱道之維私邀入內署俄而玄宗  
至浩然匿牀下維以實對帝喜曰朕聞其人而未  
見也何懼而匿詔浩然出帝問其詩浩然再拜自  
誦所爲詩至不才明主棄之句帝曰卿不求仕朕  
未嘗棄卿奈何誣我因放還

北闕休上書南山歸弊廬不才明主棄多病故人疎  
白髮催年老青陽逼歲除永懷愁不寐松月夜牕虛

春歸終南山松龕舊隱

李白

見人部還山

奉使登終南山

王灣

見治政部奉使

入南山

孟浩然

瘴氣晚氛氲南山復水雲鯢飛今始見鳥墮舊來聞  
地接長沙近江從汨渚分賈生曾弔屈子亦痛斯文

遊終南山

孟郊

南山塞天地日月石上生高峯夜留景

太白峯西黃昏後見餘口

深谷晝未明山中入自正路險心亦平長風驅松栢  
聲拂萬壑清到此悔讀書朝朝近浮名

遊終南山因寄蘇秦禮士尊師苗員外

李端

唐詩類苑

卷之二十九

古

半嶺逢仙駕清晨獨採芝壺中開白日霧裏卷朱旗  
猿鳥知歸路松蘿見會時鷄聲傳洞遠鶴語報家遲  
童子閑驅石樵夫樂看棋依稀醉後拜恍惚夢中辭  
海上終難接人間益自疑風塵甘獨老山水但相思  
願得燒丹訣流沙永侍師

終南山下作

孟郊

見此原野秀始知造化偏山村不假陰流水自雨田  
家家梯碧峯門門鎖青煙因思蛟骨人化作飛桂仙

廬山

廬山

李咸用

非獄不言嶽此山通嶽言高八后亂世幾處滿前  
秀作神仙宅靈爲風雨根餘陰鋪楚甸一柱表吳門  
靜得八公侶雄臨九子尊對猶青慰眼到必冷凝魂  
勢受重湖讓形難七澤吞黑巖藏畫電紫霧泛朝暎  
蓮隨寧唯華玉焚堪小崑倒松微發蟬飛瀑遠成痕  
疊見雲容襯稜收雪氣昏裁詩曾困謝作賦偶無人  
流礙星光撒驚衝鴈陣翻峯奇寒倚劒泉曲旋如盆  
草短分雛雉林明露擲猿秋楓紅蝶散春石含雷  
月好虎溪路煙深栗里源醉吟長易醒夢去亦銷煩  
有覺南方重無疑厚地掀輕揚聞舊俗端用鎮元

唐詩類苑

卷之二十九

十五

廬山謠寄盧侍御虛舟

李白

我本楚狂人鳳歌笑孔丘手持綠玉杖朝別黃鶴樓  
五嶽尋仙不辭遠一生好入名山遊廬山秀出南斗  
傍屏風九疊雲錦張影落明湖青黛光金闕前開二  
峯長銀河倒挂三石梁香爐瀑布遙相望迴崖沓嶂  
凌蒼蒼翠影紅霞映朝日鳥飛不到吳天長登高壯  
觀天地間大江茫茫去不還黃雲萬里動風色白波  
九道流雪山好爲廬山謠興因廬山發閑窺石鏡清  
我心謝公行處蒼苔沒早服還丹無世情琴心三疊  
道初成遙見仙人綵雲裏手把芙蓉朝玉京先期汗

漫九垓上願接盧敖遊太清

廬山歌送至弘法師兼呈薛江州

皇甫冉

釋子去今訪名山禪舟容與今任仍前猿啾啾兮愁  
月江渺渺兮多煙東林西林今入何處上方下方今  
通石路連湘接楚饒桂花事久年深無杏樹使君愛  
人兼愛山時引雙旌萬木間政成人野皆不擾遂令  
法侶性安閒

宿廬山絕頂山舍

崔塗

一登出林端千峯次第看長閑如未遂暫到亦難

唐詩類苑

卷之二十九

十六

谷樹雲埋老僧懸瀑影寒自嫌心不達向此夢長安

廬山訪賈匡

曹松

西城疾病日此地少尋君古跡春猶在遙泉夜盡聞  
片時三處雨九疊幾重雲到者皆忘寐精神與俗分  
出爲豫章郡途次廬山東巖下

張九齡

茲山鎮何所乃在澄湖陰下有蛟螭伏上與虹蜺尋  
靈仙未始曠窟宅何其深雙闕出雲峙三宮入煙沈  
攀崖猶惜境種杏非舊林想像終古跡惆悵獨往心  
紛吾與世網數載忝朝簪孤根自靡託量力况不任

多謝周身防常恐橫議侵豈匪鵠鴻列惕如泉壑臨  
迨茲刺江郡來此滌塵襟有趣逢樵客忘懷狎野禽  
棲閑義未果用拙歡在今願言答休命歸事丘中琴

湖中望廬山

孟浩然

太虛生月輝舟子知天風挂席候明發眇漫平湖中  
中流見匡阜勢壓九江雄巖巖容霽色崢嶸當曉空  
香爐初上日瀑水噴長虹久欲追尚子况茲懷遠公  
我來恨于役未暇息微躬淮海途將半星霜歲欲窮  
寄言巖棲者畢趣當來同

登湓城浦望廬山初晴直省齋勅催赴江陰

唐詩類苑

卷之二十九

七

李嘉祐

西望香爐雪千峯晚色新白頭悲作吏黃紙苦催人  
多負登山屐深藏漉酒巾傷心公府內手板日相親

送東林廉上人歸廬山

王昌齡

石溪流已亂苔徑人漸微日暮東林下山僧還獨歸  
昔爲廬峯意况與遠公違道性深寂寞世情多是非  
會尋名山去豈復望清輝

勉愛行送小季之廬山

三首

李賀

洛郊無俎豆弊廐慙老馬小鴈過廬峯影落楚水下  
長船倚雲泊石鏡秋涼夜豈解有鄉情弄月聊鳴啞

二

別柳當馬頭官槐如兔目欲將千里別持我易斗粟

三

南雲北雲空脉斷露臺經絡懸春綫青軒樹轉月滿  
牀下國饑兒夢中見維爾之昆二十餘年來持鏡頗  
有鬚辭家三載今如此索米王門一事無荒溝古水  
光如刀庭南拱柳生螭螭江干幼客真可念郊原晚  
翠悲號號

送僧廬山

曹松

若到江州二林寺遍遊應未出雲霞廬山瀑布三千

唐詩類苑

卷之二十九

六

何畫破青霄始莫邪

蜀中送人遊廬山

僧隱巒

君遊正值芳春月蜀道千山皆秀發溪邊十里五里  
花雲上三峯五峯雪君上匡山我舊居松蘿拋擲十  
年餘君行試到山前問山鳥只今相憶無

贈王判官時余歸隱居廬山屏風疊

李白

昔時黃鶴樓蹉跎淮海秋俱飄零落葉各散洞庭流  
中年不相見蹭蹬遊吳越何處我思君天台綠蘿月  
會稽風月好却繞剡溪迴雲山海上出人物鏡中來

一度荆江北十年醉楚臺荆門倒屈宋梁苑傾鄒枚  
苦笑我誇誕知音安在哉大盜割鴻溝如風掃秋葉  
吾非濟代人且隱屏風疊中夜天中望憶君思見君  
明朝拂衣去永與海鷗群

贈廬山錢卿

章孝標

象魏抽簪早匡廬築室牢官清歸去薄天爵隱來高  
篋有新徵詔囊餘舊緼袍乍如捨麋鹿明主仰風騷

憶廬山舊遊

黃滔

前年入廬嶽數宿在靈溪殘燭松堂掩孤峯月狔啼  
平生爲客老勝境失雲棲縱有重遊日煙霞會恐迷

唐詩類苑

卷之二十九

九

經廬嶽望江山想洛川

劉元濟

見人部懷思

天台山

尋天台山

孟浩然

吾愛太一子食霞卧赤城欲尋華頂去不憚惡溪名  
歇馬憑雲宿揚帆截海行高高翠微裏遙見石梁橫

天台曉望

李白

天台隣四明華頂高百越門標赤城霞樓樓滄島月  
憑高登遠覽直下見溟渤雲垂大鵬翻波動巨鰲沒  
風潮爭洶湧神怪何翕忽觀奇跡無倪好道心不歇

攀條摘朱實服藥鍊金骨安得生羽毛千春卧蓬闕

天台閑望

李敬方

天台十二旬一片雨中春林果垂楊盡山苗半夏新  
陽烏暗展翅陰魄夜飛輪坐冀無雲物分明見北辰

送楊山人歸天台

李白

客有思天台東行路超忽濤落淞江秋沙明浦陽月  
今遊方厭楚昨夢先歸越且盡秉燭歡無辭凌晨發  
我家小阮賢剖竹赤城邊詩人多見重官燭未曾然  
興引登山屐情催泛海船石橋如可度攜手弄雲煙

和送劉道士遊天台

白居易

唐詩類苑

卷之二十九

十

聞君夢遊仙輕舉超世霧握持尊臯節統衛吏兵軍  
靈旂星月象天衣龍鳳紋佩服交帶鐙諷吟藥珠文  
闌官縹緲間鈞樂依稀聞齋心謁西母膜拜朝東君  
煙霏子晉裾霞爛麻姑裙倏忽別真侶悵望隨歸雲  
人生同大夢夢與覺誰分况此夢中夢悠哉何足云  
假如金闕頂設使銀河漬既未出三界猶應在五蘊  
飲嚙日月精茹嚼沆瀣芬尚是色香味陸塵之所熏  
仙中有大仙首出夢幻群慈光一照燭奧法相氤氲  
不知萬齡暮不見三光曠一性自了了萬緣徒紛紛  
苦海不能漂劫火不能焚此是竺乾教先生垂典墳



送超上人歸天台

孟郊

天台山最高動躡赤城霞  
何以縈其性瀝泉去泥沙  
靈境物皆直萬松無一斜  
月中見心近雲外將世賒  
山獸衛方丈山猿捧袈裟  
遺身獨得身笑我牽名華

送人之天台

李洞

行李一枝藤雲邊扣曉水  
丹經如不謬白髮亦何能  
淺井仙人鏡明珠海客燈  
乃知真隱者笑就漢廷徵  
臘後送內大德從最遊天台

皮日休

唐詩類苑

卷之二十九

三

講散重雲下九天大君恩  
賜許隨緣霜中一鉢無辭  
乞湖上孤舟不廢禪夢入  
瓊樓寒有月行過石樹凍  
無煙他時瓜鏡知何用吳  
越風光滿御筵

奉和送僧遊天台

陸龜蒙

應緣南國盡南宗欲訪靈  
溪路暗通歸思不離雙闕  
下去程猶在四明東銅瓶  
淨貯桃花雨金策閒搖麥  
穗風若戀吾君先拜疏爲  
論台嶽未封公

因話天台勝異仍送羅道士

方干

積翠千層一徑開鶴盤山  
花飄落前巖

去桂子流從別洞來石上  
叢林礙星斗牕邊瀑布走  
風雷縱云孤鶴無留滯定  
恐煙蘿不放回

送孫百篇遊天台

方干

東南雲路落斜行入樹穿  
村見赤城遠近時常皆藥  
氣高低無處不泉聲映巖  
日向牀頭沒濕竹雲從柱  
底生更有仙花與靈鳥恐  
君多半未知名

孫發百篇將遊天台請詩贈行因以送之

皮日休

孫子荆家思有餘元戎曾  
薦入公車百篇官體喧金  
屋一日官銜下玉除紫府  
近通齋後夢赤城新有寄

唐詩類苑

卷之二十九

三

來書因逢二老如相問正  
滯江南爲膾魚

奉和孫百篇遊天台

陸龜蒙

直應天授與詩情百詠唯  
消一日成去把彩毫揮下  
國歸參黃綬別春卿閒窺  
碧落懷煙霧暫向金庭隱  
姓名珍重典公徒有賦石  
梁深處是君行

送郭秀才遊天台

許渾

雲埋陰壑雪凝峯半壁天  
台已萬重人度碧溪疑輟  
棹僧歸蒼嶺似聞鐘暖眠  
鷓鴣晴灘草高掛獼猴暮  
澗松曾釣共遊今獨去赤  
城西面水溶溶

龍門山



過蜀龍門

沈佺期

龍門非禹鑿詭怪乃天功西南出巴峽不與衆山同  
長短亘五里宛轉復嵌空伏湍煦潛石瀑布生輪風  
流水無晝夜噴薄龍門中潭河勢不測藻葩垂綵虹  
我行當季月煙景共春融江關勤亦甚巖壑意難窮  
逝將息機事煉藥此山東

龍門應制

宋之問

武后遊龍門命群臣賦先成者賜以錦袍左史賈  
方虬詩成拜賜坐未安之問詩後成文理兼美左  
右莫不稱善乃就奪錦袍衣之

唐詩類苑

卷之二十九

五

宿雨霽氛埃流雲度城闕河堤柳新翠苑樹花先發  
洛陽花柳此時濃山水樓臺映幾重群公拂霧朝翔  
鳳天子乘春幸鑿龍鑿龍近出王城外羽從淋漓擁  
軒蓋雲蹕纔臨御水橋天衣已入香山會山壁巖巖  
斷復連清流澄澈俯伊川塔影遙遙綠波上星龕奕  
奕翠微邊層巒舊長千尋木遠壑初飛萬丈泉綵仗  
紅旌遶香閣下輦登高望河洛東城宮闕擬昭回南  
陌溝塍殊綺錯林下天香七寶臺山中有酒萬年杯  
微風一起祥花落仙樂初鳴瑞鳥來鳥來花落紛無  
已稱觴獻壽香霞裡歌舞淹留景欲斜石間猶駐五

雲車鸞旗翼翼留芳草龍騎駉駉映晚花千乘萬騎  
鑾輿出水靜山空嚴警蹕郊外喧喧引看人傾都南  
望屬車塵驚聲引颺聞黃道王氣周回入紫宸先王  
定鼎山河固寶命乘周萬物新吾君不事瑤池樂時  
雨來觀農扈春

龍門

杜甫

龍門橫野斷驛樹出城來氣色皇居近金銀佛寺開  
往來時屢改川陸日悠哉相閱征途上生涯盡幾回

奉和遊龍門應制

武三思

唐詩類苑

卷之二十九

五

鳳駕臨香地龍輿上翠微星官含雨氣月殿抱春輝  
碧澗長虹下雕梁早燕歸雲疑浮寶蓋石似拂天衣  
落草侵堦長風花繞席飛日斜宸賞洽清吹入

唐詩類苑卷第三十

明雲間張之象玄超甫纂輯

雲間張所敬長輿甫編次

雲間王微叔明甫補訂

梁谿曹仁孫伯安甫校正

山部

峴山

與諸子登峴山

孟浩然

人事有代謝往來成古今江山留勝跡我輩復登臨  
水落魚梁淺天寒夢澤深羊公碑尚在讀罷淚沾襟

唐詩類苑

卷之三十一

送蕭員外之荆

孟浩然

峴山江岸曲郢水郭門前自古登臨處非今獨黯然  
亭樓明落照井邑秀通川澗竹生迷興林風入管絃  
再飛鵬激水一舉鶴冲天佇立三荆使看君駟馬旋

登襄陽恨峴山

張九齡

昔年亟攀踐征馬復來過信若山川舊誰知歲月何  
蜀相吟安在羊公碣已磨令圖猶寂寞嘉會亦蹉跎  
宛宛樊城岸悠悠漢水皮逶迤春日遠感寄客情多  
地本原林秀朝來煙景和同心不同賞留歎此巖阿

九日峴山宴

孟浩然

見歲時部九日

荆山

荆山

李商隱

壓河連華勢孱顏鳥沒雲歸一望間揚僕移闕三百  
里可能全是爲荆山

鹿門山

題鹿門山

孟浩然

清曉因興來乘流越江峴沙禽近方識浦樹遠莫辨  
漸至鹿門山山明翠微淺巖潭多屈曲舟楫屢迴轉  
昔聞龐德公採藥遂不返金澗養芝朮石牀卧苔蘚

唐詩類苑

卷之三十一

二

紛吾感耆舊結纜事攀踐隱迹今尚存高風邈已遠  
白雲何時去丹桂空偃蹇探討意未窮短艇夕陽晚

夕次鹿門山

閻防

龐公嘉遁所浪迹難追攀浮舟暝始至抱杖聊自閑  
雙闕開鹿門百谷集珠灣噴薄湍上水春容漂裊山  
蕉原不足險梁壑未成難我行自春仲夏鳥忽綿蠻  
蕙草色已晚客心殊倦還遠遊非避地訪道愛童顏  
安能狗機巧爭奪錐刀間

夜歸鹿門歌

孟浩然

山寺鳴鐘晝已昏漁梁渡頭爭渡喧人隨沙岸向江

村予亦乘舟歸鹿門鹿門月照開煙樹忽到龐公棲  
隱處巖扉松逕長寂寥惟有幽人自來去

和張明府登鹿門山

孟浩然

忽示登高作能寬旅寓情絃歌既多暇山水思彌清  
草得風先動虹因雨後成謬承巴里和非敢應同聲

武夷山

武夷山

李商隱

只得流霞酒一杯空中簫鼓當時迴武夷洞裏生毛  
竹老盡曾孫更不來

鳴皋山

唐詩類苑

卷之三十一

三

送岑徵君歸鳴皋山

李白

岑公相門子雅望歸安石奕世皆夔龍中台竟三拆  
至人達幾兆高揖九州伯奈何天地間而作隱淪客  
貴道能全真潛輝卧幽鄰探玄入睿默觀化遊無垠  
光武有天下嚴陵爲故人雖登洛陽殿不屈巢由身  
余亦謝明王今稱偃蹇臣登高覽萬古思與廣成鄰  
蹈海寧受賞還山非問津西來一搖扇共拂元規塵

鳴皋歌送岑徵君

時梁園三尺雪  
在清冷池作

李白

若有人兮思鳴皋阻積雪兮心煩勞洪河凌兢不可

以徑度水龍鱗兮難容舸邈仙山之峻極兮聞天  
之嘈嘈霜厓縞皓以合沓兮若長風扇海湧滄溟之

波濤玄猿綠熊繇談峯岌危柯振石駭膽慄魄群呼  
而相號峯嶂嶸嶸以路絕挂星辰於巖敷送君之歸兮  
動鳴皋之新作交鼓吹兮彈絲觴清冷之池閣君不  
行兮何待若返顧之黃鶴掃梁園之群英振大雅於  
東洛巾征軒兮歷阻折尋幽居兮越巖壑盤白石兮  
坐素月琴松風兮寂萬壑望不見兮心氛氲羅冥冥  
兮霰紛紛水橫洞以下淥波小聲而上聞虎嘯谷而  
生風龍藏溪而吐雲冥鶴清唳饑麗嘖呻魂獨處此

唐詩類苑

卷之三十一

四

幽默兮愀空山而愁人鷄聚族以爭食鳳孤飛而無  
隣蜺蜺嘲龍魚目混珍嫫母衣錦西施負薪若使巢  
由桎梏於軒冕兮亦奚異乎夔龍蹴躡於風塵哭何  
苦而救楚笑何誇而却秦吾誠不能學二子沽名  
節以耀世今固將棄天地而遺身白鷗兮飛來長與  
君兮相親

鳴皋歌奉餞從翁清歸山

李白

見人部還山

九華山

改九子山爲九華山聯句

并序李白

青陽縣南有九子山山高數千丈上有九峯如蓮  
花按圖徵名無所依據太史公南遊畧而不書事  
絕古老之口復闕名賢之紀雖靈異往復而賦詠  
罕聞予乃削其舊號加以九華之目時訪道江漢  
憇於夏侯迴之堂開簷岸幘坐眺松雪因與二三  
子聯句傳之將來

妙有分二氣靈山開九華李層標過暹日半壁明朝  
霞高積雪耀陰壑飛流噴陽崖韓青熒玉樹色縹  
緲羽人家白

題九華山

譚 銖

唐詩類苑

卷之三十一

五

憶賸九華山尚在童稚年浮沈任名路窺仰會無緣  
罷職池陽時復遭迎送牽因茲契誠願瞻望枕席前  
況值春正濃氣色無不全或如碧玉靜或似青靄鮮  
或接白雲堆或映紅霞天呈姿既不一變態何啻千  
巍我本無動崇峻性豈偏外景自隱隱潛虛固幽玄  
我來暗凝情務道志更堅色與山異性性併山亦然  
境變山不動性存形自遷自遷不阻俗自定不失賢  
浮華與朱紫安可迷心田

和王季友題九華山

僧神穎

衆嶽雄分野九華鎮南朝彩筆凝空遠崔嵬寄青霄

龍潭古仙府靈藥今不凋瑩爲滄海鏡煙霞作荒標  
造化心數奇性狀精氣饒玉樹鬱玲瓏天籟韻蕭韶  
寂寂羣乳竇兢兢行石橋通泉漱雲母藉草縈香茗  
我住幽且深君賞昏復朝稀逢發清唱片片凌霜颺

望九華寄池陽太守

曹 松

造化峯峯異宜教岳德謙靈蹤載籍古怪刃刺雲失  
盤蹙陵陽壯孤標建鄴瞻霽餘堪洗目青出謝家簷  
發蕙風館遇陰不見九華山有作

孟 遲

我來淮陰城千江萬山無不經山青水碧千萬丈奇

唐詩類苑

卷之三十一

六

峯急派何縱橫又聞九華山山頂連青冥太白有逸  
韻使我西南行一步一攀策前行正鷄鳴陰雲冉冉  
忽飛起千里萬里危嶂譬如天之有日蝕使我昏  
沈猶不明人家敲鏡救不得光影却屬貪狼星恨亦  
不能通言亦不能聽長鞭揮馬出門去是以九華爲  
不平

郡樓望九華歌

霍 總

樓上坐見九子峯翠雲赤日光溶溶有時朝昏變疎  
密八峯和煙一峯出有時風卷天雨晴聚立連連如  
弟兄陽烏生子偶成數丹鳳養雛同此名日日遙堪

機已靜未離塵躅思真境子明龍駕騰九垓陵陽相對空崔嵬玉漿瑤草不可見自有神仙風馬來

晴望九華山

楊鴻

九華閑屋簇清虛氣象群峯盡不如惆悵都南掛冠吏無人解向此山居

早發靈芝望九華寄杜使君

曹汾

戴月早歸三秀館平明初辨九華峯差差玉劒寒芒利裊裊青蓮翠色重怪狀却疑人畫出嵐光似爲客添濃行香若到五溪上此處褰幃正面逢

唐詩類苑

卷之三十

七

九華山

郭夔

儼翠凌空出迥然峩峩萬丈倚秋天暮風飄送當軒色曉霧斜飛入檻煙簾捲倚屏雙影聚鏡開朱戶九條懸畫圖何必家家有自有畫圖來目前

望九華山

柴夔

九華如劒插雲霓青霄連空望欲迷北截吳門疑地盡南連楚界覺天低龍池水蘸中秋月石路人攀上漢梯惆悵舊遊無復到會須登此出塵泥

九華山并序

劉禹錫

九華山在池州青陽縣西南九峯競秀神采奇異

昔予仰大華以爲此外無奇愛女几荆山以爲此外無秀及今年九華始悼前言之容易也惜其地偏且遠不爲世所稱故詩以大之

奇峯一見驚巍巍意想洪爐始開闢疑是九龍夭矯欲攀天忽逢霹靂一聲化爲石不然何至今悠悠億萬年氣勢不正如騰企音驚軒雲含幽兮月添冷日月凝暉兮江漾影結根不得要路津迴秀長在無人境軒皇封禪登雲亭大禹會計臨東吳具乘標山行貌不來廣樂絕獨與猿鳥愁青瑩君不見敬亭之山廣索漠兀如斷岸無稜角宣城謝眺一首詩遂使聲名

唐詩類苑

卷之三十

八

齊五嶽九華山九華山自是造化一尤物焉能籍甚乎人間

天目山

登天目山下作

張萬頃

去歲離秦望今冬使楚關淚添天目水髮變海頭山別母烏南近辭兄鴈北還宦遊偏不樂長爲憶慈顏雨後尋天目山問元駱二公溪路

僧靈一

昨夜雲生天目東春山一雨幾迴風林花併逐溪流下欲上龍門一作通不通

青城山

賦得青城山歌送楊杜二郎中赴蜀軍

錢起

蜀山西南千萬重，仙經最說青城峯。  
青城峯上倚空碧，遠壓峨眉吞劍壁。  
錦屏雲起易成霞，玉洞花明不知夕。  
星臺二妙逐王師，阮瑀軍書王粲詩。  
日落猿聲連玉笛，暗來山翠傍旌旗。  
綠蘿春月營門近，知君對酒遙相思。

峨眉山

登峨眉山

李白

唐詩類苑

卷之三十一

九

蜀國多仙山，峨眉邈難匹。  
周流試登覽，絕怪安可息。  
青冥倚天闕，彩錯疑畫出。  
冷然紫霞賞，果得錦囊術。  
雲間吟瓊簫，石上弄寶瑟。  
平生有微尚，歡笑自此畢。  
煙容如在顏，塵累忽相失。  
倘逢騎羊子，攜手凌白日。

峨眉山

鄭谷

萬仞白雲端，經春雪未殘。  
夏消江峽滿，晴照蜀樓寒。  
造境知僧熟，歸林認鶴難。  
會須朝闕去，祇有畫圖看。

虎丘山

虎丘山

顏真卿

不到東西寺，于今五十春。  
竭來從舊賞，林壑宛相親。

吳子多藏日，秦皇厭聖辰。  
劒池穿萬仞，磐石坐千人。  
金氣騰爲虎，琴臺化若神。  
登壇仰生一，捨宅難珣珉。

中嶺分雙樹，迴巒絕四隣。  
窺臨江海接，崇飾四時新。  
客有神仙者，於茲雅麗陳。  
名高清遠峽，文聚斗牛津。  
跡異心寧間，聲同質豈均。  
悠然千載後，知我揖光塵。

清遠道士

我本長殷周，遭罹歷秦漢。  
四瀆與五嶽，名山盡幽竄。  
及此寰區中，始有近峯翫。  
近峯何鬱鬱，平湖渺瀰漫。  
吟挽川之陰，步上山之岸。  
山川共澄澈，光彩交凌亂。

唐詩類苑

卷之三十一

十

白雲翁欲歸青松，忽消半客去川島。  
靜人來山鳥散，谷深中見日崖幽。  
曉非旦聞子盛遊，邀風流足詞翰。  
嘉茲好松石，一言常累嘆。  
勿謂余鬼神，忻君共幽贊。

秦望山

登秦望山

薛據

南登秦望山，極目大海空。  
朝陽半蕩漾，晃朗天水紅。  
溪壑爭噴薄，江湖遞交通。  
而多漁商客，不悟歲月窮。  
振緡迎早潮，弭棹候長風。  
余本萍泛者，乘流任西東。  
茫茫天際帆，棲泊何時同。  
將尋會稽跡，從此訪任公。

交崖山

早發交崖山還太室作 薛據

東林氣微白寒鳥急高翔吾亦自茲去北山歸草堂  
杪冬正三五日月遙相望蕭蕭過潁上隴隴辨夕陽  
川水生積雪野火出枯桑獨往路難盡窮陰人易傷  
傷此無依客如何蒙雨霜

魚亭山

早春魚亭山 薛稷

春氣動百草紛榮時斷續白雲自高妙徘徊空山曲  
陽林花已紅寒澗苔未綠伊余息人事蕭寂無營欲  
客行雖云遠翫之聊自足

唐詩類苑

卷之三十

十一

石門山

魯郡東石門送杜二甫 李白

醉別復幾日登臨徧池臺何言石門路重有金樽開  
秋波落泗水海色明徂徠飛蓬各自遠且盡林中杯  
度石門山 杜審言

石門千仞斷迸水落遙空道東懸崖半橋歆絕澗中  
仰攀人屢息直下騎才通泥擁奔蛇徑雲埋伏獸叢  
星躔牛斗北地脉象牙東開塞隨行變高深觸望同  
江聲連驟雨日氣抱殘虹未改朱明律先含白露風  
堅貞深不憚險澀諒難窮有異登臨賞徒爲造化功

天門山

望天門山 李白

天門中斷楚江開碧水東流至北回兩岸青山相對  
出孤帆一片日邊來

灞陵山

遊灞陵山 嚴維

入山未遠思勝跡聊獨尋方士去在昔藥堂留至今  
四隅白雲閑一路清溪深芳秀愜春日高閑宜遠心  
潭分化丹水嶺出昇仙林此道人不悟坐鳴松下琴

望楚山

唐詩類苑

卷之三十

十二

登望楚山最高頂

孟浩然

山水觀形勝襄陽美會稽最高惟望楚曾未一攀躋  
石壁疑削成衆山比全低晴明試登陟目極無端倪  
雲夢掌中小武陵花處迷暝還歸騎下蘿月在深溪

皖公山

江上望皖公山 李白

奇峯出奇雲秀木含秀氣青冥皖公山巉絕稱人意  
獨遊滄江上終日淡無味但愛茲嶺高何由討靈異  
默然遙相許欲往心莫遂待吾還丹成投跡歸此地

太行山



早登太行山中言志 玄宗

清蹕度河陽，疑笳上太行。火龍明鳥道，鐵騎繞羊腸。  
白霧埋陰壑，丹霞助曉光。澗泉含宿凍，山木帶餘霜。  
野老茅爲室，樵人薜作裳。宣風問耆艾，敦俗勸耕桑。  
涼德慙先哲，微猷慕昔皇。不因今展義，何以冒垂堂。  
奉和聖製早登太行山言志應制

蘇頌

北山東入海，馳道上連天。順動三光注，登臨萬象懸。  
纔觀河內邑，平指洛陽川。校埤夷關險，張旗亘野泉。  
曉巖中警柝，春事下蒐田。德重周王問，歌輕漢后傳。

唐詩類苑

卷之三十一

三

宸遊鋪令典，睿思起芳年。願以封書奏，迴鑾禮肅然。

奉和聖製早登太行山中言志應制

張說

六龍鳴玉鑾，九折步雲端。河眷南浮近，山經北上難。  
羽儀映松雪，戈甲帶春寒。百谷晨流動，千巖曉仗攢。  
皇心感韶節，敷藻念人安。既立省方館，復置建福壇。  
扈蹕參天老，承榮忝夏官。長勤百年意，思見一勝殘。  
奉和聖製早登太行山中言志應制

張九齡

孟月攝提貞，乘時我后征。晨嚴九折度，乘六軍行。

日御馳中道，風師卷太清。戈鋌林表出，組練雪間明。  
動植希皇豫，高深奉睿情。陪遊七聖列，望幸百神迎。  
氣色煙猶喜，恩光草尚榮。之罘稱萬歲，今此復同聲。  
奉和聖製早登太行山中言志應制

苗晉卿

金吾戒道清，羽騎動天聲。砥路方南紀，重巖始北征。  
關樓前望遠，河邑下觀平。喜氣迴輿合，祥風八極輕。  
祝堯三老至，會禹百神迎。月令農先急，春蒐禮後行。  
仍親后土祭，更理晉陽兵。不似勞車轍，空留八駿名。

茅山

唐詩類苑

卷之三十一

古

遊茅山五首

儲光義

十年別鄉縣，西去入皇州。此意在觀國，下言空遠遊。  
九衢平若水，來往利輕舟。北洛反初路，東江還故丘。  
春山多秀木，碧澗盡清流。不見子桑扈，當從方外求。

二

世業傳儒行，行成非不榮。其如懷獨善，况以聞長生。  
家近華陽洞，早年深此情。巾車雲路入，理棹瑤溪行。  
天地朝光滿，江山春色明。王廷有軒冕，此日方知輕。

三

平生非作者，望古懷清芬。心以道爲際，行將時不群。



茲山在人境靈貺久傳聞遠勢一峯出近形千嶂分  
冬春有茂草朝暮多鮮雲此去亦何極但言西日曛

四

昔賢居柱下今我去人間良以直心曠兼之外視閑  
垂綸非釣國好學異希顏落日登高嶼悠然望遠山  
溪流碧水去雲帶清陰還想見中林士巖扉長不關

五

名嶽徵仙事清都訪道書山門入松栢天路涵空虛  
南極見朝采西潭聞夜漁遠心尚雲宿浪跡出林居  
爲已存實際忘形同化初此行良已矣不樂復何如

唐詩類苑

卷之三

五

茅山洞口

茶母潛

華陽仙洞口半嶺拂雲看窈窕穿苔壁走池對石壇  
方隨地脉轉稍覺水晶寒未果變金骨歸來茲路難

送鄭二之茅山

皇甫冉

水流絕澗終日草長深山暮春犬吠鷄鳴幾處條桑  
種杏何人

贈茅山高拾遺蔓

章孝標

人皆貪祿利白首更營營若見無爲理兼忘不朽名  
幽禽窺飯下好藥入籬生夢覺幽泉滴應疑禁漏聲

送陸羽之茅山寄李延陵

劉長卿

延陵衰草遍有路問茅山六驅將去煙霞擬不還  
新家彭澤縣舊國穆陵關處處逃名姓無名亦是閑

送董少卿遊茅山

皮日休

名卿風度足杓斜一舸閒尋二許家天影曉通金井  
水山靈深護玉門沙空壇禮後銷香母陰洞綠時觸  
乳花盡待于公作廷尉不須從此便餐霞

奉和送董少卿遊茅山

陸龜蒙

威輦高縣度世名至今仙裔作公卿將隨羽節臨殊  
闕曾佩魚符管赤城雲凍尚含孤石色雪乾猶壓古  
松聲應知四扇靈方在待取歸時綠髮生

唐詩類苑

卷之三

六

贈茅山高拾遺

許渾

諫獵歸來綺季歌大茅峯影滿秋波山齋留客掃紅  
葉野艇送僧披綠莎長覆舊圖棋勢盡遍添新品藥  
名多雲中黃鶴日千里自宿自飛無網羅

江南道中懷茅山廣文南陽博士三首

皮日休

寒嵐依約認華陽遙想高人卧草堂半日始齋青飢  
飯移時空印白檀香鶴雛入夜歸雲屋乳管逢春落  
石牀誰道夫君無伴侶不離牕下見羲皇

任在華陽第八天望君誰欲結良緣堂扁洞裏千秋

燕巖蓋巖根數斗泉壇上古松疑度世觀中幽鳥恐  
成仙不知何事迎新歲烏納袈中一覺眠

五色香煙惹內文石飴初熟酒初醺將開丹竈那防  
鶴欲算棋圖却望雲海氣半生當洞北瀑水初折隔  
山聞如何世外無交者一卧金壇只有君

奉和次韻懷茅山

陸龜蒙

一片輕帆背夕陽望三峯拜七真堂天寒夜漱雲牙  
淨雪壞晴疏石髮香自拂煙霞安筆格獨開封檢試  
砂牀莫言洞府能招隱會輾庭輪見玉皇  
壺中行坐可攜天何況林間息萬緣組綬任垂三品

唐詩苑

卷之三十

七

石珮環從落四公泉丹臺已運陰陽火碧簡須雕次  
第仙想得雷平春色動五芝煙甲又芋眠  
良常應不動遺文金醴從酸亦自醺桂父舊歌飛絳  
雪桐孫新韻倚玄雲春臨柳谷鶯先覺曙醺蕪香鶴  
共聞珍重雙雙玉條脫盡憑三島寄羊君

懷華陽潤卿博士三首

皮日休

先生一向事虛皇天市壇西與世忘環堵養龜看氣  
訣刀圭餌犬試仙方靜探石腦衣裾潤閒鍊松脂院  
落香聞道徵賢須有詔不知何日到良常  
冥心唯事白英君不問人君爵與勲林下醉眠仙鹿

見洞中閒話隱芝聞石牀卧苦渾無蘚藤篋開粉恐  
有雲料得虛皇新詔樣青瓊板上綠爲文

鳳骨輕來稱瘦容華陽館主未成翁數行玉札存心  
久一掬雲漿漱齒空白石煮多重屋黑丹砂垣久染  
泉紅他年欲事先生去十資須加陸逸冲

奉和皮襲美懷華陽潤卿博士三首

陸龜蒙

幾降真官授隱書洛公曾到夢中無日間入靜三辰  
影肘後通靈五嶽圖北洞樹形如曲蓋西凹山色似  
熏爐金墟福地能容否願作岡前蔣負芻

唐詩苑

卷之三十

八

火影應難到洞官蕭閒堂冷任天風談玄塵尾拋雲  
底服散龍胎在酒中有路還將赤城接無泉不共紫  
河通竒編早晚教傳授免以神仙問葛洪  
終日焚香禮洞雲更思琪樹轉勞神曾尋下泊宮常  
經月不到中峯又累春仙道最高黃玉籙暑天偏稱  
白綸巾清齋若見茅司命乞取朱兒十二斤

蒙山

蒙山

蕭穎士

東蒙鎮海沂合沓百餘里清秋淨氛靄崖巒隱天起  
余役勞往還息徒憩攀騎將窮絕迹處偶得冥心理

雲氣雜虹霓松聲亂風水微明綠林際杳窅丹洞裏  
仙鳥時可聞羽人邈難視此焉多深邃賢達昔所秘  
子尚捐俗紛季隨躡遐軌縵真道彌曠懷古情未已  
白鹿凡幾遊黃精復奚似顧予尚牽纏家業重書史  
少學務從師壯年貴越仕方馳桂林譽未暇桃源美  
歲暮期再尋幽哉羨門子

五松山

與南陵常贊府遊五松山 李白

安石汎溟渤獨嘯長風還逸韻動海上高情出入間  
靈異可並跡澹然與世閒我來五松下置酒窮躋攀

唐詩類苑

卷之三十一

九

徵古絕遺老因名五松山五松何清幽勝境美沃洲  
蕭颯鳴洞壑終年風雨秋響入百泉去聽如三峽流  
剪竹掃天花且從傲吏遊龍堂若可憇吾欲歸精修

紀南陵題五松山

李白

聖達有去就潛光愚其德魚與龍同池龍去魚不測  
當時版築輩豈知傳說情一朝和殷人光氣爲列星  
伊尹生空桑指庖佐皇極桐宮放太甲攝政無愧色  
三千帝道明委質終輔翼曠哉至人心萬古可爲則  
時命或大謬仲尼將奈何鸞鳳忽覆巢麒麟不來過  
龜山蔽魯國有斧且無柯歸來歸去來宵濟越洪波

東山

東山吟

去江寧城三十五里  
晉謝安攜妓之所

李白

攜妓東土山悵然悲謝安我妓今朝如花月他妓古  
墳荒草寒白鷄夢後五百歲灑酒澆君同所懽酣來  
自作青海舞秋風吹落紫綺冠彼亦一時此亦一時  
浩浩洪流之詠何必奇

憶東山二首

李白

見人部懷思

西山

西山

常建

唐詩類苑

卷之三十一

二十

一身爲輕舟落日西山際常隨去帆影遠接長天勢  
物象歸餘清林巒分夕麗亭亭碧流暗日入孤霞繼  
日渚遠陰映湖雲尚明霽林昏楚色來岸遠荆門閉  
至夜轉清迴蕭蕭北風厲沙邊鴈鷺泊宿處蒹葭蔽  
圓月逗前浦孤琴又搖曳冷然夜遂深白露霑人袂  
與崔策登西山 柳宗元

鶴鳴楚山靜露白秋江曉連袂度危橋縈迴出林杪  
西岑極遠目毫末皆可了重疊九疑高蒼茫洞庭小  
迴窮兩儀際高出萬象表馳景泛頽波遙風遞寒篠  
謫居安所習稍厭從紛擾生同胥靡遺壽等彭鏗天

塞連困顛踣愚蒙怯幽眇非令親愛疎誰使心神悄  
偶茲遁山水得以觀魚鳥吾子幸淹留緩我愁腸繞

再遊西山

元稹

南譙古山郡信是高人居自歎乏弘量終朝親簿書  
於時忽命駕秋野正蕭疎積逋誠待責尋山亦有餘  
測測石泉冷曖曖煙谷虛中有釋門子種果一作結  
茅廬出身厭名利遇境卽躊躇守直雖多忤視險方  
晏如況將塵埃外襟抱從此舒

遊西山

元稹

時事方擾擾幽賞獨悠悠弄泉朝涉澗采石夜歸州

唐詩類苑

卷之三

三

揮翰題蒼峭下馬歷嵌丘所愛唯山水到此卽淹留

亂石山

南海亂石山作

杜審言

漲海積稽天群山高嶭地相傳稱亂石圖典失其事  
懸危悉可驚大小都不類乍將雲島極還與星河次  
上聳忽如飛下臨仍欲墜朝暎艷丹紫交魄炯青翠  
穹崇霧雨蓄幽隱靈仙闕萬尋掛鶴巢千丈垂猿臂  
昔去景風涉今來姑洗至觀此得詠歌長時想精異

石窟山

與生公遊石窟山

張九齡

林秘孰云遠忘懷復爾同日尋高深意宛是神  
躋險遊靈室詭制非人功潛洞默無底殊庭忽似  
豈如武安鑿自若茅山通浩物良有寄嬉遊迺愜衷  
猶希宴玉液從此昇雲空咄咄共攜手泠然且馭風

翅頭山

登翅頭山題儼公石壁

包融

晨登翅頭山山曠黃霧起却瞻迷向背直下失城市  
瞰日倚東郊朝光生邑里掃除諸煙氛照出衆樓雉  
青爲洞庭山白是太湖水蒼茫遠郊樹倏忽不相似  
萬象以區別森然共盈几坐令開心胸漸覺落塵滓

唐詩類苑

卷之三

三

北巖千餘仞結廬誰家子願陪中峯遊朝暮白雲裏

鹿頭山

鹿頭山

杜甫

鹿頭何亭亭是日慰饑渴連山西南斷俯見千里豁  
游子出京華劒門不可越及茲險阻盡始喜原野闊  
殊方昔三分霸氣曾間發天下今一家雲端失雙闕  
悠然想楊馬繼起名碑兀有文令人傷何處埋爾骨  
紆餘脂膏地慘澹豪俠窟杖鉞非老臣宣風豈專達  
冀公柱石姿論道邦國活斯人亦何幸公鎮踰歲月

松寥山

焦山望松寥山

李白

石壁望松寥宛然在碧霄安得五絛虹架天作長橋  
仙人如愛我舉手來相招

白鹽山

白鹽山

杜甫

卓立群峯外蟠根積水邊他皆任厚地爾獨近高天  
白榜千家邑清秋萬估船詞人取佳句刻畫竟誰傳

泥功山

泥功山

杜甫

朝行青泥上暮在青泥中泥濘非一時版築勞人功

唐詩類苑

卷之三十一

三

不畏道路永反將汨沒同白馬爲鐵驪小兒成老翁  
哀損透却墜死塵力所窮寄語北來人後來莫恩

丈人山

丈人山

杜甫

自爲青城客不唾青城池爲愛丈人山丹梯近幽意  
丈人祠西佳氣濃綠雲擬住最高峯掃除白髮黃精  
在君看他時冰雪容

中山

宴中山

太宗

驅馬出遼陽萬里轉旂常對敵六奇舉臨戎八陣張

斬鯨澄碧海卷霧掃扶桑昔去蘭縈翠今來桂染芳

雲枝浮碎葉氷鏡上朝光回首長安道方懽宴栢梁

奉和宴中山應制

許敬宗

飛雲旋碧海解網宥青丘養賢停八駿觀風駐五牛  
張樂臨堯野揚麾歷舜州中山獻仙酤趙媛發清謳  
塞門朱鴈入郊藪紫麟游一舉氛霓靜千齡德化流

三卿山

奉和聖製早登三卿山

張九齡

羽衛森森西向秦山川歷歷在清晨晴雲宿心泰嚴  
樹宿雨能銷御路塵聖德由來合天道靈符卽此應

唐詩類苑

卷之三十一

三

時巡遺賢一一皆羈致猶欲高深訪隱淪

泉山

南隱遊泉山

孔德紹

名山狎朝隱俗外遠相求還如倒景望忽似聞風遊  
臨崖俯大壑披霧仰飛流歲古松方偃年深春欲秋  
野花開石徑雲葉掩山樓何須問方士此處卽瀛洲

桐栢山

過桐栢山

錢起

秋風過楚山山靜秋聲晚賞心無定極仙步亦清遠  
返照雲竇空寒流石苔淺羽人昔已去靈跡欣方踐

投策謝歸途世緣從此遣

峽口山

度峽口山贈喬補闕知之王二無競

陳子昂

峽口大漠南橫絕界中國聚石何紛紜赤山復煥絕  
遠望多衆容逼之無異色崔嵬半孤斷逶迤屢迴直  
信關胡馬衝亦距漢邊塞豈伊河山險將順休明德  
物壯誠有衰勢雄良易極遷迤忽而盡決泮平不  
之子黃金軀如何此荒域雲臺盛多士待君丹墀側

溫門山

唐詩類苑

卷之三十

王

溫門山

王建

早入溫門山群峯亂如戟崩崖欲相觸呀豁斷行迹  
脫屣尋淺流定足畏欹石路盡十里溪地多千歲栢  
洞門晝陰黑深處惟石壁似見丹沙光亦聞鍾乳滴  
靈池出山底沸水衝地脉暖氣成濕煙濛濛牕中白  
隨僧入古寺便是雲外客月出天氣涼夜鐘山寂寂

火山

經火山

岑參

火山今始見突兀蒲昌東赤焰燒虜雲炎氛蒸塞空  
不知陰陽炭何獨燃此中我來嚴冬時山下多炎風

人馬盡汗流孰知造化功

金山

題金山

孫魴

萬古波心寺金山名日新天多剩得月地少不生塵  
過榜妨僧定驚濤濺佛身誰言張處士題後更無人

題金山

韓垂

靈山一峯秀巖然殊衆山盤根大江底影插浮雲間  
雷霆常間作風雨時往還象外懸清影千載長躋攀

金山

李建勳

不嗟白髮曾遊此不嘆征帆無了期盡日憑欄誰會

唐詩類苑

卷之三十

王

我只悲不見韓垂詩

君山

君山

程賀

曾遊方外見麻姑說道君山自古無云是崑崙山頂  
石風飄落洞庭湖

岐山

岐山下二首

韓愈

誰謂我有耳不聞鳳凰鳴竭來岐山下日暮邊鴻驚

二

丹穴五色羽其名爲鳳凰昔周有盛德此鳥鳴高岡

和聲隨祥風宵窈相飄揚聞者亦何事但知時俗靡  
自從公旦死千載闕其光吾君亦勤理遲爾一來翔

錫山

懷錫山藥名離合二首 皮日休

暗竇養泉容決決明園護桂放亭亭歷山居處當天  
半夏裏松風盡足聽  
曉景半和山氣白薇香清淨雜纖雲實頭自是眠平  
石腦側空林看鹿群

奉和懷錫山

陸龜蒙

鶴伴前溪栽白杏人來陰洞寫枯松羅深境靜日欲

唐詩類苑 卷之三十一

三七

落石上未眠聞遠鐘

佳句成來誰不伏神丹偷去亦須防風前莫怪攜詩  
稿本是吳吟盪滌郎

天嵩山

訓皇甫侍御望天嵩山見示之作

獨孤及

早歲慕五嶽嘗爲塵機礙孰知天柱峯今與郡齋對  
隱嶙抱元氣氤氲含青靄雲崖媚遠空石壁寒古塞  
漢皇南遊日望秩此昭配法駕到谷口禮容振荒外  
焚柴百神趨執王萬方會天旋物順動德布澤霽霽

講武威已耀學仙功未艾黃金竟何成洪業遽淪昧

度世若一瞬昨朝已千載如今封禪壇唯見雲雨晦

長望哀往古勞生慙大塊清暉幸相娛幽獨知所賴

寒城春方正初月明可愛萬殊喜陽和余亦荷時泰

山色日夜綠下有清淺瀨媿作拳偻人沈迷簿書內

登臨歎拘限出處悲老大况聽郢中曲復識湘南態

思免物累牽敢令道機退瞢然誦佳句持比秋蘭佩

宿嵩山

伍喬

一入仙山萬慮寬夜深寧厭倚虛欄鶴和雲景宿高  
木入帶月光登古壇芝朮露濃溪塢白薜蘿風起殿

唐詩類苑 卷之三十一

三八

廊寒更陪羽客論真理不覺初鐘叩曉殘

地脉山

地脉山春日

温庭筠

冉冉花明岸涓涓水遶山幾時拋俗事來共白雲閒

沃州山

登沃州山

耿湣

沃州初望海攜手盡時髦小暑開鵬翼新莫長鷺濤  
月如芳草遠身比夕陽高羊祜傷風景誰云異我曹

壺公山

壺公山 相傳古仙姓陳名壺 公此山成道因名焉 黃滔



八面峯巒秀孤高可偶然數人遊頂上滄海見東邊

不信無靈洞相傳有古仙橘如朱夏在池象月垂穿

山頭有池而圓兼橘樹朱實夏在 髣髴嘗聞樂峯峴半插天山寒徹

三伏松偃出千年樵牧時迷所倉箱歲疊川嚴祠風

雨管怪木辟蘿纏青草方中藥蒼苔石裏錢瓊津流

乳竇春色駐芝田烏兔中時近龍蛇蟄處臆嘉名光

列土秀氣產群賢濕鏤瑤臺路溪昇釣浦船驚頭擊

恐沒地軸壓應旋燭疾零甘露藏珍起瑞煙蓋工飛

夢寐詩客寄林泉掘地多雲母綠霜欠木綿井通鱗

吐脉僧隔虎棲禪山間有井通海盈縮之候貞元中有僧號弘播

唐詩類苑 卷之三十一 三九

於其絕頂獨禪昏行至降虎而法通曾下山 危磴千

遇兩虎爭一牛乃叱而開之分令各啖之 尋技奇花四季鮮鶴歸玄圃少鳳下碧梧偏桃易炎

涼熟茶推醉醒煎村家蒙棗栗俗骨爽猿蟬谷語昇

喬鳥陂開共蒂蓮落楓丹葉舞新蕨紫芽拳翠竹雕

羌笛懸藤煮蜀牋白雲長掩映流水別潺湲作賦前

儒闕冲虛南國先省郎求牧看野老葺齋眠寺歷興

衰創碑須一二鐫清吟思却隱簪紱柰繁牽

唐詩類苑卷第三十終

唐詩類苑卷第三十一

明雲間張之象玄超甫纂輯

雲間徐光啓子先甫編次

雲間王 徹叔朗甫補訂

梁谿曹仁孫伯安甫校正

山部

瑯琊山

同越瑯琊山趙氏生 元 稹

石門有雪無行跡松壑凝煙滿衆香餘食施庭寒鳥

下破衣掛樹老僧亡

唐詩類苑 卷之三十一 一

太白山

送清散遊太白山 僧 無可

卷經歸太白躡躡別蘿龕若履浮雲上須看積翠南

倚身松入漢瞋日月離潭此境堪長往塵中事可歸

胡山

儲嗣宗

犬入五雲音信絕鳳樓凝碧悄無聲焚香古洞步虛

八公山

登壽陽八公山 吳 均

夜露濕松花空月明



遠澗自傾注曲石漱多文含珠岸恒翠懷玉浪多圓  
疎峰時吐月密樹不開天瑤繩盡玄秘金檢上奇篇  
是有琴高者凌波去水仙

欄柯山

遊欄柯山

項斯

步步出塵氛溪山別是春壇邊時過鶴基處寂無人  
訪古碑多缺探幽路不真讎疑歸去晚清世累多晨

仙山行

耿湣

深溪人不到杖策獨緣源花落尋無徑鷄鳴覺近村  
數翁皆藉草對奕復傾罇看畢初爲局歸逢幾世孫

唐詩類苑

卷之三

二

雲迷入洞處水引出山門惆悵歸城郭樵柯迹尚存

西塞山

西塞山

元稹

勢從千里奔直入江中斷嵐橫秋塞雄地束驚流滿

西塞山下作

韋莊

西塞山前水似藍亂雲飛絮滿澄潭孤峰漸映湓城  
北片月斜生夢澤南變動曉烟亭紫鰕露和香帶摘  
黃柑他年却棹扁舟去終傍蘆花結一菴

西塞山

羅隱

吳寒當時指北山吳都亡後水孱顏嶺梅乍暖殘粧

恨沙鳥初晴小隊閑波濶魚龍應混雜壁危猿狖正  
奸頑會將一副寒簑笠來與漁翁作往還

麻姑山

經麻姑山

劉滄

麻姑此地鍊神丹寂寞煙霞古竈殘一自仙娥歸碧  
落幾年春雨洗紅蘭帆飛震澤秋江遠雨過陵陽晚  
樹寒山頂白雲千萬片時聞鸞鶴下仙壇

望夫山

望夫山

嚴粲

何代提戈去不還獨留形影白雲間肌膚銷盡雪霜  
色羅綺點成苔蘚斑江燕不能傳遠信野花空解妬

唐詩類苑

卷之三

三

愁顏近來豈少征人婦笑採靡蕪上北山

餽山

宿餽山

韓翃

山中今夜何人門下當年近臣青瑣應須早去白雲  
何用相親

別餽山

韓翃

一身趨侍丹墀西路翩翩去時惆悵青山綠水何年  
更是來期

月巖山

經月巖山

韓翃

信州西三十里山名僊人城下有月巖山其狀秀拔中有山門如滿月之狀余因役過其下聊賦是詩

驅車過閩越路出饒陽西仙山翠如畫簇簇生虹蜺羣峰若侍從衆阜如嬰提巖巒互吞吐嶺岫相追攜中有月輪滿皎潔如圓珪玉皇恣遊覽到此神應迷嫦娥曳霞帔引我同攀躋騰騰上天半玉鏡懸飛梯瑤池何悄悄鸞鶴煙中栖回頭望塵世露下寒淒淒

少華山

唐詩類苑

卷之三十一

四

與蕭遠上人遊少華山寄皇甫侍御

李端

尋危兼採藥渡水又登山獨與高僧去逍遙落日間漸看間里遠自覺性情閑回首知音在因令悵望還

四明山

送蕭鍊師入四明山

孟郊

閑於獨鶴心大於高松年迴出萬物表高棲四明巔千尋直裂峰百尺倒瀉泉絳雪爲我飯白雲爲我田靜言不語俗靈蹤時步天

四明山詩并序

陸龜蒙

謝遺塵者有道之士也嘗隱於四明山之南雷

旦訪予來語不及世務且曰吾得於玉泉生知子性誕逸樂神仙中書探海嶽遺事以期方外之交雖銅牆鬼炊虎嶽劍餌無不窺也今爲子語吾山之奇者有峯最高四穴在峰上每天地澄霽望之如牖戶相傳謂之石牕卽四明之目也山中有雲不絕者二十里民皆家雲之南北每相從謂之過雲有鹿亭有樊榭有潺湲洞木實有青櫛子味極甘而堅不可卒破有猿山家謂之鞠侯其他在圖籍不足道也凡此佳處各爲我賦詩予因作九題

唐詩類苑

卷之三十一

五

題四十字謝省之曰玉泉生真不誣矣好事者爲予傳之因呈襲美

石牕

石牕何處見萬仞倚晴虛積靄迷青瑣殘霞動綺疏山應列圓嶠宮便接方諸祗有二奔客時來教隱書

過雲

相訪一程雲雲深路僅分嘯臺隨日辨樵斧帶風聞曉著衣全濕寒衝酒不醺幾迴歸思靜髣髴見蘇君

雲南

雲南更有溪丹礫盡無泥藥有巴賈賣枝多越鳥啼

夜清先月午秋近少嵐迷若得山顏住芝筵手自攜

雲北

雲北是陽川人家洞壑連壇當星斗下樓瑣翠微邊  
一半遙風雨三條古井煙金庭如有路應到左神天

鹿亭

鹿亭巖下置時領白麝過草細眠應久泉香飲自多

覆金山

登覆金山過道人二首

錢起

晨策趣無涯名山深轉秀三休變覆景萬轉迷宇宙  
攀崖到天窻入洞窮玉潤側逕蹲怪石飛蘿擲驚狖

唐詩類苑

卷之三十一

六

花間鍊藥人鷄犬和乳竇散髮便迎客采芝仍滿袖

郭璞賦遊仙始願今可就

真氣重嶂裏知君嘉遁幽山階壓丹穴藥井通伏流  
道者帶經出洞中携我遊欲驟白蜺去且爲紫芝留

忽憶武陵事別家疑數秋

仲春晚尋覆金山

錢起

蝴蝶弄和風飛花不知晚王孫尋芳草步步忘路遠  
况我愛青山涉趣皆遊踐紫迴必中路陰晦陽復顯  
古岸生新泉霞峰映雪巘交枝花色異奇石雲根淺  
碧洞志忘歸紫芝行可寧方嗤嵇叔夜林臥方沈湎

夜清先月午秋近少嵐迷若得山顏住芝筵手自攜

雲北

雲北是陽川人家洞壑連壇當星斗下樓瑣翠微邊  
一半遙峰雨三條古井煙金庭如有路應到左神天

鹿亭

鹿亭巖下置時領白麝過草細眠應久泉香飲自多  
認聲來月塢尋跡到煙蘿早晚吞金液騎將上絳河

樊榭

樊榭何年築人應白日飛至今山客說時駕玉麟歸  
乳帶綠松嫩芝臺出石微憑闌虛目斷不見羽華衣

唐詩類苑

卷之三十一

前六

潺湲洞

石淺洞門深潺湲萬古陰似吹雙羽管如奏落霞琴  
倒穴漂龍沫穿松濺鶴襟何人乘月弄應作上清吟

青櫺子

山實號青櫺環岡次第生外形堅綠殼中味敵璚英  
墮石樵兒拾敲林宿鳥驚亦應仙吏守時取薦層城

鞠侯

何事鞠侯名先封在四明但爲連臂飲不作斷腸聲  
野蔓垂纓細寒泉佩玉清滿林遊宦子誰爲作君卿

石窻

皮日休

窻開自眞宰四達見蒼涯苔染渾成綺雲漫便當紗  
櫺中空吐月扉際不扇霞未會通何處應連玉女家

過雲

粉洞二十里當中幽客行片時迷鹿跡寸步隔人聲  
以杖探虎翠將襟惹薄明經時未過得恐是入層城

雲南

雲南背一川無鴈到峰前墟里生紅藥人家發白泉  
兒童皆似古婚嫁盡如仙共作眞官戶無由稅石田

雲北

雲北晝冥冥空疑背壽星犬能暗藥味人解寫芝形

唐詩類苑

卷之三

後六

野歇遇松蓋醉書逢石屏焚香住此地應得入金庭

鹿亭

鹿羣多此住因構白雲楣待侶傍花久引麝穿竹遲  
經時培玉澗盡日嗅金芝爲在石窻下成仙自不知

樊榭

主人成列仙故榭獨依然石洞閑人笑松聲驚鹿眠  
井香爲大藥鶴語是靈篇欲買重棲隱雲峰不售錢

潺湲洞

陰宮何處淵到此洞潺湲敲碎一輪月鎔銷半段天  
響高吹谷動執急歎雲旋料得深秋夜臨流似古仙

青橘子

山風熟異果應是供眞仙味似雲腴美形如玉腦圓  
銜來多野鶴落處半靈泉必共玄都棹花開不記年

鞠侯

堪羨鞠侯國碧巖千萬重煙蘿爲印綬雲壑是隄封  
泉遣狙公護果教獐子供爾徒如不死應得躡玄蹤

覆釜山

登覆釜山遇道人二首

錢起

晨策趣無涯名山深轉秀三休變覆景萬轉迷宇宙  
攀崖到天窻入洞窮玉湫側逕蹲怪石飛蘿擲驚狖

唐詩類苑

卷之三

前七

花間鍊藥人鷄犬和乳竇散髮便迎客采芝仍滿袖  
郭璞賦遊仙始今可就

眞氣重嶂裏知君嘉遁幽山階壓丹穴藥井通伏流  
道者帶經出洞中攜我遊欲驂白蜺去且爲紫芝留

忽憶武陵事別家疑數秋

仲春晚尋覆釜山

錢起

蝴蝶弄和風飛花不知晚王孫尋芳草步步忘路遠  
況我愛青山涉趣皆遊踐縈迴必中路陰晦陽復顯  
古岸生新泉霞峰映雪巘交枝花色異奇石雲根淺  
碧洞志忘歸紫芝行可攀方嗤嵇叔夜林卧方涵沈

獨往覆金山寄郎士元 錢起

賞心無遠近芳月好登望勝事引幽人山下復山上  
將尋洞中藥復愛湖外嶂古壁苔入雲陰溪樹穿浪  
誰言世緣絕更惜知音曠鶯啼綠蘿春迴首還惆悵

條山

條山蒼

韓愈

條山蒼河水黃浪波云云去松栢在山岡

峯

登太白峯

李白

西上太白峯夕陽窮登攀太白與我語爲我開天關

唐詩類苑

卷之三

後七

願乘冷風去直出浮雲間舉手可近月前行若無山  
一別武功去何時復更還

送溫處士歸黃山白鷺峰舊居

李白

黃山四千仞三十二蓮峰丹崖夾石柱菡萏金芙蓉  
伊昔昇絕頂下窺天目松仙人鍊玉處羽化留餘蹤  
亦聞溫伯雪獨往今相逢採秀辭五嶽攀巖歷萬重  
歸休白鵝嶺渴飲丹砂井鳳吹我時來雲車爾當整  
去去陵陽東行行芳桂叢迴溪十六度碧嶂盡晴空  
他日還相訪乘鶴過綵虹

第三峰 常建

西山第三頂茅宇依雙松杳杳欲至天雲梯昇幾重  
瑩魄澄玉虛以求鸞鶴蹤逶迤非天人執節乘赤龍  
旁映白日光縹緲輕霞容孤輝上烟霧餘影明心胸  
願與黃麒麟欲飛而莫從因寂清萬象輕雲自中峰  
山瞑學栖鳥月來隨暗螢尋空靜餘響嫋嫋雲溪鐘

登九疑第二峰

元

九疑第二峰其上有仙壇杉松映飛泉蒼蒼在雲端  
何人居此處云是魯女冠不知幾百歲讌坐餌金丹  
相傳羽化時雲鶴滿峰巒婦中有高人相望空長歎

唐詩類苑

卷之三

八

登玉山諸峰偶至悟真寺 錢起

郭南雲水佳訟簡野情發紫芝每相引黃綬不能縹  
稍入石門幽始知靈境絕冥搜未寸畧仙逕俄九折  
蟠木蓋石梁崩岸露雲穴數峰拔崑崙秀色與空澈  
玉氣交晴虹桂花留曙月半巖採珉者一點如片雪  
真賞無前程奇觀寧暫輟更聞東林磬可聽不可說  
與中尋覺化寂爾諸象滅

早上凌霄第六峯入紫谿禮白鶴觀祠

于鵠

路轉第六峰傳是十里程放石試淺深硯壁虵鳥驚

欲下先爨衣路底避枯莖迴途歇歇齋整帶重冠纓  
及到紫石溪曉曉已天明漸近神仙居桂花濕溼冥  
陰苔無人蹤時得白鶴翎忽然見朱樓象牌題玉京  
沈沈五雲影香風散縈縈清齋上玉堂窻戶懸水精  
青童撞金屑杵臼聲丁丁臙脰遙問誰稽首稱姓名  
若容在溪口願乞殘雲英

仙娥峰下作

白居易

我爲東南行始登商山道商山無數峰最愛仙娥好  
參差樹若插匝雲如抱渴望寒玉泉香聞紫芝草  
青崖屏削碧白石牀鋪綺向無如此物安足留四皓  
唐詩類苑 卷之三 九

感彼私自問歸山何不早可能塵土中還隨衆人老

登香鑪峰頂

白居易

迢迢香鑪峰心存耳目想終年牽物役今日方一往  
攀蘿躋危石手足勞俯仰同遊三四人兩人不取上  
上到峰之頂目眩神恍惚高低有萬尋濶狹無數丈  
不窮視聽界焉識宇宙廣江水細如繩湓城小於掌  
紛吾何屑屑未能脫塵鞅歸去思自嗟低頭入蟻壤

分題雪花望香鑪峰

李咸用

雪霽上庭除鑪峰勢轉孤略無烟作帶獨有影沈湖  
冷觸歸鴻急明疑落照俱

晚泊潯陽望香鑪峰

孟浩然

挂席幾千里名山都未逢泊舟潯陽郭始見香鑪峰  
嘗讀遠公傳未懷塵外蹤東林精舍近日暮坐聞鐘

上香鑪峰

白居易

倚石攀蘿歇病身青筇竹杖白紗巾他時盡出廬山  
幃便是香鑪峰上人

喜入蘭陵望紫閣峰呈宣上人

李益

雜草開三徑巢林喜一枝地寬畱種竹泉淺欲開池  
紫閣當疎牖青松入壞籬從今安僻陋蕭相是吾師  
唐詩類苑 卷之三 十

紫閣峰

邵謁

壯國山河倚空碧迴拔烟霞侵太白綠生下視千萬  
尋青天只據百餘尺

夏日登靈隱寺後峰

方干

絕頂無煩暑登臨三伏中深蘿難透日喬木更含風  
山疊雲霞際川傾世界東那知茲夕興不與古人同

蘭峰贈張九皋

祖求

君王旣巡狩輦路入秦京速戍低蒼壘孤山出草城  
寒疎清禁漏夜警羽林兵誰念迷方客長懷魏闕情

蓮花峰

劉得仁

太華萬餘重岩巖只此峰當秋倚寥泬入望似芙蓉  
翠拔千尋直青危一朵穠氣分毛女秀靈有羽人蹤  
倒影侵關路香風激廟松塵埃終不及車馬自憧憧

望廬山五老峰

李白

廬山東南五老峰青天削出金芙蓉九江秀色可攬  
結吾將此地巢雲松

暮過回樂峰

李益

烽火高飛百尺臺黃昏遙自磧西來昔時征戰回應  
樂今日從君樂未回

統漢峰下

李益

唐詩類苑 卷之三十一

十一

統漢峰西降戶營黃河戰國擁長城只今已勒燕然  
石此地無人空月明

仙掌

羅隱

掌前流水駐無日掌下軒車日日新謾向山頭高舉  
手何曾招得路行人

題中峰

費冠卿

中峰高柱沈寥天上有茅菴與石泉晴景獵人曾望  
見青藍色裏一僧禪

天壇峰下贈杜錄事

白居易

年顏氣力漸衰殘王屋中峰欲上難頂上將來小有

洞喉中須嚙大還丹河車九轉宜精鍊火候三年在  
好看他日藥成分一粒與君先去掃天壇

東峰歌

溫庭筠

錦礫潺湲玉溪水曉來微雨藤花紫冉冉山鷄紅尾  
長一聲樵斧驚飛起松刺流空石差齒煙香風軟人  
參藥陽崖一夢伴雲根仙菌靈芝夢魂裏

巖

安陸白兆山桃花巖寄劉侍御

李白

雲臥三十年好閑復愛仙蓬壺雖冥絕鸞鶴心悠然  
歸來桃花巖得憩雲牕眠對嶺人共語飲潭猿相連

唐詩類苑 卷之三十一

十二

時昇翠微上邈若羅浮巔兩岑抱東壑一嶂橫西天  
樹雜日易隱崖傾月難圓芳草換野色飛蘿搖春煙  
入遠構石室選幽開山田獨此林下意杳無區中緣  
求辭霜臺客千載方來旋

界圍簾水巖

柳宗元

界圍匯湘曲青壁環澄流懸泉聚成簾羅注無時休  
韻磬叩凝碧鏘鏘徹巖幽丹霞冠其顛想像凌虎游  
靈境不可狀鬼工諒難求忽如朝玉皇天冕垂前旒  
楚臣昔南逐有意仍丹丘今我始北旋新詔釋綬囚

采真誠眷戀許國無淹留再來寄幽夢遺貯催行舟

早春題少室東巖

白居易

三十六峯晴雪消風翠生月留三夜宿春引四山行  
遠草初含色寒禽未變聲東巖最高石唯我有題名

黃石巖下作

白居易

久別鵝鸞侶深隨鳥獸羣教他遠覓政何處竟知聞  
昔日青雲意今移向白雲

戲贈李十三判官

白居易

垂鞭相送醉醺醺遙見廬山指似君想君初覺從軍  
樂未愛香鑪峯上人

唐詩類苑

卷之三

朝陽巖下歌

元結

朝陽巖下湘水深朝陽洞口寒泉清零陵城郭夾湘  
岸巖洞幽奇帶郡城荒蕪自古人不見零陵徒有先  
賢傳水石爲娛安可羨長歌一曲留相勸

夏日登鶴巖偶成

戴叔倫

天風吹我上層岡露灑長松六月涼願借老僧雙白  
鶴碧雲深處共翱翔

題廣福巖

曹鄴

未有天地先融結方廣高深無丈尺書言不盡畫成  
難留與人間作奇特

登龍瑞觀北巖

方干

縱目下看浮世事方知峭嶸與天通湖邊風力歸帆  
上嶺頂雲根在雪中促韻寒蟲催落照斜行白鳥入  
遙空前人去後後人至今古今異時登眺同

嶺

早上五盤嶺

岑參

平日驅駟馬曠然出五盤江回兩崖闕日隱羣峰攢  
蒼翠烟景曙森沈雲樹寒松疎露孤驛花密藏回灘  
棧道溪雨滑畬田原草乾此行爲知已不覺蜀道難

五盤

杜甫

唐詩類苑

卷之三

五盤雖云險山色佳有餘仰凌棧道細俯映江木疎  
地僻無網罟水清反多魚好鳥不妄飛野人半巢居  
喜見淳朴俗坦然心神舒東郊尚格鬪巨猾何時除  
故鄉有弟妹流落隨丘墟成都萬事好豈若歸吾廬

七盤嶺阻寇聞李端公先到南楚

錢起

日暮窮途淚滿襟雲天南望美飛禽阮腸暗與孤鴻  
斷江水遙連別恨深明月旣能通憶夢青山何用隔  
同心秦楚眼看成絕國相思一寄白頭吟

宿七盤嶺

沈佺期



見人部行役

奉使嵩山途經緱嶺

宋之問

見治政部奉使

早發大庾嶺

宋之問

晨躋大庾險驛鞍馳復息霧露晝未開浩途不可測  
嶸起華夷界信爲造化力歇鞍閒徒旅鄉關在西北  
出門怨別家登嶺恨辭國自惟最忠孝斯罪慚所得  
皇明頗昭洗廷議日紛惑兄弟遠淪居妻子成異域  
羽翼傷已毀童幼憐未識踟躕戀北顧亭午踰寥巴  
春暖陰梅花瘴回陽鳥翼含沙綠澗聚吻草依林植

唐詩類苑

卷之三

五

適蠻悲疾首懷輦淚沾臆誠謝鵙鷺朝勤修魑魅職  
生還倘非遠誓擬酬恩德

度大庾嶺

宋之問

度嶺方辭國停輶一望家魂隨西翥鳥淚盡北枝花  
山雨初含霽江雲欲變霞但令歸有日不敢恨長沙

分水嶺

元稹

崔嵬分水嶺高下與雲平上有分流水東西隨勢傾  
朝同一源出暮隔千里情風雨各自異波瀾相背驚  
勢高競奔注勢曲已迴縈偶值當途石感縮又縱橫  
有時遭孔穴變作鳴咽聲淺無所用奔波奚所營

團團井中水不復東西征上應美人意中涵孤月明  
旋風四面起井深波不生堅水一時合井深凍不成  
終年汲引絕不耗復不盈五月金石鑠既寒亦既清  
易時不易性改邑不改名定如拱北極瑩若燒玉英  
君門客如水日夜隨勢行君看守心者井水爲君盟

和分水嶺

白居易

高嶺峻稜稜細泉流疊勢分合不得東西隨所委  
悠悠草蔓底濺濺石罅裏分流來幾年晝夜兩如此  
朝宗遠不及去海三千里浸潤小無功山苗長旱死  
縈紆用無所奔迫流不已唯作鳴咽聲夜入行人耳

唐詩類苑

卷之三

六

有源殊不竭無坎終難止同出而異流君看何所似  
有似骨肉親派別從茲始又似勢利交波瀾相背起  
所以贈君詩將君何所比不比山上泉比君井中水

過分水嶺

孟郊

山壯馬力短路行石齒中十步九舉轡迴環失西東  
溪水變爲雨懸崖陰濛濛客衣飄飄秋葛花零落風  
白日捨我沒一作去征途忽然窮

分水嶺別夜示從弟寂

孟郊

南中少平地山水重疊生別泉萬餘曲迷舟獨難行  
四際亂峰合一眺千慮并潺湲冬夏冷光彩晝夜明

賞心難久勝離腸忽自驚古木搖霽色高風動秋聲  
一作古木解舊葉迴風結秋聲飲爾一樽酒慰我百憂輕嘉期何處  
定此晨堪寄情

早度分水嶺

盧照鄰

千家遊蜀遠萬里向長安徒費周王粟空彈漢吏冠  
馬蹄穿欲盡貂裘故轉寒層冰橫九折積石凌七盤  
重溪既下漱峻峰亦上干隴頭成遠望外樹飛湍  
瑟瑟松風急蒼蒼山月圓傳語後來者斯路誠獨難  
漫天嶺贈僧  
元稹

五上兩漫天因師懺業緣漫天無盡日浮世有窮年  
唐詩類苑卷之三十一 七

漫天嶺

羅隱

西去休言蜀道難此中危急已多端到頭未會蒼蒼  
色爭得禁他兩度漫

登秦嶺作

時陷賊歸國

儲光義

朝出猛獸林躑躅登高峯僮僕履雲霧隨我行太空  
義和舒靈暉倏忽四極通迴首望涇渭隱隱如長虹  
九遠合蒼蕪五陵遙矐矐鹿遊大明殿露濕華清宮  
網羅蟻蟻時顧此能罷鋒失途走江漢不能有其宮  
氣逐招搖星魂隨閭闔風唯言宇宙清復使車書同  
林木被繁霜合沓連山紅雕鸞勵羽翼俯視荆棘叢

誓將食鵬鵬然後歸崆峒

登秦嶺

李嘉祐

南登秦嶺頭迴望始堪愁漢闕青門遠高山藍水流  
三湘遷客去九陌故人遊從此辭鄉淚雙垂不復收

積草嶺

杜甫

連峰積長陰白日遞隱見颼颼林響交慘慘石狀變  
山分積草嶺路異明水縣旅泊吾道窮衰年歲時倦  
卜居尚百里休駕投諸彦邑有佳主人情如已會面  
來書語絕妙遠客驚深眷食糜不願餘茅茨眼中見

木皮嶺

杜甫

唐詩類苑卷之三十一 六十一  
首路栗亭西尚想鳳凰村季冬携童稚辛苦赴蜀門  
南登木皮嶺艱險不易論汗流被我體那寒爲之暄  
遠岫爭輔佐千巖自崩奔始知五嶽外別有他山尊  
仰干塞大明俯入裂厚坤再聞虎豹關屢踟躕風水昏  
高有廢閣道摧折如短轆下有冬青林石上走長根  
西崖特秀發煥若靈芝繁潤聚金碧氣清無沙土痕  
憶觀崑崙圖目擊玄圃存對此欲何適默傷垂老魂

玉山嶺上作

皇甫曾

悠悠驅疋馬征路上連岡晚翠深雲實寒臺淨石梁  
秋花偏似雪楓葉不禁霜愁見前程遠空郊下夕陽

雲秋嶺

劉長卿

山色無定姿如烟復如黛孤峰夕陽後翠積秋天外  
雲起遙蔽虧江回頻向背不如今遠近到處猶相對

松山嶺

宋之問

翼翼高旌轉鏘鳳輦飛塵銷清蹕路雲濕從臣衣  
白羽搖丹壑天營逼翠微芳聲耀今古四海警宸威  
送張司直越嶺南謁張尚書

劉長卿

番禺萬里路遠客片帆過盛府依橫海荒祠拜伏波  
人經秋瘴變鳥墜火雲多誠憚炎洲裏無如一顧何

唐詩類苑

卷之三

九

酬李判官度梨嶺見寄

皇甫冉

隴首怨西征嶺南鴈北顧行人與流水共向閩中去

崢嶸嶺

孟郊

疏鑿順高下結構紅煙霞坐嘯郡齋肅玩奇石路斜  
古樹浮綠氣高門結朱華始見崢嶸狀仰止逾可嘉

南嶺路

朱慶餘

越嶺向南風景異人人傳說到京城經冬來往不踏  
雪盡在刺桐花下行

登嶺望

許鼎

淼淼三江水悠悠五嶺關鴈飛猶不度人去若爲還

崢嶸四望

漢家仙仗在咸陽洛水東流出建章野老至今猶望  
幸離宮秋樹獨蒼蒼

度桂嶺歌

劉禹錫

桂陽嶺下下復高高人移鳥獸駭地達草木豪寄言  
千金子知余歌者勞

大散嶺

羅鄴

過往長逢日色稀雪花如掌撲行衣嶺頭却望人來  
處特地身疑是鳥飛

春過白遙嶺

羅鄴

唐詩類苑

卷之三

十

鳥道穿雲望眼遙羸蹄經宿在岩巖到來山下春將  
半上得林端雪未銷返駕王遵何足歎只途阮籍謔  
無聊未知遇此恓惶者泣向東風鬢欲凋

韶州送竇司直出嶺

江曲山如畫食程亦駐舟果隨巖狖落槎帶水禽流  
客散他鄉夜人歸故國秋樽前掛帆去風雨下西樓

遙同杜員外審言過嶺

沈佺期

天長地闊嶺頭分去國離家見白雲洛浦風光何所  
似崇山瘴癘不堪聞南浮漲海人何處北望衡陽鴈  
幾羣兩地江山萬餘里何時重謁聖明君

洞

宿華陽洞寄元稱一作元陽李端

花洞晚陰陰仙壇隔杏林漱泉春谷冷擣藥夜窻深

石上開山酒松間對玉琴戴家溪北住雪後去相尋

題茅山華陽洞 儲光義

華陽洞口片雲飛細雨濛濛欲濕衣玉簫遍滿仙壇

上應是茅家兄弟歸

送陸潛夫往茅山賦得華陽洞效離騷體

皇甫冉

遊仙洞今訪真官莫瑤席今禮石壇忽髮髯今雲授

唐詩類苑 卷之三十一

杳陰深兮夏寒欲迴頭今揮手便辭家今可否有婚

嫁今嬰纏綿歸來今已久

桃源行

劉禹錫

漁舟何招招浮在武陵水垂綸擲餌信流去誤入桃

源行數里清源尋盡花綿綿踏花覓徑至洞前洞門

蒼黑煙霧生暗行數步逢虛明俗人毛骨驚仙子爭

來致詞何至此須臾皆破冰雪顏笑言委曲問人間

因嗟隱身來種玉不知人間如風燭筵羞石髓勸客

餐燈焚松脂留客宿鷄聲犬聲遙相聞曉色葱蘢開

五雲依稀振衣起出戶滿庭無路花紛紛翻然恐宿

鄉縣處一息不肯桃源住桃花滿溪水似鏡塵心如

垢洗不去仙家一別尋無踪至今水流尚重重

桃源洞 章碣

絕壁相歌是洞門昔人從此入仙源數株花下逢珠

翠半曲歌中老子孫別後自疑園吏夢歸來誰信釣

翁言山前空有無情水猶遶當時碧樹村

張公洞二首 皇甫冉

堯心知稼穡精意遶山川風雨神斯應笙鏞詔命傳

沐蘭祇掃地酌桂佇靈仙拂霧陳金策焚香拜玉筵

二

唐詩類苑 卷之三十一

雲開小有洞日出大羅天三鳥隨王母雙童翔子先

何時種桃核幾度看桑田倏忽煙霞散空巖騎吏旋

遊張公洞寄陶校書 方干

步步勢穿江底去此中危滑轉身難下蒸陰氣松蘿

濕外制溫風杖屨寒數里烟雲方覺異前程山水更

應難由來委曲尋仙路不是先生換骨丹

和黃門相公詔還題石門洞

趙宗儒

益部恩輝降同榮漢相還韶芳滿歸路軒騎出重門

望日朝天闕披雲過蜀山更題風雅句永絕翠巖間

和黃門相公詔還題石門洞

鄭餘慶

紫氛隨馬處黃閣駐車情  
嵌壑驚山勢洲灘戀水深  
地分三蜀限關志百牢名  
琬琰攀酬郢微言鼎飪情  
和微之春日投簡陽明洞天五十韻

白居易

青陽行已半白日坐將徂  
越國強仍大稽城高且孤  
利饒鹽煮海名勝水澄湖  
牛斗天垂象台明地振圖  
環竒填市井佳麗溢閭閻  
勾踐遺風霸西施舊俗姝  
舡頭龍夭矯橋脚獸睚眦  
肝鄉味珍彭蠡時鮮貴鴈

唐詩類苑

卷之三

三

語言諸夏異衣服一方殊  
搗練蛾眉婢鳴根蛙角奴  
江清敵伊洛山翠勝荆巫  
華表雙棲鶴臨檣幾點烏  
烟波分渡口雲樹接城隅  
澗遠松如畫洲平水似鋪  
綠科秧早稻紫笋折新蘆  
暖踏泥中藕香尋石上蒲  
雨來萌盡達雷後蟄全蘇  
卯眼黃絲類花房絳蠟珠  
林風新竹折野燒老桑村  
帶糲長枝蕙錢穿短貫掄  
暄和生野菜卑濕長街蕪  
女浣紗相伴兒烹鯉一呼  
山魃啼稚子林狖掛山都  
產業論蠶蟻孳生計鴨雛  
泉巖雪飄灑茗壁錦漫糊  
堰限舟航路堤通車馬途  
耶溪岸回合禹廟徑盤紆  
洞穴何因鑿星槎誰與列

石凹仙藥曰峰峭佛香爐去爲投金簡來因挈玉壺

貴仍招客宿健未要人扶聞望賢丞相儀形美丈夫  
前驅駐旌旆偏坐列笙竽刺史旗翻隼尚書履曳鳬  
學禪超後有觀妙造虛無髻裏傳僧寶環中得道樞  
登樓詩八詠置硯賦三都捧擁羅將綺趨蹌紫與朱  
廟謀藏稷契兵略貯孫吳令下三軍整風高四海趨  
千家得慈母六郡事嚴姑重士過三哺輕財抵一銖  
送觥歌宛轉嘲妓笑盧胡佐飲時炮鼈燭醒數贈鱸  
醉鄉雖咫尺樂事亦須臾若不中賢聖何由外智愚  
伊予一生志俄爾百年軀江上三千里城中十二衢

唐詩類苑

卷之三

三

出多無伴侶歸只對妻奴白首青山約抽身去得無

題韋少保靜恭宅藏書洞

高意合天制自然狀無窮仙華凝四時玉蘚生數峯  
書秘添文字匣藏金蛟龍閑爲氣候肅開作雲雨濃  
洞隱諒非久巖夢誠必通將綴文士集貫就真珠叢

黃家洞

李賀

雀步蹙沙聲促促四尺角弓青石鏃黑幡三點銅鼓  
鳴高作猿啼搖箭箠綠巾纏蜂幅半斜溪頭簇隊映  
葛花山潭晚霧吟白鼉竹蛇飛蠹射金沙閒驅竹馬  
緩歸家官軍自殺容州槎

遊池州林泉寺金碧洞 杜牧

袖拂霜林下石稜，潺湲聲斷滿溪冰。  
携茶臘月遊金碧，合有文章病茂陵。

題武陵洞三首 曹唐

却恐重來路不通，殷勤回首謝春風。  
白鷄黃犬不將去，且寄桃花深洞中。

溪口回春日已昏，却聽鷄犬隔前村。  
殷勤重與秦人別，莫使桃花閑洞門。

渡水傍山尋絕壁，白雲飛處洞天開。  
仙人來往行無跡，石逕春風長綠苔。

唐詩類苑 卷之三 五

無爲洞口作 元結

無爲洞口春水滿，無爲洞傍春雲白。  
愛此踟躕不能去，令人悔作衣冠客。  
洞傍山僧皆學禪，無求無欲亦忘年。  
欲問其心不能問，我到此中得無悶。

秦越人洞中咏 于鵠

扁鵲得仙處，傳是西南峯。  
年年山下人，長見騎白龍。  
洞門黑無底，日夜唯雷風。  
清齋將入時，戴星兼抱松。  
石逕陰且寒，地響知遠鐘。  
似行山林外，聞葉履聲重。  
低礙更俯身，漸遠晝夜同。  
時時白蝙蝠，飛入白衣中。  
行久路轉窄，靜聞水淙淙。  
但願逢一人，自得朝天宮。

赤谷 杜甫

天寒霜雪繁，遊子有所之。  
豈但歲月暮，重來未有期。  
晨發赤谷亭，險難方自茲。  
亂石無改轍，我車已載脂。  
山深苦多風，落日童稚饑。  
悄然村墟迴，烟火何由追。  
貧病轉零落，故鄉不可思。  
常恐死道路，永爲高人嗤。

愚公谷三首 王維

愚谷與誰去，唯將黎子同。  
非須一處住，不那兩心空。  
寧問春將夏，誰論西復東。  
不知吾與子，若箇是愚公。

二

唐詩類苑 卷之三 六

吾家愚谷裏，此谷本來平。  
雖則行無跡，還能響應聲。  
不隨雲色暗，只待日光明。  
緣底名愚谷，卻由愚所成。

三

借問愚公谷，與君聊一尋。  
不尋翻到谷，此谷不離心。  
行處曾無險，看時豈有深。  
寄言塵世客，何處欲歸臨。

經殺子谷 陶翰

扶蘇秦帝子，舉代稱其賢。  
百萬猶在握，可爭天下權。  
求仁就一劍，壯志皆棄捐。  
塞下有遺跡，千齡人共傳。  
疏蕪盡荒莫，寂歷空寒烟。  
到此盡垂淚，非我獨潸然。  
扈從南出雀鼠谷，十三首 張說

玄宗崔翹王光庭

張九齡宋璟梁昇卿

蘇頲王丘趙冬曦

袁暉徐安貞席豫

見禮部扈從

駱谷晚望

韓琮

秦川如畫渭如絲去國還鄉一望時公子王孫莫來

好嶺花多是斷腸枝

駱谷行

章孝標

捫雲裊棧入青冥戰馬鈴騾傍日星仰踏劒稜梯萬

唐詩類苑

卷之三

王

仍下綠水袖香千尋山花織錦時聊看澗水彈琴不

暇聽若比爭名求利處尋思此路却安寧

黃神谷紀事

馬戴

霹靂振秋岳折松橫洞門雲龍忽變化但覺玉潭昏

春谷幽居

錢起

黃鳥鳴園柳新陽改舊陰春來此幽興宛是謝公心

掃逕蘭房出添池山影深虛名隨振鷺安得久棲林

秋曉行南谷經荒村

柳宗元

杪秋霜露重晨起行幽谷黃葉覆溪橋荒村唯古木

寒花疎寂歷幽泉微斷續機心久已忘何事驚麋鹿

過東山谷口

盧照隣

不知名利險辛苦滯皇州始覺風塵倦歸來事綠疇

桃源迷處所桂樹可淹留跡異人間俗禽同海上鷗

古苔依井被新乳傍崖流野老堪成鶴山神或化鳩

泉鳴碧澗底花落紫巖幽日暮餐龜殼天寒御鹿裘

不辨秦將漢寧知春與秋多謝青溪客去去赤松遊

宿青牛谷

楊衡

隨雲步入青牛谷青牛道士留我宿可憐夜久月明

中唯有壇邊一枝竹

唐詩類苑卷第三十二

明雲間張之象玄超甫纂輯

雲間徐光啓子先甫編次

雲間王徹叔朗甫補訂

梁谿曹仁孫伯安甫校正

水部

總水

詠水

駱賓王

列名通地紀疎派合天津波隨月色淨態逐桃花春  
照霞如隱石映柳若沈鱗終當挹上善屬意淡交人

唐詩類苑

卷之三十二

詠水

張文宗

探名資上善流派表靈長地圖羅四瀆天文載五潢  
方流涵玉潤圓折動珠光獨有漆園吏棲偃玩濠梁

春水

杜甫

三月桃花浪江流復舊痕朝來沒沙尾碧色動柴門  
接縷垂芳餌連筒灌小園已添無數鳥爭浴故相喧

賦得春水綠波

朱林

芳時淑氣和春水澹煙波滉漾滋蘭杜淪連長菱荷  
晚光扶翠漱潭影瀉清莎歸鴈追飛盡纖鱗游泳多  
朝宗終到海潤下每盈科願假中流便從茲發棹歌

賦得四水合流

李沛

禹鑿山川地因通四水流紫迴過鳳闕會合出皇州  
天影長波裏寒聲古渡頭入河無晝夜歸海有謙柔  
順物宜投石逢時可載舟美魚猶未已臨水欲垂鈎

春水生二絕

杜甫

二月六夜春水生門前小灘渾欲平鷓鴣鵲莫漫  
喜吾與汝曹俱眼明

一夜水高二尺強數日不可更禁當南市津頭有船

賣無錢即買繫離傍

春水

李建勳

唐詩類苑

卷之三十二

萬派爭流雨過時晚來春靜更逶迤輕鷗散遶夫差  
國遠樹微分夏禹祠青岸漸平濡柳帶帶溪應暖負  
尊絲風鬟倚楫誰家子愁看鴛鴦望所之

秋水

駱賓王

貝闕寒流徹玉輪秋浪清圖雲錦色淨寫月練花明  
泛曲鴟絃動隨軒鳳轄驚唯當御溝上悽斷送歸情

賦得澄水如鑑

崔顥

聖賢將立喻上善貯情深潔白依全德澄清有片心  
澆浮知不撓濫濁固難侵方寸懸高鑑生涯詎陸沈  
對泉能自誠如鏡靜相臨廢慎傳家政流芳合古今



賦得空水共澄鮮

悠然四望通渺渺水無窮海鶴飛天際煙林出鏡中  
雲消澄澈碧霞起澹微紅落日浮光滿遶山翠色同  
樵聲喧竹嶼棹唱入蓮蓬遠客舟中興塵襟暫一空

江陵府初試澄心如水平

盧肇

丹心何所喻唯水並清虛莫測千尋底難知一勺初  
內明非有物上善本無魚潛泊隨高下波瀾逐卷舒  
養蒙方浩浩出險每徐徐若灌情田裏常流盡不如

賦得玉水記方流

杜元凱

重泉生美玉積水異長流如見清堪賞因知寶可求

唐詩類苑

卷之三十二

三

斗迴虹氣見磬折紫光浮中矩諧明德同方叶至柔  
月生偏共映風暖佇將遊異寶雖無脛逢時願俯收

賦得玉水記方流

陳昌言

明媚如懷玉奇姿寄託幽白虹深不見綠水折空流  
方珏清沙通縱橫氣色浮類圭才有角寫月讓成鈎  
久處深潛貴希當特達收滔滔在何許揭厲願從游

賦得玉水記方流

吳丹

玉泉何處比四折水文浮潤下寧踰矩居方在上流  
映空虛碌碌涵白淨悠悠影碎疑衝斗光清耐掩舟  
珪璋分辨狀沙礫共懷柔願赴朝宗日縈迴入御溝

賦得玉水記方流

鄭俞

積水蒸文動因知玉產幽如天涵素色伴地引方流  
潛潤蒸雲起英華射浪浮魚龍泉不夜草木岸無秋  
壁沼寧堪比理池詎可儔若非懸可測誰復寄冥搜

賦得玉水記方流

白居易

良璞含章久寒泉徹底幽尹孚光泛泛楚辭作方折浪  
悠悠凌亂波紋異縈迴水性柔似風搖淺瀨如月落  
清流潛潁應旁達藏貞豈上浮玉人如不記淪棄卽  
千秋

賦得玉水記方流

王鑑

唐詩類苑

卷之三十二

四

玉潤在中洲光臨碕岸幽氤氲冥瑞影演漾度方流  
乍似輕連合還疑駭浪收寅緣知有異同徹信無儔  
比德稱殊賞含輝處至柔沈淪如見念况乃屬時休

詵止水

白居易

動者樂流水靜者樂止水利物不如流鑒形不如止  
淒清早霜降浙瀝微風起中面紅葉開四隅綠萍委  
廣狹八九丈灣環有涯涘淺深三四尺洞徹無表裏  
淨分鶴翹足澄見魚掉尾迎眸洗眼塵隔胸蕩心滓  
定將禪不別明與誠相似清能律貪夫淡可交君子  
豈唯空狎詵亦取相倫擬欲識靜者心心源只如此

流水二首

羅鄴

人間莫謾惜花落  
花落明年依舊開  
却最堪悲是流水  
便同人事去無迴

龍躍虬蟠旋作潭  
繞紅濺綠下東南  
春風散入侯家去  
漱齒花前酒半酣

流水

羅鄴

漾漾悠悠幾派分  
中浮短艇與鷗羣  
天街帶雨淹芳草  
玉洞漂花下白雲  
靜稱一竿持處見  
急宜孤館覺來聞  
隋家柳畔偏堪恨  
東入長淮日又曛

亭西墻下伊渠水  
中置石激流潺湲成韻頗

唐詩類苑

卷之三十二

五

有幽趣以詩記之

白居易

嵌巉嵩石峭皎潔伊流清  
立爲遠峰勢激作寒玉聲  
夾岸羅密樹面灘開小亭  
忽疑嚴子瀨流入洛陽城  
是時羣動息風靜微月明  
高枕夜悄悄滿耳秋泠泠  
終日臨大道何人知此情  
此情苟自愜亦不要人聽

遠水

馬戴

蕩漾空沙際  
虛明入遠天  
秋光照不極  
鳥影去無邊  
勢引長雲斷  
波輕片雪連  
汀洲杳難到  
萬古覆蒼煙

遠水

項斯

渺渺浸天色  
一邊生晚光  
潤浮萍思遠  
寒入鴈愁長

北極連平地東流卽故鄉  
扁舟來宿處髣髴似瀟湘

遠水

于鄴

悔作望南浦望中生遠愁  
因知人易老爲有水東流  
欲附故鄉信不逢歸客舟  
萋萋兩岸草又度一年秋

還水謠

溫庭筠

天兵九月渡還水馬踏沙鳴驚鴈起殺氣空高萬里  
情塞寒如箭雙眸子狼煙堡上霜漫漫枯葉號風天  
地乾犀帶鼠裘無暖色清光烟冷黃金鞍虜塵如霧  
昏昏障隴首年年飛漢將麟閣無名期未歸樓中思  
婦徒相望

唐詩類苑

卷之三十二

六一

巴水

白居易

城下巴江水春來似麴塵  
軟砂如涓曲斜岸憶天津  
影蘸新黃柳香浮小白蘋  
臨流搔首坐惆悵爲何人

丹水

杜牧

何事苦繁迴離腸不自裁  
恨聲隨夢去春態逐雲來  
沈定藍光徹喧盤粉浪開  
翠巖三百尺誰作子陵臺

分流水

古時愁別淚滴作分流水  
日夜東西流分流通幾千里  
通塞兩不見波瀾各自起  
與君相背飛去去心如此

嘉陵水

元稹

古時應是山頭水自古流來江路深若使江流會人意也應知我遠來心

遊南陽白水登石激作 李白

朝涉白水源暫與人俗疎島嶼佳境色江天涵清虛目送去海雲心閒遊川魚長歌盡落日乘月歸田廬

白鼇渦 王維

南山之瀑水兮激石瀉瀑似雷驚人相對兮不聞語聲翻渦跳沫兮蒼苔濕蘚老且厚春草爲之不生獸不敢驚動鳥不敢飛鳴白鼇渦濤戲漱兮委身以縱橫主人之仁兮不網不釣得遂性以生成

唐詩類苑 卷之三十一 七

羅敷水歌送竇漸入京 岑參

羅敷昔時秦氏女千載無人空處所昔時流水至今流萬事皆逐東流去此水東流無盡期水聲還似舊來時岸花仍自羞紅臉堤柳猶能學翠眉春去秋來不相待水中月色長不改羅敷養蠶空耳聞使君五馬今何在九月霜天水正寒故人西去度征鞍水底鱉魚幸無數願君別後垂尺素

三川觀水漲二十三韻 杜甫

我經華原來不復見平陸北上惟土山連天走窮谷火雲無時出飛電常在目自多窮岫雨行潦相厯蹙

蜀句 口答 川氣黃羣流會空曲清晨望高浪忽謂陰崖踣恐泥竄蛟龍登危聚麋鹿枯查卷拔樹礪硯共

充塞聲吹鬼神下勢閱人代速不有萬穴歸何以尊四瀆及觀泉源漲反懼江海覆漂沙拆岸去激壑松栢禿乘陵破山門迴幹裂也 補文洛赴洪河及關豈信宿應沈數州沒如聽萬室哭穢濁殊未清風濤怒猶蓄何時通舟車陰氣不黯黯浮生有蕩汨吾道正羈束人寰難容身石壁滑側足雲雷屯不已艱險路更踣普天無川梁欲濟願水縮因悲中林士未脫衆魚腹舉頭向蒼天安得騎鴻鵠

唐詩類苑 卷之三十一 八

江上值水如海勢聊短述 杜甫

爲人性僻耽佳句語不驚人死不休老去詩篇渾漫興春來花鳥莫深愁新添水檻供垂釣故著浮槎替入舟焉得思如陶謝手今渠述作與同遊

奉同郭給事湯東靈湫作 杜甫

東山氣鴻濛宮殿居上頭君來必十月樹羽臨九州陰火煮玉泉噴薄漲巖幽有時浴赤日光抱空中樓閣風入轍跡曠原延真搜沸天萬乘動觀水百丈湫幽靈斯可怪王命官屬休初聞龍用壯擘石摧林丘中夜窟宅改移因風雨秋倒懸瑤池影屈注滄江流

味如甘露漿揮弄滑且柔翠旗淡偃塞雲車紛少留  
簫鼓蕩四溟異香泱泱浮鮫人獻微綃曾祝沈豪牛  
百祥奔盛明古先莫能儔坡陀金蝦蟆出見蓋有由  
至尊顧之笑王母不遣收復歸虛無底化作長黃虬  
飄飄青瑣郎文采珊瑚鈎浩歌綠水曲清絕聽者愁

引水

杜甫

月峽瞿塘雲作頂亂石嶢嶢俗無井雲安沽水奴僕  
悲魚復移居心力省白帝城西萬竹蟠接筒引水喉  
不乾人生留滯生理難斗水何直百憂寬

和人與人分惠賜水

楊巨源

唐詩類苑

卷之三十二

九

天水藏來玉墮空先須密署幾人同映盤皎潔非關  
露當扇清涼不在風瑩質方從綸閣內輝輝更備錦  
帷中麗詞珍貺難雙有迢遞東輿殿角東

樊上漫作

元結

漫家郎亭下復在樊水邊去郭五六里扁舟到門前  
山竹遶茅舍庭中有寒泉西邊雙石峰引望堪忘年  
四鄰皆漁父近渚多閑田且欲學耕釣於斯求老焉

海水

詠海

李嶠

習坎疏丹壑朝宗合紫微三山巨鰲湧萬里大鵬飛

樓寫春雲色珠合明月輝會因添霧露方逐衆川歸

入海二首

張說

乘桴入南海海曠不可臨茫茫失方面混沌如凝陰  
雲山相出沒天地互浮沈萬里無涯際云何其曠深  
潮波自盈縮安得會虛心

海上三神山逍遙集衆仙靈心豈不同變化無常全

龍伯如人類一釣兩鰲懸金臺此淪沒玉真時播遷  
問子勞何事江上經幾年隰中生紅草所美非美然

賦得海水不揚波

明朝崇大道寰海免波揚既合千年聖能安百谷王

唐詩類苑

卷之三十二

十

天心隨澤廣水德共靈長不撓魚彌樂無瀾葦可杭  
化流霑率土恩寢及殊方豈只朝宗國唯聞有越裳

送梁知微渡海東

張說

今日此相送明年此相待天上客星迴知君渡東海

登天壇夜見海

李益

朝遊碧峰三十六夜上天壇月邊宿仙人攜我奉玉  
英壇上夜半東方明仙鐘撞撞近海日海中離離三  
山出霞梯赤城遙可分霓旌絳節倚彤雲八鸞五鳳  
紛在御王母欲上朝元君群仙指此爲我說幾見塵  
飛滄海竭竦身別我期丹宮空山處處遺清風九州

下視杳未旦一半浮生皆夢中始知武皇求不死去  
逐瀛洲美門子

西陵口觀海

薛據

浙江漫湯湯近海勢彌廣在昔坯渾凝融爲百川決  
地形失端倪天色潛澆濇東南際萬里極目遠無象  
山影乍浮沈潮波忽來往孤帆或不見棹歌猶想像  
日暮長風起客心空振蕩浦口霞未收潭心月初上  
林嶼幾邈邈亭臯時偃仰歲晏訪蓬瀛真游非外獎

觀海

獨孤及

北登渤澥島廻首秦東門誰尸造物功鑿此天池源

唐詩類苑

卷之三十三

十一

頃洞吞百谷周流無四垠廓然混茫際望見天地根  
白日自中吐扶桑如可捫超遙蓬萊峰想像金臺存  
秦帝昔經此登臨冀飛鸞揚旌百神會望日羣山奔  
徐福竟何成羨門徒空言唯見石橋足千年潮水痕

和賀蘭判官望北海作

高適

聖代務平典輶軒推上才迢遙溟海際曠望滄波開  
四牡未遑息三山安在哉巨鰲不可釣高浪何崔嵬  
湛湛朝百谷茫茫連九垓挹流納廣大觀異增遲迴  
日出見魚目月圓知蚌胎跡非想像到心以精靈猜  
遠色帶孤嶼虛聲涵殷雷風行越裳貢水遏天吳災

攬轡隼將擊忘機鷗復來緣情韻騷雅獨立遺塵埃  
吏道竟殊用翰林仍忝陪長鳴謝知己所媿非龍媒

春日望海

太宗

披襟眺滄海憑軾翫春芳積流橫地紀疏派引天潢  
仙氣凝三嶺和風扇八荒拂潮雲布色穿浪日舒光  
照岸花分彩迷雲鴈斷行懷卑運深廣持滿守靈長  
有形非易測無源詎可量洪濤經變野翠島屢成桑  
之杲思漢帝碣石想秦皇霓裳非本意端拱且圖王

奉和聖製春日望海

許敬宗

韓夷慄奉賁憑險亂天常乃神弘廟略橫海剪吞航

唐詩類苑

卷之三十三

十二

雷野清玄菟騰旂振白狼連雲飛巨艦編石架浮梁  
周遊臨大壑降望極遐荒桃門通山抃達渚降霓裳  
驚濤含蜃闕駭浪掩晨光青丘絢春組丹谷耀華桑  
長驅七萃卒成功百戰場俄且旋戎路飲至肅嚴廊

奉和聖製春日望海

楊師道

春山臨渤海征旅輟晨裝迴瞰盧龍塞斜瞻肅慎鄉  
洪波迴地軸孤嶼映雲光落日驚濤上浮天駭浪長  
仙臺隱螭駕水府泛龜梁碣石朝煙滅之罘歸鴈翔  
北巡非漢后東幸異秦皇旗羽林客跋距少年場  
雷擊驅遼水鵬飛出帶方將舉青丘繳安訪白霓裳

登高丘而望遠海

李白

登高丘望遠海六盤骨已霜三山流安在扶桑半摧折白日沈光彩銀臺金闕如夢中秦皇漢武空相待精衛費水石鼃鼃無所憑君不見驪山茂陵盡灰滅牧羊之子來攀登盜賊劫寶王精靈竟何能窮兵黷武今如此鼎湖飛龍安可乘

登石城戌望海寄諸暨嚴少府

皇甫冉

平明登古戍徙倚待寒潮江海方回合雲林自寂寥詎能知遠近徒見蕩煙霄卽此滄洲路嗟君久折腰

唐詩類苑

卷之三十二

十三

望海

周繇

滄茫空泛日四顧絕人煙半浸中華岸旁通異域船島間應有國波外恐無天欲作乘槎客惟愁去隔年

青海西寄竇三端公

呂溫

時同事弗同窮節厲陰風我役流沙外君朝紫禁中從容非所羨辛苦竟何功但示酬恩路浮生任轉蓬

熱海行送崔侍御還京

岑參

側聞陰山胡兒語西頭熱海水如煮海上衆鳥不敢飛中有鯉魚長且肥岸傍青草常不歇空中白雪遙旋滅蒸沙爍石燃虜雲沸浪炎波煎漢月陰火潛燒

天地爐何事偏烘西一隅勢吞月窟侵太白氣連赤坂通單于送君一醉天山郭正見夕陽海邊落栢臺霜威寒逼人熱海炎氣爲之薄

海上作

宋務光

曠哉潮汐池大矣乾坤力浩浩去無際云云深不測崩騰歛衆流決漭環中國鱗介錯殊品氛霞饒詭色天波混莫分島樹遙難識漢主探靈怪秦皇恣遊陟搜奇大壑東竦望成山北方術徒相誤蓬萊安可得吾君略仙道至化孚淳默驚浪按窮溟飛航通絕域馬韓底厥貢龍伯修其職粵我邁休明匪躬期正直

唐詩類苑

卷之三十二

十四

敢輸鷹隼驚以見豺狼忒海路行已殫輶軒未遑息勞歌玄月暮旅睇滄浪極魏闕眇雲端馳心負歸翼

海上謠

李商隱

桂水寒於江玉兔秋冷咽海底覓仙人香桃如瘦骨紫鸞不肯舞滿翅逢山雪借得龍堂寬曉出撲雲髮劉郎舊香炷立見茂陵樹雲孫帖帖臥秋煙上元細字如蠶眠

歲暮海上作

孟浩然

仲尼既已沒余亦浮於海嘗見斗柄回方知歲星改虛舟任所適垂釣作有待爲問乘槎人滄洲復何在

海上

李商隱

石橋東望海連天徐福空來不得仙直遣麻姑與搔背可能留命待桑田

送海客歸舊島

張籍

海上去應遠蠻家雲島孤竹船來桂府山市賣魚鬚入國自獻寶逢人多賄珠却歸春洞口斬象祭天吳

海客

李商隱

海客乘槎上紫氛星娥罷織一相聞只應不憚牽牛妬聊用支機石贈君

越中問海客

劉脊虛

唐詩類苑

卷之三十二

五

風雨滄洲暮一帆今始歸自云發南海萬里速如飛不謂落何處永將無所依冥茫漸西見山色越中微常念去時遠人經此路稀泊舟悲且泣使我亦沾衣浮海焉用說憶鄉難久違縱爲魯連子山路有柴扉

海人謠

王建

海人無家海裏住採珠役象爲歲賦惡波橫天山塞路未央宮中常滿庫

送孟校書往南海

元結

見人部送

送人遊日本國

方干

蒼茫大荒外風教卽難知連夜揚帆去經年到岸遲波濤合左界星斗定東維或有歸風便當爲相見期

送秘書晁監還日本國

王維

舜觀羣后有苗不格禹會諸侯防風後至動干戚之舞興斧鉞之誅乃貢九牧之金始頒五瑞之玉我開元天地大寶聖文神武應道皇帝大道之行先天布化乾元廣運涵育無垠華爲東道之標戴勝爲西門之候豈甘心於叩杖非徵貢於苞茅亦由呼韓來朝舍於蒲萄陶非之館卑彌遣使報以蛟龍之錦犧牲玉帛以將厚意服食器用不寶

唐詩類苑

卷之三十二

六

遠物百神受職五老告期况乎戴髮含齒得不稽顙屈膝海東國日本爲大服聖人之訓有君子之風正朔本乎夏時衣裳同乎漢制歷歲方達繼舊好於行人滔天無涯貢方物於天子同儀加等位在王侯之先掌次政觀不居蠻夷之邸我無爾詐爾無我虞彼以好來廢關弛禁止敷文教虛至實歸故人民雜居往來如市朝司馬結髮遊聖負笈辭親問禮於老聃學詩於子夏魯借車馬孔丘遂適於宗周鄭獻縞衣季札始通於上國名成太學官至客卿必齊之姜不歸娶於高國在楚猶晉亦



何獨於由余遊宦三年願以君羹遺母不居一國  
欲其畫錦還鄉莊舄既顯而思歸關羽報恩而終  
去於是馳舊作非首北闕舊作非東轅篋命賜之  
衣懷敬問之詔金簡玉字傳道經於絕域之人方  
鼎彝樽致分器於異姓之國琅邪臺上迴望龍門  
碣石館前寬然為道鯨魚噴浪則萬里倒迴鷁首  
乘雲則八風卻走扶桑若萍轉島如萍沃白日而  
簸三山浮蒼天而吞九域黃雀之風動地黑蜃之  
氣成雲祿不知其所之何相思之可寄嚙去帝鄉  
之故舊謁本朝之君臣詠七子之詩佩兩國之印

唐詩類苑

卷之三十二

十七

慨我王度諭彼蕃臣三寸猶在樂毅辭燕而未老  
十年在外信陵歸魏而逾尊子其行于余贈言者  
積水不可極安知滄海東九州何處遠萬里若乘空  
向國唯看日歸帆但信風鰲身映天黑魚眼射波紅  
鄉樹扶桑外主人孤島中別離方異域音信若為通

江水

詠江

李嶠

日夕三江望靈潮萬里迴霞津錦浪動月浦練花開  
湍似黃牛去濤如白馬來英靈已傑出誰識卿雲才

荆門浮舟望蜀江

李白

春水月映來浮舟望安極正見桃花流依然錦江色  
江色綠且明茫茫與天平逶迤巴山盡搖曳楚雲行  
雪照聚沙鴈花飛出谷鶯芳州却已轉碧樹森森迎  
流目浦煙夕揚帆海月生江陵識遙火應到渚宮城

晚次荆江

戎昱

孤舟大江水水涉無昏曙雨暗迷津時雲生望鄉處  
漁翁閑自樂樵客紛多慮秋色湖上山歸心日邊樹  
徒稱竹箭美未得楓林趣向夕垂釣還吾從落潮去

入龍州江

宋之問

孤舟泛盈盈江流日縱橫夜雜蛟螭寢晨披瘴癘行

唐詩類苑

卷之三十二

十八

潭蒸水沫起山熱火雲生猿猴時能嘯為飛莫敢鳴  
海窮南徼盡鄉遠北蒐驚泣向文身國志看鑿齒氓  
地偏多有蠱風惡好相鯨余本巖棲客悠哉慕玉京  
厚恩常顧答薄宦不祈成違隱垂求志披荒為近名  
鏡愁玄髮改心負紫芝榮運啓中興曆時逢外域清  
祗應保忠信延促付神明

渡吳江別王長史

宋之問

倚棹望茲川銷魂獨黯然鄉連江北樹雲斷日南天  
劔別龍初沒書成鴈不傳離舟意無限催渡復催年

越江秋曙

蕭穎士



扁舟東路遠曉月下江濱  
激灩信潮上蒼茫孤嶼分  
林聲寒動葉水氣曙連雲  
暝日浪中出榜歌天際聞  
伯鸞常去國安道惜離羣  
延首剡溪近詠言懷數君

宿建德江

孟浩然

移舟泊滄渚日暮客愁新  
野曠天低樹江清月近人

廣州江中作

張說

去國歲方晏愁心轉不堪  
離人與江水終日向西南

下浙江

孟浩然

八日觀濤罷三江越海浮  
迴瞻魏闕路空復子牟心

渡浙江

盧綸

唐詩類苑

卷之三十二

十九

前船後船未相及五兩頭  
平北風急飛沙捲地日色  
昏一半征帆浪花濕

九江口作

王昌齡

潯潯江勢濶雨開潯陽秋  
驛門是高岸望盡黃蘆洲  
水與五溪合心期萬里遊  
明時無棄才謫去隨孤舟  
驚鳥立寒木丈夫佩吳鉤  
何當報君恩却繫風霜頭

九江口南濟北接蘄春南與潯陽岸

蘇味道

江路一悠哉滔滔九派來  
遠潭昏似霧前浦沸成雷  
鱗介多潛育漁商幾泝洄  
風搖蜀柿下日照楚萍開

近湫湓城曲斜吹蠡澤隈  
錫龜猶入冥浮獸罷爲災  
津吏揮撓疾郵童整傳催  
歸心詎可問爲視落潮迴

宿巴江

僧栖蟾

江聲五千里瀉碧忽於弦  
不覺日又夜爭教人少年  
一汀巫峽月兩岸子規天  
山影似相伴濃遮到曉船

巴江

鄭谷

亂來奔走巴江濱愁客多  
於江徼人朝醉暮醉雪開  
霽一枝兩枝梅探春詔書  
罪已方哀痛鄉縣徵兵尚  
苦辛鬢禿又驚逢獻歲眼  
前渾不見交親

宿永嘉江寄崔少府

孟浩然

唐詩類苑

卷之三十二

二十一

我行窮水國君使入秦華  
相去日千里孤帆天一涯  
臥聞海潮至起視江月斜  
借問同舟客何時到永嘉

鄭尚書新開涪江二首

賈島

岸鑿青山破江開白浪寒  
日沈源出海春至草生灘  
梓匠防波溢蓬仙畏水乾  
從今疏決後任雨滯峰巒

二

不侵南畝務已拔北江流  
涪水方移岸潯陽有到舟  
潭澄初揭藥波動乍垂鈎  
山可疏三里蹤知一作厝

億秋

新安江行

章八元

江源南去永野渡暫維梢古戍懸魚網空林露鳥巢  
雪晴山春見沙淺浪痕交自笑無媒者逢人卽解嘲  
送康判官在新安賦得江路西南水

皇甫冉

不向新安去那知江路長猿聲比盧嶽水色勝瀟湘  
驛樹收殘雨漁家帶夕陽何須愁旅泊使者有輝光

建昌江

白居易

建昌江水縣門前立馬教人喚渡船忽似往年歸蔡  
渡草風沙雨渭河邊

戲代李協律松江有贈

許渾

唐詩類苑

卷之三十二

主

蜀客操琴吳女歌明珠十斛是天河霜凝薜荔怯秋  
樹露滴芙蓉愁晚波蘭浦遠鄉應解佩柳堤殘月未  
鳴珂西樓沈醉不知散潮落洞庭洲渚多

章江作

韋莊

杜陵歸客正徘徊玉笛誰家叫落梅之子棹從天外  
去故人書自日邊來楊花慢惹霏霏雨竹葉頻傾滿  
滿杯欲問維揚舊風月一江紅樹亂猿哀

長江二首

杜甫

衆水會涪萬瞿塘爭一門朝宗人共挹盜賊爾誰尊  
孤石隱如馬高羅垂飲猿歸心異波浪何事卽飛翻

二

浩浩終不息乃知東極臨衆流歸海意萬國奉君心  
色借瀟湘濶聲驅滬瀕深未靜添霧雨接上遇衣襟

題長江

賈島

言心俱好靜解署落暉空歸吏封宵鑰行蛇入古桐  
長江頻雨後明月衆星中若任遷人去西浮與剡通

過長江

黃滔

曾搜景象恐通神地下還應有主人若把長江比湘  
浦離騷不合自靈均

暮秋楊子江寄孟浩然

劉昫

唐詩類苑

卷之三十二

主

木葉紛紛下東南日雨霜林山相晚暮天海空青蒼  
暝色况復久秋聲亦何長孤舟兼微月行夜仍越鄉  
寒笛對京口故人在襄陽咏思勞今夕江漢遙相望

晚渡楊子江卻寄江南親故

權德輿

返照滿寒流輕舟任搖蕩支願見千里煙景非一狀  
遠岫有無中片帆風水上天清去鳥滅浦迴寒沙漲  
樹晚疊秋嵐江空翔宿浪胸中千萬慮對此一清曠  
回首碧雲深佳人不可望

渡楊子江

孟浩然

孟浩然

桂楫中流望空波兩畔明林開楊子驛山出潤州城  
海盡邊陰靜江寒朔吹生更聞楓葉下浙瀝度秋聲

泊楊子岸

祖咏

纔入維揚郡鄉關此路遙林藏初過雨風退欲歸潮  
江火明沙岸雲帆礙浦橋客衣今日薄寒氣近來饒

聽嘉陵江水聲寄深上人

韋應物

鑿崖泄奔湍稱古神禹跡夜喧山門店獨宿不安席  
水性自云靜石中本無聲如何兩相激雷轉空山驚  
貽之道門友了此物我情

嘉陵江二首

元稹

唐詩類苑

卷之三十三

主

秦人惟識秦中水長想吳江與蜀江今日嘉川驛樓  
下可憐如練遶明牕

千里嘉陵江水聲何年重遶此江行只應添得清宵

夢時見滿江流月明

嘉陵江

羅鄴

嘉陵南岸雨初收江似秋嵐不煞流此地終朝有行

客無人一為棹扁舟

春日遊嘉陵江

劉滄

獨泛扁舟映綠楊嘉陵江水色蒼蒼行看芳草故鄉  
遠坐對落花春日長曲岸危檣移渡影暮天栖鳥入

山光今來誰識東歸意把酒閑吟思洛陽

答元八宗簡同遊曲江後明日見贈

白居易

長安千萬人出門各有營唯我與夫子信馬悠悠行  
行到曲江頭反照草樹明南山好顏色病客有心情  
水禽翻白羽風荷嫋翠莖何必滄浪去卽此可濯纓  
時景不重來賞心難再并坐愁紅塵裏夕鼓鼙聲  
歸來經一宿世慮稍復生賴聞瑤華唱再得塵襟清

曲江獨行招張十八

白居易

曲江新歲後水與水相和南岸復殘雪東風未有波

唐詩類苑

卷之三十三

主

偶遊身獨自相憶意如何莫待春深去花時鞍馬多

晦日同苗員外遊曲江 李端

春遊曲江

喻坦之

誤入杏花塵晴江一有春孤浦雖似越骨相且非秦  
曲岸藏翹鸞垂楊拂躍鱗徒憐汀草色未是醉眠人

和劉郎中曲江春望見示

白居易

芳景多遊客衰翁獨在家肺傷妨飲酒眼痛忌看花  
寺路隨江曲官牆夾樹斜羨君猶壯健不枉度年華

曲江

鄭谷

紅草岸西東酒旗搖水風樓臺在煙杪鷗鷺下沙中  
翠幄晴相接芳洲夜暫空何人賞秋景與此時同

曲江作

韋莊

細雨曲池濱青袍草色新詠詩行信馬載酒喜逢人  
性爲無機率家因守道貧若無詩自遣誰奈寂寥春

早春獨遊曲江

白居易

散職無羈束羸驂少送迎朝從直城出春傍曲江行  
風起池東暖雲開山北晴水銷泉脉動雪盡草芽生  
露杏紅初拆煙楊綠未成影遲新度鴈聲澀欲啼鶯  
閑地心俱靜韶光眼共明酒狂憐性逸藥効喜身輕

唐詩類苑

卷之三十二

五

慵慢疎人事幽棲遂野情迴看雲閣笑不似有浮名

曲江獨行

白居易

獨來獨去何人識廐馬朝衣野客心閑愛無風水邊  
坐楊花不動樹陰陰

酬韓侍郎張博士雨後遊曲江見寄

白居易

小園新種紅櫻樹閑遶花行便當遊何必更隨鞍馬  
隊衝泥蹋雨曲江頭

曲江有感

白居易

曲江西岸又春風萬樹花前一老翁遇酒逢花還且

醉若論惆悵事何窮

重遊曲江

韓渥

鞭稍亂拂暗傷情蹤跡難尋露草青猶自玉輪曾輾  
處一泓秋水漲浮萍

和陳先輩陪陸舍人春日遊曲江

黃滔

劉超遊召鄒詵陪爲憶池亭舊賞來紅杏花旁見山  
色詩成因觸鼓聲回

和錢員外答盧員外早春獨遊曲江見寄長句

句

白居易

唐詩類苑

卷之三十三

五

春來有色閨融融先到詩情酒思中柳岸霏微裊塵  
雨杏園淡蕩開花風聞君獨遊心鬱鬱薄晚新晴騎  
馬出醉思詩侶有同年春嘆翰林無暇日雲夫首唱  
寒玉音蔚章繼和春搜吟此時我亦閉門坐一日風  
流三處心

曲江春感

羅隱

江頭日暖花又開江東行客心悠哉高陽酒徒半彫  
落終南山色空崔嵬聖代也知無棄物侯門未必用  
非才滿船明月一竿竹家住五湖歸去來

春日葉秀才曲江

羅隱

江花江草暖相隈也向江邊把酒杯春山惱人遮不得別愁如瘡避還來安排賤跡無良策裨補明時望重才一曲吳歌齊拍手十年塵眼未曾開

曲江

秦韜玉

曲沼深塘躍錦鱗槐煙徑裏碧波新此中境既無佳境他處春應不是春金榜真仙開樂席銀鞍公子醉花塵明年二月重來看好共東風作主人

曲江

林寬

曲江初碧草初青萬般千蹄匝岸行傾國妖姬雪鬢重傳徒公子雪衫輕瓊鑄狝林遶觥舞金盞辟邪擎

唐詩類苑

卷之三十二

二十七

撥鳴柳絮杏花留不得隨風處處逐歌聲

曲江二首

李山甫

南山低對紫雲樓翠影紅陰瑞氣浮一種是春長富貴大都爲水也風流爭攀柳帶千千手間挿花枝萬萬頭獨向江邊最惆悵滿衣塵土避王侯  
江色沈天萬草齊暖煙晴靄自相迷蜂吟杏蘂細香落鶯墜柳條濃翠低千隊國娥輕似雪一羣公子醉如泥斜陽恠得長安動陌上分飛萬馬蹄

曲江二首

杜甫

一片花飛減却春風飄萬點正愁人且看欲盡花經

眼莫厭傷多酒入唇江上小堂巢翡翠苑邊高塚臥麒麟細推物理須行樂何用浮名絆此身

朝回日日典春衣每日江頭盡醉歸酒債尋常行處有人生七十古來稀穿花蛺蝶深深見點水蜻蜓款款飛傳語風光共流轉暫時相賞莫相違

曲江對酒

杜甫

死外江頭坐不歸水精春殿轉霏微桃花細逐楊花落黃鳥時兼白鳥飛縱飲久判人共棄懶朝真與世相違吏情更覺滄洲遠老大悲傷未拂衣

曲江值雨

杜甫

唐詩類苑

卷之三十二

二十八

見天部雨

曲江春望

羅鄴

故國東歸澤國遥曲江晴望憶漁樵都緣北闕春先到不是南山雪易消瑞景玉樓開組繡歡聲丹禁奏雲韶雖然未得陪鴛鴦亦酌金觴祝帝堯

曲江陪鄭八丈南史飲

杜甫

雀啄江頭黃柳花鵲鵲鵲鵲滿晴沙自知白髮非春事且盡芳樽戀物華近侍卽今難浪跡此身那得更無家丈人筋力猶強健豈傍青門學種瓜

曲江三章章五句

杜甫

曲江蕭條秋氣高菱荷枯折隨風濤遊子空嗟垂二  
毛白石素沙亦相蕩哀鴻獨叫求其曹

卽事非今亦非古長歌激越梢林莽比屋豪華固難  
數吾人甘作心似灰弟姪何傷淚如雨

自斷此生休問天杜曲幸有桑麻田故將移住南山  
邊短衣匹馬隨李廣看射猛虎終殘年

奉和聖製賜史供奉曲江宴應制

王維

侍從有鄒枚瓊延就水閣言陪栢梁宴新下建章來  
對酒山河滿移舟草滿迴天文同麗日景惜行杯

唐詩類苑

卷之三十三

五

唐詩類苑卷第三十三

明雲間張之象玄超甫纂輯

雲間徐光啓子先甫編次

雲間王微叔朗甫補訂

梁谿曹仁孫伯安甫校正

水部

江水

橫江詞

李白

人言橫江好儂道橫江惡一風三日吹倒山白浪高  
於瓦官閣

唐詩類苑

卷之三十三

一

橫江詞五首

李白

海潮南去過潯陽牛渚由來險馬當橫江欲渡風波  
惡一水牽愁萬里長

橫江西望阻西秦漢水東連楊子津白浪如山那可  
度狂風愁殺峭帆人

海神來過惡風迴浪打天門石壁開潮江八月何如  
此濤似南山噴雪來

橫江館前津吏迎向余東指海雲生耶今欲渡緣何  
事如此風波不可行

月暈天風霜不開海鯨東蹙百川迴驚波一起三山

動公無渡河歸去來

江南曲

溫庭筠

妾家白蘋浦日上芙蓉檣  
輶輶搖漿聲移舟入菱葉  
溪長菱葉深作底難相尋  
避郎郎不見鷓鴣自浮沉  
拾萍萍無根採蓮蓮有子  
不作浮萍生寧爲藕花死  
岸傍騎馬郎烏帽紫遊韁  
含愁復含笑迴首問橫塘  
妾住金陵浦門前朱雀航  
流蘇持作帳芙蓉持作梁  
出入金犢幃兄弟侍中郎  
前年學歌舞定得郎相許  
連娟眉繞山依約腰如柳  
風管悲若咽鸞紗嬌欲語  
扇薄露紅鉛羅輕壓金縷  
明月西南樓珠簾玳瑁鉤

唐詩類苑

卷之三十三

二

橫波巧能笑鸞蛾不識愁  
花開子留樹草長根依土  
上聞金溝遠底事歸郎許  
不學閨中婦朝朝淚如雨

送客遊江南

韓翃

南使孤帆遠東風任意吹  
楚雲殊不斷江鳥暫相隨  
月淨鴛鴦水春生荳蔻枝  
賞稱佳麗地君去莫應知

江南曲

于鵠

偶向江邊採白蘋還隨女  
伴賽江神衆中不敢分明  
語暗擲金錢卜遠人

江南曲

韓翃

長樂花枝雨點銷江城日  
暮好相邀春機不問成幾

鎖綠水回連宛轉橋

江南曲

李咸用

江南四月薰風低江南女  
兒芳步齊晚雲接水共渺  
瀾遠沙疊草空萋萋白苧  
不堪論古意數花猶可醉  
前溪孤舟有客歸未得鄉  
夢欲成山鳥啼

江南行

張籍

江南人家多橘樹吳姬舟  
上織白苧土地卑濕饒蟲  
蛇連木爲牌入江住江村  
亥日長爲市落帆度橋來  
浦裏清沙覆城竹爲屋無  
井家家飲潮水長千午日  
沽春酒高酒旗懸江口娼  
樓兩岸懸水柵夜唱竹

唐詩類苑

卷之三十三

三

枝留北客江南風土歡樂  
多悠悠處處盡經過

江南雜體二首

王建

江上風修修竹間湘水流  
日夜桂花落行人去悠悠  
復見離別處蟲聲陰雨秋

處處江草綠行人發瀟湘  
瀟湘迴鴈多日夜思故鄉  
春夢不知數空山蘭蕙芳

江南弄

李賀

江中綠霧起涼波天上疊  
巘紅差栽水風浦雲生老  
竹渚暝蒲帆如一幅鱸魚  
千頭酒百斛酒中倒卧南  
山綠吳歛起吟未終曲江  
上團團帖寒玉

江南詞

李益

嫁得瞿塘賈朝朝，妾期早知潮有信。嫁與弄潮兒，

江南春

張籍

江南楊柳春，日暖地無塵。渡口過新雨，夜來生白蘋。  
晴沙鳴乳鴈，芳樹醉遊人。向晚青山下，誰家祭水神。

江南春

杜牧

千里鶯啼綠映紅，水村山郭酒旗風。南朝四百八十  
寺，多少樓臺煙雨中。

江南作

張祐

楚塞南行久，秦城北望遙。少年花已過，衰病柳先凋。  
唐詩類苑卷之三十三

客淚收迴日，鄉心寄落潮。殷勤問春鴈，何處是煙霄。

送友人往江南

張喬

落花兼柳絮，無處不紛紛。遠道空歸去，流鶯獨自聞。  
野橋喧磴水，山郭入樓雲。故里南陔曲，秋期更送君。

郡江南上別孫侍郎

張九齡

雲嶂天涯盡，川途海縣窮。何言此地僻，忽與故人同。  
身負邦君弩，情紆御史驄。王程不我駐，離思逐秋風。

送友人遊江東

李端

江上花開盡，南行見杪春。鳥聲悲古木，雲影入通津。  
返景斜留草，迴潮暗動蘋。謝公今在郡，應喜得詩人。

江東

李商隱

驚魚撥刺燕翩翩，獨自江東上釣船。今日春光太漂  
蕩，謝家輕絮沈郎錢。

見殷堯藩侍郎憶江南詩三十首，詩中多叙  
蘇杭，嘗典二郡，因繼和之。

白居易

江南名郡數蘇杭，寫在殷家三十章。君是旅人猶苦  
憶，我爲刺史更難忘。境牽吟詠直詩國，興入笙歌好  
醉鄉。爲念舊遊終一去，扁舟直擬到滄浪。

送友人遊江南

耿湋

唐詩類苑卷之三十三

遠別悠悠白髮新，江潭何處是通津。潮聲偏懼初來  
客，海味唯甘久住人。漠漠煙光前浦晚，青青草色定

山春。汀洲更有南迴鴈，亂起聯翩北向秦。

春江曲

郭元振

江水春沈沈，上有雙竹林。竹葉壞水色，郎亦壞人心。

春江曲三首

張仲素

搖漾越江春，相將採白蘋。歸時不覺夜，出浦月隨人。

二

家寄征河岸，征人幾歲遊。不如潮水信，每日到沙頭。

三



乘曉南湖去參差疊浪橫前洲在何處霧裏鴈嚶嚶

新春江次

白居易

浦乾潮未應堤濕凍初銷粉片粧梅朵金絲刷柳條  
鴨頭新綠水鴈齒小紅橋莫怪珂聲碎春來五馬驕

春江

白居易

炎涼昏曉若推遷不覺中州已二年閉閣只聽朝暮  
鼓上樓空望往來船鶯聲誘引來花下草色勾留坐  
水邊唯有春江看未厭縈砂遶石渌潺湲

秋江

羅隱

秋江待晚潮客思旆旌遙細雨翻蘆葉高風却柳條

唐詩類苑

卷之三十三

六

兵戈村落破饑餒虎狼驕吾土兼連此離魂望裏銷

曉江

權德輿

曉風搖五兩殘月映石壁稍稍曙光開片帆在空碧

暮江吟

白居易

一道殘陽鋪水中半江瑟瑟半江紅可憐九月初三

夜露似真珠月似弓

晴江秋望

崔季卿

八月長江萬里晴千帆一道帶風輕盡日不分天水  
色洞庭南是岳陽城

江行

戴叔倫

漾舟晴川裡掛席候風生臨泛何容與愛此江水平

蘆洲隱遙嶂露日映孤城自願疎野性屢忘鷗鳥情

聊復於時顧暫欲解塵纓驅馳非吾願虛懷浩已盈

江行晚詠

權德輿

古樹夕陽盡空江暮靄收寂寞扣舷坐獨生千載愁

江行夜詠

權德輿

猿聲到枕上愁夢紛難理寂寂深夜寒清霜落秋水

江行

柳中庸

繁陰乍隱洲落葉初飛浦蕭蕭客舟帆暮入寒江雨

送友人江行

邵謁

唐詩類苑

卷之三十三

七

送君若浪水疊疊愁思起夢魂如月明相送秋江裏

月夜江行

權德輿

扣舷不能寐浩露清衣襟彌傷孤舟夜遠結萬里心

幽興惜瑤草素懷寄鳴琴三奏月初上寂寥寒江深

秋日富春江行

羅隱

遠岸平如翦澄江靜似鋪紫鱗仙客馭金顙李衡奴

冷疊千山澗清涵萬象殊嚴陵亦高見歸卧是良圖

江行紀事

席豫

飄飄任舟楫回合傍江津津浦情猶在前山賞更新

樹深煙霧羃灘淺石磷磷川路南行遠淹留惜此辰

送客江行

蕭蕭蘆花秋花鄂客獨辭家遠棹依山響危檣轉浦斜  
水寒澄淺石潮落漲虛沙莫與征徒望鄉園去漸賒

江行有懷

孫述

秋水明川路輕舟轉石圻霜多山橘熟寒至浦禽稀  
飛席乘風勢迴流蕩日暉畫行疑海若夕夢識江妃  
野齊看吳盡天長望洛非不知何歲月一似暮潮歸

江行西望

韋莊

西望長安白日遙半年無事駐蘭橈欲將張翰秋江  
雨畫作屏風寄鮑昭

唐詩類苑

卷之三十三

八

江行二首

魚玄機

大江橫抱武昌斜鸚鵡洲前萬戶家畫舸春眠朝未  
足夢爲蝴蝶也尋花

煙花已入鷓鴣巷畫舸猶題鸚鵡洲醉卧醒吟都不  
覺今朝驚在漢江頭

江行寄張舍人

僧靈一

客程終日風塵苦蓬轉還家未有期林色晚分殘雪  
後角聲寒奏落帆時月高星使東看遠雲破雙鴻欲  
度遲流蕩此心難共說千峯澄霽隔瓊枝

江行書事

劉滄

遠渚兼葭覆綠苔姑蘇南望思徘徊空江獨樹楚山  
背暮雨一舟吳苑來人度深秋風葉落鳥飛殘照水  
煙開寒潮欲上泛萍藻寄薦三閭情自哀

江上

顧况

江清白鳥斜蕩槳背蘋花聽唱菱歌晚迴塘月照沙

江上

張九齡

長林何繚繞遠水復悠悠盡日餘無見爲心那不愁  
憶將親愛別行爲主恩酬感激空如此芳時屢已道

自豫章南還江上作

張九齡

歸去南江水磷磷見底清轉逢空濶處聊洗滯留情

唐詩類苑

卷之三十三

九

浦樹遙如待江鷗近若迎津途別有趣况乃濯吾纓

奉酬洪州江上見贈

孫翊

受命讞封疆逢君牧豫章於焉審虞芮復爾共舟舫  
悵別秋陰盡懷歸客思長江臯枉離贈持此慰他鄉

江上行

元稹

悶見漢江流不息悠悠漫漫竟何成江流不語意相  
問何事遠來江上行

江上吟元八絕句

白居易

大江深處月明時一夜吟君小律詩應有水仙潛出  
聽翻將唱作步虛詞

江上偶見

杜牧

楚鄉寒食橘花時  
野渡臨風駐綵旗  
草色連雲人去住  
水紋如縠燕差池

江上吟

李白

木蘭之枻沙棠舟  
玉簫金管坐兩頭  
美酒樽中置千斛  
載妓隨波任去流  
仙人有待乘黃鶴  
海客無心隨白鷗  
屈平辭賦懸日月  
楚王臺榭空山丘  
興酣落筆搖五嶽  
詩成嘯傲凌滄洲  
功名富貴若長在  
漢水亦應西北流

江上曲

李嘉祐

唐詩類苑

卷之三十三

十

江心澹澹芙蓉花  
江口蛾眉獨浣沙  
可憐應是陽臺女  
坐對鸕鶚嬌不語  
掩面羞看北地人  
迴身忽作巫山雨  
蒼梧秋色不堪論  
千載依依帝子魂  
君看峯上斑斑竹  
盡是湘妃泣淚痕

江邊四十韻

元稹

官借江邊宅  
天生地勢坳  
危饒壤構迢遞  
接長郊  
怪鵬頻棲息  
跳蛙頗溷殺  
總無離繳繞  
尤怕虎咆哮  
停潦魚招獺  
空倉鼠敵猫  
土虛煩穴蟻  
柱朽畏藏蛟  
蛇虺吞簷雀  
豺狼逐野麋  
虎驚狂浩浩  
鷄亂響嘒嘒  
獲落貧甘守  
荒涼穢盡包  
斷簾飛熠燿  
富戶網蠨蛸

曲突翻成沼  
行廊却代庖  
橋橫老顏枿  
枿馬病衰芻  
芻一一牀頭點  
連連砌下泡  
辱泥疑在絳  
避雨想經嶠

相顧憂爲蠶  
誰能復繫匏  
誓心來利往  
卜食過安爻  
何計逃昏墊  
移文報舊交  
棟梁存伐木  
苫蓋愧分茅

金瑄排黃荻  
琅玕衰翠梢  
花塲水面闌  
駕瓦玉聲敲  
方礎荆山採  
修椽郢匠鉋  
隱樵雷震蟄  
破竹箭鳴騶

正寢初停午  
煩眠欲轉胞  
困圓收薄祿  
厨敞備嘉肴  
各各人寧宇  
雙雙燕賀巢  
高門受車轍  
華廐稱蒲梢

尺寸皆隨用  
毫釐敢浪拋  
篋餘籠白鶴  
牋架青鸛  
製榻容筐在  
施關拒斗梢  
欄干防汲井  
密室待持膠

唐詩類苑

卷之三十三

十二

庭草傭工稚  
園蔬稚子澆  
本圖閑種植  
那要擇肥磽  
綠柚勤勤數  
紅榴箇箇抄  
池清漉螃蜞  
公蠹拾搬蝥  
曬篆看沙鳥  
磨刀綻海鮫  
羅灰修藥竈  
築塼閤弓弞  
散誕都由習  
童蒙刺懶教  
最便陶靜飲  
還作解愁嘲  
近浦聞歸楫  
遙城罷曉饒  
王孫如有問  
須爲併揮鞘

江邊吟

江邊烽燧幾時休  
江上行人雪滿頭  
誰信亂離花不見  
只應惆悵水東流  
陶潛政事千杯酒  
張翰生涯一葉舟  
若有片帆歸去好  
何堪重倚仲宣樓

江際

鄭谷

杳杳漁舟破暝煙疎疎蘆葦舊江天那堪流落逢搖  
落可得潸然是偶然萬頃白波迷宿鷺一林黃葉送  
殘蟬兵車未息年華促早晚閑吟向滌川

登江中孤嶼貽王迥 孟浩然

悠悠清江水水落沙嶼出迴潭石下深綠篠岸傍密  
鰕人潛不見漁父歌自逸憶與君別時泛舟如昨日  
夕陽開返照中坐興非一南望鹿門山歸來恨相失

南遊富陽江中作 韋莊

南去又南去此行非日期一帆雲伴伴千里月相隨  
浪跡花應笑衰容鏡每知鄉國不可問禾黍正離離

唐詩類苑 卷之三十三 十一  
登入金州江中作 方干

棹尋椒岸縈迴去數里時逢一兩家知是從來貢金  
處江邊收取亦披沙

江干 戴叔倫

江干望不極樓閣影繽紛水氣多爲雨人煙遠是雲  
予生何濩落客路轉辛勤楊柳牽愁思和春上翠裙

江干卽事 李洞

病卧四更後愁聞報早衙隔關沉水鳥侵郭噪園鴉  
吏瘦餐溪栢身羸凭海槎滿朝吟五字應不老煙霞

江頭 張籍

晚步隨江遠來帆過眼頻試尋新住客少見故鄉人  
回首憐歸翼長吟任此身應同南浦鴈更見嶺頭春

晚泊江口 韓愈

郡城朝解纜江岸暮依村二女竹上淚孤臣水底魂  
雙雙歸鰓燕一一叫羣猿迴首那聞語空看別袖翻

夜渡江 姚元崇

夜渚帶浮煙蒼茫海遠天舟輕不覺動驚急始知牽  
聽草遙尋岸聞香暗識蓮唯看孤帆影常恐客心懸

渡江 杜甫

春江不可渡二月已風濤舟楫歎斜疾魚龍偃卧高  
渚花張素錦汀草亂青袍戲問垂綸客悠悠見汝曹

唐詩類苑 卷之三十三 十二  
江漲二首 杜甫

江發蠻夷漲山添雨雪流大聲吹地轉高浪蹴天浮  
魚鼈爲人得蛟龍不自謀輕帆好去便吾道付滄洲

二

江漲柴門外兒童報急流下牀高數尺倚杖沒中洲  
細動迎風燕輕搖逐浪鷗漁人縈小楫容易拔船頭

巴西驛亭觀江漲呈竇使君二首 杜甫

宿雨南江漲波濤亂遠峯孤亭凌噴薄萬井逼春容

霄漢愁高鳥泥沙困老龍天邊同客全攜我豁心胸

二

轉驚波作怒即恐岸隨流賴有杯中物還同海上鷗  
關心小剡縣傍眼見楊州爲接情人飲朝來減片愁

寒江上望

僧貫休

荒岸燒未死白雲凝不動極目無人行浪打取魚籠

秋日江居閑詠

僧卿雲

寄居江島邊閑詠見秋殘草白牛羊瘦風高獵鳥寒  
檢方醫故疾挑齋備中餐時復停書卷鋤沙種木蘭

賦得臨江遲來客

公乘億

唐詩類苑

卷之三十三

十四

江上晚沉沉煙波一望深向來殊未至何處擬相尋  
柳結重重眼萍翻寸寸心暮山期共眺寒渚待同臨  
北去魚無信南飛鴈絕音思君不可見使我獨愁吟

河水

詠河

李嶠

源出崑崙中長波接漢空桃花來馬頰竹箭入龍宮  
德水千年變榮光五色通若披蘭葉檢

晚渡黃河

駱賓王

千里羣歸路一葦亂平源通波連馬頰迸水急龍門  
照日榮光轉驚風瑞浪翻棹唱臨風斷樵謳入聽喧

岸迴秋霞落潭秋夕霧繁誰堪逝川上日暮他鄉苑

臨邑舍弟書至苦雨黃河泛溢隄防之患簿

領所憂因寄此詩用寬其意

杜甫

二儀積風雨百谷漏波濤聞道洪河折遙連滄海高  
職司憂悄悄郡國訴嗷嗷舍弟卑棲邑防川領簿曹  
尺書前日至版築不時操難假黿鼉力空瞻烏鵲毛  
燕南吹吹畝濟上浸蓬蒿螺蚌滿近郭蛟螭乘九臯  
徐關深水府碣石小秋毫白屋留孤樹青天失萬艘  
吾衰同泛梗利涉想蟠桃倚賴天涯釣猶能掣巨鰲

唐詩類苑

卷之三十三

十五

泛黃河

孟郊

夜到京口入黃河

儲光羲

河洲多青草朝暮增客愁客愁惜朝暮枉渚暫停舟  
中宵大川靜解纜逐歸流浦漉既清曠公洞非阻脩  
登艫望落月擊汰悲新秋倘遇乘槎客永言星漢遊  
與永樂諸公泛黃河作  
閻防  
煙深載酒入但覺暮川虛映水見山火鳴榔聞夜漁

愛茲山水趣忽與世人疎無暇燃官燭中流有望舒

黃河二首

杜甫

黃河北岸海西軍椎鼓鳴鐘天下聞鐵馬長鳴不知數胡人高鼻動成羣

黃河西岸是吾蜀欲須供給家無粟願驅衆庶戴君

王混一車書棄金玉

黃河

羅隱

莫把阿膠向此傾此中天意固難明解通銀漢應須曲纔出崑崙便不清高祖誓功衣帶小仙人占斗客槎輕三千年後知誰在何必勞君報太平

唐詩類苑

卷之三十三

十六

鞏城南河作寄徐三景暉

儲光義

初年雨候遲鞏洛河流小槎槎芳草岸屢見春山曉清露洗雲林輕波戲魚鳥唯言故人遠不覺鄉川渺舟楫去縈迴湍激行奔峭寄書千里路莫道南鴻少

汴河直進船

李敬方

汴水通淮利最多生人爲害亦相和東南四十三州地盡取脂膏是此河

汴河曲

李益

汴水東流無限春隋家宮闕已成塵行人莫上長堤望風起楊花愁殺人

汴河

羅隱

當時天子是閑遊今日行人特地愁柳色縱饒粧故國水聲何忍到揚州乾坤有意終難會黎庶無情豈自由應笑秦皇用心錯謾驅神鬼海東頭

題瓜洲新河餞族叔舍人賁

李白

齊公鑿新河萬古流不絕豐功利生人天地同朽滅兩橋對雙閣芳樹有行列愛此如甘棠誰云能攀折吳關倚此固天險自茲設海水落斗門平湖見沙汭

唐詩類苑

卷之三十三

十七

龍山雪惜此林下興愴爲山陽別瞻望清路塵歸來空寂滅

同敬八廬五汴河間清河

高適

清川在城下沿汎多所宜同濟愜數公翫物欣良時飄飄波上興燕婉舟中詞昔涉乃平原今來忽漣漪東流達滄海西流延滹池雲樹共晦明井邑相逶迤稍隨歸月帆若與沙鷗期漁父更留我前潭水未滋

渡河到清河作

王維

汎舟大河裏積水窮天涯天波忽開拆郡邑千萬家行復見城市宛然有桑麻迴瞻舊鄉國繇漫連雲霞

公無渡河

卽篋篋謹

李白

黃河西來決崑崙咆哮萬里觸龍門波滔天堯咨嗟  
大禹理百川兒啼不窺家殺湍湮洪水九州始蠶麻  
其害乃去茫然風沙披髮之叟狂而癡清晨臨流欲  
奚爲傍人不惜妻止之公無渡河苦渡之虎可搏音博  
河難憑公果溺死流海湄下有長鯨白齒若雪山公  
乎公乎挂胷於其間篋篋所悲竟莫還

公無渡河

李咸用

有叟有叟何清狂行搔短髮提壺漿亂流直涉神洋  
洋妻止不聽追沉湘惜老不偕死篋篋遺淒涼剗松  
輕穩琅玕長連呼急榜庸何妨見溺不援能語狠忍  
聽麗玉傳悲傷

公無渡河

王建

渡頭惡天兩岸遠波濤塞川如疊坂幸無白刃驅向  
前何用將身自棄捐蛟龍嚙骨魚食血黃泥直下無  
清天男兒縱輕婦人語惜君性命還須取婦人無力  
挽斷衣舟沉身死悔難追公無渡河公須自爲

送襄陽盧判官奏開河事

錢起

千里趨魏闕一言簡聖聰河流引關外國冉瞻秦中  
有詔許其策隨山興此功連雲積石阻計日安波通

飛棹轉年穀利人勝歲豐言歸漢陽路拜首蓬萊宮  
紫殿賜衣出青門酣酌同晚陽過微雨秋水見新鴻  
坐惜去車遠愁看離館空因思郢川守南楚滿清風

淮水

初宿淮口

宋之問

孤舟汴河水去國情無已晚泊投楚鄉明月清淮裏  
汴河東瀉路窮茲洛陽西顧日增悲夜聞楚歌思欲  
斷况值淮南木落時

和杜學士旅次淮口阻風

李嶠

夕吹生寒浦清淮上暝潮迎風欲舉棹觸浪反停橈  
綠漫煙波濶參差林岸遙日沉丹氣歛天敞白雲銷  
水鴈銜蘆葉沙鳬隱荻苗客行殊未已川路幾迢迢

早發淮口望盱眙

駱賓王

養蒙分四瀆習坎奠三荆徙帝流餘地封王表舊城  
岸昏涵蜃氣潮滿應鷄聲州迴連沙靜川虛積溜明  
一朝從捧檄千里倦懸旌背流桐栢遠逗浦木蘭輕  
小山迷隱路大塊切勞生唯有貞心在獨映寒潭清

早過臨淮

陶翰

夜來三渚風晨過臨淮島潮中海氣白城上楚雲早  
鱗鱗魚浦枕潁潁蘆洲草川路日浩蕩怒馬心如檣



且言任倚伏何暇念枯槁范子名屢移邁公志常抱  
古人已云去此理今難道

夜渡淮

閻丘曉

舟人自相報落日下芳潭夜火連河市春風滿客帆  
水窮滄海畔路盡小山南且喜鄉園近能令意味甘

渡淮

白居易

淮水東南潤無風渡亦難孤煙生乍直遠樹望多圓  
春浪棹聲急夕陽帆影殘清流宜映月今夜重吟看

問淮水

白居易

自嗟名利客擾擾在人間何事長淮水東流亦不閑

唐詩類苑

卷之三十三

壬

送蔣員外端公歸淮南

韓翃

淮南芳草色日夕引歸船御史王元暉郎官顧彥先  
光風千日暖寒食百花燃惆悵佳期近澄江與暮天

送郭贊府歸淮南

韓翃

駿馬淮南客歸時引望新江聲六合暮楚色萬家春  
白苧歌西曲黃苞寄北人不知心賞後早晚從行塵

淮亭吟

徐彥伯

貞寂慮兮淮山幽憐芳若兮犂牛洲崩湍委咽日夜  
流孤客危坐心自愁矧鶴唳兮風曉復猿鳴兮霜秋  
熠燿飛兮蟋蟀吟倚晴瑟兮橫涼琴擷瑤草兮弔楚

水弄琪樹兮歌越岑山礪礪兮隈曲水涓連兮洞汨  
金光延起兮驟興沒青苔竟兮綠蘋歇綠蘋歇兮凋  
朱顏嫩人寂歷兮何時閑君不見可憐桐栢上手茸  
桂樹花滿山

遊徐城河忽見清淮因寄趙八

李嘉祐

自緣遲暮憶滄洲翻愛南河濁水流初過重陽惜殘  
菊行看舊浦識群鷗朝霞映日同歸處暝柳搖風欲  
別秋長恨相逢即分手含情掩淚獨回頭

濟水

唐詩類苑

卷之三十三

壬

與諸公遊濟瀆泛舟

李頎

濟水出王屋其源來不窮汴泉數眼沸平地流清通  
皇帝崇祀典詔書視三公分官禱靈廟奠璧沉河宮  
神應每如答松篁氣葱籠蒼螭送飛雨赤鯉噴回風  
洒洒布瑤席吹簫下玉童玄冥掌陰事祝史告年豐  
百谷趨潭底三光懸鏡中淺深露沙石蘋藻生虛空  
晚景臨泛美亭臯輕靄紅晴山傍舟楫白鷺驚絲桐  
我本家潁北出門見維嵩焉知松峯外猶有天壇東  
左手正接離浩歌眄青穹吏猶傲清吏偃仰狎漁翁  
對此川上閑非君誰與同霜凝遠村渚月淨蒹葭叢



茲境信難與爲歡殊未終淹留悵言別煙嶼夕微蒙

濟源春

孟郊

太行橫偃脊百里芳崔嵬濟濱花異顏枋口雲如裁  
新畫彩色濕上界光影來深紅縷草木淺碧珩沂洄  
千家門前飲一道傳袂杯玉鱗吞金鈎仙璇琉璃開  
杳童茂言語善俗無驚猜狂吹寢恒宴曉清夢先迴  
治生鮮墮夫積學多深材再遊詎煩憊一洗驚塵埃

濟源寒食七首

孟郊

風巢嬌嬌春鷓鴣無子老人仰面嗟柳弓韋箭覩不  
見高紅遠綠勞相逐

唐詩類苑

卷之三十三

主一

女嬋童子黃短短耳中聞人惜春晚逃蜂匿蝶踏地

來拋却齋麋一窺椀

一日踏春一百迴朝朝沒脚走芳埃饑童餓馬掃花

餵向晚飲溪三兩杯

莓苔井上空相憶轆轤索斷無消息酒人皆倚春髮

綠病叟獨藏秋髮白

長安落花飛上天南風引至三殿前可憐春物亦朝

謁唯我孤吟渭水邊

枋口花間掣手歸嵩陽爲我留紅暉可憐躑躅千萬

尺柱地柱天疑欲飛

蜜蜂爲主各磨牙咬盡村中萬木花君家甕甕今應  
滿五色冬籠甚可誇

涇水

日暮望涇水

徐玨

導源經隴阪屬汭貫羸都下瀨波常急迴圻溜亦紆  
毒流秦卒斃泥糞漢田腴獨有迷津客懷歸漸暮途

洛水

詠洛

李嶠

九洛韶光媚三川物候新花明丹鳳浦日映玉鷄津  
元禮期仙客陳王觀麗人神龜方錫瑞綠字佇來臻

唐詩類苑

卷之三十三

主一

度洛水

太宗

春蒐馳駿骨總轡俯長河霞處流縈錦風前漾卷羅  
水花翻照樹堤蘭倒挿波豈必汾陰曲秋雲發棹歌

奉和進船洛水應制

薛稷

禁園紆睿覽仙棹叶宸遊洛北風花樹江南彩畫舟  
榮生蘭蕙草春入鳳凰樓興盡誰言暮煙光起夕流

洛水

羅鄴

一道潺湲潏暖莎年年惆悵是春過莫言行路聽如  
此流入深宮恨更多橋畔月來清見底柳邊風緊綠

生波縱然滿眼添歸思未把漁竿柰爾何

大享拜洛樂章十四首

武后

九玄眷命三聖基隆奉成先旨明臺畢功宗祀展敬  
冀表深衷永昌帝業式播淳風

二

神功不測兮運陰陽包藏萬宇兮孕八荒天符既出  
今帝業昌願明祀兮降禎祥

三

坎澤祠容備舉坤壇祭典爰申靈睴遙行秘躅嘉貺荐委  
殊珍肅禮恭禋載展翹襟邈志逾殷方期交際懸應

四

唐詩類苑

卷之三十三

五

祗荷坤德欽若乾靈慙惕罔真興起匪寧恭崇禮則  
肅奉儀形惟憑展敬敢薦非馨

五

非躬承睿顧薄德忝坤儀乾乾遵後命翼翼奉先規  
撫俗勤雖切還淳化尚虧未能弘治道何以契明祇

六

顧德有慙虛非明祇屢降禎符泥水初呈祕象溫洛  
荐表昌圖玄澤流恩載洽丹襟荷渥增愉

七

法雲致養合大資生德以恒固功由永貞升歌薦序

垂幣翹誠虹開玉照鳳引金聲

八

蘭俎既昇蘋羞可薦金石載設咸英已變林澤斯總  
山川是遍敢用敷誠實惟忘倦

九

沈潛演貺分三極廣大疑禎總萬方既薦羽旌文化  
啓還呈千鉞武威揚

十

夕惕司龍契晨兢當鳳辰崇儒習舊規偃霸循先旨  
絕壤飛冠蓋遐區麗山水幸承三聖餘忻屬千年始

唐詩類苑

卷之三十三

五

十一

百禮崇容千官肅事靈降舞兆神疑有粹莫享咸周  
威儀畢備奏夏登列歌雍徹肆

十二

皇皇靈睴穆穆神心暫動凝質還歸積陰功玄樞紐  
理寂高深銜恩佩德聳志翹襟

十三

言旋雲洞兮躡煙迷永寧中宇兮安下都包涵動植  
今順榮枯長微寶貺兮贊璇圖

十四

調雲閣兮神座興騷雲駕兮儼將昇騰絳霄兮垂景祐翹丹懇兮荷休徵

奉和受圖溫洛應制

李嶠

垂拱四年五月庚申同三品武承嗣使人作瑞石文曰聖母臨人永昌帝業使人獻之曰獲之洛水太后喜命曰寶圖詔當拜洛受圖告謝于郊御明堂朝羣臣命諸州都督刺史宗戚並會神都先加尊號乙亥加尊號爲聖母神皇七月丁巳大赦改寶圖爲天授聖圖洛水爲永昌洛水封其神爲顯聖侯加特進禁漁釣十二月己酉太后拜洛受圖

唐詩類苑

卷之三十三

主六

皇帝皇太子皆從內外百官蠻夷酋長各依方叙立文物鹵簿之盛唐興以來未之有也

七萃鸞輿動千年瑞檢開文如龜負出圖似鳳銜來殷薦三神享明禋萬國陪周旗黃鳥集漢幄紫雲迴日暮鈞陳轉清歌上帝臺

奉和受圖溫洛應制

蘇味道

綠綺膺河檢青壇俯洛瀆天旋俄制蹕孝享屬嚴禋陟配光三祖懷柔洽百神霧開中道日雪飲屬車塵預奉咸英奏長歌億萬春

奉和受圖溫洛應制

牛鳳及

八神承玉輦六羽警瑤溪戒道伊川北通津澗水西御圖開洛置刻石與天齊瑞日波中上仙禽霧裏低微臣矯翮翻扑舞接鸞鷟

歸渡洛水

皇甫冉

暝色赴春愁歸人南渡頭渚煙空翠合灘月碎光流澧浦饒芳草滄浪有釣舟誰知放歌客此意正悠悠

渭水

西過渭州見渭水思秦州 岑參

渭水東流去何時到雍州憑添兩行淚寄向故園流

渭水西別李崱

崔國輔

隴外長亭候山深古塞秋不知鳴咽水何事向西流

渭水

權德輿

呂氏年八十皤然持釣鉤意在靖天下豈惟食營丘師臣有家法小白乃尊周日暮駐征策愛茲清渭流

渭上題三首

溫庭筠

呂公榮達子陵歸萬古煙波遶釣磯橋上一通名利迹至今江鳥背人飛

目斷雲霄思浩然風帆一片水連天輕撓便是東歸路不肯忘機作釣船

煙水何曾息世機暫時相向亦依依所嗟白首磻溪

叟一下漁舟更不歸

漢水

漢中漢舟

孟浩然

漢舟逗何處神女漢臯曲雪罷水復開春潭千丈綠  
輕舟恣往來探翫無厭足波影搖妓釵沙光逐人目  
傾杯魚鳥醉聯句鶯花續良會難再逢日入須秉燭

王師渡漢水經襄陽

李百藥

導漾疏源遠歸海會流長延波接荆夢通型迥沮漳  
高岸沉碑影曲淑麗珠光雲昏翠島浸水廣素濤揚  
閬川已多歡遐睎幾增傷臨溪猶駐馬望曉欲沾裳

唐詩類苑

卷之三十三

三

喬木下寒葉亭林落曉霜山公不可遇誰與訪高陽

渡漢江

李百藥

東流既瀾瀾南紀信滔滔水激沈碑岸波駭弄珠臯  
含星映殘石浮蓋下奔濤溜澗霞光近川長曉氣高  
橋鳥轉輕翼戲鳥落風毛客心既多緒長歌且代勞

金陵望漢水

李白

漢江廻萬里派作九龍盤橫潰豁中國崔嵬飛迅湍  
六帝淪亡後三吳不足觀我君混區宇垂拱衆流安  
今日任公子滄浪罷釣竿

江漢答孟郊

韓愈

江漢雖云廣乘舟渡無艱流沙信難行馬足常往還  
淒風結衝波孤裘能禦寒終宵處幽室華燭光爛爛  
苟能行忠信可以居夷蠻嗟余與夫子此義每所敦  
何爲復見贈繾綣在不謬

渡漢江

宋之問

嶺外音書斷經冬復歷春近鄉情更怯不敢問來人

漢江宴別

宋之問

漢廣不分天舟移杳若仙秋虹映晚日江鶴弄晴煙  
積水浮冠蓋遙風逐管絃嬉遊不可極留恨此山川  
與鮮于庶子泛漢江

岑參

唐詩類苑

卷之三十三

三

急管更須吹杯行莫遣遲酒光紅琥珀江色碧琉璃  
日影浮歸棹蘆花罨釣絲山公醉不醉問取葛疆知

漢江臨汎

王維

楚塞三湘接荆門九派通江流天地外山色有無中  
郡邑浮前浦波瀾動遠空襄陽好風日留醉與山翁

漢陽卽事

儲光羲

楚國千里遠孰知方寸違春遊歡有客夕寢賦無衣  
江水帶水綠桃花隨雨飛九歌有深意捐佩乃言歸

觀漢水

梁洽

發源自嶓冢東注經襄陽一道入溟渤別流爲滄浪

求思詠游女投弔悲昭王水濱不可問日暮空湯湯

漢江上作

羅隱

漢江波浪綠於苔每到江邊病眼開  
雨半風終日恨無名無跡幾時迴  
雲生岸谷秋陰合樹接帆檣晚  
思來對此空慙聖明代忍教纓上有塵埃

渡漢江去年春奉使東川經嶓冢山下

元稹

嶓冢去年尋漢水襄陽今日渡江濱  
山遙遠樹纔成點浦靜沉碑欲辨  
文萬里朝宗誠可美百川流入渺  
難分鯨鯢歸穴東溟溢又作波濤隨伍員

唐詩類苑

卷之三十三

三

湘水

湘中作

張九齡

湘流繞南嶽絕目轉青青懷祿未能已  
瞻途屢所經煙嶼宜春望林猿莫夜聽  
永路日多緒孤舟天復冥浮沈從此去  
嗟嗟勞我形

湘中

韓愈

猿愁魚涌水翻波自古流傳是汨羅  
蘋藻滿盤無處莫空聞漁父扣舷歌

湘中酬張十一功曹

韓愈

休垂絕徼千行淚共泛清湘一葉舟  
今日嶺猿兼越

鳥可憐同聽不知愁

湘中謠二首

崔塗

蒼山遙遙江潏潏路傍老盡沒閑人  
王孫不見草空綠惆悵渡頭春復春

煙愁雨細雲漠漠桂蘭香老三湘清  
故山望斷不知處鴉鳩隔花時一聲

湘中作

韋莊

千重煙樹萬重波因便何妨弔汨羅  
楚地不知秦地亂南人空怪北人多  
臣心未肯教遷鼎天道還應欲止戈  
否去泰來終可待夜寒休唱飯牛歌

唐詩類苑

卷之三十三

三

湘川弔舜

馬戴

伊予生好古弔舜蒼梧間白日坐將  
沒游波疑不還九疑雲動影曠野竹  
成斑鴈集兼葭渚猿啼霧露山南風吹  
早恨瑤瑟怨長閑元化誰能問天門恨  
久關

瀟湘遊

劉言史

夷女採山蕉緝紗浸江水野花滿髻  
妝花新閑歌欵乃深峽裏款乃知從  
何處生當時泣舜斷腸聲翠華寂寞嬋  
娟沒野篠空餘紅淚情青煙冥冥覆杉  
桂崖壁麥天風雨細昔人幽恨此地遺  
綠芳紅豔含怨姿清猿未盡鼯鼠切汨  
水流到湘妃祠北人莫作瀟湘

遊九疑雲入蒼梧愁

再上湘江

柳宗元

好在湘江水今朝又上來不知從此去更遣幾年迴

送友人入湘

李嘉祐

聞說湘川路年年古木多猿啼巫峽雨月照洞庭波

窮海人還去孤城鴈共過青山不可極來往自蹉跎

湘南曲

戎昱

虞帝南遊不復還翠娥幽怨水雲間昨夜月明湘浦

宿閨中珂佩度空山

湘南曲

戴叔倫

唐詩類苑

卷之三十三

三

盧橘花開楓葉衰出門何處望京師沅湘日夜東流

去不爲愁人住少時

渡湘江

杜審言

遲日園林悲昔遊今春花鳥作邊愁獨憐京國人南

窻不似湘江水北流

夜渡湘水

孟浩然

客行貪利涉夜裏渡湘川露氣聞芳杜歌聲識採蓮

榜人投岸火漁子宿潭煙行侶時相問潯陽何處邊

晚泊湘江

宋之問

五嶺懷惶客三湘顚顚顏况復秋雨霽表裏見衡山

路逐鵬南轉心依鴈北還唯餘望鄉淚更染竹成斑

自湘水南行

張九齡

落日催行舫逶迤洲渚間誰云有物役乘此更休閑

暝色生前浦清暉發近山中流澹容與唯愛鳥飛還

使還湘水

張九齡

歸舟定何處正值楚江平夕逗煙村宿朝緣浦樹行

于役已彌歲言旋今愜情鄉郊尚千里流目夏雲生

唐詩類苑

卷之三十三

三

唐詩類苑卷第三十四

明雲間張之象玄超甫纂輯

雲間徐光啓子先甫編次

雲間王徹叔朗甫補訂

梁谿曹仁孫伯安甫校正

水部

汾水

玄宗祭汾陰樂章十一首

開元十一年二月壬子上將幸晉陽宰相張說言

於上曰汾陰隍上有漢后土祠其禮久廢陛下宜

唐詩類苑

卷之三十四

因巡幸修之爲農祈穀上從之

大樂和暢殷薦明神一降通感八變必臻有求斯應

無德不親降靈醉止休徵萬人

韓思復

坤元載物陽樂發生播殖資始品彙咸亨列俎恭布

方壇砥平神歆禋祀后德惟明

盧從願

大君出震有事郊禋齋戒既肅馨香畢陳樂和禮備

候暖風春恭惟降福實賴明神

劉晃

於穆睿哲維清緝熙肅事昭配永言孝思滌濯靜嘉

馨香在茲神之聽之用受福釐

韓休

於穆聖皇六葉重光太原刻頌后土疏場寶鼎呈符

歆雲孕祥禮樂備矣降福穰穰 王峻

聿修嚴配展事禋宗祥符寶鼎禮備黃琬祀祠以信

明德惟聰介茲景福未末無窮 崔玄同

獨我漸饒絜我膏鄉有豆孔碩爲羞既臧至誠無昧

精意惟芳神其醉止欣欣樂康 賈曾

禮物斯具樂章乃陳誰其作主皇考聖真對越在天

聖明佐神宵然汾上厚澤如春 蘇頌

樂奏雲闕禮章載虔禋宗於地昭假於天惟馨薦矣

既醉歆焉神之降福永末萬年 何鸞

維歲之吉維辰之良聖君綏冕肅事壇場大禮已備

唐詩類苑

卷之三十四

大樂斯章神其醉止降福無疆 蔣挺

方丘既膳嘉饗載謐齊敬畢誠陶匏貴賁秀畢豐薦

芬俎盈實永末福流其昇如日 源光裕

汾陰行

李嶠

天寶末明皇乘春登勤政樓命梨園弟子歌數闕

有唱李嶠詩者云山川滿目淚沾衣富貴榮華能

幾時不見祗今汾水上惟有年年秋鴈飛時上春

秋衰邁問是誰詩或對曰李嶠因凄然涕下遽起

曰嶠真才子也又明年幸蜀登白衛嶺覽眺良久

又歌是詞復言李嶠真才子不勝感嘆時高力士

在側亦揮涕久之

君不見昔日西京全盛時汾陰后土帝親祠齋宮宿  
寢設厨供撞鐘鳴鼓樹羽旗漢家四葉才且雄賓延  
萬靈服九戎柏梁賦詩高宴罷詔書法駕幸河東河  
東太守親掃除奉迎至尊導轡與五營將校列容衛  
三河縱觀空里間回旌駐蹕降靈場焚香奠醑邀百  
祥金鼎發食正焜煌靈祗燁燁攄景光埋玉陳牲禮  
神畢舉麾上馬乘輿出彼汾之曲嘉可游水蘭爲楫  
桂爲舟棹歌微吟綵鷁浮簫鼓哀鳴白雲秋歡娛宴  
洽賜羣后家家復除戶牛酒聲各動天樂無有千秋

唐詩類苑

卷之三十四

三

汾陰后土祠作

李適

昔余讀舊史徧觀漢世君武皇實稽古建茲百代勲  
號令垂懋典舊經備闕文南巡歷九疑舳艫被江濱  
耀兵十八萬旌旗何紛紛竭來茂陵下英威不復聞

我行歲方晏望極山河分神光終冥漠鼎氣獨氛氲  
攬涕陟睢水登高見河汾雄圖今安在飛飛有白雲

澹水

侍宴澹水賦得濃字

張說

開中八水有澹水出藍田谷合金谷水北至灞城  
入灞出入上林苑

千行發御柳一葉下仙筇青浦宜游至朱城紫氣濃  
雲霞交暮色草樹喜春容謁譚天旗轉清笳入九重

侍宴澹水賦得長字

宗楚客

御輦出明光乘流泛羽觴珠胎隨日減玉漏與年長

唐詩類苑

卷之三十四

四

寒盡梅猶白風遲柳未黃日斜旌騎轉休氣轉林塘  
安州道中經澹水有懷

劉長卿

征途逢澹水忽似到秦川借問朝天處猶看落日邊  
映沙晴漾漾出澗夜濺濺欲寄西歸恨微波不可傳

龍泓水

宴龍泓

武三思

登臨開勝地眺矚盡良遊崑嶸繁紆上澄潭屈曲流  
泛蘭清興洽折桂野文道別後相思處崎嶇碧澗幽

奉和梁王宴龍泓應教

宋之問

水府淪幽壑星軺下太微鳥驚司僕馭花落侍臣衣



芳樹搖春晚晴雲遶坐飛淮王正留客不醉莫言歸

伊水

晚渡伊水

韋述

悠悠涉伊水伊水清見石是時春尚深兩岸草如積  
迢遞望洲嶼逶迤亘津陌新樹落疎紅遙原上新碧  
回首瞻洛陽遽有常山隔烟霧猶辨家風塵已爲客  
登陟多異趣往來見行役雲起早已昏鳥飛日將夕  
光陰逝不借超然慕疇昔遠遊亦何爲歸來存竹帛

伊水門

樓穎

朝陟伊水門伊水入門流愜心乃成興浩然汎孤舟

唐詩類苑

卷之三十四

五

霏微傍青靄容與隨白鷗竹陰交前浦柳花媚中洲  
日落陰雲生彌覺茲路幽聊以恣所適此外知何求

隴頭水

隴頭水

楊師道

通典曰天水郡有大阪名曰隴坻亦曰隴山卽漢  
隴關也三秦記曰其阪九回上者七日乃越上有  
清水四注下所謂隴頭水也

隴頭秋月明隴水帶關城笳添離別曲風送斷腸聲  
映雪峰猶暗乘冰馬屢驚霧中寒鴈至沙上轉蓬輕  
天山傳羽檄漢地急徵兵陣開都護道劍聚伏波營

於茲覺無度方共濯胡纓

經隴頭分水

岑參

隴水何年有潺潺通路傍東西流不歇曾斷幾人腸

隴頭水

盧照隣

隴坂高無極征人一望鄉關河別去水沙塞斷歸腸  
馬繫千年樹旌懸九月霜從來共鳴咽皆是爲勤王

隴頭水

沈佺期

隴山飛落葉隴鴈度寒天愁見三秋水分爲兩地泉  
西流入羌郡東下向秦川征客重回首肝腸空自憐

隴頭水送別

儲光義

唐詩類苑

卷之三十四

六

相送隴山頭東西隴水流從來心膽盛今日爲君愁  
暗雪迷征路寒雲隱戍樓唯餘旌旆影打逐去悠悠

隴頭水

羅隱

借問隴頭水年年恨何事全疑鳴咽聲中有征人淚  
自古無長策況我非深智何計謝潺湲一宵空不寐

隴頭水

僧皎然

隴頭心欲絕隴水不堪聞碎影搖槍壘寒聲咽幔軍  
素從鹽海積綠帶柳城分日落天邊望逶迤入塞雲

隴頭吟

于瀆

行人何徬徨隴頭水鳴咽寒沙戰鬼愁白骨風霜切

薄日矇矓秋怨氣陰雲結殺成邊將名名著生靈滅

隴頭水

王建

隴水何年隴頭別不在山中亦鳴咽征人塞耳馬不行未到隴頭聞水聲謂是西流入蒲海還聞北去繞龍城隴東隴西多屈曲野麋飲水長簇簇胡兵夜回水傍住憶著來時磨劍處向前無井復無泉放馬迴看隴頭樹

湖水

太湖秋夕

王昌齡

水宿煙雨寒洞庭霜落微月明移舟去夜前夢夢

唐詩類苑

卷之三十四

七

暗覺海風度蕭蕭聞鴈飛

泊震澤口

薛據

日落草木陰舟徒泊江汜蒼茫萬象開合杳聞風水洞沿值漁翁噉嘯逢樵子雲開天宇靜月明照萬里早鴈湖上飛晨鐘海邊起獨坐嘆遠遊登岸望孤舟零落星欲盡腫臃氣漸收行藏空自秉智識仍未周伍胥既伏劍范蠡亦乘流歌竟鼓楫去三江多客愁

太湖詩三首

并序

皮日休

余頃在江漢嘗耕鹿門戲澗胡然而未能放形者抑志於道也爾後以文事造請於是南浮至二別

涉洞庭迴觀數淺源登廬阜濟九江由天柱抵霍岳又自箕顓轉樊鄧陟商顏入藍關凡自江漢至

於京師者十數埃繞者二萬里道之不行者有困辱危殆志之可適者有山水遊玩則休戚不孤矣咸通九年自京東遊復得宿太華樂荆山賞女几度輾轅窮嵩高入京索浮汴渠至揚州又航天塹從北固至姑蘇噫江山幽絕見貴於地誌者余之所到不翅於半則煙霞魚鳥林壑雲月可爲屬厭之具矣尚枵然於志者抑古聖人所謂獨行之性乎逸民之流乎余真得而爲也既後聞震澤包山其中有靈異學黃老徒樂之多不返益欲一觀豁平生之鬱鬱焉十一年大司諫清河公憂霖雨之爲患乃擇日休將公命禱於震澤祀事既畢神應如響於是太湖之中所謂洞庭山者得以忒討凡所歷皆圖籍稱爲靈異者遂爲詩二十章以志其事兼寄天隨子

初入太湖

從胥口入去  
州五十里

聞有太湖名十年未曾識今朝得遊泛大笑稱平昔一舍行胥塘盡日到震澤三萬六千頃頃頃玻璃色連空淡無類照野平絕隄好放青翰舟堪弄白玉笛

疎岑七十二雙雙露矛戟悠然嘯傲去天上提畫鶴  
西風乍獵獵驚波疊油碧倏忽雷陣吼須臾玉崖折  
樹動爲蜃尾山浮似鰲脊落照射鴻溶清輝蕩拋攬  
雲輕似可染霞爛如堪摘漸暝無處泊挽帆從所適  
枕下聞澎湃肌上生瘳瘵討異足連迴尋幽多阻隔  
願風與良便吹入神仙宅甘將一蘊書求事嵩山伯

曉次神景宮

夜半幽夢中扁舟似鳬躍曉來到何許俄倚包山脚  
三百六十丈攢空利如削遐瞻但徙倚欲上先矍鑠  
濃露濕莎裳淺泉漸寒草屨行行未一里卽境轉寂

唐詩類苑

卷之三十四

九

真靜徑侵次寥仙扉傍巖壑松聲正清絕海日方照  
灼歛臨幽虛天萬想皆擺落壇靈有芝茵殿聖無鳥  
雀瓊幃自迴旋錦旌空繁錯鼎氣爲龍虎香煙混丹  
牋凝看出次雲默聽語時鶴綠書不可注雲笈應無  
鑰晴來鳥思喜菴裏花光弱天籟如擊琴泉聲似撻  
鐸清齋洞前院敢負玄科約空中悉羽章地上皆靈  
藥金醴可酣暢玉鼓堪咀嚼存心服燕胎叩齒讀龍  
躡福地七十二茲焉堪未託在獸乏虎羈於蟲不毒  
蠶嘗聞擇骨錄仙誌非可作綠腸旣朱髓青肝復紫  
絡伊余乏此相天與形貌惡每嗟原憲瘴常苦齊侯

瘴終然合委頓剛亦慕寥廓三茅亦嘗住竟與珪組  
薄欲問包山神來賒少巖壑

入林屋洞

齊心已三日筋骨如煙輕腰下佩金獸手中持火鈴  
幽塘四百里中有日月精連亘三十六各各爲玉京  
自非心至誠必被神物烹顧余慕大道不能惜微生  
遂招放曠侶同作幽憂行其門纔面丈初若盤薄矧  
洞氣黑眈眈苔髮紅鬚鬚試足值坎窩低頭避崢嶸  
攀緣不知倦怪異焉敢驚聞同一百步稍稍策可償  
忽然白蝙蝠來撲松炬明人語散湏洞石響高玲瓏

唐詩類苑

卷之三十四

十

脚底龍蛇氣頭上波濤聲有時若服匿偏仄如見繡  
俄爾造平澹豁然逢光晶金堂似鑄出玉座如磨成  
前有方丈沼凝碧融人情雲漿湛不動瑤露涵而馨  
瀨之恐減筭勺之必延齡愁爲三官責不敢攜一甌  
昔至夏后氏於此藏真經刻之以紫琳祕之以丹瓊  
期之以萬祀守之以百靈焉得彼丈人竊之不加刑  
在簣一以出左神俄不局禹書旣云得吳國由是傾  
解纒纒半尺中有怪物腥欲去旣嘆惜將迴又伶俜  
却遵舊時道半日出杳冥履泥惹石髓衣濕沾雲英  
玄錄乏仙骨青文無縉名雖然入陰官不得朝上清

對彼神仙窟自厭濁俗形却憎造物者遣我騎文星

五湖詩

汪遵

已立平湖霸越功片帆高颺五湖風不知戰國縱橫者誰似陶朱得始終

泛太湖書事寄微之

白居易

煙渚雲帆處處通飄然舟似入虛空玉杯淺酌迎初匝金管徐吟曲未終黃夾纈林寒有葉碧琉璃水淨無風避旗飛鷺翩翻白鷺鼓跳魚潑刺紅澗雪壓多松偃蹇巖泉滴久石玲瓏書爲故事留湖上吟作新詩寄浙東軍府威容從道盛江山氣色定知同報君

唐詩類苑

卷之三十四

十一

一事應君美五宿澄波皓月中

洞庭湖

宋之問

地盡天水合朝及洞庭湖初日當中涌莫辨東西隅晶耀目何在滌熒心欲無靈光宴海若游氣耿天吳張樂軒皇至征苗夏禹徂楚臣悲落葉堯女泣蒼梧野積九江濶山通五岳圖風恬魚自躍雲夕鴈相呼獨此臨泛漾浩將人代殊永言洗氛濁卒歲爲清娛要使功成退徒勞越大夫

夜泛洞庭湖尋裴侍御清酌

李白

日晚湘水綠孤舟無端倪明湖漲秋月獨泛巴陵西偶憇裴逸人巖居陵丹梯抱琴出深竹爲我彈鸚鵡曲盡酒亦傾北牕醉如泥人生且行樂何必組與珪

秋登巴陵望洞庭

李白

清晨登巴陵周覽無不極明湖映天光徹底見秋色秋色何蒼然際海俱澄鮮山青滅遠樹水綠無寒煙來帆出江中去鳥向日邊風清長沙浦霜空雲夢田瞻光惜頽髮閱水悲徂年北渚旣蕩漾東流自潺湲郢人唱白雪越女歌採蓮聽此更腸斷憑崖淚如泉

唐詩類苑

卷之三十四

十一

陪侍郎叔遊洞庭醉後三首

李白

今日竹林宴我家賢侍郎三杯容小阮醉後發清狂

二

船上齊橈樂湖心泛月歸白鷗閑不去爭拂酒筵飛

三

剗却君山好平鋪湘水流巴陵無限酒醉殺洞庭秋

臨洞庭

孟浩然

八月湖水平涵虛混太清氣蒸雲夢澤波撼岳陽城欲濟無舟楫端居耻聖明坐觀垂釣者徒有羨魚情

過洞庭湖

杜甫

蛟室圍青草龍堆隱白沙護堤盤古木迎棹舞神鷄  
破浪南風正回棹畏日斜湖光與天遠直欲犯仙槎

洞庭湖

元稹

人生除泛海便到洞庭波駕浪沈西日吞空接曙河  
虞巡竟安在軒樂詎曾過惟有君山下狂風萬古多

過洞庭

朱慶餘

帆挂狂風起茫茫既往時波濤如未息舟楫亦堪疑  
旅鴈捉孤島長天下四維前程有平處誰敢與心期

賦洞庭

僧可朋

周極八百里凝眸望則勞水涵天影濶山拔地形高

唐詩類苑

卷之三十四

十三

賈客停非久漁翁轉幾遭颯然風起處又是鼓波濤

泊洞庭

僧可朋

槐柳未知秋依依館驛頭客心俱念遠時雨自相留  
浪沒貨漁市帆高賣酒樓夜來思展轉故里在南州

岳陽館中望洞庭湖

劉長卿

萬古巴丘戍平湖此望長問人何森森愁暮更蒼蒼  
疊浪浮元氣中流沒太陽孤舟有歸客早晚達瀟湘

杪秋洞庭懷王道士

謝太虛

漂泊日復日洞庭人更秋青桃亦何意此夜催人愁  
惆悵客中月徘徊江上樓心知楚天遠目送蒼波流

謝客久已滅微言無處求空餘白雲在客興隨孤舟  
千里香難盡一身常獨遊故園復何許江漢徒遲留

過洞庭

李嶼

浩渺注黃流千潭合萬湫半洪侵楚翼一汊屬吳頭  
動軸當新霽漫空正仲秋勢翻荊口連聲擁岳陽浮  
遠脉滋衡岳微涼散橘州星辰連影動嵐翠逐隅收  
漸落分行鴈旋添趣伴舟昇騰人莫測安穩路何憂  
氣與塵中別言堪象外搜此身如粗了來把一竿休

送梁六歸洞庭山作

張說

巴陵一望洞庭秋日見孤峰水上浮聞道神仙不可

唐詩類苑

卷之三十四

十四

接心隨湖水共悠悠

至巴陵與李十二裴九同泛洞庭

賈至

江畔楓葉初帶霜渚邊菊花亦已黃輕舟落日興不  
盡三湘五湖意何長

初至巴陵與李十二白同泛洞庭湖二首

賈至

江上相逢皆舊遊湘山永望不堪愁明月秋風洞庭

水孤鴻落葉一扁舟

楓岸紛紛落葉多洞庭秋水晚來波乘興輕舟無近

遠白雲明月弔湘娥

陪族叔刑部侍郎曄及中書賈舍人至遊洞

庭五首

李白

洞庭西望楚江分水盡南天不見雲日落長沙秋色遠不知何處弔湘君

南湖秋水夜無煙耐可乘流直上天且就洞庭賒月色將船買酒白雲邊

洛陽才子謫湘川元禮同舟月下仙記得長安還欲笑不知何處是西天

洞庭湖西秋月輝瀟湘江北早鴻飛醉客滿船歌白

唐詩類苑

卷之三十四

五

亭不知霜露入秋衣

帝子瀟湘去不還空餘秋草洞庭間淡掃明湖開玉鏡丹青畫出是君山

洞庭送李十二赴零陵

賈至

今日相逢落葉前洞庭秋水遠連天共說京華舊遊處回看北斗欲潸然

洞庭

劉夢得

湘江秋月兩相和潭面無風鏡未磨遙望洞庭山翠小白銀盤裏一青螺

洞庭

雍陶

煙波不動影沈沈碧色全無翠色深疑是水仙梳洗處一螺青黛鏡中心

宿洞庭

鄭雲叟

月到君山酒半醒朗吟疑有水仙聽無人識我真閑事贏得高秋看洞庭

過南岳入洞庭湖

杜甫

洪波忽爭道岸轉異江湖鄂渚分雲樹衡山引舳舻翠芽穿裊蔣碧節吐寒蒲病渴身何去春生力更無壤童犁雨雪漁屋架泥塗欹側風帆滿微冥水驛孤悠悠迴赤壁浩浩略蒼梧帝子留遺恨曹公屈壯圖

唐詩類苑

卷之三十四

六

聖朝光御極殘孽

謂吐蕃也

駐艱虞才淑隨廝養名賢隱

鍛鑪邵平元入漢張翰後歸吳莫怪啼痕數危檣逐夜烏

宴小洞庭

蘇源明

天寶十二載源明守東平宴濮陽崔季重魯郡李蘭濟南田琦濟陽李陵於回源亭爲小洞庭五大

守燕集載其歌云

小洞庭兮寓方舟風嫋嫋兮離平流寓方舟兮小洞庭雲微微兮連絕徑層瀾壯兮緬以沒重岳轉兮超以忽馮夷逝兮護輕橈蛟龍行兮落增潮泊中潮兮

澹而閑並曲激今悵而還適予手今非予期將解袂  
今藜予回尚君子今壽厥身承明主今憂斯人

餞袁廣于小洞庭

蘇源明

源明時以國子司業召須尉袁廣餞于小洞庭復  
歌云

浮漲湖兮莽條遶川后禮今扈予橈橫增沃今蓬仙  
延川后福兮易予船目澄凝今明空波星磊落今耿  
秋河夜既涼今酒且多樂方作今柰別何

洞庭言懷

李白

見人部述懷

唐詩類苑

卷之三十四

七

宿青草湖

杜甫

青草湖與洞庭湖相連在岳州

洞庭猶在目青草續爲名宿槳依農事郵籤報水程  
寒水爭倚薄雲月遞微明湖鴈雙雙起人來故北征

澧湖作并序

趙冬曦

巴丘南澧湖者蓋沉湘澧汨之餘波焉茲水也淪  
匯洞庭澹澹千里夏潦奔注則洑爲此湖冬霜既  
零則涸爲平野按爾雅云水返入爲澧斯名之作  
有由焉爾而此鄉炎暑子月草生彌望青青相與  
遊精豈盈虛之可嘆亦風景之多傷感物增懷因

書其事

三湖迭入兩山間畜作澧湖灣復灣暑雨奔流潭正  
滿微霜及潦水初還水還波捲溪潭涸綠草芊芊岸  
嶄崖適來飛棹共洞旋已復揚鞭恣行樂道傍者老  
步蹣蹣楚言茲事不知年試就湖邊披草徑莫疑東  
海變桑田君訝今時盡陵陸我看明歲更淪連來今  
自昔無終始人事迴環恒若懸應思闕下聲華日誰  
謂江潭旅泊年初真正喜固賞然往蹇來譽宜可傳  
盈虛用舍輪與旋勿學靈均遠問天

同趙侍御澧湖作

張說

唐詩類苑

卷之三十四

十八

江南湖水嘯山川春江溢入共湖連氣色紛淪橫  
海波濤鼓怒上漫天鱗宗殷族嬉爲府弋叟師利  
焉聚歆帆側柁弄風口赴險臨深繞灣浦一灣一浦  
悵遶迴千曲千澁恍迷哉乍見靈妃含笑往復聞遊  
女怨歌來暑來寒往運迴汎潭生水落移陵谷雲間  
墜翮散泥沙波上浮查樓樹木昨暮飛霜下北津今  
朝行鴈度南濱處處溝洫清源竭年年舊葦白頭新  
天地盈虛尚難保人間倚伏何須道秋月晶晶泛澄  
瀾冬景青青步纖草念君宿昔觀物變安得踟躕不  
衰老



秋夜遊澗湖二首 并序

尹 忭

燕公以蓋

一作

司馬初到趙侍御客焉率理方舟

嬉遊澗壑覽山川之異採泉石之奇騁望崇朝留

樽待月一時之樂豈不盛與賦詩者列之於左

熊軾巴陵地鷁舟湘水潯江山與勢遠泉石自幽深  
香藹入天壑冥茫見道心超然無俗事清宴有空林

二

江湖饒奇山巘羅雲水間風秋樹色雜苔古色文斑

巴俗將千港澗湖凡幾灣嬉遊竟不盡乘月泛舟還

秋夜遊澗湖二首

張 說

唐詩類苑

卷之三十四

十九

澗湖佳可遊既近復能幽林裡棲精舍山間轉去舟

鴈飛江月冷猿嘯野風秋不是迷鄉客尋奇處處留

二

共嘯人事閑佳遊野情發山門送落照湖口望昇月

林尋猿狖居水戲黿鼉穴朔風吹飛鴈江草亦云歇

秋夜遊澗湖二首

趙冬曦

政理常多暇方舟此泝洄吹笙虛洞答舉檝便風催

山暗雲猶辨潭幽月稍來清溪無數曲未盡莫先迴

二

煙藹夕微蒙幽灣賞未窮艤舟待初月褰幌招遠風

鶴聲聒幽浦漁火明暗叢東山雲壑意不謂爾來同

秋夜遊澗湖二首

張 均

遠水沈西日寒沙聚夜鷗平湖乘月滿飛棹接星流  
黃葉鳴淒吹蒼葭掃暗洲願移滄浦賞歸待楓川遊

二

灣潭幽意深杳靄湧寒岑石痕秋水落嵐氣夕陽沈  
澄徹天爲底淵玄月作心青溪非大隱歸弄白雪潯

別澗湖

張 說

念別澗湖去浮舟更一臨千峰出浪險萬木抱煙深  
南郡延恩渥東山戀宿心露花香欲醉時鳥嘯餘音

唐詩類苑

卷之三十四

三

涉趣皆留賞無奇不遍尋莫言山水間幽意在鳴琴

奉和別澗湖

趙冬曦

南湖羨泉石君子玩幽奇灣澳陪臨泛巖岵共踐窺  
秋風頽桂竦春景綠楊垂郢路委分竹湘濱擁去麾

枉帆懷勝賞留景惜差池水木且不棄情遊良可知

泛沔州城南郎官湖 并序

李 白

乾元歲秋八月白遷於夜郎遇故人尚書郎張謂

出使夏口沔州牧杜公漢陽宰王公觴於江城之

南河樂天下之再平也方夜水月如練清光可掇

張公殊有勝槩四望超然乃顧白曰此湖古來賢



豪遊者非一而枉踐佳景寂寥無聞夫子可爲我  
標之嘉名以傳不朽白因舉酒酌水號之曰郎官  
湖亦猶鄭圃之有僕射陂也席上文士輔翼岑靜  
以爲知言乃命賦詩紀事刻石湖側將與大別山  
共相磨滅焉

張公多逸興共泛沔城隅當時秋月好不減武昌都  
四座醉清光爲歡古來無郎官愛此水因號郎官湖  
風流若未減名與此山俱

陪從祖濟南太守泛鵲山湖三首

李白

唐詩類苑

卷之二十四

主

初謂鵲山近寧知湖水遙此行殊訪戴自可緩歸橈

二

湖濶數千里湖光搖碧山湖西正有月獨送李膺還

三

水入北湖去舟從南浦回遙看鵲山轉却似送人來

彭蠡湖上

張九齡

沿涉經大湖湖流多洗決凌晨趨北渚逗浦已西日  
所適雖淹曠中流且閑逸瑰詭良復多感見乃非一  
廬山直陽潁孤石當陰術一水雲際飛數峰湖心出  
象類何交紕形言豈深悉且知皆自然高下無相恤

過彭蠡湖

李白

謝公入彭蠡因此遊松門余方窺石鏡兼得窮江源  
前賞迹可見後來道空存而欲繼風雅豈唯清心魂  
雲海方助興波濤何足論青嶂憶遙月綠蘿鳴愁猿  
水碧或可採金膏秘莫言余將振衣去羽化出黃煩  
下潯陽城泛彭蠡寄黃判官

李白

浪動灌嬰井潯陽江上風開帆入天鏡直向彭湖東  
落景轉疎雨晴雲散遠空名山發佳興清賞亦何窮  
石鏡挂遙月香爐滅彩虹相思俱對此舉目與君同

唐詩類苑

卷之二十四

主

自彭蠡湖初入江

張九齡

江岫殊空濶雲煙處處浮上來群噪鳥中去獨行舟  
牢落誰相顧逶迤日自愁更將心問影于役復何求

彭蠡湖晚歸

白居易

彭蠡湖天晚桃花水氣春鳥飛千白點日沒半紅輪  
何必爲遷客無勞是病身但來臨北望少有不愁人

彭蠡湖春望

項斯

湖亭東極望遠棹不須迴遍草新湖落連天衆鴈來  
蘆洲殘照盡雲障積煙開更想鴟夷子扁舟安在哉

泛鄱陽湖

韋莊

四顧無邊鳥不飛，大波驚隔楚山微。  
紛紛雨外靈均過，瑟瑟雲中帝子歸。  
鯉似梭投遠浪，小舟如葉傍斜暉。  
鴟夷去後何人到，愛者雖多見者稀。

遊鏡湖寄包賀二公

孟浩然

試覽鏡湖水中流，見底清不知。  
鱸魚味但識，鷗鳥情旣得。  
樵風送春逢穀雨，晴將探夏禹穴稍肯越。  
王城府掾有包子，文章推賀生。  
滄浪醉後唱，因子寄同聲。

泛鏡湖南溪

宋之問

乘興入幽棲，舟行日尚低。  
巖花候冬發，谷鳥作春啼。  
杳嶂開天小，叢篁夾路迷。  
猶聞可憐處，更在若耶溪。

唐詩類苑

卷之三十四

三

鏡湖西島言事寄陶校書

方干

樵獵兩三戶，周疎是近隣。  
風雷前壑雨，花木後巖春。  
文字不得力，桑麻難救貧。  
山禽欺穉子，夜犬吠漁人。  
未必聖明代，長將雲水親。  
知音不赴薦，何路出泥塵。

鑑湖西島言事

方干

傭拙幸便荒僻地，縱聽猿鳥亦何愁。  
偶斟藥酒欺梅雨，却著寒衣過麥秋。  
歲計有時添橡實，生涯一半在漁舟。  
世人若便無知己，應向此溪成白頭。

石梁湖別陸兼

劉長卿

故人千里道，滄波一年別。  
夜上明月樓，相思楚天闊。

蕭蕭清秋暮，嫋嫋涼風發。  
湖色淡不流，沙鷗遠還滅。  
煙波日已遠，音問日已絕。  
歲晏空含情，江皋綠芳歇。

赤沙湖

劉長卿

茫茫葭葦外，一望一沾衣。  
秋水連天濶，溼陽何處歸。  
沙鷗積暝雪，川日動寒暉。  
楚客來相問，孤舟泊釣磯。

永福湖和楊鄭州

賈島

積水還平岸，春來引鄭溪。  
舊渠通郭下，新堰絕湖西。  
嵩少分明對，瀟湘濶狹齊。  
客遊隨庶子，孤嶼草萋萋。

石魚湖上作

并序

元結

漣泉南上有獨石，在水中狀如遊魚。  
魚凹處修之，可以眠。  
姜魚切酒水涯四匝，多欹石相連。  
石上堪人坐，水能浮小舫。  
載酒又能繞石魚，洄流乃命湖曰石魚湖。  
鐫銘於湖上，顯示來者，又作詩以歌之。

唐詩類苑

卷之三十四

三

吾愛石魚湖，石魚在湖裏。  
魚背有酒樽，繞魚是湖水。  
兒童作小舫，載酒勝一杯。  
座中令酒舫空去，復滿來。  
湖岸多欹石，石下流寒泉。  
醉中一盃漱，快意無比焉。

金玉吾不須，軒冕吾不愛。  
且欲坐湖畔，石魚長相對。

夜讌石魚湖作

元結

風霜雖慘然，出遊熙天晴。  
登臨日暮歸，置酒湖上亭。  
高燭照泉深，光華溢軒楹。  
如見海底日，瞳瞳始欲生。

夜讌石魚湖作

元結

風霜雖慘然，出遊熙天晴。  
登臨日暮歸，置酒湖上亭。  
高燭照泉深，光華溢軒楹。  
如見海底日，瞳瞳始欲生。

夜寒閉牕戶石溜何清冷若在深洞中半崖聞水聲  
醉人疑舫影呼指遞相驚何故有雙魚隨吾酒舫行  
醉昏能誕語勸醉能忘情坐無拘忌人勿限醉與醒

題漢州西湖

房琯

高流纏峻隅城下緬丘墟決渠信浩蕩潭島成江湖  
結宇依迴渚水中信可居三伏氣不蒸四達暑自徂  
同人千里駕鄰國五馬車月出共登舟風生隨所如  
舉麾指極浦欲極更盤紆繚繞各殊致夜盡情有餘  
遭亂意不開卽理還暫往安得長晤語使我憂更除

題房公琯漢州西湖

嚴公賁

唐詩類苑

卷之三十四

五

鳳池才未盡餘思鑿西湖珍木羅修岸水光映坐隅  
琴臺今寂寞竹島尚縈紆猶蘊濟川志芳名終不渝  
和李德裕遊漢州房公湖二首

鄭澣

太尉留琴聽時移重可暴徽絃一掩抑風月助登臨  
榮駐青油騎高張白雪音祗言酬唱美良史記王箴

二

靜對煙波夕猶思棟宇精卧龍空有處馴鳥獨忘情  
顧步襟期遠參差物象橫自宜雕樂石爽氣際青城

陪王漢州留杜綿州泛房公西湖

杜甫

舊相思追後春池賞不稀閑庭分未到舟楫有光輝  
豈化尊絲熟刀鳴鱸縷飛使君雙皂蓋灘淺正相依

題漢州西湖

嚴公賁

西湖創置自房公心匠縱橫造化同見說鳳池推獨  
步高名何事滯川中

宿鰕湖

李白

鷄鳴發黃山暝投鰕湖宿白雲映寒山森森似銀竹  
提攜採松客結荷水邊沐半夜四天開星河爛人目  
明晨大樓去固隴多屈伏當與持斧翁前溪伐雲木

唐詩類苑

卷之三十四

五

送友人遊梅湖

李白

送君遊梅湖應見梅花發有使寄我來無令紅芳歇  
暫行新林浦定醉金陵月莫惜一鴈書音塵坐吳越

申湖

薛能

昔年依峽寺每日見申湖下淚重來此知心一已無  
雨霖舟色暗崖拔木形枯舊境深相惱新春宛不殊  
方來尋熟侶起去恨驚覺忍事花何笑喧吟瀑正龔  
堪憂從宦到倍遣囊懷孤上馬終回首傍人怪感吁

女墳湖

皮日休

萬貴千奢已寂寥可憐幽憤爲誰嬌須知韓重相思

骨直在芙蓉向下消

女墳湖

陸龜蒙

水平波淡遶廻塘，鶴殉人沈萬古傷。  
應是離魂雙不得，至今沙上少鴛鴦。

江西題東湖

曹松

鑿出江湖思涼多，間無風觸微浪半日。  
秋山客袖沙光滿，船牕荻影閑時人見黃綬。  
應笑狎鷗還

三月五日陪裴大夫泛長沙東湖

崔護

上已餘風景芳辰，集遠坳綵舟浮泛。  
蕩綉轂下娉婷

唐詩類苑

卷之三十四

三七

樓樹迴葱蒨，笙歌入杳冥。  
湖光迷翡翠，草色醉蜻蜓。  
鳥弄桐花日，魚翻穀雨萍。  
從今留勝會，誰看畫蘭亭。

三堂東湖作

韋莊

滿塘秋水碧泓澄，十畝菱花晚鏡清。  
影動新橋橫蛺蝶，聲穿綠浦聒鷓鴣。  
蟾投夜魄當湖落，岳倒秋蓮入浪生。  
何處最添詩客興，黃昏煙雨亂蛙聲。

湖南曲

崔國輔

湖南送君去，湖北送君歸。  
湖裏鴛鴦鳥，雙雙他自飛。

南湖送徐二十七西上

劉長卿

家在橫塘曲，那能萬里違。  
門臨秋水，水揜帆帶夕陽飛。

傲俗宜紗帽，干時倚布衣。  
獨將湖上月，相逐去還歸。

送盧判官南湖

劉長卿

漾舟仍載酒，愧爾意相寬。  
草色南湖綠，松聲小暑寒。  
水禽前後起，一作花嶼往來看。  
已作滄洲調，無心戀一官。

宿懷仁縣南湖寄東海荀處士

劉長卿

向夕欽微雨，晴開湖上天。  
離人正惆悵，新月愁嬋娟。  
佇立白沙曲，相思滄海邊。  
浮雲自來去，此意誰能傳。  
一水不相見，千峰隨客船。  
寒塘起孤鴈，夜色分鹽田。

唐詩類苑

卷之三十四

三八

時復一延首，憶君如眼前。

姑蘇城南湖陪曹使君遊

羅隱

水蓼花紅稻穗黃，使君蘭棹泛迴塘。  
倚風藻行先開路，迎旆鳥鷺盡着行。  
手裏兵符神與術，腰間金印綵為囊。  
少年太守勳庸盛，應笑燕臺兩鬢霜。

南湖

溫庭筠

湖上微風入，檻涼翻翻菱荇滿。  
廻塘野舫着岸，偎春草水鳥帶波飛。  
夕陽蘆葉有聲疑，霧雨浪花無際似。  
瀟湘飄然蓬艇東，遊客盡日相看憶楚鄉。

侯郎中新置西湖

方干

遠近利民因智办周廻潤物象心源孤蒲縱感生成  
惠鱣鮪那知廣大恩漱澗清暉吞半郭紫紆別派入  
遙林沙泉遶石通山脉岸木粘萍是浪痕已見澄來  
連鏡底兼知極處浸雲根波濤不起時方泰舟楫徐  
行日易昏煙霧未應藏島嶼鳬鷺亦解避旌旛雖云  
桃葉歌還醉却被荷花笑不言孤鶴必應思鳳沼凡  
魚豈合在龍門能將盛事添元化一夕機謨萬古存  
早春西湖閑遊悵然興懷憶與微之同賞因  
思在越官重事嚴鏡湖之遊或恐未暇偶  
成十八韻寄微之 白居易

唐詩類苑

卷之三十四

元

上馬復呼賓湖邊景氣新歌絃三數事騎從十餘人  
立換登山屐行攜鹿酒巾逢花看當妓遇草坐爲茵  
西日籠黃柳東風蕩白蘋小橋裝鴈齒輕浪覓魚鱗  
畫舫牽徐轉銀船酌慢巡野情遺世累醉能任天真  
彼此年將老平生分最親高天從所願遠地得爲鄰  
雲樹分三驛煙波限一津翻嗟寸步隔却厭尺書頻  
浙右稱雄鎮山陰委重臣貴垂長紫綬榮駕大朱輪  
出動刀槍隊歸生道路塵鴈驚弓易散鷗怕鼓難馴  
百吏瞻相百千夫捧擁身自然閒興少應負鏡湖春  
同字文晁尚書之甥崔或司業之孫尚書之

子重泛鄭監前湖

杜甫

郊屏俗遠長幽寂野水春來更接連錦席淹留還出  
浦葛巾欹側未回舡尊當霞綺輕初散棹拂荷珠碎  
却圓不但習池歸醕酌君看鄭谷去賓緣

泛曲阿後湖簡同遊諸公 劉長卿

元氣浮積水沉沉不流春風萬頃綠映帶至徐州  
爲客難適意逢君方暫遊賓緣白蘋際日暮滄浪舟  
渡口微月進林西殘雨收水雲去仍濕沙鶴鳴相留  
且習子陵隱能忘生事憂此中深有意非爲釣魚鉤

後湖

元稹

唐詩類苑

卷之三十四

三十

荆有泥潭水在荆之邑郭郭前水在後謂之爲後湖  
環湖十餘里歲積潢與汚臭腐魚鼈死不植菰與蒲  
鄭公理三載職司空其理用煦愉歲稔民四至監壓亦  
監衢公乃署其地爲民先矢謨人人儻自爲我亦不  
庀徒下俚得聞之各各相俞俞提攜翁及孫捧戴婦  
與姑壯者負礫石老亦捋茅芻斤磨片片雪椎隱連  
連珠朝餐布庭落夜宿完戶樞鄰里近相告親戚遠  
相呼鬻者自爲鬻酤者自爲酤鷄犬豐中市人民岐  
下都百年廢滯所一旦與浩區我實司水土得爲官  
事無人言賤事貴貴直不貴諛此實公所小安用歌

袴襦客云潭及廣以至鄂與吳萬里盡澤國居人皆  
墊濡富者不容蓋貧者不庇軀得不歌此事以我爲  
楷模

湖中寄王侍御

丘爲

日日湖水上好登湖上樓終年不向郭過午始梳頭  
賞亦愛杯酒得無相獻酬小童能膾鯉少妾事蓮舟  
每有江南信仍期後月遊方春轉搖蕩孤興時淹留  
驄馬真傲吏翛然無所求晨起玉階下心許滄江流  
少別如昨日何言經數秋應知方外事獨往非悠悠

湖中

顧况

唐詩類苑

卷之二十四

五

青草湖邊日色低黃茅嶂裏鷓鴣啼丈夫飄泊今如  
此一曲長歌楚水西

湖中自照

白居易

重重照影看容鬢不見朱顏見白絲失却少年無覓  
處泥他湖水欲何爲

秋日湖上

薛瑩

落日五湖遊煙波處處愁沉浮千古事誰與問東流  
湖上言事寄長城喻明府

方干

吟霜與卧雪此興亦甘貧吹剪落翠羽垂絲牽錦鱗  
滿湖風撼月半日雨藏春却笑繁簪組勞心遠字人

戲題湖上

常建

湖上老人坐磯頭湖裏桃花水却流竹竿嫋嫋波無  
際不知何者吞吾鉤

春題湖上

白居易

湖上春來似畫圖亂峰圍繞水平鋪松排山面千重  
翠月點波心一顆珠碧毯線頭抽早稻青羅裙帶展  
新蒲未能拋得杭州去一半勾留是此湖

同金壇令武平一遊湖三首

儲光義

唐詩類苑

卷之二十四

五

朝來仙閣聽絃歌暝入花亭見綺羅池邊命酒憐風  
月浦口回船惜芰荷

朦朧竹影蔽巖扉淡蕩荷風飄舞衣舟尋綠水宵將  
半月隱青林人未歸

北潭竹嶼傍幽溪畫檝浮空入夜溪芰荷覆水船難  
進歌舞留人月易低

陪睦州胡中丞泛湖

方干

仙舟仙樂醉行春上界稀逢下界人綺繡峰前聞野  
鶴旌旗影裏見遊鱗澄潭澈底齊心鏡雜樹含芳讓  
錦茵片許從容誰不幸就中光顯是州民

答微之見寄

白居易

可憐風景浙東西先數餘杭次會稽禹廟未勝天竺  
寺錢湖不美若耶溪擺塵野鶴春毛暖拍水沙鷗濕  
翅低更對雪樓君愛否紅欄碧甃點銀泥

卷之三十四

三

唐詩類苑卷第三十五

明雲間張之象玄超甫纂輯

雲間徐光啓子先甫編次

雲間王徹叔朗甫補訂

梁谿曹仁孫伯安甫校正

水部

川

輞川

元稹

世累爲身累閒忙不自由殷勤輞川水何事出山流

聞所知游樊川

鄭谷

唐詩類苑

卷之三十五

誰無泉石趣朝下少同過貪勝覺程遠愛閒經宿多

片沙留白鳥高水引青蘿醉把漁竿去殷勤藉岸莎

題稚川山水

戴叔倫

松下茅亭五月涼汀沙雲樹暗蒼蒼行人無限秋風

思隔水青山似故鄉

暖川

李益

胡風凍合鵝鵲泉牧馬千群逐暖川塞外征行無盡

日年年移帳雪中天

江州望廬川

羅隱

東南蒼翠何崔嵬橫流一望幽抱開影寒已冷水底

去脚濶欲過湖心來深處不堪容鬼怪暗中兼恐有  
風雷仙人往往今誰在紅杏花香重首廻

浦

秋浦歌三首

李白

秋浦長似秋蕭條使人愁客愁不可度行上東大樓  
正西望長安下見江水流寄言向江水汝意憶儂否  
遙傳一掬淚爲我達揚州

千千石楠樹萬萬女貞林山山白鷺滿澗澗白猿吟  
君莫向秋浦猿聲碎客心

秋浦猿夜愁黃山堪白頭青溪非隴水翻作斷腸流

唐詩類苑

卷之三十五

二

欲去不得去薄遊成久遊何年是歸日雨淚下孤舟

秋浦歌十四首

李白

秋浦錦綸鳥人間天上稀山鷄羞綠水不敢照毛衣

二

兩鬢入秋浦一朝颯已衰猿聲催白髮長短盡成絲

三

秋浦多白猿超騰若冰雪牽引條上兒飲美水中月

四

愁作秋浦客強看秋浦花山川如剡縣風日似長沙

五

醉上山公馬寒歌寧戚牛空吟白石爛淚滿黑貂裘

六

秋浦千重嶺水車嶺最奇天傾欲墮石水拂寄生枝

七

江祖一片石青天掃畫屏題詩留萬古綠字錦苔生

八

邏人橫鳥道江祖出魚梁水急客舟疾山花拂面香

九

水如一疋練此地卽平天耐可乘明月看花上酒船

十

唐詩類苑

卷之三十五

三

綠水淨素月月明白鷺飛郎聽採菱女一道夜歌歸

十一

爐火照天地紅星亂紫煙根郎明月夜歌曲動寒川

十二

白髮三千丈綠愁似不長不知明鏡裏何處得秋霜

十三

秋浦田舍翁採魚水中宿妻子張白鵬結罟映深竹

十四

桃波一步地了了語聲聞閤與山僧別低頭禮白雲

劉郎浦口號

呂溫



吳蜀成婚此水潯明珠步障幄黃金誰將一女輕天下欲換劉郎鼎峙心

發劉郎浦

杜甫

挂帆早發劉郎浦疾風颯颯昏亭午舟中無日不沙塵岸上空村盡豺虎十日北風風未迴客行歲晚猶相催白頭厭伴漁人宿黃帽青鞋歸去來

宿空舫峽青樹村浦

陳子昂

的的明月水啾啾寒夜猿客思浩方亂洲浦寂無喧憶作千金子寧知九逝魂虛聞事朱閣結綬登華軒委別高堂愛窺覲明主恩今成轉蓬去嘆息復何言

唐詩類苑

卷之三十五

四

乘潮至漁浦

陶翰

艤棹乘早潮潮來如風雨嶂高忽已界峰暗莫及覩崩騰心爲失浩蕩目無主風停浪始開漾漾入漁浦雲景共澄霽江山相含吐倬然造化工此事從終古流沫誠足誠高歌調易苦頗因忠信全客念猶栩栩

新林浦阻風寄友人

李白

潮水定可信天風難與期清晨西北轉薄暮東南吹以此難挂席佳期益相思海月破圓影孤蔕生綠池昨日北湖梅開花已滿枝今朝東門柳夾道垂清絲歲物忽如此我來定幾時紛紛江上雪草草客中悲

明發新林浦空吟謝朓詩

宿鑿石浦

杜甫

早宿賓從勞仲春江山麗飄風過無時舟艤不敢繫白塘澹暮色日沒衆星嘒缺月殊未生青燈死分翳窮途多俊異亂世少恩惠鄙夫亦放蕩草草頻卒歲斯文憂患餘聖哲垂彖繫

南浦別

白居易

南浦淒淒別西風嫋嫋秋一看腸一斷好去莫迴頭

雙楓浦

杜甫

輟棹青楓浦雙楓舊已摧自驚衰謝力不道棟梁材

唐詩類苑

卷之三十五

五

浪足浮紗帽皮須截錦苔江邊地有主暫借上天迴

宿范浦

崔國輔

月暗湖又落西陵渡暫停村煙和海霧舟火亂江星路轉定山遠塘連范浦橫鷗夷近何去空山臨滄溟

晚投江澤浦卽事呈柳兵曹泥

耿漳

落日過重霞輕煙上遠沙移舟衝荇蔓轉浦入蘆花斷岸迂來客連波漾去槎故鄉何處在更道向天涯

錦浦

鄭谷

流落夜淒淒春寒錦浦西不甘花逐水可惜雪成泥

病眼嫌燈近離腸賴酒迷憑君囑鵲鳩莫向五更啼

狄浦

羅隱

晴川倚落暉極目思依依野色寒來淺人家亂後稀  
久貧身不達多病意長違還有漁舟在時時夢裏歸

宿讓河驛浦

陳子昂

沿流辭北渚結纜宿南州岸合昏初夕迴塘暗不留  
臥聞塞鴻斷坐聽峽猿愁沙浦明如月汀葭晦若秋  
不及能鳴鴈徒思海上鷗天河殊未曉滄海信悠悠

南浦篇

孟郊

南浦桃花亞水紅水邊柳絮由春風鳥鳴啾啾煙濛濛  
唐詩類苑卷之三十五

六

濛自從遠送對悲翁此翁已與少年別唯憶深山深  
谷中

蓮浦謠

溫庭筠

鳴橈輒輒溪溶溶廢綠平煙吳苑東水清蓮媚兩相  
向鏡裏見愁愁更紅白馬金鞍大堤上西江日夕多  
風浪荷心有露似驪珠不是真圓亦搖蕩

獨樹浦雨夜寄李六郎中白居易

忽憶兩家同里巷何曾一處不追隨閒遊預算分朝  
日靜語多同待漏時花下放狂衝黑飲燈前起坐徹  
明基可知風雨孤舟夜蘆葦叢中作此詩

溪

清溪行

李白

清溪清我心水色異諸水借問新安江見底何如此  
人行明鏡中鳥度屏風裏向晚猩猩啼空悲遠遊子

清溪館作

錢戴

指途清溪裏左右唯深林雲蔽望鄉處雨愁爲客心  
遇人多物役聽鳥時幽音何必滄浪水庶茲浣塵襟

池州清溪

杜牧

美溪終日到黃昏照數秋來白髮根何物賴君千遍  
洗筆頭塵土漸無痕

唐詩類苑

卷之三十五

七

清溪

王維

言入黃花川每逐青溪水隨山將萬轉趨途無百里  
聲喧亂石中色淨深松裏漾漾泛菱荇澄澄映葭葦  
我心素已閒清川澹如此請留盤石上垂釣將已矣

宣城青溪

李白

青溪勝桐廬水木有佳色山貌日高古石容天傾側  
綵鳥昔未名白猿初相識不見同懷人對之空歎息

汎茅山東溪

儲光羲

清晨登仙峰峰遠行未極江海霽初景草木含秋色  
而我任天和此時聊動息望鄉白雲裏發棹清溪側

松栢生深山無心自貞直

宿太白東溪李老舍寄弟姪

岑參

渭上秋雨過北風何騷騷天晴諸山出太白峰最高  
主人東溪老兩耳生長毫遠近知百歲子孫皆二毛  
中庭井欄上一架獼猴桃石泉飯香粳酒甕開新糟  
愛茲田中趣始悟世上勞我行有勝事書此寄爾曹

尋東溪還湖中作

劉昫

出山更回首日暮清溪深東嶺新別處數葉叶空林  
昔遊初有跡此路還獨尋幽興方在枉歸懷復爲吟

唐詩類苑

卷之三十五

八

雲峰勞前意湖水成遠心望望已超越坐鳴舟中琴

終南東溪中作

岑參

溪水碧於草潺潺花底流沙平堪濯足石淺不勝舟  
洗藥朝與暮釣魚春復秋興來從所適還欲向滄洲

東溪言事寄于丹

方干

日月晝夜轉年光難駐留軒窗繞過雨枕簟即知秋  
天際鴈行出溪中虹影收唯君壯心在應笑臥滄洲

緱氏尉沈興宋置酒南溪留贈

王昌齡

林色與溪古深篁引幽翠山樽在漁舟棹月情已醉

始窮清源口壑絕人境異春泉滴空崖明草坼陰地

久之風榛寂遠聞樵聲至海鴈時獨飛永然滄洲意  
古時青冥客滅迹淪一尉五子躊躇心豈其紛埃事  
緱岑信所尅濟北余乃遂齊物可任今息肩理猶未  
卷舒形性表脫畧賢哲議仲月期角巾飯僧嵩陽寺

和處州韋使君新開南溪 朱慶餘

地里光圖識樵人共說深悠然想高躅坐使變荒岑  
疏鑿因殊舊亭臺亦自今靜容猿暫下閒與鶴同尋  
轉旆翻禽起寨帷瀑溜侵石稀潭見底嵐暗樹無陰  
躋險難通屐攀樓稱抱琴雲風開物意潭水識人心

唐詩類苑

卷之三十五

九

攜榼巡花遍移舟惜景沈世嫌山水僻誰伴謝公吟

和處州嚴郎中遊南溪

朱慶餘

四望非人境從前洞穴深潭清蒲遠岸嵐積樹無陰  
看草初移屐捫蘿忽並簪世嫌山水僻誰伴謝公吟

西溪

李商隱

近郭青溪好誰堪共酒壺苦吟防柳惺多淚怯楊朱  
野鶴隨君子寒松揖大夫天涯長病意岑寂勝歡娛

夜出西溪

李商隱

東府憂春盡西溪許日曛月澄新漲水星見欲銷雲  
柳好休傷別松高莫出群軍書雖倚馬猶未當能文

駐蹕華下同年司封員外從翁許共游西溪

久違前契戲成寄贈 鄭谷

北渚牽吟興西溪爽共游指期承禁馬故事初入內庭恩借飛龍

馬無暇狎沙鷗縱目懷青島澄心想碧流明公非不

愛應待汎龍舟

偶遊龍門北溪忽懷驪山別業呈諸留守

韋嗣立

幽谷杜陵邊風煙別幾年偶來伊水曲溪嶂各依然

傍浦憐芳樹尋崖愛綠泉嶺雲隨馬足山鳥向人前

地合心俱靜言因理自玄短才叨重寄尸祿愧妨賢

唐詩類苑 卷之三十五 十一

每揖挂冠侶思從初服旋稻梁仍欲報歲月坐空捐

助嶽無纖芥輸溟謝末涓還悟北轅矢方求南澗田

奉詠龍門北溪作 張說

石澗泉虛落松厓路曲迴聞君北溪下想像南山隈

近念鼎門別遙思雲障陪不同奇觀往空觀斯文來

歲候寒初變春芳前未開黃鸝晨岸柳紫萼折春梅

盡室茲遊翫盈門幾樂哉嗟遊洛陽陌夢詣建章臺

野失巢由性朝非元凱才布懷欽遠近幽意日塵埃

奉詠龍門北溪作 崔泰之

關塞臨伊水驪山枕灞川俱臨隱路側同在帝城邊

謝公兼出處攜妓玩林泉鳴騶噴梅雪飛蓋曳松煙

聞琴幽谷裏看奕古巖前落月低幃帳歸雲繞管絃

叨榮慚北闕微尚愛東田寂寞灰心盡蕭條塵事捐

朝思登嶺絕夜夢弄潺湲宿懷南澗意况睹北巖篇

奉詠龍門北溪作 崔日知

夙齡秉微尚中年忽有隣以茲山水癖遂得狎通人

迨我南京道聞君北業新巖前窺石鏡河畔踏芳茵

既憐伊浦渌復憶灞池春連詞謝家子同懽冀野賓

趣閒魚共樂情洽鳥來馴誰念昔遊者祗命獨留秦

蕭條潁陽戀冲漠漢陰真無由陪勝躅空此託書筠

唐詩類苑 卷之三十五 十一

奉詠龍門北溪作 魏知古

有美朝爲貴幽尋地自偏踐臨伊水內想望灞池邊

是遇皆新賞茲遊若舊年藤蘿隱路接楊柳御溝聯

道愜神情王機忘俗理捐遂初誠已重兼濟實爲賢

跡是東山戀心唯北闕前顧慙經拾紫多謝賦思玄

未驪中林步空乘上藻傳陽春和已寡扣寂意徒然

自湯還都經龍門北溪贈張左丞崔禮部崔

光祿 有序 韋嗣立

僕自湯還都經龍門北溪莊張左丞崔禮部崔光

祿並枉垂顧數公宿敦道義雅尚林壑謂急于幽

尋故此命駕遂不知別有勝賞偶然相過寒暄未  
周神意已往雲霞之志茂而不存逸轡放驅清塵  
徒企耿難不已而贈是詩

棲閒有愚谷好事枉前軒樹接前驅擁巖傳後騎喧  
褰簾出野院植杖候柴門旣拂林下席仍攜池上罇  
深期契幽賞實爲展懽言末眷誠未易佳時遊更敦  
俄看肅儔侶各已共飛騫延睇盡朝日長懷通夜魂  
空聞岸竹動徒見浦花繁多愧春鶯曲相求意獨存  
訓韋祭酒自湯還都經龍門北溪見贈

張說

唐詩類苑

卷之三十五

十一

聞君湯井至瀟灑憇郊林拂曙攜清賞披雲覩綠岑  
歡言遊覽意欸曲望歸心是日期嘉客同山忽異尋  
桃源花路轉楊柳澗門深汎舟伊水漲繫馬香樹陰  
繁絃弄水族嬌吹狎沙禽春滿河色媚景斜嵐氣侵  
懷仁殊未遠重德匪專臨來藻敷幽思連詞報所欽  
春汎若耶 綦毋潛

幽意無斷絕此去隨所偶晚風吹行舟花落入溪口  
際夜轉西壑隔山望南斗潭煙飛溶溶林月低向後  
生事且瀾漫願爲持竿叟

汎若耶溪

丘爲

結廬若耶裏左右若耶水無日不釣魚有時向城市  
溪中水流急渡口水流寬每得樵風便往來殊不難  
一川草長綠四時那得辨裋褐衣妻兒餘糧及鷄犬  
日暮鳥雀稀稚子呼牛歸住處無隣里柴門獨掩扉

耶溪書懷寄劉長卿員外

馬戴

一作秦系

時人多笑樂幽棲晚起閒行獨杖藜雲色卷舒前後  
嶺藥苗新舊兩三畦偶逢野果將呼子屢折荆釵亦  
爲妻擬共釣竿長往復嚴陵灘上勝耶溪

入若耶溪

崔顥

唐詩類苑

卷之三十五

十一

輕舟去何疾已到雲林境起坐魚鳥間動搖山水影  
巖中響自答溪裏言彌靜事事令人幽停橈向餘景

耶溪汎舟

孟浩然

落景餘清輝輕橈弄溪渚澄明愛水物臨泛何容與  
白首垂釣翁新妝浣紗女相看似相識脉脉不得語  
若耶溪逢孔九 綦毋潛

相逢此溪曲勝託在煙霞潭影竹間動巖陰簷外斜  
人言上皇代犬吠武陵家借問淹留日春風滿若耶

武陵卽事

孟浩然

川暗夕陽盡孤舟泊岸初嶺猿相叫嘯潭影似空虛  
就枕滅明燭扣船聞夜漁鷄鳴問何處人物是秦餘

武陵汎舟

孟浩然

武陵川路狹前棹入花林  
莫測幽源裏仙家信幾深  
水迴青嶂合雲渡綠溪陰  
坐聽閒猿嘯彌清塵外心

皇甫嶽雲溪雜題五首

王維

鳥鳴澗

人閒桂花落夜靜春山空  
月出驚山鳥時鳴春澗中

蓮花塢

日日採蓮去洲長多暮歸  
弄篙莫澣水畏濕紅蓮衣

鷓鴣塢

乍向紅蓮沒復出清浦  
鷓鴣獨立何離破衝魚古查上

唐詩類苑

卷之三十五

十四

上平田

朝耕上平田暮耕上平田  
借問問津者寧知沮溺賢

萍池

春池深且廣會待輕舟迴  
靡靡綠萍合垂楊掃復開

藍田溪雜詠二十二首

錢起

望山登春臺目盡趣難極  
晚景下平阡花際霞峰色

右登臺

靜宜樵隱度遠與車馬隔  
有時行樂來喜遇歸山客

右板橋

片霞照僊井泉底桃花紅  
那知幽石下不與武陵通

右石井

引蔓出雲樹垂綸覆窠鶴  
幽人對酒時苔上閒花落

右古藤

池上靜難厭雲間欲去晚  
忽背夕陽飛乘興清風遠

右晚歸鷺

幾轉到青山數重度流水  
秦人入雲去知向桃源裏

右洞仙謠

春畦生百藥花葉香初霽  
好客似風光偏來入叢蕙

右藥圃

靜與溪色連幽宜松雨滴  
誰知古石上不染世人跡

唐詩類苑

卷之三十五

十五

右石上苔

遠岫見如近千里一窻裏  
坐來石上雲乍謂壺中起

右窻裏山

暗歸草堂靜半入花園去  
有時載酒來不與清風遇

右竹間路

幽鳥清漣上興來看不足  
新篁壓水低昨夜鴛鴦宿

右竹嶼

穿雲來自遠激砌流偏駛  
能資庭戶幽更引海禽至

右砌下泉

乍依菱蔓聚盞向蘆花滅  
更喜好風來數片翻晴雪

右戲鵑

風送出山鐘雲霞度水淺欲知聲盡處鳥滅寥天遠

右遠山鐘

永日興難忘撥芳春陂曲新晴花枝下愛此苔水綠

右東陂

一作憶皇子陂

臨池橫杏梁待客歸煙塘水上寒簾好蓮開杜若香

右池上亭

有意蓮葉間瞥然下高樹擘波得潛魚一點翠光去

右銜魚翠鳥

幽石生芙蓉百花慚美色遠笑越溪女聞芳不可識

唐詩類苑

卷之三十五

十六

右石蓮花

亂石跳素波寒聲聞幾處颼颼暝風引散出空林去

右潺湲聲

雖因朔風至不向瑤臺側唯助苦寒松偏明後凋色

右松下雪

田鶴望碧霄無風亦自舉單飛後片雲早晚及前侶

右田鶴

家住鳳城南門臨古陂曲時憐上林鴈半入池塘宿

右題南陂

白雲溪

吳肇

山逕入修篁深林敞日光夏雲生嶂遠瀑水引溪長

秀跡逢皆勝清氛坐轉涼回看玉鐔夕歸路賞前忘

浙幕李端公汎建溪

黃滔

越城吳國結良姻交發芙蓉幕內賓自顧幽沈槐省

跡得陪清顯諫垣臣分題曉並蘭舟遠對坐宵聽月

狄頻更愛延年津上過一雙神劍是龍鱗

汎五雲溪

許渾

此溪何處路遙問白髯翁佛廟千巖裏人家一島中

魚傾荷葉露蟬噪柳林風急瀨鳴車軸微波漾釣筒

石苔縈障綠山果拂舟紅更就前溪宿村橋與剡通

唐詩類苑

卷之三十五

十七

月溪與幼遐君貺同遊

時二子還城

韋應物

岸篠覆迴溪迴溪曲如月沈沈水容綠寂寂流鶯歇

一作鶯淺石方凌亂遊禽時出沒半雨夕陽霏綠源

雜花發明晨重來此同心應已闕

說洞溪招退者

元結

長松亭亭滿四山山間乳竇流清泉洞溪正在此山

裏乳水松膏常灌田松膏乳水田肥良稻苗如蒲米

粒長糜色如珈玉液酒酒熟猶聞松節香溪邊老翁

年幾許長男頭白孫嫁女問言只食松田米無樂無



荒向人語浯溪石下多泉源盛暑大寒冬大溫層蘇  
宜在水中石洞溪一曲自當門吾今欲作洞溪翁誰  
能住我舍西東勿憚山深與地僻羅浮尚有葛仙翁

問寇校書雙溪

王維

君家少室西爲復少室東別來幾日今春風新買雙  
溪定何似餘生欲寄白雲中

春陪商州裴使君遊石娥溪

李白

裴公有仙標拔俗數千丈澹蕩滄洲雲飄飄紫霞想  
剖竹商洛間政成心已閒蕭條出世表冥寂閉玄關

唐詩類苑

卷之三十五

十八

我來屬芳節解榻時相悅褰帷對雲峰揚袂指松雪  
暫出東城邊遂遊西巖前橫天聳翠壁噴壑鳴紅泉  
尋幽殊未歇愛此春光發溪傍饒名花石上有好月  
命駕歸去來露華生翠苔淹留惜將晚復聽清猿哀  
清猿斷人腸遊子思故鄉明發首東路此懼焉可忘

入唐峽

嚴維

嘯終萬籟起吹去當溪雲環嶼或明昧遠峰尚氛氲  
雨新翠葉發夜早玄象分金澗流不盡入山深更聞

初發曲江谿中

張九齡

溪流清且深松石復陰臨正爾可嘉處胡爲無賞心

我由不忍別物亦有緣侵自匪嘗行邁誰能知此音

泥谿

王勃

弭棹凌奔壑低鞭躡峻岐江濤出岸險峰磴入雲危  
溜急船文亂巖斜騎影移水煙籠翠渚山照落丹崖  
風生蘋浦葉露泣竹潭枝汎水雖云美勞歌誰復知

遊越溪

鄭紹

溪水碧悠悠猿聲斷客愁漁潭逢釣緝月浦值孤舟  
訪泊隨煙火迷途指斗牛今宵越鄉意還取醉忘憂

剡溪行寄新別

朱放

潺湲寒溪上自此成離別回首望歸人移舟逢暮雪

唐詩類苑

卷之三十五

十九

頻行識草樹漸老傷年髮唯有白雲心爲向東山月

處州洞溪

方干

氣象四時清無人盡得成衆山寒疊翠兩派綠分聲  
坐月何曾夜聽松不似晴混元融結後便有此溪名

茗溪訓梁耿別後見寄

劉長卿

清川永路何極落日孤舟解攜鳥向平蕪遠近人隨  
流水東西白雲千里萬里明月前溪後溪惆悵長沙  
謫去江潭芳草萋萋

雪溪晚泊寄裴庶子

羅隱

溪風如扇雨如絲閒步閒吟柳惲詩杯酒疎狂非曩



日野花狼籍似當時道窮設有劉生感才急應無借  
寇期滿眼雲山莫相笑與君俱是受深知

寒溪九首

孟郊

露洗水色盡寒溪見織鱗幸臨虛空鏡照此殘悴身  
潛滑不自隱露底瑩更新豁如君子懷曾是危陷人  
始明淺俗心夜結朝已津淨漱一掬碧遠消千慮塵  
始知泥步泉莫與山源鄰

二

洛陽岸邊道孟氏莊前溪舟行素水折聲作青瑤嘶  
綠水結綠玉白波生白珪明明寶鏡中物物天照齊

唐詩類苑

卷之三十五

三十一

仄步下危曲攀枯聞嬌啼霜芬稍消歇凝景微茫齊  
凝坐直視聽顛行失蹤蹊岸重蘄棘勞語言多悲悽

三

曉飲一盃酒踏雪過清溪波瀾凍爲刀剗割鳧與鷺  
宿羽皆翦棄血聲沈沙泥獨立欲何語默念心酸嘶  
凍血莫作春作春生不齊凍血莫作花作花發嬌啼  
幽幽棘針村凍死難耕犁

四

篙工碓玉星一路隨迸螢朔凍哀徹底獠饒咏潛鯉  
冰齒相磨嚙風音酸鐸鈴清悲不可逃洗出纖悉聽

碧激卷已盡彩飛飄零下躡滑不定上樓折難停  
哮嗥呬呻冤仰訴何時寧

五

一曲一直水白龍何鱗鱗凍輒雜碎號壑音坑谷辛  
枹榆吃無力飛走更相仁猛弓一折弦餘喘爭來賓  
大嚴此之立小殺不復陳

六

皎皎何皎皎氤氲復氤氲瑞晴刷日月高碧開星辰  
獨立兩脚雪孤吟千慮新天譏徒昭昭箕舌虛斷斷  
堯聖不聽汝孔微亦有臣諫書竟成章古義終難陳

唐詩類苑

卷之三十五

三十一

七

因凍死得食殺風仍不休以兵爲仁義仁義生刀頭  
刀頭仁義腥君子不可求波瀾抽劍冰相劈如仇讐  
尖雪入魚心魚心明愀愀恍如魍魎說似訴割切由  
誰使異方氣入此中土流剪盡一月春閑爲百谷幽  
仰懷新霽光下照疑憂愁

八

溪老哭甚寒涕泗冰珊珊飛死走死形雪裂紛心肝  
劍刃凍不割弓絃疆難彈嘗聞君子武不食天殺殘  
斷玉掩骼鬻吊瓊哀蘭干

九

溪風擺餘凍溪景銜明春玉消花滴滴虬解光鱗鱗  
懸步下清曲消期濯芳津千里冰裂處一勺暖亦仁  
凝精牙相洗漪連競將新忽如劍瘡盡初起百戰身

蘭溪在衢州西

杜牧

蘭溪春盡碧決決映水蘭花雨發香楚國大夫憔悴  
日應尋此路去瀟湘

蘭溪棹歌

戴叔倫

涼月如眉挂柳灣越中山色鏡中看蘭溪三日桃花  
雨半夜鯉魚來上灘

唐詩類苑

卷之三十五

三十一

入少密溪

沈佺期

雲峰蒼壁遠溪斜江路香風夾岸花木密不言通鳥  
道鷄鳴始覺有人家人家更在深巖口澗水周流宅  
前後遊魚瞥瞥雙釣童伐木丁丁衆樵更自言喧  
非避秦辟衣耕鑿帝堯人相留且待鷄黍熟夕臥深  
山蘿月春

題贈鄭秘書徵君石溝溪居

白居易

鄭君得自然虛白生心胸吸彼沆瀣精凝爲冰雪容  
大君貞元初求賢致時雍蒲輪入翠微迎下天台峰

赤城別松喬黃閣交夔龍俛仰受三命從容辭九重  
出籠鶴翩翩歸林鳳噫噫在火辨良玉經霜識貞松  
新居寄楚山山碧溪溶溶丹竈燒煙煴黃精花丰茸  
蕙帳夜瑟澹桂樽春酒濃時人不到處苔石無塵蹤  
我今何爲者超世身龍鍾不向林壑訪無由朝市逢  
終當解纓網卜築來相從

奉陪侍中遊石笋溪十二韻

盧綸

朝日照靈山山溪浩紛錯圖秦無舊記紀禹應新鑿  
雙壁瀉天河一峰吐蓮萼潭心亂雪卷巖腹繁珠落

唐詩類苑

卷之三十五

三十二

彩蛤攢錦囊芳蘿嫋花索猿群曝陽嶺龍穴腥陰壑  
靜得漁者言閒聞洞仙博歌松倚朱幃廣石屯油幕  
國泰事留侯山春縱康樂樂間關殊狀鳥爛熳無名藥  
欲驗少君方還吟大隱作旌幢不可駐古塞新沙漠  
夏初雨後尋愚溪

柳宗元

悠悠雨初霽獨繞清溪曲引杖試荒泉解帶圍新竹  
沈吟亦何事寂寞固所欲幸此息營營嘯歌靜炎燠

雨後曉行獨至愚溪北池

柳宗元

宿雲散洲渚曉日明村塢高樹臨清池風驚夜來雨  
予心適無事偶此成賓主

和皇甫判官遊琅琊溪 孟郊

山中琉璃境，物外琅琊溪。房廊逐巖壑，道路隨高低。  
碧瀨漱白石，翠煙含青霓。上客暫遊踐，意欲忘簪珥。  
樹杪燈火夕，雲端鐘梵齊。時同雖可仰，跡異難相攜。  
唯當清宵夢，髮鬢願攀躋。

訓元秘書晚出藍溪見寄 錢起

野興引才子，猶行幽徑遲。雲留下山處，鳥靜出溪時。  
拙宦不忘隱，歸休長在茲。知音倘相訪，炊黍掃茅茨。

子初全溪作 李商隱

全溪不可到，况復盡餘酩。漢苑生春水，昆池換劫灰。  
唐詩類苑 卷之三十五 王西

西蜀淨衆寺松溪八韻兼寄小筆崔處士 鄭谷

松因溪得名，溪吹松聲繚。繞能穿寺幽，奇不在城。  
寒煙齋後散，春雨夜中平。染岸蒼苔古，翹沙白鳥明。  
澄分僧影瘦，光徹客心清。帶梵侵雲響，和鐘擊石鳴。  
澹烹新茗爽，暖泛落花輕。此景吟難盡，憑君盡入京。

九日題塗谿 白居易

蕃草席鋪楓葉岸，竹枝歌送菊花盃。明年尚作南賓守，  
或可重陽更一來。

浯溪 鄭谷

湛湛清江疊疊山，白雲白鳥在其間。漁翁醉睡又醒，  
睡誰道皇天最惜閒。

送客汎五溪 韓翃

南過猿聲一逐臣，回看秋草淚沾巾。寒天暮雪空山，  
裏幾處蠻家是主人。

題金家竹溪 王建

少年因病離天仗，乞得歸家自養身。買斷竹溪無別，  
主散分泉水與新隣。山頭鹿下長驚犬，池面魚行不，  
怕人鄉使到來門。一作常款語還聞世上有功臣。

唐詩類苑 卷之三十五 王西 題裴處士碧虛溪居 王建

鳥聲真似深山裏，平地人間自不同。春圃紫芹長卓，  
卓暖泉青草一叢叢。松臺前後花皆別，竹嶠高低水，  
盡通細問來時從。近遠溪名載入縣圖中。

冉溪 柳宗元

少時陳力希公侯，許國不復爲身謀。風波一跌逝萬，  
里壯心瓦解空縲囚。縲囚終老無餘事，願卜湘西冉，  
溪地却學壽張樊敬侯。種漆南園待成器。

溪居 柳宗元

久爲簪組累，幸此南夷謫。閒依農圃隣，偶似山林客。

曉耕翻露草夜榜北響溪石來往不逢人長歌楚天碧

溪上

顧况

採蓮溪上女舟小怯搖風驚起鴛鴦宿水雲撩亂紅

雙聲溪上思

陸龜蒙

溪空唯容雲木密不隕雨迎魚隱映間安問謳鴉榜

雙聲溪上思

皮日休

疎杉低通灘冷鷺立亂浪草彩欲夷猶雲容空澹蕩

溪上

杜甫

峽內淹留客溪邊四五家古苔生迤地秋竹隱疎花

唐詩類苑

卷之三十五

二十六

塞俗人無井山田飯有沙西江使船至時復問京華

溪上行

溫庭筠

綠塘漾漾煙濛濛張翰此來情不窮雪羽離襪立倒

影金鱗潑刺跳晴空風翻荷葉一向白雨濕蓼花千

穗紅心羨夕陽波上客片時歸夢釣船中

溪上春望

羅鄴

無端溪上看蘭橈又是東風斷柳條雙鬢多於愁裏

鑷四時須向醉中銷行人駿馬嘶香陌獨我殘陽倚

野橋吟水咏山心未已可能終不勝漁樵

清溪路中寄諸公

崔備

偏郡隔雲岑迴溪路更深少留攀桂樹長渴望梅林  
野筍資公膳山花慰客心別來無信息可謂井瓶沈  
訓萬八賀九雲門下歸溪中作

孫逖

晚從靈境出林壑曙雲飛稍覺清溪盡迴瞻盡剎微

獨園餘興在孤棹宿心違更憶登攀處天香盈袖歸

溪行卽事

僧靈一

近夜山更碧入林溪轉清不知伏牛地潭洞何縱橫

曲岸煙初合平湖月未生孤舟屢失道但聽秋泉聲

溪行寄京師故人道侶

張祐

唐詩類苑

卷之三十五

三十七

白日長多事清溪偶獨尋雲歸秋水濶月出夜山深

坐想天涯去行悲澤畔吟東郊故人在應笑未抽簪

谿行寄王震

張九齡

山氣朝來爽谿流自向清遠心何處愜閒棹此中行

叢桂林間待群鷗水上迎徒然適我願幽獨爲誰情

汎溪

杜甫

落景下高堂進舟汎迴溪誰謂築居小未盡喬木西

遠郊信荒僻秋色有餘淒淒練練峰上雪纖纖雲表霓

童戲左右岸咎弋畢提攜翻倒荷芰亂指揮逕路迷

得魚已割鱗採藕不洗泥人情逐鮮美物賤事已睽

吾村靈宴姿異舍鷄亦棲蕭條欲何適出處庶可齊  
衣上見新月霜中登故畦濁醪自初熟東城多鼓聲

汎溪

朱慶餘

曲渚迴花舫生衣臥向風鳥飛溪色裏人語棹聲中  
餘卉纔分影新蒲自作叢前灣更幽絕雖淺去猶通

汎溪

許渾

疑與武陵通青谿碧嶂中水寒深見石松晚靜聞風  
遯迹驅鷄吏冥心失馬翁纔應畢婚嫁還此息微躬

遊溪

元稹

野水煙鶴唳楚天雲雨空翫舟清景晚垂釣綠蒲中

唐詩類苑

卷之三十五

三八

落花飄旅衣歸流澹輕風緣源不可極遠樹但青蔥

虎丘寺西小溪閒汎三絕 皮日休

鼓子花明白石岸桃枝竹覆翠嵐溪分明似對天台

洞應厭頑仙不肯迷

絕壑祗憐白羽傲窮谿唯覺錦鱗癡更深尚有通樵

處或是仙人未可知

高下不驚紅翡翠淺深還礙白薔薇船頭繫個松根

上欲待逢仙不擬歸

奉和小溪閒汎次韻

陸龜蒙

對號相思枝拂地鳥語提壺聲滿溪雲涯一里千萬

曲直是漁翁行也迷

荒柳臥波渾似困宿雲遮塢未全癡雲情柳意蕭蕭  
會若問諸餘總不知

每逢孤嶼一倚檝便欲狂歌同採薇任是煙蘿中待  
月不妨歌枕扣舷歸

溪漲

杜甫

當時流花橋溪水纔尺餘白石明可把水中有行車  
秋夏忽汎溢豈唯入吾廬蛟龍亦狼狽况是鰲與魚  
茲晨已半落歸路跬步疎馬嘶未敢動前有深填淤  
青青屋東麻散亂牀上書不意遠山雨夜來復何如

唐詩類苑

卷之三十五

三九

我遊都市間晚憇必村墟乃知久行客終日思其居

宿溪翁

白居易

衆心愛金玉衆口貪酒肉何此溪上翁飲瓢亦自足

溪南刈薪草溪北修墻屋歲種一頃田春驅兩黃犢

于中甚安適此外無營欲溪畔偶相逢庵中遂同宿

辭翁向朝市問我何官祿虛言笑殺翁郎官應列宿

溪叟

僧景雲

溪翁居處靜溪鳥入門飛早起釣魚去夜深乘月歸

露香菰米熟煙煖荇絲肥滿灘塵埃外扁舟一草衣

贈同客

張籍

幽居得相近煙景每寥寥共伐臨谿樹同爲過水橋  
自教青鶴舞分採紫芝苗更愛南峰住尋君路恐遙  
澗

經慈恩澗

鄭 繇

岸與恩同廣波將慈共深涓涓勞日夜長似下流心

南澗

皇甫冉

上路各乘軒高明盡鳴玉寧知澗下人自愛輕波渌

南澗

王 建

野桂香滿溪石莎寒覆水愛此南澗頭終日潺湲裏

南澗中題

柳宗元

唐詩類苑

卷之三十五

三十一

秋風集南澗獨游亭午時迴風一蕭瑟林影久參差  
始至若有得稍深遂忘疲羈禽響幽谷寒藻舞淪漪  
去國魂已遊懷人淚空垂孤生易爲感失路少所宜  
索寞竟何事徘徊祇自知誰爲後來者當與此心期  
西澗卽事示盧陟

韋應物

寢扉臨碧澗晨起澹忘情空林細雨至圓文遍水生  
永日無餘事山中伐木聲知子塵喧久暫可散煩纓

滁州西澗

韋應物

獨憐幽草澗邊生上有黃鸝深樹鳴春潮帶雨晚來  
急野渡無人舟自橫

一作芳生一作行

遊石門澗

白居易

石門無舊徑披榛訪遺跡時逢山水秋清輝如古昔  
常聞慧遠輩題詩此巖壁雲覆莓苔封蒼然無處覓  
蕭疎野生竹崩剝多年石自從東晉後無復人遊歷  
獨有秋澗聲潺湲空旦夕

題龍門堰西澗

白居易

東岸菊叢西岸柳柳陰煙合菊花開一條秋水琉璃  
色澗狹纔容小舫迴除却悠悠白少傳何人解入此  
中來

龍門下作

白居易

唐詩類苑

卷之三十五

三十二

龍門澗下濯塵纓擬作閒人過此生筋力不將諸處  
用登山臨水詠詩行

商山麻澗

杜 牧

雲光嵐彩四面合柔柔垂柳十餘家雉飛鹿過芳草  
遠牛巷鷄啼春日斜秀眉老父對罇酒倩袖女兒簪  
野花征車白念塵土計惆悵溪邊書細沙

石泚

石泚十首

孟 郊

巖谷不自勝水木幽奇多朔風入空曲湮流無大波  
迢遞逗難盡參差勢相羅雪霜有時洗塵土無由和

潔冷誠未厭晚步將如何

二

出曲水未斷入山深更重冷冷若僊語皎皎多異容  
萬響不相雜四時皆自濃日月互分照雲霞各生峰  
久迷向方理逮茲登前蹤

三

荒策每恣遠躑步難自迴已抱苔蘚疾一作尚凌游  
溪隈驛驥苦銜勒龍禽恨摧頽實力苟未足浮誇信  
悠哉顧惟非時用靜言還自哈

四

唐詩類苑

卷之三十五

三十五

朔水刀劍利秋石瓊瑤鮮魚龍氣不腥潭洞狀更妍  
磴雪入呀谷掬星灑遙天聲忙一作不及韻勢疾多  
斷漣輸去雖有恨躁氣一作何顛蛇相纏掣竿  
確亦迴旋黑草濯鐵髮白苔浮水錢具一作此生云  
遙非德不可甄何況被群士制之空以權始知靜剛  
猛文教從來先

五

空谷聳視聽幽湍潯心靈疾流脫鱗甲疊岸衝風霆  
丹嶽墮環景霽波灼一作虛形淙淙厚軸稜稜攢  
高冥弱稜稜旋碧危梯倚凝靑飄飄鶴骨仙飛動

背庭一作亭常聞誇大言下顧皆細萍

六

百尺明鏡流千曲寒星飛爲君洗故物有色如新衣  
不飲泥土污但飲雪霜肌石稜玉纖纖草色瓊霏霏  
谷磴有餘力溪春亦多機從來一智萌能使衆利歸  
因之山水中喧然論是非

七

入深得奇趣昇險爲良躋搜勝有聞見逃俗無蹤蹊  
穴流恣迴轉竅景忘東西顛獸鮮猜懼羅人巧置罟  
幽馳異處所忍慮多端倪虛獲我何飽實歸彼非迷

唐詩類苑

卷之三十五

三十五

斯文浪云潔此旨誰得齊

八

屑珠瀉潄潄裂玉何威環若調千瑟絃未果一曲諧  
古駭毛髮悚險驚視聽乖樹老皆勁骨風趨綠欵崖  
地遠有餘遺一作美我遊採棄一作懷乘時幸勤鑒前  
恨多幽靈弱力謝剛健蹇策貴安排始知隨事靜何  
必當夕齋

九

昔浮南渡颿今攀朔山景物色多瘦削吟笑還孤永  
日日凍有稜雪霜空無影玉噴不生冰瑤渦旋成井

角時聳光隱鱗乍漂同再吟獲新勝返步失前省  
愜懷雖已多惕慮未能整頽陽落何處昇魄銜疎嶺

十

聖朝搜巖谷此地多遺玩怠墮成遠遊頽疎恣靈一作

觀勁飆刷幽視怒水懾餘湍一作曾是結芳一作

誠遠茲勉流倦永條聳危慮霜翠瑩遐盼物誘信多  
端荒尋諒一作通去矣朔之隅脩然楚之甸

唐詩類苑

卷之三十五

三四

唐詩類苑卷第三十六

明雲間張之象玄超甫纂輯

雲間徐光啓子先甫編次

雲間王 徹叔朗甫補訂

梁谿曹仁孫伯安甫校正

水部

池

詠池

李 嶠

綵棹浮太液清觴醉習家詩情對明月雲曲拂流霞  
煙散龍形淨波含鳳影斜安仁動秋興魚鳥思空賒

唐詩類苑

卷之三十六

冬日臨昆明池

貞觀四年

太 宗

昆明池在上林苑周回十里漢武帝元狩四年欲  
伐昆明穿此池以習水戰中有豫章臺刻石爲鯨  
魚每至雷雨常鳴吼鬣尾皆動旁有二石人立牽  
牛織女於池之東西以象天河武帝初穿池得黑  
土帝問東方朔朔曰西域胡人知乃問胡人胡人  
曰劫燒之餘灰也

石鯨分玉溜劫燼隱平沙柳影水無葉梅心凍有花  
寒朝凝野霧霜天散夕霞懽情猶未極落景遽西斜  
昆明池晏坐王兵部珣見示以三韻因而有



荅

蘇頌

畫舸疾如飛遙遙泛夕暉石鯨吹浪隱玉女步塵歸  
獨有銜恩處明珠在釣磯

和許侍郎遊昆明池

李百藥

神池望北極滄波接遠天儀星似河漢落景類虞泉  
年深平館宇道泰偃戈船差池下島鴈掩映生雲煙  
浪花開已合風文直且連稅馬金堤外橫舟石岸前  
羽觴傾綠蟻飛日落紅鮮積水浮深智明珠耀雅篇  
大鯨方遠擊沈灰獨未然知君嘯儔侶短翮徒聯翩

昆明池侍宴應制

沈佺期

唐詩類苑

卷之三十一

二

武帝伐昆明穿池習五兵水同河漢在館有豫章名  
我后光天德垂衣文教成黷兵非帝念勞物豈皇情  
春仗過鯨沼雲旗出鳳城靈魚銜寶躍仙女廢機迎  
柳拂旌門暗蘭依帳殿生還如流水曲日晚棹歌聲  
恩敕尚書省寮宴昆明池應制同用堯字

張嘉貞

靈沼初開漢神池舊浴堯昔人徒習武明代此聞韶  
地脉山川勝天恩雨露饒時光牽利舸春淑覆柔條  
芳醞醒千日華棧落九霄幸承歡賚重不覺醉歸遙  
恩敕尚書省寮宴昆明池應制同用堯字

蘇頌

露渥灑雲霽天官次斗杓昆明四十里空水極晴朝  
鴈似銜紅葉鯨疑噴海潮翠山來徹底白日去迴標  
泳廣漁槎溢浮深妓舫搖飽恩皆醉止合舞共歌堯

奉和晦日幸昆明池應制 宋之問

景龍三年正月晦日中宗皇帝幸昆明池賦詩群  
臣應制百餘篇帳殿前結綵樓命昭容選一首爲  
新翻御製曲從臣悉集其下須臾紙落如飛各認  
其名而懷之既退唯沈宋二詩不下又移時一紙  
飛墜競取而觀乃沈詩也及聞其評曰二詩工力

唐詩類苑

卷之三十一

三

悉敵沈詩落句云微臣彫朽質羞覩豫章材蓋詞  
氣已竭宋詩云不愁明月盡自有夜珠來猶隄健  
舉沈乃服不敢復爭

春豫靈池會滄波帳殿開舟凌石鯨度槎拂斗牛迴  
節晦冥全落春遲柳暗催象溟看浴景燒劫辨沈灰  
鎬飲周文樂汾歌漢武才不愁明月盡自有夜珠來  
奉和晦日幸昆明池應制 沈佺期

法駕乘春轉神池象漢回雙星遺漢石孤月隱殘灰  
戰鶴逢時去恩魚望幸來山花緹騎遶堤柳幔城開  
思逸橫汾唱歌荒宴鎬杯微臣彫朽質羞覩豫章材

奉和晦日幸昆明池應制 蘇頌

炎曆事邊陲，昆明始鑿池。豫遊光後聖，征戰罷前規。  
霽色清珍宇，年芳入錦波。御杯蘭薦葉，僊仗柳交枝。  
二石分河瀉，雙珠代月移。微臣比翔泳，恩廣自無涯。

奉和晦日幸昆明池應制 李义

玉路尋春賞金堤，重晦遊川通黑水。漫地脉紫泉流，  
晃朗扶桑出。綿聯樹杞周，鳥疑埋海處。人似隔河秋，  
却盡灰猶識。年移石故留，汀洲歸棹晚。簫鼓雜汾謳。

晦日同志昆明池汎舟

故人同汎處，遠色望中明。靜見砂痕露，微思月魄生。

唐詩類苑

卷之三十一

四

周迴餘雪在，浩渺暮雲平。戲鳥隨蘭棹，空波蕩石鯨。  
却灰難問理，島樹偶知名。自省曾遊賞，無如此日情。

晦日同志昆明池汎舟

靈沼疑河漢，蕭條見斗牛。煙生知岸近，水淨覺天秋。  
落月低前樹，清輝滿去舟。興因孤嶼起，心爲白蘋留。  
曉吹兼漁唱，閒雲伴客愁。龍津如可上，長嘯且乘流。

遊長寧公主流杯池二十五首

上官昭容

長寧公主，韋庶人所生下嫁楊慎交。皇帝制曰：門  
下持進，行右散騎常侍，駙馬都尉，觀國公楊慎交。

分榮戚里，藉寵公門。恭肅著于立身，協勤効于從

政。鳳凰樓上，宛符琴瑟之歡。烏鵲橋前，載協松蘿

之契。宜覃茅土，式廣山河。因造第於東都，府財幾

竭。又取西京高力士第，左金吾衛廢營，合爲宅。作

三重樓，築山浚池。帝及后數臨幸。今昭容賦詩，群

臣屬和。

逐仙賞，展幽情。踰崑閬，訪蓬瀛。

二

遊魯館，陟秦臺。汗山壁，愧瓊環。

三

唐詩類苑

卷之三十一

五

檀欒竹，影颺颺。松聲不煩歌，吹自足怡情。

四

仰循茅宇，俯眄喬枝。煙霞問訊，風月相知。

五

枝條鬱鬱，文質彬彬。山林作伴，松桂爲鄰。

六

清波洄洑，碧樹冥蒙。莫怪留步，因攀桂叢。

七

莫論崎嶇，休說方壺。何如魯館，卽是仙都。

八

攀藤招逸客，偃桂叶幽情。水中看樹影，風裏聽松聲。

九

攜琴待叔夜，負局訪安期。不應留石壁，爲記賞山時。

十

泉石多仙趣，巖壑寫奇形。欲知堪悅耳，惟聽水泠泠。

十一

巖壑恣登臨，瑩目復怡心。風篁類長笛，流水當鳴琴。

十二

懶步天台路，惟登地肺山。幽巖仙桂滿，今日恣情攀。

十三

唐詩類苑

卷之三六

六

暫遊仁智所，蕭然松桂情。寄言棲遁客，勿復訪蓬瀛。

十四

瀑溜晴疑雨，叢篁畫似昏。山中真可玩，暫請報王孫。

十五

傍池聊試筆，依石旋題詩。預彈山水調，終擬從鍾期。

十六

橫鋪豹皮褥，側戴鹿胎巾。借問何爲者，山中有逸人。

十七

沁水田園先自多，齊梁樓觀更無過。倩語張騫莫辛

苦人，今從此識天河。

十八

參差碧岫聳蓮花，潺湲綠水瑩金沙。何須遠訪三山

路人，今已到九仙家。

十九

憑高瞰險足怡心，菌閣桃源不暇尋。餘雪依林殘玉

樹，殘雲點岫即瑤琴。

二十

玉環騰遠創金埒，荷殊榮弗玩珠璣。節仍留仁智情

鑿山，便作室憑樹，卽爲楹。工輸與班爾從此遂韜聲。

二十一

唐詩類苑

卷之三六

七

登山一長望，正遇九春初。結駟填街術，閭閻滿邑居。

二十二

關雪梅先吐，驚風柳未舒。直愁斜日暮，不畏酒樽虛。

二十三

霽曉氣清和，披襟賞薜蘿。玳瑁凝春色，琉璃漾水波。

二十四

踐石聊長嘯，攀松乍短歌。除非物外者，誰就此經過。

二十五

暫爾遊山第，淹留惜未歸。水窗明月滿，澗戶白雲飛。

書引藤爲架，人將薜作衣。此真攀玩所，臨睨賞光輝。

二十六

放曠出煙雲，蕭條事不群。滋流清意府，隱几避簷氛。

石畫裝苔色風梭織水文山室何爲貴唯餘蘭桂薰

二十五

策杖臨霞岫危步下霜蹊志逐深山靜途隨曲澗迷  
漸覺心神逸俄看雲霧低莫怪人題樹祗爲賞幽棲  
奉和中宗皇帝幸興慶池戲競渡應制

李適

拂露金輿丹旆轉凌晨黼帳碧池開南山倒影從雲  
落北澗搖光寫浪迴急舸爭標排荇度輕帆截浦觸  
荷來橫汾燕鎬歡無極歌舞年年聖壽杯

奉和中宗皇帝幸興慶池戲競渡應制

唐詩類苑

卷之三十六

八

徐彥伯

夾道傳呼翊翠虬天迴地轉御芳洲青潭曉靄龍仙  
蹕紅嶼晴花隔綵旒香溢金環盈廣坐聲傳妓舸匝  
中流群分相慶嘉魚樂共晒橫汾歌吹秋

興慶池侍宴應制

蘇頌

降鶴池前迴步輦棲鸞樹杪出行宮山光積翠遙疑  
逼水態含清近若空直視天河垂象外俯窺京室盡  
圖中皇情未使恩波極日暮樓船更起風

興慶池侍宴應制

劉憲

蒼龍闕下天泉池軒駕來遊簫管吹綠堤夏篠榮不

散冒水新荷卷復披帳殿疑從畫裏出樓船直在鏡  
中移自然東海神仙處何用西崑轍迹疲

興慶池侍宴應制

李乂

神池汎濫水盈科仙蹕紆徐步輦過縱棹河沿萍溜  
合開軒眺賞麥風和潭魚在藻欣游泳谷鳥含櫻入  
賦歌寄謝乘槎濱海客詎須來此問天河

興慶池侍宴應制

沈佺期

碧水澄潭映遠空紫雲香駕御微風漢家宮闕疑天  
上秦地山川似鏡中向浦迴舟萍已綠分林蔽殿槿  
初紅古來徒羨橫汾賞今日宸遊聖藻雄

唐詩類苑

卷之三十一

九

興慶池侍宴應制

武平一

鑾輿羽駕直城隈帳殿金門此地開皎潔靈潭圖日  
月參差畫舸結樓臺波搖岸影隨轉繞風送荷香入  
酒來願奉聖情歡不極長遊雲漢幾昭回

興慶池侍宴應制

蘇瓌

金闕平明宿霧收瑤池式燕俯清流瑞鳳飛來隨帝  
輦祥魚出戲躍王舟帷齊綠樹當筵密蓋轉細荷接  
岸浮如臨竊比微臣懼若濟叨陪聖主遊

興慶池侍宴應制

馬懷素

積水逶迤繞貝城含虛皎鏡有餘清圓雲曲樹連縷

幕映日中塘間綵旌賞洽猶聞簫管沸歡留更睹木  
蘭輕無勞海上尋仙客卽有蓬萊在帝京

興慶池侍宴應制

韋元旦

滄池潏沆帝城邊殊勝昆明鑿漢年夾岸旌旂疎輦  
道中流簫鼓振樓船雲峰四起迎宸幄水樹千重入  
御筵宴樂已深魚藻詠承恩更欲奏甘泉

興慶池侍宴應制

張說

靈池月滿直城隈黼帳天臨御路開東沼初陽疑吐  
出南山曉翠若浮來魚龍百戲分容與鳬鷁雙舟較  
沂河願似金堤青草長承瑤水白雲杯

唐詩類苑

卷之三六

十

三月三日詔宴定昆池官莊賦得筵字

張說

鳳凰樓下對天泉鸚鵡洲中匝管絃舊識平陽佳麗  
地今逢上巳盛明年舟將水動千尋日幕共林橫兩  
岸煙不降玉人觀襖飲誰令醉舞拂賓筵

奉和聖製龍池篇

張九齡

天啓神龍生碧泉水靈源浸迤延飛龍已向珠潭  
出積水仍將銀漢連岸傍花柳看勝畫浦上樓臺問  
是仙我有元符從此得方爲萬歲壽圖川

奉和聖製龍池篇

姚崇

恭聞帝里生靈祉應報明君鼎業新旣叶翠泉光寶  
命還符白水出真人當時舜海潛龍躍此日堯池帶  
馬巡獨有前河一小鴈叨承舊惠入天津

奉和聖製龍池篇

蔡孚

帝宅王家大道邊人馬潛龍湧聖泉昔日昔時經此  
地看來看去漸成川歌臺舞榭宜正月柳岸梅洲勝  
往年莫疑波上春雲少祗爲龍飛直上天

奉和聖製龍池篇

沈佺期

龍池躍龍龍已飛龍德先天天不違池開天漢分黃  
道龍向天門入紫微邸第樓臺多氣色君王鳬鴈有

唐詩類苑

卷之三六

工

光輝爲報寰中百川水來朝此地莫東歸

奉和聖製龍池篇

盧懷慎

代邸東南龍或躍清泉碧浪遠浮天樓臺影就波中  
出日月光疑鏡裏懸鴈沼回流成舜海龜書靈祉應  
堯年大川旣濟慙爲楫報德空思奉細涓

奉和聖製龍池篇

姜皎

龍池初此出龍山常經此地謁龍顏日日芙蓉生夏  
水年年楊柳變春灣堯壇寶匣餘煙霧舜海漁舟尚  
往還願以飄飄五色影從來從去九天間

奉和聖製龍池篇

崔日用

龍興白水漢興符聖主時乘運斗樞岸上葦茸五花  
樹波中的粲千金珠操環昔聞迎夏啓發匣先來瑞  
有虞風色雲光隨隱見赤雲神化象江湖

奉和聖製龍池篇

蘇頌

西京鳳邸躍龍泉佳氣休光鍾在天軒后霧圖今已  
得秦皇水劍昔當傳恩魚不似昆明釣瑞鶴常如太  
液仙願侍巡遊同舊里更聞蕭鼓濟樓船

奉和聖製龍池篇

李義

星分邑里固人居水游源流萬頃餘魏國君王拜象  
處晉家簪邸化龍初青蒲似騁遊梁鳥綠藻凝游宴

唐詩類苑

卷之三十一

十二

鎬魚自有神靈滋液地年年雲物史官書

奉和聖製龍池篇

裴璿

乾坤啓聖吐龍泉泉水年年勝一年始看魚躍方成  
海卽觀龍飛利在天洲渚遙將銀漢接樓臺直與紫  
微連休氣榮光恒不散懸知此地是神仙

奉和聖製龍池篇

姜晞

靈沼繁廻邸第前浴日涵春寫曙天始見龍臺昇鳳  
闕應知霄漢起神泉石匱渚傍還啓聖桃李初生更  
有仙欲化帝圖從此受正同河變一千年

龍池

李商隱

龍池賜酒敞雲屏羯鼓聲高衆樂停夜半宴歸鐘漏  
永薛王沈醉壽王醒

太子池二首

溫庭筠

梨花雪壓枝鶯轉柳如絲懶逐妝成曉春融夢覺遲  
鬢輕全作影輕淺未成眉莫信張公子憺間斷暗期

二

花紅蘭紫莖愁草雨初晴柳占三春色鶯偷百鳥聲  
日長嫌輦重風暖覺衣輕薄暮香塵起長楊落照明

天池

杜甫

天池馬不到嵐壁鳥繞通百頃青雲杪層波白石中

唐詩類苑

卷之三十一

十三

麟紆騰秀氣蕭瑟浸寒空直對巫山出兼疑夏禹功  
魚龍開闢有菱茨古今同聞道奔雷黑初看浴日紅  
飄零神女雨斷續楚王風欲問支機石如臨獻寶宮  
九秋驚鴈序萬里狎漁翁更是無人處誅茅任薄躬

憶春日太液池東亭候對

李紳

宮鶯曉報瑞煙開三島靈禽拂水迴橋轉綵虹當綺  
殿檻浮花鷁近蓬萊草承步輦王孫長桃艷仙顏阿  
母栽簪筆此時方侍從却思金馬笑鄒枚

太液池歌

溫庭筠

腥鮮龍氣連清防花風漾漾吹細光疊瀾不定照天

井倒影蕩搖晴翠長平碧淺春生綠塘雲容雨態連  
青蒼夜深銀漢通栢梁二十八宿朝玉堂

晚秋陪嚴鄭公摩訶池汎舟

杜甫

湍駛風醒酒船行霧起隄高城秋自落雜樹晚相迷  
坐觸鴛鴦起果傾翡翠低莫須驚白鷺爲伴宿清溪

偶宴西蜀摩訶池

暢當

珍木鬱清池風荷左右披淺觴寧及醉慢舸不知移  
陰竹簟光冷照流簪影歆胡爲獨羈者雪涕向流漪

盆池

杜牧

唐詩類苑

卷之三十六

十四

鑿破蒼苔地偷他一片天白雲生鏡裏明月落階前

盆池

張蠙

圓內陶化功外絕衆流通選處離松影穿時滅藥叢  
別疑天在地長對月當空每使登門客煙波入夢中

盆池五首

韓愈

老翁真箇是童兒汲水埋盆作小池一夜青蛙鳴到  
曉恰如方口釣魚時

莫道盆池作不成藕梢初種已齊生從今有雨君須  
記來聽蕭蕭打葉聲

瓦沼晨朝水自清小蟲無數不知名忽然分散無蹤

影惟有魚兒作隊行

泥盆淺小詎成池夜半青蛙聽得知一聽暗來將伴  
侶不須鳴喚鬪雄雌

池光天影共青青拍岸纔添水數瓶且待夜深明月  
去試看涵泳幾多星

同韓侍郎遊鄭家池吟詩小飲

白居易

野艇容三人晚池流浹浹悠然倚棹坐水勢如江海  
宿雨洗沙塵晴風蕩煙靄殘陽上竹樹枝葉生光彩  
我本偶然來景物如相待白鷗驚不起綠荻行堪採

唐詩類苑

卷之三十六

十五

齒髮雖已衰性靈未云改逢時遇杯酒尚有心情在

題灞池二首

王昌齡

腰鑷欲何之東園刈秋韭世事不復論悲歌和樵叟

開門望長川薄暮見漁者借問白頭翁垂綸幾年也

汎觴池

薛能

通咽遠華罇汎觴名自君靜看籌見影輕動酒生紋  
細滴隨盃落來聲就浦分便應半醉後清冷漱寒雲

晚題東林寺雙池

白居易

向晚雙池好初晴百物新裏枝翻翠羽濺水躍紅鱗



萍汎同遊子蓮開當麗人臨流一惆悵還憶曲江春  
和令公新開龍泉晉水二池

白居易

舊有潢汙泊今爲白水塘笙歌聞四面樓閣在中央  
春變煙波色晴添樹木光龍泉信爲美莫忘午橋莊  
旦攜謝山人至愚池

柳宗元

新沐換輕幘曉池風霧清自諧塵外意况與幽人行  
霞散衆山迴天高數鴈鳴機心付當路聊適義皇情  
集賢池答侍中問

白居易

主人晚入皇城宿問客徘徊何所須池月幸閑無用  
唐詩類苑 卷之三十六 十六

處今宵能借客遊無

澠池

汪遵

西秦北趙各稱高池上張筵列我曹何事君王親擊  
金相如有劍可吹毛

瑤池

李商隱

瑤池阿母綺窻開黃竹歌聲動地哀八駿日行三萬  
里穆王何事不重來

凝碧池侍宴看競渡應制

李懷遠

上苑清鑿路高居重豫遊前對芙蓉沼傍臨杜若洲  
地如玄扈望波似洞庭秋列筵飛翠尊分曹戲鷁舟

湍高棹影沒岸近榜歌道舞曲依鸞殿簫聲下鳳樓  
忽逢天上樂疑逐海槎流

陪竇侍御汎靈雲池

高適

白露時光降清川思不窮江湖仍塞上舟楫在軍中  
舞換臨津樹歌饒向晚風夕陽連積水邊色滿秋空  
乘興宜投轄邀歡莫避驄誰憐持弱羽猶欲伴鷗鴻

省試奉詔漲曲江池

黃滔

池脉寒來淺恩波住後新引將諸派水別貯大都春  
幽咽疏通處清冷迸入辰漸平連杏岸旋濶映樓津  
沙沒迷行徑洲寬恣躍鱗願當舟楫便一附濟川人  
唐詩類苑 卷之三十六 十七

靈雲池送從弟

王維

見人部兄弟

乾符丙申歲春奉試漲曲江池

鄭谷

王澤尚通津恩波此日新深疑一夜雨宛似五湖春  
汎灩翹振鷺澄清躍紫鱗翠低孤嶼柳香失半汀蘋  
鳳輦尋佳境龍舟命近臣桂華如入手願作從游人

高陽池送朱二

孟浩然

當昔襄陽雄盛時山公常醉習家池池邊釣女日相  
隨妝成照影近來窺紅波澹澹芙蓉發綠岸杉杉楊



柳垂一朝物變人亦非四面荒涼人住稀意氣豪準  
何處在空餘草露濕征衣此地朝來餞行者翻向此  
中牧征馬征馬分飛漸日斜見此空爲人所嗟殷勤  
爲訪桃源路予亦歸來松子家

履道池上作

白居易

家池動作經旬別松竹禽魚好在無暗樹小巢藏巧  
婦草荒新葉長慈姑不因車馬時時到豈覺林園日  
日蕪猶喜春深公事少每來花下得踟躕

和沈參軍招友生觀芙蓉池

溫庭筠

唐詩類苑

卷之三十六

十八

桂棟坐清曉瑤瑟商鳳絲况聞楚澤杳適與秋風期  
遂從棹萍客靜笑煙草媚倒影迴愁蕩愁紅媚連漪  
湘莖久鮮涇宿雨增離披而我江海意楚遊動夢思  
北渚水雲葉南塘煙霧枝豈亡臺榭芳獨與鷗鳥知  
珠墜魚迸淺影多鳬汎遲落英不可攀返照昏澄陂  
杭州北郭戴氏荷池送侯愉

崔國輔

秋近萬物肅况當臨水時折花贈歸客離緒斷荷絲  
誰爲江國永故人感在茲道存過北郭情極望東菑  
喬木故園意鳴蟬窮巷悲扁舟竟何待中路每遲遲

龍昌寺荷池

白居易

冷碧新秋水殘紅半破蓮從來寥落意不似此池邊

秋晚雲陽驛西亭蓮池

許渾

心憶蓮池秉燭遊葉殘花敗尚維舟煙開翠扇清風  
曉水汎紅衣白露秋神女暫來雲易散仙娥初去月  
難留空懷遠道無持贈醉倚欄干盡日愁

相州山池

張說

嘗懷謝公詠山水陶嘉月及此年事衰徒看衆花發  
觀魚樂何在聽鳥情都歇星漢流不停蓬萊去難越  
鄴中秋麥秀淇上春雲沒日見塵物空如何靜心闕

唐詩類苑

卷之三十六

十九

宴鄭參卿山池

李白

爾恐碧草晚我畏朱顏移愁看楊花飛置酒正相宜  
歌聲送落日舞影迴清池今夕不盡杯留歡更邀詩

唐都尉山池

崔湜

曲渚颺輕舟前溪釣晚鴈翻蒲葉起魚撥荇花遊  
金子懸湘袖珠房拆海榴幽尋惜未已清月半西樓

同族姪評事黯遊昌禪師山池二首

李白

遠公愛康樂爲我開禪關蕭然松石下何異清涼山  
花將色不染水與心俱閒一坐度千劫觀空天地間

二

客來花雨際秋水落金池片石寒青錦疎楊挂綠絲  
高僧拂玉柄童子獻雙梨惜去愛佳景煙蘿欲暝時

題沈東美員外山池

綦母潛

仙郎偏好道鑿沼象瀛洲魚樂隨情性舟行任去留  
秦人辨鷄犬堯日識巢由歸客衡門外仍憐返景幽

過崔駙馬山池

王維

畫樓吹笛妓金碗酒家胡錦石稱貞女青松學大夫  
脫貂貫桂醕射鴈與山厨聞道高陽會愚公谷正愚

從岐王夜讌衛家山池應教

唐詩類苑

卷之三十六

二十

王維

座客香貂滿宮娃騎慢張澗花輕粉色山月少燈光  
積翠紗窻暗飛泉繡戶涼還將歌舞出歸路莫愁長

姚開府山池

孟浩然

主人新邸第相國舊池臺館是招賢闢樓因教舞開  
軒車人已散蕭管鳳初來今日龍山下誰知文舉才

蕭文學山池宴

獨孤及

檀欒千畝綠知是辟疆園遠岫當庭戶諸花覆水源  
主人邀盡醉林鳥助狂言莫問愁多少今皆付酒罇

蘇著作山池

賈彥璋

水樹子雲家蓬瀛死不賒芥浮舟是葉蓮發岫爲花  
酌蟻開春甕觀魚憑海槎遊蘇多石友題贈滿瑤華

安德山池宴集

李百藥

朝宰論思暇高宴臨方塘雲飛鳳臺管風動令君香  
細草開金埒流霞泛羽觴虹橋分水態鏡石引菱光

上才同振藻小伎謬連章懷音自蘭室徐步反山莊

安德山池宴集

劉洎

平陽擅歌舞金谷盛招攜何如兼往烈命賞叶幽棲  
已均朝野致還欣物我齊春晚花方落蘭深逕漸迷

蒲新節尚短荷小蓋猶低無勞拂長袖直待夜烏啼

唐詩類苑

卷之三十六

二十一

安德山池宴集

岑文本

甲第多清賞芳辰命羽卮書帷通竹逕琴臺枕槿籬  
池疑夜壑徙山似鬱洲移雕楹網羅薜激瀨合墳荒

鳥戲翻新葉魚躍動清漪自得淹留趣寧勞攀桂枝

安德山池宴集

楊績

狹斜通鳳闕上路抵青樓管絃啓賓館軒蓋臨御溝  
西城多妙舞主第出名謳列峰疑宿霧疏壑擬藏舟

花蝶亂風影蘋藻含春流酒闌高宴畢自反山之幽

安德山池宴集

上官儀

路上抵平津後堂羅薦薦陳締交開狎賞麗則展芳辰

密樹風煙積迴堂荷菱新雨霽虹橋晚花落鳳臺春  
翠釵低舞席文杏散歌塵方惜流觴滿夕鳥已城闌

安德山池宴集

許敬宗

戚里歡娛地園林矚望新山亭帶芳杜歌吹叶陽春  
臺榭疑巫峽荷蕖似洛濱風花縈少女虹梁聚美人  
宴遊窮至樂譚笑畢良辰獨歎高陽晚歸路不知津

安德山池宴集

褚遂良

伏歷丹霞外遊園煥景舒行雲汎層皐蔽月下清渠  
亭中奏趙瑟席上舞燕裾花落春鶯晚風光夏葉初  
良朋比蘭蕙雕藻邁瓊琚獨有狂歌客來承歡宴餘

唐詩類苑

卷之三十六

三

奉和宴小山池賦得谿字應制

武三思

年光開碧沼雲色斂青谿凍解魚方戲風暄鳥欲啼  
巖泉飛野鶴石鏡舞山鷄柳發龍鱗上松新麀尾齊  
尤韶從此驗三月定應迷

城南山池

張九齡

城南隅山池春仲田表二公盛稱其美夏首獲賞  
果會夙言故有此詠

憶昨聞佳境駕言尋昔蹊非唯初物變亦與舊遊睽  
幽渚爲君說清晨卽我攜逢深獨睥睨歷險共攀躋

林笋包青穉津楊委綠萋荷香初出浦草色復綠堤  
樂處將鷗狎譚端用馬齊且言臨海郡兼話武陵溪  
異壤風煙絕空山巖徑迷如何際朝野從此待金閨

題少府監李丞山池

李頎

能向府亭內置茲山與林他人驕驕馬而我薜蘿心  
雨止禁門肅鶯啼宮柳深長廊閱軍器積水背城陰  
窻外王孫草牀頭中散琴清風多仰慕吾亦爾知音

奉陪郭常侍宴滄川山池

錢起

掖垣攜愛客勝地賞年光向竹過賓館尋山到妓堂  
歌聲掩金谷舞態出平陽地滿簪裾影花添蘭麝香

唐詩類苑

卷之三十六

三

鶯啼春未老酒冷日猶長安石風流事須歸問一作  
省郎

閒題家池寄王屋張道士

白居易

有石白磷磷有水清潺潺有叟頭似雪婆娑乎其間  
進不趨要路退不入深山深山太濩落要路多險難  
不如家池上樂逸無憂患有食適吾口有酒酤吾顏  
恍惚遊醉鄉希夷造玄關五千言下悟十二年來閒  
富者我不顧貴者我不攀唯有天壇子時來一往還

秋夜與劉陽山汎宴喜亭池

李白

明宰試舟楫張燈宴華池文招梁苑客歌動郢中兒  
月色望不盡空天交相宜令人欲泛海只待長風吹

滁州園池宴元氏親屬

韋應物

日暮遊清池疎林羅一作籠高天餘綠飄霜露夕氣變  
風煙水門架危閣竹亭列廣筵一展私姻禮屢歎芳  
罇前感往在茲會傷離屬頽年明晨復云去且願此  
留連

題韋家泉池

白居易

泉落青山出白雲縈村遶郭幾家分自從引作池中  
水深淺方圓一任君

唐詩類苑

卷之三十六

三十四

和韓侍郎題楊舍人林池見寄

白居易

渠水暗流春凍解風吹日炙不成疑鳳池冷暖君諳  
在二月因何更有冰

朱坡故少保杜公池亭

許渾

杜陵池榭綺城東孤島迴汀路不窮高岫乍疑三峽  
近遠波初似五湖通楸梧葉暗瀟瀟雨菱荇花香澹  
澹風還有昔時巢燕在飛來飛去畫堂中

題壽安王主簿池館

蘇頲

洛邑通馳道韓郊在屬城館將花雨映潭與竹聲清

賢俊鸞樓棘賓遊馬佩衡願言隨狎鳥從此濯吾纓

宴遊池館

劉兼

綺筵金碧照芳菲酒滿瑤簪水滿池去歲南岐離郡  
日今春東蜀看花時儉蓮發臉當籌著緒柳生腰按  
柘枝座客半酣言笑狎孔融懷抱正怡怡

官池上

僧無可

迴疏城闕內寒瀉出雲波岸廣山魚到汀閒海鷺過  
汎溝侵道急流葉入宮多移舸浮中沚清宵徹曉河

綿州官池贈別

盧照鄰

輶軒遵上國仙氣下靈關樽酒妨無地聯綵喜暫攀

唐詩類苑

卷之三六

三五

離言欲贈策高辯正連環野逕游雲斷荒池春草斑  
殘花落古樹度鳥入澄灣欲叙他鄉別幽谷有綿蠻

官池秋夕

羅隱

池邊月影閑婆娑池上醉來成短歌芙蓉抵死怨珠  
露蟋蟀苦口嫌金波往事向人言不得舊遊臨老恨  
空多松膠作酒蘭爲棹十載煙塵奈爾何

泛春池

白居易

白蘋湘渚曲綠篠剡溪口各在天一涯信美非吾有  
何如此庭內水竹交左右霜竹百千竿煙波六七畝  
泓澄動堦砌澹泞映戶牖虵皮細有文鏡面清無垢

主人過橋來雙童挾一叟恐污清泠波應纔先抖擻  
波上一葉舟舟中一樽酒酒開舟不繫去去隨所偶  
或繞蒲浦前或泊桃島後未撥落杯花低衝拂面柳  
半酣迷所在倚榜兀迴首不知此何處復是人寰否  
誰知始疏鑿幾主相傳授楊家去云遠田氏將非久  
天與愛水人終焉落吾手

春池上戲贈李郎中

白居易

滿池春水何人愛唯我迴看指似君直似投藍新汁  
色與君南宅染羅裙

秋池二首

白居易

唐詩類苑

卷之三

三

身閒無所爲心閒無所思况當故園夜復此新秋池  
岸閣鳥樓後橋明月出時菱風香散漫桂露光參差  
靜境多獨得幽懷竟誰知悠然心中語自問來何遲

二

朝衣薄且健晚簟清仍滑社近燕影稀雨餘蟬聲歇  
閒中得詩境此境幽難說露荷珠自傾風竹玉相戛  
誰能一同宿共玩新秋月暑退早涼歸池邊好時節

秋池二首

白居易

前池秋始半卉物多摧壞欲暮槿先萎未霜荷已敗  
默然有所感可以從茲誠本不種松筠早凋何足怪

二

鑿池貯秋水中蘋與菱天旱水暗消塌然委空地  
有似汎汎者附離權與貴一旦恩勢移相隨共憔悴

秋池

白居易

洗浪清風透水霜水邊閒坐一繩牀眼塵心垢見皆  
盡不是秋池是道場

夜池

元稹

荷葉團圓莖削削綠萍面上紅衣落滿池明月思啼  
蟹高屋無人風張幕

張常侍池涼夜閒宴

贈諸公

白居易

唐詩類苑

卷之三

三

竹橋新月上水岸涼風至對月五六人管絃三兩事  
留連池上酌欵曲城外意或笑或謳吟誰知此閒味  
迴看市朝客矻矻趨名利朝忙少遊宴夕困多眠睡  
清涼屬吾徒相逢勿辭醉

官舍內新開小池

白居易

簾下開小池盈盈水方積中底鋪白沙四隅甃青石  
勿言不深廣但取幽人適汎灩微雨朝泓澄明月夕  
豈無大江水波浪連天白未若牀席前方丈深盈尺  
清淺何狎弄昏煩聊漱滌最愛曉暝時一片秋天碧

小池二首

白居易

畫倦前齋熱晚愛小池清映林餘景沒近水微涼生  
坐把蒲葵扇閒吟三兩聲

有意不在大湛湛方丈餘荷側瀉清露萍開見遊魚  
每一臨此坐憶歸清溪居

滕校書使院小池

賈島

小池誰見鑿時初走水南來十里餘樓上日斜吹暮  
角院中人出鑠游魚

題蕭丞小池

錢起

鶯鳴蕙草綠朝與人情期林沼忘言處鴛鴦翻時  
春泉滋藥暖晴日度花遲此會無辭醉良辰難再追

唐詩類苑

卷之三十一

二十八

仲春宴王補闕城東小池 錢起

王孫興至幽尋好芳草春深景氣和藥院愛隨流水  
入山齋喜與白雲過猶嫌巢鶴窺人遠不厭叢花對  
客多醉來倚玉無餘事目送歸鴻笑復歌

酬裴相公題興化小池見招長句

白居易

愛爲小塘招散客不嫌老監與新詩山公倒載無妨  
學范蠡扁舟未要追蓬斷偶飄桃李徑鷗鷺誤拂鳳  
凰池敢辭課拙訓高韻一勾爭禁萬頃陂

過駱山人野居小池

白居易

茅覆環堵亭泉添方丈沼紅芳照水荷白頸觀魚鳥  
拳石苔蒼翠尺波煙杳渺但問有意無勿論池大小  
門前車馬路奔走無昏曉名利驅人心賢愚同擾擾  
善哉駱處士安置身心了何乃獨多君丘園居者少

于秀才小池

方干

一泓激灩復澄明半日工夫斲小庭占地未過三五  
尺浸天唯入兩三星鷓鴣舟草際浮霜葉漁父沙邊駐  
小螢纔見規模試方寸知君立意在滄溟

路支使小池

方干

兒童戲穿鑿咫尺見津涯蘚岸和纖草松泉澣淺沙

唐詩類苑

卷之三十一

二十九

光含半牀月影入一枝花到此無醒日當時有習家

路支使小池

方干

廣狹偶然非製定猶存方寸象滄溟一泓春水無多  
浪數尺晴天幾箇星露滿玉盤當半夜匣開金鏡在  
中庭主人垂釣常來此雖把漁竿醉未醒

和范郎中宿直中書曉玩清池贈南省同僚

兩垣遺補

錢起

青瑣留才子春池靜禁林自矜仙島勝宛在掖垣深  
引派彤庭裏含虛玉砌陰漲來知聖澤清處見天心  
蘭氣飄紅岸文星動碧潭鳳樓長近日虬臥欲爲霖

席寵雖高位流謙乃素襟焚香春一作殘漏盡假寐曉

鶯吟丹地宜清泚一作切朝陽復照臨司言兼逸趣鼓

興接一作屬知音六義驚一作先搗藻三臺響擲金爲憐

風水外落羽此漂沈一作飛沈

草堂前新開一池養魚種荷日有幽趣

白居易

淙淙三峽水浩浩萬頃陂未知新塘上微風動連漪

小萍加泛泛初蒲正離離紅鯉二三寸白蓮八九枝

遶水欲成徑護堤方插籬已被山中客呼作白家池

崔十八新池

白居易

唐詩類苑

卷之三十一

三十一

愛君新小池池色無人知見底月明夜無波風定時

忽看不似水一泊稀琉璃

觀表侍郎漲新池一作崔

盧綸

引水香山近穿雲復繞林纔聞籬外響已覺石邊深

滿處侵苔色澄來見柳陰微風月明夜知有五湖心

題許子正處士新池

劉威

坐愛風塵日已西功成得與化成齊巧分孤嶼思何

遠欲似五湖心易迷漸有野禽來試水又憐春草自

優堤那堪更到芙蓉折晚夕香聯桃李蹊

主人故池

王建

高池高閣上連起荷葉團團蓋秋水主人已遠涼風生舊客不來芙蓉死

賦得曲池絮寒流

崔立之

閒尋欹岸步因向曲池看透底河澄澈迴流乍屈盤

稍隨高樹古迴與遠天寬月入鏡華轉星臨珠影寒

纖鱗時蔽石轉吹或生瀾願假涓微效來濡拙筆端

曲池

李商隱

日下繁香不自持月中流艷與誰期迎憂急鼓疎鐘

斷分隔休燈滅燭時張蓋欲判江灩灩迴頭更望柳

絲絲從來此地黃昏散未信河梁是別離

唐詩類苑

卷之三十一

三十一

李卿東池夜宴得池字

獨孤及

政成機不擾心愜宴忘疲去燭延高月傾壘就小池

舞盤迴雪動絃奏躍魚隨自是山公興誰令下士知

陪中書李紆舍人夜泛東池

盧綸

看月復聽琴移舟出樹陰夜村機杼急秋水菱荷深

石靜龜潛上萍開果暗沈何言奉杯酒得見五湖心

興州東池

鄭谷

南連乳郡流澗碧浸晴樓徹底千峰影無風一片秋

垂楊拂蓮葉返照媚漁舟鑑貌還惆悵難遮兩鬢羞



箬峴東池

白居易

箬峴亭東有小池早荷新荇綠參差中宵把火行人發驚散雙棲白鷺鷥

號州郡齋南池幽興因與閻二侍御道別

岑參

池色淨天碧水涼雨淒淒快風從東南荷葉翻向西性本愛魚鳥未能返巖谿中歲徇微官遂令心賞睽及茲佐山郡不異尋幽棲小吏趨竹徑訟庭侵藥畦胡塵暗河洛二陝振鼓鼙故人佐軒庭遙凌雲霓行軍在函谷兩度聞鶯啼相看紅旗下飲酒白日低

唐詩類苑

卷之三十一

三十一

聞君欲朝天駟馬臨道嘶仰望浮與沈忍如雲與泥夜眠驛樓月曉發關城鷄惆悵西郊暮鄉書對君題至西號官舍南池呈左右省及南宮諸故人

岑參

黜官自西掖待罪臨下陽空積犬馬戀豈思鴛鴦行素多江湖意偶佐山水鄉滿院池月靜卷簾溪雨涼軒窗竹翠濕案牘荷花香白鳥上衣桁青苔生筆牀數公不可見一別盡相忘敢恨青瑣客無情華省郎早年迷進退晚節悟行藏他日能相訪嵩南舊草堂

南池

杜甫

崢嶸巴閬間所向盡山谷安知有蒼池萬頃浸坤輅

呀然闔城南枕帶巴江腹菱荷入異縣秔稻共比屋皇天不無意美利戒止足高田失西成此物頗豐熟清源多衆魚遠岸富喬木獨歎楓香林春時好顏色南有漢王祠終朝走巫祝歌舞散靈衣荒哉舊風俗高堂亦明王魂魄猶正直不應空陂上縹緲親酒肉淫祀自古昔非唯一川瀆干戈浩茫茫地僻傷極目平生江海興遭亂身局促駐馬問漁舟躊躇慰羈束喜華陰王少府使到南池宴集

岑參

唐詩類苑

卷之三十一

三十一

有客至鈴下自言身性梅仙人掌裏使黃帝鼎邊來竹影拂碁局荷香隨酒盃池前堪醉臥待月未須回與任城許主簿遊南池

杜甫

秋水通溝洫城隅進小船晚涼看洗馬森木亂鳴蟬菱熟經時雨蒲荒八月天晨朝降白露遙憶舊青氈慈恩精舍南池作

韋應物

清境豈云遠炎氛忽如遺重門布綠陰苗苕滿廣池石髮散清淺林花動連漪綠崖摘紫房傍檻集靈龜浥浥餘露氣馥馥幽襟披積喧忻物曠耽玩覺景馳明晨復趨府幽賞當反思



早春遊慈恩南池

司空曙

山寺臨池水春愁望遠生踏橋逢鶴起尋竹值泉橫  
新柳絲猶短輕蘋葉未成還如虎溪上日暮伴僧行

與侯春時同年南池夜話

許渾

蘆葦暮修修谿鳥上釣舟露涼花斂夕風靜竹含秋  
素志應難契清言豈易求相歡一瓢酒明日醉西樓

陪姚合遊金州南池

僧無可

柳暗清波漲衝萍復漱苔張筵白鳥起掃岸使君來  
洲島秋應沒荷花晚盡開高城吹角絕騶馭尚徘徊

南池

賈島

唐詩類苑

卷之三十一

三十四

蕭條微雨絕荒岸抱清源入舫山偏寒分泉稻接村  
秋聲依樹色月影在蒲根淹泊方難遂他宵關夢魂

陪王卿郎中遊南池

韋應物

鷓鴣俱失侶同爲此地遊露浥荷花氣風散柳園秋  
煙草凝衰嶼星漢汎歸流林高初上月塘深未轉舟

清言屢往復華樽始獻酬終憶秦川賞端坐起離憂

首夏南池獨酌

白居易

春盡雜英歇夏初芳草深薰風自南至吹我池上林  
綠蘋散還合頰鯉跳復沈新葉有佳色殘鶯有好音  
依然謝家物池酌對風琴慚無康樂作秉筆思沈吟

境勝才思劣詩成不稱心

報恩寺南池聯句

陸龜蒙

古岸涵碧落

龜蒙

虛軒明素波坐來魚陣變吟久菊

英多秋草分

龜蒙

危橋下竹坡遠峰青髻並龜蒙古

薛綠髯和趙論

龜蒙

寒仍講休支硎僻亦過齋心曾養鶴

起揮翰好邀鵝

龜蒙

倚石收奇藥臨溪藉淺莎桂花晴

似拭日荷鏡

龜蒙

曉如磨翠出牛頭聳起苔深馬跡跛傘

歌從野醉龜蒙

龜蒙

巾側任田歌跣阿松形矮休雙跚檜櫂

煙香飛僧印火

龜蒙

泉急使鑣珂菱鈿眞堪帖尊絲

亦好拖幾時無一事

龜蒙

相伴著煙蘿起

唐詩類苑

卷之三十一

三十五

唐詩類苑卷第三十七

明雲間張之象玄超補纂輯

雲間徐光啓子先甫編次

雲間王微叔朗甫補訂

梁谿曹仁孫伯安甫校正

水部

池

府西池

白居易

柳無氣力枝先動池有波生水盡開今日不知誰計  
會春風春水一時來

唐詩類苑

卷之三十七

夏至避暑北池

韋應物

晝畧已云極宵漏自此長未及施政教所憂變炎涼  
公門日多暇是月農稍忙高居念田里苦熱安可當  
亭午息群物獨遊愛方塘門閉陰寂寂城高樹蒼蒼  
綠筠尚含粉圓荷始散芳千焉灑煩抱可以對華觴

晦日益州北池陪宴

司空曙

臨泛從公日仙舟翠幕張七橋通碧沼雙樹接花塘  
玉燭收寒氣金波隱夕光野聞歌管思水靜綺羅香  
遊騎繁林遠飛檣截岸長郊源懷灞澹波漾寫江潢  
常侍傳花詔偏裨問羽觴豈令南峴首千載播餘芳

相州前池別許鄭二判官景先神力

張說

數步圓塘水雙鴻戢羽儀一飛喬木上一返故林  
淡泊含秋景虛明抱夜規無因留絕翰雲海意差池

宿興善寺後池

李端

草堂高樹下月向後池生野客同僧靜一作坐新荷共  
水平錦鱗沈不食纖羽亂相鳴卽事思江海誰能萬

里行

興善寺後池

盧綸

萬樹棲白鳥似與鏡湖隣月照何年樹花逢幾遍人

唐詩類苑

卷之三十七

岸莎青有路苔徑綠無塵永願容居止僧中老此身

齊安郡後池絕句

杜牧

菱透浮萍綠錦池夏鶯千囀弄薔薇盡日無人看微  
雨鴛鴦相對浴紅衣

木蘭後池三詠

皮日休

重臺蓮花

歌紅嬌媚力難任每葉頭邊半米金可得教他水妃  
見兩重元是一重心

浮萍

嫩似金脂颺似煙多情渾欲擁紅蓮明朝擬附南風

信寄與湘妃作翠鈿

白蓮

但恐醍醐難並潔，祇應麝菊可齊香。  
半垂金粉知何似，靜婉臨溪照額黃。

奉和木蘭後池三詠

陸龜蒙

重臺蓮花

水國煙鄉足芰荷，就中芳瑞此難過。  
風情爲與吳王近，紅萼常教一倍多。

浮萍

晚來風約半池明，重疊侵沙綠罽成。  
不用臨池重相笑，最無根蒂是浮名。

唐詩類苑

卷之三十七

三

白蓮

素蘂多蒙別艷欺，此花真合在瑤池。  
還應有恨無人覺，月曉風清欲墮時。

重題後池

皮日休

細雨闌珊眠鷺覺，鈿波悠漾並鴛嬌。  
適來會得荆王意，祇爲蓮莖重細腰。

奉和後池

陸龜蒙

曉煙清露暎林塘，冷竹浮鵲意緒多。  
却是陳王詞賦錯，枉將心事託微波。

池上幽境

白居易

裊裊過水橋，微微入林路。  
幽境深誰知，老身閑慣步。  
行行何所愛，遇物自成趣。  
平滑青盤石，低密綠陰樹。  
石上一素琴，樹下雙草履。  
此是榮先生，坐禪三樂處。

池上作

白居易

西溪風生竹森森，南潭萍開水沈沈。  
叢翠萬竿湘岸色，空碧一泊松江心。  
蒲菰繁廼遠近，橋島向背迷。  
窺臨澄瀾萬丈若，萬頃倒影咫尺如。  
千尋泛然獨遊遡，然坐坐念行心思。  
古今竟喪不聞有，泉沼西河亦恐無。  
雲林豈如白翁退，老地樹高竹密池塘深。  
華亭

唐詩類苑

卷之三十七

四

雙鶴白矯矯，太湖四石青。  
岑眼前盡日更無客，膝上此時唯有琴。  
洛陽冠蓋自相索，誰肯來此同投簪。

池上二絕

白居易

山僧對碁坐，局上竹陰清。  
映竹無人見，時聞下子聲。

二

小娃撐小艇，偷採白蓮迴。  
不解藏蹤跡，浮萍一道開。

池上

韋應物

郡中臥病久，池上一來賒。  
榆柳飄枯葉，風雨倒橫查。

京兆公池上作

溫庭筠

稻香山色疊，平野接荒陂。  
蓮折舟行遠，萍多釣下遲。

壞堤泉落處涼簾雨來時京口兵堪用何因人夢思

池上

鄭谷

池榭愜幽獨狂吟學解嘲露荷香自任風竹冷相敲  
喪志嫌孤宦無機愛澹交仙山如有分必擬訪三茅

池上

白居易

嫋嫋涼風動淒淒寒露零蘭衰花始白荷破葉猶青  
獨立樓沙鶴雙飛照水螢若爲寥落境仍值酒初醒

顧少府池上

曹松

池上分行種公庭覺少塵根離湖水岸韻與判曹人  
正午迴魚影方昏息鷺身無時不動詠滄島思方顯

唐詩類苑

卷之三十七

五

雨後宿劉司馬池上

賈島

藍溪秋漱玉此地漲清澄蘆葦聲兼雨芰荷香遶燈  
岸頭秦古道亭面漢荒陵靜想泉根本幽崖落幾層

池上贈韋山人

白居易

新竹夾平流新荷拂小舟衆皆嫌好拙誰肯伴閑遊  
客爲忙多去僧因飯暫留獨憐草處士盡日共悠悠

再經故元九相公宅池上作

劉禹錫

故池春又至一到一傷情鴈鷺群猶下蛙蟬衣已生  
竹叢身後長臺勢雨來傾六尺孤安在人未有名

元處士池上

溫庭筠

蓼穗菱叢思蟋蟀水螢江鳥滿煙蒲愁紅一片風前  
落池上秋波似五湖

池上偶興二絕

白居易

濠梁相會謾相爭未必人情知物情鰕浦魚來魚躍  
出此非魚樂是魚驚

水淺魚稀白鷺饑勞心澄目待魚時外容閒暇中心  
苦似是而非誰得知

池上卽事

白居易

移牀避日依松竹解帶當風掛薜蘿鈿砌池心綠萍  
移牀避日依松竹解帶當風掛薜蘿鈿砌池心綠萍

唐詩類苑

卷之三十七

六

合粉開花面白蓮多久陰新霽宜絲管苦熱初涼入  
綺羅家醞瓶空人客絕今宵爭奈月明何

池上小宴問程秀才

白居易

洛下林園好自知江南境物暗相隨淨淘紅粒罽香  
飯薄切紫鱗烹水葵雨滴篷聲青雀舫浪搖花影白

蓮池停杯一問蘇州客何似吳淞江上時

池上夜境

白居易

晴空星月落池塘澄鮮淨綠表裏光露簾清瑩迎夜  
滑風襟瀟灑先秋涼無人驚處野禽下新睡覺時幽

草香但問塵埃能去否濯纓何必向滄浪

池上閑吟二首

白居易

高臥閑行自在身，池邊亦見柳條新。  
幸逢堯舜無爲日，得作羲皇向上人。  
四皓再除猶且健，三川罷守未全貧。  
莫愁客到無供養，香醞濃野菜春。  
非庄非宅非蘭若，竹樹池亭十畝餘。  
非道非僧非俗吏，褐裘烏帽閉關居。  
夢遊信意寧殊蝶，心樂身閑便是魚。  
雖未定知生與死，其間勝負兩何如。

池上逐涼二首

白居易

青苔地上銷殘暑，綠樹陰前逐晚涼。  
輕袷單衣薄紗帽，淺池平岸蔭藤牀。  
簪纓惟我情何薄，泉石諳君味

唐詩類苑

卷之三十七

七

甚長徧問交親爲老計，多言宜靜不宜忙。

總間睡足休高枕，水畔閑來上小船。  
棹遣禿頭奴子撥茶，教纖手侍兒煎。  
門前便是紅塵地，林外無非赤日天。  
誰信好風清簟上，更無一事但翛然。

池上卽事

白居易

行尋蹺石引新泉，坐看修橋補釣船。  
綠竹掛衣涼處歇，清風展簟困時眠。  
身閑富貴真天爵，心散無憂卽地仙。  
林下水邊無厭日，便堪終老豈論年。

池畔二首

白居易

結構池西廊疏理池東樹，此意人不知。  
欲爲待月處。

二

持刀開密竹，竹少風來多。此意人不曾欲，今池有波。

池邊

白居易

柳老香絲宛，荷新細扇圓。  
殘春深樹裏，斜日小樓前。  
醉遣收杯杓，閑聽理管絃。  
池邊更無事，看補採蓮船。

池邊卽事

白居易

氍毹胡琴出塞曲，蘭塘越棹弄潮聲。  
何言此處同風月，薊北江南萬里情。

池邊

李商隱

玉管葭灰細細吹，流鶯上下燕參差。  
日西千遠池邊樹，憶把枯條撼雪時。

唐詩類苑

卷之三十七

八

樹憶把枯條撼雪時。

臨池閑臥

白居易

小竹圍庭匝，平池與砌連。  
閑多臨水坐，老愛向陽眠。  
營役拋身外，幽奇送枕前。  
誰家臥牀脚，解繫釣魚船。

臨池曲

孟郊

池中春蒲葉如帶，紫菱成角蓮子大。  
羅裙蟬鬢寄迎風，雙雙伯勞飛向東。

題黃帝鼎池

徐凝

黃帝上昇之所，鼎湖蓋黃帝鑄鼎處也。  
有池在山頂。

黃帝旌旗去不迴空餘片石碧崔嵬有時風捲鼎湖浪散作晴天雨點來

開襟

白居易

開襟何處好竹下池邊地餘熱體猶煩早涼風有味黃萎槐藥結紅破蓮方墮無奈每年秋先來入衰思

津

楊子津望京口

孟浩然

北固臨京口夷山近海濱江風白浪起愁殺渡頭人

楊子津

盧仝

風捲魚龍暗楚關白波沈却海門山鵬騰鰲倒且快

唐詩類苑

卷之三十七

九

性地坼天開總是閑

九龍津集

盧照隣

落落樹陰紫澄澄水華碧復有翻飛禽徘徊疑曳鳥

旅泊新津却寄一二知己

溫庭筠

維舟息行役霽景近江村併起別離恨似聞歌吹喧

高林月初上遠水霧猶昏王粲平生感登臨幾斷魂

晚泊蒲類津

駱賓王

二庭歸望斷萬里客新愁山路猶南屬河源自北流

晚風連朔氣新月照邊秋亂火過軍壁烽煙上戍樓

龍庭但苦戰燕領會封侯莫使蘭山下空令漢

春日江津遊望

杜審言

旅客搖邊思春江弄晚晴烟銷垂柳弱霧捲落花輕飛棹乘空下回流向日平鳥啼移幾處蝶舞亂相迎忽嘆人皆濁隄防水至清谷王常不讓深戒日中盈

與黃侍御泛北津

孟浩然

津無蛟龍患日夕常安流本欲避驄馬何知同鷁舟豈伊今日幸曾是昔年遊莫奏琴中鶴且隨波上鷗堤緣九里郭山百層樓自顧躬耕者才非管樂儔聞君薦草澤從此泛滄洲

過津口

杜甫

唐詩類苑

卷之三十七

十

南岳自茲近湘流東逝深和風引桂楫春日漲雲岑回道過津口而多楓樹林白魚困密網黃鳥喧嘉音物微限通塞惻隱仁者心甕餘不盡酒膝有無聲琴聖賢兩寂寞眇眇獨開襟

潭

萬丈潭

杜甫

青溪合冥冥神物有顯晦龍依積水蟠窟壓萬丈內跼步凌垠堦側身下煙靄前臨洪濤寬却立蒼石大山危一徑盡岸絕兩壁對削成根虛無倒影垂澹瀾黑知灣濘底清見光烟碎孤雲倒來深飛鳥不在外

高蘿成帷幄，寒水疊旌旆。遠川曲通流，嵌竇潛洩瀾。  
造幽無人境，發興自我輩。告歸遺恨多，將老斯遊最。  
閉藏修鱗蠃，出入巨石礙。何事炎天過，快意風雨會。

落星潭

李白

涇溪南，藍山下，有落星潭。可以卜築，余泊舟石上。  
寄何判官昌浩

藍岑竦天壁，突兀如鯨額。奔蹙橫澄潭，勢吞落星石。  
沙帶秋月明，水搖寒山碧。佳境宜緩棹，清輝能留客。  
恨君阻歡娛，使我自驚惕。所期俱卜築，結茅鍊金液。

與周剛清溪玉鏡潭宴別 李白

唐詩類苑

卷之三十七

十一

康樂上官去，永嘉遊石門。江亭有孤嶼，千載跡猶存。  
我來越秋浦，三入桃陂源。千峰照積雪，萬壑盡啼猿。  
興與謝公合，文因周子論。掃厓去落葉，席月開清樽。  
溪當大樓南，溪水正南奔。迴作玉鏡潭，澄明洗心魂。  
此中得佳境，可以絕囂喧。清夜方歸來，酣歌出平原。  
別後經此地，爲余謝蘭蓀。

發漁浦潭

孟浩然

東旭早光芒，渚禽已驚聒。臥聞漁浦口，撓聲暗相撥。  
日出氣象分，始知江路闊。美人常晏起，照影弄流沫。  
飲水畏驚猿，祭魚時見鰓。舟行自無悶，况值晴景豁。

同太平公主遊九龍潭 武后

山牕遊玉女，澗戶對瓊峰。巖頂翔雙鳳，潭心倒九龍。  
酒中浮竹葉，杯上寫芙蓉。欲驗山家賞，唯有人松風。

與諸道者同遊二室至九龍潭作

白居易

喜逢二室遊仙子，厭作三川守土臣。舉手摩挲潭上石，  
開襟抖擻府中塵。他日終爲獨往客，今朝未是自由身。  
若言尹是嵩山主，三十六峰應笑人。

龍潭

僧應物

石激懸流雪滿灣，五龍潛處野雲閑。暫收雷電九峰

唐詩類苑

卷之三十七

十二

下且飲溪潭，一水間浪引浮槎。依北岸，波分曉日浸東山。  
回瞻四面如看畫，須信遊人不欲還。

葛山潭

孫逖

圓潭寫流月，晴明涵萬象。仙翁何時還，綠水空蕩漾。  
涼哉草木腴，白露沾人衣。猶醉空山裏，時聞笙鶴飛。

春日遊羅敷潭

李白

行歌入谷口，路盡無人躋。攀崖度絕壑，弄水尋迴溪。  
雲從石上起，客到花間迷。淹留未盡興，日落群峰西。

萬山潭

孟浩然

垂釣坐盤石，水清心亦閒。魚行潭樹下，猿臥鳥藤間。

遊女昔解佩傳聞于此山求之不可得公月棹歌還

峴潭作

孟浩然

石潭傍隈隩沙岸曉寅緣試垂竹竿釣果得槎頭鱖  
美人騎金錯纖手膾紅鮮因謝陸內史尊羹何足傳

登白馬潭

杜甫

水生春纜波日出野船開宿鳥行猶去花叢笑不來  
人人傷白首處處接金杯莫道新知要南征且未迴

春遊東潭

盧綸

移舟試望家漾漾似天涯日暮清潭雪白鷗和柳花

從鄭郎中高州遊東潭

劉洽

唐詩類苑

卷之三十七

十三

煙嵐晚入濕旌旗高檻風清醉未歸夾路野花迎馬  
首出林山鳥向人飛一谿寒水涵清淺幾處晴雲度

翠微自是謝公心近得登樓望月思依依

汝州南潭陪陸中丞公讌

孟郊

一雨百泉漲南潭夜來深分明碧沙底寫出青天心  
遠客洞庭至因茲滌煩襟既登飛雲舫願奏清風琴

高岸立旗戟潛蛟失浮沈威稜護斯浸魍魎迹所侵

山態變初霽水聲流新音耳目極眺聽潺湲與欽岑

誰言柳太守空有白蘋吟

南潭

李昌符

匝岸青蕪掩古苔面山亭樹松潭開有時絃管  
促無數鳬鷺逆浪來路入龍祠群木老風驚漁艇一  
聲迴人傳郭惲多詩比誰見當初泛玉杯

與幼遐君貺兄弟同遊白家竹潭

韋應物

清賞非素期偶遊方自得前登絕嶺險下視深潭黑  
密竹已成幕歸雲殊未極春鳥依谷喧紫蘭含幽色  
已將芳景遇復款平生憶終念一歡別臨風還默默

題玉潭

獨孤及

碧玉徒強名冰壺難比德唯當寂照心可並滄淪色

唐詩類苑

卷之三十七

十四

與暢當夜泛秋潭

盧綸

螢火颺蓮蓼水涼多夜風離人將落葉俱在一船中

泊江潭貽馬校書

儲光羲

明月挂青天遙遙如目前故人遊盡閣却望似雲邊  
水宿依漁父歌聲好采蓮采蓮江上曲今夕爲君傳

宿潭上二首

暢當

夜潭有何舸與月當水中佳賓愛明月遊子驚秋風

二

青浦野陂水白露明月天夜中秋風起心事坐潛然

對小潭寄遠上人

三



小潭澄見底閑客坐開襟借問不流水何如無念心  
彼惟清且淺此乃寂而深是義誰能答明朝問道林  
湍

尋龍湍

孫逖

仙穴尋遺跡輕舟愛水鄉溪流一曲盡山路九峰長  
魚火歌金洞江妃舞翠房遙憐葛仙宅真氣共微茫  
同邢判官尋龍湍觀歸湖中

孫逖

星使下天京雲湖喜晴更從探穴處還作棹歌行  
絲管荷風入簾帷竹氣清莫愁歸路遠水月夜虛明  
唐詩類苑 卷之三十七 十五

賦得荆溪夜湍送蔣逸人歸義興

皇甫冉

驚湍流不極夜度識雲岑長帶溪沙淺時因山雨深  
方同七里路更逐五湖心揭厲朝將夕潺湲古至今  
花源若可許雖遠亦相尋

難

下桂江龍目灘

宋之問

停午出灘險輕舟容易前峰攢入雲樹崖噴落江泉  
巨石潛山恠深篁隱洞仙鳥遶溪寂寂猿嘯嶺娟娟  
揮袂日凡幾我行途已千頃投蒼梧那愁枕白雲眠

宿龍宮灘

韓愈

浩浩復湯湯灘聲抑更揚奔流移激湍電驚浪似浮霜  
夢覺燈生暈宵殘雨送涼如何連曉語一半是思鄉

開龍門八節石灘詩二首并序

白居易

東都龍門潭之南有八節九峭石船筏過此倒反  
破傷舟人楫師推挽束縛大寒之月隸跣水中饑  
凍有聲聞于終夜予嘗有願力及則救之會昌四  
年有悲智僧道遇適同發心經營開鑿資首出力  
仁者施財於戲從古有礙之險未來無窮之苦忽  
唐詩類苑 卷之三十七 十六

乎一旦盡除去之茲吾所用適願快心拔苦施樂  
者耳豈獨以功德福報為意哉因作二詩刻題石  
上以其地屬寺事因僧故多引僧言見志

鐵鑿金錘殷若雷八灘九石劍稜摧竹篙桂檝飛如  
箭百筏千艘魚貫來振錫道師憑衆力揮金退傅施  
家財他時相逐西方去莫慮塵沙路不開

七十三翁旦暮身誓開險路作通津夜舟過此無傾  
覆朝脛從今免苦辛十里叱灘變河漢八寒陰獄化  
陽春我身雖殘心長在開施慈悲與後人

下涇縣陵陽溪至澗灘

李白

澀灘鳴嘈嘈兩山足猿猱白波若捲雪側石不容舸  
漁人與舟人撐折萬張篙

下陵陽公高溪三門六刺灘

李白

三門橫峻灘六刺走波瀾石驚虎伏起水狀龍縈盤  
何慚七里灘使我欲垂竿

嚴陵灘下寄常建

奚賈

日入溪水靜靜真此亦難乃知滄洲人道成仍釣竿  
漾檝坐微月振衣生早寒紛吾誠獨往自速耽考槃  
已息漢陰諄且同濠上觀曠然心無涯借問容膝安

唐詩類苑

卷之三十七

十七

七里灘重送

劉長卿

登高復送遠惆悵洞庭秋風景一作水同前古雲山滿  
上游蒼蒼來暮雨淼淼逐寒流今日關中事蕭何共  
爾憂

晚泊七里灘

許渾

大晚日沈沈歸舟繫柳陰江村平見寺山郭遠聞砧  
樹密猿聲響波澄鴈影深榮華暫時事誰識子陵心  
暮發七里灘夜泊嚴光臺下

方干

一瞬卽七里箭馳猶是難橋邊走嵐翠枕底失風湍

但訝猿鳥定不知霜月寒前賢竟何益此地誤垂竿  
至七里灘作

李嘉祐

遷客投於越臨江淚滿衣獨隨流水遠轉覺故人稀  
萬木迎秋序千峰駐晚暉行舟猶未已惆悵暮潮歸  
却歸睦州至七里灘下作

劉長卿

南歸猶謫宦獨上子陵灘江樹臨洲晚沙禽對水寒  
山開斜照在石淺亂流難惆悵梅花發年年此地看  
經七里灘

孟浩然

予奉垂堂誠千金非所輕爲多山水樂頗作泛舟行  
五岳追尚子三湘弔屈平湖經洞庭濶江入新安清

唐詩類苑

卷之三十七

十八

復聞嚴陵瀨乃在此川路湍障數百里公洄非一趣  
彩翠相氛氲別流亂奔注釣磯平可坐踏蹬滑難步  
援飲石下潭鳥還日邊樹觀奇恨來晚倚棹惜將暮  
揮手弄潺湲從茲洗塵慮

嚴陵灘

羅隱

中都九鼎動英髦漁釣牛簑且遁迹世祖昇遐天子  
死原陵不及釣臺高

南昌灘

元稹

渠江明淨峽逶迤船到明灘拽然遲櫓竄動搖妨作  
夢兒童指點笑吟詩畚餘宿麥黃山腹背殘花白

水湄物色可憐心莫恨此行都是獨行時

題牛相公歸仁里宅新成小灘

白居易

平生見流水見此轉留連况此朱門內君家新引泉  
伊流夾一帶洛石砌千拳與君三伏身滿耳作潺湲  
深處碧磷磷淺處清濺濺碍岸束鳴咽沙汀散淪連  
翻浪雪不盡澄波空共鮮兩崖灩澦口一泊瀟湘天  
曾作天南客漂流六七年何山不倚杖何水不停船  
巴峽聲心裏松江色眼前今朝小灘上能不思悠然

新小灘

白居易

唐詩類苑

卷之三十七

十九

石淺沙平流水寒水邊斜插一漁竿江南客見生鄉  
思道似嚴陵七里灘

灘聲

白居易

碧玉班班沙歷歷清流泐泐響冷冷自從造得灘聲  
後玉管朱絃可要聽

瀨

石頭瀨作

崔國輔

悵矣秋風時余臨石頭瀨日高見超遠望盡北州內  
羽山數點青海岸雜光碎離離樹木少潏潏波潮大  
日暮千里帆南飛落天外須臾送入夜楚色有微暈

尋遠跡已窮遺榮事多昧一身猶未理安得濟當代  
且泛朝夕潮荷衣蕙為帶

嚴子瀨東送馬處直歸蘇 劉長卿

望君舟已遠落日潮未退目送滄海帆人行白雲外  
江中遠回首波上生微靄秋色姑蘇臺寒流子陵瀨  
相送苦易散動別知難會從此日相思空令減衣帶

答劉長卿七里瀨重送 嚴維

新安非欲枉帆過海內如君有幾何醉裏別時秋水  
色老人南望一狂歌

使還七里瀨上逢薛承規赴江西貳

唐詩類苑

卷之三十七

二十

劉長卿

遷客歸人醉晚寒孤舟暫泊子陵灘憐君更去三千  
里落日青山江上看

洲

宿白鷺洲寄楊江寧 李白

朝別朱雀門暮棲白鷺洲波光搖海月星影入城樓  
望美金陵宰如思瓊樹憂徒令魂作夢翻覺夜成秋  
綠水解人意爲予西北流因聲玉琴裏蕩漾寄君愁

夜泊鸚鵡洲

錢起

月照溪邊一畝田夜泊洲前唱有微風小樓深巷敲方

響水國人家在處同

鸚鵡洲送王九遊江左

孟浩然

昔登江上黃鶴樓  
遙愛江中鸚鵡洲  
勢逶迤繞碧流  
鴛鴦鸚鵡滿沙頭  
灘頭月落沙磧長  
金沙耀耀動颼光  
舟人牽錦纜  
浣女結衣裳  
月明全見蘆花白  
風起遙聞杜若香  
君行采采莫相忘

鸚鵡洲

李白

鸚鵡來過吳江水  
江上洲傳鸚鵡名  
鸚鵡西飛隴山去  
芳洲之樹何青青  
煙開蘭葉香風暖  
岸夾桃花錦浪生  
遷客此時徒極目  
長洲孤月向誰明

唐詩類苑

卷之三十七

主

鸚鵡洲卽事

崔塗

悵望春襟鬱未開  
重吟鸚鵡益堪哀  
曹瞞尚不能容物  
黃祖何曾解愛才  
幽鳥暖聞燕鴈去  
曉江晴覺蜀波來  
何人正得風濤便  
一點輕帆萬里迴

題白蘋洲

杜牧

山鳥飛紅帶  
亭薇拆紫花  
溪光初透徹  
秋色正清華  
靜處知生樂  
喧中見死誇  
無多珪組累  
終不負煙霞

廬山桑落洲

胡玢

莫問桑田事  
但看桑落洲  
數家新住處  
昔日大江流  
古岸崩欲盡  
平沙長未休  
想應百年後  
人世更悠悠

西洲詞

溫庭筠

悠悠復悠悠  
昨日下西洲  
西洲風色好  
遙見武昌樓  
武昌何鬱鬱  
儂家定無匹  
小婦被流黃  
登樓撫瑤瑟  
朱絃繁復輕  
素手直凄清  
一彈三四解  
掩抑似含情  
南樓登且望  
西江廣復平  
艇子搖兩漿  
催過石頭城  
門前烏臼樹  
慘澹天將曙  
鸚鵡飛復還  
郎隨早帆去  
迴頭語同伴  
定復負情儂  
去帆不安幅  
作抵使西風  
他日相尋索  
莫作西洲客  
西洲人不歸  
春草年年碧  
桂陽西洲晚  
泊贈古橋村主人

劉長卿

唐詩類苑

卷之三十七

主

洛陽別離久  
江上心可得  
惆悵增暮情  
蕭瑟復秋色  
故山隔何處  
落日美歸翼  
滄海空自流  
白鷗不相識  
悲蟬滿荆渚  
輟棹徒沾臆  
行客念寒衣  
主人愁夜織  
帝鄉片雲去  
遙寄千里憶  
南路隨天長  
征帆杳無極

三洲詞

溫庭筠

團圓莫作波中月  
潔白無爲枝上雪  
月靜波動碎潏潏  
潏雪似梅花不堪折  
李娘十六青絲髮  
畫帶雙花爲君結  
門前有路輕別離  
唯恐歸來舊香滅

春洲曲

溫庭筠

韶光染色如娥顰  
綠黑紅鮮水容媚  
蘇小慵多蘭滿

閑融融浦日鳩鵲寐紫騮蹀躞金銜嘶堤上柳詩少  
草迷門外平橋連柳堤歸來晚樹黃鸝啼

月洲歌送趙列還襄陽 皇甫冉

漢之廣矣中有洲洲如月兮水環流流聒聒兮湍與瀨  
草青青兮春更秋苦竹林香楓樹樵子貳師幾家住  
萬山飛雨一川來巴客歸船傍洲去歸人不可遲芳  
杜滿洲時無限風煙皆自悲莫辭貧賤阻心期家住  
洲頭定近遠朝泛輕橈暮當返不能隨爾臥芳洲自  
念天機一何淺

次晚洲 杜甫

唐詩類苑 卷之三十七 三

參錯雲石稠陂陀風濤壯晚洲適知名秀色固異狀  
棹經垂猿把身在度鳥上擺浪散帙妨危沙折花當  
霸艱暫愉悅羸老反惆悵中原未解兵吾得終疎放  
渚

後渚置酒 陳叔達

大渚初驚夜中流沸鼓輦寒沙滿曲浦夕霧上耶溪  
岸廣鳧飛急雲深鴈度低嚴關猶未遂此夕待晨鷄

銅官渚守風 杜甫

不夜楚帆落避風相渚間水耕先浸草春火更燒山  
早泊雲物晦逆行波浪慳飛來雙白鶴過去杳難還

曉入宜都渚 閻寬

問俗周楚甸川行渺江潯興隨曉光發道會春言深  
回眺佳氣象遠懷得山林佇應舟楫用曷務歸閑心  
源

遊桃源一百韻 劉禹錫

沅江清悠悠連日鬱岑寂回流抱絕巘皎鏡含虛碧  
昏旦遞明媚煙嵐分委積香蔓垂綠潭暴龍照孤磧  
淵明著前志子驥思遠蹠寂寂無何鄉密爾天地隔  
金行太元歲漁者偶探陟尋花得幽踪窺洞穿閭隙  
依微聞鷄犬豁達直阡陌居人互相迎笑語如平昔

唐詩類苑 卷之三十七 三

廣樂雖交奏海禽心不憚揮手一來歸故溪無處覓  
縣縣五百載市朝幾遷革有路在壺中無人知地脉  
皇家感至道聖祚自天錫金闕傳本枝玉函留寶曆  
禁山開秘宇復戶縈靈宅藥檢香氛氤醺壇煙幕幕  
我來塵外躡瑩若朝星拆崖轉對翠屏水窮留畫鷁  
三休俯喬木千級扳峭壁旭日聞撞鐘絳雲迎躡屐  
遂登最高頂縱目還楚澤平湖見青草遠岸連霞赤  
幽尋如夢想縣思屬空閒禽緣且忘疲耽玩近成癖  
清猿俟朝發瑤草凌寒折祥禽舞葱蘢珠樹搖率璣  
羽人顧我笑勸我稅歸輶霓裳何飄飄童顏潔白哲

重巖是藩屏馴鹿受羈勒樓居彌清霄蘿葛成翠帟  
仙翁遺竹杖王母留桃核姹女飛丹砂青童護金液  
寶氣浮鼎耳神光生劍脊虛無天樂來僊宰鬼兵役  
丹丘肅朝禮五禮工紉繹枕中淮南方牀下阜卿烏  
明鑑坐選夜幽籟聽浙瀝因話近世仙聳然心神惕  
乃言瞿氏子骨狀非凡格往事黃先生群兒多侮劇  
警然不屑意元氣貯肝膈往往游不歸洞中觀博奕  
言高未易信猶復加訶責一旦前致辭自云仙期迫  
言思有道骨前事常被謫如今三山上名字在真籍  
悠然謝主人後歲當來覲言畢依庭宇如烟去無跡

唐詩類苑

卷之三十七

五

觀者皆失次驚追紛絡繹日暮山徑窮松風自蕭槭  
適逢修蛇見睛目光激射如嚴三清居不使恣搜索  
唯餘涉江勢八趾在沙礫至今東北隅表以壇上石  
列仙徒有名世人非目擊如何庭廡際白日振羽翮  
洞天豈幽遠得道如咫尺一氣無死生三光自遷易  
因思人間世前路何狹窄瞥然此生中晷祝期滿百  
天方播羣類秀氣肖翕關性靜本同和物牽成阻阨  
是非鬪方寸輩血昏精魄遂令多天傷猶喜見斑白  
喧喧車馬馳冉冉桑榆夕共安緹綉榮不悟泥途適  
紛吾本孤賤世業在逢掖九流宗指歸百氏旁擲撫

公卿偶慰薦鄉曲繆推擇居安白社貧志傲玄纁辟  
功名希自取簪組俟揚歷書府蚤懷鈇射官曾發的  
起草香生帳坐曹烏集栢賜燕聆簫韶侍祠閱琮璧  
嘗聞履忠信可以行蠻貊自述希古心妄恃干時畫  
巧言忽成錦苦志徒食藥平地生峰巒深心有矛戟  
曾波一震盪弱植忽淪溺北渚弔靈均長岑思亭伯  
禍來昧幾兆事去空歎息塵累與時深流年隨漏滴  
才能疑木鷁報施迷夷路楚奏擊鐘儀商歌勞甯戚  
稟生非懸解對涼方感激自從嬰禍羅每事問龜策  
不正降雷雨環玦賜遷斥儻伏夷平人誓將羽衣客

唐詩類苑

卷之三十七

五

買山構精舍領徒問講席冀無身外憂自有閒中益  
道牙期日就塵慮乃冰釋且欲遺姓名安能慕竹帛  
長生尚學致一簣豈虛擲芝朮資糗糧煙霞拂巾幘  
黃石履看墮洪崖肩有拍聊復嗟蜉蝣何煩哀虺蜴  
青囊旣深味瓊葩亦屢摘總無西山資猶免長戚戚

唐詩類苑卷之三十七終

唐詩類苑卷第三十八

明雲間張之象玄超甫纂輯

雲間徐光啓子先甫編次

雲間王 徹叔朗甫補訂

梁谿曹仁孫伯安甫校正

水部

灣

梅灣

顧況

白石盤盤磴清香樹樹梅山深不吟賞孤負委蒼苔

溝

唐詩類苑

卷之三十八

御溝

王貞白

一派御溝水綠槐相陰清此波涵帝澤無處濯塵纓  
鳥道來雖險龍池到自平朝宗心本切願向急流傾

同沈駙馬賦得御溝水

李賀

入苑白泱泱官人正曆黃蓮堤龍骨冷拂岸鴨頭香  
別館驚殘夢停杯泛小觴幸因流浪處暫得見何郎

題壽安縣甘棠館御溝

杜牧

一渠東注芳華苑苑鎖池塘百歲空水殿半傾蟾口  
澀爲誰流下蓼花中

御溝水

僧無可

鑿蔡疏雲數道開垂風岸柳拂青苔銀波玉沫空池  
去曾歷千巖萬壑來

過鴻溝

韓愈

龍疲虎困割川原億萬蒼生性命存惟勸君王回馬  
首真成一擲賭乾坤

鴻溝

許渾

相持未定各爲一作懷君秦政山河此地分力盡烏江  
千載後古溝荒草起寒雲

渡

初至崖口五渡

宋之問

唐詩類苑

卷之三十八

崖口衆山斷欽崙聳天壁氣衝落日紅影入春潭碧

錦續織苔蘚丹青畫松石水禽泛容與巖花飛的皪  
微路從此深我來恨于役惆悵情未已群峯暗將夕

入崖口五渡寄李適徐彥伯

宋之問

抱琴登絕壑伐木泝清川路極意謂盡勢迴趣轉綿  
人遠草木秀山深雲影鮮余負海嶠情自昔微尚然  
彌曠十餘載今來宛仍前未窺仙源極獨進野人船  
時攀乳竇憩屢薄天牕眠夜絃響松月朝楫弄苔泉  
因冥泉外理永謝區中緣碧潭可遺老丹砂堪學仙



莫使馳光暮空令歸鶴憐

答宋十一入崖口五渡見贈

李適

聞君訪遠山躋險造幽絕眇然青雲境觀奇彌年月  
登嶺亦沂溪孤舟事沿越嶢嶂傳彩翠崖磴互欹缺  
石林上攢叢金澗下明滅捫壁窺丹井梯苔瞰乳穴  
忽枉巖中贈對翫未嘗輟殷勤獨往事委曲煉藥說  
邀余名山期從爾泛海渤歲晏秉宿心斯言匪張設  
答宋十一入崖口五渡見贈

徐彥伯

唐詩類苑

卷之三十八

三

聞有獨往客拂衣捐世心結忻薄枉渚撰念營舊林  
經亘去崖合冥綿歸壑深琪樹環碧彩金潭生翠陰  
洄泓弄沙榜危仄眺明岑夕聞桂裏猿曉翫松上禽  
雜珮蘊孤袖瓊敷綴雙衿我懷滄洲想懿爾白雲吟  
策願理方叶存期跡易尋茲言庶不負爲報巖中琴

早過漆林渡寄萬巨

李白

西京大藍山南來漆林渡水色倒空青林煙橫積素  
漏流昔吞翕沓浪競奔注潭落天上星龍開水中霧  
嵯巖注公柵突兀陳焦墓嶺峭紛上干川明屢迴顧  
因思萬夫子解渴同樹何日覩清光拒歡詠佳句

白沙渡

杜甫

畏途隨長江渡口下絕岸差池上舟楫杳窺入雲漢  
天寒荒野外日暮中流半我馬向北嘶山猿飲相喚  
水清石礧礧沙白灘漫漫迴然洗愁辛多病一疎散  
高壁抵欽釜洪濤越凌亂臨風獨回首攬轡復三歎

水會渡

杜甫

山行有常程中夜尚未安微月沒已久崖傾路何難  
大江動我前洄若溟渤寬篙師暗理楫歌笑輕波瀾  
霜濃木石滑風急手足寒入舟已千憂陟巘仍萬盤  
迴眺積水外始知衆星乾遠遊令人瘦衰疾慙加餐

唐詩類苑

卷之三十八

四

桔槔渡

杜甫

青冥寒江渡駕竹爲長橋竿濕煙漠漠江水風蕭蕭  
連竿動嫋娜征衣颯颯颯急流鳴鵲散絕岸鼉鼉驕  
西轅自茲異東逝不可要高通荆門路闊會滄海潮  
孤光隱顧眄遊子悵寂寥無以洗心胸前登但山椒

沙苑南渡頭

王昌齡

秋霧連雲白歸心浦澈懸津人空守纜村館復臨川  
蓬隔蒼茫雨波通演漾田孤舟未得濟入夢在何年  
利州南渡  
溫庭筠  
澹然空水對斜暉曲島蒼茫接翠微波上馬嘶看棹



去柳邊人歇待船歸數叢沙草群鷗散萬頃江田一  
鷺飛誰解乘舟尋范蠡五湖煙水獨忘機

送諫議十六叔至孝義渡後奉寄

孟郊

曉渡明鏡中霞衣相飄飄浪鳬驚亦雙蓬客將誰僚  
別飲孤易醒離憂壯難銷文清雖無敵儒貴不敢驕  
江吏捧紫泥海旗剪紅蕉分明太守禮跨蹕毘陵橋  
伊洛去未迴遐矚空寂寥

至孝義渡寄鄭軍事唐二十五

孟郊

唐詩類苑

卷之三十八

五

咫尺不得見心中空嗟嗟官街泥水深下脚道路斜  
嵩少玉峻峻伊雒碧華華岸亭當四迴詩老獨一家  
消叟何所如鄭食唯有些何當來說事爲君開流霞

乘月過西郊渡

韋應物

遠山含紫氛春野靄云暮值此歸時月留連西澗渡  
謬當文墨會得與群英遇賞逐亂流翻心將清景悟  
行車僦未轉芳草空盈步已舉堠亭火猶愛村原樹  
還當守故局悵悵乘幽素

再遊西郊渡

韋應物

水曲一追遊遊人重懷戀嬋娟昨夜月還向波中見

驚禽棲不定流芳寒未徧攜手更何時佇看花似雪

壽安西渡奉別鄭公二首

孟郊

洛河向西道石波橫磷磷清風送君子車遠無還塵  
春別亦蕭索况茲冰霜晨零落景易入鬱抑抱難申  
百宵華燈宴一旦星散人歲去絃吐箭憂來蠶抽綸  
綿綿無窮事各各馳遶身徘徊黃縹緲倏忽春霜質  
相爲物表物永謝區中姻日嗟來教士仰望無由親

二

東都清風減君子西歸朝獨把歲晏恨泗吟不成謠  
貴遊意多味賤別情易消迴鴈憶前叫浪鳬念後漂

唐詩類苑

卷之三十八

六

悠悠孤飛景聳聳銜霜條昧趣多滯澀嬾朋寡新僚  
病深理方悟悔至心自燒寂靜道何在憂勤學空饒  
乃知滅聞見始遂情逍遙文字徒管織聲華詠疑驕  
顧慙耕稼士朴略氣韻調善士有餘食佳畦冬生苗  
養人在養身此肯清如韶願貢高古言敢望錫類招

酬王侍御西陵渡見寄

嚴維

前年萬里別昨日一封書郢曲西陵渡秦官使者車  
柳塘熏晝日花水溢春渠若不嫌雞黍先令掃敝廬

南浦渡口

李嘉祐

寂寞橫塘路新篁覆水低東風潮信滿時雨稻稭齊

寡婦供租稅漁人逐鼓鼙慙無卓魯術解印謝黔黎

早發壽安次永壽渡

許渾

東西車馬塵鞿洛與咸秦山月夜行客水煙朝渡人  
樹涼風浩浩灘淺石磷磷會待功名就扁舟寄此身

橫龍渡

劉長卿

空傳古岸下曾見蛟龍去秋水晚沈沈獨疑在何處  
亂聲沙上石倒影雲中樹獨見一扁舟樵人往來渡

泊松江渡

許渾

漠漠故宮地月涼風露幽

一作雲

鷄鳴荒戍曉

一作明

鴈過古城秋楊柳北歸路兼葭南渡舟去鄉今已遠

唐詩類苑

卷之三十八

七

更上望京樓

晚泊漢江渡

劉敞

末秋雲木輕蓮拆晚香清雨下侵苔色雲涼出浪聲  
疊帆彼岸盡微照映明渡吏已頭白遙知客姓名

送李鏡之宣州謁袁中丞賦得江渡

張衆甫

古渡大江濱西南押要津自當舟楫路應濟往來人  
飛浪驚飛鳥回風起綠鱗

一作君

看波上客歲晚獨

垂綸

雨晴至江渡

柳宗元

江雨初晴思遠步日西獨向愚溪渡渡頭水落村逕  
成撩亂浮槎在高樹

沐陽古渡作

錢起

日落問津處雲霞殘碧空牧牛避田燒退鷁隨潮風  
迴首故鄉遠臨流此路窮翩翩青冥去羨彼高飛鴻

沙

度破訥沙二首

李益

眼見風來沙旋移經年不省草生時莫言塞北無春  
到總有春來何處知

破訥沙頭鴈正飛鷁鵠泉上戰初歸平明日出東南

唐詩類苑

卷之三十八

八

地滿磧寒光生鐵衣

堤

汴堤行

韋莊

欲上隋堤舉步遲隔雲烽燧叫非時纔聞破虜將休  
馬又道征遼再出師朝見西來爲過客暮看東去作

浮屍綠楊千里無飛鳥日落空投舊店基

隋堤

秦韜玉

種柳開河爲勝遊堤前常使路人愁陰埋野色萬條  
思翠京寒聲千里秋西日至今悲兔苑東波終不反  
龍舟遠山憑見繁華事不語青苔對水流

魏堤有懷

白居易

魏王堤下水聲似使君灘惆悵迴頭聽踟躕立馬看  
蕩風波眼急翻雪浪心寒憶得瞿塘事重吟行路難

魏王堤

白居易

花寒嬾發鳥慵啼信馬閑行到日西何處未春先有  
思柳條無力魏王堤

具興新堤

朱慶餘

春堤一望思無涯樹勢還同水勢斜深映菰蒲三十  
里晴分功利幾千家謀成既不勞人力境遠偏宜隔  
浪花若與青山長作固汀洲肯恨柳絲遮

唐詩類苑

卷之三十八

九

大堤曲

李賀

妾家住橫塘紅紗滿桂香青雲教綰頭上髻明月與  
作耳邊璫蓮風起江畔春大堤上留北人郎食鯉魚  
尾妾食猩猩脣莫指襄陽道綠浦歸帆少今日菖蒲  
花明朝楓樹老

沙堤行呈裴相公

張籍

長安大道沙爲堤早風無塵晚無泥宮中玉漏下三  
刻朱衣導騎丞相來路傍高樓息歌吹千車不行行  
者避街官閭吏相傳呼當前十里惟空衢白麻詔下  
移相印新堤未成舊堤盡

堤上吟

馬植

截竹爲筒作笛吹鳳凰池上鳳凰飛勞君更向黔南  
去卽是陶鑄萬類時

堤上行二首

張籍

酒旗相望大堤頭堤下連橋堤上樓日暮行人爭渡  
急漿聲幽乳蕩中流  
江南江北望煙波入夜行人相應歌桃葉傳情竹枝  
怨水流無限月明多

堤上行

劉禹錫

春堤繚繞水徘徊酒舍旗亭次第開日晚上樓招估  
客峨舸大艫落錨來

唐詩類苑

卷之三十八

十一

暮行河堤上

韓愈

暮行河堤上四顧不見人衰草際黃雲感歎愁我神  
夜歸孤舟卧展轉空及晨謀計竟何就嗟嗟世與身

潮

白居易

早潮纔落晚潮來一月周流六十迴不獨光陰朝復  
暮杭州老去被潮催

錢塘江潮

羅隱

怒聲洶洶勢悠悠羅剎江邊地欲浮漫道往來存大

信也知返覆向平流任拋巨浸疑無底猛過西陵只  
有頭至竟朝昏誰主掌好騎神鯉問陽侯

踏潮歌 并引

劉禹錫

元和十年夏五月終風駕濤南海羨溢南人曰踏  
潮也率三更歲一有之余爲連州客或爲予言其  
狀因歌之附于南越志

屯門積日無回颺滄波不歸成踏潮轟如鞭石屹且  
搖巨空欲駕鼉鼉橋驚湍蹙縮悍而騎大陵高岸失  
岩嶠四邊無阻音響調背負元氣掀重霄介鯨得性  
方道遙仰鼻噓吸揚朱剋海人狂顧迭相招矧不壁  
唐詩類苑 卷之三十八 十一

首聲曉曉征南將軍登麗譙赤旗指麾不敢置翌日  
風回沴氣消歸濤納納景昭昭鳥沈白沙復滿海海  
色不動如青瑤

濤

看濤

朱慶餘

不知來遠近但見白峨峨風雨驅飛玉魚龍迸上波  
聲長勢未盡曉去夕還過要路橫天塹其如造化何

樟亭觀濤

宋 昱

濤來勢轉雄獵獵駕長風雷震雲霓裏山飛霜雪中  
激流起平地吹滂上侵空翕闢乾坤異盈虛日月同

餘艫從陸起州浦隔阡通跳沫噴巖巖翻波帶景紅  
怒湍初抵北却浪復歸東寂聽堪增鼻睛看自發蒙  
伍生傳或謬枚叟說難窮來信應無已申威亦匪窮  
衝騰如決勝迴合似相攻委質任平視誰能見始終

陂

漾陂西南臺

杜甫

高臺面蒼陂六月風日冷蒹葭離披去天水相與永  
懷新目似擊接要心已領彷彿識鯨人空蒙辨魚艇  
錯磨終南翠顛倒白閣影齒翠增光輝乘凌惜俄頃  
勞生愧嚴鄭外物慕張邴世復輕驛騷吾甘雜鄙  
唐詩類苑 卷之三十八 十一

知歸俗可忽取適事莫並身退豈待官老來苦便靜  
況資菱芡足庶結茅茨迴從此具扁舟彌年逐清景

與鄆縣群官泛漾陂

岑 參

萬頃浸天色千尋窮地根舟移城入樹岸闊水浮村  
閒鷺驚簫管潛蚪傍酒樽暝來呼小吏列火儼歸軒  
與鄆縣源少府泛漾陂 岑 參

載酒入天色水涼難醉人清搖縣郭動邊洗雲山新  
吹笛驚白鷺垂竿跳紫鱗憐君公事後陂上日娛賓

任鄆令漾陂遊眺

韋應物

野水瀰長塘煙花亂晴日氛氲綠樹多蒼翠千山出

遊魚時可見新荷尚未密屢往心獨閒恨無理人術

漢陂行

杜甫

岑參兄弟皆好奇攜我遠來遊漢陂天地黷慘忽異  
色波濤萬頃堆琉璃琉璃漫汗泛舟入事殊興極憂  
思集鼉作鯨吞不復知惡風白浪何嗟及主人錦帆  
相爲開舟子喜甚無氛埃鳧鷖散亂棹謳發絲管啁  
啾空翠來沈竿續蔓深莫測菱葉荷花靜如拭宛在  
中流渤澥清下歸無極終南黑半陂已南純浸山影  
動梟窺冲融開船舷暝憂雲際寺水面月出藍田關  
此時驪龍亦吐珠馮夷擊鼓群龍趨湘妃漢女出歌  
唐詩類苑 卷之三十六 三

遊秋浦白筍陂二首

李白

白筍夜長嘯爽然溪谷寒魚龍動陂水處處生波瀾  
天借一明月飛來碧雲端故鄉不可見腸斷正西看

二

何處夜行好月明白筍陂山光搖積雪猿影挂寒枝  
但恐佳景晚不令歸棹移人來有清興及此正相思

汎前陂

王維

秋空自明迴況復遠人間暢以沙際鶴兼之雲外山

澄波淡將夕清月皓方閑此夜任孤棹夷然然

仲夏入園東陂

儲光義

方塘深且廣伊昔曾登岸廬環岸垂綠柳盈潭發紅蕖  
上延北源秀近廣人人居暑雨若混沌清明如空虛  
此鄉多隱逸不陸是樵漁廢賞亦何貴爲歡良易據  
且言重觀國當此賦歸歎

東陂秋意寄元八

白居易

寥落野陂畔獨行思有餘秋荷病葉上白露大如珠  
忽憶同賞地曲江東北隅秋池少遊客唯我與君俱  
啼蛩隱紅蓼瘦馬踟躕青蕪當時與今日俱是暮秋初

唐詩類苑

卷之三十六

十四

節物苦相似時景亦無餘唯有人分散經年不得書

扈亭西陂燕賞

韋應物

杲杲朝陽時悠悠清陂望嘉樹始氤氲春遊方浩蕩  
沉逢文翰侶愛此孤舟漾綠野際遙波橫雲分疊嶂  
公堂日爲倦幽襟自茲曠有酒今滿盈願君盡弘量

南陂遠望

儲嗣宗

閑門橫古塘紅樹已驚霜獨立望秋草野人耕夕陽  
孤煙起蝸舍飛鷺下漁梁唯有田家事依依似故鄉

黃子陂

司空曙

岸芳春色曉水影夕陽微寂寂深煙裏漁舟夜不歸

皇陂

羅隱

皇陂激澗深復深陂西下馬聊登臨垂楊風輕  
帶鯉魚日暖跳黃金三月窮途無勝事十年流水見  
歸心輸他谷口鄭夫子偷得閒名直至今

漢陂

鄭谷

昔事東流共不迴春深獨向漢陂來亂前別業依稀  
在雨裏梨花寂寞開却展漁絲無野艇舊題詩句沒  
蒼苔潸然四顧難消遣祇有佯狂泥酒杯

坡

步東坡

白居易

唐詩類苑

卷之三十八

十五

朝上東坡步夕上東坡步東坡何所愛愛此新成樹  
種植當歲初滋榮及春暮信意取次栽無行亦無數  
綠陰斜景轉芳氣微風度新葉鳥下來萎花蝶飛去  
閒攜斑竹杖徐曳黃麻屨欲識往來頻青蕪成白露

憶遊朱坡四韻

杜牧

秋草樊川路斜陽覆盜門獵逢韓嫣騎樹識館陶園  
帶雨經荷沼盤煙下竹村如今歸不得自戴望天盆

朱坡

杜牧

下杜鄉園古泉聲繞舍啼靜思常慘切薄宦與乖聯  
北闕千門外南山午谷西倚川紅蕖領連寺綠楊堤

迴野翹霜鶴澄潭舞錦鷄濤驚堆萬岫軻急轉千溪  
眉點萱牙嫩風條柳幄迷岸藤稍虺尾沙渚印魔蹄  
火燎湘桃塢波光碧繡畦日痕絙胡官翠巘陂影墮  
晴霓蜩壁爛斑蘚銀延荳蔻泥洞雲生片段苔徑繚  
高低偃蹇松公老森嚴竹陣齊小蓮娃欲語幽笋稚  
相攜漢館留餘趾周臺接故蹊蟠蛟岡隱隱斑雉草  
棲棲樹老蘿紆組巖深石啓閨侵牕紫桂茂塢面翠  
禽棲有計冠終挂無才筆謾提自塵何太甚休笑觸  
藩羝

朱坡絕句三首

杜牧

唐詩類苑

卷之三十八

十六

故國池塘倚御渠江城三詔換魚書賈生辭賦恨流  
落祇向長安住歲餘  
煙深苔巷唱樵兒花落寒輕倦客歸藤岸竹洲相掩  
映滿池春雨鷓鴣飛  
乳肥春洞生鵝管沼避迴巖勢犬牙自笑卷懷頭角  
縮歸盤煙磴恰如蝸

長樂坡

白居易

行人南北分征路流水東西接御溝終日坡前恨離  
別謾名長樂是長愁

磯

登蒲洲石磯望橫江口潭島深迴斜對香

山

柳宗元

隱憂倦永夜凌霧臨江津猿鳴稍已疎登石娛清淪  
日出洲渚淨澄明晶無垠浮暉翻高禽沈景照文鱗  
雙江匯西奔詭怪潛坤珍孤山乃北峙森爽棲靈神  
洄潭或動容島嶼疑搖振陶埴茲擇土蒲魚相與隣  
信美非所安羈心屢逡巡糾結良可解紆鬱亦  
已伸高歌返故室自網非所欣

塘

和盧侍御通塘曲

李白

唐詩類苑

卷之三十八

十七

君誇通塘好通塘勝耶溪通塘在何處宛在潯陽西  
青蘿嫋嫋柳煙樹白鵝處處聚沙堤石門中斷平湖  
出百丈金潭照雲日何處滄浪垂釣翁鼓棹魚歌趣  
非一相逢不相識出沒繞通塘浦邊清水明素足別  
有浣沙吳女郎行盡淥潭潭轉幽疑是武陵春碧流  
秦人鷄犬桃花裏將比通塘渠見羞通塘不忍別十  
去九遲迴偶逢佳境心已醉忽有一鳥從天來月出  
青山送行子四邊苦竹秋聲起長吟白雪望星河雙  
垂兩足揚素波梁鴻德耀會稽日寧知此中樂事多

林塘懷友

王勃

芳屏畫春草仙杼織朝霞何如山水路對面即飛花

瞿塘兩崖

杜甫

三峽傳何處雙崖壯北門入天猶石色穿水忽雲根  
猱攬鬚髯古蛟龍窟宅尊義和冬馭近愁畏日車昏

瞿塘懷古

杜甫

西南萬壑注劼敵兩崖開地與山根裂江從月窟來  
削成當白帝空曲隱陽臺疏鑿功雖美陶鈞力大哉

初入瞿塘

白居易

瞿塘天下險夜上信難哉岸似雙屏合天如匹帛開  
逆風驚浪起拔柁聞船來欲識愁多少高於灘漲堆

唐詩類苑

卷之三十八

十八

初秋蓮塘歸

顧況

秋光淨無跡蓮消錦雲紅只有溪山還識揚舲翁  
如何白蘋花幽渚笑涼風

蓮塘霽望

劉兼

新秋菡萏發紅英向晚風飄滿郡馨萬疊水紋羅乍  
展一雙鷓鴣繡初成採蓮奴散吳歌闌拾翠人歸楚  
雨晴遠岸牧童吹短笛蓼花深處信牛行

漁塘十六韻

在朱陽縣石磯下古老  
云洛水一派流出此山

韋莊

洛水分餘脉穿巖出石稜碧經嵐氣重清帶露華澄



瑩徹通三島巖嵒積萬層泉由應共到劉阮想同  
壁峻苔如畫山昏霧似蒸撼松衣有雪題石硯生冰  
路熟雲中客名留域外僧饑猿尋落橡關鼠墮高藤  
嶮樹臨溪亞殘莎帶岸崩持竿聊籍草待月好垂簾  
對景思任父開圖想不與晚風輕浪疊暮雨濕煙凝  
似泛靈槎出如迎羽客昇仙源終不測勝槩自相仍  
欲別誠堪戀長歸又未能他時操史筆爲爾著良稱

寒塘曲

張籍

寒塘沈沈柳葉疎水暗人語驚棲鳥舟中少年醉不  
起持燭照水射遊魚

唐詩類苑

卷之三十八

十九

蘭塘詞

溫庭筠

塘水汪汪鳥啁啾憶上江南木蘭檝繡頸金鬚蕩倒  
光團團皺綠鷄頭葉露凝荷卷珠淨圓紫菱刺短浮  
根纏小姑歸晚紅粧淺鏡裏芙蓉照水鮮東溝繡繡  
勞迴首欲寄一杯瓊液酒知道郎却有情長教月  
照相思柳

橫塘行

韋應物

妾家住橫塘夫婿郗家郎玉盤的歷雙白魚寶簾玲  
龍透象牀象牀可寢魚可食不知郎意何南北岸上  
種蓮豈得生池中種蓮豈得成丈夫一去花落樹妾

獨長夜心未平

遊南塘寄知者

溫庭筠

白鳥梳翎立岸莎藻花菱葉泛微波煙光似帶侵  
柳露點如珠落卷荷楚水曉涼催客早杜陵秋思傍  
蟬多鑑公不信歸心切處處江樓一曲歌

塘上行

李咸用

橫塘日澹秋雲隔浪織輕颺羅羅幕幕紅綃撒水蕩舟  
人畫橈慘慘柔荑白鯉魚虛擲無消息花老蓮疎愁  
未摘却把金釵打綠荷懊惱露珠穿不得

塘上行

李賀

唐詩類苑

卷之三十八

三十一

藕花涼露濕花缺藕根涇飛下雌鴛鴦塘水聲淅淅

塘下行

孟郊

塘邊日欲斜年少早還家徒將白羽扇調妾木蘭花  
不是城頭樹那棲來去鴉

堆

澹澹堆

杜甫

石水中央江寒出水長沈牛咎雲雨如馬戒舟航  
意存傾覆神功接混茫干戈連解纜行止憶垂堂

澹澹堆

杜甫

澹澹既沒孤根深西來水多愁太陰江天漠漠鳥愛



去風雨時時龍一吟舟人魚子歌爲首估客相語  
滿襟寄語舟航惡年少休翻鹽井橫黃金

望韓公堆

崔滌

韓公堆上望秦川渺渺關山西接連孤宦一身千里  
外未知歸日是何年

拂雲堆

李益

漢將新從虜地來旌旗半上拂雲堆單于每近沙場  
獵南望山陰哭始回

瀑布水

入廬山仰望瀑布水

張九齡

唐詩類苑

卷之三十八

三十一

絕頂有懸泉喧喧出煙杪不知幾時歲但見無昏曉  
閃閃青崖落鮮鮮白日皎灑流濕行雲濺沫驚飛鳥  
雷吼何噴薄箭馳入窈窕昔聞山下蒙今乃林巒表  
物情有詭激坤元曷茲矯默然置此去變化誰能了

望廬山瀑布水

李白

昔登香爐峯南見瀑布水挂流三百丈噴壑數十里  
欸如飛電來隱若白虹起初驚河漢落半灑雲天裡  
仰觀勢轉雄壯哉造化功海風吹不斷江月照還空  
空中亂衆射左右洗青壁飛珠散輕霰流沫沸穹石  
而我遊名山對之心益閒無論嗽瓊液且得洗塵顏

仍諧宿所好永願辭人間

湖口望廬山瀑布水

張九齡

萬丈紅泉落迢迢半紫氛奔飛流雜樹灑落出重雲  
日照虹霓似天清風雨聞靈山多秀色空水共氤氳

廬山瀑布

裴說

靜景憑高望光分翠嶂開嶮飛千尺雪寒撲一聲雷  
過去雲衝斷旁來繞障迴何當任峯下中歲絕塵埃

秋霽望廬山瀑布

夏侯楚

常思瀑布幽晴眺喜逢秋一帶連青嶂千尋倒碧流  
濕雲應悞鶴翻浪定驚鷗星浦虹初下爐峯煙未收

唐詩類苑

卷之三十八

三十一

巖最高時裏裏天淨起悠悠儻見朝宗日還須濟巨舟  
遊廬山瀑布水

李白

日照香爐生紫煙遙看瀑布挂長川飛流直下三千  
尺疑是銀河落九天

瀑布

章孝標

秋河溢長空天灑萬丈布深雷隱雲壑孤電挂巖樹  
滄溟曉噴寒碧落晴盪素非越下流急勢使不得住

尋簡寂觀瀑布

韋應物

躡石欹危過急澗攀崖迢遞弄懸泉猶將虎竹爲身  
累欲付歸人絕世緣

簡寂觀西澗瀑布下作 韋應物

淙一作流絕壁散虛煙翠澗深叢際松風起飄來濕

塵襟窺蘿翫猿鳥解組傲雲林茶果邀真侶觴酌洽

同心曠歲懷茲賞行春始重尋聊將橫吹曲一寫山

水音

題仙巖瀑布呈陳明府 方干

方知激感與噴飛直恐古今同一時遠望流來多石

脉寒空撲碎作凌澌謝公巖上衝雲去織女星邊落

地遲聚向山前更誰測深沈見底是澄漪

石門瀑布 方干

唐詩類苑

卷之三十八

圭

奔傾漱石亦噴苔此事便隨元化來長片挂巖輕似

練遠聲離洞咽於雷氣侵松樹千枝潤勢盡雲霞一

道開直是銀河分派落兼聞碎滴澣天台輒隨一

東山瀑布 方干

遙夜看來宜月照平明失去被雲迷挂巖遠勢尋松

塢擊石殘聲注稻畦素色噴成三伏雪餘波流作萬

年溪不緣真宰能開決應向山前雜淤泥

噴玉布 孟郊

去塵咫尺步山笑康樂巖天開紫石屏泉縷明月簾

仙凝刻削跡靈綻雲霞纖悅開若有待瞥見終無厭

俗玩詎能近道嬉方可淹踏著不死機欲歸多澤  
古醉今忽醒今求古仍潛古今相共失語默兩難小  
贈君噴玉布一濯高嶺新

唐詩類苑

卷之三十八

圭

唐詩類苑卷第三十九

明雲間張之象玄超甫集

雲間徐光啓子先甫編次

雲間王微叔朗甫補訂

梁谿曹仁孫伯安甫校正

水部

泉

泉

崔塗

遠辭巖壑瀉潺潺拂雲根別故山可惜寒聲留不得旋添波浪向人間

唐詩類苑卷之三十九

詠山泉

儲光義

山中有流水借問不知名映地爲天色飛空作雨聲轉來深澗滿分出小池平恬澹無人見年年長自清

山下泉

權德輿

漾漾帶山光澄澄倒林影那知石上喧却憶山中靜

山下泉

李端

碧水映丹霞潑潑度一作淺沙暗通山下草流出洞中花素色和雲落喧聲遶石斜明朝更尋去應到阮

郎家

賦得山泉送房造

李端

泉水山邊去高人月下看潤松秋色淨落日夜聲寒委曲穿深竹潺湲過淺灘聖朝無隱者早晚罷魚竿

商山夜聞泉

曹松

瀉月聲不斷坐來心益閑無人知落處萬木冷空山遠憶雲容外幽疑石縫間那辭通曙聽明日度藍關

途中題山泉

白居易

决决留巖穴濺濺出洞門向東應入海從此不歸源似葉飄辭樹如雲斷別根吾身亦如此何日返鄉園

和茅山高拾遺憶山中雜題山泉

儲嗣宗

唐詩類苑卷之三十九

香味清機僊府回縈紆亂石便流杯春風莫泛桃花去恐引凡人入洞來

秋晚日少陵原遊山泉之什

楊發

喧濁侵肌性未沈每來雲外恣幽尋塵衣更喜秋泉滌倦跡方依竹洞深暫過偶然應繫分有期終去且勞心唯憐一夜空山月似許他年伴獨吟

石門山泉

鄭谷

一脉清冷何所之縈莎漱蘚入僧池雲邊野客窮來處石上寒猿見落時聚沫繞槎殘雪在迸流穿樹墮

花隨煙春雨晚間吟去不復遠尋皇子坡

懷南山林泉

張九齡

始與南山下有林泉常卜居焉荊州卧病有懷此地

出處各有在何者爲陸沈幸無迫賤事聊可祛迷襟  
世路少夷坦孟門未嘔嚙多慙入火術常惕履冰心  
一跌不自保萬全焉可尋行行念歸路耿耿惜光陰  
浮生如過隙先達已吾儻敢忘丘山施亦云年病侵  
力衰在所養時謝良不任但憶舊棲息願言遂窺臨  
雲間木孤秀林下面清深蘿藦自爲幄風泉何必琴

唐詩類苑

卷之三九

三

歸此老吾老過當日千金

林泉獨飲

王勃

丘壑經塗賞花柳遇時春相逢今不醉物色自輕人

答林泉

白居易

好住舊林泉迴頭一悵然漸知吾潦倒深愧爾留連  
欲作棲雲計須營種黍錢更容來一郡不得亦歸田

懷圭峰影林泉

李洞

吾家舊物賈生傳入內遙分錫杖泉鶴去帝移宮女  
散更堪鳴咽過樓前

老題石泉

白居易

慙慙傍石遶泉行不說何人知我情漸恐耳聾  
暗聽泉看石不分明

野泉

張蟾

遠出白雲中長年聽不同一作清聲繁亂石一作寒

色入長潭一作潭空挂壁聊成雨穿林別起風溫泉非爾

類源發在深空

信州開通寺題僧砌下泉 曹松

細聲從嶠落幽淡浸香墀此境未開日何人初見時  
耗痕延黑蘚淨罅吐微澌應有喬梢鶴下來當飲之  
答長安崔少府叔封遊終南翠微寺太宗皇

唐詩類苑

卷之三九

四

帝金沙泉見寄

李白

河伯見海若傲然誇秋水小物昧遠圖寧知通方士  
多君紫霄意獨往蒼山裏地古寒雲深崑崙高長風起  
初登翠微嶺復憩金沙泉踐苔朝霜滑弄波夕月圓  
飲彼石下流結蘿宿溪烟鼎湖夢淥水龍駕空茫然  
早行子午間却登山路遠拂琴聽猿猿滅燭乃星飯  
人烟無明異鳥道絕往返攀崖倒青天視白日晚  
既過石門隱還唱石潭歌步雪蹇紫芳濯纓想清波  
此人不可見此地君自過爲余謝風泉其如幽意何

遊龍門香山泉

韋應物

山水本自佳遊人已忘慮碧泉更幽絕賞愛未一作

能去潺湲寫幽磴繚繞帶一作嘉樹激轉忽殊流歸

泓又同注羽觴自成一作既永日亦延趣靈草有時

香一作源不知處還當候圓月携手重遊寓

奉酬翁文亮員外神泉之遊見寄嘉什

黃滔

含鷄假豸喜同遊野外嘶風並紫駟松竹迴尋青嶂  
寺姓名題向白雲樓泉源出石清消暑僧語離經妙  
破愁爭奈愛山尤戀闕古來能有幾人休

甘泉詩并序

耿湋

唐詩類苑

卷之三九

五

甘泉美良牧也覃懷舊水鹹鹵人多疾患天愍遺  
甿是生王公惠和既敷妙用潛應頃脩壘虞冠鑿  
井便溉忽遇醴泉香美若飴遂命水工浚滌餘泥  
葺欄備綆維人所欲萬甕繼挈道路紛紛既蠲諸  
邪亦愈羣瘵豈止夫宜盥漱之用增烹飪之味客  
乃率然遂賦茲什

異井甘如醴深仁遠未涯氣寒堪被暑源淨自蠲邪  
脩綆懸冰甃新桐蔭玉沙帶星疑曉露拂霧湧秋華  
綠溢涵千仞清冷飲萬家何能葛洪宅終日閉煙霞  
華陰東泉同張處士詣藏律師兼簡縣內同

官因寄齊中書

李益

蒼崖抱寒泉淪照洞金碧潛鱗孕明晦山靈閟幽蹟  
前峯何其詭萬變窮日夕松老風易悲山秋雲更白  
故人中邑吏五里僊霧隔美質簡瓊瑤英聲缺金石  
煩君竟相問問我此何適我因贊時理書寄西飛翮  
哲匠熙百工日月被光澤大國本多士荆岑無遺璧  
高網彌八紘皇圖明四闢羣材既兼暢顧我在草澤  
貴無身外名賤有區中役忽忽百齡內殷殷千慮迫  
人生已如寄在寄復爲客舊國不得歸風塵滿阡陌

題噴玉泉

泉在安山下高白居易

唐詩類苑

卷之三九

六

泉噴聲如玉潭澄色似空練垂青嶂上珠寫綠盆中  
溜滴三秋雨寒生六月風何時此巖下來作濯纓翁

方山寺松下泉

章孝標

石脉綻寒光松根噴曉霜注瓶雲母滑漱齒茯苓香  
野客偷煎茗山僧惜淨牀三禪不要問孤月在中央

題鶴鳴泉

曹松

僊鶴曾鳴處泉兼半井苔直峯拋影入片月瀉光來  
漱灑侵顏冷深沈慰眼開何因值丹頂潑汲石瓶迴  
抵此沈僊瑤池似不還有聲懸翠壁無勢不丹霄

青鳥泉

張喬

浮瀨煙霞古寒原草木凋山河幾更變幽咽到唐朝

題東林寺虎跑泉

周繇

勝致通幽感靈泉自虎跑爪擡山脉斷掌托石心切  
竹藹疑相近松陰蓋亦交轉令棲遁者真境愈難拋

野狐泉

羅隱

滴滴寒光濺路塵相傳妖物此潛身又應改換皮毛  
後何處人間作好人

鹽州過胡兒飲馬泉

李益

綠楊著水草如煙舊是胡兒飲馬泉幾處吹笳明月  
夜何人倚劍白雲天從來凍合關山路今日分流漢

唐詩類苑

卷之三九

七

使前莫使行人照容鬢恐驚憔悴入新年

題清蘿翁雙泉

耿湋

側弁向清漪門中夕照移異源生暗石疊響落秋池  
葉擁沙痕沒流回草蔓隨冷冷無限意不獨遠公知

遊南陽清冷泉

李白

惜彼落日暮愛此寒泉清西輝逐流水蕩漾遊子情  
空歌望雲月曲盡長松聲

秋遊平泉贈韋處士閑禪師

白居易

秋景引閑步山遊不知疲杖藜捨輿馬十里與僧期

昔嘗憂六十四體不支持今來已及此猶未苦衰

心興遇境發身力因行知尋雲到起處愛泉聽滴時

南村韋處士西寺閑禪師山頭與澗底聞健且相隨

遊平泉贈晦叔

白居易

照水容雖老登山力未衰欲眠先命酒暫歇亦吟詩  
且喜身無縛終慙鬢有絲迴頭語閑伴閑校十年遲

醉遊平泉

白居易

狂歌箕踞酒樽前眼不看人面向天洛客最閑唯有  
我一年四度到平泉

聖泉宴

王勃

唐詩類苑

卷之三九

八

披襟乘石磴列籍俯春泉蘭氣薰山酌松聲韻野絃  
影飄垂葉外香度落花前興洽林塘晚重巖起夕烟

西塔寺陸羽茶泉

裴迪

竟陵西塔寺蹤跡尚空虛不獨支公住曾經陸羽居  
草堂荒產蛤茶冷井生魚一汲清泠水心同味有餘

遊方口懸泉偶題石上

白居易

濟源山水好老尹知之久常日聽人言今秋入吾手  
孔山刀劒立沁水龍蛇走危磴已懸泉澄灣轉坊口

虛明見深底渾綠無纖垢僊棹浪悠揚塵纓風抖擻  
巖寒松栢短石古莓苔厚錦座纓高低翠屏張左右

雖無安石妓不乏文舉酒談笑逐身來管絃隨事有時逢杖錫客或值垂綸叟相與澹忘歸自辰將及酉公門欲返駕溪路猶迴首早晚重來遊心期罷官後

峽石西泉

韓愈

居然鱗介不能容石眼環環水一鍾聞說旱時求得雨祇疑科斗是蛟龍

達奚中丞東齋壁畫山水各賦一物得樹杪懸泉送長安趙元陽少府

盧綸

素壁畫飛泉從雲落樹顛練垂疑葉響雲迸覺枝偏

唐詩類苑

卷之三十九

九

利物得雙劍爲儒當一賢應思灑塵陌調饌亦芳鮮

軍次陽城烽舍北流泉

李益

何地可潛然陽城烽樹邊今朝望鄉客不飲北流泉

無錫惠山寺流泉歌

皇甫冉

寺有泉兮泉在山鏘金鳴玉兮長潺潺作潭鏡兮澄寺內泛巖花兮到人間土膏脉動知春早隈隩陰深長苔草處處縈迴石磴喧朝朝盥漱山僧老僧自老松自新清流活活無冬春任疏鑿兮與汲引若有意今山中人偏依佛界通仙境明滅玲瓏媚林嶺宛如太室臨九潭詎減天台望三井我來結綬未經秋已

厭微官憶舊遊且復遲迴猶未去此心祇爲靈泉留

李廬二中丞各創山居俱誇勝絕然去城稍

遠來往頗勞敝居新泉實在宇下偶題十

五韻聊戲二君

白居易

龍門蒼石壁浥澗碧潭水各在一山隅迢迢幾十里清鏡碧屏風惜哉信爲美愛而不得見亦與無相似聞君每來去矻矻事行李脂韞復累糧心力頗勞止未如吾舍下石與泉甚邇鑿鑿復濺濺晝夜流不已洛石千萬拳褰視波鋪錦綺海珉一兩片激瀨含宮徵綠宜春濯足淨可朝漱齒遶砌紫鱗遊拂簾白鳥起

唐詩類苑

卷之三十九

十

何言履道叟便是滄浪子君若赴歸程請君先到此願以潺湲聲洗君塵土耳

新泉

僧靈一

泉源新湧出洞徹映纖雲稍落芙蓉沼初淹苔蘚文了將空性淨素與衆流分若對青霄月冷然夢裏聞

和靈一上人新泉

劉長卿

東林一泉出復與遠公期石淺寒流處山空夜

落時一作淺澗春流處空山夜月時夢閑聞一作細響慮澹對一作

清漪動靜皆無意一作唯應達道者知

一公新泉

嚴維

山下新泉出泠泠此發源落池纔有響噴石未成  
獨映孤松色殊分衆鳥喧唯當清夜月觀此啓禪門

水簾

羅鄴

萬點飛泉下白雲似簾懸處望疑真若將此水爲霖  
雨更勝長垂隔路塵

水簾

羅鄴

亂泉飛下翠屏中似共真珠巧綴同一片長垂今與  
古半山遙聽水兼風雖無舒卷隨人意自有潺湲濟  
物功每向暑天來往見疑將仙子隔房櫳

太平寺泉眼

杜甫

唐詩類苑

卷之三

十一

招提憑高岡疎散連草莽出泉枯柳根汲引歲月古  
石間見海眼天畔縈水府廣深丈尺間宴息敢輕侮  
青白二小蛇幽姿可時觀如絲氣或上爛熳爲雲雨  
山頭到山下鑿井不盡土取供十方僧香美勝牛乳  
北風起寒文弱藻舒翠縷明涵客衣淨細蕩林影趣  
何當宅下流餘潤通藥圃三春濕黃精一食生毛羽  
和崔會稽詠王兵曹廳前湧泉勢成中字

包融

茂德來徵應流泉入詠歌含靈符上善作字表中和  
有草恒垂露無風欲偃波爲看人共水清白定誰多

引東泉作

元結

東泉人未知在我左山東引之傍山來乘流落庭中  
宿霧含朝光掩映如殘虹有時散成雨飄灑隨清風  
衆源發淵實殊怪皆不同此流又高懸旖旎在長空  
山林何處無茲地不可逢吾欲解纓佩便爲泉上翁

引泉

白居易

一爲止足限二爲衰病牽那罷不因事陶歸非待年  
歸來嵩洛下閉戶何悠然靜掃林下地閑疏池畔泉  
伊流狹似帶洛石大如拳誰教明月下爲我聲濺濺  
竟夕舟中坐有時橋上眠何用施屏障水竹繞牀前

唐詩類苑

卷之三

十一

聞泉

李咸用

浙浙夢初驚幽牕枕簟清更無人共聽祇有月空明  
急想穿巖曲低應過石平欲將琴強寫不是自然聲

聽泉

僧貫休

落石幾萬仞遠聲飄冷空高秋初雨後半夜亂山中  
只有照壁月更無吹葉風省曾廬嶽聽到曉與僧同  
宿深上人房聽遠泉

李端

泉聲宜遠聽入夜對多公  
續交方盡潺湲咽又通  
何年出石下幾日在山中  
君謂源窮處禪心與此同

聽夜泉

張籍



細泉深處落夜久漸聞聲獨起出門聽欲尋當澗行  
還疑隔林遠復畏有風生月下長來此無人亦到明

酬從叔聽夜泉見寄

項斯

夢罷更開戶寒泉聲隔雲共誰尋最遠獨自坐偏聞  
巖隙和風滴溪中泛月分豈知當此夜流念到江濱

示獠奴阿段

杜甫

山木蒼蒼落日曛竹竿裊裊細泉分郡人入夜爭餘  
瀝稚子尋源獨不聞病渴三更回白首傳聲一注濕  
青雲曾驚陶侃胡奴異怪爾常穿虎豹羣

元十八從事南海欲出廬山臨別舊居有題

唐詩類苑

卷之三十九

十三

泉聲之什因以投和兼伸別情

白居易

賢侯辟士禮從容莫戀泉聲問所從雨露初承黃紙  
詔煙霞欲別紫霄峯傷弓未息新驚鳥得水難留久  
卧龍我正退藏君變化一杯可易得相逢

溫湯泉

奉和聖製溫湯泉歌

張九齡

有時神物待聖人去後湯還冷來時樹一春今茲十  
月自東歸羽旆遙進上翠微溫谷葱蔥佳氣色離宮  
奕奕斗光輝臨渭川近天邑浴日溫泉復在茲群僊

洞府那相及吾君利物心玄澤浸蒼黔漸漬神湯無  
疾苦薰歌一曲感人深

駕去溫泉宮後贈楊山人 李白

少年落魄楚漢間風塵蕭瑟多苦顏自言管葛竟誰  
許長吁莫錯還閉關一朝君王乘拂拭剖心輸膽雪  
胸臆忽蒙白日迴景光直上青雲生羽翼幸陪鸞輦  
出鴻都身騎飛龍天馬駒王公大人借顏色金章紫  
綬來相趨當時結交何紛紛片言道合惟有君待君  
盡節報明主然後相携卧白雲

溫泉言志 并序

玄宗

唐詩類苑

卷之三十九

十四

惟此溫泉是稱愈疾豈余獨受其福思與兆人共  
之乘暇巡遊乃言其志

桂殿與山連蘭湯湧自然陰崖含秀色溫谷吐潺湲  
續爲蠲邪著功因養正宣願言將億兆同此共昌延  
奉和聖製溫泉言志應制 張說

溫泉媚新豐驪山橫半空湯池薰水殿翠木暖煙宮  
起疾迎仙藻無私合聖功始知堯舜德心與萬人同

過溫湯泉

高宗

溫渚停僊蹕豐郊駐曉旌路曲迴輪影岸下漏聲  
暖潤滋濡欲寒空碧霧輕林黃疎葉下野白曙霜明

眺聽良無已烟霞斷續生

奉和聖製過溫湯

越王貞

鳳輦騰宸駕驪輦次乾遊坎德疏溫液山隈派暖流  
寒氛空外擁蒸氣沼中浮林凋帷影散雲歛蓋陰收  
霜郊暢玄覽參差落景道

奉和聖製過溫湯

王德貞

握圖開萬寓屬聖啓千年驪阜疏緹騎驚鴻映綵旃  
玉霜明鳳野金陣藻龍川祥煙聚危岫德水溢飛泉  
停輿興睿覽還舉大風篇

奉和聖製過溫湯

楊思玄

唐詩類苑

卷之三十九

十五

豐城觀漢迹溫谷幸秦餘地接幽王壘塗分鄭國渠  
風威肅文衛日彩鏡雕輿遠岫凝氛重雲叢對影疎  
迴瞻漢章闕佳氣滿宸居

奉和聖製過溫湯

鄭義真

洛川方駐蹕豐野暫停鑾湯泉恒獨涌溫谷豈知寒  
漏鼓依巖畔霜風出樹端嶺烟遙聚草山月迴臨鞍  
日用誠多幸天文遂仰觀

溫湯卽事

皇甫冉

天仗星辰轉霜冬景氣和樹含溫液潤山入繚垣多  
丞相金錢易子易三登過得需求一謁無路獨如何

同崔員外溫泉卽事

郭泚

輦輅移雙闕宸遊整六師天迴紫微坐日轉羽林  
霜氣寒戈戟軍容壯武貔弓鳴射鴈處泉暖躍龍  
惠化成觀俗謳謠入賦詩同歡王道盛相與詠雍熙

溫泉行

韋應物

出身天寶今年幾頑鈍如鎚一作命如紙作官不了  
却來歸還是杜陵一男子北風慘慘投溫泉忽憶先  
皇遊幸年身騎廐馬引天仗直入華清列御前玉林  
瑤雪滿寒山上昇玄閣遊絳煙平明羽衛朝萬國車  
馬合沓溢四鄜蒙恩每浴華池水扈獵不蹂渭北田

唐詩類苑

卷之三十九

十六

朝廷無事共歡燕美人絲管從九天一朝鑄鼎降龍  
馭小臣髯絕不得去今來蕭瑟一作索萬井空唯見蒼  
山起煙霧可憐蹭蹬失風波仰天大叫無奈何敝裘  
羸馬凍欲死賴遇主人杯酒多

題昭應溫泉

孫叔向

一道溫泉遶御樓先皇曾向此中遊雖然水是無情  
物也到宮前咽不流

題廬山下湯泉

白居易

一眼湯泉流向東浸泥澆草煖無功驪山溫水因何  
事流入金鋪玉甃宇

和太常韋主簿五郎溫湯寓目

王維

漢王離宮接路臺秦川一半夕陽開青山盡是朱旗  
繞碧欄翻從玉殿來新豐樹裏行人度小苑城邊獵  
騎迴聞道甘泉能獻賦懸知獨有子雲才

安州應城玉女湯作

李白

神女殃幽境湯池流大川陰陽結炎炭造化開靈泉  
地底燦朱火沙傍瀉素烟沸珠躍晴月皎鏡涵空天  
氣浮蘭芳滿色漲桃李然精覽萬殊入潛行七澤連  
愈疾功莫尚變盈道乃全濯濯氣清泚晞髮弄潺湲  
唐詩類苑 卷之三十九 十七

散下楚王國分澆宋玉田可以奉巡幸奈何隔窮偏  
獨隨朝宗水赴海輪微涓

井

詠井

蘇味道

玲瓏映玉檻澄澈瀉銀牀流聲集孔雀帶影出羶羊  
桐落秋蛙散桃舒春錦芳帝力終何有機心庶此忘

詠井

李嶠

玉甃談仙客銅臺賞魏君蜀都宵映火杞國旦生雲  
向日蓮花淨含風李樹薰已開千里國還聚五星文

舊井

杜甫

鹵中草木白青者官鹽煙官作既有程煮鹽煙在川  
汲井歲撥滑出車日連連自公斗三百轉致斛六千  
君子慎止足小人苦喧闐我何良嘆嗟物理固自然

摘井

元結

靈橘無根井有泉世間如夢又千年鄉園不見重歸  
鶴姓字今爲第幾仙風冷露壇人悄悄地閑荒徑草  
綿綿如何躡得蘇君跡白日霓旌擁上天

金井怨

曹鄴

西風吹急景美人照金井不見面上花却恨井中影

石井

司空曙

唐詩類苑

卷之三十九

十八

苔色遍春石桐陰入寒井幽人獨汲時先樂殘陽影

奉試泠井

孫欣

德闌井初鑿靈液忽成泉色湛青苔裏寒凝紫綆邊  
銅瓶向影落玉甃抱虛圓永願調神鼎堯時泰萬年

天竺寺題葛洪井

許渾

羽客鍊丹井井留人已無舊泉清石下餘甃碧山隅  
雲朗鏡開匣月寒氷在壺仍聞釀仙春一作酒此水過

唐蘇

過嚴若平古井

鄭世翼

嚴平本高尚遠蹈古人風賣卜成都市流名大漢中

舊井改人世寒泉久不通年多既罷汲無禽乃遂空  
如何屬秋氣唯見落雙桐

同朱五題盧使君義井 高適

高義唯良牧深仁自下車寧知鑿井處還是飲水餘

地即泉源久人當汲引初體清能鑒物色洞每含虛  
上善滋來往中和浹里閭濟時應未竭懷惠復何如

舜井 朱慶餘

碧甃磷磷不記年青羅鎖在小山顛向來下視千山  
水疑是蒼梧萬里天

漢宮井 邵謁

唐詩類苑 卷之三九 十九  
輓轡聲絕離宮靜班姬幾度照金井梧桐老去殘花  
開猶似當時美人影

吳王古宮井二首 羅鄴

古宮荒井曾平後見說耕人又鑿開拾得玉釵鐫勒  
字當時恩澤賜誰來

含青薜荔隨金甃碧砌磷磷生綠苔莫言數尺無波  
水曾與如花並照來

景陽井 李商隱

景陽宮井刺堪悲不盡龍鱗誓死期腸斷吳王宮外  
水濁泥猶得葬西施

奉和彭祖井 皇甫冉

上公旌節在徐方舊井莓苔近寢堂訪古因知彭祖  
宅得仙何必葛洪鄉清虛不共春池競盥漱偏宜夏  
日長聞道延年如玉液欲將調鼎獻明光

山井 方干

濫濫濕光凌竹樹寥寥清氣襲衣襟不知側穴通潮  
信却訝輕漣動鏡心夜久即疑星影過早來猶見石  
痕深輓轡用智終何益抱甕遺名亦至今

僧院小泉井 方干

亦恐淺深同禹穴兼云制度象汗樽窺尋未見泉來  
唐詩類苑 卷之三九 二十

路緬想應穿石裂痕片段似冰猶可挹澄清如鏡不  
曾昏欲知到底無塵染堪與吾師比性源

詠張十一旅舍井 韓愈

賈誼宅中今始見葛洪山下昔曾窺寒泉百尺空看  
影正見行人渴死時

新昌井 商堯藩

輓轡千轉勞筋力待得甘泉渴殺人且共山麋同飲  
潤玉沙鋪底淺磷磷

曉井 李郢

桐陰覆井月斜明百尺寒泉古甃清越女携餅下金

索曉天初放轆轤聲

觀山寺僧穿井

曹松

雲僧鑿山井寒碧在中庭況是分巖眼同來下石甕  
旁痕終變薛圓影卽澄星異夜天龍蟄應聞說葉經

和崔校書新穿井

章孝標

霜鍾破桐陰青絲試淺深月輪開地脉鏡面寫天心  
碧甕花千片香泉乳百尋欲知爭汲引聽取轆轤音

長壽寺聚公院新甃井

李頎

僧房來往久露井每同觀白石抱新甃蒼苔依舊欄  
空銚宛轉下長綆轆轤盤境界因心淨泉源見底寒

唐詩類苑

卷之三十九

三

鐘鳴時灌頂對此日閑安

後園鑿井歌

李賀

井上轆轤牀上轉水聲繁絃聲淺情若何荀奉倩城  
頭日長向城頭住一日作千年不須流下去

舊井

劉長卿

舊井依舊城寒水深洞澈下看百餘尺一鏡光不滅  
素綆久未垂清涼尚含潔豈能無汲引長訝君恩絕

井泥四十韻

李商隱

皇都依仁里西北有高齋昨日主人氏治井堂西陞  
工人三五輩輦出土與泥到水不數尺積共庭樹齊

他日井甃畢用土益作堤曲隨林掩映繚以池周迴

下去冥冥穴上承雨露滋寄辭別地脉因言謝泉扉

昇騰不自意疇昔忽已乖伊余掉行軼行行來自西

一日下馬到此時芳草萋萋四面多好樹旦暮雲霞姿

晚落花滿地幽鳥鳴何枝蘿幄旣已薦山樽亦可開

得得孤月上如與佳人來因之感物理惻愴平生懷

茫茫此群品不定輪與蹄喜得舜可禪不以瞽瞍疑

禹竟代舜立其父吁咈哉嬴氏并六合所來因不韋

漢祖把左契自言一布衣當塗佩國璽本乃黃門携

長戟亂中原何妨起戎氏不獨帝王耳臣下亦如斯

唐詩類苑

卷之三十九

三

伊尹佐興王不籍漢父資磻溪老釣叟坐爲周之師

屠狗與販繒突起定傾危長沙啓封土豈是出程姬

帝問主人翁有自賣珠兒武昌昔男子老苦爲人妻

蜀王有遺魄今在林中啼淮南鷄祗藥翻向雲中飛

大鈞運羣有難以一理推願於冥冥內爲問秉耒者誰

我恐更萬世此事愈云爲猛虎與雙翅更以角副之

鳳凰不五色聯翼上鷄棲我欲秉釣者竭來與我偕

浮雲不相顧寥泝誰爲梯悒悒快夜參半但歌井中泥

橋

賦橋

張文琮

造舟浮渭日鞭石表秦初星文遙瀉漢虹勢尚凌  
已授文成履空題武騎書別有臨濠上棲僊獨觀魚

詠橋

李嶠

鳥鵲填應滿黃公去不歸勢疑虹始見形似鴈初飛  
妙應七星制高半分月輝秦王空構石仙島遠難依

賦得浮橋

太宗

曲岸非千里橋斜異七星暫低逢輦度還高值一作  
浪驚水搖文益動纜轉錦花縈遠近隨輪影輕重應  
人行

昇僊橋

岑參

唐詩類苑 卷之三十九

二五

長橋題柱去猶是未達時及乘駟馬車却從橋上歸  
名共東流水滔滔無盡期

昇僊橋

羅隱

危梁枕路岐馬問前時價自友朋得名因婦女知  
直須論運命不得逞文詞執戟居鄉里榮華竟若爲

萬里橋

岑參

成都與雒陽相去萬里地滄江東流疾帆去如鳥翅  
楚客過此橋東看盡垂淚

天津橋南山中各題一句 賈島

野坐分苔石 山行遶菊叢 雲衣惹不破

秋色望來空 浪仙

天津橋春望

雍陶

津橋春水浸紅霞煙柳風絲拂岸斜翠輦不來金殿  
閣宮鶯銜出上陽花

天津橋賜宴得歌字

張九齡

青洛象天河東流形勝多朝來逢宴喜春盡却妍和  
泉鮪歡時躍林鶯醉裏歌賜恩頻若此爲樂奈人何  
春盡日天津橋醉吟偶呈李侍郎

白居易

宿雨洗天津無泥未有塵初晴迎早夏落照送殘春

唐詩類苑 卷之三十九

二五

興發詩隨口狂來酒寄身水邊行嵬峩橋上立逡巡  
疎傳心情老吳公政化新三川徒有主風景屬閑人

送包佶賦得天津橋

皇甫冉

洛陽歲暮作征客相望依然一水間相思已如千里  
隔晴煙霽景滿天津鳳閣龍樓映

水濱豈無朝夕軒車度其柰相逢非所親鞏樹甘陵  
愁遠道他鄉一望人堪老君報還期在早春橋邊日

相看芳草

曉上天津橋閑望偶逢盧郎中張員外携酒

同傾

白居易

上陽宮裏曉鐘後天津橋頭殘月前空濶境疑非下  
界飄飄身似在寥天星河隱映初生日樓閣葱蘢半  
出烟此處相逢傾一盞始知地上有神仙

天津橋

白居易

津橋東北斗亭西到此令人詩思迷眉月晚生神女  
浦臉波春傍窈娘堤柳絲嫋嫋風縹緲出草縷茸茸雨  
剪齊報道前驅少呼喝恐驚黃鳥不成啼

洛橋北亭詔餞諸刺史

張說

離亭拂御溝岸曲舞舡樓詔餞朝廷收符分海縣憂  
股肱還入郡父母更臨州扇逐仁風轉車隨霖雨流

唐詩類苑

卷之三十九

三

恩光水上溢榮色柳間浮預待羣方最三公不遠求  
晚渡渭橋寄示京邑游好 盧照隣

我行背城闕驅馬獨悠悠寥落百年事徘徊萬里憂  
途遙日向夕時晚鬢將秋滔滔俯東逝耿耿泣西浮  
長虹掩釣浦落鴈下星洲草變黃山曲花飛清渭流  
逆水驚愁鷺騰沙起狎鷗一赴清泥道空思玄灞遊

渭橋

儲光義

停車渭橋暮望入秦京不見鷁鷺道如聞歌吹聲  
鄉魂涉江水客路指蒲城獨有故樓月今來亭上明  
蛇浦橋下重送嚴維

劉長卿

秋風颯颯鳴條風月相和寂寥黃葉一離一別  
暮暮朝朝寒江漸出高岸古木猶依斷橋明日行人  
已遠空餘淚滴迴潮

答劉長卿蛇浦橋月下重送之作

嚴維

月色今宵最明庭間夜久天清寂寞多年老宦殷勤  
遠別深情溪臨脩竹煙色風落高梧雨聲耿耿相看  
不寐遙聞遠析山城

奉制漕橋東送新除岳牧

蘇頌

賢不遺俊臺閣盡驚鸞未若安人切其如簡帝難

唐詩類苑

卷之三十九

三

上才膺出典中旨念分官特以專城貴深惟列郡安  
政行思務本風靡屬勝殘有令田知急無分獄在寬  
至言題睿札殊渥灑仙翰詔餞三台降朝榮萬國歡  
舉杯臨水發張樂擁橋觀式佇東封會鏘鏘檢玉壇  
和李相公留守題漕上新橋六韻

白居易

選石鋪新路安橋壓古堤似從銀漢下落傍玉川西  
影定闌干倒標高華表齊煙開虹半見月冷鷁雙棲  
材映夔龍小功嫌元凱低從容濟世後餘力及黔黎

皋橋

皮日休



畢橋依舊綠楊中間里猶生隱士風唯我到來居  
館不知何道勝梁鴻

奉和畢橋

陸龜蒙

橫絕春流架斷虹凭欄猶想五噫風今來未必非梁  
孟却是無人繼伯通

折柳橋

陸龜蒙

從來只有情難盡何事名為情盡橋自此改名為折  
柳任他離恨一條條

題河州赤岸橋

呂溫

左南橋上見河州遺老相依赤岸頭  
唐詩類苑卷之三十九  
塞歌中受恩

者誰憐被髮哭一作笑東流

板橋

司空曙

橫遮野水石前帶荒村道來往見愁人清風柳陰好

題石橋

韋應物

遠學臨海嶠橫此莓苔石郡齋三四峯如有靈仙  
跡方愁暮雲滑始照寒池碧自與幽人期逍遙竟

朝夕

登平望橋下作

顏真卿

登橋試長望望極與天平際海兼葭色終朝鳬鴈聲  
近山全勢歸遠水忽微明更覽諸公作知高題柱名

苦竹橋

柳宗元

危橋屬幽逕繚繞穿疎林迸籜分苦節輕筠抱虛心  
俯瞰涓涓流仰聆蕭蕭吟差池下煙日嘲啗鳴山禽  
諒無要津用棲息有餘音

陪李七司馬阜江上觀造竹橋卽日成往來

之人免冬寒入水聊題短作簡李公

杜甫

伐竹爲橋結構同褰裳不涉往來通天寒白鶴歸華  
表日落青龍見水中愧我老非題柱客知君才是濟  
川功合歡却笑千年事驅石何時到海東

唐詩類苑卷之三十九

天

觀竹橋成月夜舟中有述還呈李司馬

杜甫

把燭橋成夜迴舟客坐時天高雲去盡江迴月來遲  
衰謝多扶病招邀屢有期異方乘此興樂罷不無悲

村橋

羅隱

村橋酒旆月明樓偶逐漁舟繫葉舟莫學魯人疑海  
鳥須知莊叟惡犧牛心寒已分灰無焰事往曾將水  
共流除却思量太平在肯拋疎散換公侯

唐詩類苑卷第三十九終



唐詩類苑卷第四十

明雲間張之象玄超甫纂輯

雲間徐光啓子先甫編次

雲間王徹叔朗甫補訂

梁谿曹仁孫伯安甫校正

京都部

京都

帝京篇十首

并序

太宗

余以萬機之暇遊息文藝觀列代之皇王考當時之行事軒昊舜禹之上信無間然矣至于秦皇周

唐詩類苑

卷之四十

一

穆漢武魏明峻宇雕牆窮侈極麗征稅殫于宇宙轍迹遍于天下九域一作咳無以稱其求江海不能贍其欲覆亡顛沛不亦宜乎余追蹤百王之末馳心千載之下慷慨懷古想彼哲人庶以堯舜之風蕩秦漢之弊用咸英之曲變爛漫之音求之人情不為難矣故觀文教于六經閱武功于七德臺榭取其避燥濕金石尚其諧神人皆節之于中和不係之于滛放故溝洫可悅何必江海之濱乎麟閣可玩何必雨一作山陵之間乎忠良可接何必海上神仙乎豐鎬可游何必瑤池之上乎釋實求華以

人從欲亂于大道君子耻之故述帝京篇以明之

志云爾

秦川雄帝宅函谷壯皇居綺殿千尋起離宮百雉餘連甍遙接漢飛觀迴凌虛雲日隱層闕風煙出綺疏

二

巖廊罷機務崇文聊駐輦玉匣啓龍圖金繩披鳥篆韋編斷方續縹帙舒還卷對此乃忘憂欹案觀墳典

三

移步出詞林停輿欣武宴瑯弓寫明月駿馬疑流電驚鴈落虛絃啼猿悲急箭閱賞誠多美于茲乃忘倦

唐詩類苑

卷之四十

二

四

鳴笳臨樂館眺聽歡芳節急管韻朱絃清歌凝白雪彩鳳肅來儀玄鶴紛成列去茲鄭衛聲雅音方可悅

五

芳辰追逸趣禁苑信多奇橋形通漢上峰勢接雲危煙霞交隱映花鳥自參差何如肆轍迹萬里賞瑤池

六

飛蓋去芳園蘭橈遊翠渚萍間日影亂荷處香風舉桂楫滿中川絃歌發長壑獨汾河曲方為歡宴所

七

落日雙闕昏迴輿九重暮長煙散初碧皎月澄輝  
寒幌翫琴書開軒引雲霧斜漢耿層閣清風搖玉樹

八

歡樂難再逢芳辰良可惜玉酒汎雲鬢蘭肴陳綺席  
千鍾合堯禹百獸諧金石得志惜寸陰忘懷輕尺璧

九

建章歡賞夕二八盡妖妍羅綺昭陽殿芬芳璫瑁筵  
珮移星正動扇掩月初圓無勞上玄圃卽此對神仙

十

以茲遊觀極悠然獨長想披卷覽前踪撫事既往

唐詩類苑

卷之四十

三

望古茅茨約瞻今蘭殿廣人道惡高危虛心戒盈蕩  
奉天竭誠敬臨民思惠養納善察忠諫明科慎刑賞  
六五誠難繼四三非易仰庶待淳化敷方嗣云亭響

帝京篇

駱賓王

世稱王楊盧駱爲四傑楊盈川之爲文好以古人  
姓名連用如張平子之略譚陸士衡之所記潘安  
仁宜其陋矣仲長統何足知之人號爲點鬼簿賓  
王之爲文好以數對如帝京篇云秦地重關一百  
二漢家離宮三十六號爲筭博士又云倏忽搏風  
生羽翼羽兎先泐委泥沙賓王後與徐敬業起兵

揚州大敗逃死此其識也

山河千里國城闕九重門不覩皇居壯安知天子尊  
皇居帝里峭函谷鶉野龍山侯甸服五緯連影集星  
躔八水分流橫地軸秦地重關一百二漢家離宮三  
十六桂殿陰岑對玉樓椒房窈窕連金屋三條九陌  
麗城隈萬戶千門平旦開複道橫通鵠鵲觀交衢直  
指鳳凰臺劍履南宮入簪纓北闕來聲名冠寰宇文  
物象昭回鈞陳肅蘭祀璧沼浮槐市銅羽應風迴金  
莖承露起校文天祿閣習戰昆明水朱邸抗千臺黃  
扉通戚里平臺戚里帶崇墉吹金饌玉待鳴鐘小堂

唐詩類苑

卷之四十

四

綺帳三千戶大道青樓十二重寶蓋雕鞍金絡馬蘭  
蔥繡柱玉盤龍繡柱璇題粉壁映鏘金鳴玉王侯盛  
王侯貴人多近臣朝遊北里暮南隣陸賈分金將燕  
喜陳遵投轄正留賓趙李經過密蕭朱交結親丹鳳  
朱城白日暮青牛紺幘紅塵度俠客朱彈垂楊道娟  
婦銀鈎採桑路媚家桃李自芳菲京華遊俠事輕肥  
延年女弟雙鳳入羅敷使君千騎歸同心結縷帶連  
理織成衣春朝桂尊尊百味秋夜蘭燈燈九微翠幌  
珠簾不獨映清歌寶瑟自相依且論三萬六千日寧  
知四十九年非古來名利若浮雲人生倚伏信難分

始見田實相移奪俄聞衛霍有功勳未厭金陵氣先  
開石榴文朱門無復張公子灞亭誰畏李將軍相顧  
百齡皆有待居然萬化咸應改桂枝芳氣已銷亡相  
梁高宴今何在春去春來苦自馳爭名爭利徒爾爲  
久留郎署終難遇空鎖相門誰見知當時一旦擅豪  
華自言千載長驕奢倏忽搏風生羽翼須臾失浪委  
泥沙黃雀徒巢桂青門遂種瓜黃金銷鑠素絲變一  
貴一賤交情見紅顏宿昔白頭新脫粟布衣輕故人  
故人有湮淪新知無意氣灰死韓安國羅陽翟廷尉  
已矣哉歸去來馬卿辭蜀多文藻揚雄仕漢乏良媒

唐詩類苑

卷之四十一

五

三冬自矜誠足用十年不調幾迴迴汲黯新逾積孫  
和閣未開誰惜長沙傳獨負洛陽才

長安路

宋之問

秦地平如掌層城出雲漢樓閣九衢春車馬千門日  
綠柳開復合紅塵聚還散日晚關鷄場經過狹邪看

長安路

孟郊

胡風激秦樹賤子風中泣家家朱門開得見不可入  
長安十二衢投樹鳥亦急高閣何人家笙簧正喧吸

長安道二首

儲光義

西行一千里暝色生寒樹暗聞歌吹聲知是長安路

二

鳴鞭過酒肆絃服遊倡門百萬一時盡含情無片言

憶長安曲寄麗漣二首 岑參

東望望長安正值日初出長安不可見喜見長安日

二

長安何處在只在馬蹄下明日歸長安爲君急走馬

長安古意

盧照隣

長安大道連俠斜青牛白馬七香車玉輦縱橫過主  
第金鞭絡繹向侯家龍銜寶蓋承朝日鳳吐流蘇帶  
晚霞百丈遊絲爭繞樹一羣嬌鳥共啼花啼花戲蝶

唐詩類苑

卷之四十一

六

千門側碧樹銀臺萬種色複道交應作合歡雙闕連  
覺垂鳳翼梁家畫閣天中起漢帝金莖雲外直樓前  
相望不相知陌上相逢詎相識借問吹簫向紫煙曾  
經學舞度芳年得成比目何辭死願作鴛鴦不羨仙  
比目鴛鴦真可羨雙去雙來君不見生憎帳額繡孤  
鸞好取門簾帖雙燕雙燕飛繞盡梁羅幃翠被鬱  
金香片片行雲著蟬鬢纖纖初月上鴉黃鴉黃粉白  
車中出含嬌含態情非一妖童寶馬鐵連錢娼婦盤  
龍金屈膝御史府中烏夜啼廷尉門前雀欲棲隱隱  
朱城臨玉道遙遙翠幃沒金堤挾彈飛鷹杜陵北探

九借客渭橋西俱邀俠客芙蓉劍共宿娼家桃李蹊  
娼家日暮紫羅裙清歌一轉口氣氤氳北堂夜夜人如  
月南陌朝朝騎似雲南陌北堂連北里五劇三條控  
三市弱柳青槐拂地垂佳氣紅塵暗天起漢代金吾  
千騎來翡翠屠蘇鸚鵡杯羅襦寶帶爲君解燕歌趙  
舞爲君開別有豪華稱將相轉日回天不相讓意氣  
由來排灌夫專權判不容蕭相專權意氣本豪雄青  
虬紫燕坐生風自言歌舞長千載自謂驕奢凌五公  
節物風光不相待桑田碧海須臾改昔時金埤白玉  
堂卽今惟見青松在寂寂寥寥揚子居年年歲歲一

唐詩類苑

卷之四十

七

林書獨有南山桂花發飛來飛去襲人裾

長安卽事

林寬

暝鼓纔終復曉鷄九門何計出沈迷稚童亂打金吾  
鼓豪馬爭奔丞相隄翡翠鬟歌釵上燕麒麟衫束海  
中犀須知不是詩人事空憶泉聲菊畔畦

長安雜題長句六首

杜牧

觚稜金碧照山高萬國珪璋捧赭袍紙筆和鉛欺賈  
馬讚功論道鄙蕭曹東南樓日珠簾卷西北天苑玉  
甍家四海一家無一事將軍攜鏡泣霜毫

晴雲似絮低空紫陌微微弄袖風韓嫣金丸莎覆

綠許公驕汗杏粘紅煙生窈窕深東第輪撼流蘇下  
北宮自笑苦無樓護智可憐鉛槧竟何功

雨晴九陌鋪江練嵐嫩千峰疊海濤南苑草芳眠錦  
雉夾城雲暖下霓旄少年羈絡青紋玉遊女花簪紫  
蒂桃江碧柳深人盡醉一瓢顏巷日空高

東帶謬趨文石陛有章曾拜皂囊封期嚴無柰睡留  
癖勢窘猶爲酒泥慵偷釣侯家池上雨醉吟隋寺日  
沈鐘九原可作吾誰與師友瑯琊邵曼容

洪河清渭天地濬太白終南地軸橫祥雲輝映漢宮  
紫春光繡盡秦川明草妬佳人鈿朶色風迴公子玉

唐詩類苑

卷之四十

八

銜聲六飛南幸芙蓉苑十里飄香入夾城

豐貂長組金張輩駟馬文衣許史家白鹿原頭迴獵  
騎紫雲樓下醉江花九重樹影連清漢萬壽山光學  
翠華誰識大君謙讓德聖上一毫名利關鼉鼓

長安道

薛能元稹

長安路

皇甫冉

三詩俱見地部道路

南都行

李白

南都信佳麗武關橫西關白水真人居萬商羅鄠關  
高樓對紫陌甲第連青山此地多英豪邈然不可攀

陶朱與五穀名播天壤間麗華秀玉色漢女嬌朱顏  
清詞遏流雲艷舞有餘閒遨遊盛宛洛冠蓋隨風還  
走馬紅陽城呼鷹白河灣誰識臥龍客長吟愁鬢斑

上皇西巡南京歌十首 李白

見禮部巡幸

金陵三首 李白

晉家南渡日此地舊長安地即帝王宅山爲龍虎盤  
金陵空壯觀天塹淨波瀾醉客迴橈去吳歌且自歡

二

地擁金陵勢城迴江水流當時百萬戶夾道起朱樓

唐詩類苑

卷之四十

九

亡國生春草王宮沒古丘空餘後湖月波上對江洲

三

六代興亡國三杯爲爾歌苑方秦地少山似洛陽多  
古殿吳花草深宮晉綺羅併隨人世滅東逝與蒼波

留別金陵諸公 李白

海水昔飛動三龍紛戰爭鍾山危波瀾倒側駭奔鯨  
黃旗一掃蕩割壤開吳京六代更霸王遺跡見都城  
至今秦淮間禮樂秀群英地扇鄒魯學詩騰顏謝名  
五月金陵西祖余白下亭欲尋廬峰頂先遶漢水行  
香爐紫煙滅瀑布落太清若攀星辰去揮手綯含情

金陵歌送別范宣 李白

石頭巉巖如虎踞凌波欲過滄江去鍾山龍盤走勢  
來秀色橫分歷陽樹四十餘帝三百秋功名事跡隨  
東流白馬小兒誰家子泰清之歲來關囚金陵昔時  
何壯哉席卷英豪天下來冠蓋散爲煙霧盡金輿玉  
座成寒灰扣劍悲吟空咄嗟梁陳白骨亂如麻天子  
龍沈景陽井誰歌玉樹後庭花此地傷心不能道日  
下離離長春草送爾長江萬里心他年來訪南山皓

賦得吳都 盧世南

畫野通淮泗星躔應斗牛玉牒宏圖表黃旗美氣浮

唐詩類苑

卷之四十

十一

三分開霸業萬里宅神州高臺臨茂苑飛閣跨澄游  
江濤如素蓋海氣似珠樓吳趨自有樂還似鏡中流

賦得蜀都 褚亮

列宿光參井分芒跨梁岷沈犀對江浦駟馬入城闕  
英圖多霸迹歷選有名臣連騎簪纓滿含章詞賦新  
得上仙槎路無待訪嚴遵

賦得魏都 李百藥

炎運清華歇清都寶命開帝里三方盛王庭萬國來  
玄武疏遙磴金鳳上層臺乍進仙童藥時傾避暑杯  
南館招奇士西園引上才還有劉公幹疲病清漳隈

江陵望幸

杜甫

雄都元壯麗望幸歛威神地理西通蜀天文北照秦  
風煙含越鳥舟楫控吳人未枉周王駕終期漢武巡  
甲兵分聖旨居守付宗臣早發雲臺仗恩波起涸鱗

鄴都引

張說

君不見魏武草創爭天祿群雄睚眦相馳逐  
壯士破堅陣夜接詞人賦華屋都邑繚繞西山陽桑榆  
漫漫漳河曲城郭爲墟人代收但見西園明月在鄴  
傍高塚多貴臣娥眉曼睂共灰塵試上銅臺歌舞處  
唯有秋風愁殺人

唐詩類苑

卷之四十一

十一

京城

李賀

驅馬出門意牢落長安心兩事向誰道自作秋風吟

帝里

羅鄴

喧喧蹄轂走紅塵南北東西暮與晨  
謾道青雲難得路何曾紫陌有閒人  
杯傾竹葉侯門月馬落桃花御水春  
只合詠歌來大國况逢文景化維新

洛陽作

張繼

洛陽天子縣金谷石崇鄉草色侵官道花枝出苑牆  
書成休逐客賦罷遠爲郎貧賤非吾事西遊思自強

皇皇不洛行

李咸用

長安近甸巡遊遍洛陽尋有黃龍見千乘萬騎如雷  
轉差差清蹕祥煙卷百司舊分當王殿太平官屬無  
遺彥歌鐘沸激香塵散晨旗隱隱羅軒冕周公舊迹  
生紅鮮灑澗波光春照晚但聽嵩山萬歲聲將軍旗  
鼓何時偃

送杜侍御還廣陵

李嘉祐

慙君從茲去我比諸昆同事元戎久俱承國士恩  
隨鷺過淮水看柳向轅門草色金陵岸思心那可論

廣陵曲

馬戴

蔥龍桂樹枝高繫黃金羈葉隱青蛾翠花飄白玉墀

唐詩類苑

卷之四十一

十二

上鳴間關鳥下醉遊俠兒煬帝國已破此中都不知

廣陵行

元稹

雄藩鎮楚郊地勢鬱岌堯雙旌擁萬戟中有霍嫖姚  
海雲助兵氣寶貨益軍饒嚴城動寒角晚騎踏霜橋  
翕習英豪集振奮士卒驍列郡何足數趨拜等卑僚  
日晏方云罷人逸馬蕭蕭忽如京洛間遊子風塵飄  
歸來視寶劍功名豈一朝

廣陵行

權德輿

廣陵實佳麗隋季此爲京八方稱輻輳五達如砥平  
大旆映空色笳簫發連營層臺出重霄金碧摩瀾清

交馳流水轂迴接浮雲覺青樓旭日映綠野春風晴  
噴玉光照地嘯蛾價傾城燈前頻巧笑陌上相逢迎  
飄飄翠羽薄掩映紅襦明蘭麝遠不散管絃閒自清  
曲士守文墨達人隨性情茫茫竟同盡冉冉將何營  
且申今日歡莫務身後名肯學諸儒輩書寫誤一生

建都十二韻

杜甫

蒼生未蘇息胡馬半乾坤議在雲臺上誰扶黃屋尊  
建都分魏闕下詔闕荆門恐失東人望其如西極尊  
時危當雪耻計大豈輕論雖倚三階正終期萬國翻  
牽裾恨不死漏網辱殊恩永負漢庭哭遙憐湘水魂

唐詩類苑

卷之四十

十三

窮冬客江劍隨事有田園風斷青蒲節霜埋翠竹根  
衣冠空穰穰關輔久昏昏願枉長安日光輝照北原

州郡部

州郡

秦州雜詩二十首

杜甫

滿目悲生事因人作遠遊遲迴度隴怯浩蕩及關愁  
水落魚龍夜山空鳥鼠秋西征問烽火心折此淹留

二

秦州城一作北寺傳是一勝跡隗囂宮苔蘚山門古丹  
青野殿空月明垂簾幕溪風清渭無情極

時獨向東

三

州圖領同谷驛道出流沙降虜兼千帳居人有萬家  
馬驕朱汗落胡舞白題斜年少臨洮子西來亦自誇

四

鼓角緣邊郡川原欲夜時秋聽殷上聲猶也地發風散  
入雲悲抱葉寒蟬靜歸山獨鳥遲萬方聲一槩吾道  
竟何之

五

南使宜天馬由來萬匹疆浮雲連陣沒秋草徧山長

唐詩類苑

卷之四十四

十四

六

城上胡笳奏山邊漢節歸防河赴滄海奉詔發金微  
士苦形骸黑林疎鳥獸稀那堪往來成恨解鄴城圍

七

莽莽萬重山孤城山谷間無風雲出塞不夜月臨關  
屬國歸何晚樓蘭斬未還煙塵一長望衰颯正摧顏

八

山頭南郭寺水號北流泉老樹空庭得清渠一邑傳  
秋花危石底晚景臥鐘邊俛仰悲身世溪風爲颯然



九

聞道尋源使從天此路同牽牛去幾許宛馬至今在  
一望幽燕隔何時郡國開東征健兒盡羌笛暮吹哀

十

今日明人眼臨池好驛亭叢篁低地碧高柳半天青  
稠疊多幽事喧呼閱使星老夫如有此不異在郊坰

十一

雲氣接崑崙淅淅塞雨繁羌童看渭水使客向河源  
煙火軍中幕牛羊嶺上村所居秋草靜正閉小蓬門

十二

唐詩類苑

卷之四十

十五

蕭蕭古塞冷漠漠秋風低黃鸝翅垂雨蒼鷹饑啄泥  
薊門誰自北漢將獨征西不意書生耳臨衰厭鼓鼙

十三

傳道東柯谷深藏數十家對門藤蓋瓦映竹水穿沙  
瘦地翻宜粟陽坡可種瓜船人近相報但恐失桃花

十四

萬古仇池穴潛通小有天神魚人不見福地語真傳  
近接西南境長懷十九泉何時一焚壁送老白雲邊

十五

未暇泥滄海悠悠兵馬間塞門風落木客舍雨連山

十六

阮籍行多與龐公隱不還東柯遂疎懶休鑷鬚毛斑

東柯好崖谷不與衆峰群落日邀雙鳥晴天卷片雲

野人吟險絕水竹會平分採藥吾將老童兒未遣聞

十七

邊秋陰易夕不復辨晨光簷雨亂淋幔山雲低度墻

鷓鴣窺淺井蚯蚓上深堂車馬何蕭索門前百草長

十八

地僻秋將盡山高客未歸寒雲多斷續邊日少光輝

警急烽常報傳聞檄屢飛西戎外甥國何得近天威

唐詩類苑

卷之四十

十六

十九

鳳林戈未息魚海路常難候火雲峰峻懸軍幕井乾

風連西極動月過北庭寒故老思飛將何時議築壇

二十

唐堯真自聖野老復何知曬藥能無婦應門亦有兒

藏書聞禹穴讀記憶仇池爲報駕行舊鷓鴣在一枝

吳中好風景二首

白居易

吳中好風景八月如三月水荇葉仍香木蓮花未歇

海天微雨散江郭纖埃滅暑退衣服乾潮生船舫活

兩衙漸多暇亭午初無熱騎吏語使君正是遊時節



二

吳中好風景風景無朝暮曉色萬家煙秋聲八月樹  
舟移絃管動輜旌旗駐改號齊雲樓重開武丘路  
况當豐熟歲好是歡遊處州民勸使君且莫拋官去

送從弟戴玄往蘇州

張籍

楊柳閩門路悠悠水岸斜乘舟向山寺着屐到漁家  
夜月紅柑樹秋風白藕花江天詩景好迴日莫令賒

寄楊州韓綽判官

杜牧

青山隱隱水迢迢秋盡江南草木凋二十四橋明月  
夜玉人何處教吹簫木一作未

唐詩類苑

卷之四十

十七

送友人遊江南

耿漳

遠別悠悠白髮新江潭何處是通津潮聲偏懼初來  
客海味唯甘久住人漠漠煙光前浦晚青青草色定  
山春汀洲更有南迴鴈亂起聯翩北向秦

送謝錄事之越

孟浩然

清旦江天迴涼風西北吹白雲向吳會征帆亦相隨  
想到耶溪日應探禹穴奇仙書倘相示余在北山陲

徐州送丘侍御之越

皇甫冉

時鳥催春色離人惜歲華遠山隨擁傳芳草引還家  
北固潮常濶西陵路稍斜縱令寒食過猶有鏡中花

送人遊閩越

僧法振

不須行借問爲爾話閩中海島春寒雨江帆來去風  
道遊玄度宅身寄朗陵公此別河陽遠如今關塞通

越中言事二首

方干

異日閒和合聖明湖光浩氣去澄清郭中雲吐啼猿  
寺山上花藏調角城香起荷灣停棹飲絲垂柳陌約  
鞭行遊人今日又明日不覺鏡中新髮生  
雲霞水木共蒼蒼元化分功秀一方百里潮波輕撼  
月五更軍角慢吹霜沙邊賈客喧魚市島上潛夫醉  
筍莊終歲追遙仁術內無名甘老買臣鄉

唐詩類苑

卷之四十

十八

送人入金華

嚴維

明月雙溪水清風八詠樓昔年爲客處今日送君遊

送周判官往台州

吾宗長作賦登陸訪天台星使行看入雲仙意轉催  
飲水攀攀聚驅傳歷莓苔日暮東郊別真情去不起

送呂郎中牧東海郡

馬戴

假道經淮泗檣鳥集隼旗蕪城沙蒺接波島石林疎  
海鶴空庭下夷人遠岸居山鄉足一作遺老佇聽薦

賢書

寄獻湖州從叔員外

鄭谷

顧渚山邊郡溪將罨畫通遠看城郭裏全在水雲中  
西閣歸何晚東吳興未窮茶香紫笋露洲迴白蘋風  
歌緩眉低翠杯明蠟翦紅政成尋往事輟棹問漁翁  
和表郎中破賊後經剡縣山水上太尉

李嘉祐

受律仙郎貴長驅下會稽鳴笳山月曉搖旆野雲低  
剪寇人皆賀迴軍馬自嘶地閒春草綠城靜夜烏啼  
破竹清閨嶺看花入剡溪元戎催獻捷莫道事攀躋

餘杭形勝

白居易

餘杭形勝四方無州傍青山縣枕湖遠郭荷花三十

唐詩類苑

卷之四十一

九一

里拂城松樹一千株夢兒亭古傳名謝教妓樓新道  
姓蘇獨有使君年太老風光不稱白髭須

杭州春望

白居易

望海樓明照曙霞護江隄白踏晴沙濤聲夜入伍胥  
廟柳色春藏蘇子家紅袖織綾誇柿蒂青旗沽酒趁  
梨花誰開湖寺西南路草綠裙腰一道斜

送沈秀才之閩中

僧皎然

楚客未成歌春風起綠波嶺重寒不到海近瘴偏多  
野戍桄榔發人家翡翠過翻疑此中好君問定如何

臨別送張記入蜀

李頎

出門便爲客惘然悲徒御四方維一身茫茫欲何去  
經山復歷水百恨將千慮劍閣望涼州是君斷腸處  
孤雲傷客心落日感君深夢裏兼葭渚天邊橘柚林  
蜀江流不測蜀路險難尋木有相思號猿多愁苦音  
莫向愚山隱愚山地非近故鄉可歸來眼見芳菲盡

杜少府之任蜀州

王勃

城闕輔三秦風煙望五津與君離別意同是宦遊人  
海內存知己天涯若比隣無爲在岐路兒女共沾巾

劍州送別劉右史

盧照隣

金碧禺山遠關梁蜀道難相逢晚歲相送動征鞍

唐詩類苑

卷之四十一

二十一

地險綿川咽雲凝劍閣寒倘遇忠孝所爲道憶長安

送友人入蜀

李白

見說蠶叢路崎嶇不易行山從人面起雲傍馬頭生  
芳樹籠秦棧春流遶蜀城升沈應已定不必訪君平

送新十五侍御使蜀

孫逖

天使出霜臺行人擇吏才傳車春色送離興夕陽催  
驛遶巴江轉關迎劍道開西南一何幸前後二龍來

醴泉東谿送程皓元鏡徵入蜀

岑參

蜀郡漫漫梁州過七盤二人來信宿一縣醉衣冠

溪逼春衫冷林交宴席寒西南如噴酒遙向雨中看

公安送李二十九弟晉肅入蜀予下沔鄂

杜甫

正解柴桑纜仍看蜀道行橋鳥相背發塞鴈一行鳴

南紀連銅柱西江接錦城憑將百錢卜飄泊問君平

送楊秀才遊蜀

張祐

鄂渚逢遊客瞿塘上去船峽深明月夜江靜碧雲天

舊俗巴渝僻新聲蜀國絃不堪揮慘恨一涕自潸然

送東宮賈正字之蜀

李洞

南朝獻晉史東蜀瞰巴樓長棧懷宮相疎峰露劍州

唐詩類苑

卷之四十

三十一

半空飛雪化一道白雲流若次江邊邑宗詩爲遍搜

送人遊蜀

馬戴

別離楊柳陌迢遞蜀門行若聽清猿後應多白髮生

虹蜺侵棧道風雨雜江聲過盡愁人處煙花是錦城

送人入蜀

李遠

蜀客本多愁君今是勝遊碧藏雲外樹紅露驛邊樓

杜魄呼名語巴江作字流不知煙雨夜何處夢刀州

送夏侯審遊蜀

李端

西望煙綿樹愁君上蜀時同林宿商客隔棧見路師

石滑羊腸險山空杜宇悲琴心本幽怨莫奏鳳皇詩

送友人遊蜀

李端

嘉陵天氣好百里見雙流帆影綠巴字鐘聲出漢州

綠原春草晚青木暮猿愁正一作本是風流地遊人易

白頭

送馬向遊蜀

徐凝

遊子去咸京巴山萬里程白雲連鳥道青壁遞猿聲

雨露經泥坂煙花望錦城工文人共許應記蜀中行

送雍陶入蜀

賈島

江山事若諳那肯滯雲南草色分危磴杉陰近古潭

日斜褒谷鳥夏淺雋州蠶吾自疑雙鬢相逢更不堪

唐詩類苑

卷之四十

三十一

送武士曹歸蜀

白居易

花落鳥嚶嚶南歸稱野情月宜秦嶺宿春好蜀江行

鄉路通雲棧郊扉近錦城烏臺陟岡送人羨別時榮

送夏侯審遊蜀

耿漳

暮峰和玉壘回望不通秦更問蜀城路但逢巴語人

石林鶯囀曉板屋月明春若訪嚴夫子無嫌卜肆貧

送友人遊蜀

張喬

此心知者稀欲別倍相依無食擬同去有家還未歸

巴山關國遠劍道入天微必恐臨邛客疑君學賦非

送薛尚書入蜀

嚴維

卑情不敢論拜首立轅門列郡諸侯長登朝八座尊  
凝笳臨水發行旆向風翻幾許遺黎泣同懷父母恩

送別鄭司倉入蜀

盧照隣

離人丹水北遊客錦城東別意還無已離憂自不窮  
隴雲朝結陣江月夜臨空關塞疲征馬霜氛落早鴻  
潘年三十外蜀道五千中送君秋水曲酌酒對秋風  
重送鄭宥歸蜀因寄何兆 李 端  
黃花西上路何如青壁連天鴈亦疎爲報長卿休滌  
器漢家思見茂陵書

蜀中三首

鄭 谷

唐詩類苑

卷之四十

三三

馬頭春向鹿頭關遠樹平蕪一望閒雪下文君沽酒  
市雲藏李白讀書山江樓客恨黃梅後村落人歌紫  
芋間堤月橋燈好風景漢庭無事不征蠻  
夜多無雨曉生塵草色嵐光日日新蒙頂茶畦千點  
露浣花牋紙一溪春揚雄宅在唯喬木杜甫臺荒絕  
舊隣却共海棠花有約數年留滯不歸人  
渚遠江清碧簾紋小桃花遠薛濤墳朱橋直指金門  
路粉堞高連玉壘雲窻下斷琴翹鳳足波中濯錦散  
鷗群子規夜啼巴蜀不並吳郎楚國聞

成都曲

張 籍

錦江近西煙水綠新雨山頭荔枝熟萬里橋邊多酒  
家遊人愛向誰家宿

送楊秀才往夔州

張 祐

鄂渚逢遊客瞿塘上去船南連萬里海狹入一條天  
鳥影沈沙日猿聲隔樹煙新詩逢北使爲造幾巴牋

送曾黯遊夔州

張 祐

不遠夔州路層波灩澦連下來千里峽入去一條天  
樹色秋帆上灘聲夜枕前何堪正危側百丈半山巔

夔州歌十首

杜 甫

唐詩類苑

卷之四十

二五

鏡夔州險過百年關  
白帝夔州各異城蜀江楚峽混殊名英雄割據非天  
意伯主并吞在物情  
群雄競起向前朝王者無外見今朝北訐漁陽結怨  
恨元聽舜日舊蕭韶  
赤甲白鹽俱刺天閭閻繚繞接山巔楓林橘樹丹青  
衮複道重樓錦繡懸  
溪東瀼西一萬家江北江南春冬花背飛鶴子遺瓊  
藥相趁鳬雛入蔣芽  
東屯稻畦一百頃北有洞水通青苗晴浴狎鷗分處

處雨隨神女下朝朝

蜀麻吳鹽自古通萬斛之舟行若風長年三老長歌  
裏白晝攤錢高浪中

憶昔咸陽都市合山水之圖張賣時巫峽曾經寶屏  
見楚宮猶對碧峰疑

聞風玄圃與蓬壺中有高堂天下無借問夔州壓何  
處峽門江腹擁城隅

武侯祠堂不可忘中有松柏參天長千戈滿地客愁  
破雲日如火炎天涼

送上官侍御赴黔中

李嘉祐

唐詩類苑

卷之四十

二十五

莫向黔中路令人到欲迷水聲巫峽裏山色夜郎西  
樹隔朝雲合猿窺曉月啼南方饒翠羽知爾飲清溪

送蕭處士遊黔中

白居易

能文好飲老蕭郎身似浮雲鬚似霜生計拋來詩是  
業家園忘却酒爲鄉江從巴峽初成字猿過巫陽始  
斷腸不醉黔中爭去得磨圍山月正蒼蒼

春日洪州卽事

耿漳

鍾陵春日好春水滿南塘竹宇分朱閣桐花間  
楊鏐此看春色留滯惜年芳欲問蘄愁發秦關道路

長

送鄭侍御赴洪州

李端

草色隨驄馬悠悠共出秦水傳雲夢曉山接洞庭春  
帆影連三峽猿聲在四隣青門一分手難見杜陵人

送邢桂州

王維

鏡吹喧京口風波下洞庭赭圻將赤岸擊汰復揚舲  
日落江湖白潮來天地青明珠歸合浦應逐使臣星

送嚴大夫之桂州

張籍

旌旆過湘潭幽奇得徧探莎城百越北行路九疑南  
有地多生桂無時不養蠶聽詞難辨曲風俗自相諳

桂州口號

戎昱

唐詩類苑

卷之四十一

二十六

畫角三聲動客愁曉霜如雪覆江樓誰道桂林風景  
暖到來重着皂貂裘

贈別鄭鍊赴襄陽

杜甫

戎馬交馳際柴門老病身把君詩過日念此別驚神  
地澗峨眉晚天高峴首春爲於耆舊內試覓姓龐人

襄城卽事

崔湜

手牟懷魏闕元凱滯襄城冠蓋仍爲里池臺尚識名  
山光曉後綠江色晚來清借問東流水何時到玉京

襄陽作  
廟堂初解印都郎忽按節巡河右鳴騶入漢陽

崔湜

城臨南峴出樹繞北津長好學風猶扇誇才俗未亡  
江山距七澤煙雨接三湘蛟浦荷菱淨魚舟橋柳香  
醉中求習氏夢裏憶襄王宅毀仍思鳳碑存更憶羊  
下車慙政美閉閣幸時康多謝征南術于今尚不忘

送襄陽李尚書

李益

天寒發梅柳憶昔到襄州樹暖燃紅燭江清展碧油  
風煙臨峴首雲水接昭丘俗尚春秋學詞稱文選樓  
都門送旌節符竹領諸侯漢沔分戎寄黎元戒聖憂  
時追山簡興本自習家流莫廢思康樂詩情滿沃州

四月一日過江赴荊州

張說

唐詩類苑

卷之四十

二十七

春色沅湘盡三年客始廻夏雲江北帆同日過江來  
水漫荆門出山平郢路開此有羊叔子千載豈無才  
送李功曹之荊州充鄭侍御判官重贈

杜甫

曾聞宋玉宅每欲到荊州此地生涯晚遙悲水國秋  
孤城一柱觀落日九江流使君雖光彩青楓遠自愁  
送蘇郎中瑄出佐荊州

神仙久留滯清切佇飛翮或佐南方牧何時西掖垣  
高車自蘭省便道出荆門不見河梁別空銷郢路魂

奉贈張荊州

王昌齡

祝融之峰紫雲銜翠如何其雪嶺品邑西有路綠石  
壁我欲從之臥穹嵌魚有心今脫網罟江無人兮鳴  
楓杉玉君飛鳥仍未去蘇耽宅中意遙緘

荊門路

王建

江邊行人暮悠悠山頭殊未見荊州峴亭西南路多  
曲櫟林深深石鏃鏃看炊紅米煮白魚夜向鷄鳴店  
家宿南中三月蚊蚋生黃昏不聞人語聲生紗帷棘  
薄如霧隔衣鑽膚耳邊鳴欲明不待燈火起喚得官  
船過蠻水女兒停客茅屋新開門掃地桐花裏大聲  
撲撲寒溪煙人家燒竹種山田巴雲欲雨薰石熱塵

唐詩類苑

卷之四十

二十八

鹿過江蟲出穴大蛇過處一山腥野牛驚跳雙角折  
斜分漢水橫千山山青水綠荆門關向前問箇長沙  
路舊是屈原沈溺處誰家丹旄已南來逢着流人從  
此去月明山鳥多不棲下枝飛上高枝啼主人念遠  
心不憚羅衫臥對章臺夕紅燭交橫各自歸酒醒還  
是他鄉客壯年留滯尚思家况復白頭在天涯

睦州四韻

杜牧

州在釣臺邊溪山實可憐有家皆掩映無處不潺湲  
好樹鳴幽鳥晴巒入野煙殘春杜陵客中酒落花前  
送崔峒使往睦州兼寄薛司戶

嚴維

如今相府用英髦獨往南州肯告勞  
冰水近開漁浦出雪雲初捲定山高  
木奴花映桐廬縣青雀舟隨白露濤  
使者應須訪廉吏府中唯有范功曹

送田使君牧蔡州

馬戴

主意恩政一作共理牧人官不輕樹多淮右地山遠汝  
南城望稼周田隔登樓楚月生懸知蔣亭下渚鶴伴  
閒行

寄和蔡州田郎中

僧無可

遺跡仍一作路留蔡幽人出漢一作朝門深荒徑在  
唐詩類苑卷之四十

臺迥數峰遙岸石欹相倚一作對牕松偃未凋尋思方  
一去豈待使君招

送王侍御赴江西兼寄李袁州

韓翃

中朝理章服南國隨旌旆臘酒湘城隅春衣楚江水  
垂簾白角簾下筋鱸魚鱸雄筆佐名公虛舟應時輩  
投俗承流幾路清平明山靄春江雲溢城詩贈魚司  
馬汝水人逢王右軍綠蘋白芷遙相引孤興幽尋知  
不近井上銅人行見無湖中石燕飛應盡建禮門前  
直事郎腰垂金綬領宜陽花間五馬迎君日雨霽煙

開玉女崗

送儲邕之武昌

李白

黃鶴西樓月長江萬里情春風三十度空憶武昌城  
送爾難爲別銜杯惜未傾湖連張樂地山逐汎舟行  
諾謂楚人重詩傳謝眺清滄浪吾有曲寄入棹歌聲

送豐城王少府

楊炯

愁結亂如麻長天照落霞離亭隱喬樹溝水浸平沙  
左尉才何屈東關望漸賒行看轉牛斗持此報張華

送鄭州周司空

楊炯

漢國臨清渭京城枕濁河居人泣珠淚賓御促驅歌  
唐詩類苑卷之四十

送廣州周判官

張九齡

海郡雄蠻落津亭壯越臺城隅百雉映水曲萬家開  
里樹桃榔出時禽翡翠來觀風猶未盡早晚使車廻

送楊長史赴果州

王維

褒斜不容幘之子去何之鳥道一千里猿啼十二時  
官橋祭酒客山木女郎祠別後同明月君應聽子規

送李太守赴上洛

王維

南山包楚鄧積翠謁沈沈驛路飛泉灑關門落照深  
野花開古戍行客響空林板屋春多雨山城畫欲陰



丹泉通號路白羽抵荆岑若見西山爽應知黃綺心

送成州牧

張 嶺

清時爲塞郡自古有儒流素望知難愜新恩且用酬  
犬牙連蜀國兵額貫秦州祇作三年別誰能聽邑留

送穆少府知眉州

賈 島

劍門倚青漢君昔未曾過日暮行人少山深異鳥多  
猿啼和峽雨棧盡到江波一路白雲裏飛泉灑薜蘿

送李秘書往儋州

儲嗣宗

魍魅曾爲伍蓬萊近拜郎臣心瞻北闕家事在南荒  
莎草山城小毛洲海驛長玄成知必大寧是汎滄浪

唐詩類苑

卷之四十

三十一

送李長史歸涪州

張 祐

涪江江上客歲晚却還鄉暮過高堂雨秋經巫峽霜  
急灘船失次疊障樹無行好爲題新什知君思不常

送雍郢州

李 端

厭郎思出守遂領漢東軍望月逢殷浩綠江送范雲  
城間煙草遍浦迥雪林分誰伴樓中宿吟詩估客聞

送張秀才之長沙

戎 昱

君向長沙去長沙僕舊諳雖之桂嶺北終是闕庭南  
山靄生朝雨江煙作夕嵐松醪能醉客慎勿值湘潭

送容春遊嶺南二十韻因叙南中方物以論

之并擬微之送崔二十二之作

白居易

已訝遊何遠仍嗟別太頻離容君感促贈語我殷勤  
迢遞天南面蒼茫海北垠訶陵國分界交趾郡爲鄰  
蒼鬱三光晦溫暾四氣勻陰晴變寒暑昏曉錯星辰  
瘴地難爲老蠻陬不易馴土民稀白首洞主盡黃巾  
戰艦猶驚浪戎車未息塵紅旗圍丹服紫綬裹文身  
麴苦枕椰裏漿酸橄欖新牙櫓迎海舶銅鼓賽江神  
不凍貪泉暖無霜毒草春雲煙蟒蛇氣刀劍鱗魚鱗  
路足羈縻客官多謫逐臣天黃生廐母雨黑長根人

唐詩類苑

卷之四十

三十二

廻使先傳語征軒早返輪須防杯裏蠱莫愛橐中珍

北與南殊俗身將貨孰親嘗聞君子誠憂道不憂貧

送邢台州濟

僧皎然

海上仙山屬使君石橋琪樹古來聞他時畫出白團  
扇乞取天台一片雲

潭州

李商隱

潭州官舍暮樓空今古無端入望中湘淚淺深滋竹  
色楚歌重疊怨蘭叢陶公戰艦空灘雨賈傳承塵破  
廟風日斷故園人不至松醪一醉與誰同

袁州作

韋 莊



家家生計只琴書一郡清風似魯儒  
山色東南連府水聲西北屬洪都  
煙霞盡入新詩卷郭邑閒開古畫圖  
正是江村春酒熟更聞春鳥勸提壺

柳州峒氓

柳宗元

郡城南下接通津異服殊音不可親  
青箬裹鹽歸洞客綠荷包飯趁虛人  
鵝毛禦臘縫山罽鷄骨占年拜水神  
愁向公庭問重譯欲投章甫作文身

送柳八員外赴江西

皇甫冉

岐路窮無極長江九派分行人隨旅鴈  
楚樹入湘雲久在征南役何殊薊北  
勲離心不可問歲暮雪紛紛

唐詩類苑

卷之四十

三十三

送盧員外往饒州

李嘉祐

爲郎復典郡錦帳映朱輪露冕隨龍節  
停撓得水人早霜蘆葉變寒雨石榴新  
莫怪諸風土三年作逐臣

送張舍人佐江州同薛璩十韻

王維

東帶趨承明守官唯謁者清晨聽銀蚪  
薄暮辭金馬受辭未嘗易當是方知寡  
清範何風流高文有風雅忽佐江上州  
當自尋陽下逆旅到三湘長途應百舍  
香爐遠峰出石鏡澄湖瀉董奉杏成林  
陶潛菊盈把范蠡常好之廬山我心也  
送君思遠道欲以駭行灑

上江州陳員外

羅隱

寒江九派轉城樓東下鍾陵第一州  
人自中臺方貴盛地從西晉卽風流  
舊班久望鷄睛翳餘力猶聞虎夜浮  
應恨屬官無健令異時佳節阻閒遊

唐詩類苑

卷之四十一

三十四

唐詩類苑卷第四十一

明雲間張之象玄超甫纂輯

孫齊顏伯復甫編次

雲間王微叔明甫補訂

梁谿曹仁孫伯安甫校正

邊塞部

總邊

執契靖三邊

太宗

執契靖三邊持衡臨萬姓玉彩輝關燭金華流日鏡  
無爲宇宙清有美璇璣正皎珮星連景飄衣雲垂慶

唐詩類苑

卷之四十一

一

戢武耀七德昇文輝九功煙波澄舊碧塵火息前紅  
霜野韜蓮劍關城罷月弓錢綴榆天合城新柳塞空  
花銷葱嶺雪穀盡流沙霧秋駕轉兢懷春冰彌軫慮  
書絕龍庭羽烽休鳳穴戍衣宵寢二難食肝餐三懼  
窮暴興先廢除克存昔亡圓蓋歸天壤方輿入地荒  
孔海池京邑雙河沿帝鄉循躬思勵已撫俗愧詩康  
元首佇鹽梅股肱唯輔弼羽賢空嶺四翼聖襄城七  
澆俗庶反淳替文聊就質已知隆至道共歡區宇一  
奉和執契靖三邊應詔 許敬宗  
玄塞隔陰戎朱光分昧谷地遊窮北際雲崖盡西陸

星大絕軒臺風衝垂禹服寰區無所外天覆今咸育

竄苗猶有孽戮負自貽辜疎網妖魎漏盤藪怪禽遁

髯飛尚假息乳視惠稽誅乾靈振玉琴神畧運璇樞

日羽廓遊氣天陣清華野昇暉光西夜馳恩溢東瀉

揮袂靜炎炎開關納流赭錦韜凌石地華纓羈大廈

清臺映羅葉玄汴控瑤池駛鹿輸珍貺樹羽饗來儀

輟餉觀化宇栖靈萃條支薰風交閭闕就日泛濛濛

充庭延飲至絢簡敷春藻迎姜已創圖命方方論道

昔託遊河叟再備南山皓欣逢德化流思效登封草

殺氣不在邊

孟郊

唐詩類苑

卷之四十一

二

殺氣不在邊凜然中國秋道險不在山平地有摧斬  
河南又起兵清濁俱鎖流豈唯私客艱擁滯官行舟  
况余隔晨昏去家成阻修忽然兩鬢雪固是一日愁  
獨寢夜難曉起視星漢浮涼風蕩天地日夕聲颼颼  
萬物無少色兆人皆老憂長策苟未立丈夫誠可羞  
靈響復何事劍鳴思戮讐

邊城曲

戴叔倫

人生莫作遠行客遠行莫戍黃沙磧黃沙磧下八月  
時霜風裂膚百草衰塵沙晴天迷道路河水悠悠向  
東去胡笳聽徹雙淚流浮雲慘慘生邊愁原頭獵火

夜相向馬蹄蹴蹋層冰上不似京華俠少年青歌妙舞落花前

答韓使同在邊

陳子昂

漢家失中策胡馬屢南驅聞詔安邊使曾是故人謨廢書悵懷古負劍許良圖出關歲方晏萊障日多虞虜入白登道烽交紫塞途連兵屯北地清野備東胡邊城方晏閉片堠始昭蘇復聞韓長孺辛苦事匈奴雨雪顏容改縱橫才位孤空懷老臣策未獲趙軍租但蒙魏侯重不受謗書誣當取金人祭還歌凱入都

答邊信

長孫佐輔

唐詩類苑

卷之四十一

三

征人去年戍遼水夜得邊書字盈紙揮刀就燭裁紅綺結作同心答千里君寄邊書書莫絕妾答同心心自結同心再解心不離書字頻看字愁滅結成一夜和淚封貯書只在懷袖中莫如書字固難久願學同心長可同

邊情

張蠟

窮荒始得靜天驕又說天兵擬渡遼聖主尚嫌蕃界近將軍莫恨漢庭遙草枯朔野春難發水結河源夏半銷惆悵臨戎皆効國豈無人似霍嫖姚

邊思

李益

腰懸錦帶佩吳鉤走馬曾防玉塞秋莫笑關西將冢子祇將詩思入涼州

邊思

楊衡

蘇武節旄盡李陵音信稀花當隴上發人向壠頭歸

邊思

劉滄

漢將邊方轉輾受降城北是單于黃河晚凍雪風急野火遠燒山木枯偷號甲兵衝塞色銜枚戰路寒蕪蛾眉一沒空留怨青塚月明啼夜鳥

罰赴邊有懷上韋相公

薛濤

聞道邊城苦而今到始知却將門下曲唱與隴頭兒

唐詩類苑

卷之四十一

四

邊夜有懷

駱賓王

漢地行逾遠燕山去不窮城荒猶築砦碣毀尚銘功古戍煙塵滿邊庭人事空夜關明隴月秋塞急胡風倚伏良難定榮枯豈易通旅魂勞泛梗離恨斷征蓬蘇武封猶薄崔駰宦不工惟餘北叟意欲寄南飛鴻

邊城落日

駱賓王

見天部日

早春邊城懷歸

崔湜

大漢羽書飛長城未解圍山川陵玉障旌節下金微路向南庭遠書因北鴈寄別思風雪散戎衣

歲盡仍爲客春還尚未歸明年征騎返歌舞及芳菲

書邊事

李昌符

朔野煙塵起天軍又舉戈陰風向晚急殺氣入秋多  
樹盡禽栖草水堅路在河汾陽無繼者羌虜肯先和

書邊事

張喬

調角斷清秋征人倚戍樓春風對青塚白日落梁州  
大漢無兵阻窮邊有客遊蕃情似此水長願回南流

邊愁

崔湜

九月逢根斷三邊草葉腓風塵馬變色霜雪劍生衣  
客思秋陰晚邊師驛騎歸殷勤鳳樓上還袂及春暉

唐詩類苑

卷之四十一

五

邊上作二首

僧貫休

山無綠兮水無清風既毒兮沙亦腥胡兒走馬疾飛  
鳥聯翩射落雲中聲

陣雲忽向沙中起探得胡兵過遼水堪嗟護塞征戍  
兒未戰已疑身是鬼

邊上晚秋

杜牧

黑山南面更無州馬放平沙夜不收風送孤城臨晚  
角一聲聲入客心愁

邊詞

張敬忠

五原春色舊來遲二月垂楊未挂絲即今河畔水開

日正是長安花落時

送邊使

鄭巢

關河度幾重邊色上離客灞水方爲別沙場又入冬  
曙鵬迴大旆夕雪沒前峰漢使多長策須令遠國從

寄邊上從事

鄭谷

男兒懷壯節何不事嫖姚高壘觀諸寨全師護大朝  
淺山寒放馬亂火夜防苗下第春愁甚從軍遠涉勞  
久別郊園改將歸里巷修桑麻勝祿食節序免鄉愁  
陽朔花迎棹崇賢葉滿溝席春歡促膝簷日暖梳頭  
道暢應爲蝶時來必問牛終須康庶品未與漱寒流

唐詩類苑

卷之四十一

六

議在歸羣望惜難戀自由小生誠淺拙早歲便依投  
夏課每垂獎雪天常見憂遠招陪宿直首薦向公侯  
攀送偏揮灑龍鍾志未酬

送李殷遊邊

劉駕

十年夢相識一覲俄遠別征駕在我傍草草意難說  
君居洞庭日詩句滿魏闕如何萬里來青桂看人折  
行裝不及備西去偶然訣孟夏出都門行塵客衣熱  
荒城見牛馬野館具薇蕨邊境漸無虞旋宿常待月  
西園置酒地日夕簪裾列壯志安可留槐花樽前發

遊邊

曾栖蟾

邊雲四顧濃饑馬咬枯叢萬里八九月一身西北風  
戍管天正黑戰馬雪多紅昨夜東歸夢桃開晚色中

送人遊邊

鄭谷

春亦怯邊遊此行風正秋別離聞夜雨道路向雲州  
磧樹藏城遠沙河漾日流將軍方破虜莫惜獻良籌

送殷中丞遊邊

項斯

話別無長夜燈前聞曙鷄已行難避雪何處合逢花  
野寺門多開荒樓酒不賒還須見邊將誰擬靜塵沙

送友人遊邊

項斯

方春到帝京有戀有愁并萬里江海思半年沙塞程

唐詩類苑 卷之四十一

七

綠陰斜向驛殘照遠侵城自可資新課還期振盛名

送人遊邊

李昌符

愁指蕭關外風沙入遠程馬行初有迹雨落竟無聲  
地里全歸漢天威不在兵西京逢故老暗喜復時平

湖外送友人遊邊

崔塗

我泛瀟湘浦君行指塞雲兩鄉天外隔一徑渡頭分  
雨暗江花老笳愁隴月曠不堪來去鴈迢遞思離羣

遊邊

杜牧

黃沙連海路無塵邊草常枯不見春日暮拂雲堆下  
過馬前逢著射鵰人

邊遊錄戍卒言

于漬

二十屬盧龍三十防沙漠平生愛功業不覺從軍惡  
今來客鬢改知學彎弓錯赤肉痛金瘡他人成衛霍  
目斷望君門君門苦寥廓

邊遊

項斯

古鎮門前去長安路在東天寒明候火日晚裂旗風  
塞館皆無事儒裝亦有弓防秋故鄉空暫喜語音同

贈友人邊遊回

馬戴

遊子新從絕塞回自言會上李陵臺尊前語盡北風  
起秋色蕭條胡鴈來

唐詩類苑

卷之四十一

八

送友人遊邊

黃滔

虜酒不能濃縱傾愁亦重關河初落日霜雪下窮冬  
野燒枯蓬旋沙風匹馬衝薊門無易過千里斷人蹤

送友人邊遊

黃滔

銜杯國門外分手見殘陽何日還南越今朝往北荒  
砂城經雨壞虜騎入秋狂親詠關山月歸吟鬢的霜

送友人如邊

賈島

去日重陽後前程菊正芳行車輾秋岳落葉墜寒霜  
雲入漢天白風高磧色黃蒲輪待恐晚求薦向諸方

兵後尋邊三首

李山甫

千里煙砂盡日昏，戰餘燒罷閉重門。  
新城劍戟皆寒器，舊着衣裳盡血痕。  
捲地朔風吹白骨，挂天青氣泣幽魂。  
自憐長策無人問，羞戴儒冠傍塞垣。

旗頭指處見黃埃，萬馬橫馳鵠翅迴。  
劍戟遠腥疑血在，山河先暗陣雲來。  
角聲惡殺悲於哭，鼓勢爭強怒若雷。  
日暮却登塞壘望，飽鳴清嘯伏屍堆。

風怒邊沙迸鐵衣，胡兒胡馬正嬌肥。  
將軍對陣誰教入，戰士辭營不道歸。  
新血濺紅粘蔓草，舊骸堆白映寒暉。  
胸中縱有銷兵術，欲向何門說是非。

軍城早秋

嚴武

唐詩類苑

卷之四十一

九

昨夜秋風入漢關，朔雲邊月滿西山。  
更催飛將追騎虜，莫遣沙場匹馬還。

奉和嚴武軍城早秋

杜甫

秋風嫋嫋動高旌，玉帳分弓射虜營。  
已收滴博雲間戍，欲奪蓬婆雪外城。

大漠行

胡皓

單于犯薊，陂驃騎畧蕭邊。  
南山木葉飛下地，北海蓬根亂上天。  
科斗連營，太原道魚麗合陣。  
武威川三軍遙倚伏，萬里相馳逐。  
旆旆悠悠，靜瀚源鼙鼓喧喧動。  
盧谷窮微出，幽陵吁嗟倦寢興。  
馬蹄凍溜石，胡毳暖

生木雲沙泱泱天，光閉河塞陰沉海。  
色凝崆峒異國誰能託，蕭索邊心常不樂。  
近見行人畏白龍，遙聞公主愁黃鶴。  
陽春半岐路，間瑤臺苑玉門關。  
百花芳樹紅將歇，二月蘭皋綠未還。  
陣雲不散魚龍水，雨雪猶飛鴻鴈山。  
山障連綿不可極，路遠辛勤夢顏色。  
北堂萱草不寄來，東園桃李長相憶。  
漢將紛紜攻戰盈，胡寇蕭條幽朔并。  
韓君拜節偏知遠，鄭吉驅旌坐見迎。  
火絕煙沉右西極，谷靜山空左北平。  
但使將軍能百戰，不須天子築長城。

北上行

李白

唐詩類苑

卷之四十一

十一

北上何所苦，北上緣太行。  
磴道盤且峻，巉巖嚴凌穹。  
蒼巖馬足蹶側石，車輪摧高岡。  
沙塵接幽州，烽火連朔方。  
殺氣毒劍戟，嚴風裂衣裳。  
奔鯨夾黃河，鑿齒屯洛陽。  
前行無歸日，返顧思舊鄉。  
慘戚水雪裏，悲號絕中腸。  
尺布不掩體，皮膚劇枯桑。  
汲水澗谷阻，採薪隴坂長。  
猛虎又掉尾，磨牙皓秋霜。  
草木不可餐，饑飲零露漿。  
嘆此北上苦，停驂爲之傷。  
何日王道平，開顏覩天光。

北庭作

岑參

鴈塞通鹽澤，龍堆接醋溝。  
孤城天北畔，絕域海西頭。  
秋雪春仍下，朝風夜不休。  
可知年四十，猶自未封侯。

榆林郡歌

王維

山頭松柏林山下泉聲傷客心  
千里萬里春草色黃河東  
流流不息黃龍戍上遊俠兒  
愁逢漢使不相識

營州歌

高適

營州少年厭原野皮裘蒙茸獵  
城下虜酒千鍾不醉人胡兒  
十歲能騎馬

童謠

乾符六年

八月無霜塞草青將軍騎馬  
步空城漢家天子西巡狩猶  
向江東更索兵

部落曲

高適

唐詩類苑

卷之四十一

十一

蕃軍傍塞遊代馬噴風秋老將  
垂金甲關支著錦裘瑊戈蒙  
豹尾紅旆挿狼頭日暮天山  
下鳴笳漢使愁

鴈門胡人歌

崔顥

高山代郡東接燕鴈門胡人家  
近邊解放胡鴈逐塞鳥能將代  
馬獵秋田山頭野火寒多燒霧  
一作裏孤

峯濕作煙聞道遠

一作

西無關戰時時醉向酒家眠

登百丈峯二首

高適

朝登百丈峯遙望燕支道漢壁  
青冥間胡天白如掃憶昔霍將  
軍連年此征討匈奴終不滅寒  
山徒草草

唯見鴻鴈飛令人傷懷抱

晉武輕後事惠皇終已昏豺狼塞  
澠洛胡羯爭乾坤

四海如鼎沸五原徒自尊而今  
白庭路猶對青陽門

九曲詞三首

高適

天寶中哥舒翰攻破吐蕃洪濟  
大漠等城收黃河九曲以其地  
置郡適由是作九曲詞

許國從來微廟堂連年不為在  
壇場將軍天上封侯印御史臺  
中異姓王

萬騎爭歌楊柳春千場對舞繡  
麒麟到處盡逢歡洽事相看總  
是太平人

唐詩類苑

卷之四十一

十一

鐵騎橫行鐵嶺頭西看邏逤取  
封侯青海只今將飲馬黃河不  
用更防秋

和袁郎中破賊後經劍中山水

皇甫冉

武庫分帷幄儒衣事鼓鼙兵連  
越徼外寇盡海門西

節比全疎勒功當雪會稽旌旗  
迴劍嶺士馬濯靈溪

受律梅初發班師草未齊行看  
佩金印豈得訪丹梯

朔營

方干

寥寥落何處一夜過胡天送苦  
秋風外吹愁白髮還



同中作

溫庭筠

暮春寒空遠色愁鳴鳴戍角上高樓吳姬怨思吹雙

管燕客悲歌動一作別五侯千里關山邊草暮一星烽

火朔雲秋夜來霜重西風起隴水無聲凍一作不流

古意

戴休珽

窮秋朔望起滄海愁陰漲廣騎掠河南漢兵屯灞上

羽書驚沙漠刁斗喧亭障關塞何蒼茫邊烽遞相望

蘇武節俠客多招訪投筆一作生提戈逐飛將

阮公體

徐品

秦王按劍怒發卒戍龍沙雄圖尚未畢海內已紛拏

唐詩類苑卷之四十一

黃塵暗天起白日欽精華唯見長城外僵屍如亂麻

婆羅門

楊敬述

樂苑曰婆羅門商調曲開元中西涼府節度楊敬

述進唐會要曰天寶十三載改婆羅門爲霓裳羽

衣

迴樂峯前沙似雪受降城外月如霜不知何處吹蘆

管一夜征人盡望鄉

水鼓子

雕弓白羽獵初回薄夜牛羊復不來夢水河邊秋草

合黑山峯外陣雲開

同呂員外酬田著作幕門軍西宿盤山秋夜作

高適

磧路天已秋邊城夜應永遙傳戎旅作已報關山冷

上將頓盤坂諸軍偏泉井綢繆閫外書慷慨幕中請

能使勲業高勳令氛霧屏遠途能自致短步終難騁

羽翮時一看窮愁如三省人生感然諾何啻若形影

白髮知苦心陽春見佳境星河連塞絡刁斗燕山靜

憶君霜露時使我空引領

贈蘇味道

杜審言

北地寒應苦南庭戍不歸邊聲亂羌笛朔氣捲戎衣

唐詩類苑卷之四十一

雨雪關山暗風霜草木稀胡兵戰欲盡漢卒尚重圍

雲淨妖星落秋深塞馬肥據鞍雄劍重搔筆羽書飛

與駕還京邑朋游滿帝畿方期來獻凱歌舞共春暉

送李侍郎迥秀薛長史季景同賦水字

張說

濮郡接朝廷幽并對烽壘旌旗按部曲文武惟卿士

薛公善籌畫李相威都鄙中冀分兩河長城各萬里

藉馬黃金塞蒐兵白狼水勝敵在安人爲君汗青史

夏州崔常侍自少常亞列出領麾幢十韻

杜牧



帝命詩書將壇登禮樂卿三邊要高枕萬里得長城  
對客猶褒博填門已施旌腰間五綬貴天下一家榮  
野水差新燕芳郊嘒夏鷺別風嘶王勒殘日望金莖  
榆塞孤煙媚銀川綠草明戈矛唬虎士弓箭落鵬兵  
魏絳言堪採陳湯事偶成若須垂竹帛靜勝是功名

送客往夏州

楊凝

憐君此去過居延古塞黃雲共渺然沙濶獨尋邊馬  
跡路迷遙指戍人煙夜投孤店愁吟笛朝望行陳喜  
控弦聞有故交今從騎何須著論更言錢

送客往鄜州

楊凝

唐詩類苑

卷之四十一

十五

新參將畧事西營一作平錦帶驛弓結束輕曉上闕城  
吟夜角暗驅羌馬發支兵廻中地遠風常急鄜時年  
多草自生近喜扶陽係戎相從來衛霍笑長纓

奉送嚴大夫再領容府

曹唐

日照雙旌射火山笑迎賓從却南還風雲暗發詠諧  
外感會潛生氣槩間斬竹水翻臺榭濕刺桐花落管  
絃閑無因得輟真珠履新從新侯定八蠻  
海風捲樹東嵐消憂國寧辭嶺外遙自顧勤勞甘百  
戰不將功業負三朝劍澄黑水會戛虎箭劈黃雲慣  
射鵬代北天南盡成事肯將心許霍嫖姚

薊門

出自薊北門行一首

李白

虜陣橫北荒胡星耀精芒羽書速驚雷烽火晝連光  
虎竹收邊急戎車森幾行明主不安席按劍心飛揚  
推轂出猛將連旗登戰場兵威衝絕幕殺氣交穹蒼  
列卒赤山下開營紫塞傍孟冬風沙緊旌旗颯影飈  
畫角悲海月征衣捲天霜揮刃斬樓蘭彎弓射賢王  
單于一平蕩種落自奔忙收功報天子行歌歸咸陽

薊門行五首

高適

薊門逢古老獨立思氛氲一身既零丁頭鬢白紛紛

唐詩類苑

卷之四十一

十六

勲庸今已矣不識漢將軍

漢家能用武開拓窮異域戍卒厭糟糠降胡飽衣食  
關亭試一望吾欲涕沾臆

邊城十一月雨雪亂霏霏元戎號令嚴人馬亦輕肥

羌胡無盡日征戰幾時歸

幽州多騎射結髮重橫行一朝事將軍出入有聲名  
紛紛獵秋草相向角弓鳴

黯黯長城外日沒更煙塵胡騎雖憑陵漢兵不顧身  
古樹滿空塞黃雲愁殺人

薊北門行

曹鄴

長河凍如石，征人夜中戍。但恐筋力盡，敢憚將軍遇。  
古來死未歇，白骨凝官路。豈無一有功，可以高其墓。  
親戚牽衣泣，悲號自相顧。死者雖無言，那堪生者悟。  
不如無手足，得見齒髮暮。乃知七尺軀，却是速死具。

薊北行

旄頭有精芒，胡騎獵秋草。羽檄南渡河，邊庭用兵草。  
漢家愛征戰，宿將今已老。辛苦羽林兒，從戎榆關道。  
一身救邊速，烽火通薊門。前軍飛鳥斷，格鬬塵沙昏。  
寒日鼓聲急，單于夜將奔。當須狗忠義，身死報國恩。

自薊北歸

高適

唐詩類苑

卷之四十一

七

驅馬薊門北，北風邊馬哀。蒼茫遠山口，豁達胡天開。  
五將已深入，前軍止半迴。誰憐不得意，長劍獨歸來。

送韋判官歸薊門

于鵠

桑乾歸路遠，聞說亦愁人。有雪常經夏，無花空到春。  
下營雲外火，收馬月中塵。白首從戎客，青衫未離身。

薊北書事

張嶺

度磧如經海，茫然但見空。戍樓承落日，沙塞礙驚蓬。  
暑過燕僧出，時平虜客通。逢人皆上將，誰有定邊功。

薊中作

高適

策馬自沙漠，長驅登塞垣。邊城何蕭條，白日黃雲昏。

一到征戰處，每愁胡虜翻。豈無安邊書，諸將已承恩。  
惆悵孫吳事，歸來獨閉門。

望薊門

祖咏

燕臺一去客心驚，笙鼓喧喧漢將營。萬里寒光生積  
雪，三邊曙色動行旌。沙場烽火侵胡月，海畔雲山擁  
薊城。少小雖非投筆吏，論功還欲請長纓。

安西

武威送劉單判官赴安西行營便呈高開府

岑參

熱海亘鐵門，火山赫金方。白草磨天涯，胡沙莽茫茫。

唐詩類苑

卷之四十一

大

夫子佐戎幕，其鋒利如霜。中歲學兵符，不能守文章。  
功業須及時，立身有行藏。男兒感忠義，萬里忘越鄉。  
孟夏邊候遲，胡國草木長。馬疾過飛鳥，天窮超夕陽。  
都護新出師，五月發軍裝。甲兵二百萬，錯落黃金光。  
揚旗拂崑崙，伐鼓震蒲昌。太白引官軍，天威臨大荒。  
西望雲似蛇，戎夷知喪亡。渾驅大宛馬，繫取樓蘭王。  
臂到交河城，風土斷人腸。塞驛遠如點，邊峰互相望。  
赤亭多飄風，鼓怒不可當。有時無人行，沙石亂飄揚。  
夜靜天蕭條，鬼哭夾道傍。地上多髑髏，皆是古戰場。  
置酒高館夕，邊城月蒼蒼。軍中宰肥牛，堂上羅羽觴。

紅淚金燭盤嬌歌艷新粧聖君仰青冥短難可期  
蒼然西郊道握手何慨慷

送劉司直赴安西

王維

絕域陽關道胡沙與塞塵三春時有鴈萬里少行人  
首藉隨天馬蒲萄逐漢臣當令外國懼不敢覓和親

送李侍御赴安西

高適

行子對飛蓬金鞭指鐵驄功名萬里外心事一杯中  
虜障燕支北秦城太白東離魂莫惆悵看取寶刀雄

送趙順真郎中赴安西

張說

絕鎮功難立懸軍命匪輕復承遷相後珍重任  
唐詩類苑 卷之四十一 十九

將起神仙地才稱禮樂英長心堪繫虜短語足論兵  
日授休明法星教置陣名龍泉恩已署燕領相終成  
月窟窮天遠河源入塞清老夫操別翰承旨頌營平

送裴別將之安西

高適

見職官部別將

臨洮

發臨洮將起北庭留別

岑參

聞說輪臺路連年見雪飛春風不會到漢使亦應稀  
白草通疎勒青山過武威勤王敢道遠私向夢中歸

望臨洮

王昌齡

飲馬度秋水水寒風似刀平沙日未沒黯黯見臨洮  
當日長城戰咸言意氣高黃塵足今古白骨亂蓬蒿

輪臺

輪臺卽事

岑參

輪臺風物異地是古單于三月無青草千家盡白榆  
蕃書文字別胡俗語音殊愁見流沙北天西海一隅

首秋輪臺

岑參

異域陰山外孤城雪海邊秋來唯有鴈夏盡不聞  
雨拂毳毳濕風搖毳幕隨輪臺萬里地無事歷三年

送康祭酒赴輪臺

曹唐

唐詩類苑 卷之四十一 二十

灞水橋邊酒一杯送君千里赴輪臺霜黏海眼旗聲  
凍風射犀文甲縫開斷磧簇煙山似火野營軒地鼓  
如雷分明會得將軍意不斬樓蘭不擬迴

隴西

隴西行

王維

十里一走馬五里一揚鞭都護軍書至匈奴圍酒泉  
關山正飛雪烽火斷無煙

隴上行

王維

負羽到邊州鳴笳度隴頭雲黃知塞近草白見邊秋

隴西行

耿湜

雪下陽關路人稀隴戍頭封狐猶未剪邊將豈無  
白草三冬色黃雲萬里愁因思李都尉畢竟不封侯

遼

鄭少府入遼

駱賓王

邊烽警榆塞俠客度桑乾柳葉開銀鏑桃花照玉  
滿月臨弓影連星入劍端不學燕臺客空歌易水寒

遼西作

崔顥

燕郊芳歲晚殘雪凍邊城四月青草合遼陽春水生  
胡人正牧馬漢將日徵兵露重寶刀濕沙虛金鼓鳴  
寒衣著已盡春服與誰成寄語洛陽使爲傳邊塞情

唐詩類苑

卷之四十一

三

遼城望月

太宗

見天部月

送遼陽使還軍

李益

征人歌且行北上遼陽城二月戎馬息悠悠邊草生  
青山出塞斷代地入雲平昔者匈奴戰多聞殺漢兵  
平生報國憤日夜角弓鳴勉君萬里去勿使虜塵驚

遼陽行

于濬

遼陽在何處妾欲隨君去義合齊死生本不誇機杼  
誰能守空閨虛問遼陽路

送耿十三緯復往遼海

戴叔倫

仗劍萬里去孤城遼海東旌旗愁落日鼓角壯悲風  
野迥邊城息烽消戍壘空轅門正休暇投策拜元戎

渡遼水

王建

渡遼水此去咸陽五千里來時父母知隔生畏著衣  
裳如送死亦有白骨歸咸陽營家各與題本鄉身在  
應無迴渡日駐馬相看遼水傍

遼東行

王建

遼東萬里遼水曲古戍無城復無屋黃雲蓋地雪作  
山不惜黃金貴衣服戰迴各自收弓箭正西迴而家  
鄉遠年年郡縣送征人將與遼東作丘坂寧爲草木

唐詩類苑

卷之四十一

主

鄉中生有身不向遼東行

摩多樓子

李賀

從戎向邊北遠行最密親借問陰山侯還知塞上人

摩多樓子

李賀

玉塞去金人二萬四千里風吹沙作雲一時渡遼水  
天白水如練甲絲雙串斷行行莫苦辛城月猶殘半  
曉氣朔烟上趄起胡馬啼行人臨水別隔隴長東西

磧

磧西頭送李判官入京

岑參

一身從遠使萬里向安西漢月垂鄉淚胡沙費

馬蹄尋河愁地盡過磧覺天低送子軍中飲家書醉

裏題

歲暮磧外寄元撫

岑參

西風傳戍鼓南望見前軍沙磧人愁月山城犬吠雲  
別家逢逼歲出塞獨離羣髮到陽關白書今遠報君

過磧

岑參

黃沙磧裏客行迷四望雲天直下低爲言地盡天還  
盡行到安西更向西

磧中作

岑參

走馬西來欲到天辭家見月兩回圓今夜不知何處

唐詩類苑

卷之四十一

五

宿平沙萬里絕人烟

燕支

燕歌行

陶翰

請君留楚調聽我吟燕歌家在遼水頭邊風意氣多  
出身爲漢將正值戎未和雪中凌天山水上度交河  
大小百餘戰封侯竟蹉跎歸來灞陵下故舊無相過  
雄劍委塵匣空門唯雀羅玉簪還趙妹瑤瑟付齊娥  
昔日不爲樂時哉今奈何

燕歌行

屈同仙

君不見漁陽八月塞草腓征人相對併思歸雲和朔

氣連天黑蓬雜驚沙散野飛是時天地陰埃迫瀚海  
龍城皆習戰兩軍鼓角暗相聞四面旌旗看不見昭  
君遠嫁已多年戎狄無厭不復和漢兵候月秋防塞  
胡騎乘冰夜渡河河塞東西萬餘里地與京華不相  
似燕支山下少春輝黃沙磧裏無流水金戈玉劍十  
年征紅粉青樓多怨情厭向殊鄉久離別秋來愁聽  
擣衣聲

燕歌行

賈至

國之重鎮惟幽都東威九夷制北胡五軍精卒三十  
萬百戰百勝擒單于前臨滹沱後沮水崇山沃野亘

唐詩類苑

卷之四十一

五

千里昔時燕山重賢士黃金築臺從隗始倏忽興王  
定薊丘漢家又以封王侯蕭條魏晉爲橫流鮮卑竊  
據五州我唐區夏餘十紀軍中武備赫萬祀彤弓  
黃鉞授元帥墾耕大漠爲內地季秋膠折邊草腓治  
兵羽獵因出師千營萬隊連旌旗望之如火忽雷馳  
匈奴懾竄窮髮北大荒萬里無塵飛隋家昔爲天下  
率窮兵黷武征遼海南風不競多死聲鼓卧旗拆黃  
雲橫六軍將士皆死盡戰馬空鞍歸故營時遷道草  
天下平白環入貢滄海清自有農夫已高枕無勞校  
尉重橫行

燕歌行 并序

高適

開元三十六年客有從元戎出塞而還者作燕歌行以示適感征戍之事因而和焉

漢家烟塵在東北漢將辭家破殘賊男兒本自重橫  
行天子非常賜顏色縱金伐鼓下榆關旌旆逶迤碣  
石間校尉羽書飛瀚海單于獵火照狼山山川蕭條  
極邊土胡騎憑陵雜風雨戰士車前半死生美人帳  
下猶歌舞大漠窮秋塞草腓孤城落日闌兵稀身當  
恩遇常輕敵力盡關山未解圍鐵衣遠戍辛勤久玉  
筋應啼別離後少婦城南欲斷腸征人薊北空回首  
唐詩類苑 卷之四十一 三五  
邊庭飄飄那可度絕域蒼茫無所有殺氣三時作陣  
雲寒聲一夜傳刁斗相看白刃血紛紛死節從來豈  
顧勲君不見沙場征戰苦至今猶憶李將軍

燕支行

王維

漢家天將才且雄來時謁帝明光宮萬乘親推雙闕  
下千官出餞五陵東誓辭甲第金門裏身作長城王  
塞中衛霍才堪一騎將朝廷不數貳師功趙魏燕韓  
多勁卒關西俠少何咆勃報讐只是聞嘗膽飲酒不  
曾妨刮骨畫戟雕戈白日寒連旗大旆黃塵沒疊鼓  
遙翻瀚海波鳴笳亂動天山月麒麟錦帶佩吳鉤颯

踏青驪躍紫騮拔劍已斷天驕臂歸鞍共飲月支頭  
漢兵大呼一當百虜騎相看哭且愁教戰雖令赴湯

火終知上將先伐謀

過燕支軍杜位

岑參

燕支山西酒泉道北風吹沙捲白草長安遙在日光  
邊憶君不見令人老

長城

長城

于濇

秦皇豈無德蒙氏非不武豈將版築功萬里  
團沙世所難作壘明知苦死者倍堪傷  
唐詩類苑 卷之四十一 三六

十年居上郡四海誰為主縱使骨爲塵冤名不入土

長城

蘇拯

嬴氏設防胡烝沙築冤壘蒙公取勲名豈筭生民死  
運畚力不禁碎身砂磧裏黔黎欲半空長城春未已  
皇天潛鼓怒力化一女子遂使萬雉崩不盡數行淚  
自古進身者本非陷物致當時文德修不到二世地

古築城曲五解

元稹

年年塞下丁長作出塞兵自從冒頓強官築遮虜城

築城須努力城高遙得賊但恐賊路多有城遮不得

三

丁口傳父口莫問城堅不平城被虜圍漢斷城牆走

四

因茲請休和虜往騎來過半疑兼半信築城猶差幾

五

築城安敢煩願聽丁一言請築鴻臚寺兼愁虜出關

長城

朱慶餘

秦帝防胡虜關心倍可嗟一人如有德四海盡無家

往事乾坤在荒基草木遮至今徒著骨猶自哭風沙

長城下

曹鄴

唐詩類苑

卷之四十一

三

還水猶歸壑征人合憶鄉泣多盈袖血吟苦滿頭霜

楚國連天浪衡門到海荒何當生燕羽時得近雕梁

長城

汪遵

水前花木好高樹嵩少縱橫滿目前惆悵人間不平

事今朝身在海南邊

長城

羅鄴

當時無德御乾坤廣築徒勞萬古存謾役生民防極

塞不知血刃起中原珠璣旋見陪陵寢社稷何曾保

子孫降虜至今猶自說冤聲夜夜傍城根

飲馬長城窟行

太宗

塞外悲風切交河水已結瀚海百重波陰山千里雪

迥戍危烽火層巒引高節悠悠捲旆旌飲馬出長城

寒沙連騎跡朔吹斷邊聲胡塵清玉塞羌笛韻金鉦

絕漠干戈戢車徒振原隰都尉返龍堆將軍旋馬邑

揚麾氛霧靜紀功銘玄石荒裔一戎衣靈臺凱歌入

擬飲馬長城窟

虞世南

馳馬渡河干流深馬渡難前途錦車使都護在樓蘭

輕騎猶銜勒疑兵尚解鞍溫地下絕澗棧道接危巒

拓地勲方賞亡城律詎寬有月關猶暗經春隴尚寒

雲昏無復影水合不聞湍懷君不可遇聊持報一餐

唐詩類苑

卷之四十一

天

飲馬長城窟

袁朗

朔風動秋草清蹕長安道長城連不窮所以隔華戎

規模唯聖作荷負曉成功鳥庭已向內龍荒更鑿空

玉關塵捲靜金微路已通湯征隨北怨舜詠起南風

畫野功初立綏邊事云集朝服踐狼居凱歌旋馬邑

山響傳鳳吹霜華藻瓊鉞劇園擁節歸單于款關入

日落寒風起驚河被原隰零落葉已寒河流清且急

四時徭役靜千載干戈戢太平今若斯汗馬意無施

唯當事筆硯歸去草封禪

飲馬長城窟

釋子蘭

游客長城下飲馬長城窟馬嘶聞水腥為浸征人骨  
豈不是流泉終不成潺湲洗盡骨上土不洗骨中冤  
骨若不流水四海有還魂空留咽聲聲中疑是言

飲馬長城窟行

一作古長城吟

王翰

長安少年無遠圖一生惟羨執金吾麒麟殿前拜天  
子走馬為君西擊胡胡沙獵獵吹人面漢虜相逢不  
相見遙聞鼙鼓動地來傳道單于夜猶戰此時顧恩  
寧顧身為君一呼摧萬人壯士揮戈迴白日單于濺  
血汗朱輪歸來飲馬長城窟長城道傍多白骨問之  
耆老何代人云是秦王築城卒黃昏塞北無人煙鬼  
唐詩類苑 卷之四十一 五

飲馬長城窟

王建

長城窟長城窟邊多馬骨古來此地無并泉賴得秦  
家築城卒征人飲馬愁不迴長城變作望鄉堆蹄蹤  
未乾人去近續後馬來泥污盡枕弓睡着待水生不  
見陰山在前陣馬蹄足脫裝馬頭健兒戰死誰封侯

朔方

送韋員外赴朔方

鄭嚴

白露邊秋早皇華戎事催已推仙署妙更是幕中才  
出餞傾朝列深功佇帝臺坐聞長策利終見勒銘迴

奉送范司寇赴朔方

得前字

呂溫

繁壇登上將膝席委前籌虜滅南侵跡朝分北顧憂  
抗旌迴廣漠撫劍動旌旗願坐見黃雲暮行看白草秋  
山橫舊秦塞河繞古靈州善守兵家事惟應獵騎游  
河湟

河湟

杜牧

元載相公曾借箸憲宗皇帝亦留神旋見衣冠就東  
唐詩類苑 卷之四十一 五

市忽遺弓劍不西巡牧羊驅馬雖戎服白髮丹心盡  
漢臣唯有涼州歌舞曲流傳天下樂閑人

河湟

羅鄴

河湟何計絕烽煙免使征人更戍邊盡放農桑無一  
事遣教知有太平年

唐詩類苑卷第四十一終



唐詩類苑卷第四十二

明雲間張之象玄超甫纂輯

孫齊顏伯復甫編次

雲間王徹叔朗甫補訂

梁谿曹仁孫伯安甫校正

邊塞部

涼州

涼州歌三首

漢家宮裏柳如絲上苑桃花連碧池聖壽已傳千歲酒天文更賞百僚詩

唐詩類苑

卷之四十二

一

朔風吹葉鴈門秋萬里塵煙昏戍樓征馬長思青海北胡笳夜聽隴山頭

開篋淚沾襦見君前日晝夜臺空寂寞猶是紫雲車

排遍二首

三秋陌上早霜飛羽獵平田淺草齊錦背蒼鷹初出

按五花驄馬餵來肥

鴛鴦殿裏笙歌起翡翠樓前出舞人笑上紫微三五

夕聖明萬壽一千春

涼州詞二首

王之渙

開元間詩人王昌齡高適王之渙齊名時風塵未

偶而遊處畧同一日天寒微雪三詩人共詣旗亭

貰酒小飲忽有梨園伶官十數人登樓會宴三詩

人因邀席隈袂擁爐火以觀焉俄有妙妓四輩尋

續而至昌齡等私相約曰我輩各擅詩名每不自

定其甲乙今者可以密觀諸伶所謳若詩入歌詞

之多者則爲優矣俄而群伶所謳者昌齡適各二

絕句未及之渙詩之渙自以得名已久因謂諸人

曰此輩皆潦倒樂官所唱皆巴人下里之詞耳陽

春白雪之曲豈俗物敢近哉因指諸妓中最佳者

曰待此子所唱如非我詩吾即終身不敢與子爭

唐詩類苑

卷之四十二

二

衡矣脫是吾詩子等當列拜牀下奉吾爲師因歡

笑而俟之須臾次至雙鬟發聲則之渙涼州詞一

章也之渙卽抑揄二子曰田舍奴我豈妄哉因大

諧笑諸伶不喻其故皆起請曰不知諸郎君何此

歡噱昌齡等因話其事諸伶競拜曰俗眼不識神

仙乞降清重俯就筵席三子從之飲醉終日

黃河遠上白雲間一片孤城萬仞山羌笛何須怨楊

柳春光不度玉門關

單于北望拂雲堆殺馬登壇祭幾回漢家天子今神

武不肯和親歸去來

涼州詞二首

王翰

蒲萄美酒夜光杯，欲飲琵琶馬上催。  
醉臥沙場君莫笑，古來征戰幾人回。  
秦中花鳥已應闌，塞外風沙猶自寒。  
夜聽胡笳折楊柳，教人意氣憶長安。

涼州詞

孟浩然

揮成紫檀金屑文，作得琵琶聲入雲。  
胡地迢迢三萬里，那堪馬上送明君。

涼州詞

耿漳

國使翻翻隨旆旌，隴西岐路足荒城。  
羶裘牧馬胡雛小，日暮蕃歌三兩聲。

小日暮蕃歌三兩聲

涼州詞三首

張籍

邊城暮雨鴈飛低，蘆筍初生漸欲齊。  
無數鈴聲遙過磧，應馱白練到安西。

鳳林關裏水東流，白草黃榆六十秋。  
邊將皆承主恩澤，無人解道取涼州。

古鎮城門石磧開，胡兵往往傍沙堆。  
巡邊使客行應早，欲問平安無使來。

涼州行

王建

涼州四邊沙皓皓，漢家無人開舊道。  
邊頭州縣盡胡

兵將軍別一作當築防秋城萬里，人家皆已沒年年旌。

節發西京多來中，國收婦女一半生。  
男爲漢語蕃人舊，日不耕犁相學如。  
今種禾黍驅羊亦著錦，爲衣爲惜羶裘防樹時。  
養蠶綠繭成疋帛，那將綰帳作旌旗。  
城頭山鷄鳴角角，洛陽家家學胡樂。

伊州

伊州歌五首

樂苑曰：伊州商調曲，西京節度蓋嘉運所進也。

秋風明月獨離居，蕩子從戎十載餘。  
征人去日殷勤囑，歸鴈來時數寄書。

唐詩類苑

卷之四十二

四

二

彤闥曉闢萬鞍迴，玉輅春遊薄晚開。  
渭北清光搖早樹，州南嘉景入樓臺。

三

聞道黃花成頻年，不解兵可憐。  
閨裏月偏照漢家營

千里東歸客，無心憶舊遊。  
挂帆游白水，高枕到青州。

五

桂殿江烏對彫屏，海燕重祗應多。  
釀酒醉罷樂高鐘，入破五首

千門今夜曉初晴萬里天河徹帝京燦燦繁星駕秋色稜稜霜氣韻鐘聲

二

長安二月柳依依西出流沙路漸微關氏山上春光少相府庭邊驛使稀

三

三秋大漠冷溪山八月嚴霜變草顏卷旆風行宵渡磧銜枚電掃曉應還

四

行樂三陽早芳菲二月春閨中紅粉態陌上看花人

唐詩類苑

卷之四十二

五

五

君往孤山下煙深夜徑長轅門渡綠水遊苑遶垂楊

伊州

白居易

老老將何散老愁新教小玉唱伊州亦應不得多年聽未教成時已白頭

陸州

陸州歌三首

分野中峰變陰晴衆壑殊欲投人處宿隔浦問樵夫

二

共得煙霞逕東歸山水遊蕭蕭望林夜寂寂坐中秋

三

排遍四首

香氣傳空滿收花映薄紅歌聲天仗外舞態御樓中樹發花如錦鶯啼柳若絲更逢歡宴地愁見別離時

二

明月照秋葉西風響夜砧疆言從自亂往事不堪尋

三

坐對銀缸曉停留玉筯痕君門常不見無處謝前恩

四

曙月當窗滿征人出塞遙畫樓終日閉清管爲誰調

唐詩類苑

卷之四十二

六

簇拍陸州

西去輪臺萬里餘故鄉音耗日應疎隴山鸚鵡能言語爲報閨人數寄書

西州

西州

張籍

羌胡據西州近甸無邊城山東收稅租養我防塞兵胡騎來無時居人常震驚嗟我五陵間農者罷耕耕邊頭多煞傷士卒難全形郡縣發丁役丈夫各征行生男不能養懼身有姓名良馬不念秣烈士不苟營所願除國難再見天下平

豫章

豫章行

李白

胡風吹代馬北擁魯陽關吳兵照海雪西討何時還  
半渡上遼津黃雲慘無顏老母與子別呼天野草間  
白馬繞旌旗悲鳴相追攀白楊秋月苦早落豫章山  
本爲休明人斬虜素不閒豈惜戰鬪死爲君掃兇頑  
精感石沒羽豈云憚險艱樓船若鯨飛波蕩落星灣  
此曲不可奏三軍髮成斑

雲中

雲中行

蘇奇童

唐詩類苑

卷之四十二

七

雲中小兒吹金管向晚因風一川滿塞北雲高心已  
悲城南木落腸堪斷憶昔魏家都此方涼風觀前朝  
百王千門曉映山川色雙關遙連日月光舉杯稱壽  
永相保日夕歌鐘徹清昊將軍汗馬百戰場天子射  
獸五原草寂寞金輿去不歸陵上黃塵滿路飛河邊  
不語傷流水川上含情歎落暉此時獨立無所見日  
暮寒風吹客衣

餞王將軍赴雲中

孟匡明

貳師憑廟畧分閭佐元戎勢亞彫弓寵詩推金印雄  
關山橫代北旌節壯雲東日轉前茅影春生細柳風

飲水君一作傳今肅揮涕餞一作別筵空佇聽陰山靜誰

爭萬里功

并州

并州

韓偓

戍旗青草杜榆關雨裏并州四月寒誰會憑欄潛忍  
淚不勝天際似江干

并州路作

李宣遠

秋日并州路黃榆落照前孤城吹角罷數騎射鵬還  
帳幕遙臨水牛羊自下山征人正垂淚烽火起雲間

梁州

唐詩類苑

卷之四十二

八

夜上西城聽梁州曲二首 李益

行人夜上西城宿聽唱梁州雙筦逐此時秋月滿關  
山何處關山無此曲

鴻鴈新從北地來聞聲一半却飛回金河戍客腸應  
斷更在秋風百尺臺

廣州

送徐大夫赴廣州

劉長卿

上將壇場拜南荒羽檄招遠人來百越元老事三朝  
霧繞龍山暗山連象郡遙路分江嶽祿軍動馬蕭蕭  
畫角知秋氣樓船逐暮潮當今輸貢賦不使外夷驕

平城

平城下

李賀

饑寒平城下夜夜守明月別劍無玉花海風斷髮髮  
塞長連空白空遙見漢旗紅青帳吹短笛煙霧濕盡龍  
日晚在城上依稀望城下風吹枯蓬起城中嘶瘦馬  
借問築城吏去關幾千里惟愁裏屍歸不惜倒戈死

塞垣

塞垣行

崔湜

疾風卷溟海萬里揚沙礫仰望不見天昏昏竟朝夕  
是時軍兩進東拒復西敵蔽山張旗鼓間道潛鋒鏑

唐詩類苑

卷之四十二

九

精騎突曉圍奇兵襲暗壁十月邊塞寒四山互陰積  
雨雪鴈南飛風塵景西迫昔我事討論未嘗急經籍  
一朝棄筆硯十年操矛戟豈要黃河誓須勒燕然石  
可嗟牧羊臣海上久爲客

留別于十一兄述裴十三遊塞垣

李白

太公渭川水李斯上蔡門釣周獵秦安黎元小魚鮑  
兔何足言天張雲卷有時節吾徒莫嘆抵觸藩干公  
白首大梁野使人悵望何可論既知朱亥爲壯士且  
願束心秋毫裏秦趙虎爭中原當去抱關救公子

裴生覽千古龍鸞炳文章悲吟雨雪動林木放書輟

劍思高堂勸爾一杯酒拂爾裘上霜爾爲我楚舞吾

爲爾楚歌且探虎穴向沙漠鳴鞭走馬凌黃河耻作

易水別臨岐淚滂沱

塞上

塞上曲

顧況

懸虜初南下塵飛寒北境漢將懷不平讐擾當遠屏  
金華臥不暖起舞霜月冷點軍三十千部伍嚴以整  
酣戰祈成功于焉罷邊警

塞上曲二首

戎昱

唐詩類苑

卷之四十二

十

慘慘寒日沒北風捲蓬根將軍領疲兵却入古塞門  
迴首指陰山殺氣成黃雲

樓上盡角哀即知兵心苦試問左右人無言淚如雨

何意休明時終年事鼙鼓

塞上曲二首

王維

天驕遠塞行鞞裏寶刀鳴定是酬恩日今朝覺命輕

二

塞虜常爲敵邊風已報秋平生多志氣箭底覓封侯

塞上曲

郭元振

郭代公嘗居山中夜有人面如盤瞋目出于燈下

公了無懼色徐染翰題其頰曰久戍人偏老長征  
馬不肥公之警句也題畢吟之其物遂滅數日公  
隨樵閒步見巨木上有白耳大如斗所題句在焉  
塞外虜塵飛頻年出武威死生隨玉劍辛苦向金徽  
久戍人偏老長征馬不肥仍聞酒泉郡已合數重圍

使至塞上

王維

單車欲問邊屬國過居延征蓬出漢塞歸鴈入胡天  
大漠孤煙直長河落日圓蕭關逢候吏都護在燕然

塞上作

劉威

蕭蕭隴水側落日客愁中古塞一聲笛長沙千里風

唐詩類苑

卷之四十二

十一

鳥兵棲息處人受戰爭功數夜城頭月彎彎如引弓

塞上還答友人

林寬

無端遊絕塞歸鬢已蒼然戎羯圍中過風沙馬上眠  
草衰頻過一作燒耳冷不聞蟬從此甘貧坐休言更

到邊

塞上

曹松

邊寒來所澗今日復明朝河凌去聲堅通馬胡雲缺見

鵬砂中程獨泣鄉外隱誰招迴首苦經歲靈州生柳

塞上行

曹松

上將擁黃鬚安西逐指呼離鄉俱少壯到磧戕肌膚  
風雪夜防塞腥羶朝繫胡爲君樂戰死誰喜作征夫

和丁助教塞上吟

孟郊

哭雪復吟雪廣文丁夫子江南萬里寒曾未及如此  
整頓氣候誰言從生靈始無今惻隱者哀哀不能已

塞上

高適

東出盧龍塞浩然客思孤亭堠列萬里漢兵猶備胡  
邊塵滿北溟虜騎正南驅轉關豈長策和親非遠圖

惟昔李將軍按節臨此都總戎掃大漠一戰擒單于  
常懷感激心願效縱橫謀倚劍欲誰語關河空蔚紆

唐詩類苑

卷之四十二

十二

塞上曲

李白

大漢無中策匈奴犯渭橋五原秋草綠胡馬一何驕  
命將征西極橫行陰山側燕支落漢家婦女無花色  
轉戰渡黃河休兵樂事多蕭條清萬里瀚海寂無波

塞上行

張仲素

卷旆生風喜氣新早持龍節靜邊塵漢家天子圖麟  
閣身是當今第一人

塞上曲

戎昱

胡風略地燒連山碎葉孤城未下關山頭烽火聲聲  
叫知是將軍夜獵還

塞上曲二首

戴叔倫

軍門頻納受降書一劍橫行萬里餘  
漢祖謾誇畧敬策卻將公主嫁單于

漢家旌幟滿陰山不遣胡兒匹馬還  
願得此身長報國何須生入玉門關

塞上曲

耿漳

慣習干戈事鞍馬初從小在邊城  
身微久屬千夫畏家遠多親五郡兵  
懶說疆場曾大獲且悲年髮老長征  
塞鴻過盡殘陽裏樓上悽悽暮角聲

塞上

黃滔

唐詩類苑

卷之四十二

十三

掘地破重城燒山搜伏兵金微牙  
嗚咽玉笛自淒清使發西都聳塵  
空北嶽橫長河涉有路曠野宿無程  
沙雨黃鶯嚙轅門青草生馬歸秦  
苑牧人在虜雲耕落日牛羊聚秋  
風鼓角鳴如何漢天子青塚杳含情

塞上

黃滔

塞門關外日光微角怨單于鴈駐  
飛衝水路從冰解斷踰城人到月  
明歸燕山臘雪銷金甲秦苑秋風  
脆錦衣欲弔昭君倍惆悵漢家甥  
舅竟相違

塞下

塞下曲

李頎

黃雲鴈門那日暮風沙裏千騎黑  
貂裘皆稱羽林子金笳吹朔雪鐵  
馬嘶雲水帳下飲葡萄平生寸心  
是

塞下曲三首

王昌齡

蟬鳴桑樹間八月蕭關道出塞復  
入塞處處黃蘆草從來幽并客皆  
共塵砂老莫作遊俠兒矜誇紫騮  
好

二

飲馬度秋水水寒風似刀平沙日  
未沒黯黯見臨洮昔日長城戰咸  
言意氣高黃塵足今古白骨亂蓬  
蒿

三

秋風夜渡河吹却鴈門桑遙見胡  
地獵備馬宿嚴霜

唐詩類苑

卷之四十二

十四

五道分兵去孤軍百戰場功多翻  
下獄士卒但心傷

塞下曲

高適

結束浮雲駿翩翩出從戎且憑天  
子怒復倚將軍雄萬鼓雷殷地千  
旗火生風日輪駐霜戈月魄懸  
瑯弓

青海陣雲匝黑山兵氣衝戰酣  
太白高戰罷旄頭空萬里不惜死  
一朝得成功畫圖麒麟閣人朝明  
光宮

數家何文士一經何足窮古人  
昧此道往往成老翁

塞下曲三首

李白

天兵下北荒胡馬欲南飲橫戈從  
百戰直爲衛恩甚渥雪海上餐拂  
沙隴頭寢何當破月氏然後方  
高枕

二

白馬黃金塞雲砂繞夢思那堪愁苦節遠憶邊城兒  
螢飛秋窻滿月度霜闌遲摧殘梧桐葉蕭颯沙棠枝  
無時獨不見淚流空自知

三

烽火動沙漠連照甘泉雲漢皇按劍起還召李將軍  
兵氣天上合鼓聲隴底聞橫行負勇氣一戰靜妖氛

塞下曲

薛奇童

騎虜初南下煙塵暗國中獨召李將軍夜開甘泉宮  
一身許明主萬里總元戎霜甲臥不暖夜半聞邊風

唐詩類苑

卷之四十二

十五

胡天早飛雪荒微多轉蓬寒雲覆水重秋氣連海空  
金鞍誰家子上馬鳴角弓自是幽并客非論愛立功

古塞下曲

陶翰

進軍飛狐北窮寇勢將變日落塵沙昏背河更一戰  
駢馬黃金勒彫弓白羽箭射殺左賢王歸奏未央殿  
欲言塞下事天子不召見東出咸陽門哀哀淚如霰

古塞下曲

李頎

行人朝走馬直指蘇城旁蘇城通漠北萬里別吾鄉  
海上千烽火沙中百戰場軍書發上郡春色渡河陽  
裏裏漢宮柳青青胡地桑琵琶出塞曲橫笛斷君腸

塞下

許渾

夜戰霜乾北秦兵半不回朝來有鄉信尤自寄征衣  
和張僕射塞下曲六首 盧綸

驚翎金僕姑燕尾繡蝥弧獨立揚新令千營共一呼

二

林暗草驚風將軍夜引弓平明尋白羽沒在石稜中

三

月黑鴈飛高單于夜遁逃欲將輕騎逐大雪滿弓刀

四

野幕蔽瓊筵羌戎賀勞旋醉和金甲舞雷鼓動山川

唐詩類苑

卷之四十二

十六

五

調箭又呼鷹俱聞出世能奔狐將迸雉掃盡古丘陵

六

亭亭七葉貴蕩蕩一隅清他日題麟閣唯應獨不名

塞下曲三首

李賀

胡角引北風薊門白於水天含青海道城頭月千里

二

露下旗濛濛寒金鳴夜刻蕃甲鏖虵鱗馬嘶青塚白

三

秋靜見旄頭沙遠席羈愁帳北天應盡河聲出塞流



塞下曲

李頎

少年學騎射勇冠并州兒直愛出身早邊功沙漠垂  
戎鞭腰下插羌笛雪中吹膂力今應盡將軍猶未知

塞下曲三首

李白

五月天山雪無花祇有寒笛中聞折柳春色未曾看  
曉戰隨金鼓宵眠抱玉鞍願將腰下劍直爲斬樓蘭

二

駿馬似風飈●鞭出渭橋彎弓辭漢月插羽破天驕  
陣解星芒盡營空海霧消功成盡麟閣獨爲霍嫖姚

三

唐詩類苑

卷之四十一

十七

塞虜乘秋下天兵出漢家將軍分虎竹戰士臥龍沙  
邊月隨弓影胡霜拂劍花玉關殊未入少婦莫長嗟

塞下曲

馬戴

旌旗倒北風霜霰逐南鴻夜救龍城急朝焚虜帳空  
骨銷金鏃在鬢改玉關中却想義軒氏無人尚戰功

塞下感懷

朱慶餘

塞下閒爲客鄉心豈易安程塗過萬里身事尚孤寒  
竟日風沙急臨秋草木殘何年方致主時拂劍塵看

古塞下

蘇拯

百戰已休兵寒雲愁未歇血染長城沙馬踏征人骨

單得用蛾眉已召邊戍卒始知髮頭星不在彎弓沒

塞下曲

馬戴

廣漠雲凝慘日斜飛霰生燒山搜猛獸伏道擊迴兵  
風折旗竿曲沙埋樹杪平黃雲飛旦夕偏奏苦寒聲

塞下曲

朱慶餘

萬里去長征連年慣野營入群來擇馬拋伴去擒生  
箭撚雕翎濶弓盤鵲角輕問看行近遠西過受降城

塞下曲

于漬

紫塞曉屯兵黃沙披甲臥戰鼓聲未齊烏鳶已相賀  
燕然山上雲半是離鄉魂衛霍待富貴豈能無乾坤

唐詩類苑

卷之四十一

十八

塞下曲二首

王維

辛勤幾出黃花戍迢遞初隨細柳營塞晚每愁殘月  
苦邊愁更逐斷蓬驚

年少辭家從冠軍金裝寶劍去邀勳不知馬骨傷寒  
水唯見龍城起暮雲

塞下曲五首

常建

鐵馬胡裘出漢宮分麾百道救龍城左賢未斬旌竿  
折過在將軍不在兵

玉帛朝回望帝鄉烏孫歸去不稱王天涯靜處無征  
戰兵氣銷爲日月光

北海陰風動地來明君祠上望龍堆髑髏皆是長城卒日暮沙場飛作灰

龍關雄勢已分山崩鬼哭恨將軍黃河直北千餘里冤氣蒼茫成黑雲

因嫁單于怨在邊蛾眉萬古葬胡天漢家此去二千

塞下曲五首

張仲素

三戍漁陽再渡遼騂弓在臂劍橫腰匈奴似欲和名姓休傍陰山更射鵰

獵馬千群鴈幾雙燕然山下碧油幢傳聲漢北單于

唐詩類苑 卷之四十二 十九

破火照旌旗夜受降

朔雪飄飄開鴈門平沙歷亂卷蓬根功名耻計擒生數直斬樓蘭報國恩

隴水潺湲隴樹秋征人從此淚雙流鄉關萬里無因見西戍河源早晚休

陰磧茫茫塞草腓枯槎烽上暮煙飛交河北望天連海蘇武曾將漢節歸

塞下曲

戎昱

漢將歸來虜塞空旌旗初下玉關東高蹄戰馬二十匹落日平原秋草中

塞下曲二首

僧皎然

寒塞無因見落梅胡人吹入笛聲來勞勞亭上春應度夜夜城南戰未回

都護今年去武威胡沙萬里鳥空飛旌竿瀚海掃雲出毳騎天山踏雪歸

塞下曲四首

李益

蕃州部落能結束朝暮馳獵黃河曲燕歌未斷塞鴻飛牧馬群嘶邊草綠

秦築長城城已摧漢武北上單于臺古來征戰虜不盡今日還復天兵來

唐詩類苑 卷之四十二 二十

黃河東流流九折沙場埋恨何時絕蔡琰沒去造胡笳蘇武歸來持漢節

爲報如今都護雄匈奴且莫下雲中請書塞北陰山石願比燕然車騎功

塞下曲

高適

君不見芳樹枝春花落盡蜂不窺君不見梁上泥秋風始高燕不棲蕩子從軍事征戰蛾眉嬋娟守空閨

獨宿自然堪下淚况復時聞烏夜啼

塞下 秦韜玉 到處人皆著戰袍席旗風緊馬嘶豪黑山霜重弓添

硬青塚沙平月更高大野幾重開雪嶺長河無限舊  
雲濤風林關外皆唐土何日陳兵戍不毛

塞下

黃滔

匹馬蕭蕭去不前平蕪千里見窮邊關山色死秋深  
日鼓角聲沈霜重天荒骨或銜殘鐵露驚風時掠暮  
沙旋隴頭冤氣無歸處化作陰雲飛杳然

塞外

塞外寄張侍御

姚鵠

千里入黃雲羈愁日日新疎鐘關路曉遠雨塞山春  
南眺有歸鴈北來無故人却思陪宴處迴望與天隣

唐詩類苑

卷之四十二

三十一

塞外三首

鄭情

塞外蕭條望征人此路賒邊聲亂朔馬秋引動胡笳  
遙障侵歸日長城帶晚霞斷蓬飛古戍連鴈聚寒沙  
海暗雲無葉山春雪作花丈夫期報主萬里獨歸家

二

荒壘三秋夕窮郊萬里平海陰凝獨樹日氣下連營  
戎旆霜疑重邊裘夜更輕將軍獨轉戰都尉不成名  
折柳悲春曲吹笳斷夜聲明年塞使返須築受降城

三

陽烏南飛夜陰山北地寒漢家征戍客年歲在樓蘭

玉塞朔風起金河秋月圓邊聲入鼓吹霜氣下旌竿  
海外歸書斷天涯旅鬢殘子卿猶奉使恒向節旄看

塞外

羅隱

塞外偷兒塞外兵聖君宵旰望昇平碧幢未作朝廷  
計白挺猶驅婦女行可使禦戎無上策只應憂國是  
虛聲漢皇第宅秦田土今日將軍已自榮

敕勒歌塞北

溫庭筠

敕勒金幘壁陰山無歲華帳外風飄雪營前日照沙  
羌兒吹玉管胡姬踏錦花却笑江南客梅落不歸家

過西堡塞北

溫庭筠

唐詩類苑

卷之四十二

三十二

淺草乾河瀾叢棘廢城高白馬紋犀首黑裘金佩刀  
霜清徹兔目風急吹鵬毛一輕何用厄日暮涕沾袍

塞北

沈佺期

胡騎犯邊埃風從丑上來五原烽火急六郡羽書催  
冰壯飛狐冷霜濃候鴈哀將軍朝授越戰士夜銜枚  
紫塞金河裏蔥山鐵勒隈蓮花秋劍發桂葉曉旗開  
秘畧三軍動妖氛百戰摧何言投筆去終作勤王回

出塞

前出塞九首

杜甫

戚戚去故里悠悠赴交河公家有程期亡命嬰禍羅

君已富土境開邊一何多棄絕父母恩吞聲行負戈

二

出門日已遠不受徒旅欺骨肉恩豈斷男兒死無時  
走馬脫纜頭手中挑青絲捷下萬仞岡俯身試鞞旗

三

磨刀鳴咽水水赤刃傷手欲輕腸斷聲心緒亂已久  
丈夫誓許國憤惋復何有功名圖麒麟戰骨當速朽

四

送徒既有長遠戍亦有身生死向前去不為吏怒喧  
路逢相識人附書與六親哀哉兩決絕不復聞苦辛

唐詩類苑

卷之四十二

二十三

五

迢迢萬餘里領我赴三軍軍中異苦樂主將寧盡聞  
隔河見胡騎倏忽數百群我始爲奴僕幾時樹功勳

六

挽弓當挽強用箭當用長射人先射馬擒賊先擒王  
殺人亦有限立國自有強苟能制侵陵豈在多殺傷

七

驅馬天雨雪軍行入高山逕危抱寒石指落層冰間  
已去漢月遠何時築城還浮雲暮南征可望不可攀

八

單于寇我壘百里風塵昏雄劍四五動彼軍爲我奔  
虜其名王歸繫頸授轅門潛身備行列一勝何足論

九

從軍十年餘能無分寸功衆人貴苟得欲語差雷同  
中原有闢爭況在狄與戎丈夫四方志安可辭固窮

後出塞五首

杜甫

男兒生世間及壯當封侯戰伐有功業焉能守舊丘  
召募赴薊門軍動不可留千金買馬鞍百金裝刀頭  
聞里送我行親戚擁道周班白居易上列酒酣進庶差  
少年別有贈含笑看吳鉤

唐詩類苑

卷之四十二

二十四

二

朝進東門營暮上河陽橋落日照大旗馬鳴風蕭蕭  
平沙列萬幕部伍各見招中天懸明月令嚴夜寂寥  
悲筋數聲動壯士慘不驕借問大將誰恐是霍嫖姚

三

古人重守邊今人重高勳豈知英雄主出師且長雲  
六合已一家四夷且孤軍遂使貔虎士奮身勇所聞  
拔劍擊大荒日收胡馬群誓開玄冥北持以奉吾君

四

獻凱日繼踵兩蕃靜無虞漁陽豪俠地擊鼓吹笙竿

雲帆轉遼海，粳稻來東吳。越羅與楚練，照耀輿臺驅。  
主將位益崇，氣驕凌上都。邊人不敢議，議者死通衢。

五

我本良家子，出師亦多門。將驕益愁思，身貴不足論。  
躍馬二十年，恐辜明主恩。坐見幽州騎，長驅河洛昏。  
中夜間道歸故里，但空村惡名幸脫免。窮老無兒孫，

古出塞

劉駕

胡塞不開花，四氣多作雪。北人尚凍死，況我本南越。  
古來犬羊地，巡狩無遺轍。九土耕不盡，武皇猶戰伐。  
中天有高閣，圖畫何時歇。坐恐塞上山，低於沙上骨。

唐詩類苑

卷之四十二

三五

出塞曲

劉灣

將軍在重圍，音信絕不通。羽書如流星，飛入甘泉宮。  
倚是并州兒，少年心膽雄。一朝隨召募，百戰爭主公。  
去年桑乾北，今年桑乾東。死是征人死，功是將軍功。  
汗馬嘶秋月，疲人臥霜風。仍聞左賢王，更欲圍雲中。

出塞

楊炯

塞外欲紛紛，雄雌猶未分。明堂占氣色，華蓋辨星文。  
二月河魁將，三千太乙軍。丈夫皆有志，會是立功勳。

出塞

沈佺期

十年通大漠，萬里出長平。寒日生戈劍，陰雲拂旆旌。

饑烏啼舊壘，疲馬戀空城。辛苦臯蘭北，胡塵捲漢兵。

出塞

一作邊秋薄暮

蘇頌

海外秋鷹擊，霜前旅鴈歸。邊風思擊鼓，落日慘旌麾。  
浦暗漁舟入，川長獵騎稀。客悲逢薄暮，況乃事戎機。

出塞

賈威

匈奴屢不平，漢將復縱橫。看雲方結陣，却月始連營。  
潛軍渡馬邑，揚旆掩龍城。會勒燕然石，方傳單于名。

出塞

張籍

秋塞雪初下，將軍遠出師。分營長記火，放馬不收旗。  
月冷邊帷濕，沙昏夜探遲。征人皆白首，誰見滅胡時。

唐詩類苑

卷之四十二

三五

出塞

皇甫冉

吹角出塞門，前瞻卽胡地。三軍盡迴首，皆灑望鄉淚。  
轉念關山長，行看風景異。由來征戍客，負得輕生義。

送王將軍出塞

耿漳

漢家邊事重，竇憲出臨戎。絕漠秋山在，陽關舊路通。  
列營依茂草，吹角向高風。更就燕然石，行看奏虜功。

出塞三首

于鵠

蔥嶺秋塵起，全軍取月支。山川引行陣，蕃漢列旌旗。  
轉戰疲兵少，孤城外救遲。邊人逢聖代，不見偃戈時。

二

微雪軍將出吹笳天未明觀兵登古戍斬將對雙旌  
分陣瞻山勢潛兵制馬鳴如今青一作新史上已有滅  
胡名

三

單于嬌愛獵放火到軍城乘月調新馬防秋置遠營  
空山朱戟影寒磧鐵衣聲度水逢胡說沙陰有伏兵  
送人出塞 李昌符

北風吹雨雪舉目已悽悽戰鬼秋頻哭征鴻夜不棲  
沙平關路直磧廣郡樓低此去非東魯人多事鼓鼙

出塞作

王維

唐詩類苑

卷之四十一

二十七

居延城外獵天驕白草連天野火燒暮雲空磧時驅  
馬秋日平原好射鵬護羌校尉朝乘障破虜將軍夜  
渡遼玉靶角弓珠勒馬漢家將賜霍嫖姚

出塞

虞世南

上將三畧遠元戎九命尊緬懷古人節思酬明主恩  
山西多勇氣塞北有遊魂揚桴上隴坂勒騎下平原  
暫將絕沙漠悠然去玉門輕齋不遑舍驚策驚戎軒  
凜凜邊風急蕭蕭征馬煩雪暗天山道冰塞交河源  
霧鋒黯無色霜旗凍不翻耿介倚長劍日落風塵昏

出塞

張易之

俠客重恩光驄馬飾金裝臂聞傳羽檄馳突救邊荒  
轉戰磨笄地橫行戴斗鄉將軍占太白小婦怨流黃  
腰裏青絲騎娉婷紅粉妝一春驚度曲八月鴈成行  
誰堪坐秋思羅袖拂空牀

早秋出塞寄東臺詳政學士

駱賓王

促駕逾三水長驅望五原天街分斗極地埤接樓煩  
漢月明關隴胡雲聚塞垣山川殊物候風壤異涼溫  
戍古秋塵冷沙寒宿霧繁昔余迷學步投迹忝詞源  
蘭渚浮延閣蓬山欵禁園影纓陪紱冕載筆偶瑣瑣

唐詩類苑

卷之四十一

二十八

汲塚寧詳蠹秦牢詎辨冤一朝從篋服千里駕輕軒  
鄉夢隨魂斷邊聲入聽喧南圖終斂翮北上遽催轅  
弔影慚連茹浮生倦觸藩數奇何以托桃李自無言

送別出塞

陳子昂

平生聞高義書劍百夫雄言登青雲去非此白頭翁  
胡兵屯塞下朝騎屬雲中君爲白馬將腰佩辟角弓  
單于不敢射天子佇深功蜀山余方隱良會何時同  
奉送戶部李郎中文晉國副節度出塞

錢起

德佐調梅用忠輸擊虜年子房推廟畧漢主託

受命榮中禁分麾鎮左賢風生黑山道星下紫微天  
如願文經國俄看武定邊鬼方堯日遠幕府代雲連  
汗馬將行矣盧龍已肅然關防驅使節花月眷離筵  
自忝知音遇而今感義偏淚聞橫吹落心逐去旌懸  
帝念夔能政時須說濟川勞還應卽爾朝暮玉墀前

出塞曲

賈至

萬里平沙一聚塵南飛羽檄北來人傳道五原烽火  
急單于昨夜冠新秦

出塞三首

王昌齡

白花原上望京師黃河水流無盡時窮秋曠野行人

唐詩類苑

卷之四十二

二十九

絕馬首東來知是誰

秦時明月漢時關萬里長征人未還但使龍城飛將  
在不教胡馬渡陰山

音書杜絕白狼西桃李無顏黃鳥啼寒鴈春深歸去  
盡出門腸斷草萋萋

出塞詞

馬戴

金帶連環束戰袍馬頭衝雪度臨洮卷旗夜劫單于  
帳亂斫胡兒缺寶刀

送人遊塞

釋卿雲

去去玉關路省君曾未行塞深多伏虞時靜欲屯兵

雪每先秋降花常近夏生閒陪射鵰伴應到受降城

入塞

送友人入塞

曹鄴

亂蓬無根日送子入青塞蒼茫萬里秋如見原野大  
鳥雀寒不下山川迥相對一馬沒黃雲登高望猶在  
驚風忽然起白日黯已晦如何怨路長出門天子外

涇州塞

張籍

行道涇州塞唯聞羌戍聲道邊古雙堠猶記向安西

入塞

劉希夷

將軍陷虜圍邊務息戎機霜雪交河盡旌旗入塞飛

唐詩類苑

卷之四十二

三十一

曉光隨馬度春色伴人歸課績朝明主臨軒拜武威

送友人遊塞

賈島

飄蓬多塞下君見益潸然迴磧沙銜日長河水接天  
夜泉行客火曉戍向京煙少結相思恨佳期芳草前

入塞曲

耿漳

將軍帶十圍重錦褰戎衣援臂銷弓力虬鬚長劍威  
首登平樂宴新破大宛歸樓上姝姬笑門前問客稀  
暮冬玄兔急秋草紫駟肥未奉君王詔高槐晝掩扉

巡邊

奉敕送張說巡邊序

賈曾



王者大司馬制軍詰禁封國正朔惠綏蠻貊刑齊  
猾夏其儀尚矣天子道穆三象功清六合截海來  
威窮荒揆教將以靜流服度蕃畿削揮凌暴昭蘇  
寡弱乃命元宰兵部尚書燕公專節朔方授律群  
帥涉河之外距關之西公皆統之重分閭也公智  
以關物精以造微文爲一變之英武有萬人之敵  
歷登尹庶王猷載寧三宅台衡帝采惟亮雖在堂  
足以制勝而勤國志其定居關茂次年仲臯貞閏  
拜手東洛馳軺北闕備官而行成旅以從是日也  
景風司至星火殷宵伯趙鳴而戒陰爽鳩習而揚

唐詩類苑

卷之四十二

三十一

武禮可以升高遠望詩可以出宿餞行有詔具寮  
爰開祖宴且申後命寵以繁錫天章賦別御札題  
牋臥衣勉挾纊之成兼壺喻投醪之旨筐篚以將  
其貺筆硯以表其文前載忝書今策斯覩侍中安  
陽公以仁體國中書令河東公以德熙朝奕贊功  
成許謀景暇恭采薇之恩典悵伐木之朋思詢彼  
甸師卜茲郊候鼎門右轉岐路旁分當關塞之斷  
山接華林之高樹幕人宿設重幣雲平太官饗舉  
百羞霞錯四夏六徹之變朱于皇羽之容雷殷川  
原電掃林薄朝傾多七卷無居人接蓋陰衢揚袂

風野羽觴遽進列座酬而不譁清鏗間發將士激  
而逾厲視日知其言氣吹律驗其商聲則已景列  
寧都風騰漠野西域輕郅支之使東胡息冒頊之  
虞顧夫南仲于征吉甫薄伐不其遠也若木還照  
前茅啓行聽闐闐之去鼓目悠悠之轉旆歌事者  
每懷靡及念離者跂予望之成志在心發言同唱  
天子有式叙清風請編出車之什以繼蒸人之  
雅

送張說巡邊

玄宗

開元十年夏四月己亥置朔方軍節度使領單于

唐詩類苑

卷之四十二

三十一

都護府夏鹽等六州二軍三受降城以宰相張說  
兼領之閏五月壬申張說巡邊秋九月康待賓餘  
黨康願子反自稱可汗張說發兵追討擒康願子  
于木盤山其黨悉平詔徙殘胡五萬餘口于許汝  
唐鄧仙豫等州空河南朔方千里之地先是綠邊  
戍兵常六十餘萬人說以時無強寇不必多擁冗  
卒奏罷二十餘萬人使還農

端拱復垂裳長懷御遠方股肱申教義戈劍靖要荒  
命將綏邊服雄圖出廟堂三台入武帳八座起文昌  
寶胄匡韓主華宗補漢王茂先慚博物平子謝文章



盡節恢時佐輪誠禦寇場三軍臨朔野駟馬卽戎行  
鼓吹威夷狄旌軒溢洛陽雲臺先著美今日更貽芳

巡邊應制

張說

禮樂逢明主韜鈴用老臣恭憑神武策遠禦鬼方人  
供帳榮恩餞山川喜詔巡天文日月送朝賦管絃新  
幼志傳三畧衰材謝六鈞膽猶忠作伴心故道爲隣  
漢保河南地胡清塞北塵連年大軍後不日小康辰  
劍舞輕離別歌酣忘苦辛從來思博望許國不謀身  
奉和聖製送張說巡邊 徐堅

唐詩類苑

卷之四十二

三十三

至德撫遐荒神兵赴朔方帝思元帥重爰擇股肱良  
累相承安世深籌協子房寄崇專斧鉞禮備設壇場  
鼙鼓喧雷電戈劍凜風霜四驥將戒道十乘啓先行  
聖錫加常錫天光曜龍光出郊開帳飲賓餞盛離章  
雨濯梅林潤風吹麥野涼燕山應勒頌麟閣佇名揚  
奉和聖製送張說巡邊 席豫

聖帝重兵權分飛屬大賢中軍從執政丞相復巡邊  
翕習戎裝動張皇廟畧宣朝榮承睿禮野餞轉行旂  
草障東緣海沙場北際天春冬見嚴雪朝夕候風煙  
已勒燕山頌猶聞遺戍篇五營將月合八陣與雲連  
經畧圖方遠懷柔道更全歸來盡麟閣謁謁武功傳

奉和聖製送張說巡邊 崔禹錫

供帳何煌煌公其撫朔方群寮咸餞酌明主降離章  
關塞重門下郊岐禁苑傍練兵宜雨洗臥鼓候風涼  
炎景寧云憚神謀肅所將旌搖天月迴騎入塞雲長  
赫赫皇威振油油聖澤滂非惟按車甲兼以正封疆  
叱咤陰山道澄清瀚海陽虜垣行決勝台座佇爲光

奉和聖製送張說巡邊

蘇晉

方漢比周年興王合在宜亟聞降虜拜復睹出師篇  
祈父萬邦式英猷三畧傳美車申夏政爰舍啓戎田  
嚴問盟胡苑軍容濟洛川皇情悵關旆詔餞列郊筵  
路接禁園草池分御井蓮離聲軫去角居念斷歸蟬  
三捷豈云永七擒良信然具寮誠寄望奏凱秋風前  
奉和聖製送張說巡邊 王翰

唐詩類苑

卷之四十二

三十四

紫綬尚書印朱戟丞相車登朝身許國出壺將辭家  
不憚炎蒸苦親嘗走集賒選徒軍有令誓卒爾無譁  
帝樂風初起王城日半斜寵行流聖作餽餞照台華  
騎歷河南樹旌搖天北沙柔懷應盡服嚴殺已先加  
業峻靈祇保功成道路嗟寧如鑿空使遠致石槐花  
奉和聖製送張說巡邊 許景先

文武承邦式風雲感國禎王師親賦政廟畧久論兵

漢主知三傑周官統六卿四方分閫受千里坐謀成  
介冑辭前殿壺觴宿左營賞延頒賜重宸贈出車榮  
龍武三軍氣魚鈴五校名郊雲駐旌羽邊吹引金鉦  
訓旅方稱德安人更克貞佇看銘石罷同聽凱歌聲

奉和聖製送張說巡邊 韓休

一德光台象三軍掌夏卿來威伸廟畧出總叶師貞  
受鉞辭金殿憑軒出郾城曙光搖組甲疎吹繞雲旌  
左律方光凱中聲卽訓兵定功彰武事陳頌紀天聲  
祖宴初留賞宸章更寵行車徒零雨送林野夕雲生  
路極河流遠川長朔氣平南轅遲返旆歸奏謁承明

唐詩類苑

卷之四十一

三五

奉和聖製送張說巡邊 袁暉

出師宜九命分閫用三台始應幕中畫言從天上來  
丹青不獨任韜畧遂雙該坐見威稜洽彌彰事業恢  
旌旗曉雲送鼙鼓朔風摧虜氣銷殘月邊聲送落梅  
羽書雄北地龍漠寢南垓寵戰黃金盡輸誠白日迴  
離章宸翰發祖讎國門開欲識恩華盛平生文武材

奉和聖製送張說巡邊 宋璟

帝道薄存兵王師尚有征是關司馬法爰命總戎行  
畫闕崇威信分塵盛寵榮聚觀方結轍出祖遂傾城  
聖酒江河潤天詞象緯明德風邊地偃勝氣朔雲平

率國推良器爲軍挹壯聲至和常得體不戰卽忘精  
以智泉寧竭其徐海自清遲還廟堂坐贈別故人情

奉和聖製送張說巡邊 源乾曜

匈奴近河朔漢地初戎旅天子擇英才朝端出監撫  
流星下閭闔寶鉞專公輔禮物生光輝宸章傳恩詔  
有征視劍戟制勝唯樽俎彼美何壯哉桓桓擅斯舉  
聲華振臺閣功德標文武舉國知命輕忘家以身許  
安人在勤恤保大殫襟腑此外無異言同情報明主

奉和聖製送張說巡邊 張嘉貞

天錫我宗盟元戎付夏卿多才兼將相必勇獨橫行  
經緯稱人傑文章作代英山川看是陣草木想爲兵  
不待河冰合猶防塞月明有謀當繫醜無戰且綏氓  
閫外專三略雲中興一平感恩同義激悵別屢魂驚  
直視前旌掣遙聞後騎鳴還期方定日復此出郊迎

奉和聖製送張說巡邊 盧從願

上將發文昌中軍靖朔方占星引旌節擇日拜壇場  
禮樂臨軒送威聲出塞揚安邊俟帷幄制勝在巖廊  
作鼓將軍氣投醪壯士觴戒途遵六月離贈動三光  
槐路清梅暑衛車起麥涼時文仰雄伯耀武鎮遐方  
祗席知無戰兵戈示不忘佇聞歌杖杜凱入繫名王

奉和聖製送張說巡邊 徐知仁

聖德膺三統皇威被八埏大明均照物小醜未寧邊  
國相台衡重元戎廟署宜紫泥方受命黃石乃推賢  
問罪陰山下安人屬國前度關行照月乘障坐消煙  
北闕紆黃藻南橋列祖筵耀威當夏日殺氣指秋天  
鼙鼓鼉鼉振旌旗鳥獸懸由來詞翰手今見勒燕然

奉和聖製送張說巡邊 王光庭

賢相德符文朝推文武雄海波先若鏡關草預從風  
鉞助將軍勇威成天子功瓊章九霄發錫宴五衢通  
玉輶龍盤帶金裝鳳勒驄虎豹紛儼儼河洛震熊羆

唐詩類苑

卷之四十二

三七

奉和聖製送張說巡邊 張九齡

戈劍千霜白旌旗萬火紅示刑夷夏變流惠鬼神同  
寇息軍容偃塵銷朔野空用師敷禮樂非是爲獯戎  
宗臣事有征廟筭在休兵天與三台座人當萬里城  
朔南方偃革河右誓揚旌龍錫從仙禁光華出漢京  
山川勤遠畧原隰軫皇情爲動薰琴唱仍題寶劍名  
威風六郡勇計日五戎平山甫歸應疾留侯功復成  
歌鐘旋可望枕席豈難行四牡何時入吾君憶履聲

奉和聖製送張說巡邊 崔日用

軒相推風后周官重夏卿廟謀能允迪韜畧又縱橫

吉日四黃馬宣王六月兵擬清鷄鹿塞先指朔方城  
列將懷威撫匈奴畏盛名去當推轂送來佇出郊迎  
絕漠蓬將斷華筵種正榮壯心看舞劍別緒應懸旌  
睿錫承優旨乾文復寵行暫勞期永逸赫矣振天聲

奉和聖製送張說巡邊 賀知章

荒憬盡懷忠梯航已自通九功雖不戰五月尚持戎  
遣戍徵周鼎恢邊重漢功選車命元宰授律取文雄  
胄出天弧上謀成帝幄中設旂分夏物專土錫唐弓  
帳宿伊川右鉞傳晉苑東襄人藉蕢實樂士理絲桐  
岐陌油餘雨離川照晚虹恭聞詠方叔千載舞皇風

唐詩類苑

卷之四十二

三八

送王峻巡邊

玄宗

振武威荒服揚文肅遠墟金壇申將禮玉節授軍符  
免胄三方外銜刀萬里餘昔時娛會靜今日虜庭虛  
分閭仍推轂援桴且訓車風揚旌旆遠雨洗甲兵初  
坐見台階謐行聞掖祿除檄來雖揮羽箭去亦飛書  
舟楫功須著鹽梅望匪疎不應陳七德欲使化先敷  
奉和聖製送王峻巡邊應制

張說

六月歌周雅三邊諗夏卿欲施攻戰法先作簡稽行  
禮樂知謀帥春秋識用兵一勞堪定國萬里即長城

策有和戎利威傳破虜名軍前雨灑道樓上月臨營  
別藻瑤華降同衣錦襍榮關山由義近戈甲爲恩輕  
絲竹路傍散風雲馬上生朝廷謂吉甫邦國望君平  
奉和聖製送王峻巡邊應制

張九齡

漢相推人傑殷宗伐鬼方還聞出將重坐見卽戎良  
上策應爲豫中權且用光令申兵氣倍威懾虜魂亡  
樹比公孫大城如道濟長夏雲登隴首秋露泣遼陽  
武德舒宸睞文思餞樂章感恩身旣許激節膽猶嘗  
祖帳傾朝列軍麾駐道傍詩人何所詠尚父欲鷹揚  
唐詩類苑 卷之四十一 三十九

巡邊河北作二首

張說

撫劍空餘勇彎弧遂無力老去事如何據鞍長歎息  
故交索將盡後進稀相識獨憐半死心尚有寒松直

二

去年六月西河西今年六月北河北沙場磧路何爲  
爾重氣輕生知許國人生在世能幾時壯年征戰髮  
如絲會待安邊報明主作頌封山也未遲

護邊

錢薛大夫護邊

李嶠

荒隅時未通副相下臨戎授律星芒動分兵月暈空

厓穴擁青橐象齒飭彤弓決勝三河勇長驅六郡雄  
祇山窺代北屈指計遼東佇見燕然上抽毫頌武功  
送趙大夫護邊 孫逖

外域分都護中臺命職方欲傳清廟畧先取劇曹郎  
佩登臺印猶懷伏奏香百壺開詔餞四牡誠戎裝  
青海迴西振黃河帶北涼關山瞻漢月戈劍宿胡霜  
體國才先著論兵策復長果持文武術還繼杜常陽

唐詩類苑

卷之四十一

四

唐詩類苑卷第四十三

明雲間張之象玄超甫纂輯

孫齊顏伯復甫編次

雲間王微叔朗甫補訂

梁谿曹仁孫伯安甫校正

帝王部

帝王

君道曲

李白

大君若天覆廣運無不至軒后爪牙常先太山稽如  
心之使臂小白鴻翼于夷吾劉葛魚水本無二士校

唐詩類苑

卷之四十三

可成牆積德爲厚地

元和聖德詩

并序

韓愈

臣愈頓首再拜言臣伏見皇帝陛下卽位已來誅  
流姦臣朝廷清明無有欺蔽外斬楊惠琳劉闢以  
取夏蜀東定青徐積年之叛海內怖駭不敢違越  
郊天告廟神靈歡喜風雨晦明無不從順太平之  
期適當今日臣蒙被恩澤日與群臣序立紫宸殿  
陛下親望穆穆之光而其職業又在以經籍教導  
國子誠宜率先作歌詩以稱道盛德不可以辭語  
淺薄不足以自效爲解輒依古作四言元和聖德

詩一篇凡千有二十四字指事實錄具載明天子

文武神聖以警動百姓耳且傳示無極其詩曰

皇帝卽昨物無違拒曰暘而暘曰雨而雨維是元年  
有盜在夏欲覆其州以踵近武皇帝曰嘻豈不在我  
負鄙爲艱縱則不可出師征之其衆十旅軍其城下  
告以福禍腹敗枝披不敢保聚擲首陴外降幡夜豎  
疆外之險莫過蜀土韋臯去鎮劉闢守後血人于牙  
不肯吐口開庫啗士曰隨所取汝張汝弓汝鼓汝鼓  
汝爲表書求我帥汝事始上聞在列咸怒皇帝曰然  
嗟遠士女苟附而安則且付與讀命於庭出節少府

唐詩類苑

卷之四十三

二

朝發京師夕至其部闢喜謂黨汝振而伍蜀可全有  
此不當受萬牛鸞炙萬甕行酒以錦纏股以紅帕首  
有恒其兇有餌其誘其出穰穰隊以萬數遂劫東川  
遂據城阻皇帝曰嗟其又可許爰命崇文分卒禁禦  
有安其驅無暴我野日行三十徐壁其右關黨聚謀  
鹿頭是守崇文奉詔進退規矩戰不貪殺擒不濫數  
四方節度整兵頓馬上章請討俟命起坐皇帝曰嘻  
無汝煩苦荆并洎梁在國門戶出師三千各選爾醜  
四軍齊作殷其如阜或拔其角或脫其距長驅洋洋  
無有齟齬八月壬午闢棄城走載妻與妾包裏稚乳

是日崇文入處其宇分散逐捕搜原剔數關窮見窘  
無地自處俯視大江不見洲渚遂自顛倒若杵投曰  
取之江中枷脰械手婦女纍纍啼哭拜叩來獻闕下  
以告廟社周示城市咸使觀覩解脫纍索夾以砧斧  
婉婉弱子赤立偃僂牽頭曳足先斷腰膂次及其徒  
體骸撐拄未乃取闢駭汗如寫揮刀紛紜爭刊膾脯  
優賞將吏扶珪綴組帛堆其家粟塞其庾哀憐陣歿  
廩給孤寡贈官封墓周市宏溥經戰伐地寬免租薄  
施令酬功急疾如火天地中間莫不順序幽恒青魂  
東盡海浦南至徐蔡區外雜虜怛威赧德踧踖蹈舞

踊躍歡呀失喜噎歐乾清坤夷境落塞舉帝車迴來  
日正當午幸丹鳳門大赦天下滌濯剗磨磨滅瑕垢  
續功臣嗣拔賢任考孩養無告仁滂施厚皇帝神聖  
通達今古聽聰視明一似堯禹生知法式動得理所  
天錫皇帝爲天下主并包畜養無異細鉅億載萬年  
敢有違者皇帝儉勤盟濯陶瓦斥遣浮華好此綿紆  
勅戒四方侈則有咎天錫皇帝多麥與黍無召水旱  
耗于雀鼠億載萬年有富無窶皇帝正直別白善否  
擅命而狂既剪既去盡逐群奸靡有遺侶天錫皇帝  
龐臣碩輔博問遐觀以置左右億載萬年無取余侮

以配吉甫

聖明樂三首

張仲素

玉帛殊方至歌鐘比屋聞華夷今一貫同賀聖明君

二

海浪恬丹徼邊塵靖黑山從今萬里外不復鎮蕭關

三

九陌祥煙合千春瑞月明宮華將苑柳先發鳳凰城

春日獻聖壽無疆

楊巨源

代是文明晝春當宴喜時爐煙添柳重宮漏出花遲  
漢典方寬律周官正採詩碧霄傳鳳吹紅日在龍旗  
造化膺神契陽和沃聖慈每因隨百獸率舞奉丹墀  
玄元皇帝應見賀聖祚無疆

殷寅

應曆生周日修祠表漢年復茲秦嶺上更似霍山前  
昔贊神功啓今符聖祚延已題金簡字仍訪玉堂仙  
睿祖光元始曾孫體又玄言因六夢接慶叶九齡傳  
北闕心超矣南山壽固然無由同拜慶竊抃賀陶甄

唐詩類苑

卷之四十三

五

玄元皇帝應見賀聖祚無疆

李岑

皇綱歸有道帝系祖玄元運表南山祚神通北極尊  
大同齊日月興發應乾坤聖后趨庭禮宗臣稽首言  
千官欣肆觀萬國賀深恩錫宴雲天接飛聲雷地喧  
祥光浮紫閣喜氣繞皇軒未預承天命空勤望帝門  
玄元皇帝應見賀聖祚無疆

趙驊

聖王今司契神功格上玄豈唯求傳野更有叶鈞天  
審夢南山下焚香北闕前道光聖聖日福應集靈年

咫尺真容近巍哉大象懸觴從百寮獻形爲萬方傳  
聲教唯皇矣英威固邈然慙無美周頌徒上祝堯篇

奉和白相公聖德和平致茲休運歲終功就  
合詠盛明呈上三相公長句四韻

杜牧

行看獵破好年光萬壽南山對未央  
豈憂可汗修職貢文思天子復河湟  
應須日御西巡狩不假星弧北射狼  
吉甫裁詩歌盛業一篇江漢美宣王

詠歌聖德遠懷天寶因題關亭長句四韻

杜牧

唐詩類苑

卷之四十三

六

聖敬文思業太平海寰天下唱歌行  
秋來氣勢洪河壯霜後精神泰華寧  
廣德者強朝萬國用賢無敵是長城  
君王若悟治皮論安史何人敢弄兵

皇風

杜牧

仁聖天子神且武內興文教外披攘  
以德化人漢文帝側身修道周宣王  
坑穽巢穴盡室塞禮樂刑政皆弛張  
何當提筆侍巡狩前驅白旆弔河湟

奉和皇帝丘禮撫字述懷應制

李嶠

配極輝光遠承天願託隆負圖濟多難  
脫屣歸成功



聖道昭永錫邕言尚在躬還推萬方重咸仰四門聰  
恭已忘自逸因人體至公垂旒滄海晏解網法星空  
雲散天五色春來日再中稱觴合纓弁率舞應絲桐  
凱樂深居鐫傳歌盛飲豐小臣濫簪筆無以頌唐風  
奉和皇帝丘禮撫事述懷應制

陳子昂

大君忘自我膺運居紫宸揖讓期明辟謳歌且順人  
軒宮常國盛皇極禮容申南面朝萬國東堂會百神  
雲陛旂裳滿天廷玉帛陳鍾石和睿思雷雨被深仁  
承平信娛樂王業本艱辛願罷瑤池宴來觀農扈春  
唐詩類苑 卷之四十三 七

織錦作太平詩

新羅王德真

新羅王德真即新羅王金真平女也平卒無子女  
乃嗣立爲王大破百濟之衆遣其弟法敏以聞德  
真乃織錦作五言太平詩以獻之帝喜之拜法敏  
爲大府卿

大唐開洪業巍巍皇猷昌止戈衣定修文繼百王  
統天崇雨施理物體含章深仁諧日月撫運邁時康  
幡旗何赫赫鉦鼓何鏗鏘外夷違命者剪覆被天殃  
和風疑宇宙遐邇競呈祥四時調玉燭七耀巡萬方

維嶽降宰輔維帝任忠良五三成一德昭我唐家光

太平詞二首

王維

風俗今和厚君王在穆清行看探花曲盡是太階平

二

聖德超千古皇威靜四方蒼生今息戰無事覺時長

太平樂詞二首

白居易

歲豐仍節儉時泰更銷兵聖念長如此何憂不六三

二

湛露浮堯酒熏風起舜歌願同堯舜意所樂在人和

大和

唐詩類苑

卷之四十三

八

樂苑曰大和羽調曲也

國門卿相舊山莊聖主移來宴綠芳簾外輾爲車馬  
路花間踏出舞人場

國鳥尚含天樂囀寒風猶帶御衣香爲報碧潭明月

夜會須留賞待君王

庭前鵲遶相思樹井上鶯歌爭刺桐含情少婦悲春

草多是良人學轉蓬

塞北江南共一家河沙淚落愁黃沙春酒半酣千日

醉庭前還有落梅花

我皇應運太平年四海朝宗會百川自古幾多明聖



主不如今帝勝堯天

小曲新詞二首

白居易

霽色鮮宮殿秋聲脆管絃聖明千歲樂歲歲似今年

二

紅裙明月夜碧簾早秋時好向昭陽宿天涼玉漏遲

天長久詞三首

附宮中  
樂二首

盧綸

玉砌紅花樹香風不敢吹春光解天意偏發殿南枝

天長久  
萬年昌

虹橋千步廊半在水中央天子方親暑宮娃起夜粧

天長久  
萬年昌

唐詩類苑

卷之四十三

九

辭輦復當熊傾心奉六宮君王若看貌甘在衆妃中

天長久  
萬年昌

雲日呈祥禮物殊彤庭生獻五單于塞垣萬里無飛

鳥可在邊城用郅都

臺殿雲深秋色微君王初賜六宮衣樓船泛罷歸猶

早行遣才人關射飛

皇帝感詞四首

盧綸

提劍雲雷動垂衣日月明禁花呈瑞色國老見星精

發棹魚先躍窺巢鳥不驚山呼一萬歲直入九重城

二

天香五鳳彩御馬六龍文雨露清馳道風雷翊上軍

高旂花外轉行漏樂前聞時見金鞭舉空中指瑞雲

三

妙算千戈止神謀宇宙清兩塔文物盛七德武功成

校獵長楊苑屯軍細柳營歸來獻明主歌舞溢春城

四

天樂下天中雲屏儼在空鈿黃豔河漢語笑合笙鏞

已見長隨鳳仍聞不避熊君王親試舞閭闔靜無風

謝往桂林至彤庭竊詠

李商隱

辰象森羅正鈞陳翊衛寬魚龍排百戲劍佩儼千官

唐詩類苑

卷之四十三

十

城禁將開晚宮深欲曙難月輪移仙路下欄干

共賀高禰應將陳壽酒歡金星壓芒角銀漢轉波瀾

王母來空闊羲和上屈盤鳳凰傳詔旨獬豸冠朝端

造化中台座威風大將壇甘泉猶望幸早晚冠呼韓

漢南書事

李商隱

西師萬衆幾時迴哀痛天書近已裁文吏何曾重刀

筆將軍猶自舞輪臺幾時拓土成王道從古窮兵是

禍胎陛下好生千萬壽玉樓長御白雲杯

中宮

聞奉迎皇太后使沈判官至因有此作

劉長卿

長樂宮人掃落花君王正候五雲重萬方臣妾同瞻  
望疑在曾城阿母家

陪幸昭容院獻詩四首

景龍四年三月十一日

鄭愔

地軸樓居遠天台闕路賒何如遊帝宅卽此對仙家  
座拂金壺電池搖玉酒霞無云秦漢隔別訪武陵花

二

堯祠姑射近漢苑建章連十五冀知月三千桃紀年  
鸞歌隨鳳吹鶴舞向鵬絃更覓瓊妃伴來過玉女泉

唐詩類苑

卷之四十三

十一

三

宮掖賢才重山林高士難不言辭輦地更有結廬歡  
池棟清溫煥巖牕起迥寒幽亭有仙桂聖主萬春看

四

槎流天上轉茅宇禁中開河鵠填橋至山熊避檻來  
庭花採菽蓐巖石步莓苔願奉蘿圖泰長聞錦翰裁

太子

上幸皇太子新院應制

盧僎

貞觀十七年太宗立子治爲皇太子嘗命皇太子  
遊觀習射太子辭以非所好願得奉至尊居膝下

太宗大喜乃營寢殿側爲別院使太子居之太宗  
每視朝皇太子常侍觀決庶政

佳氣曉蔥蔥乾行入震宮前星迎北極少海被南風  
視膳銅樓下吹笙玉座中訓深家以正義舉俗爲公  
父子成釗合君臣禹啓同仰天歌聖道猶愧乏雕蟲

奉和同太子監守建戀

韓王元嘉

永淳元年四月高宗以闕中饑饉米斗三百將幸  
東都留太子哲監國使劉仁軌薛元超輔之

乾象開層構離明啓少陽卜征從獻吉守噐屬元良  
逃矣凌周誦遙哉掩漢莊地分丹鶯嶺途間白雲鄉

唐詩類苑

卷之四十三

十二

好士傾南洛多才盛北場儲誠虔曉夕宸愛積炎涼  
珠壁連霄漢萬物仰重光

奉和同太子監守建戀

薛元超

儲禁銅扉啓宸行玉輅遙空懷壽街吏尚隔寢門朝  
地首瞻龍戟空中想鳳雛飛文映仙榜瀝思叶神飈  
帝念紆蒼陸乾文煥紫霄歸塘橫筆海平圃振詞條  
欲應重輪曲鏘洋韻九韶

觀賀皇太子册命

殷文珪

嗣冊儲皇帝命行萬方臣宴躍歡聲鸞旂再立星辰  
正雉扇雙開日月明自有漢元爭翌戴不勞商皓定

歌傾春宮保傳皆周召致主何憂不太平

諸王

過大哥宅

玄宗

魯衛情先重親賢愛轉多  
旻旒豐暇日乘景暫經過  
戚里申高宴平臺奏雅歌  
復尋爲善樂方驗保山河

奉和聖製過寧王宅應制

張說

進酒忘憂觀簫韶喜降尋  
帝堯敦俗禮王季友兄心  
竹苑龍鳴笛梧宮鳳繞林  
大風將小雅一字盡千金

同玉真公主過大哥山池題石壁

玄宗

唐詩類苑

卷之四十三

十三

池有招賢處人傳樂善名  
鷺池尋之達龍岫對層城  
桂葉先秋冷蘋風向晚清  
鳳樓遙可見彷彿玉簫聲

奉和聖製同玉真公主過寧王山池題石壁

應制

張說

綠竹初成苑丹砂欲化金  
乘龍與驂鳳歌吹滿山林  
爽氣凝情迴寒光映浦深  
忘憂題此觀爲樂賞同心

勅賜寧王池宴

張九齡

開元二年春上幸寧王帝敘家人禮樂奏前後酒

食霑齋上自專皆令稟于寧王上曰大哥好作主

人阿瞞但謹爲上客

賢王有池館明主賜春遊  
淑氣林間發恩光水上浮  
徒叅和鼎地終謝巨川舟  
皇澤空如此經生莫可酬

過大哥山池

玄宗

澄潭皎鏡石崔巍萬壑千巖暗  
綠苔林臺自有幽真趣  
況復秋深爽氣來

奉和聖製遊寧王山池

張說

池如明鏡月華開山學香爐雲氣來  
神藻飛爲鶴鵠賦仙聲颺出鳳凰臺

寧王山池

范朝

唐詩類苑

卷之四十三

十四

水勢臨階轉峯形對路開  
槎從天上得石是海邊來  
瑞草分叢種祥花間色裁  
舊傳詞賦客唯見有鄉枚

奉和別越王

李敬玄

飛蓋迴蘭坂宸襟佇柏梁  
別館分涇渭歸路指衡漳  
關山通曙色林籞徧春光  
帝念紆千里詞波照五潢

奉和別越王

張大安

盛藩資右戚連萼重皇情  
離襟愴睢苑分途指鄴城  
麗日開芳甸佳氣積神京  
何時驂駕入還見謁承明

奉和別越王

劉禕之

周屏辭金殿梁驂整玉珂  
管聲依折柳琴韻動流波  
鶴蓋分陰促龍軒別念多  
延襟小山路還起大風歌

修書院學士奉勅宴梁王宅賦得門字

魏元忠

大君敷宴賞萬乘下梁園酒助閒平樂人霑雨露恩  
榮光開帳殿佳氣滿旌門願陪南嶽壽長奉北宸尊  
修書院學士奉勅宴梁王宅賦得樹字

張說

虎殿成鴻業猿巖題鳳賦既荷大君恩還蒙小山選  
秋吹迎絃管涼雲生竹樹共惜朱邱歡無辭洛城暮

三日岐王宅

張諤

玉女貴妃生嬰婉始發聲金盆浴未了綳子繡初成

唐詩類苑

卷之四十三

五

翡翠雕芳褥真珠帖小纓何時學健關取落花輕

岐王山亭

張諤

王家傍綠池春色正相宜豈有樓臺好兼看草樹奇  
石榴天上葉柳子日南枝出入千門裏年年樂未移  
從岐王過楊氏別業應教王維

揚子談經所准王載酒過興關啼鳥換坐久落花多  
逕轉迴銀燭林開散玉珂嚴城時未啓前路擁笙歌

寄上吳王

李白

寄上吳王二首

李白

坐嘯廬江靜閒聞進玉觴去時無一物東壁挂胡牀

淮王愛八公攜手綠雲中小子添枝葉亦攀丹桂芳  
謬以詞賦重而將枚馬同何日背淮水東之觀士風

二

英明廬江守聲譽廣平籍灑掃黃金臺招邀青雲客  
客曾與天通出入清禁中襄王憐宋玉願入蘭臺宮

宴吳王宅

祖詠

吳王承國寵列第禁城東連夜徵詞客當春試舞童  
砌分池水岸颺度竹林風更待西園月金樽樂未終

宴吳王宅

韓翃

玉管簫聲合金盆酒色殷聽歌吳季札縱飲漢中山

唐詩類苑

卷之四十三

六

稱壽爭離席留歡輒上關莫言辭客醉猶得曳裙還

戲作寄上漢中王二首

杜甫

雲裏不聞雙鴈過掌中貪見一珠新秋風嫋嫋吹江  
漢只在他鄉何處人  
謝安舟楫風還起梁苑池臺雪欲飛杳杳東山攜妓  
去泠泠修竹待王歸

戲題寄上漢中王三首

杜甫

西漢親王子成都老客星百年雙白鬢一別五秋螢  
忍斷杯中物祇看座右銘不能隨皂蓋自醉逐浮萍

二

策杖時能出王門異昔遊已知嗟不起未許醉相留  
蜀酒濃無敵江魚美可求終思一酩酊淨掃鴈池頭

三

群盜無歸路衰顏會遠方尚憐詩警策猶憶酒顛狂  
魯衛猶尊重徐陳畧喪亡空餘枚叟在應念早升堂

奉漢中王手札

杜甫

國有元帥大王今叔父尊剖符來蜀道歸蓋取荆門  
峽險通舟過江長注海奔主人留上客避暑得名園  
前後紙書報分月饌玉恩天雲浮絕壁風竹在花軒  
已覺良宵永何看駭浪翻入期朱邸雪朝寒紫微垣

唐詩類苑

卷之四十三

七

枚乘文章老河間禮樂存悲秋宋玉宅失路武陵源  
淹薄俱崖口東西異石根夷音迷咫尺鬼物傍黃昏  
犬馬誠爲戀狐狸不足論從容草奏罷宿昔奉清樽

贈特進汝陽王二十二韻

杜甫

特進群公表天人夙德升霜蹄千里駿風翮九霄鵬  
服禮求毫髮推忠忘寢興聖情常有眷朝退若無憑  
仙醴求浮蟻奇毛或似鷹清關塵不雜中使日相乘  
晚節嬉遊簡平居孝義稱自多親棣萼誰敢問山陵  
學業醇儒富辭華哲匠能筆飛鸞聳立章罷鳳騫騰  
精理通談笑忘形向友朋寸腸堪繾綣一諾豈驕矜

已忝歸曹植何如對李膺招要恩屢至崇重力難勝

披霧初歡夕高秋爽氣澄樽疊臨極浦鳬鴈宿張燈

花月窮遊宴炎天避暑蒸硯硯寒金井水簷動玉壺冰

瓢飲唯三巡巖樓異一膳謬持螯測海況挹酒如澠

鴻寶全寧秘丹梯庶可陵淮王門有客終不愧孫登

贈溫駙馬汝陽王

徐晶

疇昔承餘論文章幸濫推夜陪銀漢賞朝奉桂山詞  
梁邱調歌日秦樓按舞時登高頻作賦體物屢爲詩  
連騎長秋下浮觴曲水湄北堂留上客南陌送佳期  
憶作陪臨泛于今阻宴私再看冬雪滿三見夏花滋

唐詩類苑

卷之四十三

六

都尉朝青閣淮王侍紫墀寧知倦遊者華髮老京師

奉和別魯王

楊思玄

元王詩傳博文后寵靈優鶴蓋動宸眷龍章送遠遊  
函關疎別道灞岸引行舟北林分苑樹東流溢御溝  
鳥聲含羽碎騎影曳花浮聖澤九垓普天文七曜周  
方徒獻雅樂簪帶奉鳴球

奉和別魯王

李敬玄

綠車旋楚服丹蹕佇秦川珠臯轉歸騎金岸引行旂  
一朝限原隰千里間風煙驚喧上林谷鳬鴈響御溝前  
斷雲移魯蓋離歌動舜絃別念疑神展崇恩洽玳筵

顧惟慙叩寂徒自仰鈞天

陪幸五王宅應制

劉憲

初睿宗五子賜第上都隆慶坊號五王宅明皇爲  
太子製大衾長枕將與諸王共之睿宗喜甚明皇  
先天後盡以隆慶舊邸爲興慶宮因賜憲薛二王  
第于勝業坊申岐二王第于安興坊環列宮側天  
子于西南建樓西曰花萼相輝南曰勤政移二帝  
時時登之聞諸王作樂必亟召升樓與同坐或  
就幸第賦詩燕嬉賜金帛侑歡

唐詩類苑

卷之四十三

九

北斗樞機任西京肺腑親疇昔王門下今茲御幸  
恩光山水被聖作管絃新遶坐熏紅藥當軒暗綠筠  
摘荷纔早夏聽鳥尚餘春行漏金徒晚風煙起觀津  
陪幸五王宅應制

李義

家住千門側亭臨二水傍貴遊開北第宸睞幸西鄉  
曳履迎中谷鳴絃出後堂浦疑觀萬象峯似駐三光  
草向瓊筵樂花承繡殿香聖情思舊重留飲賦雕章

永王東巡歌十一首

李白

永王正月東出師天子遙分龍虎旗樓船一舉風波  
靜江漢翻爲鴈鷺池

三川北虜亂如麻四海南奔似永嘉但用山謝安

石爲君談笑靜胡沙

雷鼓嘈嘈喧武昌雲旗獵獵過尋陽秋毫不犯三吳  
悅春日遙看五色光

龍蟠虎踞帝王州帝子金陵訪古丘春風試暖昭陽  
殿明月還過鵲鵲樓

二帝巡遊俱未回五陵松柏使人哀諸侯不救河南  
地更喜賢王遠道來

丹陽北固是吳關畫出樓臺雲水間千巖烽火連滄  
海兩岸旌旗遮碧山

王出三江按五湖樓船跨海次陽都戰艦森森羅虎  
唐詩類苑

卷之四十三

二十

士征帆一一引龍駒

長風挂席勢難迴海動山傾古月摧君看帝子浮江  
日何似龍驤出峽來

祖龍浮海不成橋漢武尋陽空射蛟我王樓艦輕秦  
漢却似文皇欲度遼

帝寵賢王入楚關掃清江漢始應還初從雲夢開朱  
邱更取金陵作小山

試借君王玉馬鞭指麾戎虜坐瓊筵南風一掃胡塵  
靜西入長安到日邊

宴曹王宅

錢起

賢王駟馬退朝初小苑三春帶雨餘林沼蔥龍多貴  
氣樓臺隱映接天居仙鷄引敵穿紅藥宮燕銜泥落  
綺疎自嘆平生相識願何如今日廁應徐

上蜀王

張道古

封章才達冕旒前黜詔俄離玉座端二亂豈由明主  
用五危終被佞臣彈西巡鳳府非爲固東播鑾輿平  
未安諒疏至今如可在誰能更與讀來香

別李義府

杜甫

神堯十八子十七王其門道國及舒國寔惟親弟昆  
中外貴賤殊余亦忝諸孫丈人嗣王業之子白玉溫

唐詩類苑

卷之四十三

王

道國繼德業請從丈人論丈人領宗卿肅穆古制敦  
先朝納諫諍直氣橫乾坤子建文章壯河間經術存  
溫克富詩禮骨清慮不喧洗然遇知己談論淮湖奔  
憶昔初見時小襦繡芳蓀長成忽會面慰我久疾魂  
三峽春冬交江山雲霧昏正宜且聚集恨此當離樽  
莫怪執杯遲我衰涕唾煩重問子何之西上岷江源  
願子少干謁蜀都足戎軒誤失將帥意不如親故恩  
少年早歸來梅花已飛翻努力慎風水豈惟數盤餐  
猛虎卧在岸蛟螭出無痕王子自愛惜老夫困石根  
生別古所嗟發聲爲爾云

哀王孫

杜甫

長安城頭頭白烏夜飛延秋門上呼又向人家啄大  
屋屋底達官走避胡金鞭斷折九馬死骨肉不待同  
馳驅腰下寶玦青珊瑚可憐王孫泣路隅問之不肯  
道姓名但道困苦乞爲奴已經百日竄荆棘身上無  
有完肌膚高帝子孫盡隆準龍種自與常人殊豺狼  
在邑龍在野王孫善保千金軀不敢長語臨交衢且  
爲王孫立斯須昨夜東風吹血腥東來寒氣滿舊都  
朔方健兒好身手昔何勇銳今何愚竊聞太子已傳  
位聖德北服南單于花門勢面請雪耻慎勿出口他

唐詩類苑

卷之四十三

三

人狙哀哉王孫慎勿疎五陵佳氣無時無

衡州送李大夫七丈勉赴廣州

杜甫

斧越下青冥樓船過洞庭北風隨爽氣南斗避文星  
日月籠中鳥乾坤水上萍王孫丈人行垂老見飄零

送李卿晔

杜甫

王子思歸日長安已亂兵霜衣問行在走馬向承明  
暮景巴蜀僻春風江漢清晉山雖自棄魏闕尚含情

唐詩類苑卷第四十三終



唐詩類苑卷第四十四

明雲間張之象玄超甫纂輯

孫齊顏伯復甫編次

雲間王微叔朗甫補訂

梁谿曹仁孫伯安甫校正

帝戚部

公主

和韋承慶過義陽公主山池五首

杜審言

野興城中發朝英物外求情懸朱紱望契動赤泉游

唐詩類苑

卷之四十四

海燕巢書閣山鷄舞畫樓雨餘清晚夏共坐北岳幽

二

逕轉危峯逼橋危缺岸妨玉泉移酒味石髓換粳香  
綰霧青絲弱牽風紫蔓長猶言宴樂少別向後池塘

三

携琴遶碧沙搖葦弄青霞杜若幽庭草芙蓉曲沼花  
宴遊成野客形勝得山家往往留僊步登攀日易斜

四

攢石當軒倚懸泉度牖飛鹿麕銜妓席鶴子曳童衣  
園果嘗難遍池蓮摘未稀卷簾唯待月應在醉中歸

五

賞翫奇他日高深愛此時池分八水背峯作九山疑  
地靜魚偏逸人閑鳥欲欺青溪留別興更與白雲期

侍宴安樂公主移入新宅應制

武平一

紫漢秦樓敞黃山魯館開簪裾分上席歌舞列平臺  
馬既如龍至人疑學鳳來幸忻聯袂萼何以接鄒枚

安樂公主移入新宅

趙彥昭

雲物中京曉天人外館開飛橋像河漢懸榜學蓬萊  
北闕臨僊檻南山送壽杯一窺輪奐畢慚慙棟梁材

唐詩類苑

卷之四十四

安樂公主移入新宅

李適

星橋他日創僊榜此時開馬向鋪錢埽簾聞奏玉臺  
人疑衛叔美客似長卿才借問遊天漢誰能取石廻

安樂公主移入新宅

沈佺期

初聞衡漢來移住斗城隈錦帳迎風轉瓊筵拂霧開  
馬香遺舊埽鳳吹繞新臺爲問沈冥子僊槎何處回

宴安樂公主宅得空字

宋之問

英藩築外館愛主出王宮賓至星槎落仙來月宇空  
玳梁翻賀燕金埽倚晴虹簫去秦臺裏書開魯壁中  
短歌能駐山艷舞欲嬌風聞有淹留處山阿滿桂叢



同李舍人日宴安樂公主山池

沈佺期

嘗聞天女貴家郎帝居連亭插宜春果山銜太液泉  
橋低烏鵲夜臺起鳳凰年故事猶如此新圖更可憐  
紫巖粧閣透青嶂妓樓懸峯奪香爐巧池偷明鏡圖  
梅花寒待雪桂葉曉留烟興盡方投轄金聲還復傳

夜宴安樂公主宅

徐彥伯

中宗與脩文館學士宴樂賦詩每命彥伯爲之序  
文彩華縟夜宴安樂公主新第彥伯序云言容有  
典緝姒幄之柔規湯沐增榮結風亭之藻瀛又曰

唐詩類苑

卷之四十四

三

鳴璫節佩登繡軸之瑤軒花綬香縵帶澤壺之青  
璫言言駙馬也

鳳樓開闔引明光花耐連添醉益香欲知帝女薰天  
貴金歌玉柱夜成行

夜宴安樂公主宅

李適

銀河半倚鳳凰臺玉酒相傳鸚鵡杯若見君平須借  
問仙槎一去幾時來

夜宴安樂公主宅

劉憲

層軒洞戶旦新披度曲飛觴夜不疲綺綴玲瓏河色  
曉珠簾隱映月華窺

夜宴安樂公主宅

崔日用

銀燭金屏坐碧堂只言河漢動神光主家盛明歡不  
極才子能歌夜未央

夜宴安樂公主宅

盧藏用

侯家主第一時新上席花年不惜春珠釭綴月那知  
夜玉竿流霞畏抵晨

夜宴安樂公主宅

馬懷素

鳳樓窈窕凌三襲翠幌玲瓏瞰九衢複道中宵留宴  
衍弘令上客想踟躕

夜宴安樂公主宅

薛稷

唐詩類苑

卷之四十四

四

秦樓宴喜月徘徊妓筵銀燭滿庭開坐中香氣排花  
出扇後歌聲逐酒來

夜宴安樂公主宅

閻朝隱

鳳凰鳴舞樂昌年蠟炬開花夜管絃半醉徐擊珊瑚  
樹已傳鐘漏曉聲傳

夜宴安樂公主宅

韋元旦

主第新成銀作榜賓筵廣宴玉爲樓壺觴既卜僊人  
夜歌舞疑停織女秋

夜宴安樂公主宅

李迥秀

金榜岩堯雲裏開玉簫參差天際迴莫驚側弁還

路抵爲平陽歌舞催

夜宴安樂公主宅

李义

牽牛南渡象昭回學鳳樓成帝女來平旦鷓鴣歌舞  
席方宵鸚鵡獻酬杯

夜宴安樂公主宅

岑羲

金榜重樓開夜扉瓊筵愛客未言歸銜歡不覺銀河  
曉盡醉那知玉漏晞

夜宴安樂公主宅

蘇頲

車如流水馬如龍仙史高臺十二重天上初移漢匹  
衡可憐歌舞夜相從

唐詩類苑

卷之四十四

五

夜宴安樂公主宅

武平一

王孫帝女下仙臺金榜珠簾入夜開遽惜瓊筵歡正  
洽惟愁銀箭曉相催

奉和幸安樂公主山莊應制

趙彥昭

安樂公主中宗最幼女帝遷房陵而主生解衣以  
祿之名曰褰兒妹秀辨敏后愛之嫁武崇訓景龍  
二年十一月己卯以安樂公主出降假皇后仗出  
於禁中以盛其儀帝及后御安福樓以觀之禮畢  
大赦天下賜酺三日後復赦天下嘗奪臨

川長公主宅以爲第旁徹民廬怨聲喧然第成禁  
藏空殫假萬騎仗內音樂送主還第景龍三年八  
月三日天子親幸山莊宴近臣學士趙彥昭等因  
令賦詩賜繒帛有差

六龍齊軫御朝曦雙鷁維舟下綠池飛觀仰看雲外  
聳浮橋直見海中移靈泉巧鑿天孫渚芳筍能抽帝  
女枝幸願一生同草樹年年歲歲樂於斯

奉和幸安樂公主山莊應制

蕭至忠

西郊窈窕鳳凰臺北渚平明法駕來匝地金聲初度

唐詩類苑

卷之四十四

六

曲周堂玉溜且傳杯灣路分游畫舟轉巖門相向碧  
亭開微臣此時承宴樂髮髯疑從星漢迴

奉和幸安樂公主山莊應制

李迥秀

詰旦重門開警蹕傳言太主奏山林是日迴輿羅萬  
騎此時歡喜賜千金鷺羽鳳簫參樂曲荻園竹徑接  
帷陰手舞足蹈方無已萬年千歲奏薰琴

奉和幸安樂公主山莊應制

劉憲

主家別墅帝城隈無勞海上覓蓬萊香石懸流平地

起危樓曲閣半天開庭莎作薦舞行出浦樹相將歌  
棹迴此日風光與形勝祇言併伴聖詞來

奉和幸安樂公主山莊應制

岑義

銀榜重樓出霧開金輿步輦向天來泉聲迴入吹簫  
曲山勢遙臨獻壽杯帝女含笑流飛電乾文動色象  
昭回誠願北極拱堯日微臣抃舞詠康哉

奉和幸安樂公主山莊應制

薛稷

主家園囿極新規帝郊遊豫奉天儀歡宴瑤臺鎬京

唐詩類苑

卷之四十四

七

集賞賜銅山蜀道移曲閣交映金精板飛花亂下珊  
瑚枝借問今朝八龍駕何如昔日望仙池

奉和幸安樂公主山莊應制

蘇頌

駿驥羽騎歷城池帝女樓臺向晚披露灑旌旗雲外  
出風迴巖岫雨中移當軒半落天河水遶逕全低月  
樹枝簫鼓宸遊陪宴日和鳴雙鳳喜來儀

奉和幸安樂公主山莊應制

沈佺期

皇家貴主好神仙別業初開雲漢邊山出盡如鳴鳳

積池成不讓飲龍川粧臺翠幌教春住舞閣金鑄借  
日懸敬從乘輿來此地稱觴獻壽樂鈞天

奉和幸安樂公主山莊應制

李適

平陽金榜鳳凰樓沁水銀河鸚鵡洲綵仗遙尋丹壑  
裏仙輿暫幸綠亭幽前池錦石蓮花艷後嶺香鑪桂  
蕊秋貴主稱觴萬年壽還輕漢武濟汾遊

奉和幸安樂公主山莊應制

李乂

金輿玉輦背三條水閣山樓望九霄野外初迷七聖

唐詩類苑

卷之四十四

八

道河邊忽覩二靈橋懸水滴滴依虬箭清吹泠泠雜  
鳳簫向晚平陽歌舞合前溪更轉木蘭橈

奉和幸安樂公主山莊應制

韋元旦

銀河南渚帝城隅帝輦平明出九衢刻鳳蟠螭凌桂  
邸穿池疊石寫蓬壺瓊簫暫下鈞天樂綺綴長懸明  
月珠仙榜承恩爭既醉方知朝野更歡娛

奉和幸安樂公主山莊應制

盧藏用

皇女瓊臺天漢渚星橋月宇創山林飛蘿半拂銀題

影瀑布環流玉砌陰菊清香隨鸚鵡泛簫樓韻逐鳳  
凰吟瑤池駐蹕思方久璧月無文興轉深

奉和幸安樂公主山莊應制

馬懷素

主家臺沼勝平陽帝幸歡娛樂未央掩映瑤窻交極  
浦參差繡戶繞迴塘泉聲百處傳歌曲樹影千重對  
舞行聖酒一霑何以報唯欣聖德奉時康

奉和幸安樂公主山莊應制

宗楚客

玉樓銀榜枕嚴城翠蓋紅旂列楚庭日映層巖圖畫  
唐詩類苑 卷之四古 九

色風搖雜樹管絃聲水邊重閣含飛動雲裏孤峰類  
削成幸親八龍遊閬苑無勞萬里訪蓬瀛

遊太平公主山莊

韓愈

公主當年欲占春故將臺榭押城闌欲知前面花多  
少直到南山不屬人

奉和初春幸太平公主南莊應制

趙彥昭

主第岸危架鵲橋天門閭闔降鸞鑣歷亂旌旂轉雲  
樹參差臺榭入煙霄林間花雜平陽舞谷裏鶯和弄  
玉簫已陪沁水追歡日行奉茅山訪道朝

奉和初春幸太平公主南莊應制

蘇頌

主第山門起灞川宸遊風景入初年鳳凰樓下交天  
仗烏鵲橋邊敞御筵往往花間逢綵石時時竹裏見  
紅泉今朝扈蹕平陽館不羨乘槎雲漢邊

幸太平公主南莊應制

李邕

傳聞銀漢支機石復見金輿出紫微織女橋邊烏鵲  
起僊人樓上鳳凰飛流風入座飄歌扇瀑布當階澗  
舞木今日還同犯牛斗乘槎共泛海潮歸

奉和初春幸太平公主南莊應制

唐詩類苑 卷之四古 十

宋之問

是日中宗皇帝命上官昭容品第羣臣所賦詩以  
之問此詩爲冠

青門路接鳳凰臺素澹宸遊龍騎來澗草自迎香輦  
合巖花應待御筵開文移北斗成天象酒近南山作  
壽杯此日侍臣將石去共歡明主賜金迴

奉和初春幸太平公主南莊應制

沈佺期

主家山第早春歸御輦春遊繞翠微買地鋪金曾作  
埽尋河取石舊支機雲間樹色千花滿竹裏泉聲百

道飛自有神仙鳴鳳曲併將歌舞報春暉

奉和初春幸太平公主南莊應制

李嶠

主家山第接雲開天子春遊動地來羽騎參差花外  
轉電旌搖曳日邊迴還將石溜調琴曲更取峯霞入  
酒杯鸞輅已停烏鵲渚簫聲猶送鳳凰臺

奉和初春幸太平公主南莊應制

邵升

沁園佳麗奪蓬瀛翠壁紅泉繞上京二聖忽從鸞殿  
幸雙仙正下鳳樓迎花含步輦空間出樹雜帷宮畫

唐詩類苑

卷之四十四

十一

裏成無路乘槎窺漢渚徒知訪卜就君平

侍宴長寧公主東莊

劉憲

公主林亭地清晨降玉輿畫橋飛渡水僊閣洞臨虛  
晴新看蝴蝶夏早摘芙蓉文酒娛游盛忻叨侍從餘

侍宴長寧公主東莊

鄭愔

公門襲漢環主第稱秦玉池架祥鱣宇山吹鳴鳳曲  
拂席薜蘿垂迴舟支荷觸平陽妙舞處日暮清歌續

侍宴長寧公主東莊應制

李乂

紫禁乘雷動青門訪水嬉上台鱣席慶仙女鳳樓期  
合宴簪紳滿承恩雨露滋北宸還捧日東館幸逢時

侍宴長寧公主東莊應制 崔寔

芳園東郭外裘駕一遊盤水榭宜時涉山樓尚晚看  
席臨大女貴林接近臣歡聖藻懸辰象微臣切仰觀

侍宴長寧公主東莊應制

李嶠

別業臨青甸鳴鑾降紫霄長筵鴛鴦集仙管鳳凰調  
樹接南山近烟含北渚遙承恩咸已醉戀賞未還鏹

侍宴長寧公主東莊應制

李適

鳳樓紆睿幸龍舸暢宸襟歌舞平陽第園亭沁水林  
山花添聖酒澗竹繞薰琴願奉瑤池駕千春侍德音

奉和幸長寧公主莊應制

李乂

唐詩類苑

卷之四十四

十二

平陽館外有仙家沁水園中好物華地出東郊迴日  
馭城臨南斗度雲車風泉韻繞幽林竹雨霞光搖雜  
樹花已慶時來千億壽還言日暮九重賒

玉真公主山居

儲光義

山北天泉苑山西鳳女家不言沁園好獨隱武陵花

題玉真觀公主山池院

司空曙

香殿留遺影春朝玉戶開羽衣重素几珠網儼輕埃  
石自蓬山得泉經太液來柳絲遮綠浪花粉落青苔  
鏡掩鸞空在霞消鳳不迴唯餘古桃樹傳是上仙栽

玉真公主歌二首

高適

常言龍德本天仙誰爲仙人每學仙更道玄元指字  
日多於王母種桃年

仙宮仙府有真仙天寶天仙秘莫傳爲問軒皇三百  
歲何如大道一千年

奉和聖製辛玉眞公主山莊因題石壁十韻  
之作應制 王維

碧落風烟外蓬臺道路賒如何連帝苑別自有仙家  
此地迴駕駕緣溪轉翠華洞中開日月牕裏發雲霞  
庭養沖天鶴溪留上漢槎種田生白玉泥竈化丹砂  
谷靜泉逾響山深日易斜御羹和石髓香飯進胡麻

唐詩類苑

卷之四十四

十五

大道今無外長生詎有涯還瞻九霄上來往五雲車

經東都安國觀九仙公主舊院作

劉禹錫

仙院御溝東今來事不同門開青草日樓閉綠楊風  
將犬昇天路披雲赴月宮武皇曾駐蹕親問主人翁

九仙公主舊莊

王建

仙居五里外門西石路親迴御馬蹄天使來栽宮裏  
樹羅衣自買院前溪野牛行傍澆花井本主分將灌  
藥畦樓上鳳凰飛去後白雲紅葉屬山鷄

代崇徽公主意

李山甫

金釵墜地鬢堆雲自別朝陽帝豈聞遺妾一身安社  
稷不知何處用將軍

陰地關崇徽公主手跡 李山甫

一拓纖痕更不收翠微蒼蘚幾經秋誰陳帝子和番  
策我是男兒爲國羞寒雨洗來香已盡澹煙籠着恨  
長留可憐汾水知人意旁與吞聲未忍休

唐昌公主院看花 司空曙

遺殿空長閉乘鸞自不回至今荒草上寥落舊花開  
侍從過公主尚宅侍宴探得風字應制 張易之

唐詩類苑

卷之四十四

十四

逐賞平陽第鳴笳上苑東鳥啼千戶竹蝶舞萬花叢  
時攀小山桂共挹大王風坐客無勞起秦蕭曲未終

破北虜太和公主歸宮闈 許渾

幕幕承秋極斷蓬飄飄一劍黑山空匈奴北走荒秦  
墨貴主西還盛漢宮定是廟謨傾種落必知邊寇畏

驍雄恩沾殘類從歸去莫使華人雜犬戎

九日蔡國公主樓 劉長卿

主第人何在重陽客暫尋水餘龍鏡色雲罷鳳簫音  
暗牖藏昏曉蒼苔換古今晴窗卷幔出秋草閉門深  
籬菊仍新吐庭槐尚舊陰年年盡梁燕來去豈無心

昇平公主舊第

羅隱

乘鳳仙人降此時，玉篇纔罷到文詞。  
兩輪水磴光明照，百尺綃綃換好詩。  
帶礪山河今盡在，風流罇俎見無期。  
壇場客散香街暝，惆悵齊竿取次吹。

同諸客題于家公主舊宅

白居易

平陽舊宅少人遊，應是遊人到卽愁。  
春穀鳥啼桃李院，絳絲蟲怨鳳凰樓。  
臺傾滑石猶殘破，簾斷真珠不滿鉤。  
聞道至今蕭史在，髭鬚雪白向明州。

駙馬

奉和楊駙馬六郎秋夜卽事

唐詩類苑

卷之四十四

王維

高樓月似霜，秋夜鬱金堂。  
對坐彈盧女，同看舞鳳凰。  
少兒多送酒，小玉更焚香。  
結束平陽騎，明朝入建章。

過楊駙馬亭子

錢起

衣冠在漢庭，臺榭接天成。  
彩鳳翻簫曲，祥鱣入館名。  
歌鐘芳月曙，林嶂碧雲生。  
亂水歸潭淨，高花映竹明。  
退朝追宴樂，開閣一作沈醉簪纓。  
長袖留嘉客，栖鳥下禁城。

和虞部韋郎中尋楊駙馬不遇

獨孤及

金屋瓊臺蕭史家，暮春三月渭州花。  
到君仙洞不相見，謂已吹簫乘早霞。

宴楊駙馬山池

韓翃

垂楊拂岸草茸茸，繡戶簾前花影重。  
綸下玉盤金縷細，酒開金甕綠醅濃。  
中朝駙馬何平叔，南國詞人陸士龍。  
落日泛舟同醉處，回潭百丈映千峰。

崔駙馬山池重送宇文明府

岑參

竹裏過紅橋，花間藉綠苗。  
池涼醒別酒，山翠拂行鑣。  
鳳去粧樓閉，鳬飛葉縣遙。  
不逢秦女在，何處聽吹簫。

唐詩類苑

卷之四十四

王維

宴崔駙馬玉山別業

錢起

金榜開青鎖，驕奢半隱淪。  
玉簫惟送酒，羅袖愛留賓。  
竹館烟催暝，梅園雪候春。  
滿朝辭賦客，盡是入林人。

贈溫駙馬汝陽王

徐晶

疇昔承餘論，文章幸濫推。  
夜陪銀漢賞，朝奉桂山詞。  
梁邸調歌日，秦樓按舞時。  
登高頻作賦，體物屢爲詩。  
連騎長楸下，浮觴曲水湄。  
北堂留上客，南陌送佳期。  
憶昨陪臨汎，于今阻宴私。  
幾看冬雪滿，三見夏花滋。  
都尉朝青閣，淮王侍紫墀。  
寧知倦遊者，華髮老京師。

贈崔禮駙馬

王



鳳凰樓閣連宮樹天子崔郎自愛貧金埒減添裁藥  
地玉鞭平與賣書人家中絃管聽常少分外詩篇看  
卽新一月一廻陪內宴馬蹄猶厭踏香塵

走筆贈獨孤駙馬

李白

都尉朝天躍馬歸香風吹人花亂飛銀鞍紫鞵照雲  
日左顧右盼空光輝是時僕在金門裡侍詔公車謁  
天子長揖蒙垂國士恩壯心剖出酬知己一別蹉跎  
朝市間青雲之交不可攀儻其公子重回顧何必侯  
嬴長抱關

鄭駙馬潛曜宅宴洞中

杜甫

唐詩類苑

卷之四古

十七

見人部宴集

春日遊郭駙馬大亭子

呂溫

戚里容閑客山泉若化成寄遊芳徑好借賞彩船輕  
春至花常滿年多水更清此中如傳舍但自立功名

游郭駙馬大安山池

羊士諤

馬嘶芳草自淹留別館何人屬細侯紅杏破顏逢醉  
客綵鴛飛去避行舟洞簫日煖移賓榻垂柳風多掩  
伎樓坐閉清暉不知暮烟橫北渚水悠悠

劉駙馬水亭避暑

劉禹錫

千竿竹翠數蓮紅水閣虛涼玉簟空琥珀殘紅疑瀉

酒水晶簾密更通風賜冰滿盃沈朱寶法饌盈盤  
碧籠盡日逍遙避煩暑再三珍重主人翁

酬于駙馬二首

楊巨源

綺陌塵香曙色分碧山如畫又逢君蛟藏秋月一片  
水驥鏐睛空千尺雲戚里舊知何駙馬詩家今得鮑  
參軍陽和本是煙霞客願向花間次第聞  
芳時碧落心應斷今日清詞事不同瑤草秋殘仙圃  
在綵雲天遠鳳樓空晴花曾送金羈影涼葉還生玉  
簫風長得聞詩權自足會看春露濕蘭叢

遊故王駙馬池亭

李遠

唐詩類苑

卷之四古

十八

花樹杳玲瓏漁舟處處通醉銷羅綺曉香暖菱荷風  
野鳥翻萍綠斜橋印水紅子猷簫管絕誰愛  
宴駙馬宅

張翥

牙香禁樂鎮相携日日君恩降紫泥紅藥院深人半  
醉綠楊門掩馬頻嘶座中古物多仙意壁上  
御題別向庭蕪寒吟石不教宮妓踏成蹊

唐詩類苑卷第四十四終



唐詩類苑卷第四十五

明雲間張之象玄超甫纂輯

孫齊顏伯復甫編次

雲間王微叔朗甫補訂

梁谿曹仁孫伯安甫校正

職官部

相

門下相公榮加冊命天下同歡忝沐眷私輒

感申賀

劉禹錫

冊命出宸裏官儀自古崇特膺平土拜光贊格天功

唐詩類苑

卷之四十五

再佩扶陽印常乘鮑氏驄七賢遺老在猶得詠清風

和裴相公道中贈別張相公

王建

雲間雙鳳鳴一去一歸城鞍馬朝色封章戀闕情

日臨宮樹高煙蓋沙草平會當戎事息聯影遶池行

述懷寄衡州令狐相公

李益

調元方翼聖軒蓋忽言東道以中樞密心將外理同

白頭生遠浪丹葉下高楓江上蕭疎雨何人對謝公

送昇道靖恭相公分公司

林寬

東風時不遇果見致君難華一作岳影猶動鵬鵬勢

未安星沉關鎖冷鷄唱驛燈殘誰一賓客門閑嵩

洛寒 奉和柳相公中書言懷 包佶

運籌時所貴前席禮偏深羸駕歸貧宅款冠出禁林

鳳巢方得地牛喘最關心雅望期三入東山未可尋

古樂府飛龍曲留上陳左相

高適

德以精靈降時膺夢寐求蒼生謝安石天子富平侯

樽俎資高論巖廊挹大猷相門連戶牖卿族嗣云裘

銘達雲開霽清明月映秋能爲吉甫頌善用子房詩

唐詩類苑

卷之四十五

階砌思攀陟門闌尚阻修高山不易仰大匠本難投

跡與松喬合心緣啓沃留公才山吏部書癖杜荊州

幸沐千年聖何辭一尉休折腰知寵辱迴首見沉浮

天地莊生馬江湖范蠡舟逍遙堪自樂浩蕩信無憂

去此從黃綬歸歎任白頭風塵與霄漢瞻望日悠悠

上韋左相二十韻

杜甫

鳳曆軒轅紀龍飛四十春入荒開壽域一氣轉洪鈞

霖雨思賢佐丹青憶老臣應圖求駿馬驚代得麒麟

沙汰江河濁調和鼎鼐新韋賢初相漢范叔已歸秦

盛業今如此傳經固絕倫豫章深出地滄海濶無津

北斗司喉舌東方領搢紳持衡留藻鑒聽履上星辰  
獨步才超古餘波德照隣聰明過管輅尺牘倒陳遵  
豈是池中物由來席上珍廟堂知至理風俗盡還淳  
才傑俱登用愚蒙但隱淪長卿多病父子夏索居貧  
回首驅流俗生涯似衆人巫咸不可問鄒魯莫容身  
感激時將晚蒼茫興有神爲公歌此曲涕淚在衣巾

留上李右相

高適

風俗登淳古君臣挹大庭深沉謀九德密勿契千齡  
獨立調元氣清心豁宵冥本枝連帝系長策冠生靈  
傳說明殷道蕭何律漢刑鈞衡持國柄柱石總賢經

唐詩類苑

卷之四十五

三

隱軫江山藻氣氤鼎彝銘興中皆白雪身外卽丹青  
江海呼窮鳥詩書問聚螢吹噓成羽翼提握動芳馨  
倚伏悲還笑棲遲醉復醒恩榮初就列含育泰宵形  
有竊丘山惠無時枕席寧壯心瞻落景生事感流萍  
冀以才難用終期善易聽未爲門下客徒謝少微星

奉和李右相賞會昌林亭 孫逖

賢相初陪蹕靈山本降神作京雄近縣開閣寵平津  
地勝林亭好時清宴賞頻百泉繁草木萬井布郊畛  
德與春和盛功將造化隣還憐渭濱叟歲晚獨垂綸

在廣聞崔馬二御史並登相臺

振鷺纔飛日遷鶯遠聽聞明光共待漏清覽各披雲  
喜得廊廟舉嗟爲臺閣分故林懷栢悅新渥阻蘭薰  
冠去神羊影車迎瑞雉羣遠從南斗外遙仰列星文

蘇味道

贈張相鎬二首

李白

神器難竊弄天狼窺紫宸六龍遷白日四海暗胡塵  
昊穹降元宰君子方經綸澹然養浩氣歛起持大鈞  
秀骨象山嶽英謀合鬼神佐漢解鴻門生唐爲後身  
擁旄秉金鉞伐鼓乘朱輪虎將如雷霆總戎向東巡  
諸侯拜馬首猛士騎鯨鱗澤被魚鳥悅令行草木春

唐詩類苑

卷之四十五

四

聖智不失時建功及良辰醜虜安足紀可貽輜與巾  
倒瀉溟海珠盡爲八幕珍馮異獻赤伏鄧生條來臻  
庶同昆陽舉再覩漢儀新昔爲管將鮑中奔吳隔秦  
一生欲報主百代期榮親其事竟不就哀哉難重陳  
卧病宿松山蒼茫空四隣風雲激壯志枯槁驚常倫  
聞君自天來目張氣益振亞夫得劇孟敵國空無人  
捫蝨對桓公願得論悲辛大塊方噫氣何辭鼓青蘋  
斯言儻不合歸老漢江濱

本家隴西人先爲漢邊將功畧蓋天地名飛青雲上  
苦戰竟不侯富年頗惆悵世傳空峒勇氣激金風壯

英烈遺厥孫百代神猶王十五觀奇書作賦凌相如  
龍顏惠殊寵麟閣憑天居晚途未云已踰躋遭讒毀  
想像晉末時崩騰胡塵起衣冠陷鋒鏑戎虜盈朝市  
石勒窺神州劉聰劫天子撫劍夜吟嘯雄心日千里  
誓欲斬鯨鯢澄清洛陽水六合灑霖雨萬物無凋枯  
我揮一杯酒自笑何區區因人耻成事貴欲決良圖  
滅虜不言功飄然陟蓬壺惟有安期烏留之滄海隅

荆門上張丞相

孟浩然

共理分荆國招賢媿楚材召南風更闡丞相閣還開  
觀止欣眉睫沉淪拔草萊坐登徐孺榻頻接李膺杯

唐詩類苑

卷之四十五

五

始慰蟬鳴稻俄看雪間梅四時年箭盡千里客程催  
日下瞻歸翼沙邊厭曝鰓佇聞宣室至星象復中台

送令狐綯相公

賈島

梁園趨戟節海草幾枯春風水難遭便差池未振鱗  
姓名猶語及門館阻何因若擬修文卷重擊獻匠人  
吟看青島處朝退赤墀晨根愛杉栽活枝憐雪霰新  
綴篇嗟調逸不和揣才貧早晚還霖雨滂沱洗月輪  
握苗方滅裂成器待陶鈞困坂思迴顧迷邦輒問津  
數行望外扎絕句握中珍是日榮遊汴當時怯往陳  
鴻舂垂漢爵積病卧漳濱岳整五千仞雲惟一片身

故山離心一作未死秋水宿經旬下第能無面高科恐  
有神罷耕田料廢省釣岸應榛慷慨知音在誰能淚  
墮巾

寄令狐綯相公

賈島

驢駿勝羸馬東川路匪賒一緘論賈誼三蜀寄嚴家  
澄徹霜江水分明露石沙話言聲及政棧閣谷離斜  
自著衣偏暖誰憂雪六花裹裳留濶幙防患與通茶  
山館中宵起星河殘月華雙僮前日顧數口向天涯  
良樂知麒麟張雷驗鑊謙光賢將相別紙聖龍蛇  
豈有斯言玷應無白璧瑕不妨圓魄裏人亦指蝦蟇

唐詩類苑

卷之四十五

六

送王相公赴范陽

錢起

翊聖銜恩重頻年按節行安危皆報國文武不緣名  
受服仍調鼎爲霖更洗兵幕開丞相閣旗總二師營  
料敵知無戰安邊自一作示有征代雲橫馬首燕鴈拂  
笳聲去鎮關河靜歸看日月明欲知瞻戀望一作切遲  
暮一書生

寄太原李相公

白居易

問道北都今一變政和軍樂萬人安綺羅二八圍賓  
榻組練二千夾將壇蟬髮應誇丞相少貂裘不覺太  
原寒世間大有盧榮貴百歲無君一日歡

聞李尚書拜相因以長句寄賀微之

白居易

憐君不久在通川知已新提造化權  
夔契定求才濟世張雷應辨氣衝天  
那知淪落天涯日正是陶鈞海內年  
肯向泥中拋折劍不收重鑄作龍泉

賀穆收作相

薛逢

闕下憧憧車馬塵沉浮相次宦遊身  
須知金印朝天客同是沙堤避路人  
威鳳偶時因瑞聖應龍無水護通神  
丘門不是趨時客始向窮途學問津

上崔相公

王建

唐詩類苑

卷之四十五

七

枯桂衰蘭一遍春准將道德定君臣  
施行聖澤山川潤圖畫天文彩色新  
開閣覆看祥瑞曆封名直進薛羅人  
應憐老病無知己自別溪中滿鬢塵

送裴相公赴鎮太原

張籍

盛德雄名遠近知功高先乞守藩維  
銜恩暫遣分龍節署勅還同在鳳池  
天子親臨樓上送朝官齊出道邊辭  
明年塞北清蕃落應建生祠請立碑

上李吉甫相公

王建

聖朝齊賀說逢殷霄漢無雲日月直  
金鼎調和天膳美瑤池沐浴賜衣新  
兩河開地山川正四海休兵造

化仁曾向山東爲散吏當今實憲是賢臣

酬樂天聞李尚書拜相以詩見賀

元稹

初因彈劾死東川又爲親情弄化權  
予爲監察御史劾奏故東川節度使嚴礪籍沒衣冠等八十餘家由是操權者大怒分司東臺日又劾奏宰相親因緣遂貶江陵士曹耳  
百口共經三峽水一時重上兩漫天  
尚書入用雖旬月司馬銜冤已十年  
若待更遭秋瘴後便愁平地有重泉

繡州張相公見訪

僧貫休

唐詩類苑

卷之四十五

八

德符唐德瑞通天曾叱讒諛玉座前  
千襲綵衣宮錦薄數牀御札主恩偏  
出師暫放蕭何筭得罪惟擇范蠡船  
未報君恩終必報不妨金地禮青蓮

上杜元穎相公

王建

學士金鑾殿後居天中行坐侍龍輿  
承恩不許離床謝密詔長教倚案書  
馬上喚遮紅紫鴨船頭看釣赤鱗魚  
閑曹散吏無相識猶記荊州拜謁初

上張弘靖相公

王建

傳封三世盡河東家占中條第一峯  
早歲天教作霖雨明時帝用補山龍  
草開舊路沙痕在日照新池鳳跡重  
卑散自知霄漢隔若爲門下賜從容

上武元衡相公

王建

旌旗坐鎮蜀江雄，帝命重開舊閣崇。  
褒貶唐書天曆上，捧持堯日慶雲中。  
孤情迥出鸞皇遠，健思潛搜海嶽空。  
長得蕭何爲國相，自西流水盡朝宗。

送魏州李相公

王建

百代功勲一日成，三年五度換雙旌。  
閑來不對人論戰，難處長先自請行。  
旗下可聞誅敗將，陣頭多是用降兵。  
當朝面受新恩去，筭料妖星不敢生。

餞王相公出牧括州

劉長卿

縉雲詎比長沙遠，出牧猶承明主恩。  
城對寒山開畫

唐詩類苑

卷之四十五

九一

戟路飛秋葉，轉朱轡江潮。  
淼淼連天望，旌旆悠悠上嶺翻。  
蕭索庭槐空閉閣，舊人誰到翟公門。

奉和杜相公益昌路作

郎士元

春半梁山正落花，台衡受律向天涯。  
南去猿聲傍雙節，西來江色遶千家。  
風吹畫角孤城曉，林映蛾眉片月斜。  
已見廟謀能喻蜀，新文更喜報京華。

送裴相公上太原

王建

還攜堂印向并州，將相兼權是武侯。  
時難獨當天下事，功成却進手中籌。  
再三陳乞鑪煙裏，前後封章玉案頭。  
朱架早朝排劔戟，綠槐殘雨一花裏。  
看張油遙知

寒鴈從今好，直得漁陽已北愁。  
邊鋪驚巡旗盡換，山城候館壁重修。  
千羣白刃兵迎節，十對紅粧妓打毬。  
聖主分明交暫去，不須高起見京樓。

鄜時李相公

黃滔

秦城擇日發征轅，齋戒來投節制尊。  
分虎名高初命相，攀龍迹下愧登門。  
夜聽謳詠銷塵夢，曉拜旌幢戰旅魂。  
華舍天開寧有礙，綵毫雖乏敢無言。  
生兼文武爲人傑，出應乾坤靜帝閭。  
計吐六奇誰敢敵，學窮三畧不須論。  
功高馬卸黃金甲，臺迥賓歡白玉樽。  
九穗嘉禾垂絳陌，四時甘雨帶雕軒。  
推恩每覺東溟淺，吹律能令北陸暄。  
青草連砂無血濺，黃榆鏤塞有鶯翻。  
笙歌合沓春風暖，郭鷄犬連延碧岫村。  
遊子不緣貪獻賦，永依棠樹託蓬根。

唐詩類苑

卷之四十五

十一

辭府相

時蒙堂帖追赴闕

黃滔

從漢至唐分五州，誰爲將相作諸侯。  
閩江似鏡正堪戀，秦客如蓬難久留。  
匹馬忍辭藩屏去，小才寧副廟堂求。  
今朝拜別幡幢下，雙淚如珠滴不休。

少保

贈閻少保

王建

髭鬚雖白體輕健，九十三來却少年。  
問事愛知天寶

裏識人皆是武皇前玉裝劍佩身長帶絹寫方書子  
不傳侍女常時教合藥亦聞私地學求仙

贈閻少保

張籍

辭榮戀闕未還鄉脩養年多氣力强半俸歸燒伏火  
藥全家解說養生方特承恩詔新門戟每見公卿不  
下牀竹樹晴深寒院靜長懸石磬在虛廊

僕射

寄哥舒僕射

韓翃

萬里長城家一生唯報國腰垂紫文綬手控黃金勒  
高視黑頭翁遙吞白騎賊光摩牙門將轉關黃河北

唐詩類苑

卷之四十五

十一

帳下親兵皆少年錦衣承日繡行纏轆轤寶劍初出  
鞘宛轉角弓初上絃步人抽箭大如笛前把兩矛後  
雙戟左盤右射紅塵中鶻入鴉羣有誰敵殺將破軍  
白日餘回船舞旆北風初郡公循鼻好磨墨走馬爲  
君飛羽書

送鄭僕射出節山南

孟郊

國老出爲將紅旗入青山再招門下生結束餘病孱  
自笑騎馬醜強從驅馳間顧顧磨天路裏裏鏡下顏  
文魄既飛越宦情唯等閑美他白面少多是清朝班  
惜命非所報慎行誠獨艱悠悠去住心兩說何能刪

山中寄樊僕射

于鵠

却憶東溪日同年事魯儒僧居閑共宿酒肆醉相扶  
天畔雙旌貴山中病客孤無謀還有計春谷種桑榆  
左僕射相國冀公東齋幽居

岑參

丞相百僚長兩朝居此官成功雲雷際翊聖天地安  
不矜南宮貴祗向東山看宅占鳳城勝牕中雪嶺寬  
午時松軒夕六月藤齋寒玉珮胥女羅金印耀牡丹  
山蟬上衣桁野鼠緣藥盤有時披道書竟日不着冠  
幸得趨省闈常欣在門闌何當復持衡短翮期風搏

唐詩類苑

卷之四十五

十二

送郭僕射節制劍南

岑參

鐵馬擐紅纓幡旗出禁城明王親授鉞丞相欲專征  
玉饌天厨送金杯御酒傾劍門乘嶮過閣道踏空行  
山鳥驚吹笛江猿看洗兵曉雲隨去陣夜月逐行營  
南仲今時往西戎計日平將心感知已萬里寄懸旌

贈李愬僕射二首

王建

和雪鑿營一夜行神旗凍定馬無聲遙看火號連營  
赤知是先鋒已上城  
旗旛四面下營親手詔頻來老將憂每日城南空挑  
戰不知生縛入唐州

寄上田僕射

韓翃

家封薛縣異諸田報主榮親義兩全僕射臨戎謝安  
石大夫持憲杜延年金裝畫出羅千騎玉案晨餐直  
萬錢應念一身留闕下闔門遙寄魯西偏

東川高僕射

李洞

油幢影裏拜清風十里貔貅一片雄三印鎖開霜滿  
地四門關定月當空泉浮山葉人家過詔惹爐烟鳥  
道通新起畫樓攜客上絃歌筵內海榴紅

寄廣南劉僕射

殷文珪

戰國從今却尚文品流才子作將軍畫船清宴蠻溪  
雨粉閣閑吟瘴嶠雲暴客卸戈歸惠政史官調筆待

唐詩類苑

卷之四十五

十三

儒勲漢儀一化南人後牧馬無因更夜聞

贈李愬僕射

王建

唐州將士死生同盡逐雙旌舊鎮空獨破淮西功業  
大新除隴右世家雄知時每笑論兵法識勢還輕立  
戰功次第各分茅土貴殊勲併在一門中

賀清源僕射新命

黃滔

雖言嵩嶽秀崔嵬少降連枝命世才南史兩榮唯百  
揆東閩雙拜有三台南史袁憲兄弟同爲僕射當時榮之殊未若今清源與府城並  
拜僕射兼帶二天在頂家說丹鳳銜書歲歲來虛

說古賢龍虎盛誰攀荆樹上金臺

司空

寄太原盧司空三十韻

李商隱

隋艦臨淮甸唐旗出井陘斷鼉櫓四柱卓馬濟三靈  
祖業隆盤古孫謀復大庭從來師傑俊可以煥丹青  
舊族開東岳雄圖奮北溟邪同獬豸觸樂伴鳳凰聽  
酣戰仍揮日降妖亦闕靈將軍功不伐叔舅德惟馨  
鷄塞誰生事狼煙不暫停擬填滄海鳥敢竟太陽營  
內草纔傳詔前茅已勒銘那勞出師表盡入大荒經  
德水繁長帶陰山繚畫屏只憂非繁肯未覺有膾腥

唐詩類苑

卷之四十五

十四

保佐資冲漠扶持在杳冥乃心防暗室華髮稱明廷  
按甲神初靜揮戈思欲醒義之當妙選小義安早  
孝若近歸寧高升來歸膝下月色來侵幌詩成有轉  
樞羅含黃菊宅柳憚白蘋汀神物龜酬孔仙才鶴姓  
下西山童子藥南極老人星自頃徒窺管于今愧挈  
瓶何由叨末席還得叩玄扃壯叟虛悲鴈終童漫識  
懸幕中雖策畫劔外且伶俜侯侯行忘上鰥鰥卧不  
瞋身應瘠於魯淚欲溢爲榮禹貢思金鼎堯圖憶土  
劍公平來入相王欲駕云亭

司徒



上邠寧邢司徒

賈島

箭頭破帖渾無敵杖底敲毬遠有聲馬走千蹄朝萬  
乘地分三郡擁雙旌春風欲盡山花發曉角初吹客  
夢驚不是邢公來鎮此長安西北未能行

贈李司徒

張蠟

承家拓定隴關西勲貴名應上將齊金庫夜聞龍甲  
令玉堂秋閑鳳笙低歡筵每怨嬌娥醉閑櫪猶驚戰  
馬嘶長怪儒頭枉白不親弓劒覓丹梯

司直

贈別崔司直赴江東兼簡常州獨孤使君

唐詩類苑

卷之四十五

主

韓翃

愛君青袍色芳草能相似官重法家流名高墨曹吏  
春衣淮上宿美酒江邊醉楚醪沃雕胡湘美糝香餌  
前朝山水國舊日風流地蘇山逐青驄江家驅白鼻  
右軍尚少年三領東方騎亦過小丹陽應知百城貴

秋晚溪中寄懷大理齊司直

李益

鳳翔屬明代羽翼文蔚狴崙崑崙進琪樹飛舞下瑤池  
振儀自西瞻東夏復分釐國典唯平法伊人方在斯  
荒寧析楊蕭芳輝蘭玉滋明質驚高景飄飄服纓綬

天寒清洛苑秋夕白雲况復空巖側蒼蒼幽桂期  
歲寒坐流霞山川猶別離浩思憑尊酒氛氲獨含辭

送韋司直西行

李嘉祐

不耻青袍故尤宜白髮新心朝玉皇帝貌似紫陽人  
湘浦眠銷日桃源醉度春能文兼證道莊叟是前身

贈韋司直

郎士元

聞君感歎二毛初舊友相依萬里餘烽火有時驚暫  
定甲兵無處可安居客來吳地星霜久家在平陵音  
信疎昨日風光還入戶登山臨水意何如

左丞

唐詩類苑

卷之四十五

主

贈韋左丞文濟

杜甫

左轄頗虛位今年得舊儒相門韋氏在經術漢臣須  
時議歸前列天倫恨莫俱鵠原荒宿草鳳沼接亨衢  
有客雖安命衰容豈壯夫家人憂几杖甲子混泥途  
不謂矜餘力還來謁大巫歲寒仍顧遇日暮且踟蹰  
老驥思千里快鷹待一呼君能微感激亦足慰榛蕪

右丞

送李右丞分司

羅隱

分曹得洛川譴議更昭然左省曾批勅中臺肯避權  
所悲時漸薄共賀道由全賣與清平代相兼直幾錢



投寄韋右丞

羅隱

赤壁徵文聘中臺拜郊詵班資參令僕曹署轄星辰  
幙被從誰起持綱自此新舉朝明典教封納詔書頻  
禁樹曾摘藻臺烏舊避塵便應酬倚注何處話窮鱗  
尚書

和戶部岑尚書參迹樞揆

沈佺期

大君制六合良佐叅萬機大業永開泰臣道日光輝  
鐘鳴和鼎食家聲衆所歸漢章題楚劒鄭武襲緇衣  
理識當朝遠文華振古稀風雲神契合舟楫道心微  
廟堂喜容與時物遞芳菲御柳垂仙掖公槐覆禮闈  
唐詩類苑 卷之四十五 十七

過梁州奉贈張尚書大夫公

岑參

漢中二良將今昔各一時韓信此登壇尚書復來斯  
手把銅虎符身總丈人師錯落北斗星照曜黑水湄  
英雄若神授大材濟時危頃歲遇雷雲精神感靈祇  
勲業振青史恩德繼鴻私羌虜昔未平華陽積僵屍  
人煙絕墟落鬼火依城池巴漢空水流褒斜惟鳥飛  
自公布德政此地生光輝百堵創里閭千家恤憚嫠  
層城重鼓角甲士如能罷坐嘯風自調行春雨仍隨

芄芄麥苗長藹藹桑葉肥浮客相與來群盜不敢窺

何幸承嘉惠小年卽相知富貴情易疎相逢心不移

置酒宴高館嬌歌雜青絲錦席繡拂廬玉盤金屈卮

春景透高戟江雲簷長麾櫪馬嘶柳陰美人映花枝

門傳大夫印世擁上將旗承家令名揚許國苦節施

戎幕寧久駐台階不應遲別有彈冠士希君無見遺

送薛尚書入蜀

嚴維

卑情不敢論拜手立轅門列郡諸侯長登朝八座尋

疑笱臨水發行旆向風翻幾許遺黎泣同懷父母恩

寄長武朱尚書

賈島

唐詩類苑 卷之四十五 十八

不日卽登壇槍旗一萬竿角吹邊月沒鼓絕爆雷殘

中國今如此西荒可取難白衣思請謁徒步在長安

送徐州薛尚書

張蠙

上將出儒中論詩擬立功州從禹後別軍自漢來雄

遠驛銷寒日嚴城肅暮空龍顏有遺廟猶得奠英風

秋日荆南送石首薛明府辭滿告別奉寄薛

尚書頌德叙懷斐然之作三十韻

杜甫

南征爲客久西候別君初歲滿歸鳧鳥秋來把鴈書

荆門留美化姜被就離居聞道和親入垂名報國餘

連枝不日並八座幾時除往者胡星李恭惟漢網疎  
風塵相瀕洞天地一丘墟殿瓦鴛鴦圻宮簾翡翠虛  
鉤陳摧微道槍纍失儲胥文物陪巡狩親賢病拮据  
公時呵模偷首唱却鯨魚勢慙宗蕭相材非一范睢  
屍填太行道血走浚儀渠湓口師仍會函關憤已據  
紫微臨大角皇極正乘輿賞從頻我冕殊恩再直廬  
豈惟高衛霍曾是接應徐降集鵬翔鳳追攀絕衆但  
侍臣雙宋玉戰策兩穰苴鑒澈勞懸鏡荒蕪已荷鋤  
嚮來披述作重此憶吹嗟白髮甘凋喪青雲亦卷舒  
經綸功不朽跋涉體何如應訝耽湖橘常餐占野蔬

唐詩類苑

卷之四十五

十九

十年嬰藥餌萬里狎樵漁楊子淹投閣鄒生惜曳裾  
但驚飛熠燿不記改蟾蜍煙雨封巫峽江淮畧孟諸  
湯池雖險固遼海尚填淤努力輸肝膽休煩獨起予

送李尚書赴襄陽八韻

韓愈

帝憂南國切改命付忠良壞畫星搖動旗分獸斂揚  
五營兵轉蕭千里地還方控帶荆門遠飄浮漢水長  
賜書窺屬郡戰馬隔鄰疆縱獵雷霆迅觀基玉石忙  
風流峴首客化豔大堤倡富貴由身致誰教不自強

送鄭尚書赴南海

韓愈

番禺軍府盛欲說暫停杯蓋海旂幢出連天觀閣開

衙時龍戶集上日馬人來風靜鷄鵠去官廉蚌蛤迴  
貨通師子國樂奏武王臺事事皆殊異無嫌屈大才

寄劉尚書

魚玄機

八座鎮雄軍謠諑滿路新汾川三月雨晉水百花春  
囹圄長空鎖干戈久覆塵儒僧觀子夜羈客醉紅茵  
筆硯行隨手詩書坐遶身小才多顧盼得作食魚人

寄滄洲李尚書

賈島

滄溟深絕澗西岸郭東門弋者羅夷鳥杼人思嶠猿  
威稜高臘列胸育極春溫陂淀封疆內兼葭壁壘根  
搖鞞邊地脉愁箭虎狼魂水縣賣沙市鹽田煮海村

唐詩類苑

卷之四十五

二十

枝條分御葉家世食唐恩武可縱橫講功從戰伐論  
天涯生月片嶼頂湧泉源非是泥池物方因雷雨尊  
沉謀藏未露隣境帖無喧青塚驕回鶻蕭關陷吐蕃  
何時霖歲早早晚雪邦冤迢遞瞻旌纛浮陽寄詠言

送鄭尚書出鎮南海

張籍

遠鎮承新命王程不假催班行爭路送恩賜併時來  
牙旂從城展兵符到府開鸞聲喧夜市海色浸朝臺  
畫角天邊月寒關嶺上梅共知公望重多是隔年迴

送盧潘尚書之靈武

韋蟾

賀蘭山下果園成塞北江南舊有各水木萬家朱戶

暗弓乃千隊鐵衣鳴心源落落堪為將膽氣堂堂合  
用兵却使六番諸子弟馬前不信是書生

上鄂州韋尚書

羅隱

往歲先皇馭九州侍臣才業最風流文窮典故雖餘  
力俗致雍熙盡密謀蘭省換班青作綬柏臺前引絳  
為韞都緣未負江山興開濟生靈校一秋

狂寇後上劉尚書

方干

孫武傾心與萬夫削平妖孽在斯須纔施偃月行軍  
令便見台星逼座隅獨柱撐天寰海正堆名蓋世古  
今無聖君爭不酬公業仗下高懸破賊圖

唐詩類苑

卷之四十五

三

送振武張尚書

王建

迴天轉地是將軍扶助春宮上五雲撫背恩雖同骨  
肉擁旄名未敵功勲盡收壯勇填兵數不向瀋渾奪  
馬羣閑即單于臺下獵威聲直到海西聞

送鄭尚書赴廣州

張籍

聖朝選將持符節內制宣時百辟聽海北蠻夷來舞  
蹈嶺南封管送圖經白鵬飛遶迎官舫紅槿開當燕  
客亭此處莫言多瘴癘天邊看取老人星

贈孔尚書

張籍

能將直道歷榮班事著元和實錄間三表自陳辭北

關一家相送入南山買來侍女教人嫁賜得朝衣在  
篋閑宅近青山高靜處時歸林下暫開關

寄唐州李北尚書

杜牧

累代功勳照世光奚胡文道死心降書功筆禿三千  
管領節門排十六雙先揖耿弁聲寂寂今看黃霸事  
縱縱時人欲識胸襟否彭蠡秋連萬里江

送盧尚書赴靈武

張蠙

西北正傳烽候急靈州共喜信臣居從軍盡是清才  
去屬郡無非大將除新地進圖移漢界古城遺硯見  
蕃書山川不異江湖景賓館常聞食有魚

唐詩類苑

卷之四十五

三

觀冬設上東川楊尚書

賈島

袍革奏冬非獨樂軍城未曉啓重門何時去入三台  
貴此日空知八座尊羅綺舞時收雨點獵獬門外卷  
雲根逐遷屬吏隨賓列去棹扁舟不忘恩

絳州鄭尚書

黃滔

旌旗日日展東風雲稼連山雪刃空剖竹已知垂鳳  
食摘珠何必到龍宮諫垣虛位期飛步翰苑含毫待  
紀公誰謂唐城諸父老今時得見蜀文翁

寄南海黃尚書

黃滔

五羊城下駐行車此事如今八載餘燕領已知飛食

肉龍門猶自退爲魚紅樓入夜笙歌合白社驚秋草木疎西望清光寄消息萬重煙水一封書

侍郎

送朔方何侍郎

宋之問

聞道雲中使乘驄往復還河兵守陽日塞虜失歸山拜職嘗隨驃銘功不讓班旋聞受降日歌舞入蕭關酬兵部李侍郎晚過東廳之作

包佶

酒禮慙先祭刑書已曠官詔馳黃紙速身在絳紗安聖位登堂靜生徒跪席寒庭槐暫搖落入爲幸春看

唐詩類苑

卷之四十五

三

送從弟侍郎赴浙西

劉禹錫

銜命出尚書新恩喚使車漢庭無右者梁苑重歸歎又食建業水曾依京口居共經何限事賓主兩如初酬于侍郎湖南見寄十四韻

包佶

桂嶺千崖斷湘流一派通長沙今賈傳東海舊于公章甫經殊俗離騷繼雅風金閨文作字玉匣氣成虹翰墨時無侶丹青夙在公主恩留左掖人望積南宮巧拙循名異浮沉顧位同九遷歸上畧三已契愚衷責謝庭中吏悲寬塞上翁楚材欣有適燕石愧無工

山曉重嵐外林春苦霧中雪花翻海鶴波影倒江楓去札頻逢信回帆早掛空避賢方有日非取愛微躬

寄令狐侍郎

韋應物

三山有瓊樹霜雪色逾新始自風塵交中結綢繆姻西掖方掌誥南宮復司春夕燕華池月朝奉玉階塵衆寶歸和氏吹噓多俊人羣公共然諾聲問邁時倫孤鴻既高舉燕雀在荆榛翔集且不同豈不欲殷勤一旦遷南郡江湖渺無垠寵辱良未定君子豈緇磷寒暑已推斥別離生苦辛非將會面目書札何由申

寄李輅侍郎

賈島

唐詩類苑

卷之四十五

五

終過盟津書分明夢不虛人從清渭別地隔太行餘賓幕誰嫌靜公門但晏如欄輦乾霹靂斜漢濕蟾蜍追琢垂今後敦龐得古初井臺憐操築漳岸想丕疏亦冀鏗珉珮終當直石渠此身多抱疾幽里近營居憶漱蘇門澗經浮楚澤潞松栽侵古影輦斷尚芹殖語嘿曾延接心源離滓淤誰言姓琴氏獨跨角生魚

贈刑部馬侍郎

韓愈

紅旗照海壓南荒徵入中臺作侍郎暫從相公平小寇便歸天闕致時康

投翰林張侍郎

張蠩

舉家貧拾海邊樵來認仙宗在碧霄丹穴雖無凡羽  
翼靈椿還向細枝條九衢馬識他門少十載身辭故  
國遙願與吾君作霖雨且應平地活枯苗

投翰林蕭侍郎

張 嬪

九仞墻邊絕路岐野才非合自求知靈湫豈要魚栖  
浪仙桂那容鳥寄枝纖草不銷春氣力微塵還助岳  
形儀從來爲學投文鏡文鏡如今更有誰

投翰長趙侍郎

黃 滔

禹門西面逐飄蓬忽喜仙都得入蹤賈氏許顓趨李  
虎荀家因敢謁頭龍手扶日月重輪起數是乾坤正

唐詩類苑

卷之四十五

五

氣鍾五色筆驅神出沒入花磚接帝從容詩酬御製  
風騷古論自人情鼎鼐濃豈有地能先鳳掖別無山  
更勝鼇峯攀鴻日淺魂飛越爲鯉年深勢險喁澤國  
雨荒三逕草秦關雪折一枝筇吹成暖景猶葭律引  
上纖蘿在嶽松願向明朝薦幽滯免教號泣觸登庸

送夏侯侍郎

韓 翃

元戎車右早飛聲御史府中新正名翰墨已齊鍾大  
理風流好繼謝宣城從軍曉別龍驤幕六騎先驅嘶  
近郭前路應留白玉臺行人輒美黃金絡使君下馬  
愛瀛洲簡貴將求物外遊聽訟不聞烏布帳迎賓暫

著紫綈裘公庭日夕羅山翠功遂心閑無一事移書  
或問島邊人立仗時呼鈴下吏事業初傳小夏侯中  
年劍笏在西州浮雲飛鳥兩相忘他日依依城上樓

寄上韓愈侍郎

王 建

重登大學領儒流學浪詞鋒壓九州不似雄名疎野  
賤惟將直氣折王侯詠傷松栢青山瘦取盡珠璣碧  
海愁叙述異篇經總別鞭區險句最先投碑文合遣  
真寬謝史筆應令諸骨差清俸探賈還酒債黃金旂  
得起書樓來擬設官人禮朝退多逢月閣遊見說  
雲泉求住處若無知薦一生休

唐詩類苑

卷之四十五

五

寄獻梓潼山侯侍郎時常拾遺諫諍黃 滔  
漢宮行廟畧簪笏落民間直道三湘水高情四皓山  
賜衣僧脫去奏表主批還地得松蘿塢泉通雨雪灣  
東門添故事南省缺新班有新命片石秋從露幽牕  
夜不關夢餘瞻隱映吟次鳥綿蠻可惜相如作當時  
事悉閑

寄同年李侍郎龜正

黃 滔

石門南面淚浪浪自此東西失帝鄉崑璞要疑方卓  
絕大鵬須息始開張已歸天上趨雙闕忽喜人間捧  
八行莫道秋霜不滋物菊花還借後時黃

郎中

貽主客呂郎中

即皇太子贊論

儲光義

上土既開天中朝為得賢青雲方羽翼畫省比神仙  
委珮雲霄裡含香日月邊君王儻借問客有上林篇

送張郎中赴隴右觀省卿公

岑參

中郎鳳一毛世上獨賢豪弱冠已銀印出身唯寶刀  
還家卿月迥度龍將軍高幕下多相識邊書醉懶操

錢王郎中於司馬園

孟浩然

見地部園

唐詩類苑

卷之四十五

三

江夏使君叔席上贈史郎中

李白

見人部宗族

送盧郎中

一作唐

郎中赴金州

李

雲明天嶺高刺郡輟仙曹危棧窺猿頂公庭瑞鶴毛  
出軍清壁嶺話道白眉毫遠集歌謠客州前泊幾艘

送齊郎中赴海州

劉長卿

華省占星動孤城望日遙直廬收舊草行縣及新苗  
滄海天連水青山暮與朝閭閻幾家散應待下車招

中

張蠟

所作高前古封章自曲臺細看明主意終用出人才

省印尋僧鎖書樓領鶴開南山有舊友時向白雲來

送齊郎中典括州

劉長卿

星象移何處旌麾獨向東勸耕滄海畔聽訟白雲中  
樹色雙溪合猿聲萬嶺同石門康樂住幾里挂帆通

送陸郎中

錢起

事邊仍戀主舉酒復悲歌粉署含香別轅門載筆過  
鶯聲出漢苑柳色過漳河相憶情難盡離居春草多

送祠部曹郎中鄴出守洋州

鄭谷

唐詩類苑

卷之四十五

三

為儒欣出守上路亦戎裝舊製詩多諷多憂俗必康

開懷江稻熟寄信露橙香郡閣清吟夜寒星識望郎

贈北部蕭郎中十兄

杜甫

有美生人傑由來積德門漢朝丞相系梁日帝王孫

蘊藉為郎父魁梧秉哲尊詞華傾後輩風雅藹孤鶯  
宅相榮姻戚兒童惠討論見知真自幼謀拙愧諸昆

漂蕩雲天潤沈埋日月奔致君時已晚懷古意空存

中散山陽鍛愚公野谷村寧紆長者轍歸老任乾坤

贈李郎中

楊俊

仙郎早朝退直省卧南軒院竹自成賞階庭寂不喧

焚香開後閣起草閉前門禮樂風流美光華星位尊  
榮兼朱紱貴交乃布衣存是日登龍客無忘君子恩

贈司勳蕭郎中

張子容

作相開黃閣爲郎奏赤墀君臣道合體父子貴同時  
國以推賢答家無內舉疑鳳池真水鏡蘭省得華滋  
未覩風流日先聞所賦詩江山清謝眺花木媚丘遲  
吏部來何暮王言念在茲丹青無不可霖雨亦相期  
昔我投荒處孤煙望島夷羣鷗終日狎落葉數年悲  
漁父留歌詠江妃入興詞今將獻知己相感勿吾欺

寄職方劉郎中

韋應物

相聞二十載不得展平生一夕旦一作南宮遇卿用寫  
中情端服光朝次羣一作英聲歸來坐粉闥揮  
筆乃縱橫始陪文翰遊歡燕難久并予因謬忝出君  
爲沈疾嬰別離寒暑過荏苒春草生故園茲日隔新  
禽池上鳴郡中永無事歸思徒自盈

送薛郎中赴江州

張蠩

幾州聞出刺謠美有江民正面傳天旨懸心禱岳神  
尺書先假路紅旂旋燒塵郡顯山川別衙開將吏新  
散招僧坐暑閑載客行春聽事基忘着探題酒亂巡  
好編高隱傳多貌上昇真近日居清近求人在此人

和袁郎中破賊後經剡中山水

皇甫冉

武庫分帷幄儒衣事鼓鼙兵連越徼外寇盡海門西  
節比全疎勒功當雪會稽旌旗廻剡嶺士馬躍靈溪  
受律梅初發班師草未齊行看佩金印豈得訪丹梯

寄贈庫部王郎中

時充折羅使

盧綸

謬謬漢名臣從天令若春敘辭皆詔旨稱官卽星辰  
草木承風偃雲雷施澤均威懲治粟尉恩洽讓田人  
泉貨方將散京坻自此陳五營俱益電千里不停輪  
未遠金門藉旋清玉塞塵碩儒推慶重良友頌公頻

唐詩類苑

卷之四十五

三

鶴髮逢新境龍門躍舊鱗荷君偏有問深感浩難申

贈萬年陸郎中

孟郊

天子憂劇縣寄深華省郎紛紛風響珮螫螫劒開霜  
舊事笑堆案新聲唯雅章誰言百里才終作橫天梁  
江鴻耻承眷雲津未能翔徘徊塵俗中短絺無輝光

贈主客劉郎中

張籍

憶昔君登南省日老夫猶是褐衣身誰知二十餘年  
後來作學曹相替人

久暮寄裴郎中

羅隱

曉髮星星入鏡宜早年容易近年悲敢言得事時將



晚只恐酬恩日漸遲南國傾心應望速東堂開口欲  
從誰仙郎舊有黃金約瀝膽腹肝更禱祈

寄同年禮部趙郎中

鄭谷

仙步徐徐整羽衣小儀澄澹轉中儀花飄紅燼趨朝  
路蘭縱清香宿省時彩筆煙霞供不足綸闈鸞鳳訝  
來遲自憐孤宦誰相念禱祝空吟一首詩

寄前戶部陸郎中

羅隱

出駟桑雉入朝簪瀟灑清名映士林近日篇章欺白  
雪早年詞賦得黃金桂堂縱道探龍領蘭省何曾駐  
鶴心雁亂事多人不會酒濃花暖且閑吟

唐詩類苑

卷之四十五

三

上雪川裴郎中

羅隱

賈提金印出咸秦瀟灑江城兩度春一派水清疑見  
臆數重山翠欲留人望崇早合歸黃閣詩好何妨戀  
白蘋自是受恩心未足却垂雙翅美吳均

寄杭州于郎中

方干

雖云聖代識賢明自出山河應數生大雅篇章無弟  
子高門世業有公卿入樓早月中秋色遶郭寒潮半  
夜聲白屋青雲至懸潤愚儒肝膽若爲傾

寄分司張郎中

王建

一別京華年歲久卷中多見嶺南詩聲名已壓衆人

上愁思未平雙鬢知江郡遷移猶遠地仙官榮寵是  
分司青天白日當頭上會有求閑不得時

贈祠部令狐郎中

馬戴

官初執憲稱雄才省轉爲郎雅望催待制松陰移玉  
殿分宵露氣靜天臺弄墨歎向孤雲坐隨鶴閑窮片  
月迴忽憶十年相識日小儒新自海邊來

贈長安畢郎中

李洞

高門寒沼水連雲鸞識朱衣傍主人地肺半邊晴帶  
雪天街一面靜無塵朝迴座客酬琴價衙退留僧寫  
鶴真從此幾遷爲計相蓬萊三刻奏東巡

唐詩類苑

卷之四十五

三

投元郎中

賈島

心在瀟湘歸未期卷中多是得名詩高臺聊望清秋  
色片水堪留白鷺鷺省宿有時聞急雨朝迴盡日伴  
禪師舊人去歲曾將獻蒙與人來說始知

同蔣韋二少監贈李郎中

張籍

舊年同過水曹郎各罷魚符自楚鄉重着青衫承詔  
命齊趨紫殿異班行別來同說經過事老去相傳補  
養方憶得當時亦連步如今獨有讀書堂

投刑部裴郎中

黃滔

兩勝驅牽別海濔它門不合覓知音瞻恩雖隔雲雷



賜向主終知犬馬心禮闈後人窺作鏡廟堂前席待  
爲霖已齊日月懸千古肯誤風塵使陸沉拜首敢將  
誠吐血蛇形唯待諾如金愁聞南院看期到恐被東  
牆舊恨侵緇化衣空難拒雪黑銷頭盡不勝簪數行  
淚裏依投志直比滄溟未是深

聞楊十二新拜省郎遙以詩賀

白居易

文昌新入有光輝紫界宮牆白粉闌曉日鷄人傳漏  
箭春風侍女護朝衣雪飄歌句高難和鶴拂煙霄老  
慣飛官職聲名俱入手近來詩客似君稀

唐詩類苑

卷之四十五

三

員外

送陸員外

王維

郎署有伊人居然古人風天子顧河北詔書除征東  
拜手辭上官緩步出南宮九河平原外七國薊門中  
陰風悲枯桑古塞多飛蓬萬里不見虜蕭條胡地空  
無爲費中國更欲邀奇功遲遲前相送握手嗟異同  
行當封侯歸肯訪南山翁

送鄭二員外

皇甫冉

置酒竟長宵送君登遠道羈心看旅鴈晚泊依秋草  
秋草尚芊芊離憂亦渺然元戎辟才彥行子犯風煙

風煙積惆悵淮楚飄蕩明日是重陽登高遠相望

送盧員外往饒州

李嘉祐

爲郎後典郡錦帳映朱輪露冕隨龍節停撓得水人  
早霜蘆葉變寒雨石榴新莫怪諳風土三年作逐臣

酬劉員外長卿見寄

嚴維

蘇耽佐郡時近出白雲司藥補清羸疾牕吟絕妙詞  
柳塘春水漫花塢夕陽遲欲識懷君意明朝訪樵師

送李員外之建州

林寬

勾踐江頭月客星臺畔松爲郎久不見出守暫相逢  
鳥泊牽灘索花空押號鍾遠人思化切休上武夷峯

唐詩類苑

卷之四十五

三

送徐員外赴河中

賈島

原野正蕭瑟中間分散情更從甘扈罷詔許朔方行  
邊日沉殘角河關截夜城雲居閑獨住長老出房迎

送柳八員外赴江西

皇甫冉

岐路窮無極長江九派分行人隨旅鴈楚樹入湘雲  
久在征南役何殊薊北勲離心不可問歲暮雪紛紛

寄徵士魏員外

羅隱

嘉遁蘇門節清貧紛署官不矜朝命重只恨路行難  
窓曉鷄談倦庭秋蝶夢闌美君歸未得還有釣魚竿

關東獻劉員外

吳融

昨夜星辰動仙郎近漢關玳筵吟雪罷錦帳揜春還  
已到青雲上應棲絳圃間臨叩有詞賦一爲奏天顏

寄前水部賈員外嵩 鄭谷

謝病別文昌仙舟向越鄉貴爲金馬客雅稱水曹郎  
白鷺同孤潔清波共渺茫相如辭賦外騷雅起何長

寄禮部鄭員外 羅隱

樂部門風大裴王禮樂優班資冠鵷舌人品厭龍  
夜直爐香細晴編疎草稠曾聞潘散騎三十二悲秋

晚春詣薊州贈武員外 王灣

蘇臺憶季常飛棹歷江鄉持此功曹掾初離華省郎

唐詩類苑 卷之四十五 三十五

貴門生禮樂明代東文章嘉璧位先進鴻儒名重陽  
爰從姻戚貶豈失忠信妨萬里行驥足十年睽鳳翔  
廻遷翊元聖入拜佇惟良別業對南浦羣書滿北堂  
意深投轄盛才重接筵光陋學叨鈇簡弱齡詞翰場  
神馳勞舊國顏展別殊方際晚雜氛散殘春衆物芳  
煙和疎樹滿雨續小溪長旅拙感成慰通賢顧不忘  
從來琴曲罷開匣爲君章

寄李十四員外布十二韻 杜甫

名參漢望苑職述景題輿巫峽將之郡荆門好附書  
遠行無自苦內熱比何如正是炎天潤那堪野館疎

黃牛平駕浪畫鷁上凌虛試待盤渦歇方期解纜初  
悶能過小徑自爲摘嘉蔬渚柳元幽僻村花不掃除  
宿陰繁素柁過雨亂紅蕖寂寂夏先晚冷冷風有餘  
江清心可瑩竹冷髮堪梳直作移巾几秋帆發故廬  
郡中端居有懷袁州王員外使君 羊士諤

憶作同門友承明奉直廬禁闈人自異休澣跡非疎  
珥筆金華殿三朝玉璽書恩光榮侍從文彩應符徐  
王自貞元以青眼真知我玄談愧起予蘭厄招促  
元和並掌客命王九精太玄自爲深知時在憲司休  
滕松砌引長裾注釋與予自躬冠服輒詰於庭示日

唐詩類苑 卷之四十五 三十六

集麗日流鶯早涼天墜露初前山臨紫閣曲水眺紅  
渠誥爲音塵曠俄驚歲月除風波移故轍符守忽離  
居濟物陰功在分憂盛業餘弱翁方大用延首遲雙  
魚

書事寄萬年厲員外 僧無可

帝城皆劇縣令尹美居東遂拜趙張下暫離星象中  
擁歸從北闕送上動南宮舉起盆中日驅行草上風  
不驚盧犬吠漸見夏臺空紫禁黃山遶滄溟素滌通  
封疆親日月邑里出王公逐盜千門啓興祥五稼豐  
胥徒迎曉集賦稅共秋終條教關天道歌謠達聖聰

土膏寒麥覆人海畫塵蒙厓宇松連翠朝街日散紅  
文塲新桂茂粉署舊蘭崇留客把盈爵抽毫詠早鴻  
公與諸文士賦早鴻詩前騶潘岳貴故里邵平窮勸隱連峯久  
期耕樹谷同鳬飛將去葉劒氣尚埋豐何必華陰土  
方垂拂拭功

送陸員外赴潮州

郎士元

含香臺上客剖竹海邊州楚地多歸信閩溪是亂流  
今朝永嘉興重見謝公遊

寄司勳盧員外

李頎

流漸臘月下河陽草色新年發建章秦地立春傳太  
唐詩類苑卷之四十五

史漢宮題柱憶仙郎歸鴻欲度千門雪侍女新添五  
夜香早晚薦雄文似者故人今已賦長楊

寄池州鄭員外

羅隱

獸繞朱輪酒滿船郡城瀟灑貴池邊衣同萊子曾分  
筆房似袁宏別有天九點好山樓上客兩行高柳雨  
中煙陵陽百姓將何福社舞村歌又一年

處州獻盧員外

方干

纔下軺車卽歲豐方知盛德與天通清聲漸出震瀛  
外喜氣全歸教化中落地遺金終日在經年滯獄當  
時空直緣後業無功業不慮文翁不至公

寄同年盧員外

黃滔

聽盡鶯聲出雍州秦吳煙月十經秋龍門在地從人  
上郎省連天須鶴遊休戀一臺推妙絕已經三字入  
精求當年甲乙皆華顯應念槐宮今雪頭

酬寄右司李員外

羅隱

當年憶見桂枝春自此情途未四旬左省望高推健  
筆右曹官重得名人閑摘麗藻嫌秋興靜獵遺編笑  
過秦猶把隋和向泥滓應憐疎散任天真

送雪川鄭員外

羅隱

明時塞詔列分麾東擁朱輪出帝畿銅虎貴提天子  
唐詩類苑卷之四十五

印銀魚榮傍老萊衣歌聽茗塢春山暖詩詠蘋洲暮  
鳥飛知有掖垣南步在可能須待政成歸

送蘄州裴員外

羅隱

六枝仙桂最先春瀟灑高辭九陌塵兩晉家聲須有  
主大朝文稱別無人榮驅豹尾拋同輩貴上摘頭見  
近臣蘄水蒼生莫翳賴眼看歸去掌絲綸

孫員外赴闕後重到三衢

羅隱

遠山高樹思悠悠哉重倚危樓盡一杯謝守已隨徵詔  
入魯儒猶逐斷蓬來地寒謾憶移暄手時急方須濟  
世才宣室夜闌如有問可能全忘未燃灰

寄三衢孫員外

羅隱

小敷文伯見何時南望三衢渴復饑天子未能崇典  
誥諸生徒欲戀旌旗風高綠野苗千頃露冷平樓酒  
滿卮盡是數旬倍奉處使君爭肯不相思

東山之遊未遂漸逼行期作四十字奉寄翁

文堯員外

黃滔

輶車難久駐須到別離時北闕定歸去東山空作期  
綠苔勞掃徑丹鳳欲銜詞楊柳開帆岸今朝淚已垂

贈信州高員外

方干

溪勢盤迴遶郡流曉光春色滿溪樓豈唯啼鳥催人

唐詩類苑

卷之四十五

三九

醉更有繁花笑客愁蹇拙命中迷直道仁慈風裏駐  
扁舟膺門莫感深恩去經殺微軀未足酬

送杭州李員外

方干

政成何用滿三年上界羣仙待謫仙便副新恩歸紫  
禁還從舊路上青天笙歌悲咽當離席更漏丁東在  
畫船必恐駐班留立住前頭咫尺是爐煙

上鄭員外

方干

爲郡至公兼至察古今能有幾多人憂民亦似清吟  
苦守節還如未達貧利刃從前堪切玉澄潭到底不  
容塵潛夫豈合干旌旆甘棹漁舟下釣綸

送鄭州嚴員外

羅隱

欲將刀筆潤王猷東去先分聖主憂滿扇好風搖鄭  
圃一車甘雨別皇州尚書磧冷鴻聲晚僕射陂寒樹  
影秋從此文星在何處武牢關外庾公樓

送鄭員外

韓翃

風流不減杜陵時五十爲郎未是遲孺子亦知名下  
士樂人爭唱卷中詩身齊吏部還多醉心顧尚書自  
有期要路眼看知已在不應窮巷久低眉

賀楊巨源博士拜虞部員外

王建

唐詩類苑

卷之四十五

四

合歸蘭署已多時上得金梯亦未遲兩省郎官開道  
路九州山澤屬曹司諸生拜別收書卷舊客看來讀  
制詞殘着幾九仙藥在分張還遣病夫知

贈司勳杜十三員外

李商隱

杜牧司勳字牧之清秋一首杜秋詩前身應是梁王  
惣名總還曾字總揀心鐵已從干鏌利鬚絲休嘆雪  
霜垂漢江遠弔西江水羊祜韋丹盡有碑時杜奉詔撰韋碑

送蘄州裴員外

李山甫

正作南宮第一人暫隨霓旆離羣曉從闕下辭天  
子春向江頭待使君五馬尚迷青瑣路雙魚猶惹翠

蘭芬明朝無路尋歸處禁樹參差隔紫雲

賀邢州盧員外

李山甫

紫泥飛詔下金鑾列象分明世仰觀北省諫書藏舊  
草南宮郎署握新蘭春歸鳳沼恩波暖曉入駕行瑞  
氣寒偏是此生棲息者滿衣零淚一時乾

贈婺州蘇員外

章碣

帝念瓊枝欲竝芳星分婺女寄仙郎鸞從闕下雖辭  
侶鴈到江都却續行員外弟中時任衢州煙月一時搜古句山  
川兩地植甘棠即看龍虎西歸去便佐義軒活萬方

上刑部盧員外

黃滔

唐詩類苑

卷之四十五

十一

誰識在官意開門樹色間尋幽頻宿寺乞假擬歸山  
半白侵吟鬢微紅見藥顏不知琴月夜幾客得同閑

遇羅員外袞

黃滔

灞陵橋外駐征轅此一分飛十六年豕角戴時垂素  
髮鷄香舍處隔青天綺園難貯林棲意班馬須持筆  
削權可忘自初相識地秋風明月客郵延

送翁員外承贊

黃滔

誰言吾黨命多奇榮美如君歷數稀衣錦還鄉翻是  
客廻車謁帝卻爲歸鳳旋北闕虛丹穴星復南宮逼  
紫微已分十旬無急詔天涯相送只沾衣

送裴員外往江西

李嘉祐

分務江南遠留驪幕下榮楓葉綠楚寒水驛到淦城  
岸草知春晚沙禽好夜驚風帆幾度泊處處暮潮聲

寄苗員外

章八元

舊宅天津邸槐陰接漢宮鳴騶馳道上見月直廬中  
白雲鹿青雲官早通悠悠天一綫千里恨清風

唐詩類苑

卷之四十五

十一

唐詩類苑卷第四十六

明雲間張之象玄超甫集

孫齊顏伯復甫編次

雲間王徹叔朗甫補訂

梁谿曹仁孫伯安甫校正

職官部

吏部

送吏部李侍郎東歸

蘇頌

陌上有光輝披雲向洛畿賞來榮扈從別至惜分飛  
泉溜含風急山煙帶日微茂曹今已矣人物喜東歸

唐詩類苑

卷之四十六

贈吏部孫員外濟

張諤

天子愛賢才星郎入拜來明光朝半下建禮直初回  
名帶含香發文隨綺幕開披雲自有鏡從此照僊臺

上張吏部

孟浩然

公門世緒昌才子冠裴王出自平津邸還爲吏部郎  
神仙餘氣色列宿動輝光夜直南宮靜朝遊北禁長  
時人窺水鏡明主賜衣裳翰苑飛鸚鵡天池待鳳凰

南部

贈裴南部

杜甫

塵滿萊蕪甌堂橫單父琴人皆知飲水公輩不偷金

梁獄書應作秦臺鏡欲臨獨醒時所嫉群小謗能深  
卽出黃沙在應須白髮侵使君傳舊德已見直繩心

黃門

送嚴黃門拜御史大夫再鎮蜀川兼觀省

岑參

授鉞辭金殿承恩戀玉墀登壇漢主用講德蜀人思  
副相韓安國黃門向子期刀州重入夢劒閣再題詞  
春草連青綬晴花間赤旗山鶯朝送酒江月夜供詩  
許國分憂日榮親色養時蒼生望已久來去不應遲

給事

唐詩類苑

卷之四十六

送蘇八給事出牧徐州相國請出同芳韻

盧僎

金鼎屬元方瑣闥連季常畏盈聊出守分命乃維良  
曉騎辭朝遠春帆向楚長賢哉謙自牧天下詠餘芳

訓郭給事

王維

洞門高閣靄餘輝桃李陰陰柳絮飛禁裏疎鐘官舍  
晚省中啼鳥吏人稀晨搖玉珮趨金殿夕捧天書拜  
瑣闥強欲從君無那老將因臥病解朝衣

贈趙給事

錢起

久飛鴛掖出時髦耻負平生稽古勞玉樹滿庭家轉

貴雲衢獨步位初高能迂騶馭尋螭舍不惜瑤華報  
木桃應念潛郎守貧病常悲休沐對蓬蒿

常侍

寄金吾李孫常侍

羅隱

西班牙禁兵蘭錡最分明曉色嚴天仗春寒避火城  
安危雖已任韜畧卽嘉聲請問何功德壺關寇始平

寄賀鄭常侍

李洞

山亦懷恩地高禽盡下飛吏穿霞片望僧掃月稜歸  
省拜堦煙近林居玉漏微曾令駐錫話聊用慰攀依

再投李益常侍

賈島

唐詩類苑

卷之四十六

三

何處初投刺當時赴尹京淹留花木變然諾肺腸傾  
避暑蟬移樹登高鴈過城人家嵩岳色公府洛河聲  
聯句逢秋盡嘗茶見月生新衣裁白紵思從曲江行

奉寄高常侍

杜甫

汶上相逢年頗多飛騰無奈故人何總戎楚蜀應全  
未方駕曹劉不啻過今日朝廷須汲黯中原將帥憶  
廉頗天涯春色催遲暮別淚遙添錦水波

獻大京兆薛常侍能

鄭谷

耻將官業競前途自愛篇章古不如一炷香新開道  
院數坊人聚避朝車縱遊藉草花垂酒閒臥臨牕燕

拂書唯有明公賞新句秋風不敢憶鱗魚

寄鍾常侍

羅隱

一從朱履步金臺藥苦水寒奉上台峻節不由人學  
得遠途終是自將來風高漸展摩天翼餘力呈

厦材應笑樟亭舊同舍九州無驗滿鑪灰

夏州胡常侍

羅隱

百尺高臺勃勃州大刀長戟漢諸侯征鴻過盡雲  
濶戰馬閒來塞草秋國計已推肝膽許家財不爲子  
孫謀仍聞隴蜀由多事深喜將軍未白頭

寄靈武胡常侍

方干

唐詩類苑

卷之四十六

四

青雲直上路皆通已在明君倚注中欲遣爲霖安九  
有先令作相贊東宮自從忠謹承天睭更用文編續  
國風最是何人感恩德謝敷星下釣魚翁

頌德上賈常侍

賈島

邊臣說使朝天子發語轟然激夏雷高節羽書期獨  
傳分符絳郡滯長材啁啾鳥恐鷹鷂起流散人歸父  
母來自顧此身無所立恭譚祖德朶願開

寄前宣州竇常侍

羅隱

往年西謁謝玄暉罇酒留懽醉始歸曲檻柳濃鶯未  
老小園花嫩蝶初飛噴香瑞獸金三尺舞雪佳人玉



一圍今日亂離尋不得滿蓑風雨釣魚磯

諫議

送李司諫歸京

岑參

別酒爲誰香春官駁正郎醉經秦樹遠夢怯漢川長  
雨過風頭黑雲開日脚黃知君解起草早去入文昌

寄姚諫議

僧無可

鳴鞭靜路塵籍籍諫垣臣由疏辭專密一作封爐香  
立獨親篋多臨水作牕宿臥雲人危坐開寒紙燈前  
起草頻

送李諫議歸荊州

錢起

唐詩類苑

卷之四十六

五

歸舟同不繫纖草刺忘憂禁掖曾通籍江城舊列侯  
暮帆依夏口春雨夢荊州何日朝雲陞隨君拜冕旒

宋公宅送賓諫議

宋之問

宋公爰創宅庾氏更誅茅間出人三秀平臨楚四郊  
漢臣來絳節荆牧動金鐃罇溢宜城酒笙裁曲沃匏  
露荷秋變節風柳夕鳴梢一散陽臺雨方隨越鳥巢

敬贈鄭諫議十韻

杜甫

諫官非不達詩義早知名破的由來事先鋒孰敢爭  
思飄雲物外律中鬼神驚毫髮無遺恨波瀾獨老成  
野人寧得所天意薄浮生多病休儒服冥搜信客旌

築居仙縹緲族食歲崢嶸使者求顏闔諸公厭新行

將期一諾重歛使寸心傾君見途窮哭宜憂阮步兵

李賈二大諫拜命後寄楊八壽州

劉禹錫

諫省新發二直臣萬方驚喜捧絲綸共知天子明如  
日肯放淮南高臥人

忝官諫垣明日轉對

鄭谷

吾君英睿相君賢其那寰區未晏然明日翠華春殿  
下不知何語可聞天

贈盧汀諫議

王建

唐詩類苑

卷之四十六

六

青娥不得在牀前空室焚香獨自眠功證詩篇雜景  
象藥成官位屬神仙閑過寺觀常衝夜立送封章直  
上天近見蘭臺諸吏說御詩新集未教傳

山中寄崔諫議

李昭象

半生猿鳥共山居吟月吟風兩處疎新句未嘗忘教  
化上才爭忍不吹噓全家欲去干戈後大國中興禮

樂初從此升騰休說命祇希公道數封書

補闕

贈陳二補闕

杜甫

世儒多汨沒夫子獨聲名獻納開東觀君王問長卿



皂鵬寒始急天馬老能行自到青冥裏休看日邊三

奉答岑參補闕見贈

杜甫

窈窕清禁闕罷朝歸不同君隨丞相後我往日華東  
冉冉柳枝碧娟娟花藥紅故人得佳句獨贈白頭翁

送郎四補闕東歸

錢起

無事共千世多時廢隱淪相看戀簪組不覺老風塵  
勸酒憐今別傷心倍去春徒言樹萱草何處慰離人

送惠補闕

林寬

詔下搜巖野高人入竹林長因抗疏日便作去官心  
清俸供僧盡滄洲寄跡深東門有歸路徒自棄華簪

唐詩類苑

卷之四十六

七

詔許昌崔明府拜補闕

錢起

儒者久營道詔書方問賢至精一耀世高步誰同年  
何樹可棲鳳高梧枝拂天脫身鳥裏載筆虎闥前  
日月傳軒后衣冠真列仙則知驪龍珠不秘清冷泉  
才子貴難見郢歌空復傳惜哉效顰客心想勞嬋娟

訓李補闕

皇甫冉

十年歸客但心傷三徑無人已自荒夕宿靈臺伴煙  
月晨趨建禮逐衣裳偶因麋鹿隨風草謬荷鵝鸞借  
末行縱有諫書猶未獻春風拂地日空長

寄鄭補闕

羅隱

夫十門前數仞墻每經過處憶遊梁路從青瑣無因  
見恩在丹心不可忘未必便爲譏口隔只應貪草諫  
書忙別來愁悴知多少兩處槐花馬上黃

上李補闕

黃滔

十洲非暫別龍尾肯慵登諫草封山藥朝衣施衲僧  
月留江客待句歷釣船徵終恐林棲去餐霞葉上昇

拾遺

寄左省杜拾遺

岑參

聯步趨丹陛分曹限紫微曉隨天仗入暮惹御香歸  
白髮悲花落青雲羨鳥飛聖朝無闕事自覺諫書稀

唐詩類苑

卷之四十六

八

上廣州天使王拾遺

曹松

明時應不諫天幕稱仙才聘入關中去人從帝側來  
詩牋盛島嶼檄質照風雷幾度陪旌節營巡海色迴

送耿漳拾遺聯句

顏真卿

堯舜逢明主嚴徐得侍臣分行接三事高興栢梁新  
真卿 楚國千山道秦城萬里人鏡中看齒髮河上有

煙塵

取漳

望闕飛青翰朝天憶紫宸喜來歡宴洽愁

去詠歌頻

真卿

顧盼情非一睽攜處亦頻吳興賢大

守臨水最殷勤

取漳

贈司空拾遺

僧太易

侍臣何事辭雲陛江上微吟見雪花望闕來承丹鳳  
詔開門空對野人家陳琳草奏才還在王粲登樓興  
不賒高館更吟塵外客仍令歸路待瑤華

送崔郊拾遺

盧綸

皎潔無瑕清玉壺晚乘華轡向天衢石建每聞宗孝  
謹劉歆不敢銜師儒諫修郊廟開宸慮議按休徵淺  
瑞圖今日攀轅復何者轅門垂白一愚夫

寄翁文亮拾遺

黃滔

唐設高科表用文吾曹誰作諫垣臣甌山秀氣曠千  
古鳳闕華恩鍾二人起草便論天上事如君不是世

唐詩類苑

卷之四十六

九

間身龍頭龍尾前年夢今日須憐應若神在宛陵夢  
文亮作狀頭及第又申四月十二夜在清源夢  
到殿前東道自西厲聲唱翁某拜右省拾遺

送翁拾遺

黃滔

還家還赴闕別思肯淒淒山坐輶車看詩持諫筆題  
天開中國大地設四維低拜舞吾君後青雲更有梯

舍人

贈劉舍人古意

徐彥伯

支牀閱靈鳥文章世所希巢君碧梧樹舞君青瑣闥  
或言鳳池樂撫翼更西飛鳳池環禁林仙閣霧沈沈  
璇題激流目珠綴綿清陰郁穆帝言重熒煌台座深

風張丹虎翮月美素琴音雙彩結不散孤英歧莫尋  
浩歌在西省經傳恣潛心

韓翃舍人卽事

李商隱

萱草含丹粉荷花抱綠房鳥應悲蜀帝蟬是怨齊王  
通內藏珠府應官解玉坊橋南荀令過十里送衣香

寄制誥李舍人

羅隱

梁王握豹韜雪裏見枚臯上客趨丹陛遊人歎二毛  
門閒知待詔星動想濡毫一首長楊賦應嫌索價高

奉和趙給事使君留贈李婺州舍人兼謝舍

人別駕之什

劉長卿

唐詩類苑

卷之四十六

十一

便道訪情親東方千騎塵禁深分直夜地遠獨行春  
絳闕辭明主滄洲識近臣雲山隨候吏鷄犬逐歸人  
庭顧婆娑老邦傳蔽芾新玄暉翻佐理聞到郡齋頻

寄中書劉舍人

韋應物

雲霄路竟別中年跡暫同比翼趨丹陛連騎下南宮  
佳詠邀清月幽賞滯芳叢迨予一出守與子限西東

晨露方愴愴一作蒼離抱更忡忡忽睹九天詔秉綸歸

國工玉座浮香氣秋禁散涼風應向橫門度一作環

珮杳玲瓏光輝恨未曛歸思坐難通蒼蒼松桂姿想

在掖垣中

鄂渚送白舍人赴杭州 朱慶餘

豈知鸚鵡洲邊路得見鳳凰池上人從此不同諸客  
禮故鄉西與郡城鄰

贈獻納起居田舍人澄 杜甫

獻納司存雨露邊地分清切任才賢舍人退食收封  
事宮女開函近御筵曉漏近趨青瑣閣晴窗檢點白  
雲篇楊雄更有河東賦唯待吹噓送上天

贈闕下裴舍人 錢起

二月黃鶯飛上林春城紫禁曉陰陰長樂鐘聲花外  
盡龍池柳色雨中深陽和不散窮途恨霄漢長懸捧

唐詩類苑 卷之四十六 十一

日心獻賦十年猶未遇羞將白髮對華簪

獻制誥楊舍人 鄭谷

為郡東吳祗飲水瑣闥須降鳳書徵隨行已有朱衣  
更伴直多招紫閣閑窗下調琴鳴遠水簾前睡鶴背  
秋燈葦陂竹塢情無限閒話毘陵問杜陵

鄭州獻盧舍人 羅隱

海槎閒暇閨風輕不是安流不肯行鷄省露濃湯餅  
熟池煙暖詔書成魚書已合光儒夢堯印何妨且  
治身食術兩都收復後右圖儀表左題名

北張舍人 方干

海內芳聲誰可並承家三代初門深剖符已副東人  
望援筆曾傳聖主心此地清塵雖飲水四方焦熱待  
為霖他年莫學鴟夷子遠汎扁舟用鑄金

上翰林蕭舍人 溫庭筠

人間鴛鴦香難從獨恨金屏直九重萬象晚歸仁壽  
鏡百花春隔景陽鐘紫微芒動詞初出紅燭香殘詔  
未封每過朱門愛庭樹一枝何日許相容

上翰林蔣防舍人 朱慶餘

清重可過知內制從前禮絕外庭人看花任處多隨  
駕召宴無時不及旬馬自賜來騎覺穩詩緣得後意

唐詩類苑 卷之四十六 十二

長新應憐獨在文場久十有餘年浪過春

上翰林李舍人 朱慶餘

記得早年曾拜識便憐孤進賞文章免令汨沒慚時  
輩與作聲名徹舉場一自鳳池承密旨因今世路接  
餘光雲泥雖隔思長在縱使無成也不忘

奉寄中書王舍人 皇甫曾

腰金載筆謁承明至道安禪得此生西掖幾年綸綍  
賁東山遙夜辟蘿情風傳漏刻星河曙月上梧桐雨  
露清聖主好文誰為薦閑門空賦子虛成

上裴度舍人 王建

少松雙對鳳池開履跡衣香逼上台天意皆從彩毫  
出宸心盡向紫煙來非時玉案呈宣旨每日金堦謝  
賜還仙侶何因記名姓縣丞頭白走塵埃

寄白二十二舍人

張籍

早知內詔過先輩踴躍江南百事疎滄浦城中爲上  
佐爐峰寺後著幽居偏依仙法多求藥長共僧遊不  
讀書三省比來名望重肯容君去樂樵漁

喜侯舍人蜀中新命三首

黃滔

八都詞客漫喧然誰解飛揚誥誓間五色綵毫裁鳳  
詔九重天子豁龍顏巴山月在趨朝去錦水煙生入

唐詩類苑

卷之四十六

十三

閣還謀及中興多少事莫愁明月不收關

却搜文學起吾唐暫失都城亦未妨錦里幸爲丹鳳  
闕幕賓徵出紫微郎來時走馬隨中使到日援毫定  
外方若以掌言看諫獵相如從此病輝光

賈誼纔承宣室召左思唯豫秘書流賦家達者無過  
此翰苑今朝是獨遊立被御爐煙氣逼吟經棧閣雨  
聲秋內人未識江淹筆竟問當時不早求

寄同年封舍人渭

黃滔

唐城接軫赴秦川憂令懼離驟十年龍領摘珠同泳  
海鳳銜輝翰別昇天八行眞跡雖收拾四戶高局柰

隔懸能使丘門終始雪莫教華髮獨潛然

中書

奉上徐中書

褚朝陽

中禁仙池越鳳凰池邊詞客紫微郎既能作頌雄風  
起何不時吹蘭蕙香

同程九早入中書

錢起

漢家賢相重英奇蟠木何材也見知不意雲霄能自  
致空驚鵷鷺忽相隨臘雪初明柏子殿春光欲上萬  
年枝獨慚皇鑒明如日未厭春光向玉墀

起居

唐詩類苑

卷之四十六

十四

和李起居秋夜之作

薛奇童

過庭聞禮日趨視寄言回獨臥玉窻前卷簾殘雨來  
高秋南斗轉涼夜北堂開水影入朱戶螢光生綠苔  
簡成良史筆年是洛陽才莫重白雲意時人許上台

寄左省張起居

鄭谷

含香復記言清秋稱當年點筆還簪筆朝天最近天  
家聲三相後公事一人前詩句江郎伏書蹤甯氏傳  
起居今太師盧公風標欺鷺鶴才力湧沙泉居僻貧  
宅相倚樓書去風標欺鷺鶴才力湧沙泉居僻貧  
無慮名高退更堅漁舟思靜汎僧榻寄閒眠消息當  
彌入絲綸的粲然依棲常接跡屬和舊盈編開口人

皆信淒涼是謝朓谷在舉場時與起居有恩也

寄左省韋起居

鄭谷

風神何蘊藉，張緒正當年。端簡鑪香裏，濡毫洞案邊。飾裝無雨備，著述減春眠。旦夕應彌入，銀臺曉候宣。

訪王起居不遇留贈

韓翃

雙龍闕下拜恩初，天子令君注起居。載筆已齊周右史，論詩更事謝中書。行間漏滴隨金仗，入對爐煙侍玉除。賀客自知來獨晚，青驪不見意何如。

寄右省李起居

韋莊

已向鵷行接鴈行，便應雙拜紫微郎。纔聞闕下徵書

唐詩類苑

卷之四十六

十五

急已覺回朝草詔忙。白馬似憐朱紱貴，綵衣遙惹御爐香。多慚十載遊梁客，換青衿侍素王。

翰林

逢王十二學士入翰林，因以詩贈。時貞元十二年以監

田尉充學士

劉禹錫

廐馬翩翩禁外逢，星槎上漢杳難從。定知欲報淮南詔，促召王褒入九重。

學士

集賢書院成送張說上集賢學士賜宴得珍

字

玄宗

廣學開書院，崇儒引席珍。集賢招衆職，論道

禮樂洽。今古文章，韋新獻酬，尊俎列，賓主位，

節變雲初，夏時移氣，尚春所希，光史冊，千載仰，茲辰

奉和聖製送張說上集賢學士賜宴得華字

韋述

修文中禁起，改字令名加。台座徵人傑，書坊應國華。賦詩開廣宴，賜酒酌流霞。雲散明金闕，池開照玉沙。

掖垣留宿鳥，溫樹落餘花。謬此天光及，銜恩醉日斜。

奉和聖製送張說上集賢學士賜宴得迎字

源乾曜

唐詩類苑

卷之四十六

十六

盛業光書府，徵人盡國英。司綸賢得相，群俊學爲名。寵命垂天錫，崇恩發睿情。薰風清禁籞，文殿述皇明。

日霽庭陰出，池曛水氣生。歡娛此無限，詩酒自相迎。

奉和聖製送張說上集賢學士賜宴得西字

韋抗

廣庭臨碧沼，多士侍金闕。英宰文儒叶，明君日月齊。集賢光首拜，吹殿發新題。早夏初移律，餘花尚拂蹊。

壺觴接雲上，經術引關西。聖德鴻名遠，將陪玉檢泥。

奉和聖製送張說上集賢學士賜宴得昇字

裴淮

問道圖書盛尊儒禮教興石渠因學廣金殿爲賢昇  
日月恩光照風雲寵命膺謀謨言可範舟楫事斯憑  
宴喜明時洽光輝湛露凝大哉堯作主天下頌歌稱  
奉和聖製送張說上集賢學士賜宴得催字

李 昂

優武堯風接崇文漢道恢集賢更內殿清選自中台  
佐命留侯業詞華博物本天厨千品降御酒百壺催  
鷄鷺方成列神仙喜暫居復欣同拜首叨此頌良哉  
奉和聖製送張說上集賢學士賜宴得賓字

劉 昇

唐詩類苑

卷之四十六

十七

圖書應明主策府宴嘉賓台耀臨東壁乾光自北辰  
網羅窮象繫述作究天人聖酒千鍾洽仙厨百味陳  
成山徒可仰涉海詎知津幸逢文教盛還睹頌聲新  
奉和聖製送張說上集賢學士賜宴得謨字

賀知章

西學垂玄覽東堂發聖謨天光燭武殿時宰集鴻都  
枯朽霑皇澤翺飛舞帝梧跡同遊汗漫榮是拔泥塗  
三聘承湯鼎千歡接舜壺微軀不可答空欲詠依蒲  
奉和聖製送張說上集賢學士賜宴得筵字

王 翰

東堂起集賢貴得俊神仙首命台階老將崇  
送人鏘玉珮中使拂瓊筵和樂薰風解湛恩時  
長材成磊落短翮強翩躚徒仰蓬萊地何階不讓綠  
奉和聖製送張說上集賢學士賜宴得蓮字

趙冬曦

淺術方觀海恩深忽見天學開丹殿籍名與石渠賢  
良輔膺休命微生謬採甄春餘仍哢鳥夏近未舒蓮  
牋札來宸禁衣冠集詔筵史臣知醉德欲記升中年  
奉和聖製送張說上集賢學士賜宴得私字

李元紘

唐詩類苑

卷之四十六

十八

碩儒延鳳詔金馬被鴻私饌玉趨丹禁茂花降紫墀  
銜恩傾旨酒鼓舞詠康時暫纂群書輯逾昭盛業丕  
接筵欣有命擗管愧無詞自驚一何幸太陽還及蔡  
奉和聖製送張說上集賢學士賜宴得迴字

程行誼

聖主崇文化鏘鏘得盛才相因歸夢立殿以集賢開  
象繫微言闡詩書至道該堯樽承帝澤禹膳自天來  
禮洽歡逾長風恬暑更迴國朝將舜頌同是一康哉  
奉和聖製送張說上集賢學士賜宴得今字

陸 堅

聖主崇文教層霄降德音尊賢澤既厚式宴寵光深  
復有夔龍相良哉簡帝心得人惟邁昔多士諒推今  
書殿榮光滿儒門喜氣臨顧惟成濫吹徒此接衣簪  
奉和聖製送張說上集賢學士賜宴得登字

蕭嵩

帝曰簡才能旌賢在股肱文章體一變禮樂道逾弘  
芸閣英華入賓門鵷鷺登恩筵過所望聖澤實超恒  
夏葉開紅藥餘花發紫藤微臣亦何幸叨此預文明  
奉和聖製送張說上集賢學士賜宴得風字

褚琬

唐詩類苑

卷之四十八

十九

講習延東觀超陪盛北宮推師恢帝則教教叶天工  
宣室恩常異金華禮更崇洞門清永日華綬接微風  
蓮降堯厨翠榴看舜酒紅文思光萬宇高議待升中  
奉和聖製送張說上集賢學士賜宴得茲字

蘇頌

肅肅金殿裏招賢固在茲鏘鏘石渠內序拜亦同時  
燕賜歡譚道文成貴說詩用儒今作相敦學舊爲師  
下濟天光近中來帝渥滋國朝良史載能事日論思  
奉和聖製送張說上集賢學士賜宴得虛字

徐堅

崇文德化洽新殿集賢初庸菲衆嘉選首登承明庭  
殊私光輔弼榮送到簪裾座引中厨饌杯錫上樽餘  
翠葉濃丹苑晴空卷碧虛忝同文史地願草答封書  
奉和聖製送赴集賢院賜宴得輝字

張說

待帝金華講千齡道固稀位將賢士設書共學徒歸  
首命深燕隗通經淺漢韋列筵榮賜食送客愧儒衣  
賀燕窺簷下遷鶯入殿飛欲知朝野慶文教日光輝  
贈翰林張四學士

杜甫

唐詩類苑

卷之四十六

二十

賦詩拾翠殿佐酒望雲亭紫詰仍兼綰黃麻似六經  
內分金帶赤恩與荔枝青無復隨高鳳空餘泣聚螢  
此生任春草垂老獨漂萍憶山陽會悲歌在一聽  
奉留贈集賢院崔于二學士

杜甫

昭代將垂白窮途乃叫閭氣衝星象表詞感帝王尊  
天老書題目春官驗討論倚風遺鴈路隨水到龍門  
竟與蛟螭雜寧無燕雀喧青雲猶契濶陵厲不飛翻  
儒術誠難起家聲庶已存故山多藥物勝槩憶桃源  
欲整還鄉旆長懷禁掖垣謬稱三賦在難述二公恩



早秋集賢院卽事

時爲學士

劉禹錫

金數已三伏火星正西流樹含清露曉閣倚碧天  
灰瑱應新律銅壺添夜籌商飈從朔塞爽氣入神州  
蕙草香書殿槐花點御溝山明眞色見水靜濁煙收  
早歲忝華省再來成白頭幸依郡王府末路尚瀛洲

寄白學士

張籍

自掌天書見客稀縱因休沐鎖雙扉幾回扶病欲相  
訪知向禁中歸未歸

寄令狐學士

李商隱

秘殿崔嵬拂彩霓曹司今在殿東西賡歌太液翻黃  
唐詩類苑

卷之四十六

三十一

鵠從獵陳倉獲碧鷄曉飲豈知金掌迴夜吟應訝玉  
繩低鈞天雖許人間聽閭闔門多夢自迷

寄楊贊圖學士

學士與元昆俱  
以龍圖登選

黃滔

東堂第一領春風時怪關西小驥慵華表柱頭還有  
鶴華歆名下別無龍君恩鳳閣含毫數詩景珠宮列  
肆供今日江南駐舟處莫言歸計爲雲峰

寄同年崔學士

黃滔

半因同醉杏花園塵忝鴻鑪與鑄顏已脫素衣酬素  
髮敢持青桂愛青山雖知珠樹懸天上終賴銀河接

世間畢使海涯能拔宅三秦二十四畿寰

酬楊學士

黃滔

神仙簿上愧非夫詔作疑舟兩入爐詩裏幾曾吟芍  
藥花中方得見萑蒲陽春唱後應無曲明月圓來別  
是珠莫下蓬山不迴首東風猶待重搏扶

出京別崔學士

黃滔

一從門館遍投文旋忝恩知驟出群不道鶴鷄殊羽  
翼許依龍虎借風雲命奇未便乘東律言重終期雪  
北軍欲逐飄蓬向岐路數宵垂淚戀清芬

詹事

唐詩類苑

卷之四十六

三十二

送郝詹事

韋應物

聖朝列群彥穆穆佐休明君子獨知止志卑守國程  
忠良信舊德文學播英聲既獲天爵美况將齒位并  
書奏蒙省察命駕乃東征皇恩賜印綬歸爲田里榮  
朝野同稱歎園綺辭齊名長衢軒蓋集飲餞出西京  
時屬春陽節草木已含英洛川當盛宴斯焉爲達生  
庶子

上李益庶子

王建

紫煙樓閣碧紗亭上界詩仙獨自行奇險驅迴還寂  
寞雲山經用始鮮明藕綃紋縷裁來滑鏡水波濤



得清昏思願因秋露洗幸容堦下禮先生

洗馬

送康洗馬歸滑州

韓翃

腰佩雕弓漢射聲東歸銜命見雙旌青絲玉勒康侯馬孟水金隄滑伯城臘雪夜香宜縱飲寒蕪盡歲不妨行懷君又隔千山遠別後春風百草生

夏日寄高洗馬

賈島

三十年來長在客兩三行淚忽然垂白衣蒼髮經霜過  
懶赤日朱門偃息遲花發應耽新熟酒草頻還寫早  
朝詩不緣馬死西州去盡角堪聽是晚吹

唐詩類苑

卷之四十六

三

秘書

贈李八秘書別三十韻

杜甫

往時中補右扈蹕上元初反氣凌行在妖星下直廬  
六龍瞻耀闕萬騎畧姚墟玄朔回天步神都憶帝車  
一戎纔汗馬百姓免爲魚通籍蟠螭印差肩列鳳輿  
事跡迎代邸喜異賞朱虛寇盜方歸順乾坤欲晏如  
不才同補衮衣詔許牽裾鵠驚叨雲閣麒麟滯玉除  
文園多病後中散舊交疎飄泊哀相見平生意有餘  
風煙巫峽遠臺榭楚宮虛觸目非論故新文尚起予  
清秋彫碧柳別浦落紅蕖消息多旗幟經過數皇圖

戰連唇齒國軍急羽毛書幕府籌頻問山家正

台星入朝謁使節有吹噓西屬災長弭南翁

對敷坑士卒乾沒費倉儲勢藉兵須用功無禮忽

御鞍金騾裏官硯玉蟾蜍拜舞銀鈎落恩波錦帕舒

此行非不濟良友昔相於去棹依顏色沿流想疾徐

沈綿疲井白倚薄似樵漁乞米煩佳客鈔詩聽小胥

杜陵斜照晚滴水帶寒淤莫話青溪髮蕭蕭白映梳

贈王秘書

張籍

不曾浪出謁公侯唯向花間水畔遊每着新衣看藥  
竈多收古器在書樓有官祇作山人老平地能開洞

唐詩類苑

卷之四十六

二十四

穴幽自領閒司了無事得來君處喜相留

酬秘書王丞見寄

張籍

相看頭白來城闕却憶漳鄉舊往還今體詩中偏出  
格常叅官裏每同班街西借宅多鄰水馬上行人亦  
說山芸閣水曹雖最冷與君長喜得身閒

贈王秘書

張籍

早在山東聲價遠曾將順策佐嫖姚賦來詩句無閒  
語老去官班未任朝身屈祇聞詞客說客貧多見野  
僧招獨從書閣歸時晚春水渠邊看柳條

寄楊十二秘書

王建

初移古寺正南方靜是浮山遠是莊人定猶行背街  
鼓月高還去打僧房新詩欲寫中朝滿舊卷常抄外  
國將閒出天門醉騎馬可憐蓬閣秘書郎

校書

送李校書二十六韻

杜甫

代北有豪鷹生子毛盡赤渥洼麒麟兒尤異是龍春  
李舟名父子清峻流輩伯人間好妙手不必須白首  
十五富文史十八足賓客十九授校書二十聲輝赫  
眾中每一見使我潛動魄自恐二男兒辛勤養無益  
乾元元年春萬姓始安宅舟也衣絲衣告我欲遠適

唐詩類苑

卷之四十六

三十五

倚門固有望敏莊就行役南登吟白華已見楚山碧  
謫謫咸陽郡冠蓋日雲積何時太夫人堂上會親戚  
汝翁明光天子前席歸期豈汗漫別意終感激  
顧我蓬室安謬題金閨籍小來習性懶晚節懶轉劇  
每愁悔吝作如覺天地窄美君齒髮新行已能夕惕  
臨岐意頗切對酒不能喫迴身視綠野慘澹如荒澤  
老鴈忍春饑哀號待枯麥時哉高飛燕絢練新羽翮  
長雲濕裊斜漢水饒巨石無令軒車遲衰疾悲宿昔  
張建封大夫奏系為校書郎因寄此作

秦系

久是煙霞客潭深釣得魚不知芸閣上遺校幾多書

送秘書虞校書赴虞卿丞岑參

花綬傍腰新關東縣欲春殘書厭蚪蚪舊閣別麒麟  
虞坂臨官舍條山映吏人看君有知己坦腹向平津

送裴校書

賈島

拜官從秘書省署職在藩維多故長疎索高秋遠別  
天寒泗上醉夜靜岳陽碁使府臨南海帆飛到不遲

寄袁都校書

許渾

擾擾換時節舊山琪樹陰猶垂青漢志方負白雲心  
廣陌塵埃遠重門管吹深勞歌極西望芸省有知音

唐詩類苑

卷之四十六

三十六

贈柳璟馮陶二校書

許渾

霄漢雨飛鳴喧喧動禁城桂堂同日盛芸閣間年榮  
香掩蕙蘭氣韻高鸞鶴聲應憐茂陵客未有子虛名

和左衛武倉曹衛中對雨劇韻贈右衛李騎

曹二人同任校書

林父同官意宜尼久敬交文場刊玉篆武事習金鏡  
道合宜連茹時清豈繫匏克勤居簿領多暇屏譴詭  
美酒懷公譙玄談俟客嘲薄雲生北闕飛雨自西郊  
院暑便清曠庭蕪覺漸苞高門關詎閉人逸韻挂難  
膠枳棘驚無歎倚梧鳳必巢忽聞徵並作觀海愧堂

切

代秘書贈弘文館諸校書 李商隱

清切曹司近玉除比來秋興復何如崇文館裏丹霄後無限紅梨憶校書

送韓校書

許渾

恨與前歡隔愁因此會同跡高芸閣吏名散雪樓翁城閉三秋雨帆飛一夜風酒醒鱸膾美應在竟陵東

送王十三校書分司

李商隱

多少分曹掌秘文洛陽花雪夢隨君定知何遜緣聯句每到城東憶范雲

唐詩類苑

卷之四十六

二十七

題贈李秘書

方干

名場失手一年年月桂嘗聞到手邊誰道高情偏似鶴自云長嘯不如蟬衆花交豔多成實深井通潮半雜泉却是偶然行未到元來有路上寥天

贈弘文館校書

李遠

高倚霞梯萬丈餘共看移步入宸居曉隨鸞鷟排金鎖靜對鉛黃校玉書漠漠禁煙籠遠樹泠泠宮漏響前除還聞漢帝親詞賦好爲從容奏子虛

敷水盧校書

黃滔

九霄無詔下何事近清塵宅帶松蘿僻日唯鰥鳥親

吟高僊掌月期有洞庭人莫問煙霞句懸知見嶽神

正字

寄趙正字

孟浩然

正字芸香閣幽人竹葉園經過宛如昨歸臥寂無喧高鳥能擇木羝羊謾觸藩物情今已見從此願無言

送王伯倫應制授正字歸

岑參

當年最稱意數子不如君戰勝時偏許名高人共聞半天城北雨斜日灞西雲蚪蚪皆成字無令錯古文

送郭正字

耿湋

濟江篇已出書府俸猶貧積雪商山道全家楚塞人

大堤逢落日廣漢望通津却別魚潭下驚鷗那可親

寄徐正字寅

黃滔

八月月如水登樓見姑射美人隔千里相思無羽駕紅闌哀露衰誰以流光訝何當詩一句同吟祝玄化

謝徐正字寅

黃滔

已免蹉跎負歲華敢辭霜鬢雪呈花名從兩榜考昇第官自三台追起家匹馬有期歸輦轂故山無計戀桑麻莫言蓬閣從容久披處應知金在砂

著作

別蔡十四著作

杜甫

賈生慟哭後寥落無其人安知蔡夫子高義邁等倫  
獻書謁皇帝志已清風塵流涕灑丹極萬乘爲酸辛  
天地則瘡痍朝廷多正臣異才復間出周道日惟新  
使蜀見知己別顏始一伸主人薨城府扶襯歸咸秦  
巴道此相逢會我病江濱憶念鳳翔都聚散俄十春  
我衰不足道但願子意陳稍令社稷安自契魚水親  
我雖消渴甚敢忘帝力勤尚思未朽骨復覩耕桑民  
積水駕三峽浮龍倚長津揚舲洪濤間仗子濟物身  
鞍馬下秦塞王城通北辰玄甲聚不散兵久食恐貧  
窮谷無粟帛使者來相因若憑南轅使書札到天垠

唐詩類苑

卷之四十六

二十九

贈樊著作

白居易

陽城爲諫議以正事其君其手如屈軼舉必指佞臣  
卒使不仁者不得秉國鈞元稹爲御史以直立其身  
其心如肺石動必達窮民東川八十家冤憤一言伸  
劉闢肆亂心殺人正紛紛其嫂曰庾氏棄絕不爲親  
從使萌逆節隱心潛負恩其佐曰孔戡捨去不爲賓  
凡此士與女其道天下聞常恐國史上但記鳳與麟  
賢者不爲名名彰教乃敦每惜若人輩身死名亦淪  
君爲著作郎職廢志空存雖有良史才直筆無所申  
何不自著書實錄彼善人編爲一家言以備史闕文

題鄭十八著作

杜甫

台州地澗海冥冥雲水長和島嶼青亂後故人雙別  
淚春深逐客一浮萍酒酣舞舞誰相拽詩罷能吟不  
復聽第五橋東流恨水皇陂岸北結愁亭賈生對鵬  
傷王傳蘇武看羊陷賊庭可念此心懷直道也霑新  
國用輕刑彌衡實恐遭江夏方朔虛傳是歲星窮巷  
悄然車馬絕案頭乾死讀書螢

顧著作宅賦

包佶

幾年江海煙霞乘醉一到京華已覺不嫌羊酪誰能  
常守免置脫巾偏招相國逢竹便認吾家各在芸臺

唐詩類苑

卷之四十六

三十

閣裏煩君日日登車

博士

贈別太常李博士兼寄兩省舊遊

韓翃

兩年戴武弁趨侍明光殿一朝簪惠文客事信陵君  
簡異當朝執香非寓直薰差肩何記室攜手李將軍  
玉鐙初回酸棗館金鈿正舞石榴裙忽驚萬事隨流水  
不見雙旌逐塞雲感舊撫心多寂寂與君相遇頭  
初白暫誇五首軍中詩還憶萬年枝下客昨日留歡  
今送歸空披秋水映斜暉閒吟佳句對孤鶴惆悵寒

霜落葉稀

國子柳博士兼領太常博士輒申賀贈

皇甫曾

博士本秦官求才帖職難臨風曲臺淨對月碧池寒  
講學分陰重齋詞曉漏殘朝衣辨色處雙綬更宜看

呈薛博士

喻 颢

辛勤長在學一室少曾開時憶暮山寺獨登哀草臺  
名期五字立迹愧九年來此意今聊寫還希君子哀

寄侯博士

羅 隱

規諫揚雄賦遘迴賈誼官久貧還往少孤立轉遷難

唐詩類苑

卷之四十六

三十一

清鏡流年急高槐旅舍寒侏儒亦何有飽食向長安

贈令狐博士

張 籍

頭白新年六十餘近聞生計轉空虛久爲博士誰能  
識自到長安賃舍居騎馬出隨尋寺客呼兒散紙乞  
錢書古來賢哲皆如此應是才高與衆疎

贊善

贈韋七贊善

杜 甫

鄉里衣冠不乏賢杜陵韋曲未央前爾家最近魁三  
象時論同歸尺五天北走關山開雨雪南遊花柳塞  
雲煙洞庭春色悲公子蝦菜忘歸范蠡船

謝田贊善見寄

王 建

五侯三任一作仕未相稱頭白如絲作縣丞錯判符曹

群吏笑亂書巖石一山憎自知酒病衰腸怯遙怕春  
殘百鳥凌年少力生猶不敵況加顚顚悶騰騰

長史

送蘇州姚長史

韓 翃

江城驛路長煙樹過雲陽舟領青絲纜人歌白玉郎  
葛衣行柳翠花簾宿荷香別有心期處湖山滿訟堂

送盛長史

朱慶餘

莫辭東路遠此別豈閒行職處中軍要官兼上佐榮

唐詩類苑

卷之四十六

三十二

野亭楓葉暗秋水藕花明拜省期將近孤舟促去程

送鄭長史之嶺南

賈 島

雲林頗重疊岑渚復幽奇汨水斜陽岸騷人正側祠  
蒼梧多蟋蟀白露濕江籬擢第榮南去晨昏近九疑

送鄧州崔長史

盧 綸

出山車騎次諸侯坐領圖書見督郵遶郭桑麻通浙  
口滿川風景接襄州高城鳥過方催夜廢壘蟬鳴不  
待秋聞說元規偏愛月知君長得伴登樓

送周長史

李 端

青楓樹裏宣城郡獨佐諸侯上板橋江客亦能傳好

信山僧多解說南朝雲陰出浦看帆小草色連天見  
鴈遙別有空園落桃杏知將絲組繫蘭橈

賓客

送白賓客分司東都

張籍

赫赫聲名三十春高情人獨出埃塵病辭省闕歸閒  
處恩許宮曹作上賓詩裏難同相得伴酒邊多見自  
由身老人也擬休官去便是君家池上人

寄令狐賓客

張籍

勲名盡得國家傳退狎琴僧與酒仙還帶郡符經幾  
處暫辭台座已三年留司未到龍樓下拜表常懷玉

唐詩類苑

卷之四十六

三十三

案前秋日出城伊水好領誰相逐上閒船

贈皇甫賓客

白居易

輕衣穩馬槐陰路漸近東來漸少塵耳聞久憎聞俗  
事眼明初喜見閒人昔曾對作承華相今復連爲博  
望賓始信澹交宜久遠與君轉老轉相親

寄東都分司白賓客

姚合

闕下高眠過十旬南宮印綬乞離身詩中得意應千  
首海內嫌官只一人賓客分司真是隱山泉遶宅豈  
辭貧竹齋晚起多無事唯到龍門寺裏頻

唐詩類苑卷第四十六終

唐詩類苑卷第四十七

明雲間張之象玄超甫纂輯

孫齊顏伯復甫編次

雲間王徹叔朗甫補訂

梁谿曹仁孫伯安甫校正

職官部

中丞

寄崔列中丞

王建

火山無冷地濁流無清源人生在艱世何處避讒言  
諸侯鎮九州天子開四門尚有忠義士不得申其冤

唐詩類苑

卷之四十七

嘉木移遠植爲我當行軒君子居要途易失主人恩  
我受古人道師君直且溫貪泉誓不飲邪路誓不奔  
如何非岡坂故使車輪翻妓妾隨他人家事幸獲存  
當時門前客默然空冤煩從今遇明代善惡亦須論  
莫以曾見疑直道遂不敦

贈黔府王中丞楚

孟郊

舊說天下山半在黔中青又聞天下泉半落黔中鳴  
山水千萬遶中有君子行儒風一以扇汙俗心皆平  
我願中國春化從異方生昔爲陰草毒今爲陽華英  
嘉實綴綠蔓涼瀉瀉清聲逍遙物景勝視聽空曠并

困驥猶在轅沈珠尚隱精路遐莫及盼泥汚日已  
歲宴將何從落葉甘自輕

贈轉運陸中丞

孟郊

掌運職既大摧邪名更雄鵬飛簸曲雲鶚怒生直風  
投彼霜雪令剪除荆棘叢楚倉傾向西吳米發一作  
自東帆影咽河口車聲聾關中竟知才策高人喜道  
路通皆驚內史力繼得鄴侯功萊子真爲少日如未  
免窮木花野苗舊書葉山梧桐不是宗匠心誰人  
棲蓬

送李中丞

李嘉祐

唐詩類苑

卷之四十七

二

射策名先著論兵氣自雄能全季布諾不道魯連功  
流水養葭外諸山睥睨中別君秋日晚回首夕陽空

送李中丞歸本道

皇甫曾

上將宜分閫雙旌復去秦關河三晉路賓從五原人  
碣石山通海滹沱雪度春酬恩看玉劍何處有煙塵

送李中丞赴辰州

韓翃

白羽逐青絲翩翩南下時巴人迎道路蠻帥引旌旗  
暮雨山開少秋江葉落遲功成益地日應見竹郎祠

寄黔府寶中丞

羊士諤

漢臣旌節貴萬里護耕荆夏日天無暑秋風水不波

朝衣蟠艾綬戎幕偃雕戈滿歲歸龍闕良哉佇作

夏日送田中丞赴蔡州

僧無可

出守汝南城應多戀關情地遙人久望風起旆初行  
楚廟繁蟬斷淮田細雨生賞心知有處將宅古津平

送薛重中丞充太原副使

僧無可

中司出華省副相晉陽行書答偏州啓籌參上將營  
踏沙夜馬細吹雨曉笳清正報胡塵滅桃花汾水生

送李中丞之襄州

劉長卿

流落征南將曾驅十萬師罷歸無舊業老去戀明時  
獨立三邊靜輕生一劍知茫茫漢江上日暮復何之

唐詩類苑

卷之四十七

三

贈宇文中丞

李商隱

欲構中天正急材自緣煙水戀平臺人間只有稽延  
祖最望山公啓事來公盛歎亡友張君故有此句

叙德書情四十韻上宣歙崔中丞

白居易

元聖生乘運忠賢出應期遠將稽古力助立太平基  
土控吳兼越州連歙與池山河地襟帶軍鎮國藩維  
廉察安江甸澄清肅海夷股肱分外守耳目付中司  
楚老歌來暮秦人詠去思望如時雨至福似歲星移  
政靜民無訟刑行吏不欺撫謙驚主寵陰德畏公知



白玉慙溫色朱繩讓直辭行爲時領袖言作世著龜  
盛幕招賢士連管訓銳師光華下鵷鷺氣色動熊羆  
出入麾幢引登臨劔戟隨好風迎解榻美景待褰幃  
晴野霞飛綺春郊柳宛絲城烏驚畫角江鴈避紅旗  
籍草朱輪駐攀花紫綬垂山宜謝公屐洲稱柳家詩  
酒氣和芳杜絃聲亂子規分毬齊馬首列舞匝蛾眉  
醉惜年光曉歡憐日影遲迴塘排玉棹歸路擁金羈  
自顧龍鍾者嘗蒙噢咻之仰山塵不讓涉海水難爲  
身忝鄉人薦名因國士提携增善價拂拭長妍姿  
射策端心術遷喬整羽儀幸穿楊遠葉謬折桂高枝

唐詩類苑

卷之四七

四

佩德潛書帶銘仁闇勒肌飭躬趨館舍拜手挹階墀  
霄漢程雖在風塵迹尚卑弊衣羞布素敗屋厭茅茨  
養乏晨昏膳居無伏臘資盛時貧可耻壯歲病堪嗤  
擢第名方立耽書力未疲磨鉛重剏割策蹇再奔馳  
相馬須憐瘦呼鷹正及饑扶搖重卽事會有答恩時

送張中丞赴桂州

錢起

出守求人瘼推賢動聖情紫臺初下詔皂蓋始專城  
寵借飛霜簡威加却月營雲衢降五馬林水引雙旌  
夙仰敦詩禮嘗聞偃甲兵戎樓雲外靜訟閣竹間清  
化佇還珠美心將片玉貞冠朝望重計日謁承明

送李中丞赴商州

韓翃

五馬渭橋東連嘶逐曉風當年紫髯將他日黑頭公  
不異金吾寵兼齊玉帳雄關營春雪下吹角暮山空  
香麝松陰裏寒猿黛色中郡齋多賞事好與故人同

送姚中丞赴陝州

僧無可

二陝周分地恩除左掖臣門闢開幕重槍甲下天新  
夾道行霜騎迎風滿草人河流銀漢水城賽鐵牛神  
意氣思高謝依違許上陳何妨向紅旆自與白雲親

奉和武中丞秋日臺中寄懷簡諸僚友

進奉命

呂溫

唐詩類苑

卷之四七

五

聖朝思祀律憲府得忠賢指顧風行地儀形月麗天  
不仁恒自遠爲政復何先虛室唯生白閑情却草玄  
迎霜紅葉早過雨碧苔鮮魚樂翻秋水鳥聲隔暮煙  
舊遊多絕席感物遂成篇更許窮荒谷追歌白雪前

寄陝州姚中丞

時分司

劉禹錫

八月天地肅二陵風雨收旌旗闕下來雲日關東秋  
禹跡想前事漢臺餘故丘徘徊襟帶地左右帝王州  
畱滯悲昔老恩光榮徹侯相思望棠樹一寄商聲謳

送鮑中丞赴太原

盧綸

分路引鳴騶喧喧似隴頭暫移西掖望全解北門憂



專幕臨都護分曹制督郵積水營不下盛雪獵方  
白草連胡帳黃金擁戍樓今朝送旌旆一減曾傷

別胡中丞

方干

二年朝夜見雙旌心魄知恩夢亦驚幽賤粗能分菽  
麥從容豈合遇公卿吹噓若自毫端出羽翼應從肉  
上生却恨此身唯一死空將一死報猶輕

上杭州杜中丞

方干

昔日雄才登上第今將重德答明君苦心多爲安民  
術援筆皆成出世文寒角細吹孤嶠月秋濤橫捲半  
江雲掠天逸勢應非久一鶚那棲衆鳥群

唐詩類苑

卷之四十七

六

中丞業深韜畧志在功名再奉長句一篇兼

有諒勸

杜牧

檣似鄧林江拍天越香巴錦萬千千滕王閣上柘枝  
鼓徐孺亭西鐵軸船八部元侯非不貴萬人師長豈  
無權要君嚴重疎歡樂猶有河湟可

臨川投穆中丞

羅隱

試將生計問蓬根心委寒灰首戴盆翅弱未知三島  
路舌頑虛掉五侯門嘯煙白狄沈高木擣月清砧觸  
旅魂家在碧江歸不得十年漁艇長苦痕

途中獻晉州孟中丞

羅隱

太平天子念蒲東又委星郎養育功昨日隼旗辭闕  
下今朝珠履在河中樓移庾亮千山月樹待袁宏一  
扇風不及政成應入拜晉州何足展清通

上裴中丞

楊巨源

六年西掖弘湯誥三捷東堂總漢科政引風霜成物  
色語回天地到陽和清威更助朝端重聖澤曾隨筆  
下多應笑白鬚楊執戟可憐春日老如何

送浙東陸中丞

朱慶餘

坐將文教鎮藩維花滿東南聖主知公務肯容私暫  
入豐年長與德相隨無賢不是朱門客有子皆如玉

唐詩類苑

卷之四十七

七

樹枝自愛此身居樂土詠歌林下日忘疲

侍御

贈皇甫侍御赴都八首

元希聲

東南之美生于會稽牛斗之氣蓄于昆溪有瑤者玉  
連城是齊有威者鳳非梧不棲

猗嗟衆珍以况君子公侯之胄必復其始利器長材

溫儀峻峙

道心惟微厥用允塞德暉不泯而映邦國靜以有袖  
動而作則九臯千里其聲不忒

粵在古昔分官厥初刺邪矯枉非賢勿居稜稜直指

烈烈方書蒼玉鳴珮繡衣登車

綽綽夫君是膺柱下準繩有望名器無假寵蓋伯山  
氣雄公雅立朝正色俟我能者

載懷朋情嘗接閑宴好洽昆弟官聯州縣如彼松竹  
春榮冬蒨柯葉藹然不渝霜霰

會合非我關山坐違離鴻曉引別葉秋飛駢聯徐勣  
樽餞相依遠情超忽岐路光輝

金石其心芝蘭其室言語方間音微自溢肅子風威  
嚴子霜質贈言歲暮以保貞吉

贈王侍御

王建

唐詩類苑

卷之四十七

八

愚者昧邪正貴將平道行君子抱仁義不懼天地傾  
三受主人辟方出咸陽城遲疑匪自崇將顯求賢名  
自來掌軍書無不盡臣誠何必操白刃始致海內平  
恭事四海人甚於敬公卿有惡如已辱聞善如已寧  
或人居饑寒進退陳中情徹晏聽苦辛坐卧身不寧  
以心應所求盡家猶爲輕衣食有親疎但恐踰禮經  
我今願求益詎敢爲友生幸君揚素風未作來者程

送李侍御

宋之問

行李戀庭闈乘輶振綵衣南登指吳服北走出秦畿  
去國夏雲斷還鄉秋鴈飛旋聞郡計入更有使臣歸

送裴侍御赴歲入京

岑參

美他驄馬郎元日謁明光立處聞天語朝回惹御香  
臺寒栢樹綠江暖柳條黃惜別津亭暮揮戈憶魯陽

晦日陪侍御泛北池

岑參

春池滿復寬晦節耐邀歡月帶蝦蟇冷霜隨獬豸寒  
水雲低錦席岸柳拂金盤日暮舟中散都人夾道看

送趙侍御歸上都

岑參

驄馬五花毛青雲歸處高霜隨驅夏暑風逐振江  
執簡皆推直勤王豈告勞帝城誰不戀回望動離

送韋侍御先歸京

岑參

唐詩類苑

卷之四十二

九

聞欲朝龍闕應須拂牙冠風霜隨馬去炎暑爲君寒  
客淚題書落鄉愁對酒寬先憑報親友後月客長安

送樊侍御使丹陽便覲

岑參

卧病窮巷晚忽驚驄馬來知君京口去借問幾時回  
驛舫江風引鄉書海鴈催慈親應倍喜愛子在霜臺

趙少尹南亭送鄭侍御歸東臺

岑參

紅亭酒甕香白面繡衣郎砌冷蟲喧座簾疎雨到牀  
鐘催離興急絃逐醉歌長關樹應先落隨君滿路霜

西亭送蔣侍御還京

岑參

忽聞驄馬至喜見故人來欲語多時別先愁許日回  
山河宜晚眺雲霧待君開爲報烏臺客須憐白髮催

和李侍御渡松滋江

孟浩然

南紀西江濶皇華御史雄截流寧假楫挂席自生風  
寮案爭攀鷁魚龍亦避驄坐聽白雪唱翻入棹歌中

送上官侍御

錢起

執簡朝方下乘輅去不賒感恩輕遠道入幕比還家  
碣石春雲色邯鄲古樹花飛書報明主烽火靜天涯

送劉侍御赴陝州

韓翃

金羈映驕驢後騎佩干將把酒春城晚鳴鞭曉路長

唐詩類苑

卷之四十七

十

帶冰新溜澁間雪早梅香明日懷賢處依依御史牀

送裴侍御還上都

張謂

楚地勞行役秦城罷鼓鼙舟移洞庭岸路出武陵溪  
江月隨人影山花逐馬蹄離魂將別夢先爾到關西

送韋侍御赴上都

張謂

天朝辟書下風憲取方難更謁麒麟殿重簪獬豸冠  
月明柏水夜霜重桂林寒別後頭堪白時時鏡裏看

送沈光侍御赴職閩中

羅隱

未至應居古全家出帝鄉禮優逢雪苑官重帶臺霜  
夜浦吳潮漲春灘建水狂延平有風雨從此是騰驤

寄袁皓侍御

羅隱

東堂失路岐榮辱事堪悲我寢牛衣弊君居象角危  
風塵漸上品才業愧明時千里芙蓉幕何由話所思

寄殿院薛侍御

僧無可

名高意本閑浮俗自難攀佐蜀連錢出朝天解  
牙還迴翔歷清院彈奏迴離班休澣通玄旨留僧畫

掩關

一作僧到休關

道林寺送莫侍御

張謂

何處堪留客香林隔翠微薛羅通駟騎松竹掛朝衣  
霜引臺烏集風驚塔鴈飛飲茶勝飲酒聊以送君歸

唐詩類苑

卷之四十七

十一

寄鄭縣李侍御

黃滔

古縣新煙火東西入客詩靜長如假日貧更甚閑時  
僧借松蘿住人將雨雪期三年一官罷嶽石看成碑

寄陳侍御

黃滔

千年二相未全誇故劉相猶闕闕城賀降麻何  
必錦衣須太守別無蓮幕勝王家醴泉湧處休論水

華

送靈武李侍御

僧無可

靈州天一涯幕客似還家地得江南壤程分磧裏砂

禁鹽調上味麥穗結秋花前席因籌畫清吟寒日斜

太原送許侍御出幕歸東都

耿漳

昔隨劉越石今日獨歸時汾水風煙冷并州花木遲

荒庭增別夢野雨失行期莫向山陽過鄰人夜笛悲

送劉侍御

司空曙

獄成收夜燭整豸出登車黃葉辭荆楚青山背漢初

早朝新羽衛晚下步徒胥應念長沙謫思鄉不食魚

送皇甫侍御

賈島

曉鐘催早朝自是赴嘉招身泊湘江濶田收楚澤遙

唐詩類苑

卷之四十七

十一

鴈驚起衰草猿渴下寒條來使黔南日時應問寂寥

江州送李侍御歸東洛

方干

獨乘驄馬去不並旅人還中外名卿貴田園高步閒

暮春經楚縣新月上淮山道路空瞻望軒車不敢攀

南海幕和段先輩送韋侍御赴闕

黃滔

樹色川光入暮秋使車西發不勝愁壁連標格驚分

散雪課篇章牙唱躊躇魏闕別當飛羽翼燕臺獨且占

風流滿園歌管涼宵月此後相見幾上樓

江行遇王侍御

黃滔

數年分散秦吳隔暫泊官船浦柳中新草軍書名更重久辭山逕業應空渡頭潮落將行客天際風高未宿鴻此日相逢魂合斷賴君身事漸飛冲

送趙評事攝御史監軍嶺南

孫逖

議獄持邦典臨戎假憲威風從閭闔去霜入洞庭飛篁竹迎金鼓樓船引繡衣明年降

星歸

寄察院李侍御

鄭谷

古栢間松篁清陰在印牀宿郊虔點饌秋寺靜監香

唐詩類苑

卷之四十七

十三

參集行多揖風儀見卽莊佇聞橫擘去惟集諫書囊

李夷遇侍御久滯水鄉因抒寄懷

鄭谷

簪豸年何久懸帆興甚長江流愛吳越詩格愈齊梁

竹寺晴吟遠蘭洲晚泊香高閑徒自任華省待爲郎

送靳十五侍御

孫逖

天使出霜臺行人擇吏才傳車春色送離興夕陽催

驛遶巴江轉關迎劍道開西南一何幸前後二龍來

送崔侍御赴京

李頎

綠槐蔭長路駿馬垂青絲柱史謁承明翩翩將有期

千官大朝日奏事臨赤墀肅肅儀仗裏風生

一從登甲科三拜皆憲司按俗又如此爲郎何太

送君暮秋月花落城南陞惜別醉芳草前山勞夢思

奉寄章十侍御時初罷梓州刺史東川留後

將復赴朝廷

杜甫

淮海維揚一俊人金章紫綬照青春指揮能事回天

地訓練強兵動鬼神湘西不得歸關羽河內尤宜借

寇恂朝覲從容問幽側勿云江上有垂綸

贈封御史入臺

蘇味道

故事推三獨茲辰對兩闌夕林共鳴舞屈草接芳菲

唐詩類苑

卷之四十七

十四

盛府題清橐殊章動繡衣風連臺閣起霜就簡書飛

凜凜當朝色行行滿路威唯當擊隼去復覩落鵬歸

酬趙二侍御使西軍贈兩省舊寮

張九齡

石室先鳴者金門侍制同操刀嘗願割持斧竟稱雄

應敵兵初起緣邊虜欲空使車經隴月征旆繞河風

忽枉兼金訊非徒秣馬功氣清蒲海內聲滿栢臺中

顧已塵華省欣君震遠戎明時獨匪報嘗欲退微躬

寄崔侍御

李白

九卿天上落五馬道傍來列戟朱門曉褰帷碧嶂開

登高望遠海召客得英才紫綬歡情洽黃花逸興

山從圖上見溪向鏡中迴遙羨重陽作應過戲馬臺

寄越從事林嵩侍御

黃滔

子虛詞賦動君王誰不期君入對敷莫戀兔園畱看

雪已乘驄馬合凌霜路歸天上行方別道在人間久

更香應念都城舊吟客十年蹤跡委滄浪

贈趙崇侍御

方干

貴達合逢明聖日風流又及少年時才因出衆人皆

嫉勢欲摩霄自不知正直早年聞苦節從容此日見

清規却教鸛鵲呼桃葉便遣嬋娟唱竹枝閒話篇章

唐詩類苑

卷之四十七

十五

停燭久醉迷歌舞出花遲雲鴻別有徊翔便應笑咽

啾燕雀早

瓜洲驛奉餞張侍御公拜膳部郎中却復憲

臺充賀蘭大夫留後使之嶺南時侍御先

在淮南幕府

劉長卿

太華高標峻青陽淑氣盤屬辭傾渟解稱價掩琅玕

楊葉頻推中芸香早拜官後來慚轍跡先達仰門闌

佐劇勞黃綬提綱疾素餐風生趨府步竿偃觸邪冠

骨鯁知難屈鋒鋷豈易干佇將調玉鉉翻自落金丸

異議那容直專權本畏彈寸心寧有負三黜竟無端

適喜鴻私降旋驚羽檄攢國憐朝市易人怨虎狼殘  
天地龍初見風塵虜未殫隨川歸少海就日背長安  
副相榮分寄輸忠義不刊繫胡馳汗馬還蜀扈鳴鑾  
月罷名卿署星懸上將壇三軍搖旆出百越畫圖觀  
茅茹能相引泥沙肯再蟠兼榮知任重交辟許才難  
勁直隨臺栢芳香動省蘭壁從全趙去鵬自北溟搏  
星象銜新寵風霜帶舊寒是非生倚伏榮辱繫悲歡  
疇昔偏殊盼屯蒙獨未歎不才成擁腫失計似邯鄲  
江國傷移律家山憶考槃一爲鷗鳥誤三見露華圓  
迴首青雲裏應憐濁水瀾愧將生事托羞向鬢毛看

唐詩類苑

卷之四十七

十六

知己傷愆素他人自好丹卿春連楚越旅宿宵風湍  
世路東流水滄江一釣竿松聲伯禹穴草色子陵灘  
度嶺情何遽臨流興未闌梅花分路遠楊子上潮寬  
夢想懷依倚煙波限渺漫且愁無去鴈寧冀少迴鸞  
極浦春帆迴空郊晚騎單獨憐南渡月今夕送歸鞍  
贈別王侍御赴上都 韓翃

翩翩馬上郎執簡佩銀章西向洛陽歸鄴杜回頭結  
念蓮花府朝辭芳草萬歲街暮宿春山一泉塢青青  
樹色傍行衣乳燕流鶯相間飛遠過三峰臨八水幽  
尋佳賞偏如此殘花片片細柳風落日疎鐘小槐雨

相思掩泣復何如公子門前人漸疎幸有心期當小  
暑葛衣紗帽望回車

剡中贈張侍御

嚴維

辟疆年正少公子貴初還早列公卿位新叅柱史班  
千夫馳驛道駟馬入家山深巷烏衣盛高門畫戟閑  
逶迤天樂下照耀剡溪間自賤遊章句空爲衰草顏

贈潘侍御論錢少陽

李白

繡衣柱史何昂藏鐵冠白筆橫秋霜三軍論事多引  
納塔前虎士羅千將雖無二十五老者且有一翁錢  
少陽眉如松雪齊四皓調笑可以安儲皇君能禮此

唐詩類苑

卷之四十七

十七

最下士九州拭目瞻清光

同張侍御燕北樓

儲光羲

今之太守古諸侯出入雙旌垂七旒朝覽干戈時聽  
訟莫延賓客復登樓西山漠漠崦嵫色北渚沈沈江  
漢流良宵清淨方高會繡服光輝聯皂蓋魚龍恍惚  
堆墀下雲霧杳冥牕戶外水靈慷慨行泣珠游女飄  
飄思解佩蒼蒼低月半遙城落落疎星滿太清不忍  
開襟悲楚奏願言吹笛退胡兵軒后青丘埋猓猶周  
王白羽掃攬槍期君武節朝龍闕余亦翺翔歸玉京  
入奏行贈西山檢察使竇侍御

杜甫

寶侍御驥之子鳳之雛年未三十忠義俱骨  
無烟如一段清冰出萬壑置在迎風寒露之玉壺  
漿歸厨金盃凍洗滌煩熱足以寧君軀政用疎通合  
典則戚聯豪貴耽文儒甲兵一作草未息人未蘇天子  
亦念西南隅吐蕃憑陵氣頗熾一作賈氏檢察應時須運  
糧繩橋壯士喜斬木火井寒一作猿呼八州刺史思  
一戰三城守邊却可圖此行入奏計未小密奉聖主  
旨一作恩應殊繡衣春當霄漢立練服日向庭闈趨省  
郎京尹必俯拾江花未落還成都肯訪浣花老翁無  
唐詩類苑 卷之四十七 十八

爲君酤酒滿眼酤與奴白飯馬青莠

送盧侍御赴河北

劉長卿

謫居爲別倍傷情何事從戎獨遠行千里按圖收故  
地三軍罷戰及春耕江天渺渺鴻初去漳水悠悠草  
欲生莫學仲連逃海上田單空魏取聊城

送裴頓侍御使蜀

錢起

柱史纔年四十強鬚髯玄髮美清揚朝天繡服乘恩  
貴出使星輶滿路光錦水繁華添麗藻蛾眉明月引  
飛觴多才自有雲霄望計日應追駕鸞行

酬河中杜侍御重寄

許渾

五色如絲下碧空片帆還遶楚王宮文章已變  
霧羽翼應搏北海風春雪預呈霜簡白曉霞先染  
衣紅十年沽酒留君醉莫道歸心似轉蓬

浙西送杜晦侍御入關

章碣

紫詔徵賢發帝聰繡衣行處撲香風鸚鵡歸秦樹幽禽  
散星出吳天列舍空捧日思馳仙掌外朝宗勢動海  
門中鞭鞘所拂三千里多少諸侯合避驄

贈王侍御

張籍

心同野鶴與塵遠詩似冰壺見底清府縣同趨昨日  
事升沈不改故人情上陽春晚蕭蕭雨洛水寒來夜  
唐詩類苑 卷之四十七 十九

夜聲自歎獨爲折腰吏可憐驄馬路傍行

淮南送盧端公歸臺

羅隱

鸞鳳勢逸九霄寬北去南來任羽翰朱紱兩驂王儉  
府繡衣三領杜林官道崇意國會匡濟才句牢盆始  
重難應笑張綱謾生事埋輪不得在長安

送韓侍御自使幕巡海北

僧法振

微雨空山洗夜兵繡衣朝拂海雲清幕中揮策心應  
苦馬上題詩卷已成離筵莫惜花園醉古道獨看夢  
草生因說元戎能破虜高歌一曲隴關情

卿



送光祿姚卿還都

蘇頌

漢室有英台荀家多寵方九卿朝已入三子幕同來  
不授綸爲草還司鼎用梅兩京王者宅駟馬日應迴

泛舟送鄭卿入京

杜審言

帝坐蓬萊殿恩追社稷臣長安遙向日宗伯正乘春  
相宅開基地傾都送別人行舟縈淥水列戟滿紅塵  
酒助歡娛洽風催景氣新此時光乃命誰爲惜無洋

奉和崔尚書贈大理陸卿鴻臚劉卿見示之

作

蘇頌

戲藻嘉魚樂棲梧高鳳飛類從皆有召聲應乃無違

唐詩類苑

卷之四二

二十

美價逢時出奇才選衆稀避堂貽後政掃地發前幾  
出曳仙人履還薰侍女衣省中何赫奕庭際滿芳菲  
吏部端清鑒丞郎肅紫機會心歌味是迴迹宴言非  
北寺隣玄閣南城寫翠微參差交隱見髣髴接光輝  
賓序嘗柔德刑乎已霽威巨源林下契不速自同歸

奉贈太常張卿均二十韻

杜甫

方丈三韓外崑崙萬國西建標天地濶詰絕古今迷  
氣得神仙迴恩承雨露低相門清議衆儒術大名齊  
軒冕羅天闕琳琅識介珪伶官詩必誦夔樂典猶稽  
健筆凌鸚鵡銛鋒瑩鷗鷯友于皆挺拔公望各端倪

通籍踰青瑣亨衢照紫泥靈虬傳夕箒駟馬散宵蹄

能事聞重譯嘉謨及遠黎弼諧方一展班序更何齊

適越空顛躓浮梁竟慘悽謬知將盡虎微分是鷗鷯

萍泛無休日桃陰想舊蹊吹噓人所羨騰躍事仍睽

碧海真難涉青雲不可梯顧深慚鍛鍊才子辱提携

檻束哀猿叫枝驚夜鵲棲幾時陪羽獵應指釣璫溪

侍中

述舊紀勳寄太原李光顏侍中二首

楊巨源

玉舍含淒見鴈行北垣新詔拜龍驤弟兄間世真飛

唐詩類苑

卷之四七

三十一

將貌虎歸時似故鄉鼓角因風飄朔氣旌旂映水發

秋光河源收地心猶壯笑向天西萬里霜

倚天孤劒截雲孤報國縱橫見丈夫五載登壇真宰

相六重分閭正司徒曾聞轉戰平堅寇共說題詩歷

腐儒料敵知機在方寸不勞心力講陰符

評事

贈崔十三評事公輔

杜甫

飄飄西極馬來自渥洼池颿颿定一作山桂低回風

雨枝我聞龍正直道屈爾何爲且有元戎命悲歌識

者誰官聯辭冗長行路徒歆危脫劒主人贈去帆春



色隨陰沈鐵鳳闕教練羽林兒天子朝侵早雲臺仗  
數移分軍應供給百姓日支離黠吏因封已公才或  
守雌燕王買駿骨渭老得能罷活國名公在拜壇羣  
寇疑水壺動瑤碧野水失蛟螭入幕諸彥集渴賢高  
選宜騫騰坐可致九萬起於斯復進出矛戟招然開  
鼎彝會看之子貴歎及老夫衰豈但江曾決還恩露  
一披暗塵生古鏡拂匣照西施舅氏多人物無懸四  
翻垂

貽宋評事

黃滔

河陽城裏謝城中入曳長裾出佩銅燕國金臺無  
唐詩類苑 卷之四十七 三

客陶家柳下有清風數蹤篆隸書新得一竈屯蒙火  
細紅時說三吳欲歸處綠波洲渚紫蒲葦

金吾將軍

送白利從金吾董將軍西征

李白

西羌延國討白起佐軍威劍決浮雲氣弓彎明月輝  
馬行邊草綠旌卷曙霜飛抗手凜相顧寒風生鐵衣

陪李金吾花下飲

杜甫

見人部宴集

羽林將軍

送羽林長孫將軍赴歙州 岑參

剖竹向江濱能名計日聞隼旗新刺史虎劍舊將軍  
驛舫宿湖月州城浸海雲青門酒樓上欲別醉醺醺

羽林行

孟郊

朔雪寒斷指朔風勁裂冰胡中射鵬者此日猶不能  
翩翩羽林兒錦臂飛蒼鷹掛轡快白馬走出黃河凌

寄羽林盧大夫

僧無可

將軍直禁闈繡服耀金羈羽衛九天靜英豪四塞知  
望雲回朔鴈隔水射宮麋舊國無歸思秋堂夢戰時

門風荀氏敵劔藝霍家推計日旌旄下蕭蕭萬馬隨  
唐詩類苑 卷之四十七 三

送羽林陶將軍

李白

將軍出使擁樓船江上旌旗拂紫煙萬里橫戈探虎  
穴三杯拔劔舞龍泉莫道詞人無膽氣臨行相贈纒

朝鞭

羽林賈中丞

曹唐

四十年前百戰身曾驅虎隊掃邊塵風悲鼓角榆關  
暮日落旌旗隴草春鐵馬慣牽邀上客金魚多解乞  
佳人胸中別有安邊計誰采髭鬚白似銀

贈羽林將軍

李郢

虬髯憔悴羽林郎會入甘泉侍玉皇鵬沒夜雲知御

苑馬隨仙仗識天香五湖劫去孤舟月六國平來兩鬢霜唯有桓伊江上笛臥吹三弄送殘陽

羽林郎

朱慶餘

紫髯年少奉恩初直閣將軍盡不如酒後引兵圍百草風前駐旆領邊書宅將公主同時賜官與中郎共日除大笑魯儒年四十腰間猶未識金魚

將軍

將軍行

劉希夷

將軍闕轅門眇介當風立諸將欲言事遑巡不敢入劍氣射雲天鼓聲振原隰黃塵塞路起走馬追兵急

唐詩類苑

卷之四十七

五

彎弓從此去飛箭如雨集截圍一百重斬首五千級代馬流血死胡人抱鞍泣古來養甲兵有事常討襲乘我廟堂運坐使干戈戢獻凱歸京師軍容何翕習

歷陽壯士勤將軍名思齊歌

并序

李白

歷陽壯士勤將軍神力出於百夫則天太后召見奇之授游擊將軍賜錦袍玉帶朝野榮之後拜橫南將軍大臣慕義結十友即燕公張說館陶公郭元振爲首余壯之遂作詩

太古歷陽郡化爲洪川在江山猶鬱盤龍虎秘光彩

蓄洩數千載風雲何靈霸特生勤將軍

寄贈王丁將軍承俊

杜甫

將軍膽氣雄臂懸兩角弓纏結青驄馬出入錦旗中時危未受鉞勢屈難爲功賓客滿堂上何人高義

史將軍二首

長周都尉閑如秋嶺雲取磬弧登壘以駢隣百戰百勝價河南河北聞今遇太平日老去誰憐君

二

壯氣蓋燕趙耽耽魁傑人彎弧五百步長戟八十斤河湟非內地安史有遺塵何日武臺坐兵符授虎

唐詩類苑

卷之四十七

五

送楊將軍

耿湋

一身良將後萬里討烏孫落日邊陲靜秋風遠山當磧路茂草向營門生死酬恩寵功名豈

贈王將軍

賈島

宿衛爐煙近除書墨未乾馬曾金鐵中身有寶刀痕父子同時捷君王畫陣看何當爲外帥白日出長安

送劉將軍入關討賊

李山甫

世人多恃武何者是真雄欲滅黃巾賊須憑黑頭公指星憂國計望氣識天風明日凌雲上期君第一功

送李將軍赴定州

郎士元

雙旌漢飛將萬里授橫戈春色臨邊盡黃雲出塞多  
鼓鼙悲絕漠烽戍隔長河莫斷陰山路天驕已請和

贈張將軍

耿 漳

寥落軍城暮重門反照間鼓鼙經雨暗士馬過秋閑  
慣守臨邊郡曾營近海山關西舊業在夜夜夢中還

贈梁將軍

許 渾

曾經黑山虜一劍出重圍年長寄書意將清隱釣磯  
高齊雲外住瘦馬月中歸唯說鄉心苦春風鴈北飛

送振武將軍

李 廓

葉葉歸邊騎風頭萬里乾金粧腰帶重錦縫耳衣寒

唐詩類苑

卷之四十七

三十一

蘆酒燒蓬暖霜鴻撚箭看黃河古城道秋雪白漫漫

送韓將軍還邊

李 益

白馬羽林兒揚鞭薄暮時獨將輕騎出暗與伏兵期  
雨雪移軍遠旌旗上壘遲聖心戎寄重未許讓恩私

贈故將軍

李 端

平生在邊日鞍馬若星流獨出關千里相知滿九州  
恃功凌主將作氣見王侯誰道廉頗老猶能報遠讐

陸明府贈將軍重出塞

陳子昂

忽聞天上將關塞重橫行始返樓蘭國還向朔方城  
黃金裝戰馬白羽集神兵星月開天陣山川列地營

晚風吹畫角春色耀飛旌寧知班定遠獨是一書生

同錢楊將軍兼源州都督御史中丞

蘇 頲

右地接龍沙中朝任虎牙然明方改俗去病不爲家  
將禮登壇盛軍容出院華朔風搖漢鼓邊月思胡笳  
旗舍無邀正冠危府觸邪當看勞旋日及此御溝花

贈裴將軍

顏真卿

大君制六合猛將清九垓戰馬若龍虎騰凌何壯哉  
將軍臨八荒烜赫耀英材劍舞若游電隨風縈日迴

登高望天山白雲正崔嵬入陣破驕虜威名雄震雷

唐詩類苑

卷之四十七

三十一

一射百馬倒再射萬夫開匈奴不敢敵相呼歸去來

功成報天子可以盡麟臺

送武陵王將軍

馬 戴

河外今無事將軍有戰名艱難長劒缺功業少年成  
曉仗親雲陛寒霄直禁城朱旗身外色玉漏耳邊聲

開闔談賓至調弓過鴈驚爲儒多不達見學請長纓

贈王將軍

僧無可

勳高絕少年分衛玉階前雄勇明王重溫恭執友賢  
功書唐史滿名到虜庭偏劒彩浮龍影衣香襲御煙

晒書秋霽閣走馬夕陽田急免投深草曠鷹下半年天

野人盈邸第朝客醉盤筵位在將軍列官隨憲府  
刻心思報國吁氣欲開邊選帥如公議須知少比肩

霍將軍一作長安道

崔顥

長安甲第高人雲誰家居住霍將軍日晚朝迴擁  
從路傍拜揖何紛紛莫言炙手可熱須臾火盡灰  
亦滅莫言貧賤即可欺人生富貴自有時一朝天子  
賜顏色世事悠悠應始知

司將軍歌

李白

狂風吹古月竊弄章華臺北路明星動光彩南征猛  
將如雲雷手中電曳倚天劍直斬長鯨海水開我見

唐詩類苑

卷之四十七

三

樓船壯心目頗似龍驤下三蜀揚兵習戰張虎旗江  
中白浪如銀屋身居玉帳臨河魁紫髯若戟冠崔嵬  
細柳開營揖天子始知灞上爲嬰孩羌笛橫吹阿鞞  
迴向月樓中吹落梅將軍自起舞長劍壯士呼聲動  
九垓功成獻凱報明主丹青盡像麒麟臺

送渾將軍出塞

高適

將軍族貴兵且強漢家已是渾邪王子孫相承在朝  
野今今曲燕支下控弦盡用陰山兒登陣常騎大  
宛馬銀鞍玉勒繡螭弧每逐嫖姚破骨都李廣從來  
先將士衛青未肯學孫吳傳有沙場千萬騎昨日邊

庭羽書至城頭畫角三四聲匣裏寶刀晝夜鳴意氣  
能甘萬里去辛勤動作一年行黃雲白草無前後朝  
建旌旗夕刁斗塞下應多俠少年關西不見春楊柳  
從軍借問所從誰擊劍酣歌當此時遠別無輕繞朝  
策平戎早寄仲宣詩

玉門關蓋將軍歌

岑參

蓋將軍真丈夫行年三十執金吾身長七尺頗有須  
玉門關城迴且孤黃沙萬里白草枯南鄰犬吠北接  
胡將軍到來備不虞五千甲兵膽力竊軍中無事但  
歡娛暖屋繡簾紅地爐織成壁衣花毵毹燈前侍婢

唐詩類苑

卷之四十七

无

瀉玉壺金鐙亂點野酖酥紫綬金章左右趨問着卽  
是蒼頭奴美人一雙閑且都朱唇翠眉映明眸清歌  
一曲世所無今日喜聞鳳將雛可憐絕勝秦羅敷使  
君五馬謾踟躕野草繡窠紫羅襦紅牙鏤金對樽蒲  
玉盤纖手撤作盧象中誇道不曾輸櫪上昂昂皆駿  
駒桃花叱撥價最殊騎將獵向城南隅臘日射殺千  
年狐我來塞外按邊儲爲君取醉酒刺沽醉爭酒盞  
相喧呼忽憶咸陽舊酒徒

魏將軍歌

杜甫

將軍昔者從事衫鐵馬馳突重兩銜被堅執銳略西

極崑崙月窟東嶄巖君門羽林萬猛士惡若哮虎子  
所監五年起家列霜戟一日過海收風帆平生流輩  
徒蠢蠢長安少年氣欲盡魏侯骨聳精爽緊華嶽峰  
尖見秋隼星纏宵校金盤隨夜騎天駟超天河攬槍  
焚惑不敢動翠旌雲旂相蕩摩吾爲子起歌都護酒  
闌揷劒肝膽露鈞陳蒼蒼玄武暮萬歲千秋奉明主  
臨江節士安足數

送張將軍征西

起

長安少年唯好武金殿承恩爭破虜沙場烽火隔天  
山鐵騎征西幾歲還戰處黑雲蘊瀚海愁中明月度

唐詩類苑

卷之四十七

三

陽關玉笛聲悲離酌晚金方路極行人遠計日霜戈  
盡敵歸回首戎城空落暉始笑子卿心計失徒看海  
上節旄稀

將軍行

張籍

彈箏峽東有胡塵天子擇日拜將軍蓬萊殿前賜六  
纛還領禁兵爲部曲當朝受詔不辭家夜向咸陽原  
上宿戰車彭彭旌旗動三十六軍齊上隴隴頭戰勝  
夜亦行分兵處處收舊城胡兒殺盡陰磧暮擾擾唯  
有牛羊聲邊人親戚曾戰沒今逐官軍收舊骨磧西  
行見萬里空幕府獨奏將軍功

呂將軍歌

李賀

呂將軍騎赤兔獨携大膽出秦門金粟堆邊哭  
北方逆氣汗青天劒龍夜叫將軍聞將軍振袖拂  
鏑玉闕朱城有門閣榼榼銀龜搖白馬傳粉文郎六  
旗下恒山缺騎請金槍遙聞箴中花箭香西郊寒蓬  
葉如刺皇天親一作新裁養神驥廐中高折排塞路  
食青芻飲白水圓蒼低迷蓋張地九州人事皆如此  
赤山秀鋌禦時英綠眼將軍會天意

趙將軍歌

岑參

九月天上風似刀城南獵馬縮寒毛將軍縱博場場  
勝賭得單于貂鼠袍

唐詩類苑

卷之四十七

三

贈裴旻將軍

王維

腰間寶劒七星文臂上瑠玕百戰勲見說雲中擒點  
虜始知天上有將軍

贈郭將軍

李白

將軍豪蕩有英威入掌銀臺護紫微平明拂劍朝天  
去薄暮垂鞭醉酒歸愛子臨風吹玉笛美人騰月舞  
羅衣疇昔雄豪如夢裏相逢且欲醉春輝

王將軍

方干

大志無心守章句終懷上畧致殊功保寧帝業

在投棄儒書絳帳空密雪曙連蔥嶺道青松夜起柳  
營風將星依舊當文座應念愚儒命未通

賊退後贈劉將軍

方干

非唯吳越與瓊直今古推排盡不如白首知無髀上  
肉黃巾乞向前頭書五年戰地成桑柘千里荒榛作  
比閭功業更多身轉貴佇看幢節引戎車

賀秘書王丞南郊攝將軍

張籍

正初天子親郊禮詔攝將軍領衛兵斜帶銀刀入黃  
道先隨玉輅到青城壇邊不在千官位仗外唯聞再  
拜聲共喜與君逢此日病中無計得同行

唐詩類苑

卷之四十七

三十一

贈趙將軍

張籍

當年膽略已縱橫每見妖星氣未平身貴早登龍尾  
道功高自破鹿頭城尋常得對論邊事委曲承恩掌  
內兵會取安西將報國凌烟閣上大書名

送李將軍

劉長卿

征西諸將一如君報德誰能不顧勲身逐寒鴻來萬  
里手披荒草看孤墳擒生絕漠經胡雪懷舊長沙哭  
楚雲歸去蕭條灞陵上幾人看葬李將軍

贈郭將軍

王建

承恩新拜上將軍當直巡更近五雲天下表章經院

過宮中語笑隔牆聞密封計策非時奏別賜衣裳到  
處薰向晚臨堦看號簿眼前風景任支分

贈宋宗李將軍充襄陽制置使

李洞

拜官門外發輝光宿衛陰符注幾行行處近天龍尾  
滑獵時陪帝馬鬃香九城王氣生旗隊萬里寒風入  
箭瘡從此浩然聲價歇武中還有李襄陽

贈張將軍

楊巨源

關西諸將將容光獨立營門劒有霜知愛魯連歸海  
上肯令王翦在平陽天晴紅幟當山滿日暮青笳入

唐詩類苑

卷之四十七

三十一

塞長年少高功人最美漢壇烟樹日蒼蒼

贈田將軍

王建

初從學院別先生便領偏師得戰名大小獨當三百  
陣縱橫祇用五千兵迴殘疋帛歸天庫分好旌旗入  
禁營自執金吾長上直蓬萊宮裏夜巡更

送劉將軍

韓翃

明光細甲照銀鞍昨日承恩拜虎牙膽大欲期姜伯  
約功多不讓李輕車青巾校尉遙相許墨綃將軍大  
莫誇闕下來時親伏奏胡塵未盡不爲家

贈胡正將軍

王建

書生難得是金吾近日登科記總無半夜進雞當  
殿未明排仗到銅壺朱牌面上分官契黃紙頭邊  
勅符恐要番中新道路指揮重畫五城圖

贈索暹將軍

王建

渾身著箭瘢猶在萬槊千刀總過來輪劍直衝生馬  
隊抽旗旋踏死人堆聞休關戰心還瘡兒說煙塵眼  
卽開泪滴先皇堦下土南衙班裏赴朝迴

贈隣家老將

楊巨源

白首羽林郎丁年戌朔方陰天瞻磧路秋日渡遼陽  
大漠寒山黑孤城夜月黃十年依蓐食萬里帶金  
唐詩類苑 卷之四十七

唐詩類苑

卷之四十七

古詩

拂雪陳師祭衝風立教場箭飛瓊羽合旌動火雲張  
虎翼分營勢魚鱗擁陣行誓心清塞色關血雜沙光  
戰地晴輝薄軍門曉氣長寇深爭暗襲關迴勒春防  
身賤竟何訴天高徒自傷功成封寵將力盡到貧鄉  
雀老方悲海鷹衰却念霜空餘孤劍在開匣一霜裳

老將行

王維

少年十五二十時步行奪取胡馬騎射殺山中白額  
虎肯數鄴下黃頭兒一身轉戰三千里一劍曾當百  
萬師漢兵奮迅如霹靂虜騎崩騰畏殘黎衛青不敗  
由天幸李廣無功緣數奇自從棄置便衰朽世事嗟

跪成白首昔時飛箭無全目今日垂楊生左肘路傍  
時賣故侯瓜門前學種先生柳茫茫古木連窮巷  
落寒山對虛牖誓令疎勒出飛泉不似潁川空使酒  
賀蘭山下陣如雲羽檄交馳日夕聞節使三河募年  
少詔書五道出將軍試拂鐵衣如雪色聊將寶劍動  
星文願得燕弓射天將耻令越甲鳴吳軍莫嫌舊日  
雲中守猶堪一戰立功勲

贈老將

皇甫湜

白草黃雲塞上秋曾隨驃騎出并州  
轆轤劍折虬髯白轉戰功多獨不侯

唐詩類苑

卷之四十七

三五

古詞

衛象

鵲血琱弓濕未乾鵲鵲龍劍夜光寒  
遼東老將鬢如雪猶向旄頭夜夜看

老將

羅鄴

百戰辛勤歸帝鄉南班班裏最南行  
弓欺猿臂秋無力劍泣虬髯曉有霜  
千古耻非書竹帛一心猶自向河湟  
年年宿衛天顏近曾把公勲奏建章

少將

李商隱

族亞齊安陸風高漢武城烟波別墅  
醉花月後門歸青海開傳箭天山報  
金圍一朝携劍起上馬卽如飛



送邊將

李咸用

天驕頻犯塞鐵騎又征西  
臣節輕鄉土雄心生鼓鼙  
地寒花不艷沙遠日難低  
漸喜秋弓健鵬翻白草齊

贈邊將

張喬

將軍誇膽氣功在殺人多  
對酒擎鍾飲臨風拔劒歌  
翻師平碎葉掠地取交河  
應笑孔門客年年美四科

邊將

馬戴

玉轡酒頻傾論功笑李陵  
紅韁跑駿馬金鏃擊秋鷹  
塞迴連天雪河深徹底水  
誰言提一劒勒苦事中興

送邊將

僧脩睦

唐詩類苑

卷之四十七

三

人盡有離別而君獨無嗟  
言將身報國敢望祿榮家  
戰思風吹野鄉心月滿沙  
歸期定何日塞北樹無花

代邊將

賈島

持戈簇邊日戰罷浮雲收  
露草泣寒霽夜泉鳴隴頭  
三尺握中鐵氣衝星斗牛  
報國不拘貴憤將平虜讐

宴邊將

張喬

一曲梁州金石清邊風蕭  
颯動江城座中有老沙場  
客橫笛休吹塞上聲

邊將

秦韜玉

劒光如電馬如風百捷長  
輕是掌中無定河邊蕃將

死受降城外虜塵空旗縫  
鴈翅和竿梟箭撚鵝翎  
隼雄自指燕山最高石不  
知誰爲勒殊功

邊將

張蠟

上馬乘秋欲建勳飛弧夜  
闕出師頻若無紫塞煙塵  
事誰識青樓歌舞人戰骨  
沙中金鏃在賀筵花畔玉  
蟬新由來邊卒皆如此只  
是君門合殺身

邊將別

殷文珪

地角天涯倍苦辛十年鉛  
槩未酬身朱門泣別同鮫  
客紫塞旅游隨鴈臣漢將  
出師衝曉雪胡兒奔馬撲  
征塵行行獨止干戈域毳  
帳望誰爲主人

唐詩類苑

卷之四十七

三

贈邊將

韋莊

昔因征遠向金微馬出榆  
關一鳥飛萬里只携孤劒  
去十年空逐塞鴻歸手招  
都護新降虜身著文皇衣  
賜衣只待煙塵報天子壯  
心無事別無機

贈邊將

章碣

千千鐵騎擁塵紅去去平  
吞萬里空宛轉龍蟠金  
雪連錢豹躩繡旗風行收  
部落歸天闕旋進封疆入  
帝聰只有河源與遼海如  
今全屬指麾中

贈邊將

施肩吾

輕生奉國不爲難戰苦身  
多舊箭瘢玉匣銷龍鱗甲



冷金鈴觀鵲羽毛寒皂貂擁出花當背白馬騎來  
在鞍猶恐犬戎臨虜塞柳營時把陣圖看

贈邊將

姚鵠

三邊近日往來通盡是將軍鎮撫功兵統萬人爲上  
將威加千里懾西戎清笳遶塞吹寒月紅旆當山  
曉風却恨北荒霑雨露無因掃盡虜庭空

漁陽將

張籍

塞深沙草白都護領燕兵放火燒奚帳分旌  
下營看嶺勢尋雪覺人行更向桑乾北擒生問  
破名

送西安將

張籍

唐詩類苑

卷之四十七

三

萬里海西路茫茫邊草秋計程沙塞口望伴驛峰頭  
雪暗非時宿沙深獨去愁塞鄉人易老莫住近番州

贈功成將

方干

建難在明略何曾勞戰爭飛書諭強寇計日下重城  
深雪移營夜寒沙出塞情苦心殊易老新髮早年生

送防秋將

張籍

白首征西將猶能射戟支元戎選部曲軍吏換旌旗  
逐虜招降遠開邊舊壘移重收隴外地應似漢家時

征西將

張籍

黃沙北風起半夜又翻營戰馬雪中宿探人冰上行

深山旗未展陰磧鼓無聲幾道征西將同收碎葉城

代宋州將淮上乞歸

耿漳

唇齒幸相依危亡故遠歸身輕百戰出家在數重圍  
上將堅深壘殘兵闕落暉常聞鐵劒利早晚借餘威

諸將五首

杜甫

漢朝陵墓對南山胡虜千秋尚入關昨日玉魚蒙葬  
地早時金盃出人間見愁汗馬西戎逼曾閃朱旗北  
斗閑多少材官守涇渭將軍且莫破愁顏

韓公本意築三城擬絕天驕拔漢旌豈謂盡煩回紇  
馬翻然遠救朔方兵胡來不覺潼關隘龍起猶聞晉

唐詩類苑

卷之四十七

三

水清獨使至尊憂社稷諸君何以答升平

洛陽宮殿化爲烽休道秦關百二重滄海未全歸禹  
貢薊門何處覓堯封朝廷衮職雖多預天下軍儲不  
自供稍喜臨邊王相國肯銷金甲事春農

回首扶桑銅柱標冥冥氛祲未全銷越裳翡翠無消  
息南海明珠久寂寥殊錫曾爲大司馬總戎皆挿侍  
中貂炎風朔雪天王地只在忠良翊聖朝

錦江春色逐人來巫峽清秋萬壑哀正賴往時嚴僕  
射共迎中使望鄉臺主恩前後三持節軍令分明數  
舉杯西蜀地形天下險安危須仗出羣材

上將行

耿緯

蕭關掃定犬羊羣，閉閣層城白日曛。  
櫪上驂駟嘶鼓角，門前老将識風雲。  
旌旗四百寒山映，絲管千家靜夜聞。  
誰道古來多簡冊，功臣唯有衛將軍。

贈水軍都將

張蠟

平生爲有安邦術，便別秋曹最上階。  
戰艦却容儒客臥，公廳唯伴野僧齋。  
裁詩樹迴水膠筆，養藥堂深薜蘿鞋。  
直待門前見憶節，始應高慙聖君懷。

贈戰將

殷文珪

綠沈槍利雪峯炎，犀甲軍裝紫髯威。  
懾萬人長凜唐詩類苑

卷之四十七

四十一

凜禮延羣客，每謙謙陣前。  
戰馬黃金勒，架上丘書白。  
玉籤不爲已，爲儒弟子好。  
依門下學韜鈴。

贈淮南將

馬戴

何事淮南將，功高業未成。  
風濤辭海郡，雷雨鎮山營。  
度磧黃雲起，防秋白髮生。  
密機曾制敵，憂國更論兵。  
塞色侵旗動，寒光鎖甲明。  
自憐心有作，獨立望專征。

贈蜀將

溫庭筠

十年分散劍關秋，萬事皆隨錦水流。  
心氣已曾明漢節，功名猶自滯吳鉤。  
鵬鵬邊認箭寒雲，重馬上聽笳塞草愁。  
今日逢君倍惆悵，灌嬰韓信盡封侯。

猛將吟

孟郊

擬膾樓蘭肉，蓄怒時未揚。  
秋輦無退聲，夜劍不隱光。  
虎隊手驅出，豹篇心卷藏。  
古今皆有言，猛將出北方。

長安退將

項斯

塞外衝沙損眼明，歸來養病住秦京。  
上高樓閣看星坐，著白衣裳把劍行。  
常說老身思闕將，最悲無力制蕃營。  
翠眉紅臉和回鶻，惆悵中原不用兵。

餞田尚書還兗州

張謂

忠義三朝許威名，四海聞更乘歸魯。  
詔猶憶破胡勳，別路逢霜雨。  
行營對雪雲，明朝郭門外。  
長揖大將軍，唐詩類苑

卷之四十七

四十二

戲作花卿歌

杜甫

時有病瘡者，子美曰：吾詩可以療之。  
病者曰：云何？曰：夜闌更秉燭，相對如夢寐。  
其人誦之，瘡猶是也。杜曰：更誦吾詩。  
云：子璋孺，血模糊，手提擲還崔大夫。  
其人誦之，果愈。

成都猛將有花卿，學語小兒知姓名。  
用如快鶻風火生，見賊唯多身始輕。  
綿州副使著柘黃，我卿掃除即日平。  
子璋孺，血模糊，手提擲還崔大夫。  
李侯重有此節度，人道我卿絕世無。  
旣稱絕世無，天子何不喚取守京都。

都尉

別耿都尉

高適

四十能學劍時人無此心如何耿夫子感激投知音  
翩翩白馬來二月青草深別易小千里與酣經百金

送張都尉東歸

岑參

白羽綠弓絃年年只在邊還家劍鋒盡出塞馬蹄穿  
逐虜西踰海平胡北到天封侯應不遠燕領豈徒然

郎將

送劉郎將歸河東

岑參

借問虎賁將從軍凡幾年殺人寶刀缺走馬貂裘穿

唐詩類苑

卷之四十七

望

山雨醒別酒關雲迎渡船謝君賢主將豈忘輪臺邊

別將

送裴別將之安西

高適

絕域眇難躋悠然信馬蹄風塵驚跋涉搖搖怨睽携  
地出流沙外天長甲子西少年無不可行矣莫悽悽

送李別將攝伊吾令文使赴武威便寄崔員

外

岑參

詞賦滿書囊胡爲在戰場行間脫寶劍邑里挂銅章  
馬疾飛千里鳬飛向五涼遙知竹林下星使對星郎

輕車

贈輕車

崔顥

悠悠遠行歸經春涉長道幽冀桑始青洛陽歸欲老  
憶昨戎馬地別時心草草烽火從北來邊城閉長早  
平生少相遇未得展懷抱今日杯酒間見君交情好

執戟

楚江黃龍磯南宴楊執戟治樓

李白

五月分五洲碧山對青樓故人楊執戟春賞楚江流  
一見醉漂月三杯歌棹謳桂枝攀不盡他日更相求

揮使

唐詩類苑

卷之四十七

望

贈張揮使

戴叔倫

謫戍孤城小思家萬里遙漢廷求衛霍劍珮上青霄

唐詩類苑卷第四十七終

唐詩類苑卷第四十八

明雲間張之象玄超甫纂輯

孫齊顏伯復甫編次

雲間王微叔朗甫補訂

梁谿曹仁孫伯安甫校正

職官部

大總管

奉和幸望春宮送朔方大總管張仁亶

李义

邊郊草地腴河塞有兵機上宰調梅寄元戎細柳威

唐詩類苑

卷之四十八

虎獵東道出鷹隼北庭飛玉匣謀中野金輿下太微

投醪銜酌餞緝衮事征衣勿謂公孫老行聞秦凱歸

奉和幸望春宮送朔方大總管張仁亶

李嶠

玉塞征驕子金符命世臣三軍張武旆萬乘餞行輪

猛氣凌玄朔崇恩降紫宸投醪還結士辭第本志

露下鷹初擊風高鷹欲賓方銷塞北侵還靜漠南塵

奉和聖製幸望春宮送朔方大總管張仁亶

劉憲

命將擇耆年圖功勝必全光輝萬乘餞威武二庭宣

中衢橫鼓角曠野蔽旌旃推食天厨至投醪御酒傳  
涼風過鳳苑殺氣下鷄田份闢恩何極臨岐動脣篇

奉和聖製幸望春宮送朔方大總管張仁亶

蘇頌

北風吹早鴈日夕渡河飛氣冷葭應折霜明草正腴

老臣帷幄算元宰廟堂機餞飲迴仙蹕臨戎解御衣

軍裝乘曉發師律候春歸方佇勲庸盛天辭降紫微

奉和幸望春宮送朔方大總管張仁亶

鄭愔

御蹕下都門軍麾出塞垣長楊跨虜騎細柳按戎軒

唐詩類苑

卷之四十八

曆曲風雲動邊威鼓吹喧坐帷將闕外俱是報明恩

奉和幸望春宮送張仁亶

李適

地限驕南牧天臨餞北征解衣延寵命橫劒總威名

豹略恭宸旨雄文動睿情坐觀膜拜入朝夕受降城

節度使

奉送李太保兼御史大夫克渭北節度使卽

太尉光弼弟

岑參

詔出未央宮登壇近總戎上公周太保副相漢司空

弓抱關西月旗翻渭北風弟兄皆許國天地苟成功

酬河南節度使賀蘭大夫見贈之作

高適

高閣憑欄檻中軍倚旆旌感時常激切於已卽忘情  
河華屯妖氣伊瀝有戰聲媿無戡難策多謝出師名  
秉鉞知恩重臨戎覺命輕股肱瞻列嶽唇齒賴長城  
隱隱摧鋒勢光光弄印榮魯連真義士陸遜豈書生  
直道寧殊智先鞭忽抗衡楚雲隨去馬淮月尚連營  
撫劍堪投分悲歌益不平從來重然諾況值欲橫行  
奉送郭中丞兼大僕卿充隴右節度使三十

韻

杜甫

詔發西山將秋屯隴右兵淒涼餘部曲輝赫舊家聲

唐詩類苑

卷之四十八

三

鵬鶚乘時去驂驪顧主鳴艱難須上策容易卽前程  
斜日當軒蓋高風卷旆旌松悲天水冷沙亂雪山清  
和虜猶懷惠防邊不敢驚古來於異域鎮靜示專征  
燕薊奔封豕周秦觸駭鯨中原何慘黷餘孽尚縱橫  
箭入昭陽殿笳吟細柳營內人紅袖泣王子白衣行  
宸極妖星動園陵殺氣平空餘金碗出無復總帷輕  
毀廟天飛雨焚宮火徹明景恩朝共落榆枌夜同傾  
三月師逾整群胡勢就烹瘡痍親接戰勇決冠垂成  
妙譽期元宰殊恩具列卿幾時回節鉞戮力掃攬槍  
圭竇三千士雲梯七十城耻非齊說客甘似魯諸生

通籍微班忝周行獨坐榮隨肩趨漏刻短髮寄餘

徑欲依劉表還疑厭禰衡漸衰那此別忍淚獨含情  
廢邑狐狸語空村虎豹爭人頻墜塗炭公豈忘精誠  
元帥調新律前軍厭舊京安邊仍扈從莫作後功名

贈節度使段文昌

廣都邑人

昔日騎驢學忍饑今朝忽看錦衣歸等閑畫虎驅紅  
旆可畏登龍入紫微富貴不由翁祖致文章生得羽  
毛飛廣都再去應惆悵猶有江邊舊釣磯

送王節度副使赴太原

司空曙

新從劉太尉結束向并州絡腦青絲騎盤囊錦帶鈞

唐詩類苑

卷之四十八

四

出關逢將校下嶺擁戈矛匣閉黃雲冷山傳畫角秋  
劍峯將破虜遠道罷登樓豈作書生老當封萬戶侯

觀察使

元微之除浙東觀察使喜得杭越之和答

白居易

稽山鏡水歡遊地犀帶金章榮貴身官職比君誰校  
小封疆與我且爲隣郡樓對翫千峯月江界平分兩  
岸春杭越風光詩酒主相看更合是何人

朝集使

奉和聖製暮春送朝集使歸郡應制

王維

萬國仰宗周衣冠拜冕旒玉乘迎大客金節送諸侯  
祖席傾三省褰帷向九州楊花飛上路槐色蔭通溝  
來預鈞天樂歸分漢主憂宸章類河漢垂象滿中州  
兵馬使

贈李兵馬使

白居易

身得二師餘氣槩家藏都尉舊詩章江南別有樓船  
將燕頤虬鬚不姓楊

贈淮西賈兵馬使

僧清江

破虜功成百戰場天書新拜漢中王映門旌旆春風  
唐詩類苑 卷之四十八 五

起對客絃歌白日長塔下鬪鷄花乍發營南試柳馬  
初黃由來吳楚多同調感激逢君共異鄉

副使

宣城送劉副使入秦

李白

君即劉越石雄豪冠當時淒清橫吹曲慷慨扶風詞  
虎嘯俟騰躍鷄鳴遭亂離千金市駿馬萬里逐王師  
結交樓煩將侍從羽林兒統兵捍吳越豺虎不敢窺  
大勳竟莫敘已過秋風吹秉鉞有季公凜然負英姿  
寄深且戎幕望重必台司感激一然諾縱橫兩無疑  
伏奏歸北闕鳴騶忽西馳列將咸出祖英僚惜分離

斗酒滿四筵歌嘯宛溪湄君攜東山妓我詠北門詩  
貴賤交不易恐傷中園葵昔贈紫驪駒今傾白玉卮  
同驪萬斛酒未足解相思此別又千里秦吳眇天涯  
月明關山苦水劇隴頭悲借問幾時還春風入黃池  
無令長相思折斷綠楊枝

送張獻心充副使歸河西雜句

岑參

將門子弟君獨賢一從受命常在邊末年三十已高  
位腰間金印色緒然前日承恩白鹿殿歸來見者誰  
不羨篋中賜衣十重餘案上軍書十二卷看君謀智

唐詩類苑

卷之四十八

六

若有神愛君詞句皆清新澄湖萬頃深見底清水一  
若光照人雲中昨夜使星動西門驛樓出相送玉瓶  
素蟻臘酒香金鞍白馬紫遊韁花門南燕支北張掖  
城頭磧雲黑送君一去天外憶

寄滑州李副使員外

皮日休

兵繞臨淮數十重鐵衣木子正從公軍前草奏旄頭  
下城上封書箭箠中圍合只應聞曉鴈血腥何處避  
春風故人勲重金章貴猶在江湖積劒功

奉和寄滑州李副使員外

陸龜蒙

洛生閒詠正拙毫忽傍旌旗著戰袍檄下連營皆破

膽劍離孤匣欲吹毛清秋月色臨軍壘半夜淮聲入  
賊壕除却征南爲上將平徐功業更誰高

司馬

送蜀州趙司馬

宋之問

餞子西南望煙綿劍道微橋寒金鴈落林曙碧鷄飛  
職拜輿方遠仙成履會歸定知和氏璧遙掩玉

送許州宋司馬

宋之問

穎郡水東流荀陳兄弟遊偏傷茲日遠獨向聚星州  
河潤在明德人康非外求當聞力爲政遙慰我心愁

餞許州宋司馬

薛稷

唐詩類苑

卷之四十八

七

令弟與名兄高才振兩京別序聞鴻鴈離章動鶴鶴  
遠鵬追翰墨勝地寫丹青風月相思夜勞望穎川星

餞許州宋司馬

李義

展驥旌時傑談鷄美代賢暫離仙掖務追送近郊筵  
地慘金商節人康璧假田從來昆友事咸以佩刀傳

許州宋司馬

盧藏用

國爲休徵選輿因仲舉題山川襄野隔酒瀟亭睽  
零雨征軒驚秋風別驥嘶驪歌一曲罷愁望正淒淒

餞許州宋司馬

馬懷素

穎川開郡邑角宿分疆野君非仲舉才誰應題輿

憫憫琴上鶴蕭蕭路傍馬嚴程若可修別袂希再紀

餞許州宋司馬

徐堅

舊許星車轉神京祖帳開斷煙長別望零雨送離杯  
辭燕依空遠賓鴻入聽哀分攜與秋氣日夕共悲哉

餞許州宋司馬

李適

昔吾遊箕山竭來涉穎水復有許由廟迢迢白露裏  
聞君佐繁昌臨風悵懷此儻到平輿泉寄謝于將里

餞荊州崔司馬

蘇頌

茂禮雕龍昔香名展驥初水連南海派星拱北辰居  
稍發仙人履將題別駕輿明年徵拜入荆玉不藏諸

唐詩類苑

卷之四十八

八

送郭司馬赴伊吾郡請示李明府

岑參

安西美少年脫劍御弓弦不倚將軍勢皆稱司馬賢  
秋山城北面古治郡東邊江上舟中月遙思李郭仙

送宇文三河西充行司馬

王維

橫吹雜繁笳邊風卷塞沙還聞田司馬更逐李輕車  
蒲壘成秦地莎居屬漢家當令犬戎國朝聘學昆耶

巴西聞收京送班司馬入京

杜甫

聞道收宗廟鳴鑾自陝歸傾都看黃屋正殿引朱衣



劍外春天遠巴西勅使稀念君經世亂疋馬向王畿

送司馬入京

杜甫

群盜至今日先朝忝從臣歎君能戀主久客羨歸秦  
黃閣長司諫丹墀有故人向來論社稷爲話涕霑巾

送王司馬赴潤州

郎士元

暫屈文爲吏聊將祿代耕金陵且不遠山水復多名  
楚塞因高出寒潮入夜生離心逐春草直到建康城

贈澧州高大夫司馬霞寓

劉禹錫

前年收錦城馬蹋血泥行千里追戎首三軍許勇名  
殘兵疑鶴唳空壘辨烏聲一誤雲中級南游湘水清

唐詩類苑

卷之四十八

九

送沛縣司馬丞

方干

舉酒一相勸逢春聊盡歡羈遊故交少遠別後期難  
路上野花發雨中青草寒悠悠兩都夢小沛與長安

東平留贈狄司馬

高適

古人無宿諾茲道未爲難萬里赴知己一言誠可歎  
馬蹄經月窟劍術指樓蘭地出北庭盡城臨西海寒  
森然瞻武庫則是弄儒翰入幕綰銀綬乘軺兼鐵冠  
練兵日精銳殺敵無遺殘獻捷見天子論功俘可汗  
激昂丹墀下顧眄青雲端誰謂縱橫策翻爲權勢干  
將軍旣坎壈使者亦辛酸耿介挹三事羈離從一官

知君不得意他日會鵬搏

柳司馬至

杜甫

有使歸三峽相過問兩京函關猶出將渭水更屯兵  
設備邯鄲道和親邏些城幽燕惟鳥去商洛少人行  
衰謝身何補蕭條病轉嬰霜天到宮闕戀主寸心明

贈虞十五司馬

杜甫

遠師虞祕監今喜識玄孫形象丹青逼家聲器宇存  
淒涼憐筆勢浩蕩問辭源爽氣金天豁清談玉露繁  
佇鳴南嶽鳳欲化北溟鯢交態知浮俗儒流不異門  
過逢連客位日夜倒芳樽沙岸風吹葉雲江月上軒

唐詩類苑

卷之四十八

十

送杜司馬再遊蜀中

僧無可

爲客應非願愁成欲別時還遊蜀國去不惜杜陵期  
劍水啼猿在關林轉棧遲日光低峽口雨勢出峨眉  
山迴逢殘角雲開識遠夷勿令雙鬢髮併向錦城衰

送王司馬之陝州

劉禹錫

暫輟清齋出太常空攜詩卷過甘棠府公既有朝中  
日司馬應容酒後狂案牘來時唯署字風煙入興便  
成章兩京大道多遊客每遇詞人戰一場

贈王司馬

張籍



白笏朱衫年少時久登班列會朝衣貯財不省開  
用行義唯愁被衆知藏用寶刀求主帶調成駿馬  
人騎未曾相識多聞說遙望長如玉樹枝

西亭子送李司馬

岑參

高高亭子郡城西直上千尺與雲齊盤崖綠壁試攀  
躋群山向下飛鳥低使君五馬天半嘶絲繩玉壺爲  
君提坐來一望無端倪紅花綠柳鶯亂啼千家萬井  
連回溪酒行未醉聞暮鷄點筆操紙爲君題惜解  
草萋萋沒馬蹄

判官

唐詩類苑

卷之四十八

十一

號中酬陝西甄判官贈

岑參

微才棄散地拙宦慙清時白髮徒自負青雲難可期  
胡塵暗東洛亞相方出師分陝振鼓鼙二嶠滿旌旗  
夫子廊廟器迥然青冥姿閭外佐戎律幕中吐兵奇  
前者驛使來忽枉行軍詩畫吟庭花落夜諷山月移  
昔君隱蘇門浪跡不可羈詔書自徵用令譽天下知  
別來春草長東望轉相思寂寞山城暮空聞畫角悲  
入劍門作寄杜楊二郎中時二公並爲杜元

帥判官

岑參

不知造化初此山誰開折雙崖寄天立萬仞從地勢

雲飛不到頂鳥去難過壁速駕畏巖傾單行愁路窄  
平明地仍黑停午日暫赤凜凜三伏寒嶢嶢五丁  
與時忽開閉作固或順逆磅礴跨岷峨巍嵒限蠻  
星當甯參分地處西南僻斗覺煙景殊杳將華夏隔  
劉氏昔顛覆公孫曾敗績始知德不修恃此險何益  
相公總師旅遠近罷金革杜母來何遲蜀人應更惜  
暫回丹青慮少用開濟策二友華省郎俱爲幕中客  
良籌佐戎律精理皆碩畫高文出詩騷與學窮詩  
聖朝無外戶寰宇被德澤四海今一家徒然劒門石

奉贈李八丈判官

杜甫

唐詩類苑

卷之四十八

十一

我丈時英特宗枝神堯後珊瑚市則無駸驥人得有  
早年見標格秀氣衝星斗事業富清機官曹正獨守  
頃來樹嘉政昔已傳衆口艱難體貴安冗長吾敢取  
區區猶歷試炯炯更持久討論實解願操制紛應手  
篋書積諷諫宮闕限奔走入幕未展材秉鈞孰爲偶  
所親問淹泊汎愛惜衰朽垂白辭南翁委身希北叟  
真成窮轍鮒或似喪家狗秋枯洞庭石風颯長沙柳  
高興激荆衡知音爲回首

送長孫九侍御赴武威判官

杜甫

驄馬新鑿蹄銀鞍被來好繡衣黃白郎騎向交河  
問君適萬里取別何草草天子憂涼州嚴程到須早  
去秋群胡反不得無電掃此行牧遺甿風俗還再造  
族父領元戎名聲閣中老奪我同官良飄飄按城堡  
使我不能餐令我惡懷抱若人才思闊溟漲稱絕島  
樽前失詩流塞上得國寶皇天悲送遠雲雨白浩浩  
東郊尚烽火朝野色枯槁西極柱亦傾如何正穹昊  
送樊二十三侍御赴漢中判官

杜甫

唐詩類苑

卷之四十八

十三

威弧不能弦自爾無寧歲川谷血橫流豺狼沸相噬  
天子從北來長驅振彫敝頓兵岐梁下却跨沙漠裔  
二京陷未收四極我得制蕭索漢水清緬通淮湖沈  
使者紛星散王綱尚旒綴南伯從事賢君行立談際  
坐知七曜曆手畫三軍勢冰雪淨聰明雷霆走精銳  
幕府輟諫官朝廷無此例至尊方旰食仗爾布嘉惠  
補闕暮徵入柱史晨征慈正當艱難時實藉長久計  
回風吹獨樹白日照執袂慟哭蒼煙根山門萬里閉  
居人莽牢落遊子方迢遞徘徊悲生離局促老一世  
陶唐歌遺民後漢更列帝恨無匡復資聊欲從此寤

送從弟亞赴安西判官

杜甫

唐詩類苑

卷之四十八

十四

送韋十六評事充同谷郡防禦判官

杜甫

昔沒賊中時潛與子同遊今歸行在所王事有去留  
偏側兵馬間主憂急良籌子雖軀幹小老氣橫九州  
挺身艱難際張目視冠纓朝廷壯其節奉詔令參謀  
鑾輿駐鳳翔同谷爲咽喉西扼弱水道南鎮枹罕陬  
此邦承平日剽劫吏所羞況乃胡未滅控帶莽悠悠  
府中韋使君道足示懷柔令姪才俊茂二美又何求  
受詞太白脚走馬仇池頭古色沙土裂積陰霜雪稠  
羌父豪猪靴羌兒青兕裘吹角向月窟蒼山旌旆愁

鳥驚出死樹龍怒拔老湫古來無人境今代橫戈矛  
傷哉文儒士憤激馳林丘中原正格鬪後會何緣由  
百年賦命定豈料沈與浮且復戀良友握手步道周  
論兵遠壑淨亦可縱冥搜題詩得秀句札翰時相投

送薛判官赴蜀

錢起

橫笛聲轉悲羽觴酣欲別舉目叩關遠離心不可說  
邊陲勞帝念日下降才傑路極巴水長天銜劍峯缺  
單車動夙夜越境正炎節星橋過客稀火井蒸雲熱  
陰符能制勝千里在坐决始見儒者雄長纓繫餘孽  
送史判官奏事之靈武兼寄巴西親故

唐詩類苑

卷之四十八

五

劉長卿

中州日紛梗天地何時泰獨有西歸心遙懸夕陽外  
故人奉章奏此去論利害陽鴈南渡江征驂去相背  
因君欲寄遠何處問親愛空使滄洲人相思減衣帶

送薛判官之越

皇甫冉

時難自多務職小亦求賢道路無辭遠雲山併在前  
樟亭待潮處已是越人煙

送平淡然判官

王維

不識陽關路新從定遠侯黃雲斷春色畫角起邊愁  
瀚海經年到交河出塞流須令外國使知飲月支頭

送李判官赴江東

王維

聞道皇華使方隨臯蓋臣封章通左語冠冕化文身  
樹色分楊子潮聲滿富春遙知辨璧吏恩到泣珠人

送張判官赴河西

王維

單車曾出塞報國敢邀勲見逐張征虜今思霍冠軍  
沙平連白雪蓬卷入黃雲慷慨倚長劍高歌一送君

送靈州李判官

杜甫

羯胡腥四海回首一茫茫血戰乾坤赤氛迷日月黃  
將軍專策略幕府盛才良近賀中興主神兵動朔方

送鄭判官

王昌齡

唐詩類苑

卷之四十八

六

東楚吳山驛樹微輕車銜命奉恩輝英寮攜出新豐  
酒半道遙看驄馬歸

送王判官

徐安貞

明月開三峽花源出五溪城池青壁裏煙火綠林西  
不畏王程促唯愁仙路迷巴東下歸棹莫待夜猿啼

別馮判官

高適

碣石遼西地漁陽薊北天關山唯一道雨雪盡三邊  
才子方爲客將軍正渴賢遙知幕府下書記日翩翩

送董判官

高適

逢君說行邁倚劍別交親幙府爲才子將軍作主人

近關多雨雪出塞有風塵長策須當用男兒莫願

陝州月城樓送辛判官入奏

岑參

送客飛鳥外城頭樓最高樽前遇風雨牕裏動波濤  
謁帝向金殿隨身唯寶刀相思灞陵月祇有夢偏勞

送裴判官自賊中再歸河陽幕府

岑參

東郊未解圍忠義似君稀誤落胡塵裏能持漢節歸

卷簾山對酒上馬雪沾衣却向嫖姚幕翩翩去若飛

送陳判官赴綏德

賈島

唐詩類苑

卷之四十八

七

將軍遙入幕束帶便離家身暖蕉衣窄天寒磧日斜

火燒岡斷草風卷雪和沙絲竹豐州有春來祇欠花

送柳判官赴振武

李益

邊庭漢儀重旌甲似雲中虜地山川壯單于鼓角雄

關寒塞榆落月白胡天風君逐嫖姚將麒麟有戰功

送劉判官赴豐州

盧綸

銜杯吹急管滿眼起風沙大漠山沈雪長城草發花

策行須耻戰虜在莫言家余亦祈勲者如何別左車

送鹽鐵裴判官入蜀

盧綸

傳詔收方貢登車著賜衣權商蠻客當稅地芋田肥

雲白風雷歇林清洞穴稀炎涼君莫問見卽在忘歸

送侯御赴黔中充判官

劉長卿

不識黔中路今看遣使臣猿啼萬里客鳥似五湖人

地遠官無法山深谷豈淳須令荒徼外亦解懼埋輪

送青苗鄭判官歸江西

劉長卿

三苗餘古地五稼滿秋田來問周公稅歸輸漢俸錢

江城寒背日湓水暮連天南楚彫殘後疲民賴爾憐

送康判官往新安

劉長卿

不向新安去那知江路長猿聲近廬嶽水色勝瀟湘

驛路收殘雨漁家帶夕陽何須愁旅泊使者在輝光

唐詩類苑

卷之四十八

八

送喬判官赴福州

劉長卿

揚帆向何處插羽逐征東夷落人煙迴王程鳥路通

江流回澗底山色聚閩中君去彫殘後應憐百越空

奉陪使君西庭送淮西魏判官

劉長卿

羽檄催歸恨春風醉別顏能邀五馬送自逐一星還

破竹從軍樂看花聽訟閑遙知用兵處多在八公山

送河南元判官赴河南

名當苗稅充百官俸

錢

劉長卿

錢

春草長河曲離心共渺然方收漢家俸獨向汶陽田

鳥雀空城在榛蕪舊路還山東征戰苦幾處有人煙

送韋判官赴閩中

孤棹閩中客雙旌海上軍路人從北少嶺水向南分  
野鶴傷秋別林猿忘夜聞漢家崇亞相知子遠邀勳

送郭判官赴振武在代州 盧綸

黃河九曲流繚繞古邊州鳴鴈飛初夜羌胡出晚秋  
淒涼金管思迢遞玉人愁七葉堆多慶須懷殺敵憂

送王諫議充東都留守判官

李嘉祐

時稱謝康樂別事漢平津衰柳寒關道高車左掖臣

唐詩類苑

卷之四十八

十九

背河看北鴈到洛問東人憶昔遊金谷相看華髮新

送龐判官赴黔中

司空曙

天遠風煙異西南見一方亂山來蜀道諸水出辰陽  
堆案青油暮看棋畫角長論文誰可制記室有何郎

送周判官往台州

孫逖

吾宗長作賦登陸訪天台星使行看入雲仙意轉催  
餘水攀蘿驅傳歷莓苔日暮東郊別真情去不迴

送李補闕攝御史充河西節度判官

孫逖

昔年叨補袞邊地亦埋輪官序慙先達才名畏後人

西戎雖獻款上策耻和親早起軍戎幕長清外城

送嚴侍御充東畿觀察判官

劉長卿

洛陽征戰後君去問彫殘雲月臨南至霜風向北寒  
故園經亂久古木隔鄰看誰訪江城客年年守一官

睢陽酬別楊大判官

高適

吾友遇知己策名逢聖朝高才擅白雪逸翰懷青霄  
承詔選嘉兵慨然即馳軺清畫下公館尺書忽相邀

留歡惜別離畢景駐行鑣言及沙漠事益令胡馬驚  
丈夫拔東蕃聲冠霍嫖姚兇鏖衝矢石鐵甲生風

唐詩類苑

卷之四十八

二十

諸將出井陘連營濟石橋酋豪盡俘馘子弟輸征徃

邊庭絕刁斗戰地成漁樵榆關夜不扃塞口長蕭蕭

降胡滿薊門一一能射鵬軍中多燕樂馬上何輕超

戎狄本無厭羈縻非一朝饑附誠足用飽飛安可招

李牧制儋藍遺風豈寂寥君還謝幕府慎勿輕蕩

餞宋八充彭中丞判官之嶺外

高適

親君濟時畧使我氣填膺長策竟不用高才徒見稱  
一朝知己達累日詔書徵羽翮忽然就風颿誰敢凌  
舉鞭趨嶺嶠屈指冒炎蒸北鴈送馳驛南人思飲

彼邦本倔強習俗多驕矜翠羽干平法黃金撓直繩  
若將除害馬慎勿信蒼蠅魑魅寧無患忠貞適有憑  
猿啼山不斷鷺跼路難登海岸出交趾江城連始興  
繡衣當節制幕府盛威稜勿憚九疑險須令百越澄  
立談多感激行李卽嚴凝離別胡爲者雲霄遲爾昇  
送柴司戶充劉判官之嶺外

高適

嶺外資雄鎮朝端寵節旄月卿臨幕府星使出詞曹  
海對羊城闊山連象郡高風霜驅瘴癘忠信涉波濤  
別恨隨流水交情脫寶刀有才無不適行矣莫徒勞  
唐詩類苑 卷之四十八 三

餞王荃判官赴襄陽道

岑參

故人漢陽使走馬向南荆不厭楚山路祗憐襄水清  
津頭習氏宅江上夫人城夜入橘花宿朝穿楓葉行  
害群應自懾持法固須平甕得青門醉斜光速去程

送鄒判官赴河南

皇甫冉

看君發原隰四牡去皇皇始罷滄江吏還隨粉署郎  
海沂軍未息河畔歲仍荒征稅人全少榛蕪處近亡  
所行知宋遠相隔歎淮長早晚裁書寄銀鈎侂八行  
毘陵送鄒結先赴河南充判官

劉長卿

王事相逢少雲山柰別何芳年臨水怨瓜步上湖過  
客路方經楚鄉心共渡河彫殘春草在離亂故城多  
罷戰逢時泰輕徭佇俗和東西此分手惆悵恨煙波  
寄江東李判官

皇甫冉

遠懷不可道歷稔勑離憂洛下聞新鴈江南想暮秋  
澄清佐八使綱紀案諸侯地識吳平久才當晉用求  
時賢幾徂謝摛藻繼風流更有西陵作還成北固遊  
歸程限尺牘王事在扁舟山色臨湖盡猿聲入夢愁  
贈李判官

韋應物

良玉定爲寶長材時所稀佐幕方巡郡奏命布恩威  
唐詩類苑 卷之四十八 三

食蔬程獨守飲水節靡違決獄興邦頌高文稟天機  
賓館在林表望山啓西扉下有千畝田決滂吳土肥  
始耕已見穫稔絺今授衣政拙勞詳省淹留未得歸  
雖慙且忻願日夕觀光輝

贈田九判官梁丘

杜甫

崆峒使節下青霄河隴降王款聖朝宛馬總肥春首  
藉將軍只數霍嫖姚陳留阮瑀誰爭長京兆田郎早  
見招麾下賴君才並入獨能無意向漁樵

送浙東周判官

朱慶餘

久聞從事滄江外誰謂無官已白頭來備戎裝嘶數

騎去持丹詔入孤舟蟬鳴遠驛殘陽樹鷺起湖田片  
雨秋到日重陪丞相宴鏡湖新月在城樓

寄浙西李判官

杜牧

燕臺上客意何如四五年來漸漸疎直道莫拋男子  
業遭時還與故人書青雲滿眼應驕我白髮渾頭少  
恨渠唯念賢哉崔大讓可憐無事不歌魚

送鄒紹充河南租庸判官

張繼

齊魯傷心地頻年此用兵女停襄邑村農廢汶陽耕  
使者乘輅去諸侯擁節迎深仁佐君子薄賦郵黎甿  
火燎原猶熱波搖海未平應將否泰理一問曹將軍

唐詩類苑

卷之四十八

三

送浙西周判官

張籍

由來自是煙霞客早已聞名計滄海子藏因將賀表  
到家鄉新著賜衣還常吟卷裏相酬句自話湖邊舊  
住山吳越主人偏愛重多應不肯放君閑

送周判官元範赴越

賈島

原下相逢便別離蟬鳴關路使迴時過淮漸有懸帆  
興到越應將墜葉期城上秋山生菊早驛西寒渡落  
潮遲已曾幾徧隨旌旆去謁荒郊大禹祠

送楊州判官

張籍

應得煙霞出俗心茅山道士共追尋閑憐綺綺能

晝暗辨桐聲自作琴長嘯每來松下坐新詩堪向雪  
中吟征南幕裏多賓客君獨相知最校深

流夜郎贈辛判官

李白

昔在長安醉花柳五侯七貴同杯酒氣岸遙凌豪士  
前風流肯落他人後夫子紅顏我少年章臺走馬著  
金鞭文章獻納麒麟殿歌舞淹留玳瑁筵與君自謂  
長如此寧知草動風塵起函谷忽驚胡馬來秦宮桃  
李向明開我愁遠謫夜郎去何日金鷄放赦回

書記

送高三十五書記

高適客河西哥品  
翰表為字書記

唐詩類苑

卷之四十八

三

杜甫

崆峒小麥熟且願休王師請君問主將焉用窮荒為  
饑鷹未飽肉側翅隨人飛高生跨鞍馬有似幽并兒  
脫身簿尉中始與筆楚辭借問今何官觸熱向武威  
答云一書記所愧國士知人實不易知更須慎其儀  
十年出幕府自可持旌麾此行既特達足以慰所思  
男兒功名遂亦在老大時常恨結驩淺各在天一涯  
又如參與商中腸安不悲驚風吹鴻鵠不得相追隨  
黃塵翳沙漠念子何當歸邊城有餘力早寄從軍詩

送崔融書記

杜審言



君王行出將書記遠從征祖帳連河闕軍麾動成  
旌旄朝朔氣笳吹夜邊聲坐覺煙塵掃秋風古北平

送韋書記赴安西

杜甫

夫子欵通貴雲泥相望懸白頭無籍在朱紱有哀憐  
書記赴三捷公車留五年欲浮江海去此別意愴然

送屈突司馬充安西書記

錢起

制勝三軍勁澄清萬里餘星飛隴統驥箭發魯連書  
海月低雲佈江霞入錦車遙知太阿劍計日斬鯨魚

送張管書記

錢起

邊事多勞役儒衣逐鼓鼙日寒關樹外峯盡塞雲西

唐詩類苑

卷之四十八

五

河廣逢難度天遙鴈漸低班超封定遠之子去思齊

送并州郭書記

溫庭筠

賓筵得佳客侯印有光輝候騎不傳箭迴文空上機  
塞塵牧馬去烽火射雕歸惟有嚴家瀨回環逕草微

送蔡希魯都尉還隴右寄高三十五書記

杜甫

蔡子勇成癖彎弓西射胡健兒寧關死壯士耻爲儒  
官是先鋒得材緣挑戰須身輕一鳥過搶急萬人呼  
雲幕隨開府春城赴上都馬頭金匝駢背錦模糊  
咫尺雪山路歸飛西海隅上公猶寵錫突將且前驅

漢使黃河遠涼州白麥枯因君問消息好在阮元瑜

宋中遇劉書記有別

高適

何代無秀士高門生此才森然覩毛髮若見江山來  
幾載困常調一朝時運催白身謁明主待詔登雲臺  
相逢梁宋間與我醉蒿萊寒楚渺千里雪天晝不開  
末路終別離不能強悲哀男兒爭富貴勸爾莫遲迴

送鄭書記

錢起

決勝無遺策辭天便請纓出身唯殉死報國且能兵  
受命麒麟殿參謀驃騎營短簫催別酒斜日駐前旌  
義勇千夫敵風沙萬里行幾年丹闕下侯印錫書生

唐詩類苑

卷之四十八

五

送李敖湖南書記

郎士元

憐君本與阮家同掌記能資亞相雄入楚豈忘看淚  
竹泊舟應自愛江楓誠知客夢煙波裏肯厭猿鳴夜  
雨中莫信衡湘書不到年年秋鴈過巴東

寄高書記

劉兼

齊朝慶裔祖敖曹麟角無雙鳳九毛聲價五侯爭辟  
命文章一代振風騷醉琴自寄陶家意夢枕誰聽益  
郡乃補衮應星曾奏舉北山南海孰爲高

掌記

盧龍塞行送韋掌記

錢起



雨雪紛紛黑山外行人共指盧龍塞萬里飛沙咽鼓  
聲三軍殺氣凝旌旆陳琳書記本翩翩料敵張兵奪  
酒泉聖主好文兼好武封侯莫比漢皇年

管記

贈別王七十管記

高適

故交吾未測薄宦空年歲晚節蹤曩賢雄詞冠當世  
堂中皆食客門外多酒債產業曾未言衣裘與人敝  
飄飄戎幕下出入關山際轉戰輕壯心立談有邊計  
雲沙自迴合天海空迢遞星高漢將驕月盛胡兵銳  
沙深井陘斷雪暗遼陽閉亦謂掃櫓旋旋驚陷蜂虻

唐詩類苑

卷之四十八

三七

歸旌告東捷關騎傳西敗遙飛絕漢書已築長安第  
畫龍俱在葉龍鶴先歸衛勿辭部曲勲不藉將軍勢  
相逢季冬月悵望窮海裔折劒留贈人嚴裝遂云邁  
我行卽悠紆及此還羈滯曾非濟代謀且有臨深誠  
隨波混清濁與物同醜麗眇憶青巖棲寧忘褐衣拜  
自言借水石本欲親蘭蕙何意薄松筠翻然重管蒯  
恒深取與分孰慢平生契款曲雞黍期酸辛別離袂  
逢時媿名節遇坎悲淪替適趙非解紛遊燕獨無說  
浩歌方振蕩逸翮思凌勵俟若異鵬搏吾當學蟠蛭

贈蘇管記

杜審言

北地寒因苦南庭戍不歸邊聲亂羌笛朔氣卷戎衣  
雨雪關山暗風霜草木稀胡兵戰欲盡虜騎獵猶肥  
鴈塞何時入龍城幾度圍據鞍雄劒動搖筆羽書飛  
輿駕還京邑朋游滿帝畿方期乘獻凱歌舞共春輝

都督

贈梁州張都督

崔顥

聞君爲漢將虜騎不南侵出磧清沙漠還家拜羽林  
風霜臣節苦歲月主恩深爲語西河使知余報國心

送趙都督赴代州

王維

天官動將星漢上柳條青萬里鳴刁斗三軍出井陘

唐詩類苑

卷之四十八

三八

忘身辭鳳闕報國取龍庭豈學書生輩曉間老一經

留別孟都督

韓翃

平蕪霽色寒城下美酒百壺爭勸把連呼寶劒銳頭  
兒少駐金羈大頭馬一飲留歡分有餘寸心懷思復  
何如他時相憶如相問青鎖門前開素書

贈兖州孟都督

韓翃

少年親事冠軍侯中歲仍遷北兖州露冕寧誇漢車  
服下帷常詠魯春秋後齋草色連高閣事簡人稀獨  
行樂閒心近掩陶使君詩興遙齊謝康樂遠山重疊  
小窗遙落日東城閒望時不見雙親辨豐膳能留五

馬盡佳期北場爭轉黃金勒愛客華亭賞秋色捲簾  
滿地鋪氈毼吹角鳴絃開玉壺願學平原十日飲此  
時不忍歌驪駒

都護

丁都護歌

李白

丁都護歌者彭城內史徐達之爲魯軌所殺宋高  
祖使都護丁眸收斂殯埋之達之妻高祖長女也  
呼眸至閣下自問殮送之事每問輒歎息曰丁都  
護其聲哀切後人因其聲廣其曲焉一曰丁督護  
雲陽上征去兩岸饒商賈吳牛喘月時拖船一何苦

唐詩類苑

卷之四十八

元

水濁不可飲壺漿半成土一唱都護歌心摧泪如雨  
萬人鑿盤石無由達江滸君看石芒碭掩泪悲千古  
奉和聖製送不蒙都護兼鴻臚卿歸安西應

制

王維

上卿增命服都護揚歸旆維虜盡朝周諸胡皆自郤  
鳴笳瀚海曲按節陽關外落日下河源寒山靜秋塞  
萬方氛浸息六合乾坤大無戰是天心天心同覆載

送單于裴都護赴西河

崔顥

征馬出翩翩城秋月正圓單于莫近塞都護欲臨邊  
漢驛通煙火胡沙泛井泉功成須獻捷未必去經年

送李大都護

常建

單于雖不戰都護事邊深君執幕中祕能爲高士心  
海頭近初月磧裏多愁陰西望郭猶子將分淚滿襟

送韓都護還邊

盧綸

好勇知名早爭雄上將間戰多春入塞獵慣夜登山  
陣合龍蛇動軍移草木閑今來部曲盡白首過蕭關

趙都護燕別

盧象

上客候旌麾元戎復在斯門開都護府兵動羽林兒  
點虜多翻覆謀臣有別離智同天所授恩共日相隨  
漢史開賓幙胡笳送酒卮風霜迎馬首雨雪事魚麗

唐詩類苑

卷之四十八

辛

在策應無戰深情屬載馳不應行萬里明主寄安危

送趙都護赴安西

張九齡

將相有更踐簡心良獨難遠圖嘗畫地起拜乃登壇  
戎卽崑山序車同渤海單義無中國費情必遠人安  
他日文兼武而今粟且寬自然來月窟何用刺樓蘭  
南至三冬晚西馳萬里寒封侯自有處征馬去嘽嘽

送趙都護赴安西

孫逖

外域分都護中臺命職方欲傳清廟略爲取劇曹郎  
已佩登壇印猶懷仗奏章百壺開祖餞駟牡結戎裝  
青海連西夏黃河帶北涼關山瞻漢月戈劍宿胡霜

體國才先著論兵策復長果持文武術還繼杜當陽  
都使

贈劉都使

李白

東平劉公幹南國秀餘芳一鳴卽朱紱五十佩銀章  
飲冰事戎幕衣錦華水鄉銅官舊人諍訟清玉堂  
吐言貴珠玉落筆迴風霜而我謝明主銜哀投夜郎  
歸家酒債多門客粲成行高談滿四座一日傾千觴  
所求竟無緒裘馬欲摧藏主人若不顧明發釣滄浪

開府

送彭開府往靈中觀使君兄

唐詩類苑

卷之四十八

三

盧綸

一門三代貴非是主恩偏破虜山名在承家釣藝全  
奪旗貂帳側射虎雪林前鴈塞逢兄弟雲州發管絃  
凍河光帶日枯草淨無煙儒者曾修武因貽上將篇

參軍

別韋參軍

高適

二十解書劍西遊長安城舉頭望君門屈指取公卿  
國風中融邁三五朝廷歡樂彌寰宇白璧皆言賜近  
臣布衣不得干明主歸來洛陽無負郭東過梁宋非  
吾上免苑爲農歲不登鴈池垂釣心長苦世人向我

同衆人唯君於我最相親且喜百年有交態未嘗一  
辭家貧彈棋擊筑白日晚縱酒高歌楊柳春歡娛  
未盡分散去使我惆悵驚心神丈夫不作兒女別臨  
岐涕淚沾衣巾

送絳州郭參軍

耿漳

遠事諸侯出青山古晉城連行迴水閣獨入議中兵  
夜雨新田濕春風曙角鳴人傳府公政記室有參卿

送郭參軍赴絳州

李端

登車君莫望故絳柳條春滿澤逢胡鴈桃源見晉人  
佐軍髯尚短擲地思還新小謝常攜手因之醉路塵

唐詩類苑

卷之四十八

三

盧綸

送絳州郭參軍

炎天過絳路千里麥花香董澤雷聲發汾橋水氣涼  
府趨隨處賤野宴接王祥送客今何幸經宵醉上堂

送狄參軍赴杭州

馬戴

新官非次受聖主寵前勳關雪發車晚風濤挂席聞  
海門山疊翠湖岸郡藏雲執簡從公後髯參豈勝君

寄贈號州張參軍

韓翃

三十事諸侯賢豪冠北州桃花迎駿馬蘇合染輕裘  
觀妓將軍第題詩關尹樓青林朝送客綠嶼晚回舟  
好栗分通子名香贈直愁洗杯新酒熟把燭故人留

百雉歸雲過千峯宿雨收  
兼葭露下晚菡萏水中秋  
憶昨陪行樂常時接獻酬  
佳期雖霧散惠問亦川流  
開卷醒堪解含毫思若抽  
無因達情意西望日悠悠

寄廣州楊參軍

馬戴

南方春景好念子緩歸心  
身方脫野服冠未繫朝簪  
足恣平生賞無虞外役侵  
汀洲觀鳥戲向月和猿吟  
稅駕楚山廣揚帆湘水深  
採奇搜石穴懷勝卽楓林  
悵望極霞際流情墮海陰  
前期杳難問歎息灑鳴琴

送蘇參軍

戎昱

憶昨青襟醉裏分酒醒迴  
首愴離群舟移極浦城初  
唐詩類苑 卷之四十八 三

掩山東長江日早曛  
來有恨空思德別後誰人更  
議文常歎蘇生官太屈應緣才似鮑參軍

送韋諷上閬州錄事參軍

杜甫

國步猶艱難兵革未衰息  
萬方哀嗷嗷十載供軍食  
庶官務割剝不暇憂反側  
誅求何多門賢者貴爲德  
韋生富春秋洞徹有清識  
操持紀綱地喜見朱絲直  
當令豪奪吏自此無顏色  
必若救瘡痍先應去螫賊  
揮淚臨大江高天意悽惻  
行行樹佳政慰我深相憶

京兆

暮秋會嚴京兆後廳竹齋

岑參

京尹小齋寬公庭半藥闌  
麝香茶色嫩牕冷竹聲乾  
盛德中朝貴清風晝省寒  
能將吏部鏡照取寸心看

奉贈鮮于京兆二十韻

杜甫

王國稱多士賢良復幾人  
異才應間出爽氣必殊倫  
始見張京兆宜居漢近臣  
驕驕開道路鵬鶚離風塵  
侯伯知何算文章實致身  
奮飛超等級容易失沈淪  
脫略蟠溪釣操持郢匠斤  
雲霄今已逼台衮更誰覩  
鳳穴難皆好龍門客又新  
義聲紛感激敗績自逕巡  
途遠欲何向天高難重陳  
學詩猶孺子鄉賦念嘉賓  
不得同晁錯吁嗟後却訖  
計疎疑翰墨時過憶松筠

唐詩類苑

卷之四十八

三

獻納紆皇眷中間謁紫宸  
且隨諸彥集方覲薄才伸  
破膽遭前政陰謀獨秉鈞  
微生霑忌刻萬事益酸辛  
交合丹青地恩傾雨露辰  
有儒愁餓死早晚報平津

獻白尹

許渾

許渾

醉舞任生涯褐寬烏帽斜  
庾公先在那疎傳早還家  
林晚鳥爭樹園春蜂護花  
高吟應更逸嵩洛舊煙霞

少尹

酬成少尹駱谷行見呈

岑參

聞君行路難惆悵臨長衢  
豈不憚險艱王程剩相拘  
憶昨蓬萊宮新授刺史符  
明主仍賜衣價直千萬餘

「幸承命日得與夫子俱攜手出華省連鑣赴長途  
五馬當路嘶按節投蜀都千崖信縈折一徑何盤紆  
層冰滑征輪密竹礙隼旗深林迷昏旦棧道凌空虛  
飛雪縮馬毛烈風擘我膚峯攢望天小亭午見日初  
夜宿月近人朝行雲滿車泉澆石鏤折火入松心枯  
亞尹同心者風流賢大夫榮祿上及親之官隨板輿  
高價振臺閣清詞出應徐成都春酒香且用俸錢沽  
浮名何足道海上堪乘桴

送河南皇甫少尹赴絳州 劉禹錫

誰憐相門子不語望秋山生長綺紈內辛勤筆硯間

唐詩類苑

卷之四十八

三五

榮親在名字好學棄官班佇俟明年社高堂開笑顏

冬日寄洛中楊少尹

馬戴

黃河岸柳衰城下渡流漸年長從公嬾天寒入府遲  
冢山望幾遍魏闕赴何時懷古心誰識應多謁舜祠

章梓州橋亭餞成都竇少尹得涼字

杜甫

秋日野亭千橘香玉杯錦席高雲涼主人送客何所  
作行酒賦詩殊未央衰老應爲難離別賢聲此三有  
輝光預傳籍籍新京兆青史無勞數趙張

送從姪擬赴江陵少尹

王建

江陵少尹好閑官親故皆交勸自寬無事日長貧不  
易有才年少屈終難沙頭欲買紅螺盞渡口多呈白  
角盤應向章華臺下醉莫衝雲雨夜深寒

投龐少尹

賈島

閉戶息機搔白首中庭一樹有清陰年年不改風塵  
趣日日轉多泉石心病起望山臺上立覺來聽雨燭  
前吟龐公相識元和歲春分依依直至今

寄河南杜少尹

溫庭筠

十載歸來鬢未彫玳簪珠履見常僚豈關名利分榮  
路自有才華作度霄鳥影參差經上苑騎聲相續過

唐詩類苑

卷之四十八

三十六

中橋夕陽亭畔山如畫應念田歌正寂寥

送楊少尹赴滿城

張籍

官爲本府當身榮因得還鄉任野情自廢田園今作  
主每逢耆老不呼名舊遊寺裏僧應識新別橋邊樹  
已成公事况閑詩更好將隨相逐上山行

和裴司空酬滿城楊少尹

張籍

聖朝偏重大司空人詠元和第一功擁節高臨漢水  
上題詩遠入舜城中共驚向老多年別更憶登科舊  
臥同誰不望歸丞相府江邊楊柳又秋風

功曹

送楊府李功曹

張九齡

平生屬良友結綬望光輝何知人事拙相與宦情乖  
別路穿林盡征帆際海歸居然已多意況復兩鄉違

送崔功曹赴越

高適

傳有東南別題詩報客居江山知不厭州縣復何如  
莫恨吳歛曲當看越絕書今朝欲乘興隨爾食鱸魚

送段功曹歸廣州

杜甫

南海春天外功曹幾月程峽雲籠樹小湖日落江明  
交趾丹砂重韶州白葛輕幸君因旅客時寄錦官城

送衛功曹赴荆南

錢起

唐詩類苑

卷之四十八

三

漢家仍用武才子晚成名惆悵江陵去誰知魏闕情  
碧雲愁楚水春酒醉宜城定想褰帷政還聞坐嘯聲

法曹

送越州辛法曹之任

李嘉祐

但能一官適莫羨五侯尊山色垂趨府潮聲自到門  
綠塘剡溪路映竹五湖村王謝登臨處依依今尚存

兵曹

送十二兵曹

王昌齡

縣職如長纓終日檢我身平明趨郡府不得展故人  
故人念江湖富貴如埃塵迹在戎府操心遊天台

獨立浦邊鶴白雲長相親南風忽至吳分散還入秦

寒夜天光白海靜月色真對坐論歲暮絃歌起  
平生馳驅分非謂杯酒仁出處兩不合忠貞何由申  
看君孤舟去且欲歌垂綸

送李兵曹赴河中

錢起

能荷鐘鼎業不矜統緒榮侯門王事後儒服一書生  
昔志學文史立身為士英驪珠難隱曜卓鶴會長鳴  
休命且隨牒候時常振纓寒蟬思闌柳匹馬向蒲城  
秋日黯將暮黃河如欲清黎人思坐嘯知子樹佳聲  
送樊兵曹之潭州謁韋大夫

唐詩類苑

卷之四十八

三

李嘉祐

塞鴻歸欲盡北客始辭秦零桂雖逢竹湘川少見人  
江花鋪淺水山木暗殘春修刺懷門裏多隣爾為親

贈別韋兵曹歸池州

韓翃

南陵八月暮天色遠峯前楚竹青陽路吳江赤馬船  
簾金諸客貴佩玉主人賢終日應相逐歸期定幾年

送萬兵曹赴廣陵

錢起

秋日思還客臨流語別離楚城將坐嘯郢曲有餘悲  
山晚桂花白燕歸日暮長應須揚得意更誦長卿辭

重

賈島

故人在城裏休寄海邊書漸去老不遠別來情豈疎  
硯冰催臘日山雀到貧居每有平戎計官家別勅書

送竇兵曹

李端

梨花開上苑遊女著羅衣聞道情人怨應須走馬歸  
御橋遲日暖官渡早鶯稀莫遣佳期過空看胡蝶飛

送張兵曹

魏兼恕

河曲今無戰王師每務農選才重委當足食乃深功  
草色孤城外雲陰大漠中蕭關休一作歎別歸望在  
乘驄

贈別張兵曹

李頎

唐詩類苑

卷之四十八

元

漢家蕭相國功蓋五諸侯勲業山河重丹青錫命優  
君爲禁鬱壻爭看玉人遊荀令焚香日潘郎振藻秋  
新成鸚鵡賦能衣鸛鶴裘不憚軒車遠仍尋薜荔幽  
苑梨飛絳葉伊水淨寒流雪滿故關道雲遮祥鳳樓  
一身輕寸祿萬物任虛舟別後如相問滄波雙白鷗

暮冬送蘇四郎後兵曹適桂州

杜甫

飄飄蘇季子六印佩何遲早作諸侯客兼工古體詩  
爾賢埋照久余病長年悲盧縮須征日樓蘭要斬時  
歲陽初盛動王化久磷緇爲入蒼梧廟看雲哭九疑

撫州別阮兵曹

羅隱

雪晴天外見諸峯幽軌行輪有去蹤內史宅邊今獨  
恨步兵厨畔舊相容十年別鬢疑朝鏡千里歸心著  
晚鐘若把他時更青眼未知誰肯薦臨邛

贈蕭兵曹

許渾

廣陵堤上欲離居帆轉瀟湘萬里餘楚澤病時無鵬  
鳥越鄉一作歸處有鱸魚湖生水郭蒹葭響雨過山  
城橘柚疎聞說攜琴兼載酒邑人爭識馬相如

騎曹

送史兵曹判官赴樓煩

盧綸

唐詩類苑

卷之四十八

罕

渥洼龍種散雲時千里繁花乍別離中有重臣承露  
澤外無輕虜犯旌旗山川自與郊垌合帳幕時因水  
草移敢謝親賢得瓊玉仲宣能賦亦能詩

送李騎曹之武寧

僧無可

一歲一歸寧涼天數騎行河來當塞曲山遠與沙平  
縱獵旗風卷聽笳帳月生新鴻引寒色迴日滿京城

唐詩類苑卷第四十八終



唐詩類苑卷第四十九

明雲間張之象玄超甫纂輯

孫齊顏伯復甫編次

雲間王徹叔朗甫補訂

梁谿曹仁孫伯安甫校正

職官部

太守

送忠州太守康昭遠

玄宗

端拱臨中樞緬懷共予理不有臺閣英孰振循良美  
分符侯甸內拜首明庭裏誓節期飲冰調人方導水

唐詩類苑

卷之四十九

嘉聲馳九牧惠化光千祀時雨伴昔賢芳猷貫前古

佇爾頌中和吾將令卿士

奉酬北海李太守丈人夏日平陰亭

高適

天子股肱守丈人山岳靈出身侍丹墀舉翮凌青冥

當昔皇運否人神俱未寧諫官莫敢議酷吏方專刑

谷永獨言事匡衡多引經兩朝納深衷萬乘無不聽

盛烈播南史雄詞豁東溟誰謂整隼旟翻然憶柴扃

寄書汶陽客迴首平陰亭開封見千里結念存百齡

隱軫江山麗氛氲蘭茝馨自憐遇時休漂泊隨流萍

春野變木德夏天臨火星一生徒羨魚四十猶聚蟻  
從此日閑放焉能懷拾青

送顧平原

并序

岑參

十二年春有詔補尚書十數公爲郡守上親賦詩  
觴郡公宴于蓬萊前殿仍賜以繒帛寵餞加等參  
美頌公是行爲寵別章句

天子念黎庶詔書換諸侯仙郎授剖符華省輟分憂  
置酒會前殿賜錢若山丘天章降三光聖澤該九州

吾兄鎮河朔拜命宜皇猷駟馬辭國門一星東北流  
夏雲照銀印暑雨隨行轡赤筆仍在篋爐香惹衣裘

唐詩類苑

卷之四十九

二

此地鄰東溟孤城弔滄洲海風掣金戟導吏呼鳴騶  
郊原北連燕剗却風未休魚鹽隘里巷桑柘盈田疇  
爲郡豈淹旬政成應未秋易俗去猛虎化人似馴鷗  
蒼生已望君黃霸寧久留

送緡雲苗太守

王維

手疏謝明主腰章爲長吏方從會稽郊更發汝南騎  
按節下松陽清江響曉吹露冕見三吳方知百城貴

贈從弟南平太平之遙

李白

東平與南平今古兩步兵素心愛美酒不是顧驥城  
謫官桃源去尋花幾處行秦人如舊識出戶笑相迎



送任郎中出守明州

岑參

罷起郎官草初分刺史符城邊樓枕海郭裏樹侵湖  
郡政傍連楚朝恩獨借吳觀濤秋正好莫不上姑蘇

同羣公十月朝宴李太守宅

高適

良牧徵高賞褰帷問考槃歲時當正月甲子入初寒  
已聽甘棠頌欣陪旨酒歡仍憐門下客不作布衣看

同李太守北池泛舟宴高平鄭太守

高適

每揖龔黃事還陪李郭舟雲從四岳起水向百城流

唐詩類苑

卷之四十九

三

幽意隨登陟嘉言卽獻酬乃知縫掖貴今日對諸侯

餞潞州陸長史再守汾州

蘇頌

河尹政成恭爲汾昔所推不榮三入地還美再臨時  
擁傳雲初合聞鸞日正遲傍人多出餞別有吏民思

寄崔澧州

張謂

共襍臺郎被俱寨郡守惟罰金殊往日鳴玉幸同時  
五馬來何晚雙魚贈已遲江頭望鄉月無夜不相思

送封太守

王維

忽解羊頭削聊馳熊首幡揚舲發夏口按節向吳門  
映丹陽郭楓攢赤岸村百城多候吏露冕一何尊

送長沙陳太守二首

李白

七郡長沙國南連湘水濱吳王垂舞袖地窄不迴  
莫小二千石當安遠俗人洞庭鄉路遠遙羨錦衣春

二

長沙陳太守逸氣凌青松英王賜玉馬本是天池龍  
湘水迴九曲衡山望五峯榮君按節去不及遠相從

贈李太守

于鵠

幾年爲郡守家似布衣貧沽酒迎幽客無金與近臣  
擣茶書院靜講易藥堂春歸闕功成後隨車有野人

送祠部曹郎中鄴出守洋州

唐詩類苑

卷之四十九

四

爲儒欣出守上路亦戎裝舊制詩多諷分憂俗必康  
開懷江稻熟寄信露橙香郡閣清吟夜寒星識望郎

送呂郎中赴滄州

鄭谷

出守滄州去西風送旆旌路遙經幾郡地盡到孤城  
拜廟千山綠登樓遍海清何人共東望日向積濤生

送東陽王太守

李頎

江草壯衡綠芳草日遲遲檣櫓今何去星郎出守時  
形襟問風俗明主寄懷慈令下不徒爾人和當在茲

昔年經此地微月有佳期洞口桂花白岳前春草滋

素沙靜津瀨青壁帶川低野鶴每孤立林廳常書悲

戲贈宣城趙太守悅

李白

趙得寶符盛山河功業存三千堂上客出入擁平原  
六國揚清風英聲何喧喧大賢茂遠業虎竹光南藩  
錯落千丈松虬龍盤古根枝下無俗草所植唯蘭蓀  
憶在南陽時始承國士恩公爲柱下史脫繡歸田園  
伊昔簪白筆幽都逐遊魂持斧冠三軍霜清天北門  
差池宰兩邑鸚鵡立重飛翻焚香入蘭臺起草多方言  
夔龍一顧重矯翼凌翔鷁赤縣揚雷聲疆項聞至尊  
驚飈頽秀木跡屈道彌敦出牧歷三郡所居猛獸奔

唐詩類苑

卷之四十九

五

遷人同衛鶴謬上懿公軒自笑東郭履側慚孤白溫  
閒吟步竹石精義忘朝昏顛顛成醜士風雲何足論  
獼猴騎土牛羸馬夾雙轅願借義皇景爲人照覆盆  
溟海不振蕩何由縱鵬鷗所期玄津白個儻假騰鸞

送康太守

王維

城下滄江水江邊黃鶴樓朱欄將粉堞江水映悠悠  
鑣吹發夏口使君居止頭郭門隱楓岸候吏趨蘆洲  
何異臨川郡還來康樂侯

東平旅遊奉贈薛太守二十四韻

高適

頌美馳千古欽賢仰大猷晉公標逸氣汾水注長流

神與公忠節天生將相儔青雲本自負赤縣獨推尤  
御史風逾勁郎官草屢修駕鸞粉署起鷹隼柏臺秋  
出入交三事飛鳴揖五侯軍書陳上策廷議借前籌  
肅肅趨朝列雖離引帝求一麾俄出守千里再分憂  
不改任棠水仍傳晏子裘歌謠隨舉扇旌旆逐鳴騶  
郡國長河遶川原大野幽地連堯泰嶽山向禹青州  
汶上春帆渡秦亭晚日愁遺墟當少昊懸象逼奎婁  
卽此逢清鑒終然喜暗投叨承解榻禮更得問練游  
高興陪登陟嘉言忝獻酬觀基知戰勝探象會冥搜

唐詩類苑

卷之四十九

六

眺聽情何限冲融惠勿休祗應齊語默寧肯問沉浮  
然諾長懷季栖遑輒累丘平生感知已方寸豈悠悠

奉酬睢陽李太守

高適

公族稱王佐朝經允帝求本枝彊我李盤石冠諸劉  
禮樂光輝盛山河氣象幽系高周柱史名重晉陽秋  
華省膺推擇青雲寵宴遊握蘭多具美前席有嘉謀  
賦得黃金賜言皆白璧酬着鞭驅駟馬操刃解前牛  
出鎮兼方伯承家復列侯朝瞻孔北海時用杜荊州  
廣固纔登陟毘陵忽阻修三台冀入夢四嶽尚分憂  
郡邑連京口山川望石頭海門當建節江路引鳴騶

俗見中興理人逢至道休先移白額橫更息緒衣  
梁國歌來晚徐方怨不留豈伊齊政術將以變澆浮  
訟簡知能吏刑寬察要囚坐堂風偃草行縣兩隨勅  
地是蒙莊宅城遺闕伯丘孝王餘井徑微子故田疇  
冬至招搖轉天寒蟬蛻收猿巖飛雨雪兔苑落梧楸  
列戟霜侵戶褰帷月在鉤好賢常解榻乘興每登樓  
逸足橫千里高談注九流詩題青玉案衣贈黑貂裘  
窮巷軒車靜閑齋耳目愁未能方管樂翻欲慕巢由  
講德良難敵觀風豈易儔寸心仍有適江海一扁舟  
奉酬路太守見贈之作 高適

唐詩類苑

卷之四十九

七

盛才膺命代高價動良時帝簡登藩翰人和發詠思  
神仙去華省鴛鴦憶丹墀清淨能無事優游即賦詩  
江山紛想像雲物共萎蕤逸氣劉公幹玄言向子期  
多慙汲引速翻愧激昂遲相馬知何限登龍反自疑  
風塵吏道迫行邁旅心悲拙疾徒爲爾窮愁欲問誰  
秋庭一片葉朝鏡數莖絲州縣甘無取丘園悔莫追  
瓊瑤生篋笥光景滿茅茨他日青霄騎猶應訪所之  
贈酒泉韓太守 岑參

太守有能政遙聞如古人俸錢盡供客家計亦清貧  
酒泉西望玉關道千山萬嶺皆白草辭君走馬歸長

安隱居修忽令人老

白太守行

劉禹錫

聞有白太守拋官歸舊谿蘇州十萬戶盡作嬰兒  
太守駐行舟閭門草萋萋揮袂謝啼者依然兩眉  
朱戶非不崇我心如重徕華池非不清意在寥廓  
夸者竊所怪賢者點思齊我爲太守行題在隱起

送廬虔端公守復州

孟郊

師曠聽羣木自然識孤桐正聲逢知音願出大朴中  
知音不韻俗獨立占上 作古風忽挂觸邪冠遠逐  
飛鴻肅肅太守章明明華轍能商山無平地楚水有

唐詩類苑

卷之四十九

八

驚濤日月千里外光陰難較同新愁徒自積良會何  
由通

燉煌太守後庭歌

岑參

燉煌太守才且賢郡中無事高枕眠太守到來山出  
泉黃砂磧裏人種田燉煌着舊鬢皓然願留太守更  
五年城頭月出星滿天曲房置酒張錦筵美人紅粧  
色正鮮側垂高髻挿金鈿醉坐藏鉤紅燭前不知鉤  
在若箇邊爲君手把珊瑚鞭射得半段黃金錢此中  
樂事亦已偏

送崔五太守

王維

長安廐吏來到門未央露網動行軒黃花縣西九折  
坂玉樹宮南五丈原褒斜谷中不容憶唯有白雲  
露冕子午山裏杜鵑啼嘉陵水頭行客飯劍門忽斷  
蜀川開萬井雙流滿眼來霧中遠樹刀州出天際澄  
江巴字迴使君年幾三十餘少年白哲專城居欲行  
畫省郎官筆迴與臨邛父老書

鴈門太守行

李賀

黑雲壓城城欲摧甲光射日金鱗開角聲滿天秋色  
裏塞上燕脂凝夜紫半捲紅旗臨易水霜重鼓寒聲  
不起報君黃金臺上意提攜玉龍爲君死

唐詩類苑

卷之四十九

九

留別司馬太守

王昌齡

辰陽太守念王孫遠謫沅溪何可論黃鶴青雲當一  
舉明珠吐着報君恩

酒泉太守席上醉後作

岑參

酒泉太守能劍舞高堂置酒夜擊鼓胡笳一曲斷人  
腸座上相看淚如雨

贈九江太守

張蠙

江頭暫駐木蘭船漁父來誇太守賢二邑旋添新戶  
口四營漸廢舊戈鋌笙歌不似經荒後禮樂猶如  
戰前昨日西亭從游騎信旗風裏說詩篇

贈信安太守

張蠙

三衢正對福星時喜得君侯妙撫綏甲士散教耕  
畝書生閑許從旌旗條章最是貧家喜禾黍仍防  
郡饑昨日中宮說天意卽飛丹詔立新碑

贈李杭州

張籍

仙郎白首未歸朝應爲蒼生領六條惠化州人盡清  
淨高情野鶴共逍遙竹間虛館無朝訟山畔青田長  
夏苗終日政聲長獨坐開門唯望浙江潮

送吳諫議上饒州

王建

鄱陽太守是真人琴在牀頭錄在身曾向先皇邊課  
唐詩類苑

卷之四十九

十一

事還應上帝處稱臣養生自有年支藥稅戶應停月  
進銀淨掃水堂無侍女下街唯共鶴殷勤

使君

餞郢州李使君

蘇頌

楚有章華臺遙遙雲夢澤復聞擁符傳及是收圖籍  
佳政在離人能聲寄侯伯離懷朔風起試望秋陰積  
中路悽以寒羣山靄將夕傷懷聊把袂悵望麒麟客

代杭民作使君一朝去二首

元稹

使君一朝去遺愛在民口惠化境內春才名天下

爲問龔黃輩兼能作詩否

使君一朝去斷腸如剗蘂無復見冰壺唯應鑊金不自此一州民生男盡名白

褚主簿宅會畢庶子餞員外郎使君

韓翃

開甕臘酒熟主人賞同斜陽疎竹上殘雪亂山出更喜宣城印朝廷與謝公

餞唐州高使君赴任

崔顥

永日秦文時東風搖蕩夕浩然思樂事那復念征淮水流常清楚山雲永白勿言行路遠所貴專城

唐詩類苑

卷之四十九

十一

送唐州高使君

張說

常時好閑獨朋舊少相過及爾宣風去方嗟別日多淮流春婉婉汝海路蹉跎百歲屢分散懼言復幾何

餞唐州高使君

沈佺期

弱冠相知早中年不見多生涯在王事容鬢各蹉跎良守初分岳嘉聲卽潤河還從漢闕下傾耳聽中和

餞唐州高使君

韋元旦

桐柏膺新命芝蘭惜舊遊鳴臯夜鶴在遷木早鸞求傳擁淮源路嶺空灞月流落花分送遠春色別離憂

餞唐州高使君

馬懷素

外牧資賢守斯人奉帝俞淮南膺建隼渭北軫分符

坐歎煙波隔行嗟物候殊何年昇美廻看北城隅

餞唐州高使君

盧藏用

餞酒臨豐樹褰帷出魯陽蕙蘭春已晚桐柏路猶長祖述方城鎮安期外氏鄉從來二千石天子命惟良

餞唐州高使君

李義

淮源之水清可以濯君纓彼美稱才傑親人佇政聲歲寒疇曩意春晚別離情終歎臨岐遠行看擁傳榮

餞唐州高使君

岑義

蒼茫南塞地明媚上春時目極傷千里懷君不自持

唐詩類苑

卷之四十九

十一

征車別岐路斜日下崦嵫一歎輶軒阻悠悠卽所思

餞唐州高使君

崔湜

芳春桃李時京都物華好爲岳豈不貴所悲陟遠道遠道不可思宿昔夢見之贈君雙佩刀日夕視來期

餞唐州高使君

徐彥伯

香萼媚紅滋垂條縈綠絲情人拂瑤袂共惜此芳時驕驥已躑躅鳥隼方葳蕤歧聞望太守流潤及京師

鳳翔府行軍送程使君赴成州

岑參

程侯新出守好日發行軍拜命時人羨能官聖主聞

江樓黑塞兩山郭，冷秋雲竹馬諸童子朝朝待使君。

送梓州李使君

王維

萬壑樹參天，千山響杜鵑。山中一夜雨，樹杪百重泉。  
漢女輸檀布，巴人訟芋田。文翁翻教授，不敢倚先賢。

贈昇州王使君忠臣

李白

六代帝王國，三吳佳麗城。賢人當重寄，天子借高名。  
巨海一邊靜，長江萬里清。應須救趙者，未肯棄侯嬴。

贈鄆州馬使君

韓翃

東方千萬騎，出望使君時。暮雪行看盡，春城到莫遲。  
路人趨墨幘，官柳度青絲。他日鈴齋內，知君亦賦詩。

唐詩類苑

卷之四十九

十一

婺州留別鄧使君

包何

西掖馳名久，東陽出守時。江山婺女分，風月隱侯詩。  
別恨雙溪急，留歡五馬遲。迴舟映沙嶼，未遠刺相思。

送泉州李使君

包何

傍海皆荒服，分符重漢臣。雲山百越路，市井十洲人。  
執玉來朝遠，還珠入貢頻。連年不見雪，到處即行春。

答光州王使君

馬戴

信來淮上郡，楚岫入秦雲。自顧爲儒者，何由答使君。  
晚風蟬半失，阻雨鴈頻聞。欲識平生分，他時別紀勳。

贈金州姚合使君

項斯

爲郎名更重，領郡是蹉跎。官壁題詩盡，衙庭看鶴多。  
城池連草壘，籬落帶椒坡。未覺旗幡貴，閑行觸處過。

秋寄李頻使君

僧貫休

務簡趣誰陪，清吟共綠苔。葉和秋蟻落，僧帶野風來。  
留客朝嘗酒，憂民夜畫灰。終期冒風雪，江上見宗雷。

上江州李使君

朱慶餘

起家聲望重，自古更誰過。得在朝廷少，還因諫諍多。  
經年愁瘴癘，幾處遇恩波。入境無餘事，唯聞父老歌。

送郢州郎使君

韓翃

千人插羽迎，知是范宣城。暮雪楚山冷，春江漢水清。

唐詩類苑

卷之四十九

十四

紅鮮供客飯，翠竹引舟行。一別何時見，相思芳草生。

魯中送魯使君歸鄭州

韓翃

城中金絡騎，出餞沈東陽。九月寒露白，六關秋草黃。  
齊謳聽處妙，魯酒把來香。醉後着鞭去，梅山道路長。

送夔州班使君

司空曙

魚國巴庸路，麾幢漢守過。曉橋爭市隘，夜鼓祭神多。  
雲白當山雨，風清滿峽波。夷陵舊人吏，猶誦兩岐歌。

送盧使君赴夔州

司空曙

鑣管隨旌旆，高秋遠上巴。白波連霧雨，青壁斷蒹葭。  
梵几雙童靜，登樓萬井斜。政成知變俗，當應畫。

送郎使君赴郢州

司空曙

使君持節去雲水滿前程楚寺多連竹江橋遠映城  
登樓向月望賽廟傍山行若動思鄉詠應貽謝步兵

鄂渚送池州程使君

劉長卿

蕭蕭五馬動欲別謝臨川落日蕪湖色空山梅冶作  
野煙江潮通解舍楚老拜戈船風化東南滿行舟來

去傳

寄萬州崔使君

劉長卿

時艱方用武儒者任浮沉搖落秋江暮憐君巴峽深  
立門多白首蜀郡滿青襟自解書生詠愁猿莫夜吟

唐詩類苑

卷之四十九

十五

送李使君赴撫州

皇甫冉

遠送臨川守還同康樂侯歲時徒改易今古接風流  
五馬嘶長道雙旌向本州鄉心寄西北應此郡城樓

送夔州班使君

盧綸

曉日照樓船三軍拜峽前白雲隨浪散青壁與城連  
萬嶺岷峨雪千家橘柚川還知楚河內天子許經年

送李使君赴邵州

皇甫冉

出送東方騎行安南楚人城池春足雨風俗夜迎神  
郢路逢歸客湘川問去津爭看使君渡皂蓋雪中薪

寄郢州郎士元使君

錢起

龍節知無事江城不掩扉詩傳過客遠書到故人稀

坐嘯看潮起行春送鴈歸望舒三五夜思盡謝元暉

送馬使君赴鄭州

錢起

東土忽無事專城復任賢喜觀班瑞禮還在偃兵年  
膏雨帶榮水歸人耕圃田遙知下車日萬井起新煙

獨孤中丞筵陪餞韋使君赴昇州

皇甫冉

中司龍節貴上客虎符新地控吳襟帶才光漢縉紳  
泛舟應度臘入境便行春處處歌來暮長江建業人

諫紉曹上樂使君

賈島

唐詩類苑

卷之四十九

十六

戰戰復兢兢猶如履薄冰雖然叨一掾還似說三乘  
瓶汲南溪水書來北岳僧慙愚兼抱疾權紀不相應

送撫州周使君

即侍中

盧綸

周郎三十餘天子賜魚書龍節隨雲水金鏡動里閭  
松聲三楚遠鄉思百花初若轉弘農守蕭咸事不如

餘千夜宴奉餞前蘇州韋使君

劉長卿

復拜東陽郡遙馳北關心行春五馬急向夜一猿深  
山過康郎近星看婺女臨幸容棲託分猶戀舊棠陰

送馬鄭州

獨孤及

使君朱兩轡春日整東轅芳草成臯路青山涼水源  
勉脩循吏跡以謝主人恩當使仁風動遙聽輿頌

饒澤州盧使君

蘇頌

聞道降綸書爲邦建綵旌政憑循吏往才以貴卿除  
詞賦良無敵聲華藹有餘榮承四岳後請絕五天初  
關路通秦壁城池接晉墟撰期行子賦分典列侯居  
別望喧追餞離言繫慘舒平蕪寒葢亂喬木夜蟬疎  
寥泬秋先起推移月向虛舊交何以贈客至待烹魚

奉和張使君宴加朝散

盧象

佐理星辰貴分榮渙汗深言從大夫後用答聖人心

唐詩類苑

卷之四十九

十七

騎擁軒裳客鸞驚翰墨林停杯歌麥秀東燭醉棠陰  
爽氣凌秋笛輕寒散曉砧祗應將四子講德謝知音

真定卽事奉贈韋使君二十八韻

高適

漂泊懷書客遲迴此路隅問津驚棄置投刺忽踟躕  
方伯恩彌重蒼生詠已蘇郡稱廉叔度朝議管夷吾  
乃繼三台側仍將四岳俱江山澄氣象崖谷倚冰壺  
詔寵金門策官榮葉縣臯擢才登粉署飛步躡雲衢  
起草徵調墨焚香卽宴娛光華揚盛矣霄漢在茲乎  
隱軫推公望逶迤協帝俞軒車辭魏闕旌節副幽

始佩仙郎印俄兼太守符尤多蜀郡理更得潁川謨  
城邑推雄鎮山川列簡圖舊燕當絕漠全趙對平蕪  
曠野何彌漫長亭復鬱紆始泉遺俗近活水戰場無  
月換思鄉陌星迴記斗樞歲容歸萬象和氣發鴻爐  
淪落而誰遇栖遑有是夫不才羞擁腫干祿謝侏儒  
契闊慙行邁羈離憶友于田園同季子儲蓄異陶朱  
方欲呈高義吹噓揖大巫永懷吐肝膽猶憚阻榮枯  
解榻情何限忘言道未殊從來貴縫掖應是念窮途

送韓使君督洪州

孟浩然

述德撫荆衡分符襲寵榮往來看擁傳前後頓專城

唐詩類苑

卷之四十九

十八

勿剪棠猶在波澄水更清重符江漢理旋改豫章行  
召父多遺愛羊公有令名衣冠列祖道耆舊擁前旌  
峴首晨風送江陵夜火迎無才慙孺子千里愧同聲

奉贈蕭二十使君

杜甫

昔在嚴公幕俱爲蜀使臣艱危參大府前後間清塵  
起草鳴先路乘槎動要津王粲聊暫出蕭雉只相馴  
終始任安義荒蕪孟母鄰聯翩匄禮意氣死生親  
張老存家事嵇康有故人食恩慙鹵莽鏤骨抱酸辛  
巢許山林志夔龍廊廟珍鵬圖仍矯翼能賦且移輪  
磊落衣冠地蒼茫土木身墳簷鳴自合金玉瑩逾新



重憶羅江外同遊錦水濱結歡隨過隙懷舊益霑巾  
曠絕含香舍稽留伏枕辰停驂雙闕早迴鴈五湖春  
不達長卿病從來原憲貧監河受貸粟一起轍中鱗

寄劉峽州伯華使君四十韻

杜甫

峽內多雲雨秋來尚鬱蒸遠山朝白帝深水謁夷陵  
遲暮嗟爲客西南喜得朋哀猿更起坐落鴈失飛騰  
伏枕思瓊樹臨軒對玉繩青松寒不落碧海潤逾澄  
昔歲文爲理羣公價盡增家聲同令聞時論以儒稱  
太后當朝肅多才接迹昇翠虛捐題題丹極上鯢鵬

唐詩類苑

卷之四十九

十九

宴引春壺酒恩分夏簟冰鵬章五色筆紫殿九華燈  
學並盧王敏書借褚薛能老兄真不墜小子獨無承  
近有風流作聊從月竈徵放蹄知赤驥換翅服蒼鷹  
卷軸來何晚襟懷庶可憑會期吟諷數益破旅愁凝  
雕刻初誰料纖毫欲自矜神融躡飛動戰勝洗侵凌  
妙取筌蹄棄高宜百萬層白頭遺恨在青竹幾人登  
回首追談笑勞歌踟躕寢興年華紛已矣世故莽相仍  
刺史諸侯貴郎官列宿應潘生驂閣遠黃霸壘書增  
乳贊號攀石饑飈訴落藤藥囊親道士灰劫問胡僧  
惠父烏皮綻簪稀白帽稜林居看蟻穴野食待魚僧

勸力交凋喪飄零免戰兢皆爲百里宰正似六安公  
姪女繁新裏丹砂冷舊秤但求椿壽永莫慮祀天  
鍊骨調情性張兵撓棘冷養生終自惜代數必全  
政術甘疎誕詞場愧服膺展懷詩誦魯割愛酒如澠  
咄咄寧書字冥冥欲避矰江湖多白鳥天地有青蠅

送李睢陽

王維

將置酒思悲翁使君去出城東麥漸漸雉子斑槐陰  
陰到潼關騎連連車遲遲心中悲宋又遠周間之南  
淮夷東齊兒碎碎織練與素絲遊人賈客信難持五  
穀前熟方可爲下車閉閣君當思天子當殿儼衣裳

唐詩類苑

卷之四十九

二十

太官尚食陳羽觴彤庭散綬垂鳴璫黃紙詔書出東  
廂輕紈疊綺爛生光宗室子弟君最賢分憂當爲百  
辟先布衣一言相爲死何況聖主恩如天鸞聲噦噦  
魯侯旗明年上計朝京師須憶今日斗酒別慎勿富  
貴忘我爲

送李使君赴瓊州兼五州招討使

僧無可

分竹雄兼使南方到海行臨門雙旆引隔嶺五州迎  
依鶴同枝宿蘭蕉夾道生雲垂前騎失山谿去帆輕  
雨霧蒸秋岸波濤震夜城政閑開迴閣歌枕島風清

奉寄婺州李使君舍人

劉長卿

建隼罷鳴珂初傳來暮歌漁樵識太古草樹得陽和  
東道諸生從南依遠客過天清婺女出土厚絳人多  
永日空相望流年復幾何崖開當夕照葉去逐寒波  
眼暗經難受身閑劍懶磨似鴉占賈誼上馬試廉頗  
窮分安藜藿容勝薜蘿只應隨越鳥南翫託高柯

寄絳州李使君

姚合

獨施清靜化千里管橫汾黎庶應深感朝廷亦細聞  
心期在黃老家事是功勳物外須仙侶人間要使君  
花多勻地落山近滿廳雲戎客無因去西看白日曛

唐詩類苑

卷之四十九

三

早春寄岳州李使君李善基愛酒情地閑雅

杜牧

城高倚峭巘地勝足樓臺朔漠暖鴻去瀟湘春水來  
繁盈幾多思掩抑若爲裁返照三聲角寒香一樹梅  
烏林芳草遠赤壁健帆開往事空遺恨東流豈不迴  
分符賴川政弔屈洛陽才拂匣調珠桂磨鉛勘杯  
棊翻小窟勢壚撥凍醪此興予非薄何時得奉陪

送巴州楊使君

韓翃

白雲縣北千山口青歲欲開殘雪後前驅錦帶魚皮  
鞬側佩金章虎頭綬南鄭侯家醉落暉東關陌上蒼

鞭歸愁看野馬隨官騎笑取秦人帶客旗使者下車  
憂疾苦家吏鋪聲出公府萬里歌鐘相慶時巴童聲  
節渝兒舞

李司馬橋了承高使君自成都迴

杜甫

向來江上手紛紛三日成功事出羣已傳童子騎青  
竹揔擬橋東待使君

贈前蔚州崔使君

馬戴

戰回脫劍綰銅魚寒鴈迎風避隼旗欲識前時爲郡  
政校成上下考新書

唐詩類苑

卷之四十九

三

寄贈衡州楊使君

韓翃

湘竹斑斑湘水春衡陽太守虎符新朝來笑向歸鴻  
道早晚南飛見主人

送建州陸使君

劉長卿

漢庭初拜建安侯天子臨軒寄所憂從此向南無限  
路雙旌已去水悠悠

送台州李使君兼寄題國清寺

劉長卿

露冕新承明主恩山城別是武陵源花間五馬時行  
縣山外千峰常在門晴江洲渚帶春草古寺杉松深

暮猿知到應真飛錫處因君一想已忘言

送柳使君赴袁州

劉長卿

宜陽出守新恩至京口因家始願違五柳閉門高士  
去三苗按節遠人歸月明江路聞猿斷花暗山城見  
吏稀惟有郡齋窓裏岫朝朝空對謝玄暉

送邵州林使君

朱慶餘

軒車此去也逢時地近湘南頗入詩一月計程那是  
遠中年出守未爲遲水邊花氣薰羣服嶺上嵐光照  
畫旗想得化行風土變州人應爲立生祠

贈杭州嚴使君

章孝標

唐詩類苑

卷之四十九

三十一

州青縣白潮河濱飽向蒼龍閣下聞鼓角自嚴寒海  
月旌旗不動濕江雲風騷處處文章主并邑家家父  
母君長恐抱轅留不住九天鴛鴦待成羣

送張使君赴饒州

章孝標

饒陽因富得州名不獨農桑別有營日暖提筐依茗  
樹天陰把酒入銀坑江寒魚動槍旗影山晚雲和鼓  
角聲太守能詩兼愛靜西樓見月幾篇成

送饒州張使君

朱慶餘

白頭爲郡清秋別山水南行豈覺賒楚老只應思入  
境吳兒從此去移家館依高嶺分樟葉路出重江見

葦花務退唯當吟詠苦留心曾不在生涯

寄徐州鄭使君

韓翃

江城五馬楚雲邊不羨雍容畫省年才子舊稱何水  
部使君還繼謝臨川射堂草遍收殘雨官路人稀對  
夕天雖臥郡齋千里隔與君同見月初圓

送端州馮使君

韓翃

白晳風流似有鬚一門豪貴領蒼梧三峰亭暗橋邊  
宿八桂林香節下趨玉樹羣兒爭翠羽金盤少妾揀  
明珠懷君樂事不可見駿馬翩翩新虎符

越中送王使君赴江華

崔峒

唐詩類苑

卷之四十九

三十一

皂蓋春風自越溪獨尋芳草桂陽西遠水浮雲隨馬  
去空山弱篠向雲低遙知異政荆門北舊許新詩康  
樂齊萬里相思在何處九疑殘雪白猿啼

送崔使君赴壽州

劉長卿

列郡專城分國憂彤幃皂蓋古諸侯仲華遇主年猶  
少公瑾論功位已酬草色青青迎建隼蟬聲處處雜  
鳴騶千里相思如可見淮南木葉正驚秋

送信州姚使君

盧綸

朱轡徐轉擁羣官猿鳥無聲郡宇寬楚國上腴收賦  
重漢家良牧得人難銅鉛滿穴山能富鴻鴈連羣地

亦寒幾日政聲聞外戶九江行旅得相

贈別前蔚州契苾使君使君遠查國初功臣也

李商隱

何年部落到陰陵奕世勤王國史稱夜捲牙旗千帳  
雪朝飛羽騎一河水蕃兒穢負來青塚狄女壺漿出  
白登日晚鵲鵲泉畔獵路人遙識郅都鷹

送汀州元使君

張籍

曾成趙北歸朝計因拜王門最好官爲郡暫辭雙鳳  
闕全家遠過九龍灘山鄉祇有輸蕉戶水鎮應多奈  
鴨欄地僻尋常來客少刺桐花發共誰看

唐詩類苑

卷之四十九

寄蘇州白二十三使君

張籍

三朝出入紫微臣頭白金章未在身登第早年同座  
主題詩今日異州人閨門柳色煙中遠茂苑鶯聲雨  
後新此處吟詩向山寺知君忘却曲江春

酬杭州白使君兼寄浙東元大夫

張籍

相印暫離臨遠鎮掖垣出守復同時一行已作三年  
別兩處空傳七字詩越地江山應共見秦天風月不  
相知人閑聚散真難料莫歎平生信所之

寄和州劉使君

張籍

別離已久猶爲郡閑向春風倒酒餅送客將過沙口  
堰看花多上水心亭曉來江氣連城白雨後山光滿  
郭青到此詩情應更遠醉中高詠有誰聽

贈商州王使君

張籍

衙命南來會郡堂却思朝裏接班行才雄猶是山城  
守道薄初爲水部郎選勝相留開客館尋幽更引到  
僧房明朝從此辭君去獨出商關路漸長

送饒州張使君

賈島

終南雲雨連城闕去路西江白浪頭滁上郡齋離昨  
日鄱陽農事勸今秋道心生向前朝寺文思來因靜

唐詩類苑

卷之四十九

二十六

夜樓借問泊帆干謁者誰人曾聽峽猿愁

賈島

庭樹幾株陰入戶主人何在客聞蟬鑰開原上高樓  
鎖瓶汲池東古井泉趣靜野禽曾後到休吟隣叟始  
安眠仙都山水誰能憶西去風濤書滿船

贈楚州郭使君

白居易

淮水東南第一州山圍雉堞月當樓黃金印綬懸腰  
底白雪歌詩落筆頭笑看兒童騎竹馬醉携賓客上  
仙舟當家美事堆身上何啻林宗與細侯

送邵州林使君

張籍

詞客南行寵命新  
瀟湘郡入曲江津  
山幽自足探  
處俗朴應無爭  
競人郭外相連  
排殿閣市中多  
半戶金銀知君  
不作家私計  
遷日還同到日  
貧

寄處州韓使君

張籍

南康太守負才豪  
五十如今未擁旄  
早得一人知姓  
字常聞三事說  
功勞月明渡口  
漳江靜雲散城  
頭石高郡政已  
成秋思遠閑吟  
應不問官曹

秋日有寄姑蘇曹使君

羅隱

多病無因棹小舟  
闔閭城下謁名侯  
水寒不見雙魚  
唐詩類苑 卷之四十九 二十七

信風便唯聞五袴  
謳早說用兵長  
暗合近傳觀稼  
亦閑遊須知謝  
奕依前醉間阻  
清談又一秋

題安定張使君

韋莊

器度風標合出塵  
桂宮何負一枝  
新成冊始見金  
無滓衝斗方知  
劍有神憤氣不  
銷頭上雪政聲  
空布海邊春中  
興若繼開元事  
堪向龍池作近  
臣

漳州于使君罷郡如之任漳南去上國二十

四州使君無非親戚

方干

漳南罷郡如之任  
二十四州相次  
迎泊岸旗幡郵  
吏拜連山風雨  
探人行月中倚  
棹迎漁浦花空  
垂鞭醉

鳳城聖主此時思共理又應何事救蒼生

送溪州使君

羅隱

兵寇傷殘國力衰  
就中南土藉良  
醫鳳銜泥詔辭  
丹關雕倚霜風上  
畫旗官職不須  
輕遠地生靈只是  
計臨時灞橋酒盞  
黔巫月從此江  
心兩地思

送王使君赴蘇臺

羅隱

東南一望可長吁  
猶憶王孫領虎  
符兩地干戈連  
越絕數年麋鹿臥  
姑蘇疲昨賦重  
全家盡舊族兵侵  
太半無料得伍員  
兼旅寓不妨招  
取好椰榆

送絳州盧使君

楊巨源

應將清淨結心期  
又共陽和到郡  
時絳老問年須  
算字庾公逢月  
要題詩未欄迴  
過因高勝粉蝶  
清明欲下遲他日  
微還作霖雨不  
須求賽敬亭祠

別駕

送襄州任別駕

岑參

別乘向襄州蕭條  
楚地秋江聲官舍  
裏山色郡城頭  
莫羨黃公蓋須乘  
彥伯舟高陽諸  
醉客唯見古時  
丘

送懷州吳別駕

岑參

灞上柳枝黃壚頭  
酒正香春流飲去  
馬暮雨濕行裝  
驛路通函谷州  
戎接太行軍懷  
人總喜別駕得  
王行

江亭送眉州辛別駕昇之 杜甫

柳影含雲幕江波近酒壺異方驚會面終宴惜征途  
沙暖低風蝶天晴喜浴鳬別離傷老大意緒日荒蕪

送大理正攝御史判涼州別駕

苑咸

天子念西疆咨君去不還垂銀棘延印持斧柏臺綱  
雪下天山白泉枯塞草黃佇聞河隴外還繼海沂康

送唐別駕赴郢州

錢起

少年從事好此去別愁輕滿坐詩人興隨君郢路行  
兼葭侵驛樹雲水抱山城遙愛下車日江皋春草生

唐詩類苑

卷之四十九

二十九

送洪州李別駕之任

鄭士元

南去秋江遠孤舟興自多能將流水引更入洞庭波  
夏口帆初上潯陽鴈正過知音在霄漢佐郡豈蹉跎

送榮別駕赴華州

皇甫冉

直到羣峯下應無累日程高車入郡舍流水出關城  
草色田家迴槐陰府吏迎還將海沂詠籍甚漢公卿

送唐別駕赴郢州

皇甫冉

莫歎辭家遠方看佐郡榮長林通楚塞高嶺見秦城  
雲向襄陽下人從郢路迎翩翩駿馬去自是少年行

送渾別駕赴舒州

盧綸

江平蘆荻齊五兩貼檣低遠郭覆晴雪滿船聞曙  
鱸鮓宜入貢橘柚亦成蹊還似海沂日風清無鼓鼙

送張侍御赴郴州別駕

耿湋

佐郡人難料分襟日復斜一帆隨遠水百戶過長沙  
明月江邊夜平陵夢裏家王孫對芳草愁思杳無涯

送從兄別駕歸蜀川

并序

許渾

從兄彥昭與桂陽今韋伯達貞元中俱爲正字伯  
達官至王府長史長慶中非罪受譴前年會赦復  
故秩詔未及而已歿從兄自蜀而南旅次歸葬空  
上旣而西還因成十韻贈別

唐詩類苑

卷之四十九

三十一

聞與湘南今童年侍玉墀家留秦塞曲官謫瘴溪湄  
道直姦臣屏冤深聖主知逝川東去疾霈澤北來遲  
青漢龍髯絕蒼岑馬嘶移風淒聞笛處月慘罷  
琴時客路黃公廟鄉關白帝祠已稱鸚鵡賦寧誦鵲  
鵲詩遠道書難達長亭酒莫持當憑蜀江水萬里寄  
相思

送符別駕還郡

錢起

驥足駸駸吳越關屏星復與紫書還已知從事元無  
事城上愁看海上山

贈彭州權別駕

蘇頲

雙流脉脉錦城開  
追餞年年往復迴  
祗道謠謠迎半  
刺徒聞禮數揖  
中台黃鶯一轉春  
風盡斑馬長嘶  
景催莫愴分飛岐  
路別還當奏最掖  
垣來

送高別駕歸汴州

韓翃

信陵門下識君偏  
駿馬輕裘正少年  
寒雨送歸千里外  
東風沉醉百花前  
身隨玉帳心應慙  
官佐銅符勢又全  
又客未知何計是  
參差去借汶陽田

送少著作作倅杭州

張諤

輟史空三署題輿位  
一方祖筵開霽景  
征陌值韶光  
水陸風煙隔秦吳  
道路長佇聞敷善  
政邦國詠惟康

唐詩類苑

卷之四十九

三十一

司錄

送江陵元司錄

韓翃

新領州從事曾爲朝大夫  
江城竹使待山路  
橘官扶片雨三江道  
殘秋五葉湖能令詩思  
好楚色與寒蕪

贈袁司錄

卽丞相淮陽公之猶子與庭筠有舊也

溫庭筠

一朝辭滿有心期  
花發楊園雪壓枝  
劉尹故人詢往事  
謝郎諸弟得新知  
金釵醉就胡姬盡  
玉管閑留洛客吹  
記得襄陽舊語不堪  
風景峴山碑

司戶

寄柳州韓司戶郎中

韋應物

達識與味機智殊跡同  
靜於焉得攜手屢賞清夜景  
蕭灑陪高詠從容羨華省  
一逐風波遷南登桂陽嶺  
舊里門空掩歡遊事皆屏  
悵望城闕遙幽居時序永  
春風吹百卉和煦變閭井  
獨悶終日眠篇書不復省  
唯當望雨露露子荒遐境

爲汴州司戶至汴州喜逢宋之問

李夔

阮籍蓬池上孤韻竹林才  
巨源從吏道正擁使車來  
相逢且交臂相命且銜盃  
醉後長歌畢餘聲遶吹臺

唐詩類苑

卷之四十九

三十一

答李司戶

宋之問

遠方來下客輜軒攝使臣  
弄琴宜在夜傾酒貴逢春  
駟馬留孤館雙魚贈故人  
明朝散雲雨遙仰德爲隣

贈劉司戶黃

李商隱

江風揚浪動雲根  
重礙危檣白日昏  
已斷燕鴻初起勢  
更驚騷客後歸魂  
漢廷急詔誰先入  
楚路高歌自欲翻  
萬里相逢歡復泣  
鳳巢西隔九重門

司倉

單父逢鄧司倉覆倉庫因而有贈

高適

邦牧今坐嘯羣賢趨紀綱四人忽不擾耕者遙相望  
粲粲府中妙授詞如履霜炎伏執時草木無晶光  
匹馬度睢水清風何激揚校緡閱帑藏發廩忻斯箱  
邂逅得相逢歡言至夕陽開襟自公餘載酒登琴堂  
舉杯挹山川寓目窮毫芒白鳥向田盡青蟬歸路長  
醉中不惜別况乃正遊梁

送郭司倉

王昌齡

映門淮水綠留騎主人心明月隨良掾春潮夜夜深

寄普州司倉賈島

方干

亂山重復疊何路訪先生豈料多才者空垂不世名

唐詩類苑

卷之四十九

三三

閒曹猶得醉薄俸亦勝畊莫問吟詩苦年年芳草平

司農

送別司農崔丞

李頎

黃鸝鳴官寺香草色未已同時皆省郎而我獨留此  
維監太倉粟常對府小史清陰羅廣庭正事如流水  
奉使往長安今承朝野歡宰臣應記識明主必遷官  
塞外貌將武池中鴛與鸞詞人洞簫賦公子駿驄冠  
邑里春方晚昆明花欲闌行行取高位當使路傍看

送李回司農

李頎

知君官屬大司農詔幸驪山職事雄歲發金錢供御

府畫看仙液注離宮千巖曙雪旌門上十月寒花  
路中不覩聲名與文物自傷留滯去關東

司法

饒州王司法之任兼寄朱處士

方干

莫愁還作吏且喜速回車留醉悲殘歲含情寄遠書  
共看衰老近轉覺宦名虛遙想清溪畔幽人得自知

送陝府王司法

盧綸

東門雪覆塵出送陝城人粉郭朝喧市朱橋夜掩津  
上僚應重學小吏已甘貧謝朓曾爲掾希君一比隣

唐詩類苑

卷之四十九

三四

和酬號州李司法

楊炯

脣齒標形勝關河壯邑居寒山抵方伯秋水向鴻臚  
君子從遊宦忘情任卷舒風霜下刀筆軒蓋擁門闥  
平野芸黃遍長洲鴻鴈初菊花宜泛酒蒲葉好裁書  
昔我芝蘭契悠然雲雨疎非君重千里誰肯惠雙魚

送姚司法歸吳

王昌齡

吳掾留觴楚郡心洞庭秋雨海門陰但今意遠扁舟  
送不道滄江百丈深

令

贈閭丘宿松令

李白



阮籍爲太守乘驢上吏平剖竹一日間一朝風化清  
偶來拂衣去誰測主人情夫子理宿松浮雲知古城  
掃地物莽然秋來百草生飛鳥還舊巢遷人返躬畔  
何慙必子賤不減陶淵明吾知千載後却掩二賢名

送薛據宰沔縣自永樂主簿陟狀尋復遷受此官

劉長卿

故人河山秀獨立風神異人許白眉長天資青雲器  
雄辭變文名高價喧時議下筆盈萬言皆合古人意  
一從負能名數載猶卑位寶劍誠可用玉鮮是虛棄  
昔聞在河上高臥自無事几案終日閑蒲鞭使人畏

唐詩類苑

卷之四十九

三五

頃因歲月滿方謝風塵吏頌德有興人爲賢逢八使  
棲鸞往已屈馴雀今可嗣此道如不移雲霄坐應致  
縣前漳水綠郭外晉山翠日得謝客遊時堪陶令醉  
前期今尚遠握手空宴慰驛路疎柳長春城百花媚  
徘徊白日隱暝色含天地一鳥向灞陵孤雲送行騎  
夫君多述作而我常諷味賴有瓊瑤資能寬別離思  
槐陰覆堂殿苔色上階砌鳥倦自歸飛雲閑獨容裔  
既將慕幽絕兼欲看定慧遇物忘世緣還家懶生計  
無生妄已息有妄心可制心鏡常虛明時人自淪翳

送徐羣宰望江

邵謁

古人力文學所務安疲昨今人力文學所務惟公卿  
大賢重邦本屈跡官武城勸民勤機杼自然國用升  
但見富貴者知食不知耕忽爾秋不熟儲廩焉得盈  
貢藝既精苦用心必公平吾道不遺賢霄漢期芳馨  
一夫若有德千古稱其英陶潛雖理邑崔烈徒台衡  
濁者必惡清賢者必惡明孤松自有色豈奪衆草榮  
爲刀若不利焉得宰牛名爲絲若不直焉得琴上聲  
好去立高節重來振羽翎

送令狐岫宰恩陽

韋應物

大雪天地閉羣山夜來晴居家猶苦寒子有千里行

唐詩類苑

卷之四十九

三六

行行安得辭荷此蒲壁榮賢豪爭追隨飲餞出西京  
樽酒豈不懷暮春自有程離人起視日候御促前征  
逶遲歲已窮當造巴子城和風被草木江水日夜清  
從來知善政誰別慰友生

答長寧令楊轍

韋應物

皓月升林表公堂滿清輝嘉賓自遠至賜飲夜何其  
率邑視京縣歸來無寸資環文溢衆寶雅正得吾師  
廣川含澄澗茂一作芳樹擢華滋短才何足數枉贈愧  
妍詞歡晤良見屬素懷亦已披何意雲栖翰不嫌蓬  
艾卑但恐河漢沒回車首路岐

同王僕射山亭餞岑廣武義得言字

張說

聞道長岑今舊翼宰旅門長安東陌上送客滿朱軒  
琴爵留佳境山池借好園茲遊恨不見別後綴離言

送王叟自羽林赴永昌令 張說

將星移北落神兩避東京爲負剛腸譽還追強項名  
白雲向伊闕黃葉散昆明多謝絃歌宰稀聞桴鼓聲

餞康郎中洛陽令 沈佺期

一臺推往妙三吏佇來脩應宰鳥還集辭郎雉少留  
郊筵乘落景亭傳理殘秋願以弦歌暇芝蘭想舊遊

唐詩類苑 卷之四十九 三

贈崔秋浦三首 李白

吾愛崔秋浦宛然陶令風門前五楊柳井上二梧桐  
山鳥下廳事簷花落酒中懷君未忍去惆悵意無窮

二

崔令學陶令北窓常晝眠抱琴時弄月取意任無絃  
見客但傾酒爲官不愛錢東臯春事起種黍早歸田

三

河陽花作縣秋浦玉爲人地逐名賢好風隨惠化春  
水從天漢落山逼畫屏新應念金門客投沙弔楚臣

送宇文舍人出宰元城 岑參

雙鳬出未央千里過河陽馬帶新行色衣聞舊御香  
縣花迎墨綬關柳拂銅章別後能爲政相思淇水長

送張升卿宰新淦 岑參

官柳葉尚小長安春未濃送君潯陽宰把酒青門鐘  
水驛楚雲冷山城江樹重遙知南湖上祗對香爐峰

奉送從兄宰晉陵 韋應物

東郊暮草歇千里夏雲生立馬愁將夕看山獨送行  
依微吳苑樹迢遞晉陵城慰此斷行別邑人多頌聲

送李輦赴延陵令 劉長卿

清風李子邑想見下車時向水彈琴靜看山採菊遲

唐詩類苑 卷之四十九 三

明君加印綬廉使託惇嫫旦暮華陽洞雲峯若有期

送淮陰孫令之官 溫庭筠

隋堤楊柳煙孤棹正悠然蕭寺通淮戍蕪城枕楚壩  
魚鹽橋上市燈火雨中船故老青葢岸先知宓子賢

送龍門令劉滄 張喬

去宰龍門縣應思變化年還將魯儒政又與晉人傳  
岷壁開中古長河落半天幾鄉因勸勉耕稼滿雲煙

送許棠先輩之官涇縣 鄭谷

白頭新作尉縣在古山中高第能卑宦前賢尚此風  
蕪湖春蕩漾梅雨晝溟濛佐理人安後篇章莫廢功

贈富平李宰

鄭谷

夫君清且貧琴鶴最相親簡肅諸曹事安閑一境人  
陵山雲裏拜渠路雨中巡易得連宵醉千缸石凍春

送陸士倫宰義興

李嘉祐

陽羨蘭陵近高城帶水間淺流通野寺綠苔蓋春山  
長吏先愁罷遊人詎肯還知君日清淨無事掩重關

送王汶宰江陰

包何

郡北乘流去花間竟日行海魚朝滿市江鳥夜喧城  
止酒非關病援琴不在聲應緣五斗米數日滯淵明

送友人宰湘陰

李端

唐詩類苑 卷之四十九 三十九  
從宦舟行遠浮湘又入閩兼葭無朔鴈枉枯有蠻神  
傳吏閑調象山精暗訟人唯須千樹橘暫救李衡貧

送人宰浦城

林寬

東南猶阻寇梨嶺更誰登作宰應無俸歸船必有僧  
攤平眠獺石燒斷飲猿藤歲盡校殊最方當見異能

送姚宰任吉州安福縣

僧無可

落絮滿衣裳攜琴問酒水一作鄉掛帆南入楚到縣半  
浮湘吏散翠禽下庭閑斑竹長人安宜遠泛沙上蕙

蘭香

送宜春裴宰是將軍旻之孫

僧無可

垂白方為縣徒一作從知大父雄山春南去棹焚收生  
飛鴻疊嶂和雲滅孤城與嶺通誰知持惠化一境動

清一作秋風

寄韓鵬

李頎

為政心閒物自閒朝看飛鳥暮飛還寄書河上神明  
宰羨爾城頭姑射山

寄綦母三

李頎

新加大邑綬仍黃近與單車去洛陽顧盼一過丞相  
府風流三接令公香南川梗稻花侵縣西嶺雲霞色

唐詩類苑

卷之四十九

四十

滿堂共道進賢蒙上賞看君幾歲作臺郎

餞康郎中洛陽令

沈佺期

洛陽舊出神明宰輦轂由來天地中餘邑政成何足  
貴因君取則四方同

道州將赴衡州酬別江華毛令

呂溫

布帛精麗任土宜疲人識信每先期明朝別後無他  
囑雖是蒲鞭也莫施

寄孫洛陽格

張籍

久持刑憲聲名遠好是中朝正直臣赤縣上來應足

亭青山老去未離身常思從省連歸馬乍覺同班少  
舊人遙愛南橋秋日晚兩邊楊柳映天津

送人宰永泰

方干

北人去泛南來水稱意山行莫恨賒道路先經毛竹  
嶺風煙漸近刺桐花舟傳漁浦猶爲客縣入樵溪似  
到家下馬政成王事少應容關吏日高衙

送永嘉王令之任二首

方干

定擬孜孜化海壖須拚素髮悔流年波濤不應雙溪  
水分野長如二月天浮客若容開荻地釣翁應免稅  
苔田前賢未必全堪學莫讀當時歸去篇

唐詩類苑

卷之四十九

四十一

雖展縣圖如到縣五程猶入縉雲東山間閣道盤巖  
底海界孤峯在浪中禮法未聞雖漢制土宜多說似  
吳風字人莫用非常術唯要旬時便立功

贈南昌宰

張蠙

假邑邀真邑命分明庭元有至公存每鋤奸弊同荆  
棘唯撫孤惻似子孫折獄不曾偏下筆靈襟長是大  
開門新衙便合兼朱紱應待蒼生更舉論

贈東川梓潼縣韋德孫長官

羅鄴

前代高門今宰邑懷才重義古來無笙歌厭聽吟清

句京洛思歸展畫圖蜀醞天寒留客醉隴禽山曉隔  
簾呼何年期拜朱旂貴馬上論詩在九衢

送友人罷舉授南陵令

秦韜玉

共言愁是酌離杯况值絃歌枉大才獻賦未爲龍化  
去除書猶喜鳳銜來花明驛路燕脂暖山入江亭卷  
畫開莫把新詩題別處謝家臨水有池臺

早春送郎官出宰

張隨

仙郎今出宰聖主正憂民紫陌軒車送丹墀雨露新  
趨程猶犯雪行縣正逢春粉署時迴首銅章已在身  
鳴琴化欲展起草戀空頻今日都門外悠悠別漢臣

唐詩類苑

卷之四十九

四十二

送前南昌崔令替任映攝新城縣

五年苛政甚蟲螟深喜夫君已戴星大族不唯專禮  
樂上才終是惜生靈亦知單父琴猶在莫厭東歸酒  
未醒二月春風何處好亞夫營畔柳青青

丞

送上虞丞

權德輿

越郡佳山水清江接上虞計程航一葦試吏佐雙鳬  
雲袂窺仙籍風謠驗地圖因尋黃絹字爲我弔曹盱

送苗贊赴陽翟丞

耿漳

夕陽秋草上去馬弟兄看年少初辭闕時危遠效官

山行獨晚兩旅宿二陵寒詩興生何處嵩陽羽客垣

重陽日送洛陽李丞之任 万 干

爲文通絕境從宦及良辰洛下知名早腰邊結綬新  
且傾浮菊酒聊拂染衣塵獨恨滄州侶愁來別故人

答長安丞裴稅

韋應物

出身忝時士於世本無機爰以林壑趣遂成頑鈍姿  
臨流意已淒采菊露未稀舉頭見秋山萬事都若遺  
獨踐幽人蹤邈將親友違髦士佐京邑懷念枉貞詞  
久雨積幽抱清罇宴良知從容操劇務文翰方見推  
安能戢羽翼顧此林栖時

唐詩類苑

卷之四十九

四三

送山陰姚丞攜妓之任兼寄山陰蘇少府

韓 翃

東風百草路南客心容與白晝吳王孫青娥柳安女  
都門數騎出河口片帆舉夜簾眠橘洲春山傍楓嶼  
山陰政簡甚從容到罷唯求物外蹤落日花邊剡溪  
水晴煙竹裏會稽峯才子風流蘇伯玉同官曉暮應  
相逐加餐共愛鱸魚肥醒酒仍憐甘蔗熟知君鍊思  
本清新季子如今德有隣他日如尋始寧墅題詩早  
晚寄西人

寄昭應王丞

楊巨源

武皇金輅輾香塵每歲朝元及此辰光動泉心初浴  
日氣蒸山腹總成春謳歌已入雲韶曲詞賦方歸侍  
從臣瑞靄朝朝猶望幸天教赤縣有詩人

唐詩類苑卷第五十

明雲間張之象玄超甫纂輯

孫齊顏伯復甫編次

雲間王微叔朗甫補訂

梁谿曹仁孫伯安甫校正

職官部

明府

送李明府赴滑州

韓翃

渭城寒食罷送客歸遠道烏帽背斜暉青驪踏春草  
酒醒孤燭夜衣冷千山早去事沈尚書應憐詞賦好

唐詩類苑

卷之五十

送梁李二明府

陳子昂

負書猶在漢懷策未聞秦復此窮秋日方樽別故人  
黃金裝屨盡白首契逾新空美雙鳬鳥俱飛向玉輪

送武進鄭明府

宋之問

絃歌試宰日城闕賞心違北謝蒼龍去南隨黃鵠飛  
夏雲海中出吳山江上微昨歌豈云遠從此慶緇衣

贈澧陽韋明府

張九齡

君有百鍊刃堪斷七重犀誰開太阿匣持割武城鷄  
竟與尚書佩還應天子提何時遇操宰當使玉如泥

送方城韋明府

王維

遙思葭葦際寥落楚人行高鳥長淮水平蕪故郢城  
使車聽雉乳縣鼓應鷄鳴若見州從事無嫌手板迎

送趙十七明府之縣

杜甫

連城爲寶重茂宰得才新山雉迎舟楫江花報邑人  
論交翻恨晚卧病却愁春惠愛南翁悅餘波及老身

敬簡王明府

杜甫

華縣郎官宰周南太史公神仙才有數流落意無窮  
驢病思偏秣鷹秋怕苦籠看君用高義耻與萬人同

送武進韋明府

錢起

理邑想無事鳴琴不下堂井田通楚越津市半漁商

唐詩類苑

卷之五十一

送榆次林明府

韋應物

無嗟千里遠亦是宰王畿策馬雨中去逢人關外稀  
邑傳榆石在路遶晉山微別思方蕭索新秋一葉飛

送唐明府赴溧水

三任縣事

韋應物

三爲百里宰已過十餘年祇嘆官如舊旋聞邑屢遷  
魚鹽濱海利薑蔗傍湖田到此安昨俗琴堂又晏然

送長沙韋明府

郎士元

秋入長沙縣蕭條旅宦心煙波連桂水官舍映楓林  
雲日楚天暮沙汀白露深遙知訟堂裏佳政在鳴琴

送義烏韋明府

獨孤又

妙年能致身陳力復安親不憚關山遠寧辭薄力  
過江雲滿路到縣海為嗟每嘆違心賞吳門正早春

送李明府赴連州

韓翃

萬里回南湘孤舟入桂陽諸侯近上客小吏拜官郎  
春報種花細初筵木槿芳看承雨露速不待荔枝香

烏程贈楊華明府

秦系

策杖政成時清溪弄釣絲當年潘子貌避病沈侯詩  
漉酒迎賓急看花署字遲楊梅今熟未與我兩三枝

留別解縣韓明府

耿漳

唐詩類苑

卷之五十一

三

聞人州縣賦賤士友朋譏朔雪逢初下秦關獨暮歸  
寒茅下原淺殘雨過風微一路何相慰唯君能政稀

送崔明府赴青城

耿漳

清冬賓御出蜀道翠微間遠霧開羣壑初陽照近關  
霜潭浮紫菜雪棧繞青山當似遺民去柴桑政自閑

送樂平苗明府

司空曙

天際山多處東安古邑深綠田通竹里白浪隔楓林  
詩有江僧和門唯越客尋應將放魚一境表吾心

送永陽崔明府

司空曙

國羣舒地前當桐柏關連綿江上雨稠疊楚南山

沙館行帆息楓州候吏還乘籃若有暇精舍在林間

送菊潭王明府

司空曙

業成洙泗客皓髮着儒衣一與遊人別仍聞帶印歸  
林多宛地古雲盡漢山稀莫愛潯陽隱嫌官計亦非

送鄒明府遊靈武

賈島

曾宰西畿縣三年馬不肥債多平一劍與官滿載  
書歸邊雪藏行徑林風透卧衣靈州曉角客館未

開扉

送南康姚明府

賈島

銅章美少年小邑在南天版籍多遷客封疆接洞田

唐詩類苑

卷之五十一

四

靜江鳴野鼓發纜帶村烟却笑陶元亮何須憶醉眠

寄第五明府韓明府

晚秋東

耿漳

步出青門去疎鐘隔上林四郊多難日千里獨歸心  
暮鳥聲偏苦秋雲色易陰亂墳松柏少野徑草芽深

廣陵送剡縣薛明府赴任

許渾

侯家大道傍蟬噪樹蒼蒼開鑠洞門遠下簾賓館涼  
欄圍紅葉盛架引綠蘿長永日一欵枕故山雲水鄉

送陸明府之盱眙

崔峒

陶令之官去窮愁慘別魂白烟橫海戍紅葉下

淮村澹浪遙山郭平蕪到縣門政成堪吏隱免負府  
公恩

送菊潭王明府

盧綸

組綬掩衰顏輝光里第間晚涼經灞水清晝入商山  
行境逢花發彈琴見鶴還唯應理農後鄉老賀君閑

送陳明府赴萍縣

盧綸

素舸載陶公南隨萬里風梅花成雪嶺橘樹當家僮  
祠掩荒山下田開野荻中歲終書善績應與占碑同

送朝邑張明府

北公善琴或送夏縣

盧綸

千室暮山西浮雲與樹齊剖辭雲落紙擁吏雪成泥

唐詩類苑

卷之五十

五

野火蘆千頃河田水萬畦不知琴月夜誰得聽馬啼

送樂平苗明府

盧綸

累職比柴桑清秋入楚鄉一船燈照浪兩岸樹凝霜  
亭吏趨寒霧山城飲曙光無辭折腰久仲德在鴛行

緱氏韋明府廳

周賀

貴邑秋風滿誰同上宰心杉松出郭外雨電下嵩陰  
度鴈方離壘來僧始別岑西池月纔迴會接一宵吟

贈華陰李明府

曹松

佩墨縣蕪清約關西近城三峯豈不重厚地戴猶輕  
雪篠歎難直風泉噴易橫須知高枕外長是勸民耕

送王明府

戴叔倫

古井庇幽亭涓涓一竇明仙源通海水靈液孕山精  
久旱寧同涸長年祇自清欲彰貞白操酌獻使君行

送樂平苗明府得家字

李端

本自求彭澤誰云道里賒山從石壁斷江向弋陽斜  
草色隨風樹雲陰暗荻花諸侯舊調鼎應重宰臣家

贈衡山麋明府

曹松

爲縣瀟湘水門前樹配苔晚吟公籍少春醉積林開  
滌硯松香起擎茶岳影來任官當此境更莫夢天台

送沅江宋明府即開府璟之孫

僧無可

唐詩類苑

卷之五十

六

初聞從事日鄂渚動芳菲一遂鈞衡薦今爲長吏歸  
人臨沅水望鴈映楚山飛唯有傳聲政家風重發揮

贈餘干袁明府

曹松

一雨西成邑陶家心自清山衙中郭分雲卷下湖程  
公署聞流水人烟入廢城難忘楚盡處新有越吟生

贈雷鄉張明府

曹松

任官征戰後度日寄閑身封卷還高客飛書問野人  
廢田教種穀生路遺尋新若起柴桑興無先漉酒巾

送淮陰丁明府

朱慶餘



之官未入境已有愛人心遺愛同中路停舟對遠  
島聲淮浪靜雨色稻苗深暇日公門掩唯應伴客吟

送金華王明府

韓翃

縣舍江雲裏心閑境又偏家貧陶令酒月俸沈郎錢

送袁明府任長江

別離楊柳青樽酒表丹誠古道攜琴去深山見峽迎  
暖風花繞樹秋雨草沿城自此長江內暮夜大鷺

與清溪趙明府

方干

清窺軒轅府獨立與誰親遂性無非癖求官只愛貧  
林泉應入夢綬印莫留人王事聞多暇吟來幾首新

唐詩類苑

卷之五十

送汝上王明府之任

方干

何時到故鄉歸去佩銅章親友移家盡閭閻百戰傷  
背關餘草木出塞足風霜遺老應相賀知君不下堂

送合宮蘇明府

宋之問

鉉府誕英規公才天下知謂乘羔鴈族繼入鳳皇池  
赤縣求人隱青門起路岐程廻車少別鳬化鳥遙馳  
神哭周南境童歌渭北陲賢哉荀奉倩衣職佇來儀

送合宮蘇明府

張說

都邑羣方首商泉萬俗訛變風須愷悌成化佇絃歌  
疇昔珪璋友雍容文雅多振纓遊省闈鏘玉宰京河

別曲鸞初下行軒雉尚過百壺非餞意流詠在人和

遇盧明府有贈

高適

良吏不易得古人今可傳靜然本諸已以此知其賢  
我行挹高風美爾兼少年胸懷豁清夜史漢如流泉  
明日復行春遠迤出郊壇登高見百里桑野鬱芊芊  
時平俯鵲巢歲熟多人烟奸猾唯閉戶逃亡歸種田  
廻軒自郭南老幼滿馬前皆賀蠶農至而無徭役牽  
君觀黎庶心撫之誠萬全何幸逢大道願言烹小鮮  
誰能奏明主一試武城絃

贈興平鄭明府

耿漳

唐詩類苑

卷之五十

海內兵猶在關西賦未均仍勞持斧使尚宰茂陵人

遙夜重城掩清宵片月新綠琴聽古調白屋被深仁  
跡與儒生合心唯靜者親深情先結契薄宦早趨塵  
貧病休何日艱難遇此身悠悠行遠道冉冉過良辰  
明主知封事長沮笑問津恓惶忽相見欲語淚霑巾

贈岐山姜明府

李端

昨夜聞山雨歸心便似遲幾回驚葉落卽到白頭時  
鴈影將魂去蟲聲與淚期馬卿病老宋玉對秋悲  
謝客纔爲別陶公已見思非關腹累自是雪霜姿  
釀酒裁黃菊炊粳折綠葵山河遠人望風日正宜詩

牧豎寒騎馬邊峰晚立旗蘭彫猶有氣柳脆不成絲  
別後如相問高僧知所之

送姚明府赴招義縣

僧無可

濠梁古縣城結束赴王程道路攜家去波濤隔月行  
車臨芳草下吏踏落花迎暮郭山遙見春洲鳥不驚  
風烟譙國遠桑柘楚田平何以書能化長淮澈海青

寄寧海李明府

周賀

山縣風光異公門水石清一官居外府幾載別東京  
故疾梅天發新詩雪夜明家貧思減選時靜憶歸耕  
抱跡窮書義澄心得獄清夢靈邀客解劍古揀人呈

唐詩類苑

卷之五十

九

守月通宵坐尋花迥路行從疎愛知道何慮白髭生

別徐明府

賈島

抱琴非本意生事偶相縈口尚衰安節身無子賤名  
地春寒雪盛山淺夕風輕百戰餘荒野千夫漸偶耕  
一杯宜獨夜孤客戀交情明日疲驂去蕭條過古城

出豐縣界寄韓明府

劉長卿

迴首古原上未能辭舊鄉西風收暮雨隱隱分芒碭  
賢友此爲邑令名滿徐方音容想在眼暫若升琴堂  
疲馬顧春草行人看夕陽自此傳尺素誰爲論中腸

贈別成明府赴劔南

韓翃

朝爲三室印晚爲三蜀人遙知下車日正及巴山春  
縣道橘花裏驛流水濱公門輒無事實地能相親  
解衣初醉綠芳夕應採蹲鴟薦佳客霽光遠映西川  
時聞望碧鷄飛古祠愛君樂事佳興發天外銅梁多  
夢思

送別鄭明府

韓翃

長頭大鼻鬚如雪早歲連兵劍鋒折千金盡去無斗  
儲雙袖破來空百結獨戀郊扉已十春高陽酒徒連  
此身路傍誰識鄭公子谷口應知漢遯人兒女相悲  
探井臼前功豈在他人後勸君不得學淵明且策驢

唐詩類苑

卷之五十

十

車辭五柳

寄雍丘竇明府

韓翃

少年結綬騁金羈許下如看瓊樹枝入里親過朗陵  
伯出門高視潁川兒西遊太府東乘傳泗上諸侯誰  
不美時輩寧將白筆期高流竚向丹霄見何事翻飛  
不及羣虎斑突騎來紛紛吳江垂釣楚山醉身寄滄  
波心白雲中歲胡塵靜如掃一官又罷行將老薛公  
薦士得君初領黃金千室餘機盡獨親沙上鳥家  
貧唯愛釜中魚出重門烟樹裏  
物吟詩對暮天懷倚杖臨秋水別離幾日問前

斯鳴鴈亭邊人去時獨坐不堪朝與夕高風蕭索

蟬悲

別李明府

韓翃

寵光五世腰青組出入珠宮引簫鼓醉舞雄王玳瑁  
牀嬌嘶駿馬珊瑚柱胡兒來鼓越婢隨行捧玉盤嘗  
荔枝羅山道士請人送林邑使臣調象騎愛君一身  
遊上國闕下名公如舊識萬里初懷印綬歸湘江過  
盡嶺花飛五侯焦石烹江筍千戶沉香染客衣別後  
想君難可見蒼梧雲裏空山縣漢苑芳菲入夏蘭待  
君障日蒲葵扇

唐詩類苑

卷之五十

十一

送馬明府赴江陵

錢起

陶令南行心自永江天極目澄秋景萬室遙方犬不  
鳴雙鳬下處人皆靜清風高興得湖山門柳蕭條雙  
翟閑黃花滿把應相憶落日登樓北望還

送宇文遷明府赴洪州張觀察追攝豐城令

時長濟亦  
在此州

劉長卿

送君不復遠爲心余亦扁舟湘水陰路逐山光何處  
盡春隨草色向南深陳蕃待客應懸榻宓賤之官獨  
抱琴儼見主人論謫宦爾來空有白頭吟

贈江都鄭明府

張翥

他人豈是稱才術才術須觀力有餘兵亂幾年  
邑公清終日似閑居牀頭怪石神仙畫篋裏華牋將  
相書更欲栖蹤近彭澤香爐峯下結茅廬

贈同官李明府

崔峒

訟堂寂寂對烟霞五柳門前聚曉鷗流水聲中視公  
事寒山影裏見人家觀風競美新爲政計日還知舊  
應更觸邪可惜陶潛無限酒一作興不逢雛菊正開花

送齊明府赴東陽

韓翃

綠絲帆桂爲檣過盡淮山楚水長萬里移家背秦  
穀一官行府向東陽風流好愛杯中物豪蕩仍欺陌

唐詩類苑

卷之五十

十一

上郎別後心期如在眼猿聲烟色樹蒼蒼

送丁明府赴紫溪住

羅隱

金徽玉軫肯躊躇偶滯良途半月餘樓上酒闌梅堦  
後馬前山好雪晴初樂公社在憐鄉樹潘令花繁賀  
版輿縣譜莫辭留舊本異時時度更何如

贈山陰崔明府

方干

用心何況兩衙間退食孜孜亦不閑壓酒曬書猶檢  
點修琴取藥似交關笙歌入夜舟中月花木知春縣  
裏山平叔正堪湯餅試風流不合問年顏

贈鄭明府

黃滔

庭羅衙吏眼看山真恐風流是謫仙垂柳五株春亞  
姹鳴琴一弄水潺湲援毫斷獄登殊考駐樂題詩得  
出聯莫起陶潛折腰歎才高位下始稱賢

送李明府之任南海

皮日休

五羊城在蜃樓邊墨綬垂腰正少年山靜不應聞屈  
鳥草深從使翳貪泉蟹奴晴上臨湖檻燕婢秋隨過  
海船一事與君消遠宦乳蕉花發訟庭前

奉和送李明府之任南海

陸龜蒙

春盡之官直到秋嶺雲深處凭龍樓居人愛近沈珠  
浦候吏多來拾翠洲寶稅盡應輸紫貝蠻童多學佩

唐詩類苑

卷之五十

十三

金鈎知君不戀南枝久拋却經冬白蜀裘

送陳明府歸衡陽

黃滔

鵲鶴兼留下單車出柳烟三年兩殊考一日數離筵  
久別湖波綠相思嶽月圓翠羅曾隱處定恐卻求仙

與桐廬鄭明府

方干

字人心苦運神明何止重門夜不扃莫道耕田全種  
秫兼聞退食亦逢星映林穎免停琴望隔水寒猿駐  
筆聽却恐南山盡無石南山有石合爲銘

贈雲陽縣裴明府

韋莊

南北三年一解攜海爲深谷岸爲蹊已聞陳勝心降

漢誰爲田橫國號齊暴客至今猶戰鶴故人何處尚  
驅鷄歸來能作烟波伴我有漁舟在五溪

贈旌德呂明府

黃滔

渥洼步數太阿姿爭遣王侯不奉知花作城池入官  
處錦隨刀尺少年時兩衙斷獄兼留客三考論功合  
樹碑須信隔簾看刺史錦章朱紱已葳蕤

嘉興許明府

方干

橋李轉聞風教好重門夜不上重關腰懸墨綬三年  
外身去青雲一步間勤苦字人酬帝力從容對客問  
家山升沉路別情猶在不忘鄉中舊往還

唐詩類苑

卷之五十

十四

贈林居袁明府

方干

隔竹每呼皆得應二心親熟更如何文章鍛鍊猶相  
似年齒參差不校多雨後捲簾看越嶺更深欹枕聽  
湖波朝昏幸得同醒醉遮莫光陰自下坡

寄陸渾趙明府

張籍

與君學省同官處常日相隨說道情新作陸渾山縣  
長早知三禮甲科名郭中時有仙人住城內應多藥  
草生公事稀疎來客少無妨着履獨閑行

送校江劉明府

張籍

老着青衫爲楚宰平生志業有誰知家僮從去愁行

遠縣吏迎來怪到遲定訪玉泉幽院宿應過碧澗早  
茶時向南漸漸雲山好一路唯聞唱竹枝

贈桐廬房明府先輩

許渾

帝城春榜謫靈仙四海聲華二十年闕下書功無後  
輩卷中文字掩前賢官閑每喜江山靜道在寧憂雨  
露偏自笑小儒非一鶚亦趨門屏實相憐

寄宋明府

黃滔

北闕秋期南國身重關烟月五溪雲風蟬已有數聲  
急賴在陶家柳下聞

寄湘中鄭明府

黃滔

唐詩類苑

卷之五十

五

縣與白雲連滄洲况縣前嶽僧同夜坐江月看秋圓  
琴拂莎庭石茶擔乳洞泉莫耽雲水興疲俗待君痊

贈宿松楊明府

黃滔

溪上家家禮樂新始知爲政異常倫若非似水清無  
底爭得如水凜拂人月狘聲和琴調咽烟村景接柳  
條春宦遊兼得逍遙趣休憶三吳舊釣津

送上元王明府赴任

許渾

莫言名重懶驅鷄六代江山碧海西日照兼葭明楚  
塞烟分楊柳見隋堤荒城樹暗沈書浦舊宅花連畝  
畫溪官滿定知歸未得九重霄漢有丹梯

贊府

送元贊府重任龍門縣

盧綸

二職亞陶公歸程與夢同柳垂平澤內魚躍大河風  
混跡威長在孤清志自雄應嗤向隅者空寄路塵中

少府

鉅鹿贈李少府

高適

李侯雖薄宦時譽何藉藉駿馬常借人黃金每留客  
投壺華館靜縱酒涼風夕卽此遇神仙吾忻知損益

答侯少府

高適

常日好讀書晚年學垂綸漆園多喬木睢水清粼粼

唐詩類苑

卷之五十

二六

詔書下柴門天命敢逡巡赫赫三伏時卜日到咸秦  
褐衣不得見黃綬翻在身吏道頓羈束生涯難重陳  
北使經大寒關山饒苦辛邊兵若芻狗戰骨成埃塵  
行矣復勿言歸與傷我神如何燕趙陸忽偶平生親  
開館納征騎彈絃娛遠賓飄飄天地間一別方茲晨  
東道有佳作南朝無此人性靈出萬象風骨超常倫  
吾黨謝王粲羣賢推郗詵明時取秀才落日過蒲津  
節苦名已富祿微家轉貧因逢愧薄遊撫已荷陶鈞  
心事正堪盡離憂寧太火兩河歸路遙二月芳草新  
柳接漳沱暗鷺連渤海春誰謂行路難猥當希代珍

提握每終日相思猶比隣江海有扁舟丘園有角巾  
君意定何適我懷知所遵浮沉各異宜老大貴全真  
莫作雲霄計邊邊隨繯紳

訓談少府

李白

一尉居條忽梅生有仙骨三事或可羞匈奴哂千秋  
壯心屈黃綬浪跡寄滄洲昨觀荆峴作如從雲漢遊  
老夫當暮矣蹀足懼驂騑

贈瑕丘王少府

李白

皎皎鸞鳳姿飄飄神仙氣梅生亦何事來作南昌尉  
清風佐鳴琴寂寞道爲貴一見過所聞操持難與羣  
唐詩類苑 卷之五十 七  
毫揮魯邑訟目送瀛洲雲我隱屠釣下爾當玉石分  
無由接高論空此仰清芬

奉送魏六丈佑少府之交廣

杜甫

賢豪贊經綸功成空名垂子孫不振耀歷代皆有之  
鄭公四葉孫長大常苦饑衆中見毛骨猶是麒麟兒  
磊落正觀事致君樸直詞家聲蓋六合行色何其微  
遇我蒼梧陰忽驚會面稀議論有餘地公侯來未遲  
虛思黃金貴自笑青雲期長卿久病渴武帝元同時  
季子黑貂敝得無妻嫂欺尚爲諸侯客獨屈州縣卑

南遊炎海甸浩蕩從此辭窮途仗辟道世亂輕土宜  
解帆歲云暮可與春風歸出入朱門家華屋刻蛟螭  
玉食亞王者樂張遊子悲侍婢艷傾城綃綺輕霧霏  
掌中琥珀鍾行酒雙逶迤新歡繼明燭梁棟星辰飛  
兩情顧盼合珠碧贈於斯上貴見肝膽下貴不相疑  
心事披寫間氣酣達所爲錯揮鐵如意莫避珊瑚枝  
始兼逸邁興終慎賓主儀戎馬闢天宇嗚呼生別離

送沈少府之任淮南

劉長卿

惜君滯南楚枳棘徒棲鳳獨與千里帆春風遠相送  
此行山水好時物亦應衆一鳥飛長淮百花清雲夢  
唐詩類苑 卷之五十 八  
相期丹霄路遙聽清風頌勿爲州縣卑時來自爲用  
相看結離念盡此杯中醪吳代輕遠遊上才隨薄祿  
秦卿滯孫楚隱市同梅福吏散時泛絃賓來閑覆局  
襟情無俗慮談笑成逸躅此路足難聲美君多水宿

送信安劉少府

權德輿

送客南昌尉離亭西候春野苾苾看欲盡林鳥聽猶新  
別酒青門路歸軒白馬津相知無遠近萬里尚爲鄰  
送江陵泉少府赴任便呈衛荊州

送韋城李少府

張九齡

送江陵泉少府赴任便呈衛荊州

岑參

神仙吏姓梅人吏待君來渭北草新出江南花已開  
城邊宋玉宅峽口楚王臺不畏無知已荊州甚愛下

送江陵黎少府

岑參

悔繫腰間綬翻爲膝下愁那堪漢水遠更直楚山秋  
新橘香官舍征帆拂縣樓王城不敢住豈是愛荊州

送鄭少府赴滏陽

岑參

子真河朔尉邑里帶清漳春草迎袍色晴花拂綬香  
青山入官舍黃鳥度官牆若到銅臺上應憐魏寢荒

送楚丘麴少府赴官

岑參

青袍美少年黃綬一神仙微子城東面梁王苑北邊

唐詩類苑

卷之五

十九

桃花色似馬榆莢小於錢單父聞相近家書早爲傳

送盧少府使秦

孟浩然

楚關望秦國相去千里餘州縣勤王事山河轉使車  
祖筵江上列離恨別前書願及芳年賞嬌鶯二月初

送昆山孫少府

錢起

徇祿近滄海乘流看碧霄誰知仙吏去宛與世塵遙  
遠帆背歸鳥孤舟抵上潮懸知訟庭靜聽竹日蕭蕭

送開府盧少府

韋應物

雄藩車馬地作尉有光輝滿席賓常侍填街燭夜歸  
關河征旆遠烟樹夕陽微到處無留滯梁園花欲稀

送黎六郎赴陽翟少府

韋應物

試吏向嵩陽春山躑躅芳腰垂新綬色衣滿舊芸香  
喬樹別時綠客程關外長祗應傳善政日夕慰高堂

晚秋過蘇少府

耿漳

九江迷去住羣吏且因依高木秋垂露寒城暮掩扉  
垂雲心自遠看草伴應稀肯信同年友相望青瑣闥

贈安邑韓少府

耿漳

子真能自在江海意何如門掩疎塵吏心閑閱道書  
古城寒欲雪遠客暮無車杳杳思前路誰堪千里餘

送營城李少府

韓翃

懷祿兼就養更懷趨府心晴山東里近春水北門深  
新綬映芳草舊家依遠林還乘鄭小駟躑躅縣城陰

寄武陵李少府

韓翃

小縣春山口公孫吏隱時楚歌催晚醉蠻語入新詩  
桂水遙相憶花源暗有期郢門千里外莫怪尺書遲

送丹陽趙少府

即給事中  
親弟

盧綸

恭聞林下別來至亦沾棠蔭岸雨聲盡江天虹影長  
佩韋宗懶慢偷橘愛芳香遙想從公後稱榮在上堂

送鄭少府

賈島

江岸一相見空令惜此分夕陽行帶月酌水少留君



野地初燒草荒山過雪雲明年還調集蟬可在家人

題天長阮少府湖上客歸 僧法振

孤棹移官舍新農寄楚田晴林渡海日春草長湖烟  
卧對閑鷗戲談經稚子賢佳期更何許應向笑臺前

寄贈藍田韋少府先輩 鄭谷

王畿第一縣縣尉是詞人館殿非初意圖書是舊貧  
斫水泉竇響雪廟松春自此昇通籍清華日近身

贈姚合少府 張籍

病來辭赤縣案上有丹經為客燒茶竈教兒掃竹亭  
詩成添舊卷酒盡卧空鉗闕下今遺逸誰瞻隱士星

唐詩類苑 卷之五十 王

送李登少府 賈島

伊陽耽酒尉朗咏醉醒新應見嵩山裏明年躑躅春  
一千尋樹直三十六峯隣流水潺潺處堅貞玉澗珉

送單少府赴扶風 李端

少年趨盛府顏色比花枝范丐非童子楊脩豈小兒  
叨倍丈人行常恐阿戎欺此去雲霄近看君逸足馳

寄贈許璋少府 姚鵠

若說君高道何人更得如公庭唯樹石生計是琴書  
詩句峭無敵文才清有餘不知尺水內爭滯北溟魚

送雍丘任少府 李端

叢車餞才子路走許東偏遠水同春色繁花勝雪天

鳥行侵楚邑樹影向殷田莫學生鄉思梅真正少年

送丁少府往唐上 李端

因君瀾陵別故國一廻看共食田文飯先之梅福官  
江風傳日暮山月滿潮寒不得同舟望淹留歲月關

題雲陽高少府 儲嗣宗

大憊能兼濟軒牕逐勝開遠舍雲水思深得棟梁材  
吏散山逾靜庭閑鳥自來更憐幽砌色秋雨長莓苔

送楊少府赴陽翟即舍人之弟 李端

冠帶仁兄後光輝壽母前陸雲還入洛潘岳更張筵  
井邑嵩丘對園林潁水連東人欲相送旅舍已潸然

送顧少府 項斯

作尉年猶少無辭去路賒漁舟縣前泊山吏日高衙  
幽景臨溪寺秋蟬織杼家行程須過越先醉鏡湖花

送諸暨裴少府此公先人元相公判官 李端

山公訪稽紹趙武見韓侯事去恩猶在名成淚却流  
一官同北去千里赴南州才子清風後無貽相府憂

送王少府遊河南 李端

山公訪稽紹趙武見韓侯事去恩猶在名成淚却流  
一官同北去千里赴南州才子清風後無貽相府憂



馬卿方失意東去謁諸侯過宋人應少遊梁客獨愁  
鳥翻千室暮蟬急兩河秋僕本無媒者因君淚亦流  
冬夜姚李侍御宅送李郎少府

僧無可

王事珪峯下將還禁漏餘偶歡新歲近惜別後期疎  
雪罷見來吏川昏聊整車獨吟多暇日應寄柏臺書

送李少府之任臨邛

僧無可

邛南方作尉調補一何卑發論唯公幹承家乃帝枝  
山長風裏棧江陰石和澌舊井王孫宅還尋獨有期

送義興元少府

李端

唐詩類苑

卷之五十

三

逢君惠連第初命便光輝已得羣公祖終一作妨太  
傳譏路長人反顧草斷燕迴飛本是江南客還同衣

錦歸

送黎少府赴陽翟

李端

詩禮稱才子神仙是丈人玉山那惜醉金谷已無春  
白馬如風疾青袍奪草新不嫌鳴吠客願用百年身

送裴少府

張萬頃

夕膳思東周晨裝不少留酒中同關外起憂  
座濕秦山雨庭寒渭水秋何當鷹來拂故林遊

贈蕭少府

無然

上德如流水安仁道若山聞君秉高節而得奉清顏  
鴻漸昇台羽牛刀列下班處臆能不潤居劇理常難  
去詐人無諂除邪吏息奸欲知清與潔明月在澄灣

送顧少府之永康

馬戴

婺女星邊去春生卽有花寒關雲復雪古渡草連沙  
宿次吳江晚行侵日微斜官傳梅福政縣顧赤松家  
燒起明山翠潮迴動海霞清高宜閱此莫嘆近天涯

東潭宴餞河南趙少府

盧綸

十載奉戎軒日聞君子言方將駕榮爵遂乃捨離樽  
岸轉臺閣麗潭清絃管繁松篁難晦節雨露不私恩

唐詩類苑

卷之五十

四

坐使吏相勉居爲儒所尊可憐桃李樹先發信陵門

送修武元少府

錢起

才祿榮色養此行寧嘆惜自今黃綬采蘭時不厭丹  
墀芳草色百戰荒城復井田幾家春樹帶人烟黎甿  
久厭蓬飄苦遲爾西南惠月傳

寄劉少府

朱慶餘

唯愛圖書兼古器在官猶自未離貧更聞縣去青山  
近稱與詩人作主人

中書舍人李座上送潁陽徐少府

盧綸

潁陽春色似河陽一望繁花一縣香今日送官君  
恨可憐才子自鬚長

同顏少府旅宦秋中 高適

傳君昨夜悵然悲獨坐新齋未落時逸氣舊來凌燕  
雀高才何得混妍媸跡留黃綬人多嘆心在青雲世  
莫知不是鬼神無正直從來州縣有瑕疵

送河南陸少府 錢起

雲間陸生美且奇銀章朱綬映金羈自料抱材將致  
遠寧嗟趨府暫牽卑東城社日催巢鴈上苑秋聲散  
御梨朝夕詔書還柏署行看飛隼集高枝

唐詩類苑 卷之五十一

送長史李少府入蜀 韓翃

行行獨出故關遲南望千山無盡期見舞巴童應暫  
笑聞歌蜀道又堪悲孤城晚閉清江上匹馬寒嘶白  
露時別後此心君自見山中何事不相思

送王少府歸杭州 韓翃

歸州一路轉青蘋更欲隨潮向富春吳郡陸機稱地  
主錢塘蘇小是鄉親葛花滿地能消酒梔子同心好  
贈人早晚重過魚浦宿遙憐佳句篋中新

贈咸陽李少府 李遠

美貌雄才已少齊寶書仙簡兩看題金刀片片裁新

錦玉步重重上舊梯鵬到碧天排霧去鳳遊瓊樹  
枝棲蓬瀛宴罷試迴首一望塵中路正迷

送江少府授延陵後寄 伍喬

五老雲中勤學者遇時能不困風塵東書西上謁明  
主捧檄南歸慰老親別館友朋留醉久去程烟月入  
吟新英因官小慵之任自古登樓有異人

送大谷高少府 耿漳

縣屬并州北近胡悠悠此別宦仍孤應知史筆思循  
吏莫料轅門笑魯儒古塞草青宜牧馬春城月暗好  
啼烏凋殘貴有親仁術梅福何須去隱吳

唐詩類苑 卷之五十一

送沈卓少府任江都 許渾

煬帝都城春水邊笙歌夜上木蘭船三千宮女自塗  
地十萬人家如洞天艷艷花枝官舍晚重重雲影寺  
牆連少年作尉須兢慎莫向樓前墜馬鞭

贈蕭山彭少府 方干

作尉孜孜更寒苦操心至癖不為清雖將劍鶴支錢  
債猶有歌篇取盛名盡擬勤求為弟子皆將疑義問  
先生與君相識因儒術歲月彌多別有情

贈上虞胡少府 方干

求仙不在煉金丹輕舉由來別有門日晷未移三十

刻風騷已及四千言宏才尚遺居卑位公道何曾雪  
至冤歛板塵中無恨色應緣利祿副晨昏

贈會稽張少府

方干

高節何曾似任官藥苗香潔備常餐一分酒戶添猶  
得五字詩名憶卽難笑我無媒生鶴髮知君有意借  
漁竿明年莫便還家去鏡裏雲山且去看

送舒州宿松縣傅少府

羅隱

離江漠漠樹重重東過清淮到宿松縣好也知臨浣  
水官閑應得看清峯春生綠野吳歌起暮雪平都楚  
酒濃留取餘杯待張翰明年歸得一從容

唐詩類苑

卷之五十

五七